






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4416/A/2





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4416/A/2



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4416/A/2

4416 (2)

A/2.

Medicine

A. xxix. Mon

ex libris cypriani —
martin D. M. facultatis —
monsipulienfis.

[Faint, illegible handwriting]

[Handwritten symbol or letter]

53000
CONSULTATIONES DE VARIO

RVM MORBORVM CVRATIONIB.
IO. BAPTISTAE MONTANI VERONEN-
sis, philosophorum ac medicorū omnium
sui temporis facile principis, primū à Va-
lentino Lublino summa dili-
gentia collectæ atq;
æditæ,


NUNC AVTEM OPERA ET
studio Hieronymi Donzellini, & Philippi Bechij,
medicorum præstantiss. primæ centuriæ,
adhuc dimidia, eiusdem auto-
ris, accessit,

QVAE AB INFINITIS, QVIBVS SCA-
tebat, mendis vindicatæ, atq; ita recogni-
tæ sunt, vt suo iam demum autore
dignæ esse videantur.

Cum indice & rerum & verborum memo-
rabilium locupletissimo.

BASILEÆ APVD MICHAEL-
lem Isingrinium M. D. L. VII.

-1557-



CLARISSIMO VIRO,

PIETATE, VIRTUTE AC ERV-
tione eximio, domino Martino à Drembeck,
Medicæ facultatis Lipsensis Doctori atq; Deca-
no dignissimo, Domino ac præceptori
suo, Philippus Bechius
S. P. D.



N T S I totam philosophiam, laudata-
rum artium procreatricē quandam,
et quasi parentem, frugiferam atq;
fructuosam esse, nec ullam eius par-
tem incultam atq; desertam inuenio,
Martine doctissime atq; integerrime, tamen nullam in
ea, meo quidem iudicio, partem, ipsa medicina feracio-
riorem, neq; uberiores aut præstantiores esse planè
existimo. Video enim philosophiæ, animi solùm cultu-
ram atq; medelā à philosophis attribui, corporis autē
curam, quæ æquè necessaria est, adimi: sed medicinam,
quod est longè quidem præclarius atq; exoptabilis,
artem curatricem et corporis et animi esse, quæ non
modò vitia radicitus extrahat, animosq; ad satus feli-
ces accipiendos præparet atq; instruat, sed foris etiam
salutaria et cōuenientia corpori remedia applicet at-
que præscribat. Id uerò quàm sit ueritati consentaneū,
saluberrima ac uetustissima Hippocratis, Gal. et om-
nium Græcorum medicorū dogmata satis abundè de-
clarant. Qua nimirum ratione efficitur, ut medicina,
quæ principia sua, ex his quæ de natura sunt, mutua-

tur, in rebus singularibus longè difficilima, pulcher-
 rima & præstantissima habeatur. Quæ sanè post illa
 florentissima Græcorū medicorum tempora, ad hanc
 usq; nostrā ætatem, ob uasta, confusa, perplexa q; Bar-
 barorum medicorum scripta, adeò contempta, negle-
 cta q; iacuit, ut per aliquot secula partim sepulta, atq;
 ex genere & cōsortio humano abrepta, diu multum q;
 delituerit, partim etiam tanquā indigestum quoddam
 cōfusum q; chaos manserit, atq; Cimmerijs quasi tene-
 bris inuoluta, situm ueternum q; cōtraxerit, tota q; fe-
 rè prostrata, succubuerit, nisi illam, totius Italiæ cele-
 berrimi uiri, singulari pietate, uirtute, atque omni do-
 ctrinarum genere ornatissimi, è uita humana sublatam
 atque deperditā, diuinitus quodammodò reparassent,
 sepultam atq; demortuam excitassent, tum ex densissi-
 mis tenebris, in lucem exoptatissimam uindicassent, si-
 tu q; absterfo, in nitorem quasi pristinum summo stu-
 dio & labore reuocassent. Cœpit autē medica ars, ut no-
 sti, eo tempore quo tu quidem in Italia, studiorū om-
 niū fidiissima alūna, tam philosophiæ quàm medicinæ,
 diligentē sedulam q; operam, sub doctissimis atq; opti-
 mis præceptorib. nauabas, ut plurimū reuirescere, &
 sub Leoniceno doctissimo MONTANI præceptore,
 qui tam scribendo, quàm docendo ac profitendo me-
 dicam facultatem fideliter adiuuit, atque in posteros
 propagauit, fructus longè uberrimos producere.
 MONTANVS uerò, qui Leoniceni doctrina usus est,
 post sui fidelissimi præceptoris obitū, medicinā è Bar-
 baro-

barorum manibus, pro sua quidem uirili, cum summa laude, & admiratione omnium, eruere uelis remisq; cōtēdit, fructusq; amplissimos in lucē protulit, dum Gordianos illos in re medica nodos tam eleganter atq; dilucidē explicauit, atq; ea, quæ ut chaos, confusa indigestaq; fuere, certa rectaq; methodo cōponens, in nouam rerum faciē feliciter digessit. In qua sanē facultate, taceo reliquas, adeo uir ille, doctrina, morumq; sanctitate ornatiss. excelluit, ut meritò Fracastorius, uir summi nominis, animā Galeni, pythagoricē sentiendo, in MONTANI animā immigrasse dixerit: & post hunc Bassianus Lādus discipulus eius, atq; successor dignissimus, alijq; permulti in arte medica præstantissimi, primas ei post Galenum (qui Aesculapij & Hippo. inuenta amplificauit, auxit, atque excoluit) iure attribuant. Ille nanq;, sicut ex scriptis ipsius, quibus equidem plurimum delector, colligi manifestò potest, toto uitæ suæ curriculo in lectione optimorum autorum, tum philosophorū, et medicorum Græcorum atque Arabum, præcipuē tamen Galeni dogmatis euoluendis, dies noctesq; ita occupatus fuit, ut se ab illis nunquam abstrahi passus sit. Vnde quidem hoc suo tam ardēti seduloq; studio, atq; labore indefesso, consecutus est, ut optimos quosq; autores, atq; in primis medicorū antiquissimorum scripta felicissimē atq; dexterrimē declarare, eorūq; arcana patefacere, studiosisq; philosophiæ ac medicinæ τὸ ὅλον eximere, atq; τὸ ὅλον afferre, oculosq; eorum in cœnum barbaricum infossos, abstergere, at-

tollere, aperire, & ad uerā solidamq; huius adeò præstantis atq; utilis scientiæ cognitionem pertrahere potuerit. Cuius equidē doctrina atq; institutio, tam inultū profuit, ut ex illius schola, maxima copia illustriū uirorū, medicæ artis, ac totius encyclopediæ peritissimorum, tanquam ex equo Troiano prodierint. Inter quos Bassianus Landus, Valētinus Lublinus, Hieronymus Donzellinus, Vuolsfgāgus Meurerus, Caspar Næuius, Ioannes Crato, Geruasius Marstallerus, quos omnes honoris causa nomino, atq; innumeri alij præstantissimi medici, quos præceptorum loco & ueneror & amo, sine controuersia, præcipuè & pietatis & eruditionis palmam obtinent. Qui sanè, cum id MONTANVS ad superos relatus, uiua uoce præstare amplius nequeat, eius prælecta, & scripta colligere, atq; in certū ordinē quæq; dispersa redigere, posterisq; cōmendare manib. pedibusq; conantur, ut res medica tandem ex MONTANI scriptis ac monumentis præclarissimis atque optimis reflorescere, fructusq; longè uberrimos atq; exoptatissimos proferre incipiat. Vnde mea quidē sententia, tales uiri æterna laude & celebratione digni & sunt & haberi debent. Zoilos autem, optima & honestissima quæq; improbātes, nihil hīc moror, cum honestatē atq; utilitatem cōmunem ipsorum malè dicendi studio, ex inuidia oborto, præponam. Cum enim homines hominum causa generatos esse cōstet, ut ipsi inter se alij alijs prodesse possent, in primisq; docendo, rationibusq; prudentiæ tradendis, nihil equidem magis

gis

gis ab ipsoꝝ natura alienū , nec magis etiam indignū
esse puto, quā sibi tantū natos esse, nec ut alijs quoq;
profint, cū facile id possint, & maximē debeāt, cogi-
tare uelle. Quare ut hæc atq; alia declinarē, uolui tuo
nomini, Martine doctiss. atq; optime, hæc præclaras
atq; utiles MONTANI, philosophi atq; medici præstā-
tiss. cōsultationes, de uarijs morborū atq; symptoma-
tum curationib. per me, & Hieronymū Donzellinū,
uirū in re medica peritiss. dimidia centuria eiusdem au-
toris auctiores, & longē quā antea castigatiores esse
etās, ideo consecrare, ut & mei amoris atq; beneuolen-
tiæ erga te publicum testimoniū, & gratitudinis etiam
symbolum aliquod certum extaret, tum deniq; quan-
ti te faciam, liquidō pateret. Neq; id immeritō. Quis e-
nim est tam uecors, qui tuam beneuolentiā nō magno-
pere expetat? cū sis omni laude dignissimus, & in re
medica, omniq; disciplinarū atq; uirtutū genere ita ex-
cultus, de eo ut planē addubitem, an uel pietatis causa,
uel ob medicinæ peritiā, & aliarum quamplurima-
rum atq; optimarū artium cognitionem, sis amplecten-
dus atq; amādus. Nemo sanē est, qui te uel semel uisum
atq; cognitū, non summo amoris affectu prosequatur,
pariq; obseruatione ueneretur atq; colat. Quin & il-
lud quoq; ad cumulum laudum tuarū accedit, quōd me
Lipsiæ, ubi philosophiæ ac medicinæ fundamenta ieci,
in ædibus tuis magnificis atq; splendidis, paterno affe-
ctu, & animo propenso atq; liberali aliquandiu foue-
ris, nec me quidē solū, sed & alios quoq; uiros pios,

probeq; doctos, beneficijs tuis haud uulgaribus deuinxeris, ac etiamnum deuinctos tibi reddere studeas. Nihil autem addam amplius, nisi quòd te rogem, ut hosce labores pro tua quidem integritate atq; sapientia boni consulere, & si qui forsitan fuerint, ut puto, non defuturos, qui Zoili more, nostrum institutum adunco naso suspensuri sint, tu quasi strenuus propugnator atq; protector, nos à morsibus illorum uirulentis, defendas atq; propugnes. Dabimus autem si uixerimus incolumes, & reliqua eiusdem auctoris scripta in aliquot tomos digesta atque recognita, quæ typis Isingrinianis longè pulcherrimis expressa, in lucem ad propagationem & conseruationem rei medicæ propediè exhibût, idq; eò libentius faciemus, si tuam atq; aliorû erga nos propensam beneuolentiam ac studium animaduerti mus. His ualebis in CHRISTO IESV cum omnib. tuis bene & feliciter. Salutabis autem meo nomine, D. Ioa-
chimum Camerarium, professorem linguarum celeberrimum, D. D. Christophorum Czobelium I. V. uirum consultissimû, D. D. Vuolfgangû Meurerum, Aristotelicæ philosophiæ professorem acutissimum, M. Homilium mathematicum professorem eximium, præceptores atque patronos meos, unà cum reliquis mei amantibus, reuerenter atq; amanter, quibus omnibus & singulis, me, & studia mea uniuersa etiã atq; etiam commendo. Ex inclyta Basilea, Idibus

Februarijs, anno salutis humanæ,

M. D. LVII.

ILLV-

ILLVSTRISS. PRIN⁹

CIPi ET DOMINO, D. NICOLAO
Radziuilo de Musniki, Dei gratia Duci in
Olika, Niesuiesz, Dubniki & Bierze, Pala-
tino Vilnensi, & magni ducatus Lithuaniae
summo Marschalco & Cancellario, atq;
Brzestensi &c. Capitaneo, domi-
no suo clementis-
simo,

Valentinus Lublinus Polonus
philosophiae ac medici-
nae Doctor
S. D.



HOMINI à natura insitum est,
Princeps Illustrissime, vt nemini
obesse, omnibus verò semper pro-
desse studeat, quod maximè præ-
stat, qui recta ratione & iudicio uti-
tur, præsertim autem ille ipse, qui
cum humanarum rerum cognitione, diuinarum quo-
que studium coniunxerit. Et ideo cogitanti mihi ac
memoria repètenti, primùm me natum esse hominem,
ac nihil humani à me esse alienum: deinde in religio-
ne nostra à teneris vnguiculis esse educatum, venit
in mentem illius sententię veteris, Hominem homi-
ni esse Deum, qua quidem admonemur, vt quantum
possumus vltro citroq; conferamus & accipiamus
beneficia. Itaq; iam septimus agitur annus, postquàm
in Italia vitam traducere cœpi in studijs literarum,

doctissimos tum philosophos tum medicos in varijs Academijs audiens, & antiquorū dogmata pro viribus percipere studens, idque non modò vt mihi consulerem, sed etiam cæterorum mortalium commoditati seruiens, quoad mihi liceret per ætatē cōmunia studia scientiarum quadantenus promouerem. Inter enim medicos, quos audire id temporis mihi cōcessum est publicè profitentes vnum I O A N N E M Baptistam Montanū Veronensem, virum tum singulari doctrina, tum morum sanctitate ac probitate ornatissimum, diligenti cura & attentione summa semper audiui, atque incredibili amore profectus sum, & colui. Ex quo factum est, vt illius dogmata omnia, non solū memoriæ, sed etiā scriptis commendata, veluti quosdam thesauros antiquissimos & pretiosissimos cōseruare studuerim ne aliqua temporis iniuria interciderent. Siquidem sperabam medicinæ candidatis aliquando non mediocriter esse profutura. Vtilitatē igitur hanc diutius differri honestū esse non putaui, postquā ille de vita decessit, non sine maxima iactura totius artis medicæ. Diligenter igitur curauī, vt in vulgus exirent, non auræ popularis, & inanis gloriolæ aucupandæ gratia (vt fortassis nōnulli maleuoli interpretabuntur, qui rapiunt omnia in deteriorem partem) sed adiuuandi potius causa nostra studia, quæ quotidie in peius ruerent, nisi à M O N T A N O, & eiusdem ordinis medicis sustentarentur aduersus inscitiā quorundam imperitorum, qui medicam artem potius remorantur, quàm promouent. Vt enim quæ ab Aesculapio & ab Hippocrate profecta sunt, Galenus amplificauit, auxit, & excoluit: ita Galeni dogmata M O N T A N V S nostra ætate expoliuit & adauxit, vnde nomen immortale & famam incredibilem apud omnes gentes sibi

sibi comparauit. De quo apud Illustrissimam D. T. præstat nihil (vt dicebat ille de Carthagine) quàm pauca dicere. Nam sui præclari nominis illud perpetuum argumentum & testimonium extat, quod summis Pontificibus, Imperatoribus, & Regibus charissimus fuit, qui sæpius spe facta multorum cōmodorum, & oblatis præmijs summis, cum ad se pellicere conati sunt. Sed spreta vtilitate, arti potius medicæ publicè tradendæ, & iuuentuti instituendæ, intentus esse maluit, quàm in aulis Regum magnificè & splendide quod reliquum vitæ restabat, agere. Nihilominus cōsultationes eius pertinentes tum ad morbos curandos præsentis, tum ad sanitatē cōseruandam, tum ad prouidentiam futuri morbi, principibus placuisse, argumēto nobis est Sereniss. Regina BONA S FORTIA, de qua extat in hac centuria, prima cōsultatio, idq; iure optimo. Vt enim propter Regium diadema, & virtutes, quibus prædita est, tum propter illustrissimam prolem, quam peperit, (Serenissimi enim ac potentissimi SIGISMUNDI AVGVSTI, Regis Polonia, optimi & semper augusti principis, mater est) principatum quendam tenet: ita honestum & necessarium fuit, primo loco in hac centuria cōsultationem de tantæ Regine salute collocari. De reliquorum autem principum valetudine cōsultationes, hanc primā tanquam ducem ordine suo dispositæ cōsequuntur, id quod planius atq; clarius patefiet in altera centuria, quæ non multò pòst in lucem prodibit. Hanc verò primam centuriam, & reliquas quæ deinceps edentur, sub auspicijs D. T. peruulgandas multis, & illis quidem grauissimis causis adductus, constitui: quas omnes si recensere vellem, dies me deficeret. idcirco cæteris relictis, potiores in mediū adferam. Primò quidem vt ostenderē gra-

tam animi mei voluntatem erga MONTANVM, si eius placita sub nomine tuo, maximi nimirum ac potentissimi principis, in vulgus exirent. Quia sub illustriss. D. T. clariora & tutiora fore hæc existimaui. Audito enim nomine Principis potētissimi ac prudentissimi, maleuoli desinent mortuo MONTANO obtrektare. Si enim illustrissima D. T. hostibus terrorem incredibilem incutit, multò grauiorem sanè incutiet cauillatoribus MONTANI, illis quidem insulis medicis, ac minutis philosophis. Quis enim splendorem familiæ tuæ, quis potentiam, quis auctoritatem, quis res summa prudentia gestas, quis tuas denique virtutes quæ in optimo Principe requiruntur, ignorat? Clara est siquidem tua pietas, iustitia, clementia, liberalitas, & denique sapientia. Quare non immeritò omnes te colunt, venerantur, summisq; laudibus in cælum efferunt, nomenq; optimi Principis maximo consensu tribuūt. Ob quas singulares tuas virtutes Serenissimus augustissimusq; Rex Poloniæ, te in primis charum habet, magnisq; rebus gerendis præficit, cuius rei non leue argumentum extat sanctissimum matrimonium cum potentissimi Regis Ferdinandi filia Serenissima CATHERINA, à sua serenissima Regia Maestate, nuperri-mè contractum, quod felix faustumq; omnes optamus. Tum vt declarare me apud omnes maxima ac incredibili voluptate affici, ex familiaritate ac amicitia mutua, quã cū illust. ac mag. dño D. Stanislao Comite à Thenczin Castellano Leopoliensi &c. heroë ac meo patrono nunquã hercle satis laudato (virtutibus enim, doctrina, sapientia, rebus præclare gestis, dignitatibus, ac deniq; splendore, nobilitate & antiquitate familiæ summus est,) sanctissimè obseruas, qua quidē ego fretus, hæc tuo nomini dicanda esse

esse volui. Tum verò ut meæ incredibilis in tuâ illustriſſimam p. obſervantiæ, pro ſummis erga amicos meos beneficijs, quæ quidē & multa ſanè & inſignia fuerunt, ſignum ac testimoniū aliquod extaret. Accipe igitur illuſt. Princeps, à me mancipio deditiſſimo tibi, hoc munus qualecunq; ſit, quaſi à MONTANO per munus traditū, & à multis medicæ artis ſtudioſis magnopere deſideratum. Eſſi autem hic liber in amplam molem non crevit, tua tamen illuſt. d. æqui boniq; cōſulat, propterea quòd pleniſſimus bonæ frugis eſt, & plus in reſſu quàm in fronte promittit. Scio quidē dignū non eſſe tanto principe. At illud me conſolatur, q̃ illuſt. d. r. pro ſua prudentia, q̃ ſumma eſt, animū donantis reſpiciet potius quàm doni magnitudinē. Scio quoque multos deſideraturos Romani ſermonis emendatiore ſtructurā, & nitore in dicendo, copiā præterea atq; orationis ſplendore. Sed materia hæc ſubiecta, iſthæc lumina verborum non requirit. Medica em̃ eſt, quæ ornari negat, ſed cōtenta doceri eſt. Eò aut libētius tibi Princeps ill. hæc offero & dico, quò ſæpius audiui ex viris maximis, & præcipuè ex Mag. D. STANISLAO Bonero, Capitaneo Bieceſi, heroc ſanè amplitudine & ſplēdore familiæ claro, ac D. Nicolao Oſſolinio viro ſummo loco nato, virtutū amatore. audiui inquam philoſophos ac medicos tibi nō ingratos eſſe præſertim verò doctis. viros Bartholomæū Sabinū, Petrū Poſnaniensem, præceptores meos nunquā ſatis laudatos, & Martinum Borucium Cuiaviensem philoſophum ac medicū præſtantiſſimū, phyſicos Sereniſ. Regis Poloniæ. Tum etiā quòd ad eas, quæ in te elucēt virtutes, hanc quoq; laudē accedere intelligerē, quòd eſſi maximis & grauiſſimis negotijs tum Regiæ Maiestatis, tum latiſſimi dominiij tui, nunquā ferè non

distringaris, quod tamen interdum otij tibi do-
 id in optimarum artium studijs libentissimè con-
 mis. Quippe qui præterquàm quòd maximam e-
 voluptatem capis, intelligis ad magnas res agendis
 illa conferre. Audeo autem hæc dogmata MONTAN-
 NI ac hosce labores meos (quos sanè maximos
 studiosi videbunt, impendi) Illustr. D. T. offerre, et
 medicos præstantissimos ac antiquissimos, imò
 recentiores plurimos, idem fecisse constet. Ex qu-
 rum numero est Aristoteles & Galenus ipse, quod
 alter Alexandro Regi, alter Antonino Imper. ch-
 rissimè vixit. Rhafis Mansori Regi Arabum suos
 libros obtulit, & hac nostra ætate Iunius Paulus Cr-
 sus Patauinus medicus eruditione & experiètia ca-
 rus, Aretæum ac Ruffum vetustissimos artis medi-
 scriptores è Græco in Latinam linguam vertit, &
 Illustr. Prusie principi dicauit. Andreas Vesalius an-
 tomen CAROLO V. Imper. & Tagaultius Gall-
 librum Chirurgicū ex Guidone mutuatum, Regi G-
 liarū, ac Vincentius Casalis Brixianus philosophus
 & medicus summus, optimo ac potentissimo Prin-
 ci Illustr. domino, domino Ioanni Comiti à Tha-
 novv Castellano Cracouiensi, ac copiarū Sereniss-
 atque Inuictiss. Regis Poloniæ Imperatori summo
 opuscula quædam MONTANI, superiori anno me-
 etiam consultore dicauit. Ac denique innumeri al-
 opera medica, tum sua, tum aliena, Regibus poten-
 tiss. ac principibus maximis ascripsere. Nec sanè et-
 quod quispiam mihi vitio vertat, quòd aliena ediderim.
 Nam ut turpe non puto mihi præceptoris mei do-
 gmata edere, sic etiam aliquam mihi laudem (absit ve-
 bo inuidia) deberi, quòd in ijs colligendis diligens
 fuerim. Semperq; existimaui honorificentius esse ex
 præscripto doctorū virorum, rectè de aliqua re dis-
 se-

serere, quàm sua somnia literis mandare, quod multi nostra ætate faciunt. Hoc autem consilium meum si probari sensero, maiora aggrediar, & fortassis tandem aliquando (CHRISTO auspice) non de alienis, sed de meis lucubrationib. aliquid depromam, ut ostendam operam me non lusisse sub reliquis preceptorib. meis & BASSIANO LANDO Placentino & HELIDEO de Paduanis Foroliuensi (quos honoris gratia apud illust. D. T. nomino) philosophis ac medicis hac nostra tempestate clarissimis & maximis, quorum alter Parauij cum sua laude Theoricam medicinæ ordinariè profitetur, alter verò Bononiæ praxim cum felicissimo successu exercet, ac alijs quorum nomina studens breuitati, silentio interea prætereo. Tuæ igitur illust. D. hunc librum (qualecunq; munus fuerit) nō solūm dedico, verū etiam me ipsum perpetuò deuoueo. Diu valeas, viuasque principum decus, ac patriā meam Serenissimo atq; inuictissimo Principi & domino, domino SICISMUNDO AVGVSTO Regi Poloniæ domino nostro clementissimo, cōmendatissimam reddas. Bononiæ

Calendis Aprilis

M.D.LIIII.

16 CATALOGVS CONSVL-
TATIONVM MEDICINA-
lium, quæ hac prima & dimidia centu-
ria continentur.

DE leui capitis dolore & destillatione, ex imbecil- litate ventriculi, & hepatis, pro serenissima Bona Sfortia Regina Polonię, serenissimi ac potentissi- mi Regis Polonię Sigismundi Augusti matre	1
de diuersis dispositionib. præter naturã, cū metu fu- turæ apoplexię, pro Illustrissimo Duce Bauarię.	10
de epilepsia, pro illustri Germano	14
de imbecillitate cerebri cum vertigine & catarrho perpetuo, pro matrona & Comite à Drichtristain Germana	21
de catarrho & fluore sanguinis cum macie corpo- ris, & dolore pectoris, pro Illustrissima matre Il- lustrissimi Ducis Florentiæ	27
de ijsdem affectibus, pro eadem	36
de catarrho, dolore capitis cum vertigine, dolore podagrico, & œdematiko tumore cruris, pro Du- ce Melphensi	40
de inflammatione capitis, cum dolore dorsi, & sup- pressionē menstruorum, pro nobili matrona Ve- neta de gente Cornelia	44
de epilepsia per consensum, pro nobili puero Ger- mano	54
de epilepsia, pro nobili viro Vincentino	60
de imbecillitate totius capitis, & oculorum, pro ci- ue Cracouiensi Polono	67
de catarrho diuturno ex intēperie frigida & humida cerebri, pro heroë D. à Drichtristain Germano.	71
de præseruatione à catarrho falso destillante ad par- tes subiectas, excitatē diuersa symptomata, & de potu	

I N D E X.

potu thermarum Lucensium, pro Equite Corne- lio Clementino	75
de destillatione catarrhi ad partes subiectas, fluore alui penè dysenterico, assiduo vomitu, torminib. ventris, cum febre assidua & insigni totius corpo- ris tabe, pro adolescente filio medici	77
de dolore capitis periodico, grauitate eius, & sibilo aurium, pro Veneto	80
pro eodem	84
de dolore capitis & dentium, cum varijs symptoma- tibus, pro nobilissima quadam matrona	87
pro puella epileptica	92
de intemperie humida cerebri, & de præseruatione dentium à nigredine & putredine, pro puero no- bili Germano	97
de catarrho, & sputo sanguinis periodico, pro no- bili Veneto.	102
de dolore capitis periodico, de ventriculi debilita- te, & mensibus albis, cū detestatione coitus, pro matrona Veneta	117
ad phthiriasim seu tineam capitis antiquam	120
de dolore capitis post partum, cum symptomatibus melancholicis, pro matrona Germana	121
pro eadem, & marito eius laboranti morbo Gal- lico	124
de catarrho, pro Illustriss. Ducissa Urbini	130
de dolore capitis cum tinnitu aurium, pro Illustrissi- ma matrona	132
de tremore membrorum, & mouendi imbecillitate vitio cerebri, pro magnifico viro	135
de vertigine, & tinnitu aurium antiquo, pro viro in- tegrissimo Domino Matthia Zesz Bohemo	137
de dolore capitis, cum asthma, & dolore dextri la- teris, & febre leui, pro puella Maurocena	138

I N D E X.

de apoplexia terminata in paralyfim dextri brachij & cruris cum diminutione earundem partiũ, pro nobili Illyrico	148
pro eodem nobili Illyrico	154
pro eodem, cõtinens curationis factæ ordinẽ.	156
de destillatione à capite, vlceribus, animi deliquijs, epilepsia, imaginationibus melancholicis, & alijs plurimis, pro Marchione quodã Mõtisferrati.	154
de dispositione catarrhosa, cum ventriculi imbecil- litate, pro viro 58. annorum	164
de suppressione mensiũ, cum grauitate capitis, pro magnifica muliere	168
de catarrho, in quo periculũ de tabe, pro nobili Ve- ronensi	170
de tremore, ophthalmia sinistri oculi, & reliquis or- tis vitio cerebri, pro matrona Leonora Sacrata Flischa	173
de diminutione visus, pro matrona Veronensi	177
de actione visus diminuta, pro iuvene Augustano	185
de diminutione visus, & pilis in palpebris interius retortis, pro Polono	190
de debilitate visus, & paralyfi diminuta, & vertigi- ne, pro Doctore Veneto	193
de destillatione à capite ad diuersas partes, & febre, pro abbate S. Gregorij octuagenario	199
de oculis lachrymantibus, pro Iudæo Turcico	207
de visione diminuta cõtinaua, & corrupta, sed inter- mittente, pro monacho S. Iustinæ	210
de debilitate oculorũ, & periculo suffusionis ex con- sensu ventriculi, pro D. Gasparo Vngaro	217
de ophthahalmia, pro Corricio iuvene doctiss.	218
de ophthalmia, cum principio suffusionis, & vlcere in cornea	233
de apostematib. cãcrosis in narib. pro Germano	241
de	

I N D E X.

de polypo narium ad cancrum accedente	244
de difficultate aperiendi mandibulam ex debilitate musculorū, pro domino Andrea Ponticello	246
de catarrho descendente ad vertebrae colli, & impe- diente circumgyrationē capitis, item de immunda matrice coniugis, pro nobili Germano	248
de sputo sanguinis	255
de sputo sanguinis cum febre hectica, pro puero He- bræo	257
de empyemate cum suppressione menstruorū, pro puella	258
de tussi ex catarrho, cum sputo sanguinis, pro adole- scente Bononienfi	262
de angustia pectoris ex catarrho, & imbecillitate ventriculi, pro Gallo	276
de tuberculo circa thoracis regionē lateris sinistri, tam in anteriori, quàm posteriori parte, pro gene- roso domino à Stuberberg Germano.	278
de cardiaca passione, pro nobili matrona Vicentina boni habitus 47. annorum	281
de febre ex intemperie membrorum naturalium, ac obstructione à materia frigida & crassa orta, pro Franciscò Casali medico Brixiano	284
de febre orta ex obstructione, pro puero Veneto	287
de scirrho lienis, & obstructionibus cum periculo hydropis, pro doctissimo iuvene Vtinenfi, domi- no Ioanne Baptista Luuifino	289
de morbo Gallico, pro quodā nobili Germano.	296
pro eodem	309
de morbo Gallico, cum febre, & continuis vigilijs, pro nobili iuvene	313
de morbo Gallico, doloribus in extremis partibus digitorum, vlceribus narium ac gutturis, ex de- stillatione acris, pro generoso Polono	317

I N D E X.

pro Illustrissimo atq; excellentiss. Domino, D. Ga-	
leotto Pico, Mirandulæ Comite dignissimo	323
de tumore splenis post diuturnam febrem, pro reue-	
rendo Boschetto Mediolanensi	344
de intemperie frigida splenis, cum tumore insigni,	
cruditatibus ventriculi, & corporis atrophiam ac	
decolorationibus, cum metu futuræ aquæ inter-	
cutem, pro nobili Polono quadragenario	349
de tensione hypochondrij dextri ex affectu frigido	
hepatis	352
de melancholia hypochondriaca	363
de flatibus hypochondriacis, pro sacrificio	366
de passione hypochondriaca, cum annexis sympto-	
matibus, nimirum tremore cordis, & ventriculi	
mordicatione, & totius corporis macie, pro Ve-	
neto	368
ad ramicem intestinalem	379
de hernia	381
de imbecillitate ventriculi, cum fluxu mensium al-	
borum, pro matrona Veronensi	382
de affectu hypochondriaco, pro Comite de Mont-	
fort Germano	383
de urinæ difficultate cum pruritu, & de dolore dor-	
si, ac renum, & de grauitate in inguine, & de lue	
Gallica	388
de fluxu hæmorrhoidum, pro muliere nobili	398
de calculo renali, pro nobili Germano	402
de calculi præseruatione, pro reuerendiss. Cardina-	
li Petro Bembo	415
de arenulis, & metu futuri calculi, pro iuvene Sicu-	
lo	420
de eiectione materiæ crassæ & fætidæ per urinam, cum	
dolore renum	428
de ardore urinæ, cum eo ut sæpe urinam emittat	455
de	

I N D E X.

de calculo vesicæ, cum stranguria urinx, pro nobili puero Italo	433
de passionibus pudendi, ardore urinx, difficultate mingendi, gonorrhœa, & febre erratica, pro nobili Veneto	439
de calculo, dolore renali & iuncturarum, cum ardore urinx, pro ciue Florentino	457
pro Reuerendiss. Cardinali Petro Bembo	461
de ardore urinx, cum quadam suppressione urinx, suffocatione noctu à primo somno, dolore renis præcipuè sinistri, de dolore spatulæ sinistræ, dolore ventriculi, ventositate in fundo ventriculi, & intestino colo, de continua stomachi imbecillitate, cum dolore podagrico remisso in pollice pedis dextri, pro Francisco Vargo Regis Hispaniæ Consiliario	473
de præfocatione matricis, pro nobilissima muliere, agente iam 33. annum ætatis suæ	481
de fluxu materiæ albæ è virga per decenniū, pro magnifico Contareno Patritio Veneto	484
de præseruatione à calculo, pro ciue Veronensi	487
de fluxu per virgam, pro ciue Taruisino	490
an diuretica conueniant in præseruatione affectus renum & vesicæ, pro magnifico Contareno Præ-tore Patauino	492
de lassitudine ex labore, pro mercatore Veneto	501
de dolore genu obruso, ex destillatione pituitæ à capite, pro magnifico Veneto	510
de tumore in utroque genu, pro domino Georgio Freidel Germano	515
de tumore œdematrico vtriusq; pedis, pro ciue Ferrariensi	522
de titubatione pedum ex leui vertigine, pro magnifico Bernardo Nauagerio Senatore Veneto	526

I N D E X.

dē luxatione pedis, pro Illust. puero Germano	537
pro eodem, abeunte ex Italia in Germaniam	539
de præseruatione à podagra, pro nobiliviro domino Matthia Zesz Consule L. Bohemo	541
Alexandrinæ aureæ examen Montani	544
pro hydropico ex ascite cum tympanite	567
pro phthisico	576
pro ischiadico	589
pro melancholico	594
de diarrhico, pro ciuē nobili Patauino	595
de epileptica puella, Frisimelicæ & Montani	597
cuidā nobili viro Polono propè annos 60. nato, sple neticam & hepaticam ægritudinem patienti: pa tiebatur autem hoc malum à 15. annis	605
pro patiente diminutionē in motu quarundam par tium corporis	610
de pleuritico	613
pro nobili quodam, cui hepar inflammatum, & ven tricus ob id debilitatus erat	613
contra dentium dolorem	614
de catarrho, dolore capitis, pleuritide & feбри, Frisi melicæ & Montani, pro quadam mag. dñā	616
cuidam suffusione laboranti ordinata	623
de melancholico Iudæo, inter Clarissimos Docto res Petrum Nauarram, Frisimelicam, & Baptistam Montanum	625
de varijs symptomatibus, destillatione, podagra, tu more splenis, alijsq;	633
de scabiē, tinnitu aurium, hæmorrhoidibus	645
ad melancholiam hypochondriacam	648
pilulæ pro melancholico	649
pro quartanario purgatio	ibid.
de scabiē, pro puero	ibid.
de scabiē humida cum pruritu	952
	VN-

I N D E X.

unguentum ad lepram datum, seu scabiem ortam, ex vitio virtutis assimilativæ, purgato antea toto corpore	653
pro tremore manus	654
de Gallo quodam laborante quartana triplici	656
de febre continua cum catarrho, & leui quodam spu ro sanguinis, ac suspicione hec̃tica	663. (674
pomum odoriferũ, ordinatũ Vuolfgango à Vuerter in morbo Gallico euacuatium	674
pulveres varij pro catarrhosis à cœna, post quorum vsum non bibendum amplius	675
pro dysenterico	ibid.
pro monacho cholico	676
erisypelas phlegmonodes	677
cœliaca anus	678
pro puerpera tussiente admodũ	679
de surditate & tinnitu aurium	680
de febre, cum præfocatione matricis	ibid.
de febre putrida in hec̃ticam mutata	682
de aquis destillatis per Alembicum, etiam à calidis herbis esse frigidas demonstrationes	684
laborans febre continua, ex bile & pituita crassa.	687
de febre continua, pro puella 18. annorum	693
de melancholico	701
de ophthalmia	708
de ophiafi & alopecia	715
de morbo Gallico, podagra, & hec̃tica, vnà cum pru ritu maximo	721
de vtriusq; cruris contractione	727
de dislocatione & contractione sinistri cruris	734
de catarrho, cum multis alijs symptomatis coniun- cto	742
de difficultate anhelitus, vertigine, ac defœdatione cutis	752
	de

I N D E X.

de melancholia hypochondriaca	759
de sputo sanguinis, & puris, cum catarrho	767
de affectione hypochondriaca confirmata, cum mul- tis symptomatis	773
super eodem adolescente nobili, an sit mittendus ad balnea	779
de catarrho, cum affectu quodā melancholico	784
de epilepsia, pro puero	787
de surditate	ibid.
de dolore in brachio ex præseruatione ab apoplexia	795
de visus imbecillitate, & alijs quibusdam symptoma- tis	801
de brachio læso, & omnium principalium membro- rum influxu destituto	805
de fluxu pituitoso per urinam, vlcere in pudendis, tæbe, manus contractione, & hypochondriaca af- fectione	808
de paralyfi sinistri lateris, pro quodā magnifico vi- ro	815

F I N I S.

IOAN. BAPTISTAE

MONTANI MEDICI

VERONENSIS,

Consultationum medicinalium
Centuria prima,

A VALENTINO LVBLINO

Polono quàm accuratè collecta.

*Consult. I. De leui capitis dolore, & destillatione,
ex imbecillitate uentriculi & hepatis, pro Scre-
nissima Bona Sfortia Regina Poloniae, Serenif-
simi ac potentissimi Regis Poloniae Sigismundi
Augusti matre.*



EX omnibus intrinsecis causis, quæ ad affectus capitis præter naturam generandos conducunt, potissimæ sunt uentriculi imbecillitas, atque hepatis caliditas. Ac de uentriculi quidem imbecillitate, cuius ratio-
ne succi crudi multiplicati assiduos vapores ad ca-
put submitunt, cuiq; etiam vulgari medico vel me-
diocriter in arte versato est exploratum, nihilq; fre-
quentius auditur, quàm mutuus ille circulus læsio-
num inter cerebrum & ventriculum. De hepatis ve-
rò caliditate, quatum ad capitis repletionem faciat,
autoritas est Galeni I I I. de locis affectis: præter ra-
tionem, quæ dicit, in huiusmodi temperaturis ma-
ximam vaporum copiam à toto venarum ambitu ad
cerebrum ascendere. Sunt igitur suapte natura par-
atissimi ad omnes circa caput affectus perpetiendos,
quicunq; in duobus illis membris, ventriculo scili-

A

cet & hepate, tales habent temperaturas: quibus si
 postea accesserit apta capitis ad recipiendum dispo-
 sitio, iam intrinsecus omnes promptas habent occa-
 siones tum ad efficiendas, tum ad recipiendas circa
 caput dispositiones præter naturâ. Cum ergo scriba-
 tur, in sua Serenissima Maiest. hæc omnia cōuenire,
 non est mirum si facilè inciderit in dolores capitis,
 defluxiones, & quosdam alios affectus præter natu-
 ram. Sed si postea his quoque accesserint aliquavita
 sex rerum non naturalium, humana corpora necessa-
 riò commutantium, tum planè nō facilitas tantum,
 sed necessitas malarum impressiōum consequitur.
 Cum igitur huiusmodi quoq; conuenisse audiam in
 eadem Serenissima Maiestate, perficitur integer tan-
 quam causarum chorus ad morbi incrementum ido-
 neus. Audio enim suam Maiestatem primò penitus
 se non exercere: aliquando verò in assiduīs cogita-
 tionibus, & animi molestijs detineri: somno diurno
 vti quotidie: in cibo & potu non admodum exquisi-
 tum delectum habere: cuicunq; aëri, incumbētibus
 grauissimis negotijs sese exponere. De excrementis
 verò, an secundum quod oportet expellantur, non
 audiui quidem, sed fortè & in illis erit aliquod vi-
 tium: ferè enim ista quoq; læsio præcedētes errores
 consequi, comitariq; solet. Nam de mensibus reten-
 tis, quamvis ratione ætatis secundum naturalem or-
 dinē retenta fuerint, nihilominus in tali temperatu-
 ra, & tali otio, & delicijs Regijs, non sine damno in-
 tercepta sunt. Nam etiam audio post eorū retentio-
 nem in omnia prædicta symptomata confestim inci-
 disse: scioq; plurimas quoq; matronas aliàs post de-
 tentos menses etiam naturali temperie præditas, ta-
 men in varias ægitudines postea delapsas esse. Et si
 omnia rectè collegerimus, facilè intelligemus non
 tantum

tantum capitis affectiones, sed etiam lienis tumores, & hydropicos, qui quandoque contigerunt, ab iisdem causis processisse. His recte cognitis, & suppositis, haud difficilis erit intentio. Ac primum illud ex rei natura fundamentum elicitur, S. M. purgantibus quidem, & his quae attenuant, vel alio modo praeparant, aut excoquant humores, subleuari quidem posse, curari vero nequaquam: vel enim enumeratorum membrorum intemperies ad naturalem statum sunt redigenda, vel causae intrinsecae relinquenda sunt, quibus periodice ad illos eosdem affectus sit redeundum. Quamvis ego non negauerim purgationes esse opportunis temporibus faciendas, ut humores qui quotidie ob membrorum inaequalitatem assiduam generantur, non redundant, & ex redundantia non illos tantum affectus foueant, sed novos quoque generent, ut frequenter fieri solet. In illis tamen purgationibus non est insistendum, sed ad alia quoque, quae paulo inferius dicam, est accedendum, quae magis facient ad praeservationem, quam ad curationem. Vera enim curatio, si verum fieri volumus, forte erit impossibilis, si modo totam morbi naturam recte perpendimus: quomodo enim fieri poterit, ut eorum membrorum inaequalitas ad aequalitatem redigatur? in hac praecipue aetate, & in corpore regio, cui quam difficile sit diutius imperare, notum est omnibus, qui aliqua ex parte experimento deprehenderunt. Primum itaque in tam longa aegritudine, in recta victus ratione, curationis praeservationisque, basim, potissimamque fidem statuerem, ita ut neque alicui aeris excessui tam calido quam frigido occurreret, ventosque omnes & pluuias euitaret. Nec hyemis tempore in vaporarijs suo more calefactis, vel prope magnos ignes diutius moraretur, praecipue ubi ignis ex fortioribus lignis ardeat, qualis est

quercus, ilex, vlmus, & reliqua plura huiusmodi. Caueat etiam, ne acriter magnum lumen, siue Solis, siue ignis intueatur: sed neque ab alto prospiciat, aut fluuiorum præcipitium, aut turbas, aut celeres rotarum gyros, & reliqua. Laudarem vt singulis septimanis caput ablueret, præcipue si sit illi lauandi cōsuetudo, eligatq; lixiuium ex salicis aut vitis cinere cōfectum, in quo saluia, maiorana, chamemelum, rosæ, decocta sint cū drachmis tribus agarici electi. Hæc enim ablutio conferet ad roborandū, mundandūque caput. Inter præcipua hoc habeat, vt omnes animi molestias, quammaximè fieri possit, euitet, faciatq; vt quāmaximè exhilaretur animus quacunq; occasione sumpta. Erit etiam illud otium, & quies corporis immoderata, omnino auertēda. Quotidie matutinis horis sese exercebit deambulando, donec totum corpus citra sudorem incalescat. Nec minus imperabit sibi frictiones quotidie, vt manè in lecto fiant, sintque frictiones in toto corpore æqualiter, molles tamē, & prolixiores, ita vt cutis calefacta incalescat. quòd si etiam post frictionē totum corpus illiniatur oleo garyophyllorum odorato, longè magis expediet. Et quoniam audimus deditam esse longa consuetudine somno meridiano, consulimus vt paulatim desuescat, præcipue si nocte, quantum satis est, dormierit: ad capitis enim repletionem, distillationesq; augendas, efficacissimus est somnus meridianus. Obseruabit præterea, ne cubitum accedat à cœna nisi post horas ad minus duas, cœnaq; illi sit parcior, quàm prandium, si & suauiorem somnum, & leuius liberiusque caput habere voluerit: non tamen propterea tam copiose prandeat, vt postea crudo stomacho ad cœnam accedat: vtrunq; ita moderandum, prandium inquam & cœna, vt nouus cibus priorem

priorem incōcoctum vel ebullientem non inueniat: quod optimè fiet, si citra satietatem semper comederit. Sitq; inter cœnam & prandium spatium non minus quàm nouem horarum: tunc enim cruditatem semper euitabit: quod inter cætera optimum erit re medium ad omnes suos affectus abolendos. Sitque, quàm fieri potest, cibus quàm maximè simplex, vniùsque naturæ: quod quidē sicut est Principibus & Regibus difficillimū, propter inueteratā & malam consuetudinē, ita etiam perniciosissimū est. Nihil enim magis facit ad cruditates, ad corruptionem, putredinemq; & ad deprauatos humores in corpore multiplicandos, quàm ciborum varietas & multitudo: confunduntur enim plurima diuersissimarum naturarum, quæ dum inæqualiter concoquuntur distribuunturq; necessariū est vt inde labor caloris innati consequatur, & varia vitiorum genera in succo illo tam diuerso. Admonemus igitur, & deprecamur suam S. M. vt velit in hoc Regium morem exuere, & in opipara regali mensa vnum tantum eligere, quod sibi pro fame sufficiat, illudq; sit leue, & quod facile concoquatur, facileq; distribuatur, & optimum sanguinē generet, quales sunt omnes carnes pullorum, perdicum, phasianorū, hœdorum, vitulorum, castratorum iuuenum, oua recentia tremula, vel forbilia. Panis ex purissima farina sit, bene fermētatus, & mediocriter salitus. Ab omnibus antiquis carnibus, & sale maceratis abstinebit, ab oleribus præcipuè crudis, à fructibus horarijs, à piscibus, præcipuè qui in stagnis degunt, aut paludibus, ab auibus etiam quæ palustria incolunt loca, vt sunt anseres, anates, & huiusmodi, à leguminibus, à pastilibus, à lacticiinijs, & præcipuè à caseo, à frixis in sartagine. hæc omnia S. R. M. sua auersetur. Vinum eligat clarum mediij co-

loris, vel etiam album, non acidū, neq; adstringens, sed bene maturū, mediocriter vinosum: & omnino euitabit mustum & vina turbulenta. Quòd si etiam vindemiæ tempore vinum conficeretur cum saluia & betonica, illud esset præstantissimū, præterquàm quòd gustui non esset iniucundū. Sed non est omit- tendum, tanquam parui momenti, quòd vt sua M. quotidie habeat beneficium alui, diligenter opera- dauda est, imò inter præcipua hoc animaduerti de- bet: hoc enim studio adhibito distrahētur vapores, qui ad caput continuè feruntur. Si igitur natura fa- ciat quātum oportet, nil vltra moliendū: sin minus, laudo vt semel, aut bis, aut quoties opus fuerit in se- ptimana sumat terebinthinæ Cypriæ, quæ facilè ha- bebitur Venetijs, vel interim, dum nō habebitur, la- ricinæ, quæ habebitur facilè, pōdus drach. duarū ma- nē tribus horis ante prādium. Hoc enim remedium non tantūm molliet aluum, sed etiam obstructions aperiet, membra præterea naturalia, membraq; ner- uosa corroborabit, vrinam prouocabit, vtero confo- ret: ideo, me iudice, prætermitti nō debet. Hæc sum- matim dicta sint pro tota victus ratione, quæ si dili- genter à Maiestate sua obseruabuntur, tam erunt ef- ficacia, vt fortè sola horum ope præseruetur, & im- munis futura sit ab omni affectu, de quo nunc con- queritur. Hoc tamen si non fecerit, vel magis, vt fu- turum credo, non adeò exquisitè obseruet, alia pro- ponam, quæ in alijs duobus curandi instrumentis, pharmacia scilicet & chirurgia, cōsistunt. Quantum ad pharmaciā attinet, laudo vt bis singulis annis pur- getur, autumno, & vere. Ex his enim annuis purga- tionibus præseruari solent homines à grauissimis e- tiam morbis, quemadmodum erat sententia Galeni in libro de sanguinis missione. Et quamuis immensa
penè

penè euacuandi materia sit, nihilominus tamen proponam, quod mihi congruum videtur, & quod erit tanquam intentionis exemplum.

℞. Cassiæ ʒ j.

Specierum hieræ ʒ j.

Fiat bolus trib. horis ante prædiū sumendus. Deinde

℞. Mellis rosati colati

Syrupi de cichorea Nicoli sine rhabarbaro ana

Decoctionis cetrach (ʒ j.)

Capillorum Veneris in aqua boraginis destillata ʒ iij.

Misce pro vno, & sic pro alijs septem. Deinde

℞. Rhabarbari ʒ j.

Spicæ gra. vj.

Infundantur in decoctione florum cordialium per horas x. & facta diligenti expressione, colaturæ adde confectiois hamech ʒ iij. syrupi rosati solutiui ʒ ij. Misce, & fiat potio danda in aurora cum custodia. Et iste esset purgandi modus satis facilis & expositus. Placeret tamen, ut sanguis quoq; in purgatione veris mitteretur à basilica sinistri lateris, cuius quantitas sit ad vncias viij. vel vncias x. In autumnopostea peracta euacuatione prædicta præter sanguinis missionem, summopere placeret ut sumeret per duos vel tres dies infrascriptam decoctionem, quæ apud me longo experimento probata est ad melancholicos succos sine aliqua molestia euacuandos; lienisq; affectus egregiè remouendos, cuius dosis quidem communis est, vnciarum sex. Est tamen pro natura vniuscuiusq; , consuetudine & ætate limitanda, cuius descriptio talis est:

℞. Myrobalanorum omnium ana ʒ v.

Contundantur grosso modo, & fricentur manibus cum oleo amygdalarū dulciū. Infundatur per xxiii.

horas in libris vj. aquæ fumiterræ destillatæ. Postea

Rx. Epithymi

Thymi

Polypodij

Foliorum lenæ

Liquiritiæ ana 3 vj.

Seminum citri 3 ij.

Corticum radicum ellebori nigri 3 iij.

Bulliant omnia simul ad consumptionē medietatis, deinde quiescat donec refrigeretur decoctum, postea coletur & fortiter exprimatur, & addito zucchero sufficienti dulcescat, & cum oui albumine purificetur, & leui decoctione facta syrupizetur, & seruetur ad vsum. Postea

Rx. huius decoctionis 3 vj. aut v. aut iij. aut quantum expedire videbitur.

Iulep rosati 3 v.

Misce, fiat potio danda in aurora, poteritq; dari vel alternis, vel singulis diebus secundum euacuationis quantitatem, augendo vel minuendo dosim, prout euentus ostendet. Et hæc de purgationibus ordinariè per singulos annos faciendis. Sed quoniã in ratione victus semper ferè aliquid delinquitur, & precipuè in Regijs delicijs, ideo ne deprauati humores plus æquo excrescant, suum consilium esse opinor, si singulis mensibus bis aut ter mediã rhabarbari optimi drachmam deglutiat, siue mandendo, siue in pilulari forma, siue in puluerem redactam, admixto saccharo rosato, vel passulis, quomodocunq; libuerit. Ad oculi verò affecti corroborationem, concoctionemq; & discussionem materierum confluentium, optimum erit remedium huiusmodi collyrium.

Rx. Fœnugræci electi,

Radicum althææ ana 3 j.

Munden-

CONSULT. MEDICIN. 9

Mundentur exquisitissimè ab omni forde, infunde & decoque in aqua fontis purissima sine fumo, aut puluere, aut fauillis, ad consumptionē duarum partium, deinde fiat fortis expressio & colatura. Postea

℞. Aloës optimæ lotæ in aqua rosarum 3 ij.

Sacchari candi rosati ʒ. j.

Decoquantur omnia simul ad consistentiam mellis, deinde seruentur in vase vitreo optimè obturato, & suo tempore suauiter ponatur in angulo oculi affecti cum penna, & maximam inde utilitatem habebit, cum accipiet. Pro capitis verò particulari purgatione, laudo quidem ea, quæ nos vulgò appellamus masticatoria, & præcipuè quæcum sola mastiche fiūt sed caputpurgia, & expurgationes per nares violentas non ita laudauerim, tum propter maximam affinitatem inter angulos oculi, & nasi emūctoria: esset enim potius attractio ad eundem locum, quàm deriuatio. Sed vbi omnibus his diligenter peractis S. M. adhuc vexaretur ab iisdē symptomatibus, tum maxime probarem, si cauteria quoq; fierent in utroq; crure, in parte exteriori, in loco cōsueto per quatuor digitos infra iuncturam, à peritissimo chirurgo: esset enim auersio, & euacuatio optima, & efficacissima, & præcipuè si in sinistro crure fieret, propter rectitudinem. Et hæc crederem suffectura, si modò sua


Serenitas diligentissimè præseruari voluerit ab omnibus molestijs, quibus nunc affici solet, cum auxilio Dei Optimi Maximi, cuius nomen sit perpetuò benedictum.

Datum Venetijs,
nonis Iulij,

M. D. XLIX.

A ,

Consult. II. De diuersis dispositionibus præternaturã, cum metu futuræ apoplexiæ, pro Illustriss. Duce Bauariæ.



Robabile admodum est Magnificū hūc & nobilissimum virum à natiuitate laudabilis fuisse tēperaturā, neq; in corporis compositione deliquisse: audio enim & hono habitu constare, semperq; constitisse, & esse carnosum, rubei ac floridi coloris, hilarem, ingeniosum, prudentē, & rebus agendis idoneū. Quæ quidē indicant non tantū corporis temperaturā bene habere, sed membra quoq; omnia principalia in idem exquisitissimē cōspirare. Si quo igitur morbo vel laborat, vel hætenus laborauerit, nō est iudicio meo, vitio corporis, sed victus rationi tribuendum. Cū tamen calidioris hepatis sit, plurimumq; sanguinis generet, parumq; exerceatur, & lautissimē viuat, nō est postea mirum, si ex redundantia in varias ægitudines semper inciderit, & primò in adolescētia in tertianas febres, & icteritias, ob feruorē ætatis, bilis copiā, & malam victus rationē: deferuescente autem ætate, dum calor nō ita acris adesset, frigidiores postea morbi inuaserūt, vt testiculorū, calculi renū, iliaci affectus, vlcera crurū erodentia propter humorū adustionē: & nunc cū tantū sit in primo senio cōstitutus, totq; morbis subijciatur, periculū est, nisi exquisitissimē sibi caueat, & præcaueat, atq; iterum caueat, ne in apoplexiā tandem etiā incidat, aut subito suffocatus intereat, præcipuē cū videatur hoc illi esse hereditarium ob similem patris interitū. Oportet igitur, vt tanquā prudens & temperatissimus vir muniat se, atq; ab imminentibus periculis se custodiat: quod non ita difficilē efficiet, si rationi, & fidelime-

li medico velit obtemperare. Neque enim, ut prius dicebamus, vitium aliquod naturale in hac corporis structura esse opinamur: sed sola deprauata virtus ratione contractum. Incipiet ergo à fundamento solido & necessario, ubi tandem tota præseruationem, totam etiam curam inuenerit, sine quo nihil exequi poterit, & quo solo omnia facile exequetur. Fundamentum illud est, ut in sex rebus non naturalibus quantum fieri potest, nihil delinquat. Exercitijs utatur moderatis: euitet omnes aeris excessus, omnesque animi molestias: quotidianam alui excretionem procuret: somnum meridianum effugiat, omninoque ad vigilias potius declinet: sed præ reliquis omnibus cibum & potum moderetur. Caueat ab aromatum usu, qui mos apud Germanos plus nimio viget. Vnico cibo contentus sit, ferculorumque ac omnium esculentorum copiam euitet. Ideo à lautis mensis, & communi nobilium conuictu, & copotationibus quam maximè potest abstineat. Iuniores carnes comedat, sicut hædorum, vitulorum lactentium, pullorum, perdicum: oua etiam recentia & forbilia conceduntur. A piscibus, leguminibus, pastilibus, lacticinijs, rebusque omnibus frictis abstineat. A vino quam maximè abstineat: in vino enim omnia ferè inueniet detrimenta, suarumque omnium ægitudinum fomenta. Sit ergo vinum vel nullum, si fieri potest, loco cuius utatur vel ceruisia: vel si vinum admittit, neque ceruisiam toleret, sit saltem vinum dilutum, pauciferum, clarum, subtile, & modica admodum quantitate ebibitum. Quantum ad id quod quaeritur, utrum quemadmodum consuevit, sit in illo singulis annis secanda vena: dicimus, ex quo hactenus consuevit, non protinus esse desuescendum. Sed si ita viuet, quemadmodum à nobis est institutum,

non aggregabit ea excrementa, quæ indigeant tanta
 missione sanguinis: & tunc poterit paulatim ab an-
 nua venæ sectione desuescere, præsertim maturiori
 succedente ætate, in regione frigida & boreali. Ad
 secundum quæsitum, vtrum vlcera crurum sint præ-
 seruanda nullis factis cauterijs, quæ vulgus fontanel-
 las appellat. Respondemus, cum iam natura assueue-
 rit ad eas partes excrementa corporis, & ea quidem
 acerrima & pessima transmittere, si defluxus huius-
 modi intercipietur, fore hoc cum maximo ægri di-
 scrimine. Sæpe enim vidimus, & habemus parata ex-
 empla multorum, qui ex crurum emanantium sana-
 tione & exiccatione, in apoplexias & perniciosissi-
 mos morbos inciderint. Laudamus igitur cauteria
 in utroq; crure loco cõsueto in parte exteriori qua-
 tuor digitis infra genu, euitado chordas, & loca ner-
 uorum, ritè esse facienda. Et vbi cauteria hoc modo
 peracta destillare, saniemque emittere satis copiose
 inceperint, tunc nisi vlcera spontè sanentur (id enim
 frequenter fieri solet) arte medici sananda esse con-
 sulimus. Ad tertium quæsitum, quodnam therma-
 rum genus illi cõueniat. Respondemus, iudicio no-
 stro omnes calidas thermas ab illo quãmaximè esse
 euitandas, quales maximè sunt sulphureæ, nitrosæ, bi-
 tuminosæ, aluminosæ: æneæ verò, & reliquæ huius-
 modi, in quibus tamen ferri minera prædominatur,
 ac consequenter frigida sunt & sicca, harum vsum
 summopere laudamus: hepatis enim, renūq; ac dor-
 si feruorem contemperabunt, per vrinam excremen-
 ta corporis expurgabunt, corpusq; totū sua adstri-
 ctione corroborabunt. Debet autem hoc corpus ita
 præseruari, vt bis in anno, vere inquam & autumno,
 exquisitè purgetur pharmacis bilem præcipuè & pi-
 tuitā purgantibus. Inter quæ omnibus ego prætule-
 rim

rim cōfectionem Hamech, syrupo rosaceo solutiuo admixto. Et quoniam à me requiritur, vt particularis modus purgandi tradatur, licet hoc præscentibus medicis esset dimittendum, nihilominus, vt amicorum desiderio satisfaciam, particularē purgandi formam exponam. Ineunte igitur vere circa primā Lunnæ quadram, manē hora ante prandium, duodecim drachmas floris cassiæ in bolo cōfectas exhiberem, ac die sequenti syrupum infra scriptū propinarem, qui habet:

℞. Syrupi acetosi simp. multæ acetositatis

Syrupi de succo limonum ana ʒ j.

Decocti acetosæ

Seminum citri,

Carnis citrangulorum, vel arantiorū, cortice dempto, ʒ iiij.

Misce pro vno, & sic pro alijs. Sumptis septem syrupis pharmacum accipiet, quod ita habebit:

℞. Confectionis hamech ʒ. iiij.


Syrupi rosacei solutiui ʒ. iiij.

Cum modico aque acetosæ fiat potus. Sumat in auro cum custodia: postea vtatur saccharo rosaceo per plurimos dies, quod etiam laudo, vt familiare habeat. Sanguis autem mittatur è vena basilica dextri lateris post exhibitionem secundi syrupi, tertio scilicet die ab assumpta cassia. Quantitas sanguinis est pro virium ratione metienda. Autumno eadem prorsus euacuationē repetet, excepta sanguinis missione. Quantū ad asthma attinet, illud, vt audio, merum fuit symptoma, ob retentionem materie consuetae ad crura defluere: hoc enim tantū proximo anno inuasit, dum crurum emanatio detenta esset. Propterea emanantibus cruribus crediderim nō superuenturum asthma. Si tamen cōtingeret, in paro-

xyfmo quāmaximè eſſet abſtinendum à cibo & potu. Sorbitio tamen paulatim, & per interualla exhibenda eſſet, modò aquæ muſſæ cum hyſſopo decoctæ, modò cum oxymelite eadem hyſſopo adiuncta. Erectus maneat, neq; omnino iaceat ſupinus, vbi ſpirat aër liber, frigidus, minimè ſuffocatus. Illinat pectus & thoracem totum tam anterius quàm poſterius linimento ex adipe anſeris, butyro, oleo amygdalarū amararū confecto, adiuncta particula croci. Procuret etiam cum clyſteribus acutis alui lenitionem, ita enim euacuabit, & auertet materiam. Declinante paroxyſmo poſſet agarici præparati drachmas duas deglutire ſiue in forma pilularum, ſiue ex melle roſaceo collectum, ſiue dilutum aqua betonicæ, vel hyſſopi, & ſimilium. Menſe Iulio,

M. D. XLVII.

Conſult. III. De epilepſia, pro Illuſtri Germano.



X ſtructure capitis Illuſtriſſimi Domini, atq; ex multis excremētis, nemo non poteſt iudicare cerebrū illud humidiffimum eſſe, plurimaq; redundare pituita: quod facile etiā indicat omnes operationes animales, atq; alia ſigna omnia. vbi poſtea acceſſerit peſſima viuendi ratio, nō abſq; ratione cōſecuta fuerunt peſſima accidentia, & præcipuè epilepſia, quæ propriè cōſequitur talem temperaturā cerebri. Cū ergo tum naturalis corporis habitus, tum mala viuendi ratio ad morbūtum generandū, tum alendum cōſpirent, meminerit, ſi modò Illuſtriſſ. ſua dominatio ſuæ valetudinis curā habuerit, omni conatu vtrunq; emendare, malam ſcilicet viuendi rationē, malamq; cerebri temperaturā. Quæ quidē præſtare non poterit pauco quodam tempore, parcens præſertim his qui-

quibus nocumento affici possit. Ideo perpetuò indicienda est sibi talis viuendi ratio, quæ simul & possit morbu, & naturalem corporis constitutionē in contrarium vertere. Primum igitur studebit, vt deligat aërem in quo degat, quāmaximè siccum. Calidior etiam eligendus esset, si regio sua pateretur: sed illum saltē qui quāminimè frigidus iudicetur. Humiditas autē aëris quāmaximè cauenda est. Valles igitur cōcauas, paludosaq; loca, & quæ à ventis minimè difflari possint, euitet: non tamen propterea ventis caput est exponendū, Austro præcipuè, & Boreæ: alter nāque excrementitio humore caput replet, alter intenso rigore constipat, comprimit, concoctionesq; omnes impedit, vnde obstructions oriuntur. Serenas igitur temperatasq; regiones quāmaximè expetat, vbi neq; montium asperitas, neq; vallium depressa inæqualitas, neque per paludes, aut stagna, aut vastitates, syluæ intercedant: sed eligat amplas planities libero sole, & ab omni euaporatione quammaximè immunes. Nocturnum etiam aërem effugiat, neq; loca inhabitet terrena, neque fenestris apertis dormiat, etiam si feruor æstatis accedat. Vbi frigus vel venti regionem occupauerint, quod euitari nō possit, tunc caput congruis operimentis est regendum, auresque, & ceruix, & totus thorax ab omni frigoris iniuria præcipuè defendi debent. Nec minus studebit, pedum ne frigiditatem patiatur: pedum enim frigiditas cerebro ob rectitudinem non mediocriter consentit. Vbi ergo corpus ita optimè munitum fuerit, vt possit & humiditati, & frigiditati aëris, & omnibus importunis ventis resistere, tunc curabit ne accidentibus animi molestijs aliquo modo afflicteretur: cerebrum enim ex illis quāmaximè afficitur nocumēto. Iram igitur tristitiasque omnes

tanquam pestes effugiat, & quietē animi quærat, iucundè viuat, cum amicis lætetur, vnde etiā cauebit à solitudine. Recedat ab eo prorsus diurnus somnus, præcipuè meridianus & matutinus: meridianus enim generat, matutinus retinet capitis omnia excrementa. Surgat igitur in diluculo, & intra cubiculum suum se cōtinens, deambulando, & corpus congruis motibus exercēdo, caput etiā pectendo, quærat omnia capitis excremēta tum per palatū expuendo, tum per nares, tum per aures etiam, excernere. Quæ ubi peregit, tunc ad exercitiū corporis se conferat, quod quidem suaue molleque esse debet, & in quo præcipuè caput non agitur, sed crura potius & inferiores partes moueantur acrius: in aëre tamen hoc erit faciendum tēperato. Quod si regio, vel aëris cōstitutio, aut anni tempus prohibeat, intra proprios lares, atque intra cubiculum etiam se exercere poterit: neque enim exercitiū singulis diebus est intermittendū: quod sicut molle suaueque esse præcipimus, ita etiā longū statuimus, vt longitudo expleat, quod mollities præstare non potest. Et si exercitium aliqua occasione prorsus impediatur, exercitij loco frictiones longas toto corpore fieri oportet, omisso tamen capite. Deinde enitatur, vt secundum ciborū proportionē quotidie etiam egerat excrementa cōuenientia tum per aluū, tum per vrinā: maximè enim studere debet, ne excremēta retenta caput suis malis humoribus repleant. Vbi igitur natura in hoc satisfecerit, bene erit: ubi deficiet, tunc artificio suppleatur, cōmodissimumque & præsentaneum remedium, & ad hunc vsum instrumentū erit clysterium: maximè enim auertit à capite, confertimque & subito expurgat sine aliqua molestia. Clysteres autē sint ex betæ, maluarum, furfurisque decocto, addito oleo &

sale

fale, & ℞ iij. mellis rosati. Quod si clysterē non ita
facile assumpserit, vtatur ante cœnā ℥ j. optimæ a-
oēs ad formā pilulę redactę, hora vna ante cœnam,
ois aut ter in septimana, si ita res exegerit: nam hoc
remediū auertēt à capite vapores omnes, prouoca-
bit vrinā & alia excremēta, aperiet obstructions ve-
narū, corroborabit ventriculum, & vegetabit calo-
rem innatū: hæc enim omnia efficacissimè præstat a-
oēs vsus. A Venere quāmaximè abstinebit: nam ab
antiquis omnibus, præcipuè ab Hippocrate medico-
rum principe, Venerē nihil aliud esse quā breuem
epilepsiam, proditū est. Superest viuendi ratio cir-
ca cibū & potum, in quo maxima sue curationis por-
tio cōsistit: ex cibo nanq; & potu generantur humo-
res, ex humoribus obstructions, ex obstructioni-
bus epilepsia. Curandum igitur est, vt humores boni
generentur, & nō boni tantū, verū etiam quantita-
te moderati: redundantia nanq; humorū, etiam si o-
ptimi fuerint, pessimos generat morbos, inter quos
epilepsia quoq;, & apoplexia numerātur. Cauere igi-
tur oportet à cibis tum qualitate, tum quātitate pec-
cantibus. Sed & multitudo ciborū vel varietas vitā-
da est: neq; enim in varietate cōtingere potest, quin
& plus sumatur alimenti, quā oporteat, & deinde
cū assumptum est, ob naturarum diuersitatem &
contrarietatem non corrumpatur, & putrefiat. Vni-
co cibo contentus erit, idque horis consuetis. Ca-
uebit diligenter, ne cibum assumat, nisi priorem con-
coxerit: ideo ad mensam non accedat, nisi vera fa-
mes coëgerit. Et propterea non malum erit, si quan-
do omnino etiā abstinebit à cibo: id enim natura se-
pe exigit, vt quod assumptum est, decoquat atq; di-
stribuat. Prandium sit & cœna inter se proportionē
correspondentia, vt ex tribus partibus cibi viginti-

B

quatuor horarum, pars vna sumatur in prandio, dua
verò partes in cœna, ita tamen vt post cœnam leui-
ter & suauiter deambulet, neque prius cubitum eat
quàm duæ saltem horæ à cœna peractæ fuerint. Ca-
uebit, ne inter prandium, & cœnam, & horam decu-
bitus, aliquid prorsus bibat, siue vinû, siue aqua fue-
rit: neq; etiam aliquid comedat, siue sint fructus, si-
ue aliquid aliud genus edulij: omnia enim hæc sum-
mopere nocebunt, & coctionē impediunt. Abstine-
bit præcipuè ab omni genere carniû antiquarum,
sicut sunt bubulæ, caprinæ, & castratorum veterum:
à carne porcina cuiusq; generis, siue recēs, siue sal-
ta fuerit: ab omnibus palustribus auibus, sicut sunt
anserēs, anates: à coturnicibus, quas Itali Qualias
vocant, habent enim innatū quendam & naturalem
consensum ad epilepticos motus excitandos. Caue-
bit ab omni piscium genere, præcipuè tamen à pa-
lustribus, & anguillis, & ab his quas Tencas vulgò
vocant: ab omnibus pastilibus, lacticiinijs, cibarijs
frictis in sartagine, à fructibus, præter ficus & melo-
nes, quos tamen in pauca quantitate, nec quotidie,
concedimus: à caseo, ab ouis duris, ab omnibus ace-
tarijs, præcipuè herbarum crudarum, & maximè la-
ctucæ, & tandem ab omni eduliorum diuersitate: à
vinis quoque omnium generum, hoc enim præcipuè
placeret. Sed si aliquod vinum bibendum est, sit il-
lud pauciferum admodum & bene dilutum, album,
& in paucissima quantitate. Quantum verò ad medi-
camēta alia, laudo per aliquot subinde annos autum-
no & vere purgetur: purgatio autem sit huiusmodi:

℞. Floris cassiæ 3 x.

Specierum hieræ simp. 3 ij.

Cum saccharo fiat bolus sumendus tribus horis an-
te prandium. Item

℞. Oxy-

℞. Oxymellis scillitici

Syrupi de betonica

ana ʒ j.

Aquæ pæoniæ

ʒ iiij.

Misce pro vno, & sic pro alijs septem. Post vltimum syrupum die immediatè sequenti accipiet infra scriptam medicinam manè in aurora cum custodia:

℞. Confectionis hamech

ʒ iiij.

Corticum radicum ellebori nigri

ʒ j.

Syrupi rosati solutiui eiusdem anni

ʒ iiij.

Cum aqua pæoniæ fiat potio sumenda in aurora cum custodia. Deinde

℞. Sacchari rosati ʒ iiij.

Sumat ʒ s. hora vna ante cibum bis in die. Et hoc

pro euacuationibus tam autumnì quàm veris. Medijs verò temporibus vtatur ter vel quater etiam in mense pilulis infra scriptis, sumendis vna hora ante cœnam ad pondus ʒ j. videlicet:

℞. Seminum pæoniæ

ʒ j.

Garyophyllorum

Nucis muscatæ

ana ʒ s.

Rheubarbari electi

Aloës succo citrini

Agarici præparati

ana ʒ ij.

Puluerizentur omnia per se, & misceantur: deinde aspergantur succo rosarum puro, & permittantur exiccari, & ita iteretur septies: deinde cum oxymelle squillitico fiat magdaleon, de quo fiant pilulæ tres singulis vicibus ex singula ʒ j. & reformatur cum oxymelite squillitico. Item vtatur frequentissimè electuario infra scripto bis aut ter etiam in septimana, & deglutiat singulis vicibus cochlearia duo tribus horis ante prandium.

℞. Oxymellis squillitici

ʒ ij.

Mithridati optimi

ʒ j.

Succi radice pæoniæ recentis

ʒ iiij.

B 2

Seminum pæoniæ

Seminum citri

ana 3 ij.

Pulueris cranei humani 3 ij s.

Sacchari rosati 3 iiij.

Misce cum saccharo siue Iuleb rosato, fiat lambituum. Item quandoque vbi electuarium fastidierit, fumet 3 j. infra scripti pulueris in brodio pulli circa auroram:

℞. Seminum pæoniæ

Pulueris humani cranei

ana 3 iiij.

Garyophyllorum

Nucis muscatæ

Seminum citri

ana 3 j.

Misce, & fiat puluis, qui seruetur ad vsum. Duo autem cauteria in cruribus continuè teneat aperta, & pro his dilatandis loco pulueris vtatur vnguento hoc:

℞. Vnguenti Aegyptiaci 3 j.

Lithargyrij

3 s.

Misce.

Et cum huiusmodi ratione victus & remedijs cum diuino auxilio probabile est, suam Illustriss. Dominationem conualiturâ. Efficaciora remedia vti minimè necessaria omittentes, faxit Deus ne illis indigeat. Successum verò morbi rescire subinde desideramus. Caput poterit abluere ter & quater etiam in mense ante cœnâ, atq; eo die se contineat in ædibus, custodiendo se à vento & à frigore. Lixiuiū quo se abluet, tale erit. Primo conficiat lixiuium dulce ex cinere salicum vel vitium, deinde accipiat huius lixiuij quantitatem pro vna ablutione necessariâ, & in ea decoquat maioranam, betonicam, asarum, & 3 j. agarici optimi in panno lineo inuolutam, quam postea exprimet diligenter, & cum lixiuio caput abluet vt dictum est, adhibito sapone odorato.

Con-

consult. IIII. De imbecillitate cerebri cum uertigine
 & catarrho perpetuo, pro matrona & Comite à
 Drichtristain Germana.



Illustriſſimam dominam primò eſſe im-
 becillis cerebri conſtat ex vertigine,
 quam tot annis perpetitur: ex perpe-
 tuo catarrhi deſluxu: ex eo quod acci-
 dit, ubi ſe bis inuerterit, videri ſibi omnia concide-
 re. Hanc imbecillitatem tantummodo in cerebro
 ortum habere, an aliunde fieri, poſſet aliquis dubita-
 re. Cùm tamen tandiu perſeuerauerint accidentia,
 quæ multis etiam remedijs hætenus non potuerunt
 tolli, in ipſo cerebro læſionẽ eſſe probabile eſt. Non
 imò fieri poteſt, quin & à ventriculo, & à toto cor-
 poris ambitu augeantur cerebri affectus. Nam quã-
 is propter capitis deſtillationem, tum ad ventricu-
 lum delabentem, tum per neruos & vertebraſ ad ſin-
 gulas partes corporis deriuatã, languor ille vniuer-
 ſalis, & ventriculi affectus generari poſſint, tamẽ fit
 inde circulus: nam ubi ſemel affectio in inferioribus
 artibus generata fuerit, cerebro quoq; cõmunica-
 tur. Iam ergo neq; cerebrum omnino ſine inferio-
 rum conſenſu, neq; inferiora ſine cerebro affici pu-
 o, ſed ſibi inuicẽ vtraq; ſimul mutuis vicarijs labe-
 ri. hinc perſeuerantia ægritudinis, & curationis
 difficultas, omnibus ſcilicet membris affectis, & præ-
 cipuè principalibus, quæ ſibi æqualiter cõmunicant
 affectum. Si verò à me quærat, quænam imbecil-
 tatis cauſa ſit, credo ad frigidam intemperiem eſſe
 referendam, ex perpetua deſtillatione & perſeueran-
 tia, & longitudine morbi, ex tarditate & ſegnitie ac-
 cidentium. Neq; dubium eſſe poteſt, hanc intempe-
 riam frigidã copię materiæ congeneris, frigide ſcili-

cet & humidæ copulari. Non tamen hoc corpus priuari atræ bilis abundantia crediderim: nam calida hepatis temperatura, & habitus corporis, & amplitudo venarū, hæc facillè possunt ostendere: quæ ubique adfuerint, si postea adiungatur curæ, & molestiæ, & animi accidentia, & longæ ægritudines afflictales, & ætas iam decliuus, fieri non potest quin ibi melancholicus humor redundet, atque inde deterioriores diuturnioresq; fiant vertigines, inde etiam quandoq; tremor cordis. Ergo si curari voluerit Illustrissima D. à tam longa tamq; pertinaci ægitudine, quæ fundamentum habet & firmā sedem in membris etiam principalibus essentialiter affectis, & sibi inuicem ad maleficium consentientibus, cum accessione quoq; pessimorum humorum, pituitę inquam destillantis, & atræ bilis euaporantis. Si ergo curari voluerit Illustrissima D. indigebit proculdubio plurimo tempore, diuturna perseverantia, & pertinaci patientia, obediendo fidelibus medicorum cōsilijs, neq; ab illis recedendo, donec integram sanitatem fuerit consecuta: alioqui si parum confidat, & desperet, & tardum euentum nunquam futurū putet, medicamentaq; opinetur nihil propterea cōferre, quia serò curant, profectò immedicabilem prorsus reddet ægritudinem, & dum sæpe ad varia medicorum consilia, & varias opiniones se cōferet, in nullo proficiet. Quod ergo primum præcipimus illud est, vt proponat morbum habere longum & diuturnū, qui etiam longa indigeat curatione. Hoc ita supposito, primò deliberabit, & enixè studebit Illustrissima D. vt in ratione victus moderatissima sit: caueatq; in primis ab omni aëris excessu, cerebrum enim imbecille præcipue ad aëris omnes iniurias exponitur: & quamuis frigiditas in hoc casu maximè aduersa sit,

non

non tamen propterea calori tutò occurret : nam si-
cut frigiditas auget, deterioremque reddit intem-
periem, ita calor colliquat humores, calorem resol-
uit, & vires exhaurit. Studendum igitur est quam-
maximè, ut aërem eligat temperatum : ideo ab om-
ni flatuum genere, & à pluuijs, à niue cauebit, & æ-
statis tempore in feruente sole non ambulabit, ne-
que immorabitur. Germanica etiam vaporaria non
adeò placent : qui enim in vaporarijs degit, semper
in extremis versatur, vel nimo scilicet calore, vel ni-
mio frigore. Caput muniat ôperimentis, quibus ita
se ab aëris iniuria defendat, ut non tamen grauetur.
Hoc etiam loco laudo, ut semel saltem singulis septi-
manis caput abluat, scilicet horis vespertinis, post
solis occasum, ut possit post capitis lotionem tota
subinde nocte se intra cubiculum proprium cômò-
dè continere, neque se aëri exponere : eritque lotio
huiusmodi. Sumatur lixiuium ex sarmentis vitium,
quantum sufficit ad vnicam capitis lotionem, atque
in eo decoquatur maiorana, lauri baccæ, pulegium,
calamentum, ocimum cum seminibus, & agarici ele-
cti contusi, & ligati in petia 3 ij. addaturque vini
pars tertia ad lixiuij mensuram, & tunc omnia deco-
quantur ad consumptionē quartæ partis, postea fiat
expressio, & colatura, & cum hoc lixiuio lauetur ca-
put cum aliquo sapone odorato. Ex hac enim lotio-
ne mirum in modum caput corroborabitur, quæ si
conferre videbitur, laudo ut bis in septimana repe-
tatur. Præterea mirum in modum placet, si pomū ha-
beat odoratū, quod assiduè manibus teneat, & odo-
ret. Pomum erit talis descriptionis:

℞. Ladani electi, & pinguis 3 j.

Styracis pinguis

Belzoini

ana 3 j.

B 4

Garyophyllorum

Cinnamomi

Nucis muscatæ

Seminum nigellæ ana 3 ij.

Olei de garyophyllis odorati 3 j. s.

Gummi tragacanthi

Masticis ana 3 ij.

Diffoluatur gummi in aceto rosaceo, postea omnibus simul cōpositis secundum artē fiat pomū, additis in fine, moschi, ambre ana gr. x. Seruetur hoc pomum, & odoretur, vt dictum est. Ad idem quoq; cōferet, si perpetuò in cubiculo, in quo dormit, & versabitur, fiat suffumigium infrascriptum.

℞. Ligni aloës

Belzoini

Styracis ana 3 j.

Sandalorum citrinorum 3 iij.

Thuris masculi 3 j.

Excipiantur omnia cum gummi tragacanthi dissoluti in aqua rosacea, & fiāt trochisci parui pro suffumigio. Præterea operimēta capitis sint, quāmaximè fieri possit, candidissima, & caueat ne sordescant humore capitis: perpetuoque, præcipuè in hyeme, antequàm applicentur capiti, calefiant, & apud ignem exiccentur, deinde suffumigentur odoratis aromatibus, & sic capiti imponātur. Circa cibum & potum, primò si vino fuerit assueta, à vino non discedat, sed eligat limpidum, non multum potens, colore albo. Si verò sit assueta ceruisiæ, ad vinū non accedat, ceruisiā tamen eligat sine lupulis: lupuli enim summopere replent caput. Vnico etiam cibo contenta erit, & multitudinem epularum tanquam pestem euitabit, & mihi credat, nihil magis illi perniciosum fore, quàm eduliorū varietatem. hoc præcipuè

puè admoneo & obtestor, & repeto, tum quia ad curationē maximè suam refert, tum quia nouerim nobilium & prædiuitum hoc esse vitium peculiare, ut copia & diuersitate epularum maximè delectentur, sitq; illis honori & ambitioni relatum, quod in perniciem & mortem vertitur. Ergo cauendum moneo, ac præmoneo, à ciborum diuersitate. Unicus autem cibus sit facilis concoctionis, & optimi nutrimenti. Talis erit, primò panis purissimi tritici, optimè fermentatus, carnes hœdinæ, castratorum iuuenum, vitulorum lactentium, pullorum, perdicum, phasianorum, auicularum paruarum montanarum: à reliquis carnibus abstinendū consulo. Oua sorbilia recentia congrua sunt: quandoq; rarius tamen, pisces saxatiles, ita tamen, ut si pisces comederit, nullum præterea cibum admittat. Abstinebit à fructibus, ab omni acetariorum genere, præcipuè ex crudis herbis, à lacticiis, à pastilibus, & ab his quæ in sartagine frīguntur. Cauebit etiam satietatem: bis tantum in die comedat, neq; omnino bibat inter cœnam & prandium. Euitabit animi accidentia quāmaximè poterit. Exercebit corpus horis matutinis, vel ambulando, vel equitando, vel intra domum aliquo familiari exercitio incumbendo. Non dormiat vltra horas octo, maneq; circa exortum solis exurgat, neq; comedet nisi post horas quinque, cauebitq; omnino à meridiano somno. Studebit quotidie excrementa alui red dere, quæ si fortè defuerint, optimè sibi afferetur ab usu aloës, cuius scrupulum sumat hora ante cœnam, quotiescunq; dictabit necessitas. Hæc sufficiant ad victus rationem, in qua potissimum studium ab Illustrissima sua D. ponendū est, & in hoc potissimè curatio huius morbi consistit. Quantū verò ad medicamenta attinet, laudo ut bis in anno totum cor-

pus expurgetur, vere scilicet & autumnno, poteritq;
purgatio esse huiusmodi:

℞. Specierum hieræ simplicis ʒ ij.

Floris cassiæ ʒ j.

Cum saccharo fiat bolus, sumendus hora vna ante
prandium. Sequenti die syrupum huiusmodi sumat:

℞. Syrupi de stœchade

De betonica ana ʒ j.

Decoctionis corticū citri, addita portione ga-
ryophyllorum in aqua endiuæ, ʒ iiij.

Misce pro vno, sic pro alijs vsq; ad septimū. Deinde

℞. Confectionis hamech ʒ. iiij.

Syrupi rosati solutiui ʒ iiij.

Misce, & fiat potio cum aqua betonicæ sumenda in
aurora cum custodia. Item

℞. Sacchari rosati ʒ ij.

Sumat semunciam ante prandiū & cœnam per duos
dies post assumptum pharmacū, quod quidem tam
autumnno, quàm vere repeti poterit. Laudo tamē vt
vere mittatur sanguis à vena basilica lateris dextri,
vel à saphena pedis dextri, si fortē menstrua defue-
rint, tempusque mittendi erit post duos syropos as-
sumptos. Item laudo vt frequēter, necessariò etiam,
quotidie mastichen mandat, expuatque saliuā. quòd
si quoque eandem mastichen deglutiuerit, non erit
importunum. Quandoq; etiam mastiches loco man-
dere poterit, vt frustulum nucis muscatæ, vel tantun-
dem radicis zedoariæ, vel folia dictamni Creten-
sis non exoluti, si haberi poterit. Præterea hora decubi-
tus, si in aurem vtranq; iniecerit oleum odoratū ex
garyophyllis, vel oleum nucis muscatæ quod ex Lu-
sitania defertur, si haberi poterit, non fuerit inutile.
His omnibus peractis, si non succedat euētus, quem
admodū cupimus, laudo vt cauteria fiant in vtroq;

crure

erure in vtraque parte extrinseca, per quatuor digitos infra iuncturā, & dimittantur aperta saltem per annum integrum, & diutius quoque, si apparuerit. Quòd si etiā tales aquas habere posset, & stillicidiū ab eis sumere, quales sunt nostræ Apponenses, crederem mirificè esse profuturas, si modò & suo tempore, & post debitas purgationes citò exhibeantur

Consult. V. De catarrho, & fluore sanguinis cum macie corporis, & dolore pectoris, pro Illustrissima matre Illustrissimi Ducis Florentiæ.

PRimum audiuius, quòd ista Illustrissima mulier habet sua membra nobiliora valde inæqualia, quod est maximè attendendum. Habet enim ventriculū frigidum & humidum, cū deberet esse calidus & humidus pro concoctione fienda: hepar est frigidū & humidum, cū deberet esse calidum, est tamen excessus frigiditatis: habet præterea cerebrū calidū & humidum, cor verò calidum & siccum. Stantibus ergo istis horum membrorū inæqualitatibus, nobilissima hæc mulier vexatur multis dispositionibus præter naturam, quæ sunt septem. Prima enim est catarrhi destillatio à capite descendens ad inferiora, qui in substantia modò tenuis est, modò crassus: in sapore verò perpetuò est insipidus. Secundò patitur flatus & rugitus in ipsis intestinis. Tertiò dicunt hanc pati fluxorū hæmorrhoidarū admodū excedentē, qui in principio cōfertim cōsuevit fluere in maxima copia, ita quòd quādoq; effluxerint 25. libræ, quandoq; verò decē, quandoq; duodecim. Et aiunt hunc fluxum ferè semper præcessisse menstrua. Nunc verò non ita confertim & affatim fluit iste sanguis, sed pau-

latim & continuè : & sicut tunc menstrua talem fluxum præcedebant, ita etiam nunc præcedunt & subsequuntur: non tamen tempore menstruorum patitur huiusmodi fluxū. Quartò patitur diminutionem menstruorum, ita vt nunc duæ aut tres vnciæ sanguinis effluant. Quintò, ipsa est arefacta & extenuata, & cachexiam habuit, & circa oculos, & fauces, & circa tibias tumores quosdam. Sextò habuit vrinas continuò albas, tenues, & crudas, & in magna etiam quantitate, licet nunc nō sint tam copiosæ. Septimò aiunt habere dolorē pectoris, modò in dextro latere, modò in sinistro, modò in medio, quod *ῥέπον* appellāt, qui talis est naturæ: in principio incipit calor, & morbus fluxionis sanguinis futuræ, & paulatim paulatim descendit quousq; ad pectinem deueniat, & cū ibi est, tunc erumpunt mēstrua, & cessat talis dolor. Ista sunt accidentia præter naturam afficientia nobilissimam hanc mulierem, quæ scripta sunt ab Excellentissimis illis medicis, quæ considerāda sunt à nobis : quoniam, vt inquit Galenus, neq; affectus præter naturā, neq; symptomata, neq; ægritudines possunt curari non cognita causa, & essentia ipsius: quoniam ab essentia, & à proprijs causis sumuntur veræ indicationes curandi. Et ideo seriatim procedendo, primò dicam causam illius destillationis catarrhi, à quo multa incommoda dependent: nulla enim natura inuenitur magis prona ad catarrhos generādos, quàm ea, quam diximus istam nobilissimam mulierem habere, quia cū ventriculus sit frigidus & humidus, sequitur quòd fiat mala decoctio, & per consequens multi adsunt humores crudi, à quibus multi vapores ad caput eleuātur. Cerebrum autem cū sit calidum & humidum, ideo idoneū est, vt habetur lib. I. artis medicinalis, ad suscipiendas tales superfluitates,

fluitates, & non parū vapores, qui à plurimo sanguine & tenui, in hepate calido & humido generato eleuantur. Vnde non tantū à ventriculo, sed etiam à tota massa sanguinea plurimi vapores ascendunt ad caput, qui cū eius cerebrum sit calidum & humidum, facilè ab ipso suscipiūtur, & maximè si accedat aliqua ex extrinsecis causis, vt si fiat peccatum circa cibum & potum, circa animi accidētia, circa aërem, in quibus omnibus puto hanc nobilissimam mulierem peccasse: habitat enim Florentiæ, vbi est aër subtilissimus, qui est causa fluxionum. Præterea non est mirum si quando talis catarrhus fuit crassus, quandoq; verò tenuis, quoniam talis fuit secundum varios & varios cibos, & varias concoctiones. Quòd autem sit perpetuò insipidus, hæc potest esse causa, quoniā hepar, ventriculus, & cerebrum, omnia ista ad hoc conspirant. Et sic videtur mihi quòd istæ sint causæ istius catarrhi, & qualitatis substantiæ, & saporis. De secundo modò dicendum est, scilicet de flatu, & rugitu, & dolore intestinorum. Si enim ventriculus ipsius natura est frigidus & humidus, & sæpæ fiūt destillationes à capite, & fiat ille circulus debili existente calore, ratione obiecti fiunt vapores: quia cū materia est frigida, & calor innatus est debilis, statim ex eo eleuantur vapores, & flatus, ex quibus sequitur dolor. De tertio accidente dicendū est, scilicet de fluxu hæmorrhoidarum, vnde proueniat. Certè ad inueniendum causam huius fluxus, vtar distinctione Galeni v. de causis accidentiū. Vel enim talis fluxus fit ratione vasorum & meatuū, qui magis dilatātur: vel quia dilatantur orificia vasorum propter rarefactionem (prætermitto modò dilataciones vasorum quæ sint ex contusione, atque etiam prætermitto fluxus qui ex erosione sint, quia nō fa-

ciunt ad rem nostrā) vel sit talis fluxus vitio sanguinis, vel quia plurimus sit sanguis, vel quia nimis tenuis, vel quia sit acris, ita ut excitet virtutem expulsiuam: vel nimis feruens, ita ut faciat intumescere venas: vel sit ratione membrorum mandantium, quorum virtus sit potens in expellendo, vel ratione imbecillitatis virtutis recipientiū: ex istis enim potest causari talis sanguinis fluxus. Sed dices, à qua causa putas provenire istum fluxū sanguinis? Dico, quod fortè ab omnibus. Primò enim quod concurrat dilatio venarū & orificiorū, potest coniectura assequi ex duobus signis: nam dicit fluxū sanguinis incepisse dum igni dorsum exposuit, ex quo non tantum vena caua propter caliditatē potest fuisse aperta, sed etiam aliā, quia calidi est aperire, ita quod causa procatartica fuerit caliditas. Alia cōiectura potest consequi à iuuantibus & nocentibus, quia bis cum aquam balnei Villæ & Aquarij sumpserit, illicò cessauit fluxus: aqua enim Aquarij est aluminosa, & astringens. Præterea ex sola lymphatione aquæ balnearū Villæ, quæ aucta est ex impositione ferri, vnde aucta est vis astringendi, fuit liberata. Præterea existimo illud accidens non solum contigisse ex vasorum apertione, sed etiam propter sanguinis multitudinē, quoniam emanarunt interdum xxv. libræ sanguinis, interdum decem, interdum duodecim. Et præterea talis effluxus hæmorrhoidarum euenit, postquam dimisit phlebotomiam frequentem. Quia igitur impeditæ fuerint consuetæ excretiones, & ut scitis ex II. de ratione victus in morbis acutis, consuetudo interdum vertitur in naturam: quia igitur dimissa fuit phlebotomia cōsuetæ, natura tentauit aliam excretionē. Et sic patet quomodo multitudo sanguinis fuerit causa huius defluxus. Etiam acredo, & tenuitas sanguinis


nis fuit in causa, quia sanguis qui exit tenuis est, & prius à prædominio cholerae, nunc verò aquosus. An verò nunc etiam sit cholericus, nec ne? Dico quòd nō potest esse cholericus, quia fuit feruor in sanguine: quia tunc dum bis assumpsit stillicidium Sancti Philippi, quod calidum est, ut illum catarrhum sisteret, semper post assumptionē irrigationis in fluxum sanguinis deuenit, ita quòd calefacto corpore data fuit occasio prodeundi sanguinis. Et sic ratione latitudinis venarum, & apertione orificiorum, & ratione virtutis expulsiuæ fortis, & ratione multitudinis sanguinis, & acredinis, & tenuitatis ipsius, factus est iste fluxus. Et licet ille medicus, qui scribit ad nos casum, dicat quòd corpus sit arefactum, addit tamen, virtutem non resolui: & ad hoc etiam concurrit imbecillitas contentiuæ. Et quia dubitatum est, an iste sanguis fluat à partibus superioribus, scilicet ab hepate, & ad inferiora descendat: nam dicunt, est maxima copia, & videntur potius declinare in hanc sententiam, quàm quòd sit fluxus hæmorrhoidarū. Sed non incōuenit quin etiam ex hæmorrhoidibus possit prouenire: imò credo quòd ex ipsis veniat, si posset videri, quia iam multitudo sanguinis facta fuerat. Et nos vidimus non tantum 25. libras fluxisse ex hæmorrhoidibus, sed etiam 36. & 40. in paucissimis diebus, & ex naribus in vno die 10. & 20. & 25. libras vidimus effluxisse, in quo tamen sunt debiliores venæ. Ideo dico quòd nō concludit, hic est fluxus sanguinis copiosus à sede, ergo nō ex hæmorrhoidibus. non tamē ego assero quòd ex hæmorrhoidibus contingat, quia nullam habeo coniecturam super hæc: sed tamen bonum esset si haberemus præsentem, & possemus videre, quia si ab hæmorrhoidibus fluere, facile videret. Sed si esset ab hepate talis fluxus

per concauitatem intestinorū, eſſet commiſtus cum
fæcibus quandoque, quod tamen non eſt dictum ab
Excellentiſſ. illo Doctore. Siue ergo ab hepate, ſi-
ue ab hæmorrhoidibus, ſatis eſt quòd ſit ex apertio-
ne venarum, & ex multitudine ſanguinis, & ab acri-
tate, tenuitate, & eius ſeruore. Tertium ſympto-
ma eſt, quia habet menſtra nunc diminuta, quia non
excedit duas vel tres vncias ſanguinis. Dico quòd
hoc eſt duab. de cauſis: vel ratione ætatis, quia agit,
vt audio, 42. annum, & fortasſe amplius, & plerunq;
in tali ætate deficiunt menſtrua ex toto, vel ſaltē di-
minuuntur. præterea habet auerſionem, ſcilicet flu-
xum hæmorrhoidarum, ideo nō angor in hoc. Præ-
terea adeſt vrina alba, tenuis, & cruda: de hoc nō ha-
benda eſt cura, quia frigefit corpus, ex rarefactione
habitus, & ex frigidityte coctiones fiunt deteriores,
& ideo vrina apparet crudior: præterea color qui de-
beret eſſe in vrina, fortasſe auertitur per defluxum
ſanguinis. Præterea dicūt quòd adeſt arefactio cor-
poris & imbecillitas, & tumor in facie, oculis, & ti-
bijs: hoc habet cū ſit frigidius corpus, & rarefa-
ctio, quia factis deterioribus concoctionibus, facta
eſt atrophia, & ſic non poteſt fieri aſſimilatio, & ſic
conſequitur diſpoſitio ad cachexiā, & ad hydropē,
vt 11. de facult. natur. & ſic ad anafarcam. Præterea
ait dolere ei pectus modò in parte dextra, modò in
ſiniſtra, modò in medio, & poſtea cū ſequit fluxus,
ceſſat dolor. Talis poteſt eſſe cauſa, quia pars ſubti-
lior & tenuior catarrhi prouenit ad aliquas venas,
quæ ſiue trahatur à venis, ſiue ab arterijs, ideo venæ
diſtenduntur, & ſic cauſatur dolor, quia natura illuc
transmittit talia excrementa, & non ceſſat motus na-
turæ, donec tranſmiſerit ad loca cōſueta, ſcilicet ad
vterum. Cū igitur talia ſint ſymptomata, talesq;
habeant

habeant causas, ex tali notione causarū possunt prae-
 uideri quid circa singula sit iudicandum, & qua arte
 sit singulis occurrendum. Quoniam ergo plurimus
 sanguis euacuatus est, ideo videndum quòd corpus
 sit infrigidatum, & rarefactū: ex quo sequitur, quòd
 etiam hepar sit infrigidatū, & ideo posset sequi hy-
 drops, sicut patet ex v. 1. Aphorif. Vel etiam ex reten-
 tione sanguinis posset fieri scirrhus in splene, vel in
 hepate, & sic sequetur omnino hydrops, quod appa-
 ruit ex illis tumoribus. Sed dices, quare nunc nō ap-
 parent illi tumores? dico quòd ratio est, quia non ef-
 fluit sanguis in ea copia qua prius. Sed si talis sangui-
 nis fluxus non cessauerit, refrigerabitur hepar, & ea
 frigiditas quæ nunc est, per absentiam caloris scili-
 cet sanguinis, fiet positiva, licet nunc existimē quòd
 non sit positiva, & sic omnino sequet̃ hydrops, quia
 hydrops est propria passio sequens ad ipsam hepa-
 tis frigiditatem. De destillatione autem dico, quòd
 ea non potest penitus sisti: bene potest emendari, si
 voluerit vti recto victus regimine: & sic alia sex sym-
 ptomata poterūt emendari, si ipsa voluerit vti recto
 regimine: quòd autem curetur, non credo. Et si pos-
 sit omnino sisti talis fluxus, ego non laudarem, quo-
 niam Hippocr. & Galenus v. 1. Aphorif. x. i. dicunt,
 quòd semper cū fluunt, debet vna aperta relinqui,
 quia aliter fieret collectio multarum rerum præter
 naturam, & sic deueniret vel in scirrhum hepatis, vel
 splenis, & tandem in hydropem caderet. Pro cura
 verò omnium istorum symptomatum tradam distin-
 ctas curas omnium. Et pro destillatione à capite ad
 inferiora, primò corroborabimus membra, ex qui-
 bus eleuantur vapores, vt hepar, & stomachum: dico
 stomachum, ne ita esset aptus ad recipiendum. Sup-
 pono tamē vniuersales euacuationes fieri cum con-

fuetis, & cū facillimis. Si enim vellet hac æstate purgari, aliud esset, quàm si autumnō: quoniā si hac æstate, sumeret leues syrupos, qui plures haberent intentiones, & respicerent omnes affectus: & ideo eligerem syrupū de endiuiā, quia habenda est ratio ne hepār nimis incalescat, & ventriculū corroborare oportet, vt possit melius concoquere. Et hoc non facerem cum vehementer calidis, sed cum moderatē calidis. & ad roborationem corporis, & inferiorum, darem syrupum de betonica, quia non habet caliditatem de qua sit timendum, & habet proprietatē respiciendi caput, mel rosatū, icleniabin zuccarinum, & acciperem singulorum ʒ. vi. ita vt essent drach. xviii. in singulo syrupo, & cum decoctis siue ex cichorea, siue ex coma absinthij, ex betonica, ex violis. Post aliquot syrupos darem vel mannā, vel cassiam cum infusione rhabarbari, vel cum syrupo rosato solutiuo. Sed nunc nō cōsistamus in agarico stante illa caliditate. Si verō autūno vellet purgari, pro digestionē materiæ exhiberē oxymel compositum: pro euacuatione darem agaricū, & eius infusionem, & darem confectionem hamech, quoniam euacuat materias crassas, & euacuat à capite propter myrobalanos, & habet vim astringendi, & corroborandi. Postea procederem ad corroborationem membrorum per exterius & interius, & vellē quod recta victus ratione vteretur. Pro corroboratione ventriculi & capitis, vellem quod continuē vteretur zuccharo rosato, & bolo Armeno, antequā ingredereetur lectum, quia Galenus multos asthmaticos solo bolo Armeno sanauit: præterea corroborat inferiora, & exiccat catarrhum, & confortat, & corroborat omnia membra principalia: ideo dicunt isti quod resistit venenis. Et sic ista bolo Armeno vteretur singulis

his diebus, vel saltem alternis in vesperi, cum vadit
dormitum. Et vteretur lotionibus capitis cōuenien-
tibus cum lixiuo dulci, cum rosis, balaustris exiccan-
tibus & infrigidantibus: quia caput calidū est & hu-
midū, ideo cum contrarijs debemus occurrere, cum
myrtis, cum corticibus granatorum, & etiam cum
agarico decocto in lixiuo: & sapo confectus esset
ex agarico, iride, & sapone communi. De reliquis
verò accidētibus, & de flatu, credo quòd curata de-
stillatione, & roboratis membris, omnia cessabunt:
tamen pro flatu vterer zuccharo rosato cum cinna-
momo, cum garyophyllis, macis, & reliquis huius-
modi: & ista corroborant etiam ventriculum. De flu-
xu quærerē moderationē tantū, & maximè si non
ab hæmorrhoidibus: & omnia quæ diximus confe-
runt etiam ad corroborandas virtutes. Vellem vt vte-
retur myrobalanis chebulis, indis, & citrinis, & præ-
cipuè chebulis. Præterea in sex rebus non naturali-
bus nollem ipsam aliqua delinquere: & si posset eui-
tare illum aërem tam subtilem, laudarem vt iret ali-
quò extra urbem: præterea fugeret animi perturba-
tiones, & accidentia, quantū fuerit possibile, & vte-
retur moderato exercitio. Cibus autem neq; nimi-
tenuis, neq; nimis crassus sit, sed medius: quo-
niam si esset aquosus ille sanguis effluens
& acris, darem cibos crassos. Vellem
præterea vt vteretur confectio-
ne facta ex pistacijs, & ex
feminibus melonum,
cum granis
pini,
licet fortasse melius esset.
sine huiusmodi
granis.



Voniã inter malos corporis affectus huius Illustrissimæ Dominæ, quæ quadragenaria est, præcipuus esse videt ille sanguis eiectus à sede: vnde credimus etiã corpus exaruisse, & seipso imbecillius redditum iam pridẽ, quòd tum crura, tum facies intumuisse videantur, & à destillatione, vt patet, non parum foueri: & cùm non sit nobis explicatũ, vtrum à venis, quas hæ morrhoidas vocant, an ab intestinis deferatur, determinare nolumus id quod cõiecturis tantũ assequi possumus. Et quãuis à venis hæmorrhoidalibus pleriq; nostrũ potius effundi arbitrabatur, tutiorem tamen partem eligimus: itaq; remedia ita moderaturi sumus, vt vndecunq; fluxerit, communis vtilitas consequatur. Primò ergo ex malo corporis habitu necessarium est excrementa multa in ventriculo, & venis, & extra venas quoq; aggregari: postea natura stimulata ad expulsionem non desinit à cõtina sanguinis excretionem, cum quo & laudabilis excernit. Propterea consulimus, vt is à medicis præsentibus proximè sistatur, & corpus exquisitè purgetur, ita tamen vt habeat ratio temporis & virtutis, nec ad valida medicamẽta accedatur. Igitur molliri prius ventrẽ volebamus, vel clysteri, vel electuario de sebestẽ sine scãmonio, vel lenitiuo simplici, vel tali quopiã, prout in varijs regionibus variij vsus, seruari solent. Deinde syrupũ quoq; exhiberi, qualis est de cichorea Nicoli, vel rosaceus, vel de betonica, hoc modo:

R̃. Syrupi de cichorea Nicoli	℥ j. s.
De betonica	℥ j.
Decoctiõis betonicæ	
Cichoreæ	℥ iij.
	Misce,

Misce, fiat syrupus sumendus nouem aut decem diebus. Deinde sumeretur medicamentū, quod haberet rhabbari optimi drach. duas, spicæ grana sex. madesiant in aqua agrimonix: addatur diacatholico nis drachma, syrupi rosacei solutiui vnc. duæ: misce, & fiat potio. Qua purgatione perfecta, si satis corpus purgatum fuerit, bene erit: sin minus, tunc iteretur. Purgato autem corpore, tunc volumus primò, vt singulis diebus ante prandium & cœnam vtatur saccharo rosaceo, ita præparato:

R. Sacchari rosacei vnius anni	℥ iiij.
Garyophyllorum	3 s.
Cinnamomi	3 j.

Misce. Post cibum verò per horamumat myrobalanos chebulos optimè præparatos, ex his scilicet, quæ ex Alexandria deferuntur, & Genuæ potissimum inueniuntur: & in hoc præsidio summè confidimus. Præterea consulimus, vt singulis septimanis dormitura assumat boli Armeni quantum est granum ciceris, ita quòd ter vel quater singulis mensibusumat, & rhabbari optimi scrupulum in puluerem redactum, quæ admisceantur vel cum drachma sacchari rosacei, vel cum passulis & saccharo. Postea stomachus quidè illinatur assiduè istiusmodi vnguento:

R. Olei de floribus aranciorum, quod habetur in officinis eorum qui conficiunt aromata, ℥ j.

Mannæ belzoini quæ ibidem reperitur 3 j. s.

Garyophyllorum

Macis

ana 3. s.

Ladani optimi

3 ij.

Misce, & fiat linimentum pro stomacho: erit enim stomacho vtilissimum, & odoratum, & præcipuè dignum, si rectè conficiatur. Ad hepar verò aliud vnguentū non minus nobile parabitur ita confectum.

R̄. Olei de rosis paruis confecti, quod apud vnguentarios vulgò appellat oleum de rosettis, ʒ j.s.

Olei de spica, quod apud eosdem vnguentarios inuenitur ʒ j.

Masticis

Rhabbari electi ana ʒ j.

Specierum triasandalorum ʒ j.

Misce, cum modico ceræ albæ fiat linimentū pro hepate. Præterea volumus vt singulis septimanis caput abluat hoc modo. Cōficiatur lixiuū ex cinere salicis, aut vitis, in quo decoquantur rosæ, myrti, & ladanii durioris frustulū, & agarici drach. duæ, quo lixiuio lauabit caput, & sapone infra scribēdo vtatur.

R̄. Saponis optimi ʒ iiij.

Agarici ʒ ij.

Iridis

Garyophyllorum, ana ʒ ij.

Camphoræ ʒ j.

Misce, & fiat sapo secundum artem. Laudamus præterea vt mastichen assidue teneat in ore, mandat, expuat, coneturq; vt per nares pituita excernat, fiantque à medicis caputpurgia, prout illis magis opportunū videbitur. His igitur ita diligenter peractis, non minor pars reliqua est, & maxima: sine hac enim frustra reliqua adhibebuntur. Est autem ratio viuendi, quam exquisitissime seruare debet, si se ab extrinsecis periculis præseruari voluerit. Ergo primū eliget aërem temperatum, cauendo à nebuloso, & crasso, & à tenui, & frigido, qualis est Florentinus, præsertim accedente hyeme: & vitabit etiam ventos, Solis ardorem, & pluuias, & demum omnem aëris excessum. Et curabit vt quotidie naturalia excrementa excernantur, per aluum, per vrinam, per palatum, per nares. Iubebitq; sibi fieri matutinas frictio

ncs

nes in brachijs, & partibus superioribus, quæ sunt supra diaphragma, sintq; frictiones leues, & longæ. Deinde cum e lecto surrexerit, se exerceat deambulando, donec anhelitus immutetur. Cibus eligat qui optimum sanguinem generet, & facile concoquatur, qualis est caro perdicum, pullorum, phasianorum, hœdi, annalisq; castrati: & si ob nimiam inanitionem sanguinis debilem se senserit, quandoq; sumat ouorum recentium vitella, & cum vino albo aromatico aquæ permixto lentè decoquatur ad lactis consistentiam, & hoc ferculo ante cibum utatur: esset enim optimi nutrimenti, & valentissimum. utatur præterea ouis forbilibus. Ab oleribus, leguminibus, & ijs cibarijs quæ vulgò lacticinia, & pastilia dicuntur, à piscibus etiam, abstinendū est. Post cibum etiam utatur confectione ex pistacijs, seminibus melonum, & saccharo. Vitet ciborum diuersitatem, neq; ad mensam accedat, nisi præteritum cibum rectè concoctum senserit. Vinum eligat pauciferum, maturum, substantia & colore moderatum, quod etiam parcè bibendum est: ac potissimè obseruabit, ne inter cœnam & prandium bibat: longè tamen deterius est, si post cœnam dormitura potauerit. Inter medicamenta vnicum superest præstantissimum, quod superius suo loco omissum fuerat, quod ita habet:

℞. Succi foliorum myrti

Succi agrimonie

ana ℥ iij.

Succi absinthij

Succi hypocistidos

ana ℥ iij.

Hoc succo post purgationem inungantur renes, venter, stomachus, & utraq; hypochondria, & quod est in partibus inferiorib. circa lumbos: est enim membris mandantibus efficacissimum, & vasis recipientibus corroboratiuum, Hæc si fuerint peracta, spera-

mus Illustrissimam Dominam à multis imminenti-
bus periculis præseruatam iri, Deo fauente.

*Consult. VII. De catarrho, dolore capitis cum uerti-
gine, dolore podagrico, & œdematico tumore cru-
ris, pro Duce Melphensi.*



Intellectis his omnibus quæ à clarissimo
Doctore diligentissimè explicata sunt
circa dispositiones præter naturam Illu-
strissimi & Excellentissimi Principis, &
proregis in Italia Regiæ maiestatis, videtur hæc esse
summa. Patitur primò destillationē catarrhi ad par-
tes subiectas, quæ interdū difficultatē anhelitus in-
ducit: assidua tussicula infestat, nonnunquā etiā po-
dagrico dolore afficitur, ac præterea œdemate, & tu-
more crurū laborat, dolore etiam capitis, & vertigi-
ne non parū vexatur. Quæ cū inter nos diligenter
perpensa considerataq; fuerint, coniecimus proba-
bilibus rationibus ducti, fontē primamq; originem
horū omnium symptomatū esse imbecillitatē mem-
brorum naturalium ex frigidityate contractā, quæ qui-
dem frigiditas excessit, tum longo ætatis prouectu,
tum etiam mala victus ratione in omnibus sex rebus
non naturalib. Hoc ita esse satis indicare potest tu-
mor ille pedū œdematicus, & sanguis aquosus, qui
ex fluxu hæmorrhoidis conspici solet. Ea igitur ita
existente intemperie frigida tum ventriculi, tum he-
patis, par est omnia cōsequi symptomata enumera-
ta, præcipuè cū his accedat quoq; ut audio, capi-
tis intemperies frigida: plurimi enim vapores crudi
tum à ventriculo, tum à toto corporis ambitu ad ce-
rebrū ascendunt: itaq; non mirū est, si inde destilla-
tio cōtinua generet, cū ea materia vaporū sit per-
petua. Sequitur etiam, ut raptu materiæ, & catarrhi
descen-

descendentis secundum locorū diuersitatē varia sequantur symptomata, tussis inquam, anhelitus difficultas, dolores articulares, capitis etiā grauitas, dolor & vertigines. Quæ cū ita se habeant, habita ætatis ratione, iudicamus Illustrissimū Principē multa præseruatione indigere, moresq; ideo illi permuandos esse, vt proculdubio longè facilius sit præseruare, quàm curare. Quæ quidē præseruatio nullo modo à medico fieri potest, nisi Illustrissimus Princeps eodē prorsus studio teneatur. Primò igitur tota victus ratio immutanda est, aërisq; excessus omnes summopere vitandi, frigidi tamen præcipuè, & humidi. Cauebit flatus omnes, tam Austri, quàm etiam Boreæ. Fugiat quantū fieri potest omnes animi molestias, atque à cœna & prandio vacabit animo & corpore, nihil vel intense scribendo, aut cogitando, aut dictando, vt Principes solent, sed molliter deambulabit. Neque dormiet interdium, nisi in tota ætate fuerit consuetus, vel plus æquo noctu vigilauerit. Si ergo dormiendum fuerit, somnus erit perquàm breuis, & si fieri potest, non decumbat. Procurabit singulis diebus, vt venter obediat, & si natura defuerit, supplendum est. propterea quàm maximè probauerim frequentem vsum terebinthinæ Cypriæ: nam præterquàm quòd ventrē leniet, cōferet etiā catarrho, & pectori, neruos cerebrumq; corroborabit, urinā prouocabit, quod senibus præcipuè maximè est expendū. Si etiā caricis, aut ficibus aridis ex pinguioribus frequēter vtetur, ferè ad eosdē vsus cōferet. Sumere etiam interdum oxymel scilliticū, vel acetum eiusdem scillæ, si venter tolerabit, summopere proderit, non tantū ad molliendum aluum, sed etiam ad humores crassos viscidosq; incidendos, ad tussim, & podagram. Consulerem quoque, vt aliquo il-

lorum, vel omnibus interpolatim, & alternatim uteretur, etiam absque leniendi alui necessitate. Quartum verò ad cibum & potum attinet, primò illi omnis mensa Principum lauta & deliciofa omnino interdicens est: vnico enim cibo & simplici contentum esse oportet, qui sit facilis cōcoctionis, & optimi nutrimenti. Neque in eligenda materia multum immorabor, cum vulgatissima sit, habeatq; assistentem medicum prudentissimum, & doctissimum.

Potus sit vini minimè dulcis, sed maturi, clari, limpidi, & vnius saltem anni, non multum potentis, medicinalis coloris, quod etiam parcè bibat: abstinebitq; omnino à potu à prandio & cœna. Hac victus ratione sibi proposita utatur, quæ nullo modo varianda est sed habitus in ea faciendus: habet enim in præseruatione ferè totum pondus. Laudo postea, ut nonnullis etiam medicamentis utatur, quæ possunt ventriculum & hepar corroborare, & ab illis intemperiem frigidam remouere. Laudo igitur ut utatur ante cibum diatrion pipereon, quod in rotulis ex saccharo conficiatur, vel diacalamento eodem modo confecto. Nonnunquam etiam summopere cōferet vsus Mithridatici antiqui, quod ego theriacæ prætulerim Illustrissimo Principi. Vbi præterea compertum erit medico prudētissimo corpus idoneè euacuatum esse, neque redundare excrementis, laudarem tunc temporis frictiones quoque omnium membrorum, & balnea aquæ dulcis, in quibus tamen decoquerentur rosæ, & chamæmelum, & aliquid etiā absinthij, ut simul & calor innatus augetur, cōcoctiones distillationesq; fierent meliores, ac præterea tonus singulis membris adderetur. Quæ intentiones etiā augerentur, si post frictiones & balnea totum corpus inungatur ex oleo garyophyllorū odorato, vel ex resina,

sina, aut gūmi nucis muscate, quod iam deferri incœ-
 pit à Lusitanis : est enim præstantissimū remedium,
 quod multa experiētia cōprobauimus ad omnes ar-
 tus corroborādos, cōtra podagrā, & morbos articu-
 lares. Cōsulerē præterea, vt singulis annis Illustriss.
 Princeps bis purgaretur, vere inquam, & autumnō:
 esset autē purgatio mitis, cōueniens ætati, & nobili-
 tati. Neq; ego transcenderē in purgatione vsum cas-
 siæ & rhabbari, augendo & minuendo dosim, pro-
 ut purgatio bene succederet, & virtus toleraret: nul-
 la enim purgatio est tam exquisita, quæ perfici non
 possit his benedictis medicamentis, si modò dosim
 pro viribus metiamur: nullus præterea humor est in
 humano corpore redundās, qui his duobus medica-
 mētis educi nō possit, siue ille sit crassus & viscidus,
 siue terreus adustus, siue subtilis & biliosus, vt quo-
 tidiana experiētia deprehēdimus, & vt testat quidē
 apud Græcos Actuarius, apud Arabes verò Mesue.
 Nō ergo hæc medicamenta excedenda putauerim.
 Quātū verò profuturę sint annuę huiusmodi purga-
 tiones repetitę in affectibus Illustriss. principis testat
 Gal. tum in lib. Quos, quomodo, & quando &c. tum
 in methodo de missione sanguinis. Vt tamen me-
 lius præseruari possit Princeps Illustrissimus, non
 displiceret, vbi prius aliquāto tempore omnia, quæ
 diximus, rectē peracta fuerint, accederet etiā ad vtri-
 usq; cruris cauteria: plurimū enim possūt in auerten-
 dis vaporibus, & humoribus, qui raptū habēt ad ca-
 put. Consulo etiam, vt familiarē habeat vsum, vt ma-
 nē mastichen mandat, vt inde caput purgetur, vel ga-
 ryophyllum, vel portiūculam nucis muscatæ, vel fo-
 lia dictamni Cretensis, quæ non sint arida. Ista enim
 plurimū poterunt ad expurgandum caput. neque
 ascenderē ad validiores apophlegmatismos, sed his

tantum essem contentus. Quantum verò attinet ad errhina, quæ vulgò caputpurgia appellantur, dimittere huiusmodi auxilia in Principe Illustrissimo, tamquam quæ nimis excutiât, agitent, & commoueant. Hæc omnia si diligenter, & suo quoque tempore rectè peracta fuerint, spero Illustrissimum Principem præseruandum, tum ab his symptomatibus, quibus nunc afficitur, tum etiam à deterioribus, quæ in neglecta curatione contingere possent, ad laudem Dei omnipotentis.

Consult. VIII. De inflammatione capitis, cum dolore dorsi, & suppressione menstruorum, pro nobilissima matrona Veneta de gente Cornelia.

NON tantum videtur casus iste difficilis propter rationē dictā à clarissimo Doctore, quoniam prolongata fuerit ægritudo, sunt etiā alię rationes quamplurimę, quare sit difficilis cognitu & curatu: quia si naturam ægritudinis considero & symptomatū, & in causas volo reducere, non est facilis prouincia. Ideo etsi longiori tempore essent considerata, nihilominus quantum potui colligere ex hac improuisa visitatione tam circa essentiam, quàm circa curationē, quod mihi videbitur, dicam. Primò notanda sunt symptomata quibus affligitur, & proximè afflicta fuit, quoniam non parum facient ad cognoscenda præsentia. Conqueritur primò de inflammatione, & grauedine capitis perseuerate sine dolore cum caliditate insigni, vt referat illa magnum nocumentū in illa caliditate percipere, & ita dispositam esse, vt à quacunq; causa lædente incurrat in talem inflammationem cum pruritu oculorū & ardore, cum asperitate cutis. Et dicit etiam impetiginem quandem pati. Dixit præterea

terea consueuiffe excernere pituitam ex naribus, &
 nunc suppressam esse talem excretionē. Præterea cō
 queritur de dolore dorsi maximè circa infimam par
 tem spinę: refertq; circa renes non dolere, sed circa
 finem dorsi. Præterea dicit affligi aliquando dolori-
 bus ventris inferioris. Habet præterea menstrua sup
 pressa maxima ex parte, atque ea licet sint in quanti-
 tate diminuta, sunt etiam qualitate corrupta, imò a-
 quosa, pallida, permixta excrementis albis, quibus
 solet etiā sana existens affligi. Ista ferè videntur quæ
 potui percipere. Vnum etiā notandū est, quòd sem-
 per à quocunq; medicamento, dum melius se habe-
 ret, ita affecta est, vt in febriculam incurreret, & in
 capitis inflammationem. Hęc sunt tot symptomata,
 vt non sit facilè causas assignare. De febricula illa
 quid dicam? cuius sit generis, & naturæ, non video
 quæ possimus pronūciare. Dicam ergo vnum. Consi-
 dero ego naturam & habitum huius corporis. Cor-
 pora enim maximam dant occasionē ad egritudines
 certas suscipiēdas, ita quòd corpus aliquod facilius
 labatur in vnam quàm in aliā ægritudinē. Ideo ex o-
 perationibus animalibus, & ex habitu totius, video
 ita optimi ingenij & discursus esse, vt animales ope-
 rationes ita vegetes sint, vt dicam spiritus tenuissi-
 mos hanc nobilissimam iuuenem habere, & calorem
 tenuissimū: quia operationes tam vegetes non pos-
 sunt aliunde prouenire, nisi quia tenuissimos spiri-
 tus, & tenuissimum sanguinem habet. Quòd autem
 talem sanguinē habeat, & calorem, accipiendo pro
 qualitate simplici, hinc patet, quòd adest caliditas
 moderata non adiūcta siccitati, nec humiditati ob-
 tundenti: sed moderata, ita quòd caliditas illa mo-
 derata nō habet dominiū nec in siccitate, nec in hu-
 miditate: quæ siccitas iuncta caliditati faciat mor-

dacem, & sanguis fieret crassus. Crediderim igitur quo ad temperaturam, & quo ad qualitates primas, quòd habeat caliditatem moderatam sine dominio passiuarum. Quo ad habitum corporis credo, quòd sit raræ texturæ, vt ex mollitie carnis apparet, quæ consequitur prima principia, quia molles carne apti sunt mente. Et hac de causa pueri molles sunt, quia sunt raræ texturæ, tenuium spirituum, facile alterabilium, & sanguinis tenuis. Talia ab omni causa extrinseca, & ab intrinseca læduntur. Præterea habet hoc corpus, vt apparet ex auditis, hepar excedens à temperatura aliorum membrorum etiam pro merito complexionis totius: ideo dicendum est calidum, & ideo facillime inflammatur propter calorem non requisitum certæ temperaturæ. De ventriculo an sit temperaturæ frigidæ cum abundet pituita multa, & à capite etiam, an quia ratione frigiditatis cerebri excrementa non possint dissolui per halitum, vel confici, vel ratione alimenti proprii, vel ratione vaporum ascendentium, difficile est iudicare. Tamen credo quòd temperatura cerebri optima sit, quia operationes optimas, & sanas efficit. Et ideo cum operationes eius sint validissimæ, temperatura etiam validissima est: & propterea si laborauit coryza à naribus, fuit ratione membrorum inferiorum mandantium. Et quia pituita in ventriculo generata est, siue modò per otium, siue propter victum delicatum, & fructus, & propter cibaria diuersa, & ratione obiecti prauis, & intempestiue sumpti, ratione frigiditatis fuit, quæ non impedit appetitum, imò aliquid facit ad appetitum. Et cum hepar calidum sit, non impeditur coactio. Bene ergo merito suæ temperaturæ potest id contigisse, quæ ad frigidum declinet, & operationes non sint læsæ: præparauerit tamē ad egritudines frigidas,

gidas, & ad præparandum pituitã apta sit, & ab extrinsecis omnibus læditur, hoc fortè non est ab re: quia nobilissima mulier hæc nō est multæ carnis, & hepar calidum habet: & ferè semper cum caliditate hepatis est frigiditas ventriculi, quia omentum, cuius munus est detrudere calorem innatum ventriculi interius, propter caliditatē hepatis absumitur pinguedo, & ventriculus fit frigidus. præterea habet musculos abdominis graciles, quia, vt relatum est, percipitur motus arteriæ è directo spinæ: exiles ergo erunt muscoli ventris. sed vbi est gracilitas illa, ventriculi frigiditas est. Si ergo spiritus tenues habet cum raritate texturæ, cum caliditate hepatis, frigiditate ventriculi, videmus corpus præparatum ad ista nocumenta, quibus affligitur. Ex ijs soluitur prima dubitatio, cur facile in febriculam incurrat, & inflammationē capitis ex pharmaco: hoc est, quia proprium est pharmaci attrahere à circumferētia ad centrum, in qua attractione agitatio fit: & cū humores agitantur, spiritus tenues facile eleuantur, & humores facile putrescūt. Ideo post euacuationes perpetuò inflammatur. Et licet non fuerit inflammata ab illo pharmaco exhibito à Papiensi, hoc potuit esse, quia inuenit humores præparatos valde, & vias apertas: ideo facillimè quos mouit, eduxit, & nulla fuit facta agitatio. Sed vbi humorum attractio facta non fuerit, eorum omnium qui moti sunt & agitati, vt ex pharmaci debilitate, vel quia viæ non sint apertæ, & humores non sint præparati, violenta fit tunc attractio: ideo in talibus corporibus fit accensio talis. Patet etiã cur facile inciderit in menstrua alba, & retentionē ipsorum. Talia corpora quæ habēt calidum hepar & frigidum ventriculum, obstructionibus maximè parata sunt, quia hepar validè attra-

hit humores frigidos & pituitosos, quos aggregat
 ventriculus frigidus. Facile autem pituita obstruit
 & sanguis intercipitur, & natura sæpe pituitam li-
 quidiorem expellit, & ita apparent alba & diuersa,
 pro diuersitate temperaturæ, vt lædatur ab omni ne-
 cumento extrinseco, quia tenuium spirituum est. Ideo
 quando nubilus erat, sana degebat: postquam autem
 coniuncta fuit viro iuueni ac forti, nō amplius sana
 est: hoc accidit mulieribus istis imbecilibus facile
 alterabilibus ad quencunque terminum, & maxime
 cū vir fortis est, quia spiritus valde resolubiles, re-
 soluti fuerunt per cōmercium viri. Ideo habuit cor-
 pus præparatum valde ad has ægritudines. Et ita ex
 occasione huius temperaturæ omnia cōtingunt sym-
 ptomata passa, & quæ patitur habent easdem causas.
 Inflammationem capitis habet sine dolore, quia ra-
 ritatem texturæ habet, & vapores tenues: ideo mala
 temperatura non potest fieri, quia euaporāt: & quia
 non extendunt, non fit solutio cōtinui, ideo nec do-
 lor, quia ab his duabus causis fit dolor. Grauitatem
 percipit, quia humores aliqui frigidiores permanēt,
 quia non exhalant omnes. Percipit mordacitatē &
 pruritū oculorum, propter exhalationē multorum
 vaporum tenuium. De dolore dorsi causa facilis est:
 quia sanguis pituitosus, cū descendit ad renes per
 venas delatas aut concauā ad matricē, in delatione
 illa cū transit per angusta loca, ventosatur: vento-
 satur autem per admixtionem pituitæ, & facit dolo-
 rem in fine dorsi. Etiam circa vterū causatur dolor,
 quia cū ventosatur materia illa circa membrū sen-
 sibile admodum, facit dolorem in ventre inferiori.
 Sed remanet difficultas vna, quam consultò haec-
 nus omisi: habet enim febriculam, vt patet ex pulsu,
 qui nec secundū magnitudinē, nec frequentiam,
 aut

ut secundum pondus seruat propriam naturā. Ideo
 posset quæri, quomodo febris hæc perseverās à cho-
 lera vitellina putrescente, vt suppositum fuit, tandiu
 perseverauit, vt iam mensis sit cum dimidio, & secu-
 ra nō sint plura accidentia: quia cū febris sit perse-
 uerās in corpore, multa sequunt accidentia. Et Auic.
 in cap. de febre phlegmatica dicebat, quod cū phle-
 gmatica febris pertransit x i i i i. diē, membra natu-
 ralia debilitātur: ideo exhibet ipse transacta x i i i i.
 die trochiscos, quia virtus concoctrix & appetitrix
 debilitatur, fiunt obstructions, & hypochondriorū
 tensiones, intumescunt sæpe pedes. Ista autem Ma-
 gnifica Domina appetit, concoquit, bene dormit, &
 tamen cōtinuē febrit: & supposuimus omnino ex hu-
 moribus putrescentibus intra venas prouenire. Pre-
 terea si tangatur pulsus, videbitis velocitatem & fre-
 quentiam maiore esse, quā inæqualitatem: præte-
 rea non video pulsum remotū à tensione, & à duri-
 tie. Quantum verò attinet ad illam perceptionē ca-
 liditatis, vbi manu diutius impresseritis, quoniā ego
 non tetigi eam, nescio quid dicam circa illud. Illud
 tamē verendum est, quod post cibum inflammetur,
 cū sit signum proximum & pathognomonicum, vt
 Galenus & Auic. dicunt, febris hectica, quia omnes
 spiritus incalescunt. Est ergo mirum cur incalescat
 post cibum, & ibi non sit febris habitualis. Dice-
 ret aliquis, etiam ante cibum incalescit. Non est mi-
 rum, quia potest esse febris interpolata, habens pe-
 riodos, quamuis fixam habeat febrem. Si diceretis,
 non est marasmata: si autem haberet fixam febrem,
 magis extenuata esset. Dico quod non est ita malus
 diabolus: imò facilius curatur ista prima species,
 quā illa quæ ex putredine humoris cholerici à cho-
 lera vitellina fit: nulla est ita difficilis. imò Galenus

D

libro v i i. meth. med. & sæpe vbicunq; curat hec-
cam post febres ephemeræ, ita facillimè curat ean-
dum est in primo gradu, non dico cùm pertransi-
ad marasmm. Ideo suspicor quòd sit febris hæc ha-
bitudinalis: & nō sum ita tutus, quin sit aliqua febr-
in habitu: itaque non solùm indiget corpus hoc eu-
cuatione, cùm sit in hoc corpore inæqualitas mem-
brorum, & maximè ex suppressione menstruorū. I-
credo quòd à principio putredinalem febrē habue-
rit, & cum medicinis fuerit leuata: sed remansit fe-
bris aliqua in habitu, facileq; potuit inflammari tal-
corpus, cùm sit spirituum tenuiū, texturæ raræ. Im-
vult ibi Galenus, quòd vbi perseverauerit epheme-
ra per tres dies, & nō pereat typus, dicas ipsam trā-
uissè ad hecticā: ideo leuiori coniectura vtitur Ga-
lenus quàm nos vtamur. Ideo non solùm euacuatio-
ne, sed alteratione etiā indigebitis. Et propterea di-
co quòd in habitu totius corporis est febricula hæ-
fixa, non tamen mala, quin possit curari, & facilius
quàm si esset putredinalis. Et credo quòd habuit pu-
tredinalem febrem, quæ sublata fuit ex euacuationi-
bus, permansit tamē feruor aliquis. Talem ergo cre-
diderim esse naturam febris, & complexionis. Ex his
patet consequenter, quid futurū sperem, si verum est,
corpus hoc ita facilè alterari ad quencūq; terminū,
licet ponam secundum habitū caliditatem esse, cùm
illa sit in primis humiditatibus, & leuis, facilè remo-
uibilis est. Neq; absolutè intelligendum est dictum
Auic. quòd difficillimè cognoscatur cùm sola est. Be-
ne difficilis cognitionis est, cùm alteri feбри putredi-
nali coniuncta est, & tunc difficillimè cognoscitur,
facillimè tamē curatur: imò credo quòd facilius cu-
retur quàm tertiana. Credo etiā, cùm adsint obstru-
ctiones in corpore, & inde humores facilè putresci-
biles

biles putrescunt, & fit typus. Minera autem putredinis ubi fit, quia dicit Galenus 11. de diff. feb. febres quæ habent periodos, non habent ita humores paratos, ut natura faciat putrescere hodie unam partem, cras aliam: sed membrum superfluitates aggregat, ad membrum debile expellit eas, & illa dicitur minera. Et exemplificat de inflammatione oculorum, & inquit, quod oculus affligitur periodicè, cum aggregatur in capite materia, & ad oculos transmittitur. Vnde etiam contingit quod in febre hepar, vel aliud aliquod membrum aggregat superfluitates, & secundum periodos expellit eas, & ita fit periodus. Ita etiam credo quod in utero aggregat superfluitas, & partim per foramen expellitur: & superfluitates etiam in superioribus partibus sunt, vel etiam in venis supra hepar, & ab intra ad externa expellunt, & putrescunt in venis etiam, & ideo periodicat: & quia humores illi expurgantur, cessat periodus. Istud est quantum ad egritudinem attinet, & quo ad hoc credo quod facile curabitur, nec debemus dehereri, licet dixerim hecticam febriculam esse. Cum qui bus autem ingenijs & instrumentis? Cum hic sint obstructions, & suppressio menstruorum, ijs providendum est: postea si factis fuerit istis aliqua supercalcfactio in corpore, alterabitur. Primum ergo aperienda sunt obstructions uteri, & omnes tandem: secundum alterandum est membrum. Aperiuntur autem obstructions euacuando humores qui obstruunt, incidendo, subtiliando, & absterendo: utrumque enim necessarium est. De phlebotomia non dixerim aliter fiendam esse, quia maturè facta est, & tunc fieri debet cum principium est egritudinis. Quid autem nunc facere debeamus, consulendum est. Ego quidem sum cōcors cum suis Medicis, quod materia concoqui debeat cum aperiētibz & incidentibus ac abstergentibus, &

euacuari taliter vt simus memores huius tempera-
 turæ & texturæ, vt nunquam rhabarbarum transea-
 mus. Agaricum autem fugeres tu? minimè, quia di-
 xit Mesue, familiarissimum esse naturæ: & Dioscor-
 des dixit, quòd corroborat ventriculum & cor: &
 dat eandem dosim de agarico, sicut de rhapontico
 ita rhabarbarum appellatur ab ipso. Est autè infami-
 quadatenus propter suam leuitatē, quia supernata
 possumus autem corrigere ipsum, addendo aliqui-
 quod aggrauet, sicut salgēma: & duo corrigit: vnū
 quòd est tardæ solutionis: secundò facit ipsum gra-
 uitatem habere, vt descendat cōmodius ad fundum
 ventriculi. Melius autem corrigitur quàm cum sale
 si rhabarbarum, & aloē, quæ grauitatem habēt, mi-
 scebimus: societas hæc fidelior est, quàm fuerit tri-
 uiratus Lepidi, Marci Antonij, & Octauiani. Ide-
 placet mihi cōpositio ex aloē, agarico, & rhabarba-
 ro: & crederem quòd aperirēt obstructions, & cor-
 roborarent membra. Sed diceret aliquis, in rhabar-
 baro adest stipticitas, & in aloē, quomodo igitur ap-
 rientur obstructions? Credo vos vidisse Galenū i
 I I I. & v. de simp. med. vbi ait, cū volumus ben-
 aperire, cum re aperiēte debet aliquid esse quod ad-
 stringat. Ideo absinthium optimè aperit, & stiptici-
 tas eius adiuuat ad penetrandum, & est tanquam ma-
 nus aliqua impellens. Et exemplificat de oleo rosa-
 ceo, quòd magis humectat corium, quàm oleum sin-
 plex, quia stipticitas olei rosacei adiuuat penetratio-
 nem, quod non faceret oleum simplex. & ita non de-
 bemus deterreri substantia rhabarbari. Iuuabit igi-
 tur, quia transit per venas, quæ non sunt strictæ, sed
 amplæ. bene exterius non abstergeret absinthium,
 quia poros cutis, qui sunt stricti, non transiret: hoc
 autem facit farina fabarū, nitrum, succus limonū: in-
 terius

erius autē non timerē exhibere hæc tria. Syrupum
 tiā laudo de cichorea cum rhabarbaro sine alia ad-
 ditione rhabarbari, quia in singula vncia syrupi in-
 creditur scrupulus vnus rhabarbari. Ideo satisfaciet
 ta portio, quæ ingreditur ipsius compositionē. Sy-
 upus etiā acetosus compositus optimus est, & si ti-
 neremus nimiam eius incisionem, quoniā humores fa-
 cilē incisibiles sunt, essent cōtentus acetoso simplici,
 nelle rosaceo, syrupo de betonica cum aquis distil-
 latis, vel cum decoctionibus, quia ex eo simplici par-
 a aqua elici potest: vel cum aqua cuscute, endiuie,
 oraginis, vt fieret præparatio, & incisio. nec statim
 uacuarem, sed paulatinè digererē, & paulatinè eua-
 uarē, & facta vna iterū redirē ad aliam. Postea si eua-
 uatis humoribus remaneat caliditas in membris,
 uia timeo quòd sit impressa caliditas, quoniā alte-
 rabilis admodū est, tum procederē nō cum exterius
 refrigerantibus, sed cum interius, cum zuccharo ro-
 ato simplici & nouo: deinde linirē corpus totū cum
 leo rosaceo, factis prius frictionibus: leuiter enim
 refrigeraret, & penetraret, & si esset exiccatū hume-
 taret. Sed ante omnia prouiderē, vt habeāt exitum
 menstrua, & à leuioribus inchoarē, & circa vterū in-
 giperē, factis prius euacuationibus cum decocto ca-
 nomillæ, liliorum alborū, cum modico anethi, pro-
 moter penetrationem maiorem, & pessarium facerem
 ex oleo maioranæ, vel alio odore in coto vel
 bombyce, cum menstrua instāt. Factis euacuationi-
 bus procederem cum frictionibus circa coxas, & ap-
 plicatione ventosarum intra coxas, siccas applican-
 do. Vtrum modò balnea conueniant, cum fuerint
 omnia facta? Credo quòd non erunt necessaria, ideo
 Excellentissimus Doctor proposuit sub dubio: quia
 timerē supercalesctionē. Et hac via procederemus.

*Consult. IX. De epilepsia per consensum,
pro puero Germano.*



VM actio medici circa epilepsiam sit genere triplex: vel enim excitamus hominem quando actu cadit in epilepsiam, & hæc propriè cura symptomatis, nõ morbi appellatur: vel præseruatur, ne cadat, aut saltè rarius, vel leuius: tertia est causarum remotio, id est, ex gritudinis, à qua immediatè epilepticus casus contingit. Nos tertiam sequemur, arbitantes hanc efficacissimam, quæ si remoueat, alia quoque duo facile propellentur. Et cum in hoc nobilissimo puero causa proxima symptomatis sit materia frigida, à subiectis partibus, præcipuè à brachio, tanquam aura repente ad caput ascendens, spiritusq; & virtutè animaliam maxima ex parte intercipientes: ideo curationem verã duco, prohibere ne talis materia generetur: auertere ad partes oppositas, quæ iam fuerit generata: caput corroborare, ne tam facile recipiat. Quantum ad auersionem attinet (ab hac enim primum incipio) iam pridem idoneè, vt arbitror, à me prouisum fuit, brachio, vnde potissimùm ascendebat materia, synapismos & cauteria applicando, à quibus non prius desistendum putauì, quàm integrã (si Deo placuerit) adeptus fuerit sanitatem. Altera pars auersionis erat, vt per oppositas partes euacuaremus quicquid continuè excrementosum generaretur, quod neq; à me prætermisum fuit. † Institui enim vt iugiter vtereturalui subductione cum pilulis ex mea quadam descriptione, quã apud se seruat, in quam ingreditur agaricum. Consului præter hoc, vt leuioribus quandoq; vteretur, vt aloë simplici, ante cœnam, vel hiera Galeni de sex rebus, vel aceto scilli-

scillitico manè tribus horis ante prandiū, aut melle-
tidem scillitico. His omnibus adhuc vtendū consu-
o, hoc vel illo, prout felicius succedet. Et hæc quan-
tum ad auersionem attinet. Vt verò prohibeatur
materia ne generetur, quæ sicut verior & integrior,
ita difficilior curatio est, præcipuè ex parte ægroti
nalè ferentis consilium, dicam tantū ea quæ necessa-
riò quamdiligētissimè obseruanda putauerim, præ-
cipuumq; est vt in omnibus sex rebus non naturali-
bus regatur exquisitissimè. Primò igitur euitabit om-
nē aëris excessum, præcipuè dum fuerit in Germa-
nia, aëre frigidissimo & humidissimo: in ea enim re-
gione peculiari circa hoc admonitione indiget: ferè
enim Germani hyeme præcipuè in duobus extremis
summo opere peccant: nam vel in estuarijs suis torren-
tur, vel sub dio frigido & gelu torquentur, cum ta-
men ab utroq; enixè cauendum sit. Dum enim nobi-
lissimus iste adolescens in vaporario versatur, mea-
tus cutis, præcipuè capitis aperiuntur, humores at-
tenuantur, & in vapores transeunt, vnde necessariò ca-
put repletur, alioqui ex morbo debile & imbecillū.
Sed vbi postea repentè in subdialem aërē transit, al-
gor vehemens occurrit, qui penetrans per apertos
meatus, cerebrū refrigerās, humores in eo cōtentos
comprimens & congelans, efficit vt omnino deter-
rima subsequantur. Cum igitur hæc nocumenta om-
nibus cōmunia iudicē, huic tamē puero arbitror fu-
tura esse magis perniciofa. Erit ergo ab illis quāma-
ximè cauendum, eritq; artificialis ratio, vt omne aë-
ris excessum quāprocul effugiat. Quòd si necessariū
erit quandoq; ex consuetudine gentis in utroq; ver-
sari, primò frigiditatē munimentis & vestibus quā-
maximè propellet: vaporaria verò eliget moderatif-
simè calida, & vix tepentia, in quibus magis aperto

capite cōmorabitur, vt postea eodem munito, cū egreditur, minor fiat illa mutatio, & transitus de cōtrario in contrariū. Si pręterea perceperit flatus aliquos malos, vel niuem, vel pluuias aērē turbare, intra domum se continebit. Deniq; illud cōmune seruabit, quemadmodum diximus, vt aēris immoderatos excessus effugiat. Pręterea omnis animi molestia, ira pręsertim & męstitia summopere arcenda erit, studebitq; cum socijs & amicis honestē & iucū dē conuersari. Quotidiano exercitio pręcipuē deletabitur matutinis horis, quōd inferiores potius partes exerceat sine multa capitis agitatione. Ideo pilaludum, neque gladijs dimicare, aut saltus immoderatos facere nō probauerim in nobilissimo hoc puero & adolescente: cerebrum enim nimis concutitur & exagitāt: sed potius eligerē deambulationes, equitationes, sagittarū, lapidum, pali ferrei iaculationes & huius generis exercitia, in quibus sine insigni motu capitis reliquum corpus exerceatur. Exercendum tempus cōmodissimū est, quod duabus horis prandium pręcedit. Sed & frictiones quotidianas nō minus laudo, siue pręcedant, siue sequantur exercitiū. sintq; vniuersi corporis, lenes quidem & molles, sed longę, quousque corpus incalescat & rubescat, dimittaturq; in frictione caput, & partes omnes quę ad collum attinent, fricantisq; manus semper deorsum trahatur: optimumq; est si post frictionē totum corpus illinat oleo garyophyllorum odorato, quod vnguētarij cōficiunt, & non aromatarij. Et si quis vnquā cauere debet à somno meridiano, vel matutino, aut nimis prolixo, adolescēs iste vnus ex illis est. Erit igitur illi somnus moderatus, nocturnus, non diurnus. Procurabit vt quotidie beneficiumalui habeat: quōd si defecerit, adiucet vel pilulis prius nominatis

ris ex hiera simplici, vel aloë, quandoq; etiã cum cly-
 steribus emollientibus. neq; omnino patiatur fæces
 in ventre plus æquo retineri: inde enim magna gra-
 uitas capitis subsequi solet. Bis in die tantum come-
 dat, sitq; cœna longè parcior quàm prandium. Neq;
 credant critici isti medici me propterea Galeno cõ-
 tradicere, cùm longè alia ratio sit cœnæ nostratum,
 quàm fuerit antiquorum. Sed hîc non est huius diffi-
 cultatis determinandæ locus: sat habeat, quòd si a-
 bundè cœnauerit, non erit immunis à maxima capi-
 tis repletione. Cœnet igitur parcè, neq; in hoc dis-
 cedat ab Auicennæ præcepto, quod est nihil aliud,
 nisi Galenicum ex opposito immutatum, videlicet,
 vt ex tribus partibus diurni cibi duas in prandio as-
 sumat, tertiam in cœna: ita enim neq; interdiu perci-
 piet repletionem aut grauitatem, neq; multa oppri-
 metur cibi nimietate, sed suauiter & iucundè dor-
 miet. Caueatq; ne post cœnã aut prandium aliquid
 degustet, aut bibat, Germanorũ more: frustra enim
 imperaremus aliquid de cœna & prãdio, si aliæ quo-
 que cœnæ intercederent. Cibus sit vnicus, ac quam-
 maximè simplex: nihil enim illi æquè nocebit, quàm
 epularum multitudo. A vino si toto tempore suæ cu-
 rationis abstinere poterit, quemadmodũ hactenus
 me admonente abstinuit, optimè illi succedet: sit ta-
 men aqua cum cinnamomo & aniso confecta, sicut
 præcepimus. Abstineat quàm maximè à pastilibus, le-
 guminibus, à lacticiinijs, caseo præsertim, à fungis,
 ab oleribus, crudis præcipuè, à piscibus, rebus fri-
 ctis in fartagine, à carnibus auium palustrium, à car-
 ne porcina tam recenti, quàm salita: non etiam lau-
 do carnes agnorum, propter redundantem humidi-
 tatem. Et cùm iam appropinquet ætas Veneris, con-
 sulo vt ab ea quàm maximè abstineat: nihil enim aliud

Venus est, quàm brevis quædam epilepsia, si Hippocrati credimus. Hæc sit tota victus ratio, in qua ferè totum est curationis fundamētum. Si enim hoc modo sibi cauerit, materia illa frigida & cruda, quæ fouet epilepsiā, nulla vel paucissima generabit, quod erat à nobis intentum. Atq; ita satisfactum est & auersioni materiæ, quæ generatur: & prohibitioni, ne genereat. Supererat capitis corroboratio, ne nocumentum suscipiat. Est autem in corroborando capite ratio præcipuè habenda, ne agitetur cerebrū, aut aliquo pacto concutiat: propterea neq; caput purgia probauerim, neque frictiones capitis, aut stillicidia à medicis vulgò in huiuscemodi casu proposita: sed masticatoria, quæ ἀποφλεγματισμοὶ à Græcis vocantur, admittat, primò ex mastiche sola & simplici, deinde etiam adiecto pipere, & staphisagria, & pyrethro, pastillos conficiendo. Mandere etiam matutinis horis garyophylla, nucem muscatam, cinnamomum, zedoariam, & quæ huiusmodi sunt, summo pere laudo: maximè enim conferunt ad capitis corroborationem, in hoc casu, exiccatione & euacuatione. Præterea caput abluere singulis septimanis circa horas vespertinas ante cœnam, est remedium à me valde probatum, si lixiuium dulce eligatur, in quo decoquatur asarum, sena, betonica, maiorana, rosæ, & capilli Veneris, adiecto etiam agarico: erit enim lixiuium ad hunc vsum præstantissimum. Post lotionem verò suauissimè exiccari debet, neque fricando, neque agitando, cum pannis moderatè calidis. Caueat etiam ne ignē acriter intueatur, aut magnum splendorē, aut campos niue refertos, aut turbam hominum circumcursantem, aut curruum rotas velocissimè motas, vel molas, nec quicquid in gyrum versatur: ab alto etiam ne prospiciat, neque decur-

decurrētem fluuium intueatur: hæc enim omnia cerebrum & spiritus exagitant, & robur adimunt. Lau-
do præterea pro capite & membris quoq; inferiori-
bus corroborandis, vt bis in mense sumat optimi Mi-
chridatici drachmam. Est etiam præstantissimum re-
medium instillatio olei de ladano per sapientem de-
stillatorē confecti, tum in aures, tum in nares, tum
etiam quandoque illinendo verticem capitis. Sed
etiam manē suauiter pectinari illito pectine ex eo-
dem oleo, non mediocriter conferet ad caput cor-
roborandū, sed pecten semper retrò trahendus est
versus occipitium. Et hæc sufficiant, tum in auer-
tendo materiam, tum in prohibendo, ne generetur,
tum in capite corroborando, quæ tria nobis à prin-
cipio fuerunt proposita. Quod si etiam magis præ-
seruari voluerit nobilissimus adolescens, verè pur-
gabitur ex Galeni præcepto, poteritque huiusmodi
esse purgatio:

℞. Hieræ simplicis 3 ij.

Floris cassiæ 3 j.

Cum saccharo fiat bolus, sumendus horis duabus
vel tribus ante prandium. Item

℞. Oxymellis scillitici

Syrupi de betonica ana 3 j.

Decoctionis granorum pæoniæ in aqua destil-
lata pæoniæ 3 iiij.

Misce pro vno syrupo, & sic pro septem. Deinde

℞. Confectionis hamech 3 iiij.

Syrupi rosati solutiui 3 iiij.

Cum aqua pæoniæ fiat potio, danda in aurora cum
custodia. Talis igitur, vel huiusmodi poterit esse
annua purgatio, quæ ad præseruationē attinet. Et
hæc pro tempore suffectura arbitror in curatione &
præseruatione huius nobilissimi adolescētis ad lau-

A P P E N D I X.

Locus postulare videtur, vt duo lectorem ad-
moneamus. Alterum quidem est, vt sciat, qua ratio-
ne magdaleon ad pilulas conficiendas compositum
sit: fuit enim hac arte conditum, vt plures Montani
studiosi adnotarunt.


R̄. Rhabarbari electi	3 ij.
Garyophyllorum	
Cinnamomi	ana 3 ij.
Aloës	3 iiij.
Agarici	3 iiij.
Seminum pæoniæ	3 j. s.

Misce, & cum melle rosaceo confice magdaleon. Al-
terũ verò est electuariũ ad vsum seruandũ, quod est:

R̄. Scillæ assatæ, & præparatæ secundũ artẽ	3 ij.
Seminum pæoniæ puluerizatæ	3 j.
Mellis optimi colati & despumati	lib. j.

Misce, & fiat electuarium.

*Consult. X. De epilepsia, pro nobili
uiro Vicentino.*



Reponitur nobis curandus iste Magni-
cus dominus, quia quo morbo infestẽ,
hoc videre clarissimum est, ideo breui-
ter me expediam. Iste laborat epilepsia,
habuit enim tria signa attestantia super ipsam epilep-
siam. Primum quod habuit, fuit spuma in ore: secun-
dò passus fuit conuulsionẽ, siue spasmus: tertio ami-
sit sensum & motum. Ex ista accidentium syndrome
facilè possumus conijcere morbum hunc esse epilep-
siã. Habita notitia morbi, quia oportet vt & nos ali-
quid de cura dicamus, nõ possumus autẽ quicquam
perfectè dicere, nisi causas morbi indagemus, ideo
est

est necessarium distinguere præsentem morbum, ut omnia hæc clarè habeamus : & primò videndum est quidnā sit epilepsia. Epilepsia nihil aliud est, nisi spasmus quidam factus ab obstructione ventriculorum cerebri, à materia crassa & viscida, siue ab aliqua qualitate venenosa, quam isti aurā vocant. Et quia in definitione cadit spasmus, videndum est quotupliciter fiat spasmus, ut ex hoc habeamus causas ipsius epilepsiæ. Spasmus, ut dicebat Galenus in I I I. de locis affectis, ubi loquit de hac re, fit tripliciter: aut à materia, aut à qualitate (quam aurā venenosam appellavit idē Gal.) aut à siccitate: istę enim sunt tres causę potentes facere spasmus. Videamus modò nunquid istę tres causę faciant epilepsiam. Quòd possit fieri à materia, hoc patet, quia cū materia crassa est in ventriculis cerebri, siue sit per cōsensum, siue per essentiā, ita quòd ibi generetur pituita, obstruit ventriculos cerebri, qui postea insurgunt ad expellendum, & tantum contrahuntur, & in illa contractione deficiunt mittere sensum & motum ad membra, & ita priuātur membra sensu & motu. Quòd autem possit fieri epilepsia absq; materia, videlicet à qualitate illa mala, & ab illa aura, Galenus pluribus signis hoc probavit in illo loco præallegato. Dicebat enim ipse, videmus in ictu phalangij, qui etsi tantillus sit, tamen dispergitur per totum corpus, & omnia membra inficit illa mala qualitas. Non est dicendum, dicebat Galenus, quòd fiat à materia venenosa, quia illa fuit ita exigua, quòd non potuit hoc corpus totum inficere. Quare dicendū est, quòd sit aliqua mala qualitas eleuata à tali materia venenosa exigua, quæ postea qualitas per totū corpus dispersa & disseminata, sit sufficiens tale nocumentum causare. Simile potest cōtingere de epilepsia : à materia potest

fieri mala qualitas, quæ postea petens cerebrum po-
 test esse in causa contractionis ventriculorum cere-
 bri, & facere epilepsiam: & ita Galenus ex sententia
 Pelopis præceptoris sui concludit, posse à mala quali-
 tate fieri huiusmodi morbos. Nunquid autè à sic-
 citate possit fieri? Dico quòd non, & in hoc differt
 spasmus ab epilepsia, quia spasmus potest fieri à tri-
 bus illis causis: epilepsia verò tantum à duabus cau-
 sis prædictis, & nō à siccitate: quod potest & à prio-
 ri, & à posteriori manifestissimè probari. Et primò
 à priori: nam cū siccitas sit causa habens causare
 epilepsiam, oportet quòd cerebrum ita exiccetur,
 vt per siccitatem cōtrahantur ventriculi cerebri, &
 fiat epilepsia. Sed hoc nō potest fieri, quia cerebrum
 cū sit membrum humidissimum, nunquam poterit
 taliter exiccari, vt per siccitatem deueniat ad contra-
 ctionem: quia cū fuisset exiccatum statim periret
 homo, & ita antequàm fieret epilepsia, moreretur ho-
 mo. Similiter à signo cōfirmari potest, quia epilepsia
 subitò fit: statim enim homo cadit in paroxysmum
 epilepticum: illa autem exiccatio non potest, si ha-
 bet fieri, subitò causari, sed successiuè, ita quòd in
 tempore oportet vt exiccetur. Quare relinquitur,
 quòd à siccitate non potest talis ægritudo causari.
 Derelinquamus ergo tertiam causam, & accipiamus
 reliquas duas, scilicet quòd epilepsia potest fieri à
 materia, & à qualitate sola. Si fit à materia, fit ab hu-
 more crasso, vt puta ab humore pituitoso & melan-
 cholico obstruente ventriculos cerebri: ventricu-
 los dico anteriores, de his intelligatis. Similiter in-
 telligatis de obstructione non perfecta, sed imperfe-
 cta & diminuta: quia si intelligeremus de perfecta
 obstructione, fieret tunc apoplexia, & nō epilepsia,
 quia tunc homo penitus ex perfecta & completa ob-
 structione

structione ventriculorum amitteret sensum & motum, ita quòd iaceret sicut cadauer. hoc fit in apoplexia: ideo intelligatis de obstructione diminutè facta. Cùm ergo habeamus morbum hunc fieri à materia & à qualitate, videndum est modò, à quânam harum duarum causarum in isto Magnifico domino talis morbus proueniat. Ideo in hoc crediderim quòd à qualitate mala non principaliter causetur, licet reuera ipsa concurrat, & maximè quòd, vt retulit Excellentissimus Doctor, iste fuit à passionibus animi valde vexatus. Quantũ autem possunt isti animi affectus ad hos morbos epilepticos concitandos, vniuique poterit esse manifestum. Noui ego duos, qui tantũ ex animi affectibus inciderunt in hunc morbum: vnus enim fuit quidam Laurétius Brachalenus, & Marcus Antonius Contarenus: isti tamen in victu erant parcissimi, nõ erant excrementosi, tantum ex animi affectibus venere in talẽ egritudinem: & ita dico quòd potuit ista causa concurrere. Sed quod principaliter est in causa, est materia crassa, ita quòd dicerem morbum esse materialem. Et cùm materia potens epilepsiã causare duplex sit, melancholica & pituitosa, à quânam, dicetis vos? Dico quòd potest prouenire ab utroq; vtraq; enim materia concurrat: & ita causatur essentialiter in cerebro, & per consensum à reliquis membris ad ipsum demandatur. Quòd autem pituitosus humor in hoc Magnifico domino dominetur, hoc ostendit eius temperatura, & sua membra principalia. Audio quòd iste abundat pituita multa, quæ excernitur per nares & per os. Istud est signum humiditatis cerebri, habet enim cerebrum calidum & humidum, vt per signa manifesta potest apparere, & faciliè comprehendi. Similiter habet ventriculũ satis abundantẽ pituita, in quo

ab inordinato victu & coitu, vt retulit, maxima copia pituitæ generatur, pituitæ dico non veræ: nam vt scitis, non vera pituita in ventriculo generatur. Ideo ex pituita genita in ventriculo, & item illa quæ in cerebro generatur, concludo materiam esse turper essentiam, tum per affluxū. Quòd autem fuerit aliqua materia melancholica, hoc facile persuadere potest. Audio hunc esse melancholicæ naturæ, et non fuerit ex naturali temperatura, tamen propter accidentia animi potuit effici melancholicus. Cùm quis autem aliquando cadit in melancholiā, impossibile est vt nō retineat illam materiam in cerebro, vt dicit Galenus. Ideo cùm adhuc reliquæ melancholicæ remaneāt in hoc Magnifico viro in ipso cerebro potest & ipsa concurrere ad obstructionem. Similiter hepar habet calidum: viget enim caliditas in toto illo corpore, & ita ob caliditatem hepatis potuit fieri adustio: nam cùm hepar est calefactū, oportet quòd & venæ sint calidæ: nam vt dicit Galenus secundo Artis medicinalis, orta debent attestari sui principijs. Cùm ergo hepar sit calidum, non est mirum si patitur cerebrū: nam, vt dicit Galenus in 1. de locis affectis, loquens de dolore capitis, qui habet hepar calidum, facile incidit in dolores capitis quia ascendunt materiæ & vapores, vt causent dolorem. Habetis hucusq; vt omnia colligā, causas morbi, & morbum ipsum, à quibus facile poterimus indicationes curatiuas sumere. Veniamus modò ad curam. Iste quærit curari, credisne hunc posse curari. Vt ingenuè fatear, morbus epilepticus, morbus est maximus, & non nisi à vehemente causa potest causari. fortissima causa cōcurrit ad excitandos hos dolores, & talem sensus & motus ablationē: dolor enim cùm in hoc morbo intrinsecus fiat, oportet quòd fiat

fiat à fortissima causa solvente continuum. Dimittamus
 modò nunquid dolor fiat à mala temperatura
 acta in quatuor qualitatibus, an à solutione conti-
 nui. Teneo, vt aliàs dixi, fieri à solutione continui, &
 mala temperatura: & quòd ista solutio continui sit
 quiuoca ad illam solutionem continui, de qua in-
 telligunt isti: longè enim differt ab ista. Sed de hoc
 diffusius alibi dixi, ideo nunc non est opus ea reuo-
 care. Propterea dico, cùm ista ægritudo fiat à forti
 causa, quæ cum difficultate potest remoueri, iste ma-
 nificus dominus de facili poterit mori. Audio eum
 uicq; habuisse duos paroxysmos epilepticos, inci-
 piendo à x v. Iulij vsq; ad x x i i i i. Augusti: propte-
 rea facile poterit iterum cadere in hos paroxysmos:
 nò nunc conqueritur de aliquali tremore. Neq; de-
 cemus nos confidere suæ naturæ robustæ, & carno-
 tati: nam licet videatur sanus, non propterea vacat
 periculo. Noui ego Iustinianum quendam, qui ha-
 buit tantum vnum paroxysmum, postea mansit per
 tres menses sanus absque molestia, deinde reuersus
 est alius paroxysmus, deinde alius, & tandem mor-
 tus fuit. Ideo cura difficillima est, neq; vt dixi, va-
 cat periculo: tamen non est desperandum. Venia-
 mus ad curam, & primò indicationes sumamus à mor-
 bo, & à causis eius. A morbo, cùm morbus sit in no-
 bili membro, indicatur, quòd sit citò remouendus,
 quamcitissimè potest: epilepsia enim cùm occu-
 rat nobile membrum, morbus sacer fuit ab Hippo-
 crate appellata. Sumamus modò indicationes à ma-
 teria. Materia ista, vt dixi, duplex est, pituitosa, & me-
 ncholica: ista venit euacuanda. Et quia facta fuit san-
 guinis missio ab illo perito medico, propterea desi-
 derem à missione sanguinis, deuenirem ad conco-
 quentia pituitam, vt est syrupus de eupatorio, deco-

etum pulegij, origani, syrupus de calamêtho, & infir-
 nita alia ipsam pituitam digerentia. Concoquerent
 etiam melancholicum succum, vt cum syrupo de t-
 moterræ, de epithymo, & talibus. Postea cùm eri-
 cocta materia, euacuarem, & inciperem à leuioribus
 pharmacis: nō transirem illam confectionē hamech-
 & pilulas cochias. De medicinis autem illis cum co-
 locynthide, & agarico, pro nunc nō exhiberem, qui
 sunt valde fortes. Quæ autem recipiunt ista, vt sunt
 illi trochisci Alhandal, hiera Logodion, isti aromati-
 rij in hac ciuitate, cùm sit mater studiorum, non co-
 ficiunt ista, & miror cur villa quæuis parua non ha-
 beat ista facta. Modò hoc corpus est euacuandum.
 Ego deuenirem ad caputpurgia, & ad masticatoria:
 & vellem vt masticaret, sicut de pipere, & reliquis.
 Deinde per nares prouocarem naturam cum aliquo
 leui sternutatorio. Facto hoc si voluerit assumere il-
 la balnea Aponitana, cùm sint calida, ego laudo. De
 cauterijs, ego summopere laudarem cauteria in bra-
 chijs, imò hoc est familiare remedium. Et vidi annu-
 prærito vnum qui solo cauterio sanatus est, & erat
 senex, in L I I. anno ætatis suæ constitutus. De dietâ
 ta, quia morbus longus est, instituatur conueniens
 diætâ. Pro potu poterit conficere aquam decoctam
 cum aniso, & potissimè cinnamomo, & saccharo: e-
 nim potio gratissima tum in colore, tum in sapor-
 re. Restat vnum derelictum, vtrum debeat bibere
 vinum. Videtur ex vna parte quòd non, quia vinum
 fumosum est, & facilè replet caput. Ex alio videtur
 quòd sit dandum vinum pauciferum, quod sapit na-
 turam aquæ. Sed, vt dicit Galenus in I I I. de ratione
 ne victus, vinum si magnum est, obest cerebro sua
 mositate: si verò sit pauciferum, licet non noceat ce-
 rebro, obest tamen ventriculo: & ita videtur conue-
 nir

nire, & non cōuenire. Ego tamen cōficerem vinum, & maximè quia sumus in tempore conuenienti, vellem vt sumeret vinum album, in quo aliquid aquæ imponderetur: & apponerem radicem pæoniæ, betonicæ, folia saluix, roris marini, & alia quæ respiciunt hos humores, & omnia decoquantur, & conficiatur vinum, quo poterit vti. Ista hîc posita non sunt ingrata, non sunt amara, & sunt appropriata pro tali morbo sanando. Et hæc sufficiant.

Consult. XI. De imbecillitate totius capitis, & oculorum, pro ciue Cracouiensi Polono.

Dominatio sua meminisse debet, atq; animo perpetuò tenere, & tanquam fundamentum necessarium præsupponere, atque ad hoc, veluti ad scopum quendam omnes actiones suas dirigere, videlicet, se habere totum caput & oculos vtrosque imbecillos, & paratos ad recipiendas superfluitates totius corporis, & ad omnia morborum genera subeunda, vt nulla iam arte, nullòue remedio huic vitio succurri possit: ita enim iam confirmatum est, & per essentiam parti illi appropriatum, vt ne Aesculapius quidem ad ferendam opem sit suffecturus. Et bene aduertet Dominatio sua me dicere hoc loco, imbecillitatem capitis & oculorum, ac præparationem ad suscipiendas superfluitates tolli non posse: sed non propterea dico, quin præseruari possit, & curari à malis præsentibus & futuris. Aliud enim est, membrum aliquod esse imbecille, & paratum ad morbos à quacunq; leui causa: aliud ægrotare. In hac opinione, & cognitione huius rei, quam diximus, tantam inueniet utilitatem S. D. vt, nisi id præsupposuerit, & constanter crediderit, in duo maxima incommoda, & pericula,

perpetuò collapsurus sit. Primum est, quòd quoties inciderit in medicum, vel cuiuscunq; generis hominem, qui sanitatē polliceatur, statim illi adhærebit, & torquebitur, & in deteriore dispositionem, & fortè ultimā perniciem deducetur, quod ipse facillè potest proprio experimēto, & suo etiam discrimine cognouisse. Quòd si in bonam aliquam fortunam, vel peritum medicum inciderit, qui præsentes morbos curauerit, secundum incommodum non effugiet. Si enim arbitratus fuerit se ita fuisse curatum, ut imbecillitas quoq; capitis, & oculorum, & præparatio ad eosdem morbos simul sublata sit, huius meæ admonitionis oblitus, suo postea periculo facillè recognoscet verum & fidele fuisse nostrum consilium. Nam negligendo curam perpetuam suū capitis, & oculorum, quam inferius explicabo, etiam si millies curabitur, millies quoq; vel in eosdem, vel etiam deteriores morbos præcipitabitur. Præsupponat, & fundamentum firmissimum habeat, se habere caput & oculos summè imbecillos, perpetuāq; cura & præseruatione indigere, si vult inter homines bene esse. Atque æquo animo ferat calamitatem, quæ tamen non ita improba est & detestabilis, ut si ipse velit non negligenter res proprias procurare, non possit satis commodè & honestè, sine multa molestia curari, actionesque singulorum membrorum non inuàlidè exercere. Quibus igit hęc omnia præstari possint, nunc tempus est explicare. Sua verò Dominatio audiatur, legat, & perlegat, neq; corrumpi patiatur vel à societatibus, vel à more patriæ, quæ, si verum fateri volumus, plus æquo voluptatibus indulget, iubeatque ut hoc nostrum consilium in propriam linguam vertatur, secumq; familiariter habeat, & nō tantum ediscat, sed etiam exquisitissimè obseruet: alioquin præter-

præterquàm quòd oculos amittet, multò etiam de-
teriora patietur. Longè enim humanius est admone-
re hominem de futuro aliquo periculo, in quod fa-
cile possit incidere, quàm ita molliter secum agere,
ne dicam peruerse & dolose, & ne tristitia ipsum affi-
ciamus, permittamus incuriosum, & nil tale cogitan-
tem hominem in extremam perniciem præcipitari.
Qua igitur arte S. D. præseruari possit, iam explica-
re incipiam. Et primò ita aëris commoditate potie-
ur, vt nec feruēti soli, nec vehemēti frigori se expo-
nat, cauebitq; præcipuè ne sub cœlo ventoso ac ne-
buloso diutius immorari, neq; fenestræ se exponat,
quam ventus aliquis perflauerit, aut aëri nocturno
occurrat, vel noctu apertis fenestris dormiat: fugiat
etiam humiditas, terrenasque habitationes. Hyemis
tempore, dum manebit in vaporarijs, sicut est mos
patriæ, non operiet caput, nisi operimento quo-
dam leui: & postea, dum exhibet, accipiet cooperimē-
tum pelliceatum cum vestibis optimè suffultis. Va-
poraria etiam non erunt valde calfacta, sed modera-
ta. Cauebit intueri ignem, manere vbi fumus vel pul-
vis aderit. Prouidebitq; quantum fieri poterit, ne
ascatur, neue tristetur, aut aliqua animi molestia
multum torqueatur. Coitu rarò admodum, & mode-
rato vtatur. Manè exercebit totum corpus, vt cale-
at, & anhelitus fiat magnus, & frequens. Surgat sin-
gulis diebus ante ortum Solis, & procuret omnes
superfluitates collectas per omnes vias excernere,
tum per aluum, tum per vrinam, tum per scretum,
tum per nares, tum etiam pectinando se, & collum fa-
ciemque panno lineo molliter & suauiter perfrican-
do, & aures donec rubescant: neque vnquam faciem
luet aqua frigida, sed vel desistat à lotionē, vel vta-
tur vino albo: aures etiam quotidie perfricet, & ab-

stergat, similiq; modo dentes etiam abluat & os vino albo. Quæ omnia ubi mane surgens effecerit, tum ad consueta negotia progredietur. Prandebit itaq; quatuor, aut ad summum quinq; horis, postquam à lecto surrexerit, & nouem vel octo interpositis horis à prandio cœnabit, diligentissimè obseruando, ne interbibat spatio aliquo intra prandium & cœnam: neq; etiam comedat, sed sobriè interim degat, duobus illis tantum temporibus cibis contentus, prandio inquam & cœna, alioqui non erit tutus à recidiua. Cibaria sint simplicia, cum paucis, aut nullis aromatibus: neq; delectetur ciborum varietate, sed vnico tantum cibo contentus sit: illa enim varietas corruptionem, cruditatem, & malitiam humorum generat, vnde postea ægritudines oriuntur. Abstineat à carnibus antiquis, & ab his ouis quæ in fartagine vel patella assantur. Abstineat à piscibus, caseo, leguminibus, & auibus palustribus: olerum etiam vsum euitet. Vinum, si fuerit consuetus bibere, eligat pauciferum, clarum, subtile, & mixtum aqua, quod etiā moderatissimè bibat. Sed si vini potationi non fuerit assuetus, vel aquam mellis, vel ceruissiam bibere consueuerit secundum patriæ suæ morem, tunc laudarem magis vt prorsus à vino abstineret, & ceruissiam, vel mulsam eligeret. Hæc si ritè & diligenter peregerit, vix imaginari poterit, quantum sanitatæ suæ sint collatura. Si verò contraria sequatur, etiam medicinis omnibus adhibitis, frustra sanitatē expectabit. Sed vt exactè suæ saluti consilium adhibeatur, paucula quoq; adijcientur, quæ quicquid in corpore colligitur excrementorum, totum illud excernant. Utetur igitur ter vel quater in mēse pilulis infrascriptendis hora vna ante cœnā ad pondus drachmæ. Descriptio talis est:

R. Aloë

℞. Aloës optimæ
 Rhabarbari electi ana 3 vj.
 Agarici electi 3 s.
 Caryophyllorum
 Gingiberis,
 Cinnamomi, ana 3 j.
 Rosarum rubearum 3 ij.
 Myrobalanorum chebulorum 3 s.

Puluerizentur omnia per se, deinde misceantur: cum
 nelle rosaceo fiat magdaleon, de quo singulis vici-
 us fient pilulæ tres pondere drachmæ, fumendæ ut
 suprà. Præterea laudo ut in vere, si semel: in autum-
 no & vere, si bis, mittatur sanguis à basilica dextri la-
 teris. Præterea si his omnib. peractis reliquiæ etiam
 uorum morborum permanferint, laudo ut in parte
 exteriori vtriusque tibie infra genu per digitos qua-
 tuor, cauteria fieri iubeat, quæ vulgò appellantur
 montanellæ: efficacissimè enim diuertunt à capite.
 Item laudo ut bis vel ter in mense accipiat bolum
 optimi Mithridatici pondere drachmæ, addi-
 tis drachmis quatuor sacchari rosacei,
 tribus horis ante prandium.

Consult. XII. De catarrho diuturno ex intemperie
 frigida & humida cerebri, pro heroë domino à
 Drichtristain Germano.



Nadolescēte iam in vigesimo anno con-
 stituto, alioqui boni habitus, satis proce-
 ri corporis, & optimæ indolis, nō posset
 esse catarrhus tam diuturnus, tam mole-
 stus, tam cōfirmatus, nisi intēperies cerebri insigni-
 ter frigida & humida fuisset: est enim catarrhus pi-
 tuitosus, mucosus, & frigidus. Vnde autē contracta

fuerit huiusmodi intemperies, an ab excessu rerum non naturalium, vel ab alio aliquo, haud satis comper-
tum habeo. Quantum verò ad praesens negotium atti-
net, non ita multum refert, siue naturalis, siue acqui-
sita haec fuerit intemperies. Hoc vnum proponam,
neq; facile, neque citò remoueri posse, imò indigere
exactissima diligentia alicuius medici, sed longè ma-
iori aegrotantis. Ex longa enim perseverantia cura-
tionis poterit aeger ad meliorem habitum deduci:
alioqui periculum imminet, ne in deteriore aliquem
morbum dilabatur, praecipue ætate maturiore succe-
dente. Enixè igitur tanto discrimini est resistendum,
& in primis exquisitissima victus ratio habenda est,
sicuti in omnib. morbis diuturnis obseruari debet.
Primaria igitur diligentia circa aërem sit: omnino
enim tam frigiditas quàm humiditas aëris est vitan-
da. Sed nec flatus cuiusq; generis admittendi sunt,
ne cerebrum repleant, vel refrigeret, vel constipent:
propterea eligat eiusmodi locum suæ habitationis,
ne aër cerebro inferat aliquod malum propter frigi-
ditatem, vel humiditatem. Et diligenter obseruabit,
ne post ventriculi repletionem se ad studia, aut men-
tis exercitia cōferat, sed per quatuor horas interim
quiescat, vel deambulet remisso animo, vel cum ami-
cis latis & iucundis versetur, & euitet omnes animi
molestias: illæ enim non tantum catarrhum fouent
& augent, imò generant. Laudo exercitia horis ma-
tutinis, quæ sint placidiora; sed longiora, vsque ad
manifestam mutationem anhelitus, totiusq; corpo-
ris calefactionem insignem, ita tamen, vt post exerci-
tium euitet aëris excessum quemuis, vel flatus, vel
frigiditatis, aut humiditatis, immutetq; vestimēta,
si fortè sudorem haberent. Laudo vt caput abluat
semel saltem singulis septimanis, sitq; ablutio talis.

Suma-

amatur lixiuium dulce ex cinere vel salicis, vel po-
 uli, vel farmentorū vitium, vel nucis, vel huiusmo-
 di, & ex eo quantitas vnicae ablutioni eligatur suffi-
 ciens, in qua camomilla, rosæ, maiorana & betonica
 decoquantur simul cum drach. duabus agarici minu-
 tim incisi, & in panno lineo inuoluti, qui postea pan-
 nus post decoctionem diligenter in hoc decocto ex-
 primatur, hocq; lixiuium caput abluat adhibito sapo-
 ne aliquo odorato, quales apud pigmentarios repe-
 iuntur. Hora ablutionis sit vesperti ante cœnam, vt
 deinde facilius possit aëris omnia incōmoda euita-
 re: & post ablutionem suauiter & leniter caput pan-
 nis moderatè calidis exiccetur. Studeat quoque, vt
 manè ante ortum Solis exurgat, neque comedat nisi
 sex horis post egressionem lecti: tali enim modo ca-
 tarrhus rectè collectus optimè cōcoquetur & dige-
 retur, ac cibus in prandio purum ventriculum inue-
 niens, optimam cōcoctionem perficiet. Nihil enim
 pestilentius his qui catarrho subiecti sunt, quàm se-
 rò è lecto surgere, atq; ad prandiū accedere noctur-
 no catarrho adhuc fluctuante. A prandio caueat, ne
 aliquo modo dormiat, bibat, aut comedat: nam nihil
 inter prandium & cœnam sumendum est, si quis ca-
 tarrho studet liberari: imò & cœnāumat longè par-
 ticiorem, quàm prandium, tum in cibo, tum in potu.
 Laudaremus, si vesperti à carnibus abstineret, neque
 cubitum eat, nisi duabus horis saltē transactis à cœ-
 na: interim leuiter deambulet, vel stet: ita enim ca-
 put leuius erit noctu, maneq; recrementis ac vapo-
 ribus omnibus liberum habebit. Ergo vt hæc cōmo-
 dè fieri possit, surgat maturè, & sic maturius pran-
 deat, & cœnet. Cibus illi omnino simplex eligendus
 est: ciborum enim multitudo catarrhis aduersissima
 est. Vinum sit pauciferū, album, limpidissimū, bene

maturū, quod etiam pacissimè bibat. Carnes comedat animalium iuuenum castratorum, pullorum, hœdorum, vitulorum, leporum etiam iuuenum, & cuniculorum, auiumq; campestriū. Abstineat à palustribus cuiuscunq; generis: pisces etiā euitet, & caseū, & lacticiniorum omnia genera: item legumina, & pastillos, panesq; azimos, & quæcunq; in sartagine assantur. His ita bene dispositis necessarium est quamplurimo tempore seruare institutū: neq; enim facile, sicut antè paulò diximus, tolletur affectus tam longo tempore confirmatus. Quantum verò ad medicinas attinet, noui illustrem Dominū à quocunq; genere medicamentorum abhorrere, vt nesciam an vnquam talem inuenerim: ideo ne frustra offeratur, quæ nullo modo sunt admittēda, placidissima quæque proponamus, quæ non nisi à pertinacissimo reijci possunt. Et primò vtetur saccharo rosaceo singulis anni tēporibus, singulis quoq; diebus, si licuerit, vel saltē ter, aut quater in septimana vtatur. Vtatur etiam ante prandium odoratissima & iucundissima cōfectione, quæ ita habet:

℞. Rosarum rubearum

Sandalorum citrinorum

Seminum citri

ana 3 j.

Ligni aloës optimi & synceri

3 ij.

Sacchari optimi quantum sufficit.

Misce, & fiat cōfectio in rotulis: vtatur drach. duabus vna vice ante prandiū & cœnā vna hora. Quòd si pateretur rhabbari optimi scrupulum manè ante prandium mandere, primò sensim, deinde deglutire, haberet remedium præstātissimum. Quòd si id noluerit, vtatur saltem bis singulis mensibus pilulis infra scriptis, & ex eis vnā duntaxatumat in vespri ingressurus lectū, quæ ponderis esset drachmæ s.

℞. Rha-

℞. Rhabarbari electi

Aloës succocitrini

Agarici optimi ana 3 j. s.

Nucis muscatæ

Garyophyllorum Gingiberis.

uluerizentur omnia per se, deinde misceantur, postea aspergantur succo rosarum puro, & permittantur exiccari, & sic iteretur septies: deinde cum oxymelle simplici fiat magdaleon, & feruetur ad usum. Item laudo ut in ingressu lecti vnam aut alteram guttam in vtranq; aurem inijciat olei ex optima terebinthina, & appposito bombyce muscato dimittat usque ad lucem sequentē. Si etiam manderet manē granum nastiches, ut expueret quicquid saluæ redundaret, egregiè suæ saluti confuleret. Atq; vbi hæc diligēter ac diu peracta fuerint, spero illustrē Dominū ab omni deteriori dispositione præseruandū, atq; ad meliorem habitū profuturū, diuino tamē aspirate auxilio.

Consult. XIII. De præseruatione à catarrho falso destillante ad partes subiectas, excitante diuersa symptomata, & de potu thermarum Lucensium, pro equite Cornelio Clementino.




VO sunt quæ à nobis in casu Illustrissimi equitis Cornelij Clementini requiruntur. Primò, qua arte sit præseruandus à destillatione pituitæ falsæ à capite ad partes subiectas, à stillicidio vrinæ, & excretionē arenarum, viscidæq; materiæ, & à sputo sanguinis ob corrosam venam paruam pulmonis contingente, ut refertur. Secundò, vtrum illi competant aquæ thermarum Lucensium. Incipiam ab hoc secundo, nam & hoc videtur maximè ad præseruationem cōferre,

Supponentes igitur hepatis ac renum caliditatē, unde par est & urinæ stillicidiū, & arenas generari, Lucenses aquas, illas inquam quæ ferreæ sunt, crediderim præstantissimum fore remedium hepati & renibus corroborandis, tum excedentem caliditatē temperando, tum laxitatem vasorum ad mediocritatem ducendo: retundent etiam falsedinem pituitæ, quam probabile est ob hepatis sanguinisq; feruorem fieri: simul etiam venis pulmonis egregiè tonus addetur: & cum falsedo destillantis materiæ retundetur, maxima ex parte tolletur periculum corrosionis. Nec obstat ventriculi frigida & humida intemperies: primò enim remouebit humiditas, cum omnes thermarū aquæ, siue calidæ siue frigidæ fuerint, semper exiccet. Exiccata ergo redundante humiditate, ventriculus proculdubio reddetur robustior, & aptius cibum amplexabitur, & consequenter felicius cōcoquet. Quantum verò ad aquarum frigiditatem attinet, poterit interim defendi ventriculus cum linimento calefaciente, quale est oleum de garyophyllis odoratum, de styrace, addita mastiche & ladano. Non ergo ab harum thermarū vsu abstinendum cēsuerim, siue putauerim. Reliquū casus quod ad præseruationē attinet, cum iam plurima sint peracta à clarissimis illis medicis, eius rei potissimū gratia præcipua sunt duo cauteria, tum brachij, tum sinipitis. Neq; verisimile est eos, qui ad tantam accesserunt præseruandi diligentiam, dimisisse exquisitissimam victus rationē in omnibus sex rebus non naturalibus. Ideo ne ineptire videar, indignū duxi, ut hic à me explicarentur circa victus rationē, quæ etiā semidoctis medicis sunt cōperta. Vnum tantū proponā, quòd in omnibus his affectibus, & in tota syndrome, nullo penitus repugnāte, ad præseruationem
sum-

summopere cōuenire videtur, videlicet frequentissimus vsus duorum remediorum secundum omnem administrationis modum, sacchari inquam rosacei, & rhabarbari. Consularem ergo suæ illustrissimæ D. vt singulis diebus ante cibū vteret saccharo rosaceo etiam ad vnciæ quantitatem, ac præterea quater in mense tribus horis ante prandium manderet ac deglutiret drachmā optimi rhabarbari. In reliquis omnino abstineret ab omnibus validioribus medicamentis: & in qualibet etiam magna purgandi necessitate non excederet rhabarbarū, cassiam, mānam, & syrupum rosatum solutiuum. Quæ omnia si rectè obseruentur, & addentur his quæ clarissimi illi Doctores iam pridem consuluerunt, spero non tantum ad præseruationem ex catarrho cum sputo sanguinis, sed etiam curationem, vbi oportuerit, subuentura.

Consult. XIII. De destillatione catarrhi ad partes subiectas, fluore alui penè dysenterico, assiduo uomitu, torminibus ventris, cum febre assidua & insigni totius corporis tabe, pro adolescente filio Medici.




Non ab re Excellētia tua onus istud grauissimum vix subeundum putat, curandi huius nobilissimi adolescētis, tanquā illius diuini præcepti memor, Caue ne malarum ægritudinū curā suscipiēs, mali medici nomen adipiscaris: præterquā enim quòd difficillimis quamplurimis, & inter se etiam discrepantibus morbis infestatur, adeò consumptus est & labefactatus, tamq̃ virium imbecillium, vt penè nulla omnino via relinquatur, qua etiam medicus audacissimus aggredi velit prouinciam tam difficilem: nihilominus, vt

tibi viro amicissimo & doctissimo morem geram
 re tam ardua, tanquam Iphiclus, herenti sine admi-
 culo, dicam quod faciendum iudicarem. Cum ergo
 adolescens iste nobilissimus simul destillatione cat-
 rhi ad partes subiectas laboret, alui fluore penè dy-
 senterico, assiduo vomitu, rugitibus, & torminibus
 ventris, febre fortè assidua, insigni totius corporis
 tabe, ego tentandum censerè primò, vt fluor alui s-
 teretur, vomitus sedaretur, & ventriculo robur ac-
 deretur, vt corpus nutriri incipiens redderetur va-
 dius, nosq; simul aptiores redderet ad reliquos aff-
 ctus tollendos. quod sicut fieri posse dubito, ita iam
 faciendum necessariū esse duco. Et quoniā ab exci-
 metis biliosis tam per vomitum, quàm per secessum
 maxima copia redditis, iudicamus esse hinc maximam
 hepatis caliditatē, cuius ratione fortè ex plurima bi-
 le assidue generata, & ad ventriculum intestinaq; e-
 rumpente, perseverat alui fluor, vomitus, inappeter-
 tia, & sitis: ideo ad hepar accederem curaturus, tan-
 quam ad omnem malorū fontē: quod cum calidum
 sit, refrigeratione proculdubio indiget: cumq; eius
 tonus sit valde remissus, leui etiā adstrictione robo-
 randum iudico: & vt hæc fiant, aliquo exquisito, po-
 tenti, & parato remedio indiget. Nihil igitur ad hæc
 omnia peragenda præstantius occurrit, quàm potus
 thermarū Calderianarum: in illis enim, propter plu-
 rimam ferri materiam, magna vis est refrigerandi, &
 adstringendi: nec tantum id præstat, sed & validissi-
 mē præstat. Et quoniam, sicut Hippocrates dicit, ma-
 ximis morbis maxima & exquisita remedia adhiben-
 da sunt, sicut etiā Galenus testatur in quinto metho-
 di, in magno morbo à leuioribus incipere nihil aliud
 est, nisi parare ægro longum interitū: ideo hanc præ-
 cipuè æstatis occasionem nactus, quamcitissimè ad
 hoc

hoc auxilium accedat, priusquam vires huius corporis, alioqui ita affectæ, ad extremū debilitentur. Et si suspicio aliqua occurreret, ne inde ventriculus aquarū frigiditate læderetur, facilè huic quoq; incōmodo occurrere possemus, illinētes eam ventriculi partē quam refrigerandā timemus, cum oleo, quod vim habeat calefaciendi simul & corroborandi, sicut præcipuè oleum est odoratū ex garyophyllis, quod a pigmentarijs confici solet, addita mastiche, & modico ceræ. In ratione autē victus occurrit magna dubitatio, nūquid huic iuueni vinū cōpetat: virium enim imbecillitas, ac ventriculi frigiditas, vinum potius exposcere videntur: at illa insignis hepatis caliditas, febris, & destillatio, omnino contrariū postulant. Crederem ego in hoc casu, dum tātisper hepar refrigeretur, cui maximè, vt suprā dixi, insistendum est, tutius esse si omnino à vino abstineret, vtereturq; vel iure leui pulli iunioris, quod vulgò aquam pulli medici appellant, vel etiam hordei decocto in optima & tenuissima aqua, quæ facilè distribuatur, & transeat hypochondria: cui si quid etiam adderetur quod ventriculo confuleret, moderatæ caliditatis, non etiam displiceret, & hoc esset quale est coto neum cum saccharo conditum, si eius frustum simul cum aqua & hordeo decoqueretur: fieret enim potus iucundus ventriculum roborans: & cotoneum ex condimento & saccharo patet aliquid remissæ caliditatis acquisuisse. Ergo huiusmodi potus, præter hoc quòd hepar refrigerabit, non etiam ventriculo nocebit. Hoc vellem clarissime Doctor, tentare potius, antequam ad aliquam aliam curatio nem accederem. Quòd si Excellentix quoque tuæ idem videbitur, nihil vltra morandum iudicauerim, quin ad opus accedatur. Si verò contrà senserit,

idq; ad me scribere dignetur, enitar sedulò, vt alie proponam, quod magis Excellentie tue satisfecerim cui plurimùm me cōmendo. Erit etiam mihi gratissimū audire successum curationis filij tui suauissimi & quidnam proficiant remedia, quæ simul conuenimus esse facienda. Oro igit vt me quoq; admoneam nam de eo æquè ac de filio meo audire cupio, quò bene succedat. Vale.

Consult. XV. De dolore capitis periodico, gravitate eius, & sibilo aurium, pro Veneto.



I quis rectè discutiatur quæ causa & origo sit doloris capitis periodicè infestantis Magnificum dominū, videbit per verum consensum illum esse ab inferioribus partibus, & non quia cerebrum vel primogenio affectu, vel per essentiā patiatur. Si enim membrum illud dicitur esse sanū, cuius operationes sunt sanæ, vt cerebri propriæ operationes sunt imaginatio, discursus, & memoria: atque hæ omnes in sua Magnificentia cū rectissimè se habeāt, sequitur cerebrum in se sanum esse, nisi aliunde consensum acceperit. Sunt etiam aliæ operationes hoc idem testātes, quæ licet non fiant in cerebro, sunt tamē à cerebro, sicut sensus exteriores, & facultas quæ per electionē mouet: atque hæ omnes facultates integerrimæ sunt, vt inde quoque patere possit, hoc cerebrū in se esse sanum. Cū verò sanitas vniuscuiusq; membri amplā habeat latitudinē, cerebriq; optima temperatura sit vnde optimæ prodeūt operationes, sitq; quando ad reliqua membra principalia comparatur, frigidū & humidum, quæritur hic, nunquid & cerebrū sit hoc modo & hoc sensu frigidum & humidū, an verò declinet ab hoc optimo statu per aliquē excessum vel defe-

defectum. Respondeo, quantū ad qualitates actiuas attinet, iudicio meo, vel non recedere à temperato cerebro propriè, vel si recedit, ad frigiditatis excessum potius declinare. Indicat id caliditas illa immensa hepatis simul & cordis, sicut in confesso est, etiam reliquorum medicorum iudicio, & sicut ex proprijs signis apparet. Amplitudo enim venarum, color sub niger corporis, pilorū multitudo nigrorum, crassorum & crispiorum, maxima ad Venerē promptitudo, insignem quandam hepatis caliditatem præ se ferūt. Animi verò constantia, & in rebus agendis audacia & vehementia, cum maximo arteriarū motu, cor planè calidum ostendunt. Sed nemo prudens medicus vel philosophus ignorabit, hepatis & cordis insigni existente caliditate, si etiā cerebri caliditas accesserit, necessariò fore ut vir talis ferorū & barbarorum morum sit, truculentus, crudelis atque inexorabilis, cum spiritus animales non habeant ubi sedentur & mitescant. Sed Magnificus Dominus itacundus quidem est, sed facilè placabilis, mitis, mansuetus, optimorum morum, ac præterea prudentissimus. Quæ omnia arguunt vel frigiditatem cerebri, vel temperiem, in quo spiritus temperantur, sicut est sententia philosophi & I. I. de generatione animalium, & x x x. sectione problematum. Præter hanc qualitatem actiuam, quā in cerebro esse opinamur, credimus etiam in passiuis ad siccitatem potius declinare: ingenij enim perfectio & iudicij stabilitas, opinionumq; grauitas, memoriæq; tenacitas, siccitatem mihi, non humiditatem ostendunt. Tale igitur erit cerebrū Magnifici domini, ut si à naturali suo temperamento recedat, recessus sit potius per frigiditatem & siccitatem. Quibus ita se habentibus, sequitur quòd primò circa caput raræ texturæ & habitus sit: secūdò, quòd

F

alimentū propriū non concoquat ita exactè: tertio, quòd excremēta tam propria quàm aliūde trāsmissa non facilè expellat & difflet: quarto, quòd facilè admittat vapores & materias aliunde transmissas. Ista enim omnia symptomata familiaria sunt temperaturæ frigida & sicca. Et hæc sufficiant de cerebro, de quo multus erat habēdus sermo, quoniā in illo principaliter doloris causas inuestigamus. De hepatis verò & cordis temperatura idem erit iudiciū, quod obiter superius retulimus: vtrunq; enim horū membrorū insigniter calidum est. Nam hepatis caliditas ostenditur facilè ex corporis colore nigro, ex multitudine pilorū nigrorum, crassorū, & crisporū, ex amplitudine venarū, & quòd plurima bile redūdat, atque in ipsa cute citrinus color cum fuscēdine apparet. Cordis caliditatē ostendit maximus & velox arteriarū motus, animi vigor, & promptitudo ad irā. In ventriculo autem non eam esse caliditatē, quæ rectæ concoctioni requirit, indicat generatio pituitæ, quæ nullam aliam probabilem causam habere potest suæ generationis in hoc corpore, quàm ipsius ventriculi frigiditatē. Sed & habitus abdominis hoc idē indicat, est enim gracile, & sine pinguedine, quod quidem ad calorē retinendum & coctiones adiuuandas maximi iuuamenti est, sicut est & Galeni & Aristot. sententia. His ita explicatis & cōstitutis, apparet iam quemadmodum in hoc corpore sint omnes dispositiones ad capitis repletionem & dolorem excitandum idoneæ. Primò frigiditas & siccitas cerebri, de qua proximè multa diximus. Secundò hepar calidū, cuius ratione sanguis feruens plurimus generatur, ex quo feruore necessariò plurimi vapores redduntur capiti ex toto ambitu venarum, vt optimè dicebat Galenus I I I. de locis affectis. Accedit ad hoc
cordis

cordis caliditas, à qua etiam spiritus feruētes & mo-
 tiles generantur, qui cōfertim & cum impetu ad ce-
 rebrum delati, extendunt, percutiunt, aperiunt: agi-
 untur enim interclusi in angustis locis, vnde neces-
 sariò dolores excitantur. Propterea frequenter de-
 rehendit Magnus dominus ipsa experientia do-
 res capitis repentē excitari, & facilē etiam discuti,
 non ob aliam rationem, quàm quòd spiritus ipsi mo-
 tiles sunt, & sicut citò mouentur, ita etiam citò dis-
 soluuntur. Est vltima causa pituitæ in ventriculo ge-
 neratio, quæ in vapores versâ propter caliditatē ad-
 uolentiū membrorū ad caput ascendit, dolores exci-
 tat: inde est quòd sēpe percipit grauitatē capitis pro-
 pensam ad oculorum radices, & quòd dolor extendi-
 tur vsq; ad aures cum quodam sibilo, qui incipit cir-
 ca primas colli vertebrae. Grauitas autem à vaporibus
 pituitosis tanquam crassioribus, extensio ad au-
 res & radices oculorum, quoniam pertingit crassus
 vapor, & percutit interiorem cerebri membranam.
 Tremor autem non aliunde prouenit, quàm quòd va-
 por crassus & viscosus agitated à calido, & non ita fa-
 cilē resolutus, strepitū facit, quemadmodum vapor
 venti propulsus in aëre. Quòd verò in occipite do-
 lor incipiat, inde est, quoniam vapores à ventriculo
 ad cerebrū eleuati, necessariò per œsophagum tran-
 eunt, qui in parte posteriore positus est. Ergo vt do-
 lor iste capitis est multiplex, ita etiam multiplices
 habet causas: sanguinē vaporosum & feruentem, he-
 patitis ratione, quod calidius est: spiritus vitales cali-
 dos igneos, superius facilē raptū habentes: pituito-
 sos vapores à ventriculo delatos. Atq; ita in cōfessio-
 nem est dolorem istum capitis per consensum purum ab
 inferioribus partibus, propter vapores & spiritus
 ascendentes, & non alio vitio capitis vel cerebri,

quatenus est membrum organicū, licet ratione temperaturæ vnā tantū auferat actionē, vt non multū resistat, vel repellat, aut difflet causas alterātes in reliquis penitus culpa vacat. Ac inde est, quod nāscendentibus vaporibus præter naturam, caput sanissimū persistat, in omnibus suis operationibus nexa carēs: illis verò elatis, longè minori parte temporis patitur caput: paucis enim horis dolore capiti affligitur, reliquo toto tempore omnino excitatissimum est, & omni nocumento carens. Ergo & rationibus & signis ostendimus, illud esse quod à principio proposuimus de hoc capitis dolore. Et hæc satis de causis & essentia symptomatū & morborū in hoc Magnifico domino existentium. Quantū ad curationem, nihil aliud addendum occurrit, quàm quod iam præscripsimus in sequenti cōsilio: ad id recurrat & ita integrū erit cōsiliū tam quo ad speculationem & cognitionē causarum, quàm quo ad curationem.

Consult. XVI. pro eodem.



Dolor periodicus, vel non periodicus capitis tam in anteriori, quàm posteriori parte capitis, magis tamen in anteriori in hoc nobili viro incipiens cum frigiditytate pedum, deinde inuadens totum caput, & præcipuè mordicans ambos oculos, qui iuuatur ab adstrictione & repressione, quam ipse facit à natura edoctus, manibus validissimè comprimendo, nec potest pati frigus præsentē dolore, imò necessarium est vt totum corpus caleseat & calefiat arte, quod iugiter fit pannis calidis applicatis: præcipuum tamē iuuamentum est calefactis naribus, delinens postea cum sudore copiosissimo totius corporis, & relinquēs in palpebris impotentia motus. Talis inquā dolor cum
huius-

cuiusmodi symptomatibus, proculdubio per cōsen-
 sam est à ventriculo & toto ambitu venarum, eleua-
 s vaporibus vnde cunq; & ideo etiam totum caput
 olet, magis tamē antèrius quàm posterius: quoniā
 ars anterior & calidior & apertior, magis recipiēs
 xcrementa & sensibilior, ac prēterea vapores eleua-
 à ventriculo crassiores & plures, nec tamen facilē
 dissolubiles. Cuius signū, quòd finito dolore adhuc
 emanet impotētia motus in palpebris, propter reli-
 quias vaporū crassorū in membranosis illis partibus
 compactas, nec dissolutas. Incipit autē cum frigidita-
 e pedum: quoniam dolore in suprema parte existen-
 e, calor maximē & spiritus ad illas partes vergūt si-
 nul cum vaporibus calidis & acribus. Sed cum ca-
 put validē manibus astringit, ideo iuuatur, quia re-
 primūtur vapores, & caput roboratur, ne tam facilē
 suscipiat vapores. Læditur à frigore, quoniā dum fri-
 get corpus, pori adstringuntur, vaporesq; magis re-
 clusi ascendūt ad caput: at calefacto corpore relaxā-
 tur diffillanturq; vapores & auertuntur. Et præcipuē
 iuuatur quando nates calefiūt, quoniam maximē ad
 oppositum trahuntur ac vertuntur vapores. Cuius
 signum manifestum, quoniam declinante dolore to-
 tum corpus in copiosissimum sudorem resoluitur:
 tūc enim vapores planē ad diuersas partes resoluū-
 tur, & per sudores educuntur. Tum etiam, quod lon-
 gē deterius habet, quando alius adstricta est, vapo-
 ribus scilicet magis eleuatis, & quòd irritatur perio-
 dis ab animi molestijs, quoniā inde calefcit caput &
 imbecillius redditur. Etiā ab aëre tam calido quàm
 frigido, quoniā calidus aperit, rarefacit, attrahit: fri-
 gidus densat, cōprimit, prohibet diffilari vapores e-
 leuatos, & à proprio alimēto capitis redditos. Iuua-
 tur à pilulis aloëticis, euacuat enim ventriculus eis.

Curatio huius nobilissimi viri in hoc cōsistit, vt maxime corroboret caput, & totū corpus exquisitissime mundū cōseruet. fiet id præcipue proposita sibi recta viuendi ratione. Cauebit ergo ab aëre alterāt caput tam frigido quàm calido, tam humido quàm sicco: excessus enim omnes euitandi, & temperies eligenda est: ideo nec noctu exponat se aëri, neque in Sole ambulabit. Abluet caput singulis septimanis semel, suauissimeq; sine multa frictione exiccabit: rosæq; saluia, & frustulū agarici bullient in lixiuio. Cauebit à vino potenti: sed & acidum austerumq; euitabit, eligetq; tenue, maturum, pauciferum, quod etiam parce bibet. Simplici cibo contentus erit, parciusq; cœnabit, nec nisi post duas horas cubitū accedet. Fugiet diurnū somnum, ac venerem: vteturq; singulis diebus antequā ē lecto surgat frictionibus vniuersi corporis, & post frictiones linimento ex oleo garyophyllorum, quod venditur ab vnguentarijs. Providebit singulis diebus, vt subducāt aluus, & ad hoc vtetur pinguisima terebinthina pondere trium drachmarū, tribus horis ante prandium, quam deuorabit hostia aut simili re inuolutam. Præstantissimum est, si quotidie hora ante prandium deglutiat zucchari rosati semunciam. Bis in anno purgandum cōsulo, quemadmodum visum fuerit præsentibus medicis. Singulis septimanis semel saltem sumet ante cœnam drachmam pilularum de hiera simplici. Tempore paroxysmi, dum primò incipit, illinet frontem, vtraq; tempora, collum, & circa scapulas, dimittendo spinam, quæ nullo modo tangetur tali linimento:

Rx. Terræ sigillatæ

Boli Armeni orientalis

ana 3 j.

Hypocistidos

Acaciæ

Acacię ana 3 ij.
 Albuminũ ouorũ conquassatorũ num. iij.
 Aceti mediocris 3 iij.
 Misce.

*Consult. XVII. De dolore capitis & dentium, cum
 uarijs symptomatibus, pro nobilissi-
 ma quadam matrona.*



Abita matura consideratione omnium symptomatũ, quibus affligitur hæc nobilissima matrona, reductis omnib. seorsim in suas causas, quemadmodũ nos esse opinabamur, iudicauimus tria membra vniuersales esse causas eorum omniũ accidentiũ, à quibus tanquam à principijs & origine omnia nascantur incommoda, hepate inquam, cerebro, & ventriculo. Atque hepar quidem naturali sua ac fortè etiam aduēticia caliditate, plurimum sanguinis feruentis biliosi & adusti generare. Ventriculum tum ratione imbecillitatis propriæ, tum etiam ratione obiectorũ, cibi inquam & potus, quorũ vsum audimus sine aliquo delectu esse, plurimum generare pituitæ, quæ partim per venas distribuitur, partim in vapores versa ad cerebrum ascendit, partim in ipso ventriculo & intestinis immoratur, motura mensium tempore dolores illos & flatus, qui deinde facilè superius & inferius extrudantur. Cerebrum præterea siue ob innatam humiditatem, siue ob acquisitam, quod magis credo, accedentibus plurimis ac molestis cogitationibus, neque ipsum deest in quamplurimis frigidis humoribus generandis, qui deinde ad ventriculum per vias latas & communes, tum per venas ac spinæ vertebrae per totum corpus disseminati ac sanguini admixti, statim temporibus generant extremi-

tatum intolerabiles dolores ad illas partes expulsi. Cùm verò totum corpusperpetuò redundat feruentissimo sanguine, qui tanquam alimentum ad singulas corporis partes necessariò deferatur, quæcunq; eius pars subtilior acriorq; est, ad cutim tanquã excrementum deferatur, attenuando subinde & insensibiliter difflando. Hæc igitur pars ita attenuata & ad descensionem parata, si fortè frigori vel ex aqua vel ex aëre occurrerit, statim condensatur, meatusq; adstringuntur. Vnde introclusi spiritus illi tenues, acres & mordicâtes, necessariò primò excitant pruritus, deinde dolorē, multiplicata videlicet materia & sibi inuicem succedente: vnde etiam in ea parte dolente ex multiplicatis scilicet vaporibus, color flauus apparet. Hoc autem ita esse facilè indicat consueta curatio. Audimus enim, quotiescunq; rursus locus incaluerit, vel frictione vel re calida admota, euanesce re statim pruritū, dolorem & colorē flauum. Hęc igitur cùm ita se habeāt, sintq; illę tres vniuersales causę in ventriculo, cerebro & in hepate, ad quæ singula referuntur, dicimus quidem perfectã curationem in hac nobilissima matrona non esse exigendam: neque enim eorū membrorū vel naturales, vel tãquam naturales dispositiones tolli poterūt, in pueritia fecus certè, iam & plurimis negotijs implicata. Credimus tamē magna ex parte sedari posse symptomata, si duo procurabunt. Primò, vt corpus bene expurgatum ac diffusibile tam internè quàm externè reddat, viæq; omnes ad naturalē distributionē & excrementorū expulsionē aperiãtur. Secūdò, si membra corroborētur, hepar quidem ad moderatiore caliditatē reducendo, cerebrū modicè exiccando, ventriculū calefaciendo. Hæc est summa intētionū, iudicio nostro, quas in hoc casu debet medicus intueri. Inter instru

menta

nenta autem particularia primò quidem est diligēs
 victus ratio, deinde opportunæ euacuationes tum
 per pharmaciam, tum per sanguinis missionem. De
 ratione victus statim apparet eum esse eligendū, qui
 & optimo alimento corpus reficiat, & nullo incom-
 modo afficiat. Erit igitur primū circa aërem ita stu-
 dendū, vt in eo nullus excessus appareat: siue enim
 calidus, siue frigidus fuerit, ob membrorum diuersi-
 tatem, semper habebit quod huic nobilissimæ ma-
 tronæ negotium facessat. Molestias animi quantum
 potest effugiat, ab hac enim causa multum detrimen-
 ti accessisse arbitramur. In cibo & potu, cauendum à
 vinis potentibus, præcipuè si nigra & crassa fuerint.
 Limpidum ergo vinum eligere oportet, bene matu-
 rum, mediocris potentiæ, vel album vel nigrum. Om-
 ninoq; cauebit à potu aquæ, quā si propter aliquam
 occasionem bibere cogatur, eligat quæ in illa ciuita-
 te laudabilior habetur, admisceatq; vinū: pura enim
 nequaquā bibenda est. Carnes omnes antiquas, bu-
 bulas præsertim, effugiat, & quæcunque sunt auium
 palustriū. A falsis omnibus abstineat, ab acribus, qua-
 lia sunt cepæ, allium: & lacticiuijs, & præsertim anti-
 quo caseo, & pastilibus, à piscibus palustribus. quòd
 si etiam pisces optimi fuerint, parcè quoq; illis vtat-
 ur, quamuis eorumvsum non omnino sustulerim.
 Olera, præsertim syluestria, sunt omnino euitanda.
 Fructibus etiam horarijs parcissimè vtatur, & nō ni-
 si ante cibū: omnino enim à cibo sunt fugiendi. Stu-
 deat vt quotidie beneficium alui habeat, quātumq;
 matronæ cōuenit, corpus matutinis horis exerceat,
 pomeridianis quiescat potius, iucundeq; cum fami-
 liaribus tempus transigat. Hæc quantū ad victus ra-
 tionem pertinet. Pro euacuatione bis singulis annis
 euacuabitur, vere inquam & autumnò, ac primò per

sanguinis missionem, deinde per pharmaciam: sanguinis tamē missio semel tantū singulis annis sufficiat, atq; illud vere magis quā autumnō. Si igitur feruor tēporis hoc anno non impedierit, purgari poterit in hoc Iunio mense, primō cum vncia vna floris cassiæ, adiectis drach. duabus specierum hieræ simplicis. Quo pharmaco sumpto, proximo sequenti die syrupum accipiat, qualis est infra scriptus:

℞. Syrupi de cichorea Nicoli cum rheubarbaro

Mellis rosati ana ℥ j.

Aquæ betonice ℥ iiij.

Misce pro vno, & sic pro alijs septem. Sumptis duobus primis syrupis, mittatur sanguis à vena communi dextri brachij vsq; ad vncias octo vel decem. Post septem syropos bibat infra scriptum pharmacum:

℞. Confectionis hamech 3 iiij.

Syrupi rosati solutiui ℥ iiij.

Cum aqua betonice fiat potio danda in aurora cum custodia. Quod si feruore æstatis impediēte purgari non poterit, ad proximū mensem Septembris differatur. Hæc quantum ad euacuationē vniuersalem singulis annis seruandā. Atq; vt melius tum euacuari, tum etiam auerti possint humores, consulo vt præter annuas illas euacuationes habeat quasdam pilulas familiares, quibus frequēter vtatur: erunt autem sine custodia, & sine aliqua molestia sumendę, qualis esset huiusmodi descriptio:

℞. Rheubarbari electi

Aloës optimæ

Myrrhæ

ana 3 iiij.

Croci

℥ j.

Sandalorum citrinorum

Rosarum rubearum

Myrobalanorum chebulorum

ana 3 s.

Garyo-

Garyophyllorum

3 ij.

Puluerizentur omnia subtilissimè: deinde aspergantur succo rosarum puro, & permittantur exiccare, & ita reiteret septies: postea cum melle rosato fiat magdaleo, de quo fiant pilulæ pro singula drachma tres, de quibus vnā, aut alterā, aut etiam tres, si parum eduxerint, sumantur hora vna ante cœnam, ter aut ad summum quater in mense. Hæc igitur satis dicta sint quantum attinet ad vniuersalem corporis purgationem, quemadmodum antea pollicebamur.

Quantum verò pro membrorum corroboratione, primò quidem caput quater saltem in mense lauabit hoc modo. Fiat lixiuium ex cinere salicum aut vitis, in quo deinde coquatur rosæ, folia myrti, maioranæ, camomillæ, singulorum drachma, & agarici electi. Deinde forti colatura & expressione facta singulorum, hoc decocto caput lauabitur. Item singulis saltem septimanis in tinea vel dolio ad id commodè fabricato, quod sit oblongæ vel oualis figuræ, totum corpus fouebit & lauabit cum aqua dulci moderatè calida, in qua decocta sit camomilla, anethū, pulegium, maiorana, & betonica. Ventriculo ceratum apponat compactū ex mastiche, aloë, myrrha & ladano partibus æqualibus, quod perpetuò adharebit ventriculo, præter horas quibus morat in balneo, & præter diem in quo sumet pilulas, addito etiam proximo sequenti. Utatur quàm poterit frequentissimè zuccharo rosato optimo vnius anni, quod sumat hora vna ante cibum manè, seu ante prandium, pondere vnius vnciæ, aut saltem dimidiæ. Quod si etiam, his nō ita perfectè conferentibus, cauteria fierent in tibia vtraq; in loco consueto, crediderim fore illi remedium præstantissimum. His omnibus ritè peractis speramus nobilissimā matronam aliquid in

melius prouectum iri, & à deterioribus dispositio-
nibus præseruaturn iri, ad laudem Dei opt. max. Cu-
ius nomen sit benedictum in secula.

Consult. XVIII. Pro puella epileptica.



IN casu proposito vtar omni breuitate,
qua potero, non tamen ea, vt videar ali-
quid quod necessarium sit, prætermitte-
re. Ne igitur tempore abuti videar, deue-
niam ad casum istius nobilissimæ puellæ. Suppo-
natur istam pati epilepsiã, quod apparet tum ex sym-
ptomatibus, tum ex relatione nobis facta à medico
ita affirmante: & non morabor nunc in recensendis
omnib. causis ipsius epilepsiæ, quoniã necessariũ esse
minimè puto. Ideo ero brevis in recensendo quas-
dam causas, quas ponere oportet, quoniam ista labo-
rat tali morbo ex diuersis causis. Quantum ergo ad
efficientes causas, quædam sunt intrinsecæ, quædam
extrinsecæ. Intrinsecarum prima est inundatio, siue
agitatio spirituum in ventriculis cerebri, ita vt spiri-
tus impediantur à libero transitu. Secunda causa est
ebullitio humorum, siue spirituum contentorum in
ventriculis cerebri, quomodo scilicet propter cali-
ditatem incipiunt ebullire ipsi humores, & spiritus.
Tertia causa sunt humores contenti in cerebro, qui
sua crassitie, visciditate & multitudine obstruunt ven-
triculos cerebri. Quarta causa sunt vapores, vel ma-
la qualitas, ascendentes ad ipsum cerebrũ ab istis par-
tibus inferioribus, sicuti à ventriculo, hepate, vte-
ro, & consimilibus: qui quidem vapores & mala qua-
litas cùm petunt cerebrum, excitant motus istos epi-
lepticos. Et sic istæ sunt quatuor causæ intrinsecæ.
Extrinsecæ verò potissimæ sunt, aër, cibus & potus,
& accidentia animi: temperatura etiã potest hoc idem
efficere.

efficere. & has volui enumerare causas, quas duxi esse necessarias in cognoscenda hac ægritudine, qua ista puella laborat. Materiales verò causæ istius ægritudinis sunt vel humores, vel vapores. humores qui dem aut sanguinei, aut melancholici, aut pituitosi: qui quidem humores vel sunt in cerebro, vel in partibus inferioribus. Si in cerebro, dicuntur causare epilepsiam in capite per essentiã. Si in inferioribus, per consensum, quando scilicet eleuantur vapores, aut mala aliqua qualitas, sicuti à vermibus, aut à morfu scorpionum, aut à consimilibus, quæ qualitas tendit ad ventriculos cerebri, & motus hos excitat epilepticos. De loco autem nihil dicam, cum satis per se constet. At cum sint tot causæ, iudicás ne ab aliqua istarum, an ab omnibus talem affectum generari in hac puella? Credo ego quantum ad efficientes attinet, primò quòd adsit illa inundatio spirituum, vt indicatur à strepitu illo percepto, ac si aliqui dimicarent. Secundam etiam adesse causam credo: nam dixit se percipere veluti fulgura quædam præ oculis: & sunt vapores quidam ignei, qui faciunt ebullitionem spirituum in ventriculis cerebri, & faciunt apparere ista fulgura. Quòd autẽ tertia causa adsit, scilicet obstructio ex humoribus crassis & viscidis ac multis, patet: nã hoc indicat grauitas capitis. Quòd etiam adsit mala qualitas, arguitur, quoniam retenta sunt menstrua, à quibus eleuantur vapores venenosi ad ipsum cerebrũ. Quòd autem à menstruis eleuentur isti tales vapores, testatur Gal. in v. i. de locis affectis vltimo. Et sic videtur quòd omnes causæ efficientes còcurrant in ista nobili muliere, &c. Accedit postea temperatura humida vniformis huic dispositioni: nam audimus corpus eius esse carnosum, pingue: corpus autem in quo est pinguedo cum car-

nositate, significat quòd in eo dominat̃ caliditas, & humiditas. Si autē fuerit plus de pinguedine quàm de carne, ostendet humiditatem præpollere caliditati: & cōtrā si plus de carne, quòd caliditas sit maior. Ideo temperatura hepatis in ista calida est & humida, & nulla est tēperatura magis apta ad replendum caput, quàm ista. Et sic inter causas efficientes connumeranda est temperatura. Quòd autem ratione cerebri disponatur ad epilepsiam, patet: nam audio quòd semper habuit debile caput, & semper fuit affecta aliquo dolore ipsius capitis. Causæ autem extrinsecæ, fuit mala ratio victus. Accedit etiam, quòd incæpit alere illos vermiculos, à quibus tum putrefactis, tum viuis, eleuantur mali vapores, qui quantum possint disponere ad hos motus epilepticos, vnicuiq; per se patet. Habuit insuper retentionē mēstruorum. Accedit ad hæc omnia regio ipsa, quæ primò est exposita Austro: Auster enim spirat per hos lacus Venetos, & accedit ad hos valde humidus. Ex parte autem Septentrionis sunt mōtes, & spirat Boreas, & credendū etiam ibi esse valles, in quibus colligitur iste ventus, & vnitur, & causat maxima frigora. & sic Auster humectando, & Boreas refrigerando, potuerunt hanc malam qualitatem & affectum inducere. Et sic omnes ferè causæ concurrunt, & nulla fuit à nobis superflue enarrata, neque enumerata. De causis autem materialibus, credo quòd humores sint in cerebro: nam habet grauitatem cum summa frigiditate in parte posteriori: ideo concedendum est quòd ibi sit plurima pituita. Quantum verò ad consensum, credo quòd adsit consensu vteri, ventriculi, & totius. Et ista materia in capite est difformis: nam in parte anteriori sunt vapores illi ignei, in posteriori autem pituita frigida. Talis igitur est ægri-

ſt ægri- tudo iſtius puellæ, quæ agit x x i i. annum.
Et hoc notandum, quantum ad prognosticum atti-
net: nam vbi puella creuit vſq; ad x i i i. annum, &
non ſunt remotæ eæ malæ affectiones, nō eſt ſperan-
dum quòd ita facilè debeant remoueri. Nam ratio-
ne ætatis verendum eſt, ne ægri- tudo iſta ſit incurabi-
lis, præſertim alijs cōcurrentibus. Sed quicquid ſit,
cura nō eſt impoſſibilis, & ſi nō poterit penitus tol-
li, ſaltem efficietur leuior. Et hæc quantum ad pro-
gnosticum. De curatione autem, ex quo tot habet
cauſas, oportet ſingulis occurrere: nam intentiones
tum curatiuæ, tum præſeruatiuæ ſumentur ab illis:
oportetq; omnes cauſas amouere extrinſecas. At ſi
poſſet mutare aërem, mihi ſummopere placeret: &
ſi non poteſt, caueat à ventis auſtralibus, & alijs ven-
tis, & remaneat in cubiculo bene diſpoſito, & alte-
ret aërem ipſius cum aliquo alterante: vt, ſi eſſet ace-
cum cum aqua roſata, & fieret ſuffumigium cum ga-
ryophyllis. Et mihi ſummopere placeret, vt in cibo
haberetur maxima cura, vt ſcilicet vtatur attenuan-
ti diætā: nam ſi ventriculus abundat pituita, & in to-
to redundant plurimi humores craſſi, nihil melius
quàm quòd attenuetur, ex quo etiam prouocarētur
menſtrua. Et panis ſit fermentatus, in quo ponerem
aniſum, & cinnamomum: cinnamomum enim eſt re-
nuis imæ ſubſtantix, ſi quid aliud. Quantum verò
ad carnes attinet, omnes quæ habent vim attenuan-
di. Galenus autem in hoc affectu exhibebat Apium,
quod tamen Auic. maximè deteſtatur, & dicit quòd
nihil deterius: imò quòd à proprietate nocet ipſis
epilepticis: & tamen Galenus vtitur eo pro medici-
na cōuenienti. Sed credo ego quòd Apium apud an-
tiquos, quod nos Petroſelinum vocamus, nō eſt ita
vapoſum, ſicuti apium. Et ſi conſideretis, in apio

sunt plurimæ humiditates indigestæ, crassæ: nam in
 tota ferè hyeme est pertinacissimæ viriditatis, & ef-
 vaporosum, ac replens caput: & de isto intelligit A-
 uic. à quo est summopere abstinendū. Sed Galenus
 intelligit de petroselino, quod conuenit in ipsa epi-
 lepsia: & hoc modo isti duo magni viri poterūt con-
 ciliari. Et sic attenuanti diēta est vtendū. Vinum au-
 tem, quoniam est inter attenuantia, videretur con-
 ueniens, licet in principio morbi prohibeatur: hoc
 enim fit iure: nam triplici causa prohibetur vinum
 morbo existente crudo, dolore capitis, & inflamma-
 tione intrinseca. Nam si exhiberemus vinum mate-
 ria existente cruda, præcipitaretur ipsa materia: &
 in epilepsia incōcocta materia est, & mala. Vinum, vt
 inquit Auic. dilatat animā, & adiuuat cōcoctionem
 moderatè tamen sumptum: vinum autem forte & va-
 lidum percutit neruos, & caput: sed laudare vinum
 pauciferū. De carne autem & alijs nihil aliud dicam
 Factis his, cū morbus habeat duas materias, pro ma-
 teria quæ est in inferioribus vellem diuersiones, &
 vellem habere ea quæ continuò diuerterent mate-
 riam à capite, & lubricarent aluum, vt pilulæ ex myr-
 rha, aloë, & rhabarbaro: ex ijs enim haberemus eua-
 cuationem materiæ, & apertionem menstruorum: &
 si ijs adderetur aristolochia longa, esset optimum: &
 sumantur per horā ante cibum: & prouocentur men-
 strua cum pessarijs, cum lotionibus non multum eua-
 porantibus, vt si decoqueretur pulegium, calamen-
 thum, baccæ lauri, & lauarētur pedes cum tali deco-
 ctione: & ante cibum vel manè vel sero cucurbitulæ
 applicentur popliti. Et si ista non euacuarent men-
 strua, non mihi displiceret euacuatio hæmorrhoida-
 rum: ista enim iuuarent ratione diuersionis per re-
 ctum: nam vereor ne tanta multiplicetur materia, vt
 tandem

ndem fiat apoplexia, & mors. Præterea euacuare-
 ur cum tali aliquo, qualis est hiera Logodionis, vel
 lermetis, vel pilulæ cochix, vel confectio Hamech,
 similibus, in quibus est vis agarici, & colocynthi-
 is, rarò tamen: nam si hæc fortiora sæpius sumeren-
 ir, debilitarentur spiritus animales, & ventriculus,
 & quo fieret apoplexia. Ideo nollem crebrò vti ijs
 medicamentis vehementioribus, ne debilitetur ip-
 us virtutes, & membra. His nõ iuuantibus, & acce-
 ente vere ad ipsum caput accederẽ cum valde exic-
 antibus, & cum cauterijs, synapismis, rubificationi
 us, vesicatorijs, quæ & capiti & spatulis essent ap-
 licanda, sicut de ijs tunc melius cõsulendum esset.
 si etiam exhiberetur decoctum ligni, non esset ma-
 um: nam ex ipso haberemus attenuationem ipsius
 materiæ faciẽtis epilepsiam, & multa alia bona huic
 morbo occurrẽtia. Et vellem quòd ter in mense tan-
 um Mithridati acciperet, quantum esset vna drach-
 na, cum aqua pæoniæ, & vteretur ipsa pæonia in om-
 ni suo ferculo. Laudarẽ etiam scarificationes saphe-
 æ, quando cætera non prouocarẽt menstrua. Et ita
 perarem hanc nobilissimam puellam posse, & si non
 venitus curari, saltem præseruari.

*Consult. XIX. De intemperie humida cerebri, & de
 præseruatione dentium à nigredine & putredine,
 pro puero nobili Germano.*

TRia à nobis requiruntur. Primò, cùm ce-
 rebrum & caput suapte natura valde hu-
 midũ sit, ad temperiem magis æqualem
 quomodo reduci possit. Secundò, quo-
 modo dẽtes ad putredinẽ nigredinemq; procliues,
 præseruari & custodiri possint. Tertiò, utrũ dentes
 qui iam ad nigredinẽ & putredinẽ deducti sunt, pos-

G

fint vel arte vel natura restaurari. Ad primum quælitum respondemus, cerebrū posse ad maiorem æqualitatem traduci, ablata superflua humiditate, non solum arte, sed etiam natura. Constat enim pueros omnes humidioris esse cerebri, & postea in ætatis incremento exiccari magis, & ad æqualitatem quandā peruenire. Habebit igitur & istud nobilissimus puer, quod beneficio ætatis in melius verget: sed non propterea ars ociosa esse debet in adiuuanda natura, præsertim cum illa cerebri humiditas eò deueniat, ut multorum incōmodorū causa fuerit. Hactenus autem non defuimus cōsulendo, credo quæ curatores suos, quæ probauimus ante, videlicet ea quæ moderate exiccant, adhibuisse: ut tamen magis ac magis optatum finem consequi possit, nunc quoque pauca dicemus. In ratione victus præcipuā perseverantemque curam adhibere debemus, sine qua rectè nihil fieri potest. Post reliqua aer est præcipue obseruandus. Ideo animaduertendū, si quandoque in Germaniā accesserit, nam certè accessurus est, ut caueat ab intensa frigiditate & humiditate aeris, eligatque loca quæ minime de his qualitatibus participant: & si cogatur in tali aere manere, caput suum aliquo cooperimento muniat, & utatur odorem calidis & siccis, sicut est suffumigiū ex storace, belzuino, decocto garyophyllorum, corticū citri in aceto & aqua rosata, ac pluribus huiusmodi. Circa potū caueat à potationibus, & vino potenti: hæc enim maximè replent caput, & calorem innatum extinguunt. Fugiat ventriculi cruditates, utaturque vino simplici & moderato. Et quisnam cibus esse debeat, iam frequētissimè sibi præcepimus: neque enim à laudabilibus carnibus est abscedendū, qualis est vitulina, hædina, pullorū, & auium campestriū, caponum senum: oua forbilia, & fercu-

la ex

ex hordeo, oryza, panico, concedunt. Cauendum
ab oleribus, piscibus, à lacticinjs & leguminibus
rebus frictis & fructibus quantum fieri potest: hæc
nim omnia cruditatē habent, caput replent, humo-
rūq; excrementitium efficiunt. Hęc in ratione vi-
us seruari debent, vt caput ad æqualem tempera-
ram reduci possit. Quantū verò ad medicamen-
attinet, optimum erit si bis singulis annis purgabi-
r, vere inquam & autumno. Purgatioq; sit talis:

℞. Aloës optimæ ʒ iiij. Detur per vnā horam
ante cœnā. Postridie incipiat sumere infrascriptum
syrupum per dies septem:

℞. Syrupi de betonica

De sthœcade

ana ʒ j.

Deco- { Saluix
ctionis { Maioranæ } factæ in aqua melissæ
 { Betonice } destillatæ ʒ iiij.

℞. Melissæ pro vno syrupo, & sic pro alijs. Vltimò pilula-
rum cochiarum ʒ j. vel indarum, vel confectionis
amech cum zuccharo in bolo, in haustu in decocto
betonicæ, prout illi placuerit: detur in aurora cum
custodia. Hęc satis sint pro euacuationibus. Spatio
verò quod est inter ambas purgationes, vtetur se-
mel tantum in septimana hora vna ante cœnā ʒ j.
aloës optimæ in pilulæ formam redactæ: ac præte-
rea sæpissimè accipiat manè myrobalanum chebu-
um conditum in Oriente: erit enim efficacissimū re-
medium ad exiccandum cerebrum, corroborandū
que. Præterea vtetur lotionibus capitis singulis se-
ptimanis semel tantum, quæ sint ex lixiuio dulci fa-
cto ex sarmentis vitiū, vel ligno salicis quantū suffi-
cit, maioranæ, saluix, betonicæ, rosarum rubearum,
ana manip. j. Agarici ʒ j. Decoquant omnia in præ-
dicto lixiuio, & cum hoc caput abluat, deinde mo-

G 2

deratè siccando extergatur cum pānis moderatè calidis. abluatur vespertinis horis ante cœnam, ita vt non amplius in aërem exeat vsq; ad sequētem diem. Item gestet continuè in manibus poma odorata arte confecta, & poterunt esse huiusmodi:

℞. Seminum nigellæ	3 iiij.
Garyophyllorum	
Nucis muscatæ	ana 3 iij.
Storacis calamitæ optimæ	3 iiij.
Laudani electi mollis	3 ij.
Musci	
Ambrae	3 j.

Cum mastiche & colophonia dissolutis secundū artem, admiscendo aquam rosaceam, & oleum aromaticum garyophyllorū, vel cinnamomi, fiat pomum, & vtatur vt suprā. Hoc quantum ad cerebri temperiem inducendam, quod primum fuerat à nobis propositum. De secundo, de præseruatione dentium à putredine & nigredine, erit sciendum primò, quæcunq; diximus ad cerebri temperaturam corrigendam, maximè etiam facere ad dentium præseruationem, si modò credimus, sicut credendum esse arbitror, dentes & nigrescere & putrescere ab excrementitia cerebri humiditate: erunt tamè nonnulla localiter adhibenda, vt dentes præseruentur. Quamuis multa iam præcepimus facienda, nihilominus addentur quoque alia quædam, ita tamen vt ea quæ hætenus instituimus non propterea contemnantur. vnumq; erit quod præstantissimū iudico tum ad abstergendos mundificandosq; dentes, tum etiam à putredine conseruandos, quod eiusmodi est:

℞. Ossium dactylorum	3 ij.
Coralliorum rubeorum	3 j.
Farinæ lupinorum	3 iiij.

Scillæ

Scillæ assatæ 3 vj.
Radicum iridis 3 iij.

Contundantur contundenda, & omnia misceantur cum optimo melle, deinde fiant trochisci parui, & exciccentur in vmbra: postea vsus tempore dissoluantur vel in aceto scillitico, vel in vino albo, vel in decocto ramorum lentisci cum vino, & cum eo liquore abluat singulis diebus manè dentes, & foueantur, tenendo in ore istum liquorem, in ea maximè parte, in qua putrescunt dentes: sed prius diligenter fricentur panno albo, subtili, mundo. Et si videbuntur gingivæ quandoq; nimis rubæ, liuidæ, vel tumètes, scificentur manè, ita vt inde sanguis exeat, qui exprimitur diligèter & expuatur: postea in ore teneat vitum nigrum calefactum, in quo salvia, rosæ, & balauia decocta fuerint. Aliud dentifricium optimum:

℞. Corticum ostreorum combustorum & pulverizatorum 3 iij.

Vernicis seu Sandarachæ 3 iij.

Radicum iridis 3 ij.

Radicis Aristolochiæ

Gentianæ

Centaurij maioris ana 3 ij.

Terantur omnia per se, deinde misceantur, & exciccientur cum oxymelle scillitico, fiant trochisci parui, & postea tempore vsus fricentur dentes cum illis, & lauètur dentes cum aceto scillitico, vel dissoluantur isti trochisci cum vino, & fiat sicut suprà dictum est. Aliud præstans remedium, quod dentes mirum in modum abstergit, & à putredine præseruat, ita vt prius frictis dentibus sola gutta liniat dentes cum oleo vitrioli, & postea perfricentur cum panno asperiori: statim enim decidunt sordes per plurimum temporis collectæ in eis. Si haberi etiam pos-

G 3

set cedria, optimum esset ad eundem vsum. quòd si haberi non poterit, loco eius vtatur oleo per artem destillato ex vernice seu sandaracha, hocq; idẽ præstare poterit quod cedria. Quantũ ad tertium, non videmus dentes euulsos aliquo pacto vel artificio refici posse, sicut & aliàs affirmauimus.

Consult. XX. De catarrho, & spūto sanguinis periodico, pro nobili Veneto.



Vius nobilissimi viri supponatur hepar & cor calidæ admodum temperaturæ: natiuitate fuisse, & ventriculū à natiuitate frigidum, sicut hoc perpetuò accidit ijs, qui habent hepar calidum. & rationabile est quia tales non habent multam carnem in suis ventriculis, quod est vnum quod in ventriculo facit caliditatem, cū plurima caro est in fundo ipsius: tum etiam, quia caliditas hepatis adurit pinguedinẽ quæ in omẽto est, quæ etiã ipsa caliditatẽ facit: tum quia muscoli longitudinales abdominis graciles sunt. Et ideo quia tales non habent musculos amplos circa fundum stomachi, nec pinguedinem circa ipsum myrach, & circa cutem ipsarũ, ex his malè concoquunt præterea habent nocumentum, quia nõ retinent in ventriculo cibum, quandiu oporteret retinere pro optima concoctione, quia hepar propter suam intensam caliditatem attrahit ad se citius quàm oporteret. Habet igitur nobilissimus iste vir frigidum ventriculū à natura cum hepate calido, addita omnia mala victus ratione, & maximè in coitu: quia vt audiui, in x i i. suæ ætatis anno cœpit vti coitu immoderato admodũ. Et nos scimus quòd in illa ætate, cū sit incrementum, vix sufficit alimentum pro incremento corporis, ideo non opus est vt aliò demandent;

ent:& huiusmodi habent texturas raras, vt nō possint sustinere sanguinis missionē. Et scimus ex Galeno, quòd maior sit euacuatio ex vnica feminis emissionē, quàm si quadragesies mitteretur sanguis. Et ideo credo ego quòd causā ista fuerit efficacissima ad augendā ventriculi frigiditatē. Sunt & alia signa: solitus est aliquando redundare pituita acida, quam uomit aliquando. Habet præterea cerebrū inæquale admodum. Et quia video aliquos medicos hæsitare circa capitis tēperaturā, ex hoc arguo cerebrum neq; temperaturæ admodū calidæ, neq; admodum frigidæ esse: quia sic faciebat Galenus I I I. Methodi loquens de aceto: quia acetum non excedit neq; in caliditate, neq; in frigiditate, ideo, inquit, dubitaunt multi an esset calidæ, an frigidæ temperaturæ. Ita ergo de cerebro istius nobilissimi viri, dico non excedere multum per caliditatē, neq; frigiditatem. & primò quantum ad agnata: pili enim sunt albidī, & sic capilli. an verò sint molles & tenues, quia non tetigi, non possum super hoc dicere: habent enim colorem attestantem super debilitatem caloris, & super debilem frigiditatem, tamen videtur mihi quòd magis ad frigiditatem declinet. Vtrum verò cum remissa caliditate vel frigiditate iuncta sit humiditas, vel siccitas? Si deponere debeo quid sentiam, dico quòd magis siccitas dominatur:& ratio est, quia video promptitudinē operationum in agendo:& cū non sit immēsa caliditas, sed remissa, si ei iuncta fuisset humiditas, nō fuisset ita acris ingenij: sed vbi non est caliditas admodū intensa, tamen iuncta sit siccitas, illi pròptissimi sunt ad operationes, & acris admodū ingenij, & magis etiā, quàm qui calidi sunt admodū cerebri. Ideo qui moderatā habent frigiditatem cū siccitate, illi sunt acerrimi ingenij: imò vide-

mus melancholicos optimi ingenij esse, quia habent cerebri temperaturam frigidam & siccam, nō tamen cum multa frigiditate. Arguitur præterea ex ægritudinibus calorem cerebri esse diminutū : & quia non poterat conficere alimētum sibi demandatum, ideo pustulis redundabat, quæ pustulæ à pituita falsa proueniunt . Habuit præterea à principio suæ natiuitatis redundantiam catarrhi per nares, quæ omnia arguunt super debilem cerebri caliditatem . Item ex mala victus ratione , & præcipuè ex coitu redditum est frigidius, quia nos scimus quātum infrigidet ipse coitus . Ideo quantum ad cerebrum, crederem ego quòd sit frigida & sicca temperaturæ : & sic etiam ventriculus, quia siccitas est sibi naturalis cum caliditate remissa, quæ postea ad frigiditatem declinauit, tum propter inordinatum regimē, tum propter coitum, cuius signum est redundantia pituitæ : cum etiam hepar sit calidæ & sicca temperaturæ. Ex qua membrorum inæqualitate si studuisset dedita opera in istas ægritudines incidere, nihil aliud fecisset, & maximè si in fluorem sanguinis deuenire voluisset. Primò enim habuit fluorem sanguinis per nares, secundò per sputum, tertio per vrinam . Et iam sunt septem anni ex quo patitur symptomata hæc . Præterea incidit in aliam dispositionem peiorem, scilicet in catarrhi destillationem à capite, à qua procedunt symptomata multa : & præter fluorem sanguinis habet tensionem etiam circa hypochondriū dextrum, & etiam quandoq; cum dolore ad tactum: habet difficultatem anhelitus, quæ incipit in confinio thoracis, & membrorū naturalium . Et quæsiui ego diligentissimè, an percipiat sonitū aliquem in anhelitu, & negat se sentire . Habet præterea febriculam diuersam quidem, quia prima vice qua tetigi ipsum, inueni

inueni calorem adurentem tactum cum pulsus inæ-
 qualitate. Heri verò cùm tetigi, sensi caliditatē qui-
 em, sed admodum remissam, & in pulsu nō tantam
 inæqualitatem: & hodie reperi caliditatē adhuc mi-
 norē: & vrinę ruberę perseuerauere. Et ista sunt acci-
 dentia, quibus affligitur nobilissimus uir iste. Et li-
 et nunc nō patiatur sanguinis fluorem, tamen non
 minus est considerandus, quàm sit catarrhus qui ad-
 est, quoniam natura sanguinis nobis ansam & ad iu-
 licandum, & ad curandum maximā dabit. Incipiam
 ergo primò à catarrho, deinde ad fluxum sanguinis
 deueniam. Quantum sit ad catarrhū, oportet primò
 videre in quo loco generetur catarrhus iste: dein-
 de, cuiusnam sit naturæ, & reliqua quæ in catarrho
 considerari debēt ac solent. Catarrhus enim est spe-
 cies fluxionis: generat̃ ubi excrementa multiplicant̃,
 vel in toto vel in parte, & in partē corporis imbecil-
 liorem demandant̃. Quod cōtigit in isto viro, ex mē-
 brorū inæqualitate, & mala victus ratione, cacochy-
 miæ multæ, & deprauationes, multorum humorum
 diuersitate, & etiā ex animi accidentibus quampluri-
 mis, quæ passus est nobilissimus vir iste, secutæ sunt.
 His ita aggregatis cùm cerebrum à natiuitate fuerit
 debile, & nunc maximè sit debilius propter causas
 iam dictas, nō mirum est si iste fluxionē patitur tum
 propter vapores à toto, à ventriculo, & ab hepate a-
 scendentes. Et caput est magis aptum ad fuscipien-
 das superfluitates, vt dicit Galenus I I I. de locis af-
 fectis, quàm corpus, in quo est caliditas in ambitu
 venarū, & in hepate: & cùm cerebrū naturaliter debi-
 le sit, non potest diffilare vapores illos nec cōcoque-
 re, & hoc non solum per cōsensum, sed etiam per es-
 sentiam, & ratione propriæ imbecillitatis: ideo verè
 rheumatizans est. Habet præterea texturam admo-

dum raram : ideo à quolibet extrinsecò tum calido tum frigido patitur mirum in modum, cùm etiã non habeat calorem innatũ validum . Quantum verò ad naturam catarrhi, tenuis est & frigidus, & insipidus, quandoque tamẽ salsus. Quòd autem sit tenuis, cognoscitur ex hoc, quia fluit, & in principio tenuior adhuc erat: ideo Venetijs medici plurimũ laborant, vt crassè facerẽt, sicut refert Magnificencia sua. Quòd autem sit frigidus, patet à substantia, quia pituita de se frigida est, nisi aliquid extrinsecus adueniat. Præterea est pituita insipida, quæ arguit maiorem frigiditatem. Præterea longam morã traxit, diu etiã perseueravit: sed cùm catarrhi diu perseuerant, licet sint cerebri calidi, tandem fiunt frigidi. Tum etiam propter priuationem signorum catarrhi calidi, arguitur catarrhum istum frigidum esse: quia si esset coryza, quod nomẽ tractum est ἀπὸ τοῦ κορυζῆν, quod est lacerare & mordicare, quod etiã annotauit Auicenna, nares mordicaret: sed non habet mordacitatem aliquam in descensu, neque in naribus, neque in palato, neque in faucibus, & est sine sapore aliquo. Non habet præterea sitim: ideo iudicandum est esse frigidum. Quòd si aliquando aliquam falsedinem habuerit, hoc fortè fuit, quia falsedo, vt voluit Galenus & Arist. fuit propter putredinẽ humoris crassi adusti: vel, vt voluit Auic. propter permixtionem vaporum calidorũ & acrium, fit falsedo . In isto ab vtraq; causa tum à pituita putrescente, vt videbimus, tum ex permixtione vaporum calidorum, quia totum & maximè hepar calida sunt, à quibus euaporant vapores calidi & acres in non parua copia, ideo in natura sua frigidus est, & tenuis, & insipidus, quandoq; tamẽ salsus, propter causas iam dictas, & loquor de defluente. Quantũ ad descensum videbimus, quòd habet

et tres vias, per quas descendit: primò per gulam ad
 œsophagũ: & nos vidimus, cùm accessimus, ipsum
 deuinentem catarrhum, & pituitã illam à capite de-
 duxam. Item destillatio illa quæ vadit ad ventricu-
 lum, facit obstructionem, & difficultatẽ anhelitus, li-
 cet sit in fine naturalium membrorũ, quia tangit ip-
 sum diaphragma, ideo potest facere anhelitus diffi-
 cultatem. Alia via est per quam descendit catarrhus
 iste, & est per venas capitis, & deuenit ad venas tho-
 racis, & fortasse est occasio non leuis quòd expuat
 sanguinem. Tertia via est aspera arteria, & descendit
 ad pulmonem, & excitat tussim, quæ est motus à na-
 tura factus ad expellendũ excremẽta in pectore con-
 tenta. Videndum modò est, an istud quod expuitur
 sit in concavitate pectoris, quia locus ille non est de-
 bilitatus, nec dolor præcessit, nec abscessus aliquis,
 sicut solet contingere in epyematib. post ægritudi-
 nes pectoris, & post pleuritidẽ, & post peripneumo-
 niã. Ideo credo ego quòd sit in substãtia pulmonis.
 Vtrũ modò sit purulẽtus? dico quòd nõ est immunis
 nec liber omnino ab aliquali putredine, quæ fieri so-
 let in humore qui potest putrescere, & nõ descendit
 ad fundum vrinæ, quia non totaliter putridus est, &
 quia permixtus est cum pituita spumosa. Quòd si o-
 doretis, sentietis aliqualem putredinẽ, nõ qualis est
 illa quæ prouenit ab vlcere: & fit ista putredo à cali-
 ditate hepatis & membrorũ inferiorũ, quæ resoluit
 ipsius tenuiores partes. Posset etiam per admixtio-
 nem bilis deferri per venas, quod nõ credo, quia bi-
 lis signa perciperentur. Vtrũ verò ab vlcere facto in
 pulmone proueniat sanguis iste? dico quòd nõ, quia
 nullũ est signũ hoc indicãs: nam si esset vlcus in pul-
 mone, adesset febris fixa perpetua: & licet sit exẽplũ
 Gentilis, nescio quomodo potuerit ipse imaginari,

quo pacto etiam si inducatur callus in vena, non per
feueret febris hectica. Præterea nō audiui, quòd Ma
gnificentia sua incalescat post cibum, quod indicat
mihi non esse febrē fixam. Præterea si tangatis arte
rias, non inuenietis in ipsis maiorē caliditatē quàm
in reliquis partibus, quod quidem obseruaui, neque
etiam duritiem aliquam. Præterea habet inæqualita
tem in pulsu, quod non cōuenit in pulsibus hectico
rum, imò sunt illi æquales. Præterea si esset hectica fe
bris, colliquarentur solida membra: sed non colli
quantur, imò nutriūtur. Et sic dico quòd non vide
tur mihi, quòd adsit febris hectica. Neq; etiā est su
spicio de phthisi: quia si esset phthisis, vt dicit Gale.
primo de locis affectis, volens indicare an vlcus sit
intrinsecū velextrinsecū, dicit, esset pus. Non igitur
est phthisis, quia non adest sanguis cum pure, neque
pus vllum, neque viride, neque pus quod non possit
cōmisceri cum spūto. Præterea vbi est vera tabes, nō
poteritis ingredi thalamū, quin percipiat odorē
malum. Præterea virtutes omnes constant: sed si ta
besceret pulmo, non constaret virtus cordis, nec ef
fet talis color, si esset cōsumptio in substantia mem
brorum. Sed quæ est causa huius febris? dico quòd
ista est febris potius putrida, proueniēs ab humori
bus pituitosis emanantibus per venas pectoris, qui
diffunduntur per sanguinē, & faciunt febrē occul
tam, quam Græci typhodē appellauere, & laticā A
rabes, quæ simillima est hectica. Et aduertatis quòd
textus antiquus Auicēnæ habet, cum rigore: sed no
uus stat bene, qui dicit, sine rigore. Talis ergo febris
est, nec ita facilē est iudicare, licet sit calor præter na
turam, & pulsus inæqualis: quia, vt bene dicit Gale
nus quarto de causis pulsuū, & in de locis affectis, lo
quens de Antipatre medico, vbi materiæ sunt in pe
ctore

tore contentæ, fiunt pulsus inæquales. Cùm igitur
 in isto humores in pulmone qui putrescunt, fa-
 ciunt calorem quendam præter naturâ, qui medius
 est inter calorem febrilem & non febrilem, & faciunt
 etiam maximam inæqualitatem: fit etiam propter va-
 iores illos putridos eleuatos ad ipsum cor: & quia
 cor non potest ita bene euentari, ideo fit febris erra-
 tica. De fluore ipsius sanguinis duo dicam: & primò
 de causis floris sanguinis per sputum, deinde de eo
 qui per nares, & qui per vrinas, & quare cœnosus
 aliquando fuerit. De sanguine igitur qui per spu-
 tum eijcitur, certum est quòd vel à superioribus, vel
 ab inferioribus membris excernitur, qui per tussim
 à pulmonis partibus eijcitur, & non per vomitum:
 quia tussis, vt iam dixi, est motus factus à pulmone
 ad excernenda excrementa ipsius pulmonis. An ve-
 rò ad pulmones à capite demandetur, plurima sunt
 indicia quę possunt hoc persuadere. Primò, quia an-
 te fluxum apparet calor & grauitas circa ipsum ca-
 put, & cùm emanat sanguis à pectore, illic cessat &
 calor & grauitas illa. Præterea est & alia coniectu-
 ra, quia eo tēpore quo defluit sanguis per tussim,
 eodem tempore defluit etiā per nares. præterea san-
 guis qui expuitur, niger est quandoq; . potest etiam
 addi priuatio signi, quod est, quando à pulmone de-
 uenit, spumofus est, vt dicit Galenus v. Aph. x i i i i.
 & v. de locis affectis: iste verò sine spuma est. Sed
 quia alij medici, qui ipsum curarunt, non affirmarūt
 quòd à capite flueret, imò inquit, quòd ei dixerūt à
 partibus superioribus pectoris emanare: ego si quod
 sentio in medium afferre debeo, dicerem à pulmone
 emanare, & non à capite. Et ad hoc me mouet auto-
 ritas Galeni in v. de tuenda sanit. qui dicit cōtra an-
 tiquos, Etiā sanguis à capite defluit, dum fauces oc-

cupat, & si mordacitatem nullam habeat, tussim excitat, & maximè antequàm venit ad pulmonem: nam si perueniret, ibi congelaretur & concreceret, & faceret sæuissima accidentia, & rigores maximos, & contractiones caloris, quorum neutrum huic accidit. Præterea sanguis dum defluit, percipitur maximè in vigilia: sed iste nobilissimus vir nunquam percipit talem descensum, ideo non possum persuaderi quòd à capite defluat. Neq; rationes, quæ istis difficultatem pariunt, vim aliquam faciunt: nam dicunt, cum accidit isti sanguinis sputum, percipit caliditatem circa caput & grauedinem, quæ cum expuerit cessat, quia credo hoc esse ex vaporibus eleuatis à partibus inferioribus qui petunt caput: quia dum sanguis aggregatur, inflammatur pulmo, & fit id quod fieri solet in peripneumonia, si peripneumonia est inflammatio pulmonis. Cum igitur sanguis iste tenuis permixtus pituitæ à toto defluat ad partes pulmonis, inflammat ipsum, à qua inflammatione eleuatur plurimi vapores qui petunt caput, & inflammant & aggregant ipsum. Et quia fluit à naribus etià tunc temporis, dico quòd illa potest esse causa, quòd cum sanguis est feruens in toto, vel ab aliqua causa antecedenti, vel à causa aliqua extrinseca, à pluribus partibus potest simul erumpere, quia potest pars illius sanguinis deuenire ad nares, & illinc fluere: & sic potest esse causa quòd caput inflammetur & aggrauetur, cum sanguis à toto transmittatur ad nares. Et quia quandoque talis sanguis, qui expuitur, niger est, ideo credunt isti à capite prouenire. Sed potest etiam à pulmone fluere, & esse talis coloris: quia scimus, quòd nihil citius putrescit quàm sanguis, cum est extra venas. Ideo quandoque apparet rubeus, quia illicò cum exit venas expuitur: quandoq; verò subniger, quia facit moram, &

principio apparet aliququaliter spumofus ex vehemēti tuffi: cū verò facit morā, deficit eſſe ſpumofus. Quia bene valet argumentū, expuit ſanguis ſpumofus, ergo prouenit à pulmone: non tamē valet e contra oppoſitū, non eſt ſpumofus, ergo non prouenit à pulmone: & hoc dicit Galenus v. Aph. x i i i i. qui dicit: Quicunq; ſanguinem ſpumofum expuunt, his à pulmone educio eſt. Galenus in fine illius cōmentarii dicit, quòd cū is ſanguis qui expuitur, ſpumofus eſt, indicat vlcera in pulmone, ita quòd verē dicatur melius pulmonis vlcera indicari, non verò vlcerato pulmone ſpumofum expui, dicit Galenus. Sæpius enim vidimus quibuſdam ex alto cadentibus, vel calcitratis, atque in paleſtra percuffis, ſanguinem plurimum expui cum tuffi bene coloratum, ſine vllo dolore, quem ratio dictat ex aliquo pulmonis vaſe diſrupto prodire. Et ſic dico quòd licet non ſit ſpumofus, poteſt tamen à pulmone exire. neq; credo quòd à ſubſtantia pulmonis exeat, ſed à venis in eo exiſtentibus. Sed contrā inſtabis, ſi à pulmone, ergo phthiſis. Dico quòd non valet, quia triplex poteſt eſſe cauſa exitus ipſius: vel apertio orificiorū venarū, vel diſruptio ipſarū, vel corroſio ipſarū. Dico quòd quādo eſt corroſio in ipſis venis, quòd tunc caueat à phthiſi: cū verò fractio eſt in venis, quia vt plurimū, ſic dicit Gale. v. meth. propter ſolutionē cōtinui fit inflammatio, & ſic fiūt tabidi: ſed ſi ante triduū eis occurratur, plurimi ſanant: quia ſi prohibeat inflammatio, tunc ſanant: ſed ſi ita relinquatur, poſt triduū ſequit inflammatio, & ſic tabidi fiūt. Sed in apertione orificiorū venarū, quod in extrinſecis partib. videmus, quādoq; quòd in naribus aperitur aliqua vena, quæ poſt fluxionē ſanguinis clauditur: ſic etiam dicendum in interioribus, quia illa orificia clauduntur:

& nos curauimus annis præteritis Cameranũ, & al.
 Doctorem de Bataglijs, qui spuebat sanguinem e
 apertione orificiorum venarum. Est tamẽ hoc etia
 periculofum, quia potest contingere quòd sangu
 ille non bene excernatur, & cùm ibi retineatur, pu
 trescit, & putrefacit quod sibi proximum est: qu
 quod tangitur à putrido, putrefit. Et ita credo est
 in isto nobilissimo viro, quòd orificia venarum pul
 monis aperiantur quandoq;, & fuerint causa expun
 tionis sanguinis: & quia bene mundificatũ est & ex
 puitur totus ille sanguis, non causat accidentia alia
 Sed adest tussis maxima, quæ si perseuerabit, cred
 quòd facilè ad rupturam venæ deueniet. His stanti
 bus, quid dicendum de hac ægritudine? quia est de
 stillatio perpetuò perseueras à capite ad pulmonem
 & ad pectus, & fluxus sanguinis periodicus è pecto
 re timendus est, & est tussis vehementissima, pro
 pter quam maius adhuc instat periculũ de sputo san
 guinis. Dico quòd stantibus eisdem causis sequũtur
 ijdem effectus: quia nisi remoueatur illa mala cere
 bri & ventriculi intemperies, in peius quoque dila
 betur. Sed quo modo reducetis cerebrum & ventri
 culum ad proprium temperamentum? quia non fa
 cilè erit, imò difficillimum, maximè cùm sit lapsus
 ad contrarias qualitates, à caliditate scilicet ad frigi
 ditatem. est tamen possibile. Sed id quod mihi facit
 difficultatẽ, est, quia dicit Galenus in primo Aph. o
 portet seipsum præstare obedientem, & non tantũ
 medicũ opportuna facientẽ. Et quia morbus est lon
 gus, certè credo quòd non poterit pati optimam vi
 ctus rationẽ in sex rebus nõ naturalibus, & maximè
 in cibo & potu, in animi accidentibus, & in Venere,
 quia (vt credo) habet pulcherrimam vxorem. Et sic
 possibilis est cura, sed difficillima, si quæ alia sit. Et
 quia

ia adest istud sputum sanguinis: & vos scitis quid
 cat Hippocr. in 1111. Aph. sanguis eiectus à qua-
 nque parte corporis, malum. præterea adest multi-
 do catarrhi, quæ maior est, quàm sit cibus & po-
 s quem assumit. & est malus etiam, quia purulen-
 s. varius, quia subtilis & crassus: & tandiu perseue-
 t. ideo mali moris est, quia fuit curatus ab Excellē-
 sissimis medicis, & tamen non potuit sanari. Ideo di-
 , quòd licet sit viaticum, habet tamē iter longum
 modum: propter quod attendendum est ad virtu-
 s non tantum præsentēs, quia propter longā egri-
 dinē tandem fiēt debiles, & sic nō facile est pro-
 nosticari. Credo tamē quòd possit curari, & quòd
 gritudo longa est, eradicabilis tamen: & quia virtu-
 s in hoc itinere tam longo possent deficere, ideo
 is providendum est maximopere. Quantū mo-
 ò attinet ad curam, vos scitis esse sententiam Gale-
 v. metho. in cap. de cura catarrhi, ubi est sputū san-
 guinis, à leuioribus non est inchoandum, quia sic fa-
 ere, est parare ægro longū interitū: ideo à fortissi-
 is inchoare curare. Et Galenus in eo loco à tribus
 maximis & validissimis inchoat: primò cum validis-
 mis euacuantibus, & sæpissimis: & legatis ipsum,
 uia docet facere quasdam pilulas cum agarico, quæ
 alde similes sunt pilulis cochijs, & sæpissime eua-
 uabat. secūdò in synapismis fortibus: tertio in cor-
 roboratione membrorum, in quo utebatur diasper-
 naton, & theriaca noua, & antiqua. Ideo in primis
 urandū est, ut corpus istud exquisitè euacuetur: &
 circa euacuationem huius corporis proposita sunt
 duo instrumenta: primum fuit emissio sanguinis, se-
 cundum pharmacia. Quantū ad euacuationē, possu-
 nus ipsam facere. Quantū ad indicationes sumptas
 i causis antecedentibus, sunt enim vapores calidi, &

H

multi ascendentes à toto ad ipsum cerebrū, ideo insurgit vna indicatio, quòd remouenda est caliditas hepatis, quod fiet per euentationem sanguinis, vt videmus etiam ex vrinis, quia sunt rubeæ, quæ indicant etiam de quantitate sanguinis, & ideo posset ex hemorrhoidibus, si apparuerint, fieri. Et licet adsit multa pituita, tamen poterit fieri parcissima: quia dicit Galenus quinto methodi, & quarto de tuenda sanitate, quòd vbi est putredo mixta in febribus, etiam si indigeamus phlebotomia, debemus tunc vitæ thesaurum conseruare, qui est sanguis. & idem dicit Auicenna prima 4. Quantum possibile est, caue à missione sanguinis, quia est thesaurus vitæ. Et istud corpus indiget magis euacuari per pharmacum, quàm per missionem sanguinis. Ideo si feceritis copiosam phlebotomiam, facietis multa incōmoda, tum quia suspicio est de ruptura venæ: & scitis Galenū in de missione sanguinis dicere, Non solūm facienda est phlebotomia, quando magnus est morbus, sed etiam quando futurus est magnus. & quinto methodi, cap. de catarrho: Vbi corpus dispositum fuerit ad rupturam venæ, & pectus angustū fuerit, & ipse fuerit longus, etsi nunquam inciderit in rupturam venæ, mittas tamen sanguinē propter præcautionē. & sic cū sit multitudo sanguinis, ratione cuius soleant rūpi venæ, vel cū sanguis solitus sit erumpere ad partes pectoris, tūc indicatio est de missione sanguinis. Et quia in vere maximè solet abūdare, ideo indicatione sumpta ab hoc, non esset malum mittere sanguinē in hoc subiecto, & hoc vt prohibeamus vapores ascendentes ab hepate ad caput, vel ratione auersionis. Ideo paulatim extraherē verbi gratia vnc. ij. deinde nutrirē, & iterū alias vnc. ij. & sic iterū nutrirē, & sic partiremur. Quātum verò ad euacuationē, dico quòd

quòd totū debet esse exquisitè euacuatū, quia tūc ca-
 sit magis potēs erit ad excernendū proprias super-
 nitates, & debemus vti euacuationibus quæ tra-
 hit à capite, Ideo in singula hebdomada euacuarem
 sum, cum rebus tamen leuibus, & non dimitterem
 agaricum: quòd si vomitum excitaret, abstineremus
 ipso, sed prius tētare an excitaret. Ideo exhibe-
 rem florem cassiæ cum agarico, vel terebinthinam,
 vel cum cōfectionibus consuetis, vt essent pilulæ ag-
 regatiuæ, quæ optimæ sunt, quia haberēt quicquid
 habent illæ pilulæ Galeni: nam in illis est rhabarba-
 rum, agaricum, scammonium, & portiūcula colocyn-
 thidis, & cum myrobalanis. purgarem cum cochijs:
 pilulæ etiam de hiera cum agarico sunt leuiiores. Sed
 quia non euacuamus, nisi concoquamus materiam,
 & quia sunt diuersæ materiæ in pectore, aliæ enim
 sunt crassæ, aliæ fluidæ: ideo alia præparatione indi-
 gent quæ fluunt, & alia quæ crassæ sunt. Ideo in illis
 vterer rebus abstergentibus. & incidentibus: in flui-
 dis autem incrassantibus. & hæc de materia iam flu-
 xa. Quæ autem à capite defluunt, videntur præpara-
 tæ: neque enim admodum crassæ, neque admodum
 tenues, neque parietibus adhærentes sunt. Ideo pro
 incisione materierum crassarum, quæ in pectore cō-
 tinentur, vterer rebus valde incidentibus & abster-
 gentibus, vt esset syrupus de liquiritia, syrupus de far-
 fara, de hyssopo, de betonica, & cōsimilibus. De cor-
 roboratione verò membrorū mandantium & reci-
 pientiū, quantum sit de recipientibus cū bene eua-
 cuata essent, vterer zuccharo rosato in maxima quā-
 titate, & bolo Armēno: nam bolus Armenus simplex
 post purgationē prohibet descēsum catarrhi ad pul-
 monē: & vterer etiā theriaca noua & veteri: sed cū
 sunt vigiliæ, noua: quādo non adsunt, veteri. Et vellē

vt vteretur myrobalanis chebulis conditis, quia confortât ventriculum, cerebrũ & hepar. Quæritur modò, an stillicidiũ in hoc casu capiti cõueniat. Et quia dixeret alij, quòd temperatura huius capitis est calida & sicca: quod si ita esset, minimè conueniret, quia dicit Galenus lib. de tuen. sanit. ijs qui sunt calidi & sicci capitis, non conueniunt thermæ, quia magis augment affectum. Sed quis dixerit, quòd bene à natiuitate caput fuit calidum & siccũ, nunc autè permutatum est ad frigidum & siccum. Ideo non abstinerem à balneo calido: imò credo quòd per ipsum reducerem cerebrũ ad propriũ temperamentũ calidum & siccũ: prius tamen quærerẽ caput ex omni parte expurgare, & cum caput purgijs, non ex aqua maioranæ, betæ, & violarũ, quia videntur illa frustra operari: ideo deuenirẽ ad succum cyclamini, id est, panis porcini, & ad alia huiusmodi, quæ maximã vim in expurgando à capite habent. Abstinere à gargarismis, quia suspecti sunt propter descensum materiæ: nam maiorẽ quãtitatẽ ipsiustraherẽt. Quantũ ad masticatoria, vterer mastiche simplici primò, deinde staphisagria cum pipere, vt per os catarrhum expueret, ne ad pectus descenderet. Quantũ ad reliquas diuersiones, quia factum est cauterium in genu sinistro, facerem aliud in dextro, & in alijs etiam partibus, sicut in brachio, & collo, quia ab ista ægritudine imminet maximum periculum. Accederem etiam ad synapismos ex thapsia, ex flãmula Iouis, ex apio canino, seu ranunculo. Cauerem tamẽ à cantharidibus, propter illum mictum sanguinis. Et sic procederem cum reliquis huiusmodi vesicatorijs, quæ facerent crustas. Deinde, super caput, pro confortatione apponerem pulueres ex ladano, de garyophyllis, & agarico, pari portione. Vellem & vt caput lauaret cum aqua, in quibus

in quibus decoctæ essent herbæ calidæ, & odoratæ, quas temporis angustia prætermitto. Haberet præterea pomum quod continuè odoraret, confectum ex rebus odoratis, vt ex nigella, ladano, nuce muscæ, garyophyllis, mace, ambra, musco. Et hac via procederem.

consult. XXI. De dolore capitis periodico, de ventriculi debilitate, & mensibus albis, cum detestatione coitus, pro matrona Veneta.



Ria in hac Magnifica D. membra affecta sunt, cerebrum, ventriculus, & vterus. Cerebrum, quoniâ patitur dolores vehementissimos, tam in anteriori, quàm in posteriori parte, & illos periodicos: quâdiu enim ventriculus suos vapores ad ipsum transmittit, tandiu infestatur, & hoc propter colligantiâ quam ventriculus cum cerebro habet. Patitur ventriculus, primò plus appetit quàm deberet: secundò malè concoquit: tertio non retinet cibum, quod ex ructibus & flatibus declaratur: quartò non expellit, imò quâdoque acida per vomitum eijcit. Vterus verò & ipse suo munere non fungitur, menses etenim albos reddit, offenditur in coitu, ita vt post congressum pessimè semper se habeat, & sæpe virum suum deprecatur, vt ab eo abstineat, neque delectatur in venere. Istis dispositionibus, & affectibus præter naturâ affligitur. Quantum ad dolorem capitis nihil aliud dicam, cùm per essentiam in capite non sit, sed per cõsensum ventriculi. Ratio ergo tota ad ventriculum referenda erit. Ventriculus, sicut apparet ex operationibus læsis, frigidus est: plus enim appetit, quàm concoquat, quod supra ventriculi frigiditatem attestatur. malè etiam retinet, cuius signum est, quòd

H 3

flatus & ructus acidus percipit, & cibum in stomacho flatuam, euomit acida semper, quæ omnia frigidam ventriculi intemperie ostendunt: & dum ventriculus ita male dispositus est, caput ipsum non paucâ læsione affligit. Vtrum verò cum ista mala intemperie frigida sit coniuncta siccitas, vel humiditas. Si considero substantiam ventriculi, abdomen gracile, siccus erit & exanguis: si verò totum hoc aggregatum, & humorem frigidum contentum in ipso, dicam humidum esse. Itaque mala ista intemperies cum affluxu humoris frigida statuenda est. Vterus frigidior quoque factus est, quod patet ex multis: primò ab exeuntibus mutatis, ex illis albis menstruis ante & post fluorem, quæ frigidiorum vterum declarant. Secundò ab actionibus læsis, cum decennio non peperit: ergo actio diminuta: diminuta autem actio à frigiditate provenit, sicut corrupta à caliditate. Signum postea à posteriori, quoniam semel tantum peperit, & scemellam: scemina autem, si Hippocrati credimus, generantur propter vterum frigidiorum, ergo læditur in coitu, non quòd collum matricis tortuosum sit, quòd actum venereum lædat, sed quia vterus ex emissio spermate virili affligatur, quod dum emissum est refrigeratur, inflatur & intumescit: unde postea matricem lædit, ipsam extendendo, & dilatando: cuius signum est, quòd dum calida applicat, statim vaporibus per caloricam istam ascensum dolor cessat. Quartò vterus frigidior redditus est ex magno fluxu, quæ passa est post partum: quantum enim superflue evacuationes membrum lædant, à quo exceruntur, testatur Hippocrates ipse plurimis in locis. Quid ergo mirum, si vterus cum ventriculo frigidior quam par sit, caput ipsum in consensum traheret? unde dolet caput propter communicantiam istorum duorum

in membrorū in parte posteriori, quoniam ab vte-
 per venas & arterias plurimi vapores frigidi ele-
 antur, qui ipsum extendunt, & replent: in ante-
 pri, quoniam ventriculus vapores & fumos ad ip-
 delegat, sicut etiam apparet in his qui vertigi-
 m, aut suffusionem per consensum ventriculi pa-
 untur, magis in anteriori cerebri parte dolent, si-
 t illi quibus per aortam, & venam capam vapo-
 s ascendunt magis, in posteriori. Prognosticum
 it, quòd curabitur, non tamen ita perfectè vt om-
 no integram valetudinē recipiet: concipiet pro-
 aldubio, si nostris præceptis obsecundabit. Cura
 lis instituenda est, vt bona ratio victus præscriba-
 r, & bono regimine in sex rebus non naturalibus
 tatur: nihil enim perniciosius in ægreditudinibus
 hronicis, quàm multis solutiuis corpus macerare,
 uæ licet primò occurſu videantur proficere, tem-
 ore tamen ipsum destruunt, vires deijciunt mem-
 rorum præsertim naturalium, sicut & nix super se-
 etes dum cadit, iuuat nonnihil, sed tandem quoq;
 llas in totum destruit. Instituto bono regimine, le-
 iendus erit venter cassia, & hiera simplici: postmo-
 dum cōcoquēda materia in hoc infraſcripto ſyrupo:

℞. Syrupi de absinthio.

De cichorea Nicoli sine rhabarbaro ana ℥ ij.

Foliorum cichorei

Absinthij, decoctorū in iure pulli tenui, quantū
 ſufficit. Purget̃ poſtea. Aſſumpto ſecūdo ſyrupo fiat
 phlebotomia non euacuandi gratia, ſed vt euētetur
 iecur, quod calidius aliquantulum eſt, ſicut ex vrinis
 apparet. Peractis purgationib. accedat ad thermas
 Apponenſes, quas bibat, & in illis ſe immergat: hac
 enim ratione, & vterus, & ventriculus refrigeratus
 caleſcet & corroborabit, quod præcipuè intēdimus.

H 4

Consult. XXII. Ad phthiriasim, seu tineam
capitis antiquam.



Rimò abstineat à lacticinijs, pastilibus
carnibus antiquis, auibus palustribus,
rebus frictis in sartagine, legumini-
bus, herbis crudis, vino dulci & crasso,
& à vino nigro & turbido, à satietate & multitudine
ciborū, post cibū à studio & exercitio pleno existen-
te stomacho. Hęc ubi iste fecerit, sumat pilulas singu-
lis septimanis semel, aut etiā bis si oportuerit, num.
iij. hora vna ante cœnā, quarum descriptio est talis:

℞. Succum fumiterre

Boraginis

Chamędryos ana ʒ ij.

Myrobalanorum chebulorum

Indorum

Citrinorum ana ʒ iiij.

Ellebori nigri ʒ ij.

Agarici electi ʒ iiij.

Aloës ʒ vj.

Epithymi

Foliorum fenæ

Polypodij ana ʒ j.

Puluerizentur omnia, & permisceatur succis, & per-
mittatur exiccari, & postea cum syrupo de fumo ter-
re fiat magdaleon: de quo formentur pilulæ pro sin-
gulis drachmis tres, sumendæ ut suprâ. Itē tondean-
tur capilli usque ad cutem, postea utatur lotionem in-
frascripta saltem semel in septimana:

℞. Lixiuij dulcis quantum sufficit pro vna vice,
in quo decoquantur,

Aristolochiæ rotundæ

Panis porcini ana ʒ s.

Gen-

Gentianæ

Rheupontici

ana 3 iij.

Centaureij

3 ij.

Recoquantur omnia ad consumptionem tertiæ par-
tis lixiuij, & cum eo lauetur caput, & exiccetur se-
mel aut bis in septimana. Deinde inungatur caput
oleo infra scripto magistrali:

℞. Ireos

℥ s.

Squillæ

℥ j.

Centaurei minoris

℥ s.

Myrtillorum

℥ j.

Garyophyllorum

℥ j. s.

Olei amygdalarum amararum lib. j.

Conantur omnia simul in vase vitreo bene obtura-
to, & bulliant in balneo Mariæ lento igne per horas
sex, postea seruetur oleū in Sole, remouendo ipsum
tempore nubilo & in nocte, & hoc oleo illiniatur ca-
put quotidie in introitu lecti, & post lotionem ordi-
natam à nobis.

*Consult. XXIII. De dolore capitis post par-
tum, cum symptomatibus melancholicis,
pro matrona Germana.*



Vlier quædam x i i i i. diebus post ædi-
tum partū cœpit laborare ex dolore ca-
pitis, adeò vt existimauerit, caput sibi
inane & vacuum esse, nec dormire po-
tuit, vnde timuit ne priuaretur sensibus, & ratione,
& voluit ipsa sibi inferre violētās manus, quod qui-
dem perdurauit à puerperio tribus mēsis. hoc qui-
dem etiam illi contigerat antè in duplici partu, sed
non ita diu perdurauerat. Cùm verò vterum gesta-
bat, dolebat quidē ex capite, sed magis quieta fuit.
Curanda erit hæc nobilissima mulier ab affectioni-

H 5

bus suis, quas melancholicas arbitror, habita ratione ætatis, temperaturæ, genere morbi, tempore anni, & reliquis non repugnantibus: primò recta ratione victus, secundò missione sanguinis, tertiò alteratione & purgatione humorum, quartò confortatione membrorum. Pro victus ratione, custodiatur ab omnib. animi molestijs, degatq; cum amicis cum omni animi hilaritate, quantû fieri potest, arte & studio comparanda. Utatur vino albo & tenui, & si fieri potest, subdulci. Carnibus iuuenû animalium, hædorum, pullorum, & reliquorum huiusmodi. Sumat mane singulis diebus oua sorbilia, neque utatur multitudine ciborum: euitet crapulas, potationes, & cruditates cuiusq; generis. Aluum mollem quàm fieri potest conseruet, pro quo si natura defecerit, enitetur cum flore cassiæ, vel decocto prunorû dulcium & saccharo, vel decocto maluæ ex iure pulli aluum lenire: nihil enim perniciosius suis affectibus, quàm aluum strictam habere. Procuret concoctiones, neq; cum cruditate accedat ad cibum: cruditas enim melancholico omnino vitanda. Circa Martij mensis medietatē, lenita prius aluo vel clysteri, vel drachmis decem floris cassiæ cum zuccharo in bolo confectis, sequenti die sanguinem mittat ex basilica dextri lateris, trahaturq; sanguis pondere vnciarum decē, ac postea die etiam eodem missio sanguinis repetatur, sed à sinistro latere. Deinde utatur diebus septem iure hoc modo confecto, quod sumat mane hora syrupi:

℞. Foliorum boraginis

Buglossæ

Betonicæ

Polypodij

Glycyrrhizæ

ana ʒ j.

Radicis

Radicis althææ ana ℥ j. s.

Decoquantur omnia in libris duabus iuris pullacei, ad consumptionem dimidiæ partis, deinde facta expressione & colatura, bibat totum residuum vna vice: & sic repetatur per dies septem. Octauo die sumat bolum infrascriptum:

℞. Confectionis hamech 3 iiij.

Radicis hellebori nigri 3 s.

Misce cum modico iuleb violati, fiat bolus cum zucchero, deturq; in aurora cum custodia. Item

℞. Conseruæ florum boraginis ℥ vj.

Conseruæ rosarum ℥ ij.

Zedoariæ 3 j.

Misce, fiat electuariū, de quo sumat singulis diebus cochlear vnum tribus horis ante prandiū. Deinde illinat totus venter quotidie infrascripto linimēto:

℞. Olei de absinthio ℥ iiij.

Masticis 3 iiij.

Ceræ parum.

Fiat linimentum. Item abluat caput singulis septimanis bis cum infrascripto decocto:

℞. Furfurum tritici ℥ iiij.

Florum camomillæ ℥ ij.

Glycyrrhizæ 3 iiij.

Polypodij 3 ij.


Radicum ellebori nigri 3 ij.

Agarici electi 3 j.

Bulliant omnia simul in sufficienti quantitate aquæ, ad consumptionem medietatis: deinde facta expressione, vtatur hoc decocto pro lixiuio, & tergat caput sapone odorato muscato, & hæc omnia explebunt quæ promissimus. Quod si optimum quoque Mithridaticū ter in mense sumat ad drachmæ vnius quātitatem, cum modico vini aromatici albi, quinq;

horis ante prandium, perficiet adhuc magis corroborandi cōsiliū. Montanus iussit diligenter inquiri an post partum 30. diebus, vt moris est, post masculum partum, post fœmellam 40. sit satis purgata: an habeat sua debita menstrua, an vtatur debita ratione victus, an visa sit aliquando habere purgationes, quæ nunc aliquandiu cessarunt, alui, vomitus, hæmorrhoidarum.

*Consult. XXIIII. Pro eadem, & marito
eius laborante morbo Gallico.*



Ro consultatione sanitatis huins nobilis & strenui viri & nobilissimæ suæ vxoris, nunc duo sunt proponenda, ratio victus inquam, & medicamentorum vsus. Quantum ad rationem victus attinet, erit illa vtriq; communis, ideo de hac ratione victus quęcunq; admonebuntur, intelligi velim vtrunq; esse pariter admonitum. Medicamēta verò singulorum cū diuersa sint, explicabuntur seorsim. Primò igitur quærent ambo omni conatu quascūq; animi molestias quàm maximè vitare, & tanquā pestem abominari, iracundiam præcipuè, mœstitiāq; ac timorem, sed læti ac in optima spe constituti viuant. Præterea otium & quietem corporis procul effugiant, moderato exercitio vtatur, mane præcipuè ac vesperi ante cœnam. Caueant tamen ne exerceantur, & post exercitium quiescāt in aëre admodū frigido aut ventoso, & vbi talis aër contigerit, tunc se intra domum cōtineant & exerceant, suas res familiares procurando, hoc enim optimum exercitij genus est. Fugiant meridianum & omnino diurnum somnum: proinde hortor vt manè ante vel circa Solis exortum surgant, & procuratis excretionibus corporis consuetis per aluum
& vri-

& urinam, per sputa & per scretus, nariū emunctio-
 nes, frictiones capitis, auriumq; sorditie expurgata,
 tunc vegeti atq; hoc modo excitati ad exercitia cor-
 poris se cōferant. Et si aliquando cōtigerit vel in al-
 tero, vel in utroq; vt excremēta alui præter consue-
 tudinem supprimi velint, nō permittant hoc vitium
 inualefcere, sed protinus si clysteres nō admiserint,
 præbiant ante prandiū ius pulli, in quo decocta sit
 mercurialis, malua, & beta, vel folia brassicę, dein-
 de adiecta portione zucchari rubei: lenietur enim al-
 uus sine molestia. Præterea non diu versent, aut com-
 morentur, aut aliquo modo se exponant, vbi sit aër
 frigidus & ventosus: & tempore hyemis caueāt, ne
 more Germanorum repētē exeant à suis vaporarijs
 & hypocaustis calidis, exponentes se aëri frigido: il-
 lud enim longè detestabilius est, quàm si perpetuò
 in eodem aëre frigido versarētur: sed vbi necessitas
 aduenerit exire hypocausta, habeāt operimēta tam
 capitis quàm vniuersi corporis, quibus se à repenti-
 na aëris frigiditate tueantur: neq; ita calefiant hypo-
 causta, vt multi consueuerunt, quibus non satis est,
 vt corpore mediocriter incalescant tantū, vt à fri-
 goris excessu muniantur, imò non cessant nisi prius
 torrefiant & assentur. Caueant igitur ab eo impor-
 tuno hypocaustorū feruore, sed tantūm tepescat lo-
 cus, nimis enim offenderentur in egressu. Præterea
 aëri nocturno ne occurrant, sed in locis altis, versus
 Orientē & Meridiem sitis habitent. Caueant quàm
 maximè, tanquam à peste, à comestationibus & com-
 potationibus, sed sobrij intra proprios parietes sibi
 viuāt: nisi enim hoc fecerint, frustra reliqua agētur.
 Bis in die moderatè comedant, & moderatè bibant,
 omittendo has computationes, quæ nedum sanita-
 tem amissā reficere student, sed eam quoq; quam

possidēt deperdere. Potus ante omnia deligendus: ille sit vinū minimè potens, sed lene & pauciferum, nullius aciditatis particeps, sed bene maturum, colore album vel rufum: à nigro, obscuro, crasso, prorsus abstinendum: & si album vel rufum haberi non potest, eligatur giluum, limpidum: & eo modestè vantur, neq; à prandio aut à cœna potēt. Panis sit bene fermentatus, bene coctus, neq; vltra quàm quotidianus. Carnes pullorum, castratorum iuuenum, hœdorum, auium campestrium pinguium. Sed caueant maximè à palustribus, vt anatū, anserum. A piscibus abstineant quam maximè fieri potest. Oua recentia vel cum aqua, vel cum igne mediocriter cocta, conueniunt, cum modico zuccharo & cinnamomo condita, prorsus sine butyro. Fercula etiam ex oryza, hordeo, spelta, farro, non vitupero, si in iure pingui optimè cocta fuerint. Euitent herbarum omne genus præter lactucas, quandoq; & boragines. Fructus etiam præcipuè fugiant, & maximè horarios. Autumnalia pyra & poma decocta cum saccharo & aniso, non male post cibum admittuntur. Caueant ab omnib. lacticiinijs, pastilibus, rebus cuiuscunq; generis in sartagine frictis, à carnib. antiquis, sicut bubulis, hircinis, à salitis item omnibus, à multitudine cibariorum, imò in singulis mensis singulorantùm genere sint contenti. Hæc quantum attinet ad victus rationem, quam diximus vtrique esse communem. Nunc ad medicamēta accedemus, quæ sint singulis seorsum propria. Nobilis igitur vir primum se in propriam domum contulerit, incipiet purgari hoc modo, qui proximè sequitur. Primò

℞. Floris cassiæ ʒ. j. s. Cum zuccharo fiat bolus, fumatur manè hora vna ante prandiū. Deinde
℞. Syrupi de fumo terræ simpl.

Oxy.

Oxymellis simpl. ana $\frac{3}{4}$ j.

Seri caprini $\frac{3}{4}$ vj.

Misce pro vno, & sic pro septem alijs. Postea verò

R. Confectionis hamech 3 iiij.

Syrupi rosati solutiui $\frac{3}{4}$ ij.

Cum aqua fumiterræ fiat potio, sumenda cum custodia in aurora post syrupum vltimum die sequenti.

Sed post assumptionem duorum syruporum primorum mittatur sanguis à vena basilica dextri lateris, extrahantur vnciæ decem, vel vltra. Finita hac purgatione quiescat per dies duos, & interim manè & vesperi hora ante cibūumat sacchari rosati vnciam vnam. Peractis his duobus diebus incipiat bibere syrupum infra scriptum, ex quo soluetur alius sine molestia quater aut sexies singulis diebus. Erunt autem omnino sex syrupi, sex diebus exhibendi.

R. Aquæ fumiterræ lib. vj.

Myrobalanorum citrinorum

Cebulorum

Emblicorum

Indorum

Belliricorum

ana $\frac{3}{4}$ s.

Epithymi

Polypodij

Senæ

Glycyrrhizæ ana 3 vj.

Sem. citri 3 ij.

Corticum ellebori nigri 3 iiij.

Fricentur myrobalani cum oleo amygdalarum dulcium, vbi prius contusi fuerint grosso modo, deinde infundantur in prædicta aqua per diem naturalē, postea decoquant omnia simul secundū artē, ad cōsumptionē medietatis: postea facta diligēti expressione & colatura referuetur, & tota illa coctio diuidatur

in sex partes, & sumatur vna pars singulis diebus tepida in aurora cum vncia vna Syrupi de infusione rosarum. Vbi verò hæc tota purgatio peracta fuerit, (hæc purgatio vere & autumnò fiat, eademq; erunt prorsus & similia omnia, præterquàm quòd missio sanguinis vere tantùm admittenda est) triũ dierum quiete interiecta, ac saccharo rosato ante cibũ semper sumpto, vt paulò ante instituimus, interim parabit sibi decoctum ligni Indi, quod transacto illo triuo potare incipiet. Accipiat igitur illius ligni nigri & derafi lib. j. Aquę distillationis endiuie lib. xiiij. & fiat infusio in olla noua bene obturata per horas x x i i i i. postea in eadem olla sensim decoquatur, donec decrescat tertia pars: deinde facta colatura, bibat huius decocti calidi lib. j. manè, & alteram vespèri, hoc modo, vt hora octaua primam bibat, duodecima comedat siue prandeat: decimanona verò bibat secundam, & vigesima tertia cœnet: atq; ita perseueret vsq; ad diem quadragesimũ. Caueat interim hoc toto spatio à ventis, & si sudor prouocetur, accubet lecto, pannisq; diligenter operiatur. Quotidie procuret beneficium alui. Cibus sit singulis vicibus panis biscocti vnciæ tres, pulli iunioris vnciæ totidem. Loco vini bibat aquam communem optimi fontis vel purei, in quo id lignũ secundò decoctum fuerit. His ritè peractis habeat postea familiares pilulas, quas pro conseruatione sanitatis toto anno vsurpabit semel in septimana, hora ante cœnam, pondere ℥ ij. vel drach. vnus. Et si integrè se percipiet, bene erit: sin minus, futuro vere rursus eadem purgatione præmissa, ad decoctum ligni Indi redibit. Neque enim dubitamus hoc solo remedio tandem esse curandum.

Rx. Aloës optimæ ℥ j. Puluerizetur optimè, inde asper-

de aspergatur succo rosarum puro, & permittatur exiccare. Deinde

℞. Agarici electissimi 3 vj. & similiter puluerizetur: postea aspergatur oxymelite, & exiccetur eodem modo, vt de aloë diximus. Postea

℞. Rheubarbari 3 iij.

Rosarum siccarum

Succi glycyrrhizæ

Nucis muscatæ ana 3 j.

Salis gemmæ 3 ij.

Puluerizentur omnia per se, deinde misceantur, & cum melle rosato fiat magdaleon, de quo conficiantur pilulæ vt suprâ, quæ sumantur ter vel quater singulis mensibus hora vna ante cœnam pondere ʒ ij. vel 3 j. & fiant pilulæ tres. Et hæc satis pro nobili viro. Pro honestissima vxore, & ipsa bis singulis annis purganda est, vere inquam & autumno, ita vt vere etiam sanguinē mittat, autumno nequaquam. Purgatio autem talis erit:

℞. Electuarij de sebesten solutiui 3 x. Cum saccharo fiat bolus: sumat manè tribus horis ante prandium, ac parçè prandeat.

℞. Syrupi Sabor regis

De fumoterræ ana ʒ j.

Aquæ boraginis ʒ iij.

Misce pro vno, & sic pro alijs.

Item

℞. Confectionis hamech 3 iij.

Syrupi rosati solutiui ʒ ij.

Cum aqua boraginis fiat potio, sumenda die proxima sequenti syrupum vltimū. Sed post duos primos mittatur sanguis e vena basilica dextri lateris, & trahantur vnciæ decem, vel libra sanguinis: & hoc vere tantum, non autumno. Vbi ita bis in anno purgata

fuerit, vtatur postea bis vel ter aut quater in mense
infra scripta potione benigna, & sine custodia, quam
sumat tribus horis ante prandium:

℞. Folliculorum fenæ

Epithymi ana ʒ iiij.

Polypodij ʒ j s.

Glycyrrhizæ ʒ j.

Ponantur vesperi in infusione in iure pulli pinguis,
vel in sero lactis caprini: facta diligenti expressione,
& colatura, bibatur decoctum tepidum addito sac-
charo, si libuerit. Hoc præcipuè erit vtile ad omnes
affectus arcendos in hac nobili muliere. Item ante
prandiū vtatur quamsepiusmè electuario infra scri-
pto, quod sumat hora antequàm prandeat, ponde-
re ʒ s.

℞. Sacchari buglossati

Boraginati

Violati

Nenupharini ana ʒ iiij.

Commisceantur omnia simul, & addantur folia auri
puri numero vj. & seruetur in vase vitreo, & hoc ma-
ximè vtatur cū fuerit grauida.

Consult. XXV. De catarrho, pro Illu-
strissima Ducissa Urbini.



Vm illud nobis propositum sit, vt cure-
mus destillationem Illustrissimæ Ducis-
sæ, præcipuam curam ac diligentiam in
recta victus ratione in primis illi adhi-
bendam esse existimamus. Igitur à vario ciborum ge-
nere sibi temperet, comedat parcè, potissimū in cœ-
na: inter vnā mensam & alterā nihil bibat. Vinum
illi conueniens, tenuè sit oportet: aut si natura tale
non fuerit, aqua erit diluendum, modò illi aqua à na-
tura,

tura nō sit infesta. Nec verò illi esset aduersum, si vinum lenem quandam dulcedinem haberet. A fructibus, piscibus, lacticijs & pastilibus est abstinendū. Interim dum vitur hac uictus ratione, eius Excellentie consulo, vt quotidie in nocte, hora somni, inferius describendi Electuarij cochleariū vnum accipiat: illique admodum consultum esset, si sæpius etiam in die exiguum eius quantitātē in os acciperet, nec tamē statim deglutiret: sed tandiu ibi retineret, donec paulatim & sua ferē sponte in spiritalem arteriam destillaret. Hoc illi proculdubio saluberrimum est futurum. Illud quoq; mihi maximē probaretur, si faceret sibi consuetudinē sumendi bis in septimana medullam casie fistularis, recens ē canna extractam: idq; per horam mediam ante prandium. Quantitas autem eius medullæ sit, quanta ē canna ponderis vnciarum quatuor extrahi potest. Curabit autem eius Excellentia, vt se præsentē ē canna extrahatur, atq; illam statim deuorabit: plurimi enim eo modo libentius accipiunt quā consuetō. Illi tamen liberum erit, hoc ne an illo modo velit accipere, perinde enim est. Electuarij descriptio ea est quæ sequitur:

℞. Capitiū papaueris albi num. xx.

Liquiritiæ rasæ ℥. ij.

Carnis siliquarum pinguium dempto cortice,
& exemptis acinis ℥. iij.


Bulliant omnia simul in libris x. aquæ fontis, donec remaneant dux. Deinde

℞. Zucchari albi lib. j.

Penidiarum ℥. iij.

Syrupizentur omnia simul secundum artem,
vsque ad consistentiam mellis, dein-
de seruetur ad vsum.

Consult. XXV I. De dolore capitis cum tinnitu aurium, pro illustrissima matrona.



Vpposita ægritudine, vel potius dispositionibus præter naturam, quibus laborat illustrissima Domina, videlicet dolore capitis & tinnitu auriũ, quæ licet aliquando remittantur, tamen subinde redeunt, neq; prorsus remittuntur. Supposita etiam temperatura, vt conijcere possumus ex his quæ referuntur, calida & humida, & habitu corporis pingui & obesi, in magnis delicijs degēdo, lautissimis & copiosissimis cibarijs adhibitis, dicimus facillime deprehēdi posse earum dispositionum causam esse plenitudinē humorum & redundantiam. Et cū non audiuerimus capitis aliquod vitium præcessisse, cerebriq; operationes tum extrinsecas tum intrinsecas fuisse secundum naturam, neq; vnquam destillationem perpetuam fuisse, credimus hanc ægritudinem primogenio affectu ad caput non esse reducendam, sed ad membra inferiora, vt ventriculum, & hepar, ac totum venarum ambitum. Existente enim in illis membris redundantia, necessarium est omnino repleri caput ob plurimos vapores ascendentes, præcipuē in regione frigida, vbi paucissima transpiratio. Quamprimum igitur occurrendum est plenitudini, ne cerebrũ affectum eliso ac suffocato calore innato, reddatur seipso imbecillius, ac deinde intemperies per essentiã firmetur in capite, reddaturq; ægritudo vel insanaibilis, vel quæ difficillimē tolli possit. Estq; via curationis manifestissima. Plenitudinem, sicut dicebat Hippocrates, euacuatio sanat. Euacuabitur tum adhibita recta victus ratione, cibiq; ac potus parsimonia, tum medicinis euacuātibus, ac sanguinis missio

ne.

ne. Quantum igitur attinet ad victus rationem, cauendum primò ne aëri frigido occurrat, vel flatibus ventorum, etiam si æstiuo tempore quandoq; videatur esse iucundum: sed ab Austro caueat præcipuè, ab aëre q; nocturno. Somnum meridianū fugiat, maximè enim officeret capiti. Procurabit vt singulis diebus reddat alui excrementa, quæ si pauca aut retenta fuerint, adiuet molliētibus, sicut est potus ante cibum pullacei iuris, in quo malua, mercurialis, & beta alba decocta fuerint, addito etiā saccharo. Vbi herbarum facta fuerit expressio, ebibat haustum copiosum tribus horis ante prandium: proderit enim ad aluum emolliendam. Ad idem etiam confert vsus passularum dulcium ante prandium, puluere sacchari adiecto. Bis tantū in die comedat, neq; inter prandium & cœnam bibat, & præcipuè post cœnam. Vni co cibi genere contenta sit, nihil enim ad augendam plenitudinem efficacius quàm ciborū varietas. Carnibus vescatur iuuenibus, facilis concoctionis, quales vitulinæ, hœdinæ, pullorum, leporum iuuenum, auium campestriū, vt perdices, phasiani, & aues parue. Abstineat à carne antiqua, porcina tā salita quàm recenti, à pastilibus & lacticiinijs, à piscibus, & omnium ciborum genere vaporoso, viscoso, & humido. Oua recentia conueniunt, si tremula fuerint, elixata, vel calido cinere cocta. Quantitas cibi sit intra satietatem. Vinum bibat vel pauciferū, vel bene dilutum, & in pauca quātitate: & hoc maximè refert: nihil enim magis replet caput quàm vinū vel potens, vel vaporosum, vel vtrunq; . Et hæc quantum ad rationem victus attinet. Quantum verò ad purgationem, laudare, nisi æstus maximi impedirēt, vt quamprimum, præmissa lenitione alui, cum ℥ j. floris cassiæ, & specierum hieræ simp. 3 ij. die proximè se-

quenti sanguis mitteretur à vena brachij, quam communem appellant, extrahereturq; sanguinis quantitas vsque ad ℥. viij. vel x. Deinde ad vltiorem curationē cum pharmacis accederem, præmissis infra scriptis syrupis:

℞. Syrupi de betonica

Mellis rosati ana ℥. j.

Aquæ maioranæ ℥. iiij.

Misce pro vno, & sic pro quinque. Postea purgetur modo infra scripto:

℞. Agarici preparati ℥. ij.

Floris cassiæ ℥. j.

Misce, fiat bolus cū zuccharo: detur in aurora cum custodia. Vel si mallet pilulas,

℞. Pilularum cochiarum ℥. iiij. Cum melle

rosato fiant pilulæ v. dandæ eodem modo, & hora eadem. Ego tamen præferre bolum. Facta hac purgatione, si vltius res vrgeret, laudo masticatoria, primò ex mastiche simplici, matutinis horis semper expuendo: deinde si vellet vires masticatorio adijcere,

℞. Mastiches ℥. ij.

Pyrethri

Staphisagriæ ana ℥. s.

Ceræ ℥. ij.

Misce, fiat masticatoriū in forma trochiscorum pondere ℥. j. & vtatur eodem modo, quemadmodum de mastiche diximus. Deinde si adhuc vrget res, laudo ea quæ caput purgia vocāt, leuia tamē, sicut cum decocto betæ, maioranæ, & mercurialis, attrahendo per nares ieiuno stomacho, quemadmodū fieri consuevit. Ad tinnitū aurium maximè confert oleū picis vel terebinthinæ, adiectis duabus partibus olei amygdalarum amararum: mane & vesperti guttam vnam & alteram destillet in aures, adiecto coto vel bombace

bombace carminato & muscato. Præterea pro diuer-
sione & euacuatione, si morbus perseveraret, laudo
ter aut quater singulis mensibus vtatur 3 j. pilula-
rum infra-scriptarum, hora vna ante cœnam:

℞. Aloës optimæ 3 iiij.

Agarici electi

Rheubarbari electi ana 3 ij.

Spicæ


Zingiberis

Nucis muscatæ

Mastiches ana 3 j.

Puluerizentur omnia per se, deinde misceantur, po-
stea conspergantur succo rosarum puro, & permit-
tantur exiccari, & ita vtetur septem vicibus.

*Consult. XXVII. De tremore membrorū, et mouen-
di imbecillitate uitio cerebri, pro Magnifico uiro.*



Vppositis his quæ tum ab Excellentissi-
mo Medico, tum ab assidentibus & fa-
miliaribus intellexi de hoc Magnifico vi-
ro, qui tot annis membrorum tremore,
& mouendi imbecillitate laborauit, considerataq;
septuagenaria ætate, temperatura calida & sicca, in-
signiq; extremorum caliditate, & doloribus pungi-
tiuis, immoderataq; alui adstrictione, consulerē pri-
mò circa rationem victus, vt effugeret pro viribus
molesta animi accidentia, sicut iram & mœstitiam,
quæreretq; omni studio, vt cum amicis quietam vi-
tam iucundamq; degeret, calidum aërem euitaret,
ptisana, lactuca, boragine, portulaca, endiuia in fer-
culis vteretur: ac si ventriculus ferret, laudarem vt
omnino à vino abstineret, & vini loco huiusmodi
potum sibi confici curaret.

℞. Aquæ fontis lib. xvj.

I 4

Ligni guaiaci lib. j.

Bulliant ad consumptionem quartæ partis: coletur, & reseruetur. Est & hoc poculum præstantissimū ad nutriendū, vt quod nihilo segnius vino nutriat. Pro alui verò lenitione velim vt singulis diebus sumeret ante cibum libram mediā iuris pullastri, in quo decocta esset malua, violæ, hordeum, & sex vel x. pruna dulcia. præterea acciperet quater in mense, duabus horis ante prandium, tale medicamentum:

℞. Floris cassiæ ʒ. j.

Rheubarbari electi ʒ. s.

Cum saccharo fiat bolus. Quotidie ad hepar & renes huiusmodi linimento vtatur:

℞. Vnguenti rosacei Mesue eiusdem anni ʒ. ij.

Vnguenti Sandalini recentis ʒ. j. Misce.

Præterea foueret omnia membra dolentia huiusmodi balneo:

℞. Florum Camomillæ man. iiij.

Hordei man. vj.

Rosarum siccarum man. ij.

Violarum man. ij.

Bulliant in sufficienti quantitate aquæ, in qua moderate calida sedeat ieiunus bene coopertus vestibus, & in aëre calido: curetq; vt post huiusmodi balneū statim membra huiusmodi linimento inungat:

℞. Olei Camomillini

Rosati

Violati ana ʒ. ij.

Et nisi facta fuerint cauteria infra crus exterius, sicut fieri consuevit, laudo vt omnino fiant. Nec displicet hæmorrhoides prouocare, præsertim si natura per eas vias aliquid tentare videatur. Quantū vero ad aquas thermarū attinet, nullas ego laudarem, nisi fortè Calderianas, quæ in agro Veronensi sunt, tanquam

tanquam ad refrigerandum hepar & renes idoneas. Sed quod ego præstantissimum remedium iudicarem, esset vt ligni Guaiaci decoctum sumeret, non quidem eo victu tenui, qui solet adhiberi plerisque, sed moderato, qualis ætatis temperamento, & viribus fulciendis conuenit. Velim tamen vt quod loco syrupi biberet, in aqua endiuie decoqueretur. quod si ita fieret, si quid vnquã huic Magnifico viro prodesse debet, hoc maximè profuturum credo.

Consult. XXVIII. De uertigine, & tinnitu aurium antiquo, pro uiro integerrimo domino
Mathia Zesz Bohemo.



Voniam & purgatio vniuersalis, & potus aquarum thermarũ præcessit, & ratio victus est instituta, ideo ea quæ nũc sint agenda proponam. Et primò

Rx. Olei de pice

Olei amygdalarum amararum ana ʒ ij.

Misce, & frequenter auri guttatim instilletur: prodest enim ad surditatem, & auriũ tinnitum antiquatum, & cerebrum confortat. Pro capitis autẽ & stomachi confortatione, semel in septimana vtatur pilulis infra scriptis, aut ter in mense, prout necessitas exegerit:

Rx. Nucis muscatæ

Garyophyllorum ana ʒ s.

Zedoariæ ʒ ij.

Gentianæ ʒ j.

Rosarum rubearum

Sandalorum citrinorum ana ʒ j s.

Aloës opt. succocitr. ʒ vj.

Rheubarbari electi ʒ iij.

Puluerizentur omnia per se, deinde misceantur, po-

I 5


Istea aspergantur aqua rosacea, & permittantur exsic-
cari, & ita iteretur septies. Postea cum syrupo viola-
to formetur magdaleon, de quo singulis vicibus fiat
pilulæ 3 j. num. iij. cum eodem syrupo violato,
& sumatur hora ante cenam. Lotio pedum fiat ad
prouocandum somnum:

℞. Folia salicis

Anethi

Cortices papaueris albi, quantum sufficit.

*Consult. XXIX. De dolore capitis, cum asthmate,
& dolore dextri lateris, & febre leui,
pro puella Maurocena.*



I sanare debemus hanc puellā, oportet
cognoscere ægitudinē & causas: neq;
tantūmodo hæc cognoscere debemus,
sed & loca affecta particularia, & natu-
ram ipsorū. Si enim ista non cognoue-
rimus, fieri nō poterit, vt habeamus indicationes cu-
randi. Primò ergo quæ sit ægritudo, vel quæ sint æ-
gritudines, & quæ symptomata, videbimus: secūdò,
quæ sint causæ facientes eam: tertio, quæ loca affe-
cta, & quæ sit natura totius corporis: postea ad cura-
tionē accedemus, & procedemus per capita, & con-
clusiones, quoniā cum doctoribus, & non cum scho-
laribus, habemus sermonem. Pro recta igitur cogni-
tione, oportet rememorari quædā audita heri, quòd
hæc puella ferè ab ortu suo ichoras & fluxus quos-
dam emanātes à capite habuit: deinde audiui quòd
icteritiam patitur, vt à quacunque leui causa in citri-
nitatem totius corporis deueniat. Ista sunt rememo-
randa, quia erunt signa rememoratiua, & coniecturæ
ad cognoscendum essentiam & causas ægitudinis.
Quantum ad has dispositiones attinet, quibus affli-
gitur

gitur in præsentia, audiui primò quòd dolorem capitis patitur, & diu perseuerasse, vt etiam nunc conqueratur. Audio præterea quòd difficultatem anhelitus patitur, vt non sufficiat diaphragma & thoracis musculi ad dilatandum pectus: sed etià musculi ventris inferiores & superiores, qui non faciunt ad dilatationē pectoris, nisi urgente necessitate. Audio etiam quòd conqueritur cōtinuè de dolore existente circa latus dextrum supra costas mendosas è vestigio hepatis. Audio præterea dolorem habere in iuncturis brachiorū, & tibiærum aliquando, sed maximè circa brachium dextrum. Et hæc sunt omnia illa, de quibus conqueritur. Habet etiam febrem continuam, quoniam pulsus seruat motum vniformem, & motus hodiernus vniformis est cum motu hesterni. pulsus verò vnum modum habet, insignem scilicet duritiem, ac si chorda arcus extensi tangeretur: cum vrinis crassis, multam & sæculentam habentibus subsistentiam, non multæ tamen intensæ rubedinis: sitiq; minimè vexatur, dolor tamē clamorosus est. Omnia ista rectè cōsiderāda sunt, & quæ possint esse causæ omnium istarum dispositionū: & fortè vnum erit causa omnium istorū symptomatū. Ego incipiam rememorari dispositiones præter naturā. Habet caput quod continuè abundauit multis ichoribus, qui tamē cessauerūt. Citrinitatē etiā habet, qua semper ferè vexat ex leui occasione. Cōsidero etiā cōplexionem corporis naturalē. Video q̃ hæc puella, ex quo multā copiā bilis generat, multā habet caliditatem in hepate, ex qua sanguis calidior generat, cum bilis sit veluti spuma, & tantò feruētior sanguine, quanto subtilior. Et cum humor ille effundat per totum, signum est, caliditatē plurimam in hepate esse. Multitudo etiam sanguinis indicat eius temperaturam

calidam & humidā. Et quia video plurimā pituitam generare, vt ex dispositionibus illis apparet, & nunc ægritudinibus torquetur quæ dependent à pituita: ex hac coniectura video ventriculum frigidum esse, quæ duo inæqualitatem faciunt maximam: & cum in ventriculo sit frigiditas præter naturam, malè concoquit, & humores crudi aggregantur: & quia secunda concoctio non corrigit primam: vbi enim excesserit prima, non corrigitur, quin humor crudus non sit crudus, cum in ventriculo est genitus: & cum hepar intemperatū est, in quo sanguis generatur, si excedat ad intensum, adurit: si deficit, crudos generat humores. Cum ergo hepar ratione caliditatis cholicum generet sanguinem, ventriculus ratione frigiditatis pituitam, non est mirum si omnia hæc contingant, maximè cum natura imbecillum caput habeat suscipiens bilem plurimam, ac pituitam simul: quia Galenus & Auic. inquirunt à natura ita institutum esse, vt debilia membra superfluitates suscipiant aliorum. Non est mirum igitur, si puella debilis capitis, vt ex principio natiuitatis apparet, excrementa in ventriculo, hepate, & in ambitu totius genita suscipiat: ascendunt enim bilis & pituita ad caput, & ibi incrassata descendunt, & omnes dispositiones, quibus affligitur, generant. Et quia perpetuò vapores ascendunt ad caput imbecillum & magnū, & hepar calidum, & ventriculum frigidū habet, ideo habet omnes causas, vt incurrere potuerit in has dispositiones, quia habet omnia quæ possunt replere caput. Et ideo dolorem capitis inæcepit pati, qui perseuerauit, quia causæ perseuerabant: & quia repletio ad intensionem deuenit, defluxū fecit, & ad inferiora decurrēs ad loca magis præparata, expellitur: sunt autem imbecilliores iuncturæ. Descendit ergo materia

teria pituitosa bili permixta, tanquam vehiculo quodam, per partes posteriores, & per spondylos colli, per nervos aditum habens, ut inquit Galenus in x. *κατὰ τόπους*, ubi de podagra loquitur. Occupat autem iuncturas, cum ibi chordæ & cartilagine sint, & loca exanguia: ideo ibi detinetur, & cum imbibitur, non facile tollitur. Eadem præterea materia cum destillat ad pectus, catarrhum facit: & eadem prorsus materia est, bilis scilicet & pituita, quæ omnes istas dispositiones facit. Secundum autem quod diuersa occupat loca, diuersa sortitur nomina: si enim pedes occupat, podagra: si iuncturas, arthritidis: si pectus, catarrhus appellatur: quia verò materia hæc occupat anulos asperæ arteriæ, brōchus appellatur. Quæ autem est causa faciens dolorem in costis? est materia biliosa & pituitosa, faciens difficultatem anhelitus, quia nō potest pectus dilatari liberè, sicuti oportet: non quod adsit aliqua imbecillitas virtutis causans talem difficultatem: nec aliam ob causam id accidit, sed ex copiosa materia, ut pectus nō possit liberè dilatari, ut iam dixi. Et licet nō habeat tussim, hoc prouenit, quia materia illa non mordicat: & fortè excitabitur, cum magis putridus humor fiet. Sed difficultas apud me est, ubi sit causa efficiens dolorē in costis, & ubi sit ægritudo, an in diaphragmate, vel in pulmone, an in musculis exterioribus. In hepate esse non potest, quia est supra hepar, & non excedit mendas costas. In diaphragmate esse non potest, quia maior esset difficultas anhelitus, & sæuiores accidentia, & non esset sine tussi: quia cum patitur diaphragma, excitatur tussis, etiā si in hepate fuerit materia, eam expellere natura quærit. Vbi igitur erit? Si volumus secundum rationē sumere cōiecturas, cum per illas interiores ægritudines cognoscantur, tertio de locis

locis affectis, crediderim hanc affectionem esse in musculis exterioribus, nō in membrana, quia dolor ille magis acutus esset, vt patet in ijs qui habent falsam pleuritidem. Habet autē dolorē, quia musculus valde sensibilis est, & ob hāc causam habet difficultatem anhelitus, non quidem per essentiā, sed per consensum. nec ad pulmonem descendit materia, quæ faciat talem difficultatem, quia adestet tussis, & perciperetur sonus per respirationem transiens. Et fortē causa cur maior nō sit dolor, est, quia in musculis exterioribus est causā faciens dolorem, & non in interioribus. Et quia in vna vice non potest dilatari pectus, omnes musculi conueniunt vt suppleant, ideo sequitur difficultas ob dolorē in musculis. Sed cū affectus sit in ea parte, credendum est membranā ratione cōsensus pati, & ideo fit pulsus durus, ac si esset in membro membranoso affectus. apparet postea serinus, cū dolor est in membrana succingente costas. Hactenus sit dictum de dolore in costis existente, & de difficultate anhelitus: & quātum attinet ad dolorē iuncturarū, & ad causas eius: & quōd factus est per defluxū materiæ biliosæ & pituitosæ per spōdylos colli descendētis: loca verō non habere in se ægritudinem, sed quia defluit materia illa, ita quōd cessante defluxu, cessabit etiā dolor: & quōd caput naturaliter debile, à ventriculo malè affecto, & ab hepate suscipit excrementa, ideo dolore capitis molestat: & cū descendit materia hæc ad costas in musculo exteriori, causat dolorem ibi, ad cuius consensum membrana patitur interior, & facit difficultatem anhelitus, & pulsus durum. Non dicam quomodo extrinseca fuerint in causa, quōd hæc contingerent, quia hæc dicta sunt. De febre autem, quia uniformis est, vt apparet ex motu perpetuo, quē vni-

for-

formē seruat, non credo quòd propter dolorē iun-
 cturarum aut capitis causata sit: quia cōtingit sæpe,
 quòd aliquis habeat dolorem capitis & iuncturarū,
 & non habeat febrem, & si adest, vt in podagra, ma-
 ximus est dolor: sed nec diu perdurat, nec vnifor-
 mis est. Credo ergo quòd sit ratione doloris existen-
 tis in costis, quia stante materia in loco calido cordi
 vicino, putrescit, & febrem accendit: & ideo verifi-
 mile est, vt febris nascatur ab ea causa. Sed à quacun-
 que causa proueniat, credo quòd à materia depen-
 deat: & quòd sit febris accidens, & à dolore illo de-
 pendens, & ab humoribus putrescētibus in locis do-
 lentibus, quæ remouebitur ad remotionem suæ cau-
 sæ, sicut curatur febris curata pleuritide. Ideo Hip-
 pocrates in secundo de ratione victus in acutis, cu-
 rat dolorem neglecta febre. Cognita igitur essentia
 & natura ægritudinis, & cognitis causis, facilè est vi-
 dere quid præfagiendum sit, & quid agendum. Quo
 ad præfagium, si consideremus dolorem capitis, nul-
 lus vnquam, vt dicit Galenus in secundo κατὰ τόπους,
 mortuus est ex dolore capitis: ideo talibus negat da-
 ri opiata. Quo ad dolorem iuncturarū, idem etiam
 dicendum est, vt paret experientia. Quo ad dolo-
 rem qui est in musculis exterioribus, tutissimus est.
 Quo ad febrem, non est tanta, vt possit interficere.
 Quantum igitur sit ratione ægritudinum, non est ti-
 mendū: et si timendū esset, de debilitate virtutis de-
 beremus timere, quia cū quis debilis est, si porta-
 ret pōdus decē librarū, caderet: quod nō faceret ba-
 iulus cum pondere decē milliū librarū. Cū igitur
 virtus sit valida, isti morbi nō erūt lethales, bene e-
 rūt longi: & in longitudine cū multa noua possint
 cōtingere, timedū est ne febris fiat habitualis, &
 ne dolor inducat puellā ad virtutis debilitatē & ma-

ximam refrigerationem. Credo tamē quòd diligētia nostra nullum horum occurret. Quod ad curationem attinet, cū morbus iste sit ex repletionē, indicat de euacuatione. Sed quia non est simplex reindicans, ideo nec simplex oritur indicatio: vltra enim corporis repletionem, quæ debet euacuari, est caput imbecille, ex cuius imbecillitate repletur, & causantur dispositiones istæ: & præterea adest inæqualitas in hepate, & vetriculo. Ideo primò euacuandum est, secundò corroborandum. Quod ad euacuationem, cū bilis & pituita sint causa, siue cholera vtellina, quæ cholera maioris famæ ab Auicenna appellatur, sitq; crassus humor, debemus habere indicationes, & modum operandi, vt abstergamus & incidamus, quia habet crassitiē, & visciditatem. Cū ergo nō possit euacuari, nisi præparemus: possumus igitur præparare prius, & possumus etiam minoratiuum præmittere. Et mihi summopere placet, quia syrupi qui debent subtiliare humores & incidere, nisi ventriculus, & venæ mesaraicæ fuerint expurgatæ ab humoribus crudis, distribuerentur humores illi crudi per syropos ad venas, & putrescerent, & facerent febtem: ideo recte minoratiuū præmittendum est. Euacuata autem materia illa cōmuni existente in vijs ductuum, ad digerentia procederem. Sed hic esset aliquis qui diceret: Tu vis incidere, sed ab oxymelite, & omni re quæ acetum habet, est cauendum, quia neruis nocet. Ego vidi Galenum I I I. κατὰ γένος, vbi loquens de aceto, & de ægritudinibus neruorum, dicit ibi: Cū ægritudo neruorum est in profundo, & virtus aceti non transeat cum medicina, acetum non timeas. Et in emplastris ad neruorū vulnera, vbi debet apponi aliquid ad penetrandum, ponit acetum. Nec timeas igitur (inquit Galenus) ibi
acetum

acetum, quia antequàm accedat ad nervos, amittet mordacitatē, & adiuuabit ad penetrationem. Si verò statim tangeret emplastrum nervos, caueas ab aceto, quia faceret conuulsionem. Cùm igitur in vulnere profundo per quatuor digitos non timeamus acetum, non timebimus in casu nostro acetum, tantò magis, quia melli, vel zuccharo est admixtū, & in ventriculo cum humoribus permiscetur: quia dicit Galenus de cepis, & allijs, quòd licet exterius vlcerent, interius tamen non mordicant, quia amittunt mordacitatem in ventriculo ex concoctionibus, & mixtione aliorum ciborum. Habet postea acetū vim incidendi, & mel abstergendi: ideo Mesues dixit de syrupo acetoso, quòd acetum facit penetrare medicamentum ad locū, ad quem fortè non penetraret. Ideo oxymel simplex aut acetosum cum syrupo de betonica acciperem, cùm ob incisionem, tum etiam vt faceret penetrare alium syrupum. & sic facerem:

℞. Oxymellis simplicis ʒ s.

Syrupi de betonica

Mellis rosati ana ʒ s.

Deinde acciperem decoctum betonicæ, endiuix: & quoniam calidum est oxymel, licet Galenus dicat ipsum potius frigidum esse, aquam endiuix miscerem vsq; ad ʒ iij. vt caliditas contemperaretur. Facta concoctione, nunquam ab agarico recederem, quia Agaricus vltra hoc quòd de benedictis medicinis sit, crassos humores educere potest, si cum aloë, vel rhabarbaro misceatur, & exhibeatur in forma boli. Nec sum ego illius opinionis, vt credam, cùm volumus à longinquo euacuare, in forma potabili exhibenda esse medicamenta: cùm autem à capite volumus euacuare, in forma pilularum. Credo ego quòd fundentur in falso fundamēto, & contra Galenū i i.

K

de facult. nat. in v. de simp. medica. & in 11. vbi vult
quòd humores trahant ad ventriculum, & ventri-
culus imbuat illa qualitate, vt sopita propria ipsius
actione, attrahat humores ad se: nec vapores aut me-
dicamenta ascendunt, sed manet in ventriculo me-
dicina, & trahit. Cùm igitur volumus exhibere me-
dicinam, vt facilius expellatur, nec potenter eua-
cuet, facimus eam in forma potabili: si verò vt po-
tenter euacuet, nec ita de facili expellat, potius op-
positum esset faciendum: ideo vel in forma potabi-
li, vel boli, & cum rhabarbaro exhibere, ne tota ma-
teria, si esset intentio, & opportunum esset, euacua-
retur, vt paulatinè euacuemus, & paulatinè digera-
mus. Factis euacuationibus, & replicatis syrupis eos
augendo, cùm videbitur materia concocta, accede-
rem ad corroborationem membrorum, & præserua-
tionem. Primò ergo respicerem ventriculum, & he-
par, & si non esset caput exquisitè euacuatum toto
corpore euacuato, quia multoties figitur materia in
loco, & localibus indigemus, caput purgijs etià vten-
dum erit, & post succum betæ, maioranæ, ad succum
cyclamini accedere per nares trahendum. Facerem
masticatoria, cum mastiche, dictamno, & radicibus
capparis decocta. Et quia radix hæc amara est, cum
staphisagria, vel pipere fieri posset: & ita vellem ca-
put localibus euacuare. Inspergerem præterea caput
cum sandaracha, rosis, maiorana. Et pro corrobora-
tione hepatis & ventriculi, si chebuli myrobalani
haberi possent, essent optimi ad corroborandum e-
tiam iuncturas: si non possent haberi, zuccharum ro-
faceum esset conueniens pro corroboratione hepa-
tis, & ventriculi, & iuncturarum. Si etiam videretur
vt humores à iuncturis euacuarentur, fieri posset, &
materia eligeretur conueniens. Istis igitur proui-
disse-

dissemus. Et quia longa est ægrotudo, & membra affueta sunt mandare, & recipere, ut corroborentur tam membra mandantia, quam recipientia, ne diutius repleantur superfluitatibus membra, & fiat recidua, ter vel quater in mense pilulam vnam ex aloë cum rhabarbaro exhibere. In æstate verò modicum cassiæ cum rhabarbaro, & etiam sana ipsa existente id fieri posset. Et istud est iter, quo ego procederem. Quo ad victum, cum ægrotudo sit chronica, & debilitentur membra, vinum leue conueniret. Et quod dicitur vinum nocere nervis, veritatem habet de potenti, & de assumpto in magna quantitate: conuenit autem ne stomachus debilitetur. Ideo tenue vinum darem, non album: licet Galenus album exhibeat, ut prouocet urinam. Nos autem eligemus ciresolum, vulgari sermone rosseto nuncupatum. In reliquis recte se habeat. Factis autem euacuationibus, nūquid modicum theriacæ vel Mithridati cum modico zucarosati conueniret? Quæsiuit D. Marcus Alcherius ea de re, & conclusum fuit quod sic, in modica quantitate, puta ad quantitatem fabæ, & raro: quia dicebat Montanus ex Galeni sententia, medicamenta ista non conuenire pueris: ex hac enim medicina concoquetur materia, corroborabuntur membra, & materia resoluetur. Et pro corroboratione cerebri, & cordis proposuit Diamuscum dulce cum corallis rubris, & cum zuccharo, & aqua rosacea, ut fieret confectio: Pro confortatione autem iuncturarum proposuit fomentationem ex lacte, cum rosis, floribus camomillæ, & meliloti. Vnctionem etiam ex radice ebullorum ad quantitatem $\frac{3}{4}$ j. cum olei rosacei $\frac{3}{4}$ vj. ad consumptionem tertię partis. Et ultra confortationem ad resolutionem materiæ existentis in iuncturis, proposuit vnctionem ex olei rosati $\frac{3}{4}$ ij. & olei de

terebinthina $\frac{3}{4}$ j. Superius minoratiuū. fuit prætermiffum, quod tale est:

Rx. Electuarij lenitiui $\frac{3}{4}$ j.

Cum zuccharo fiat bolus. vel fiat potabile hoc modo:

Rx. Electuarij lenitiui $\frac{3}{4}$ j.

Syrupi rofatiolutiui $\frac{3}{4}$ j.

Cum aqua cichoreæ quantum fufficit, fiat potio.

Consult. XXX. De apoplexia terminata in paralyfin dextri brachij & cruris, cum diminutione eorundem partium, pro nobili Illyrico.



IC nobilis vir accessit in Italiam cum literis etiam Regijs subscriptis manu Ferdinandi, quæ iubent subditis, ac rogant exteros, vt pro viribus suis iuuent strenuum & egregium hunc militem, hanc præcipuè ob causam vt curetur à paralyfi, quam ipse dicit se habere in dextro brachio & crure: & dicit eas partes plus cæteris diminutas, ita vt suspicetur ne tandem destruantur & deueniant ad sphacelismum vel syderationem, & ita pereant. Licet autem hoc præcipuè petat, queritur tamen etiam de quibusdam cōsequenti-
bus anno elapso, incidissè se ait in quādam apoplexiam, ex qua remansit hæc paralyfis. Sed ante hoc tempus passus est varia symptomata, quæ omnia nascuntur ab vno eodemq; principio, videlicet à destillatione catarrhi à capite in partes subiectas, quæ facit diuersa symptomata, prout in diuersas partes descendit. quandoque ad iuncturas & brachia descendit, vt non possit mouere: aliquādo ad ventriculum, & habet appetitum vomendi, non vomit tamen, sed longo tempore continuè expuit pituitam. Et dicit

vnum

vn̄um animaduertendum, quòd cū à medicis purgatus esset & missus sanguis, incidit in difficultatem omnium motuum: & cū mitteretur ad balnea & ingrederetur, secuta est diminutio sensus & motus, & omnium virium prostratio, quæ diu durabat, ita vt tantū ossa & pellem habere videretur. Id totum medicorum culpa factum ait, se autem interim non conualuisse. Vtrum hoc modò sit ex vitio medicorum, nec ne? Ex pituitæ multitudine esse ortū constat: est enim subiectus maximè pituitę generationi, quæ tota à capite orī: quia ipsemet à capite descendere sentit. Cōqueritur & de alijs, sed hæc sunt præcipua, ad quæ reliqua consequuntur¹. Vnum aduertendum est, quod possumus conijcere ex habitudine totius corporis, ex ratione victus præcedentis, quòd habet caput valde subiectum generationi pituitæ, hepar præcipuè calidum: nam ex colore, habitu corporis, amplitudine venarum, hoc hepar calidum ostenditur. Qui autem habent hepar calidum, subiecti sunt multis euaporationibus ad caput, & de stillationibus. Et reddit rationem Galenus I I I. de locis affectis, de dolore capitis, cur faciliè omnem repletionem capitis patiantur. quòd si caput etiam humidum fuerit, eius etiam ratione plura excrementa aggregantur. Et ideo non mirum est, si hic vir fuerit subiectus plurimis destillationib. & repletus pituita generata in capite, quæ mucus propriè vocatur à Galeno, cū distinguitur à pituita generata in ventriculo. Habet igitur ortum hoc ex naturali dispositione: & quidem signa sunt tale fuisse caput. Refert autem ipse, quòd à principio ortus habuerit plurimas excrementas circa caput: primò nodum quendam seu duritiem circa oculum dextrum, quem incidere oportuit, vt adhuc ex cicatrice apparet: in ea

parte postea paralyſim paſſus : in parte ſiniſtra alias habuit excreſcentias, quæ quales fuerint, nescit cōmodè exprimere, cū interdum nō ſit idoneus. Cōſuetus eſt plurimum expuere, & varias paſſus eſt ægri- tudines ex deſtillatione catarrhi. Sic conſtituto corpore, exercuit artem militarem, & gladio multa acquiſiuit: habet (vt aiunt) x x x. caſtella, quorū maiorem partem gladio acquiſiuit, vir ſtrenuus, & qui multa animi accidentia paſſus eſt, ſeditiones cum alijs & bella inteſtina, & in ijs amiſit multa, multa etiā ab alijs acquiſiuit. Ad hæc acceſſit ratio victus: plurimū bibit, nec enim etiam cū moderatiſimè bibit, bibit minus ampla ſitula, & tamē quærebat utrū ſufficeret. Ego, quia in tempore ſanitatis decuplo plus ſe bibere dicebat, permiſi ratione conſuetudinis. Plurimū igitur bibere ſolitus, & optimè viuere: nam bene accōmodatus eſt in omnibus rebus. Nam interdum habet cētum currus vini optimi. Acceſſit igitur ratio victus, quæ diſpoſitionē naturalem corporis iuuat, & nunc eſt in tempore ætatis paracmaſticæ, & eſt x x x. annorum, in primo ſenio, vbi deficit calor. Et quia ſic vixit, & corpus cōmodum ad ægri- tudines habēs, nō mirū ſi inciderit in tam leuem apoplexiam, ſi modò apoplexia fuit: ea non amplius laborat, ſed tantū cū aliquid molitur, adhuc paritur vertigines, quæ ſunt, vt & reliqua ſymptomata, ad imbecillitatem capitis referenda. Ab ea apoplexia curatus, nunc habet paralyſim, quæ potius eſt ex relatione ſua, quā ex ijs quæ apparēt, quod cognoſcatur. Dicit membra lateris dextri minora, ſed non apparet: nam etiam filo meſuram accepimus. Dicit ſe habere difficultatem in motu, illud nos credere neceſſe eſt: ſed video tamē non minus regere gladiū in omnes partes, quā aliquis validiſſimus. Sed di-

cit

eit se in eo motu magnū laborē pati in ijs partibus,
 & in omnibus articulis impedimentū: nihilominus
 validissimē mouet. Pollex aliquanto magis illi à ma-
 nu diuulsus in vtraq; manu, maximē tamē in dextra:
 fortē in situ eius digiti morbus est, quanquā nescio
 an id sit ei naturale. Est præter hoc vnū aliud: multa
 imaginatur quę nō sunt. Diebus elapsis cū optimē
 haberet, quidam amicus ad eum accedens, manus il-
 li cōpressit, & post ipsā cōpressionē deterius se ha-
 bere ait, cū tamen non possumus aduertere. Habet
 & oculos truces, qui significant animi intentionem
 acrē: & ratione ætatis x x x x. annorū, & etiam tem-
 peraturę, abūdat humoribus adustis, quę omnia ob-
 seruanda. Tota hac hyeme, & à principio cū nihil
 aliud cogitarē, semper protestatus sum me solum nō
 aggressurum curam illius: & quanquam erāt qui illi
 persuadere vellent, vt tum inciperet, & illi integram
 sanitatē pollicerentur: ego tamē nolui eam aggredi,
 nisi in vere, & quidē non solus facere volui. Est obe-
 dientissimus, omnia facit quę iubent medici, & di-
 ligenter, vultq; curari. Tota hyeme vnctiones & lini-
 menta habuit, pilulas item ex hiera, rheubarbaro,
 & agarico diuersas, sed dimittere coactus, quia sim-
 plices melius operabantur & educebant pituitam,
 quod mirum est, ita viscidam, vt non possit auelli à
 pelui: abundat enim pituita maximē, vt si quod cor-
 pus aliud. Sed præter hoc habet aliud: circa regionē
 stomachi in latere dextro habet excrescentiam ali-
 quam, vt nodus vel scirrhus: est tumor languidus,
 qualis est in herniosis. Nescio an sit hernia ventris
 prope ventriculum, ita vt siphac, vt Arabes vocant,
 vel peritonæum ruptum, & aliquid omenti excidit,
 quod faciat herniam, sicuti solet fieri in partibus in-
 ferioribus. Quod si non est, difficillimū erit dicere

quódam genus excrescentiæ sit. Non est scirrhus, nec glandula: si quid est, erit hernia, & quidem est casus valde rarus. An possit curari? Quo ad morbum, diceré facilem curatu: quia paralyssis leuissima, sine deperditione sensus, nec cum ablatione motus est. Magna enim dicitur paralyssis, cum amissione vtri- usque: parua, cum perditione motus. hæc est tantum cum diminutione motus, vt ipse dicit. Sed habet alia difficilia: est confirmata paralyssis, & sequuta apoplexiam: nec curatus est, cum tentatet curam tempore morbi recentis: est in primo senio in ætate paracmastica: caput habet perpetuò generans pituitam: nec satis per omnia obediens, quia si vinum prohibeas, vitam adimes: & si parum bibat respectu consuetudinis, multum tamen est ratione morbi, & parum se exercet. Hæc impediunt curationes vt metuum: ideo anceps sum propter rationes ancipites. Si mihi tamen curandus sit, vt hodie est, sic aggrederer curationem. Primò exquisitissimè purgarem, & ideo maturè incœpi, vt non vna vice, sed vt pluribus euacuare possim. Accepit minoratiuum ex flore cassiæ, quæ eduxit pituitam plurimam cum bile non pauca. Iam syropos accepit non paucos de betonica & cichorea, ad concoquendam bilem & pituitam: quia vtrumq; respexi in decoctione materiæ: & bene conferunt, quemadmodum ipse dicit. Purgarem cum euacuantibus pituitam, cum cōfectione hamech, vel pilulis cochijs, vel aggregatiuis, & cum his in quibus agaricus & colocynthis ingreditur, quæ educunt pituitam & humores crassos, & simul respiciunt ad humores crassos, & ad humores adustos, habent enim scammoniū, & myrobalanos. Ideo idem est apud me dare hoc vel illud, quia eadem intentio est euacuare humores crassos & adustos. Semel pur-

purgato corpore, post aliquot dies iterarem euacuationem, & postmodum ubi tempus balneorum aduenerit, ad thermas eum mitterem: est enim corpus, quod aptissimum est ut accipiat eas secundum omnem modum administrandi. ventrem, ventriculum sesquipedalem habet, aptus est ut bibat: & quam hepar calidum est, non tamen ita poterit nocere, si præsertim muniamus & defendamus hepar refrigerantibus, uti consuetum est. Habet caput humidissimum, aptissimū ut accipiat stillicidium. Et quia de iuncturis etiam queritur, nataret in ijs, & uteretur etiam tutò. Quid post balnea faciendū sit, postmodum scribemus, cum intellexerimus quid balnea profecerint. Sed quia imaginatur multa, oportet attendere humorem melancholicum, quem abundare video, quod etiam ipsa facies indicat. Sed quid de eo faciendum sit, tempus indicabit, ubi primò euacuauerimus. Vnum omisi, quod ad sanguinis missionem attinet. Dicerem mittendū quamcitissimè: sed vnum est quod me impedit: dicit se antea ex incisione venæ incidisse in priuationē sensus & motus, atque ita defecisse, ut tantū ossa & pellis remanerēt. Id sanè siue sit imaginatio quædā, siue verum sit, ita ut sit secta vena à medico imprudētior, humoribus crudis abundantibus in corpore, qui attracti ad venas illa symptomata excitarunt, tutius erit eum primò euacuare à pituitoso humore, & postea videre de missione sanguinis. De casu virtutis nō est quod vereamur: est corpus robustū, & facilè se poterit recreare, ubi semel atq; iterum biberit: habet optima vina, nec est quod properemus in eo: vult enim in consilijs medicorum consistere, donec integre sanetur.

K 9

Consult. XXXI. Pro eodem nobili Illyrico.

Vratio, quæ in tota hac hyeme est facienda à sua D. modò infrà scribetur. Primò omni diligentia conabitur sua illustrissima D. habere rectam rationem vietus, sine qua sanitas acquiri non potest. Cauebit igitur quàm maximè ab aère frigido & ventoso: & exercebit corpus suum mane & serò ante cibum, saltem per horam, exercitio mediocri, vel deambulando, vel equitando, vel alio motu se mouendo, donec totum corpus calefiat notabiliter, & maiorem faciat anhelitum: postea quiescat circa horam saltem dimidiam: deinde sumat cibum, qui quidem sit in quantitate quantum S. D. bene ferat, seruata sua consuetudine, & natura. Sed sit ille cibus vnicus, & simplex: multitudo enim epularum destruit vires ventriculi, malosq; & putridos humores in toto corpore generat. Vinum eligat album, vel rubeum, clarum, quod sit purgatissimum, limpidum, & transparens, nò dulce, neq; acidum, sed medijs saporis, quod bibat temperatè. Et ante omnia caueat ne inter cœnâ & prandium bibat, hoc enim illi maximè nocet. Carnes, quas comedet, erunt vitellinæ, hœdinæ, cuniculorum, gallinarum, caponum, perdicum, & auium campestrium. A carnibus antiquis, vt est bubula, omnino abstinabit, & à carne porcina, siue recens, siue salita fuerit. Item abstinabit ab omni genere piscium, à pastilibus, à lacticiinijs, & præcipuè à caseo. Sit contentus prandio tantum & cœna, nil vltra comedat siue noctu, siue interdiu. Quotidie curet habere beneficiū alui: quod si defecerit, & rarò fæces emiseric, vtatur aloë non lota vna hora ante cœnam pondere scrup. duorum tertio quoq; die in forma pilularum. Ab vsu
veneris

reneris absteineat: est enim ægritudini suę quamma-
ximè aduersus. Hac ratione victus adhibita exactè
singulis septimanis caput abluet circa horas vesper-
tinas more infra scripto. Fiat lixiuium satis acre ex ci-
nere forti, & in eo lixiuium decoquantur folia maio-
ranæ, stæchados, rosarum, radices asari, & facta de-
coctione & expressione dictarum herbarum, postea
accipiatur quantitas lixiuij quæ est necessaria pro
vna ablutione, & in ea imponantur drachmæ duæ a-
garici incisi, & inuoluti in panno lineo, & bulliat ali-
quot ebullitionibus, postea fiat fortis expressio, &
colatura. Et ex hoc lixiuium lauet caput, & barbam,
cum sapone odorifero & muscato. Item singulis die-
bus in introitu lecti vngat omnes vertebrae colli in
ea regione, quæ dicitur nucha, & declinet cum ea-
dem vnctione ad totam spatulam dextram, & bra-
chium. Vnctio erit infra scripta, & adhibebitur hæc
vnctio calefacta:

℞. Olei vulpini antiqui

Nardini

De costo ana $\frac{3}{4}$ j.

De euphorbio $\frac{3}{4}$ s.

Misce, & vtere, prout dictum est superius. Item sin-
gulis diebus comedat vna hora ante prandium rotu-
las duas ex confectioe infra scripta:

℞. Garyophyllorum optimorum

Nucis muscatæ

Cinnamomi ana \mathfrak{D} iiij.

Zedoariæ

Zingiberis ana 3 s.

Piperis longi

Albi ana \mathfrak{D} j.

Puluerizentur omnia per se, deinde misceantur cum
saccharo albo, & aqua betonicę, fiat confectio in ro-

tulis pondere drach. duarum, de quibus singulis vicibus duas accipiat, prout dictum est. Item

R. Agarici electi ʒ s.

Aloës 3 ii.

Nucis muscatæ

Cinnamomi

Garyophyllorum ana 3 j.

Puluerizentur omnia per se, deinde misceantur, & cum syrupo de stœchade fiat magdaleon, de quo singulis vicibus formentur pilulæ pondere drachmæ vnius, sumendæ in aurora, in septimana semel, & eo die custodiat se ab aëre, & ab omni motu corporis, aut animi. His ita peractis accedet, Deo adiuuante, ver, in quo fortasse cum diuino auxilio se sanum percipiet. Sin minus, eadem diuina fauēte gratia aggrediemur perfectā curationem, quam polliciti sumus, ad laudem Dei omnipotētis, qui viuit ac regnat per infinita secula seculorum.

*Consult. XXXII. Pro eodem, continens
curationis factæ ordinem.*



Irca principiū hyemis M. D. XLVI. accessit ad nos nobilissimus ille vir Illyricus natione, cum paralyfi diminuta totius dextri lateris, præcipuè tamen manus & brachij, qui quemadmodū ipse referebat, plurima varijs in locis expertus fuerat, diuersorum medicorum vsus ad suam salutem recuperandam opera: habuerat etiam Venetijs peritorum medicorum consiliū. Quibus omnibus ita instructus cū ad me tandem peruenisset, intuitusque essem anni tempus atq; aëris constitutionem frigidam, in qua versabamur, etatem decidentix (agit enim XL. annum) morbi speciem nō tantū natura frigidi, sed etiam longo tem-

o tempore confirmati, nolui tentare curationem,
 quam ego eo tempore desperabam. Et ita planè &
 xplicitè quemadmodum sentiebam, suæ Domina-
 tioni declaravi, talem curationē tunc omnino non
 esse tentandam: ideo ei persuadebam, satius esse ut
 in patriam abiret, rediturus deinde tempore magis
 opportuno. Cumq; D. S. decerneret se hīc actū-
 am quod ego consulerem, quantum ad curationem
 attineret, præstare iudicavit tota hyeme morari po-
 tius in Italia, verno tempore postea curandū, quā
 tantum itineris eundo & redeundo frustra confice-
 re, à me petens interim, ut quæ expedire viderentur
 mihi, saltem ad præservandum corpus in tota hye-
 ne diligenter præscriberem. Cui rei cū esset planè
 satisfactum, aduentante tandem vere curationē ag-
 gressi sumus, consilio etiam simul adhibito alterius
 excellentissimi medici. Nunc tandem à me petit il-
 le idem Illustris dominus, ut sicut præscripsi quæ ad
 præservandū facerent in præterita hyeme, ita nunc
 describā, quæcunq; & ego & alter medicus ille con-
 suluimus pro curatione à principio usq; ad finē, ni-
 hil omittentes omnino, & aliud addentes quæcunq;
 facere deberet post curationem, quod iam à princi-
 pio commemorabitur. Volentes igitur huic suæ pe-
 titioni satisfacere, dicimus consilium nostrum hoc ve-
 re esse, totum corpus primò exquisitissimè purgare
 & missione sanguinis, & pharmacia. Deinde purga-
 to corpore, ad attenuanda & corroboranda mem-
 bra pituitoso humore refertissima, primò Apponen-
 ses aquas biberet, deinde in ijsdem lauaretur, deniq;
 vapores quoq; & lutum earundem thermarum affe-
 ctis membris applicaret. & ex hac curatione speraba-
 mus illud commodè successurum, quod in tali casu
 succedere potest. Sanguis igitur missus fuit à com-

muni vena nō quidem dextri lateris, ne ad affectum
tota materia traheretur, & totus etiam affectus per
sanguinis missionē magis etiam refrigeraretur, sed
sinistrum potius elegimus. Euacuationes verò fue-
runt infra scriptæ. Pro minoratione accepit:

℞. Floris cassiæ ʒ xij. Cum saccharo fiat bolus.
Deinde syrupos:

℞. Syrupi de cichorea simplici

De betonica ana ʒ j.

Aquæ Iuæ arteticæ ʒ iiij.

Misce pro vno, & sic pro alijs septem. Post septem
syrupos, sequentem habuit medicinam:

℞. Cassiæ ʒ j.

Confectionis hamech ʒ s.

Misce, cum zuccharo fiat bolus, accipiendus in auro-
ra cum custodia. Post hanc pro vberiori præserua-
tione sequentes sunt ordinati syrapi:

℞. Syrupi de betonica

De cichorea

Oxymellis simplicis ana ʒ vj.

Decocti betonicæ

Cichoreæ ʒ iiij.

Misce pro vno, & sic pro alijs. Post septem syrupos
iterum exhibita est medicina:

℞. Floris cassiæ ʒ vj.

Confectionis hamech ʒ s.


Decocti betonicæ

Cichoreæ quantum sufficit.

Misce pro potu.

CON-

Consult. XXXIII. De destillatione à capite, ulceribus, animi deliquijs, epilepsia, imaginationibus melancholicis, & alijs plurimis, pro Marchione quodam Montisferrati.



Vpposita tali téperatura nobilissimi viri, qualem audiuius, quæ dupliciter est inæqualis: primò secundum totum, cum recedat à temperamêto per calidum & humidum: secundò per membrorum nobilium inæqualitatem & contrarietatem: est enim, vt refertur, frigidioris ventriculi, & calidioris hepatis. Supposita inquâ huiusmodi temperatura, dicamus hoc corpus paratissimum esse ex propria sua natura ad multa magnarum ægritudinum genera, & perpetua præseruatione egere. Quandiu ergo fluebant hæmorrhoides & sanguis etiam è naribus, vtrunque magna etiam copia, vt intelleximus, & quandiu fistulam in ano apertam & fluentem sustinuit ob tales diuersiones, purgationes, & deriuationes, corpus hoc aliquantò melius habuit: vbi verò omnia suppressa sunt, non sine ratione destillationes, vlcera, animi deliquia, & fortè etiam accessiones epilepticæ, imaginationes melancholicæ, febres acutæ, pustulæ, & exanthemata in cute, stupores & grauitates capitis, aliaq; id genus successiue infestarunt, infestantque nobilissimum virum. His ergo omnibus multisque alijs, quæ proculdubio progrediente ætate succederent, nisi vita interciperetur, prouisurus, proponam duo cõmunia necessariò tam in præseruatione, quàm in curatione seruanda: primò diligentem victus rationem: secundò auxilia quæ haberi possunt, tum per pharmaciam, tum per manuum operationem. Quantum ergo ad victus rationem, circa aëris

qualitatem consulo, vt omnes vitet excessus tam caloris quàm frigoris: propterea æstate atq; hyeme regatur diligentius quàm temporibus medijs: æstati enim calor sanguinem adurit, & humorem præparat melancholicum: hyemis verò frigiditas auget ventriculi imbecillitatem, crudos humores & flatus generat, & in his omnia sunt semina ægritudinum. In vtroq; ergo excessu ea cura adhibenda est, vt æstat à caloris iniuria, in hyeme à frigore, quantū fieri potest, se muniat atq; defendat. Somnum & vigilias ita moderetur, vt longè magis inclinet ad somnum: longè enim præstat in tali temperatura somnum excedere, quàm vigilias. Nihil autè magis perniciosum sibi existimet quàm animi insignes molestias, siue fuerit ira, siue mœstitia, siue timor: hæc enim omnia tanquam venena caueat humores corrumpentia, membris principalibus perniciem afferentia, concoctionem omnem impediencia. Quærat igitur omni ingenio latè & iucundè cum gratis amicis viuere, occasionesq; omnes alterandi animi cuitet. Vsum veneris neq; omnino interceperim, neq; admodū concesserim: parcius tamen eius vsum eligerem ad excitandum potius corpus, quàm resoluendum. Caueat quammaximè ad venerem accedere vel post plurimos animi aut corporis motus, vel post ciborū plenitudinem. Studeat singulis diebus excrementa corporis reddere. Quòd si vel natura vel ægritudine fuerit impeditus, erunt remedia salutaria, vt tribus horis ante prandium vel tres drachmas terebinthinæ deglutiat, vel ius pulli, in quo decoctæ sint betæ, malua, mercurialis, & pruna dulcia, vel vt sumat cochlearia duo optimi aceti scillitici, vel vt manducet ac deglutiat drach. mediam optimi rhabarbari: hæc enim omnia excrementa alui optimè educēt, ac mem-

bra

ora naturalia sine læsione corroborabunt. Corporis
 autem exercitio, quantum fieri potest, congruis ho-
 ris incumbat, quæ erunt maximè matutinæ, sitq; ex-
 ercitij genus longum potius quàm velox, vsq; ad in-
 ignem anhelitus mutationem & cutis humectatio-
 nem: notumq; illi arbitror post exercitium munien-
 dum corpus ab aëris frigidioris iniuria, atq; in loco
 tepido quiescendum, neq; ad cibi sumptionem ac-
 cedendū, nisi vbi prorsus quieuerit anhelitus, & to-
 tius corporis aduentitius calor, ita vt omnia ad pri-
 stinum statum redierint. Quantum ad cibi potusq;
 rationem attinet, obseruetur præcipuè ne ingeratur
 nouus cibus, nisi pristinus prorsus concoctus fuerit
 & distributus. quo errore sicut pleriq; omnes delin-
 quunt, ita ab eo maximè cauendum est, tanquam ab
 omnium malorū fonte & origine. Accedat ergo ad
 cibum cum naturali fame, quod vt fieri possit, parcè
 comedat ac bibat tam in prædio, quàm in cœna: imò
 si bis in die comederet, corpus illud non toleraret,
 vt multi non tolerant. Laudarè vt potius semel tan-
 tum singulis diebus vesceretur, quàm assiduè impor-
 tunis cibis sibi cruditates & humorum putredines
 compararet. Et hoc caput est & fundamentum cura-
 tionis totius, sine quo reliqua omnia corruent, & ne-
 cessariò destruentur. Caueat etiam à ciborum va-
 rietate, ex ea enim prauitas concoctionis, putredo,
 cruditas, satietas nauseatiua, humorum malorum re-
 dundātia, & omne ægitudinum genus producitur.
 Sit ergo vnico cibo contentus, eligatq; qui optimi
 sit alimenti. Vinum quærat maturū, colore medium
 & subrufum, substātia tenuissima, lucidum, & trans-
 parens, neq; acidum, neq; adstringens, qualia multa
 sunt circa Mediolanum. De particulari autem ci-
 borum electione nihil dicendum arbitror, cūm ni-

L

hil vulgatius, nihil omnib. magis expositū sit, quàm ea maximè expetenda quæ sint optimi nutrimenti, & facilis concoctionis: credoq; hæc omnia suæ Dominationi iam vsq; ad fastidium inculcata. Hæc igitur satis erunt quantum ad totam victus rationem attinet. Reliquum est ad secundam partem propositam accedere, quæ circa medicationem & chirurgicas operationes versatur. Pro medicatione igitur compertum habemus, corpora inæqualiū membrorum perpetua præseruatione egere: quacunq; enim diligenti cura circa victus rationē adhibita, necessariò tamen pluribus excrementis redundant, quæ nisi optimè euacuentur, morbos pariunt. Ergo bis singulis annis hoc corpus euacuandum iudicamus, vere inquam & autumno: posseque euacuationem hoc ferme modo perfici:

℞. Floris cassiæ 3 x.

Rhabbari puluerizati 3 ij.

Misce, & fiat bolus cū zuccharo sumendus manè ante cibum. Sequenti die bibat infra scriptū syrupum:

℞. Syrupi de cichorea Nicoli completi

Mellis rosati colati ana 3 j.

Aquæ boraginis 3 iiij.

Misce pro vno, & sic pro alijs vsq; ad septē. Deinde accipiat huiusmodi syrupum, vel pharmacū potius:

℞. Confectionis hamech 3 iiij.

Syrupi rosati solutiui 3 ij.


Cum aqua boraginis fiat potus brevis, sumendus in aurora cum custodia. Quòd si fortè à potione pharmaci abhorreret, loco eius sumi possent pilulæ aggregatiuæ pondere 3 j. s. vel bolus confectus ex iisdē, drachmis iiij. Confectionis hamech cum diacatholiconis drachmis sex. Perfecta hac euacuatione, per quatuor subinde dies laudare vt manè & ferò ante

ò ante cibum vnciam mediam sacchari rosati deglu-
 ir. Quòd si etiam in purgatione veris post secun-
 dum syrupum mitteretur sanguis è basilica dextri la-
 teris, crederem hoc præstâtissimum fore. Et hæc pro
 annua purgatione. Pro membrorū corroboratione
 præstantissimum esset, si bis singulis mensibus, imò
 etiam ter fumeret tribus horis ante prandiū bolum
 confectum ex drachma vna optimi Mithridatici, &
 drach. quatuor zucchari rosati. A reliquo pharma-
 corum genere cōsulerem vt postea abstineret: neq;
 enim tot inculcare corpori præsertim debili profi-
 cium est, cum omnia illud habeant commune quòd
 humanæ naturæ aduersentur, secundum propriam
 substantiam. De stillicidijs, & potu aquarum ther-
 marū, dicam quod sentio. Primò stillicidia in com-
 missuris capitis prorsus respuo in hoc clarissimo vi-
 cò: est enim melancholicus, & augeretur exiccatio
 cerebri, quo nihil deterius melancholicis. Præterea
 caput, iudicio meo, destillationem illam nō patitur,
 quoniam suapte natura nō humidum sit, imò potius
 siccum: sed destillatio prouenit ob multū vaporum
 ascensum, quo caput iugiter repletur. Est autem hoc
 maximè commune: primò, vt quicunq; calidi hepa-
 tis sint, ad repletionē capitis sint paratissimi, quem-
 admodum affirmat Galenus tertio de locis affectis.
 secundò, quicunq; frigidioris ventriculi sunt, perpe-
 tuam habēt materiam crudorū vaporum per vias la-
 tas caput replentium. Non est igitur mirum, si cla-
 rissimus vir patiatur destillationes, quamuis etiā sua-
 pte natura sit sicci capitis, fortè etiam calidi. Quan-
 tum autem huiusmodi cerebri temperaturis stillici-
 dia thermarum sint aduersa, testatur Galenus sexto
 de sanit. tuenda. De potu verò thermarum, fortè si
 quæ essent téperatiores, non nocerent, cum & mem-

bra naturalia euacuarēt, & obstructions aperirent, & robur etiam adderent. Hæc tamen iuuamenta fluxa temporanea que essent, quibus postea succederet exiccatio ab omni thermarum genere inseparabilis: quā exiccationē quæ incōmoda vitæ consequantur, omnes medici norunt. Ex his facile est videre, quid ego de aquis thermarū sentiam. Quantum ad chirurgicam attinet operationē, laudo primū, vt quacunq; arte fieri potest, commodē fistula renouetur: plurima enim mala & orta & oritura arbitramur ex illius fistulæ suppressione. Quòd si etiā hæmorrhoides prouocarentur, quibus & antea fuit subiectus, fortè & fistulæ vicem supplerent. Sed præterea sum mopere laudo vt cauteria fiant, non circa humeros, imò in vtraq; tibia in loco consueto. Membra enim naturalia sunt illa, quæ patiuntur, & caput in consensum trahitur: & ideo auersiones circa inferiora sunt faciendæ, credoq; ex crurum cauterijs non mediocre successurū iuuamentum, præcipuè si reliqua quoque instituta conuenerint. Omninoq; illud concludimus, necessariò aperiendos esse plures veluti fontes, quibus redundantes huius corporis materiæ continuè deriuentur, auertantur, & expurgentur.

Consult. XXXIIII. De dispositione catarrhosa cum uentriculi imbecillitate, pro uiro

LVIII. annorum.



I bene considero casum huius Magnifici viri, cognosco semper fuisse, dum erat iuuenis, sanum & inculpate valetudinis, vt de nulla re conquereretur: sed succedente ætate, curæ illi maiores erāt, & aer in locis vbi degebat, deterior fuit, ideo passus est dispositionem præter naturā. Atq; ideo non confero rationē morborum,


borum, quibus affligitur, ad causam aliquam intrinsecam, seu temperaturam aliquam membrorum: quia, ut dixi, cum fuit iuuenis, benevaluit, & cum iam con-
 senuit, pessimè valet: est enim in secundo senio. Nam
 primum senium in septimo septenario, id est, anno
 XLIX. finitur: ipse habet LVIII. annos: senectus
 verò ipsa morbus est, sequuntur enim eius multa in-
 commoda, & præ ceteris in ea omnes coctiones fiunt
 deteriores: nam calor imbecillior cum sit, multipli-
 cantur excrementa, præsertim in eo qui non habet
 rationem senij, vel propter necessitatē, vel propter
 electionem. Nam, ut audio, fuit in infortunijs patriæ
 & bellis continuis, magnas curas animi habuit, ac
 mutatus in deterius, & ratio victus in cibo & potu
 commutata est, & non semper fuit eadem per omnes
 ætates eius. Ad has causas accedente senio, incidit
 primum in has ægritudines: nam queritur de ventri-
 culo, qui habet insignē frigiditatem quam percipit.
 Nec mirum si in hac ætate & tot causis accidentibus
 sunt cruditates, & pituita in ventriculo multiplica-
 tur, quæ facit frigiditatē: & quia flatuatur sæpe, ideo
 inflationes in vêtre superiore & inferiore percipit,
 ut multos emittat flatus & ructus, & ex illis emissis
 percipit iuuamentum, & cum flatus intercipiuntur
 interdum, ut exire nequeant, faciunt vertigines, sed
 subito transeunt, quia flatus est & statim evanescit:
 sed ubi materia crassior & crudior ad partes alias
 præcipitatur, ut ad colon intestinum, & ibi flatua-
 tur, nec exire potest, incidit in passiones colicas, &
 summis angustiis affligitur, donec educatur clyste-
 ribus. Quando in hypochondrio dextro vel sinistro
 acrem dolorem percipit, tunc postea urinas areno-
 sas emittit, quia materia quæ facit calculos, est pi-
 tuita, quæ postea adurit in renibus vel vesica ibi col-

lecta, vt docetur in libro de affectibus renum, quia ascribitur Galeno, sed reuera non est Galeni. Idec mingit cum dolore, quia calculi minuti adhuc existunt. Et aliud etiam patitur, cum flatus illi ad caput ascendunt, quod iam omnino est imbecillius redditum propter frigiditatē, & inde maximè patit̃ ab illis, & etiam propter debilitatē alimētum proprium non conficit, quo fit vt destillationib. laboret, quas omnes senes patiuntur. Hippocrates verò dicit, catarrhos in senibus difficulter curari: quod quidem à Galeno in cōmento exponit̃, difficulter, id est, nunquā. Quòd verò in hoc nobilissimo viro catarrhus destillet & defluat ad partē posteriōrē capitis ad occipitium, causa reddi potest, quòd illa pars sit in eo imbecillior. Nam semper in corpore est vna pars debilior quàm alia, etiam si nescimus causas, ideo dolores ibi ciet, vt nō possit mouere caput, & totum brachium dextrum: in sinistro nō tam insigniter cruciatur. Hæ sunt causæ omniū symptomatum: inter omnes tamen præcipua est senectus, ratione cuius multiplicatur cruditates, quæ occupant varia membra. Quòd autē integrè curari possit, difficillimū est asfirmare, id enim nō fiet nisi restituat̃ in iuuentutem. Iam accedit ad climactericū maiorē, quem cum euassisset Augustus Cæsar, sacrificauit dijs. Huius recordetur, & se regat, sicuti debet in hac ætate. Nunquā curabitur quin habeat catarrhū: nec erit eius ventriculus tam robustus, sicut fuit ante annos x x x. aut x x. sed tantū lucrabitur ex optimo regimine, vt melius viuat. Primū oportet vt habeat victus rationem conuenientem morbo & ætati, & vt curet coctiones ne generentur cruditates. Utatur cibis boni nutrimenti, & excrementi pauci, vt generent bonū sanguinem. Sit cibus facilis concoctionis, & non redundet in quan-

in quantitate, & non sit multiplex. Non bibat post
 prandium aut cœnam, nec statim à cibo dormiat, &
 cœnabit sicut fert natura. non tantũ nisi duabus ho-
 ris post cibum eat cubitum, interim sensim deambu-
 labit, vt bene descendat cibus. Manè surgat, & matu-
 tinis horis antequàm prandeat, se exerceat: ita enim
 reddet multum excremẽtorum, & plusquàm putet,
 quod illi multum ad rectam valetudinem conferet.
 Procuret quotidie beneficiũ alui vt habeat. Quan-
 tum verò attinet ad medicamenta, quandoq; autum-
 no & vere vacuatio generalis facienda. Sed si habeat
 rationem victus congruam, & præterea aliquo fami-
 liari vtatur remedio per interualla, vt hiera, vel cas-
 sia iũcta cum hiera, quæ melior quàm hiera sola, quo-
 niam hiera nimium exiccat, sicut & aloë, non erit o-
 pus illis maioribus euacuationib. & vniuersalibus,
 quæ extinguunt calorem naturalem. Accipiat quan-
 doque terebinthinam, quæ ad colicam & ad renes
 utilis erit, quæ etiam à Galeno laudatur in senibus.
 Quòd si vera terebinthina reperiri non possit, habe-
 mus laricinã, quam etiam Galenus accipiendam in
 eius locum dicit. Pro corroboratione ventriculi
 Diacalamenthũ bonũ est in senes: sed in tot crudita-
 tibus magis laudatur Diatrionpipereõ, quod etiam
 posset misceri cum saccharo rosato. Potest etiam ad-
 mittere lotionem capitis, & semper in lixiuio deco-
 quat 3 j. agarici, in quo valde acquiesco: lauetur
 autem vesperi caput, nec egrediatur postea ædes.
 Ex vsu balneorum nõ poterit non maximam habere
 vtilitatẽ, cùm maximis redundet cruditatibus. Si ve-
 rò quis timeret siccitatẽ, ne ex harũ thermarũ potu
 accederet, dico quòd ea non potest fieri, si tẽperatẽ
 sumat, & paucis diebus, quia tunc minus exiccabũt.
 Destillatoria laudo, & caputpurgia, ac masticato-

ria. quòd si mastichen mastica bit quotidie, maximè laudarem, quia diuerteret materiam à parte posteriore ad anteriorem: nec noceret, etiam si quandoq; ad ventriculum descenderet, quia illi etiam conuenit. His non sufficientibus ad cauteria tanquam ad sacram anchoram deuenirem.

Consult. XXXV. De suppressione mensium, cum grauitate capitis, pro Magnifica muliere.



Voniam casus huius Magnificę mulieris futurus est omnino longus (quod illam intellectu rã opto) & molestus, ideo erit diligenter ineunda ratio curandi illam. Et hoc velim sibi penitus persuadeat, hanc rationem non assecuturam suum effectum, nisi longissimo tempore: quoniam difficiles morbi non curantur pauxillo momento tẽporis: nam hoc omnibus perspectum est, quòd breui tempore, nil bene efficitur. Hoc ergo pro constituto & supposito habeat, se non liberam euasuram ab his dispositionibus quibus afflicta tur, nisi diuturnitare temporis, aliter meũ consilium non penderet nucem cassam. Hoc existente fundamento, dico principalem partem curationis suę, consistere in recta ratione victus. Et ideo circa aẽrẽ hęc diligenter aduertat, vt effugiat aẽris frigiditatẽ, ventos cuiuscunq; qualitatis, & maximè nocturnum aẽrem, nec habitet in locis humidis & subterraneis, & ne prope accedat ad ignẽ, maximè verò capite. Præterea consulo, vt lauet caput semel tantũ in septimana, cum lixiuo dulci, in quo decocta sit camomilla, malua, betonica, & maiorana: & exiccabit caput pannis lineis mediocriter calidis, non multum fricando, sed suauiter exiccando. Hora verò huius lotionis erit commodior vespertina quàm matutina.

Inter

Inter omnia maximè euitabit molestias animi, & irā, quoniam hæc citissimè vitam eripiunt hominibus. Præterea exercebit se moderatè manè, vel domi res domesticas tractando, vel foris deambulando: hoc agat prout illi cōmodius. Item studebit vt omni manè alius saltem semel respondeat: et si alius non fungetur munere suo, accipiat quartā partē vncię vnius terebinthinæ per horam ante cibū, quod eam iuuabit in his suis affectibus non mediocriter. Circa cibum, quamuis iam habeat modum viuendi sibi præscriptum in tam diuturno affectu, tamen ego dicam ea quæ sunt magis principalia, & maximè de vino, quod vt cōmodum sit, multū refert. Habeat ergo vinum pauciferum, clarum, & transparens, subtile, non intensi coloris, optimè maturum, & ante omnia ne sit austerū. Et de tali vino in prandio & cœna bibat mediocriter, quod non sit actu frigidum, & ideo igni pauxillū adhibebitur, vt illa frigiditas actu existens, repellatur. Varietatem ciborum euitabit: vnicō cibo contenta sit. Fugiat carnes antiquas, vt sunt bouinæ, castratorum antiquorum, aues aquaticas, vt anseres, anates, carnes porcinas tam recentes quàm salitas, nec pisces cuiuscūque generis comedat, nec caseum, nec pastilia. Sed cibus suuserit, pulli, caro vitulina, oua recentia, far, spelta, hordeum, & milium præparatū in optimo brodio. Pro insalatitio comedat aliquando cappares, cichorium, boraginē, & lactucas coctas. Et hic erit suus modus viuendi. Circa verò medicamenta hoc obseruet, vt bis purgetur in anno, hunc in modum:

R̄x. Floris cassiæ $\frac{3}{4}$ j.

Specierum hieræ 3 ij.

Cum zuccharo fiat bolus, detur tribus horis ante prandium. Deinde

L 5

R̄. Syrupi de cichorea Nicoli cum rhabarbaro.

Byzantini completi ana $\frac{3}{4}$ j.

Brodij pulli, in quo decoquantur radices petroselini, $\frac{3}{4}$ iiij. Misce pro vno syrupo sic pro alijs. Finis istis syrups, accipiat infra scriptam medicinam:

R̄. Confectionis Hamech $\frac{3}{4}$ iiij.

Syrupi rosati solutiui $\frac{3}{4}$ iiij.

Cum aqua boraginis fiat potio brevis. Detur in aurora cum custodia. Præterea laudo ut acceptis duobus syrups primis, secetur vena basilica brachij dextri: & si hæmorrhoides apparerent, maximè laudarem, ut aperirentur appositis sanguisugis, & postea statim reciperet fumum ex aqua, in qua bullierit camomilla. Item consulo ut sepius utatur zuccharo rosato: ut si singulis diebus acciperet $\frac{3}{4}$ s. zucchari rosati ante cibum, vehementer laudarem. Item semel vel bis in septimana accipiat drachmā mediam rhabarbari, vel masticando illud, vel puluerizatū miscendo cum $\frac{3}{4}$ j. vuæ passæ, vel cum zuccharo rosato. Et hic modus est præseruandi hanc Magnificam dominam ad vernum tempus: quo tempore, si placuerit suæ Magnificentie, me certiorē reddat de valetudine sua.

Consult. XXXVI. De catarrho, in quo periculum de tabe, pro nobili Veronensi.



IC nobilissimus vir factus est ferè tabidus ob copiam catarrhi defluentis à capite ad pectus & stomachum, vnde extenuatio & macies totius corporis sequuta est, liber tamen ab hæctica febre existit. Cuius ut verā curationē instituamus, principio operæ precium est caput exiccare, pectus deinde corroborare, quod vtrunque futurum credimus materiae euacua-

cuatione. Pro capitis exiccatione puluis sequens toti capiti aspergatur:

℞. Sandarachæ	℥ iij.
Maioranæ	
Rosarum rubearū	ana ℥ vj.
Seminū ocimi	℥ ij.
Ladani	℥ iij.

Puluerizētur omnia per se, deinde misceātur. Quòd si non esset præsens puluis tantæ efficacix vt inde aliquod iuuamentum sequeretur, vtatur sinapismis, Galeni descriptione v. methodi, ex stercore columbino. Pro stomachi confortatione vtatur sãpissimè zuccharo rosato. Pro catarrhi lenitione, & confortatione pectoris, melle rosato. præterea vtatur Diacodio confecto in hunc modum:

℞. Caputum papauerū	num. xx.
Siliquarum dulcium	℥ vj.
Liquiritiæ rasæ	℥ iiij.

Eximantur è siliquis grana, & decoquātur postea omnia in libris x i i. aquæ purissimæ ad consumptionem trium partium, vt scilicet remaneāt lib. iij. Deinde colentur, & exprimantur. Postea

℞. Penidiarum	
Zucchari candi rosati	ana lib. s.

Decoquantur omnia simul ad consistentiam mellis, & sumat de hoc electuario cochleare vnū in introitu lecti. Præterea pro euacuatione catarrhi sumat singulis mensibus bis aut ter hunc bolus:

℞. Specierum hieræ simp.	℥ ij.
Floris cassiæ	℥ j.

Cum zuccharo rosato fiat bolus.

Aquam bibat in qua cocta sit farfara, & eam misceat cum oxyfaccharo. Fiat etiam lixiuium forte, in quo decoquatur agaricus, quo lauetur caput semel

vel bis etiā in septimana. Diebus intermedijs aspergatur puluis iam ordinatus. Per nares attrahat decoctum iridis, arantiorū, aut maioranę. Postremò fiant fontanellæ in brachijs per transfuersum, & in cruribus per directū diuertentes, vt quæ non profunt singula, multa iuuent, vt saltem aliquid diuertatur. Vesicatoria si fierent in capite, mirum in modum mihi placerent. A cauterijs autē capiti adhibendis, etiam si viderim in his magnos effectus, abhorreo: nam rarò commodè fieri illa posse scio, & vt bene fiant magnum semper adest periculum. Et vidi ego Venetijs puellam iuuenem, & Patauij scholarem etiam adolescentem, vtrunque in catarrho non desperato, post cauteria facta miserè interiisse, cū tamen ab excellentissimo chirurgo & sine dolore fierent. Huius verò causam existimo fibras illas duræ matris transeuntes meatus cerebri, & alligantes cerebrum cum nervis cōmixtis, qui sunt valde sensibiles, vnde facta adustione in cauterio ad os vsque, illæ partes facilè læduntur, ad quod sequunt̃ spasmi. Præterea sunt quedam capita, quæ futuras habēt valde largas, per quarum cōmissuras maiores etiam duræ matris portiones transeūt, quæ proinde facilè læduntur. Si tamen hæc cauteria in capite bene fiunt, & non læduntur, aut aduruntur nervi, valde profunt, sed est magnum periculum. Et propterea Galenus in tota cura catarrhi, nunquam dignatur nominare cauteria, sed tantū vesicatorijs vtitur. Arabes tandem, qui sua omnia habent ex Galeno, cū viderent vesicatorijs se parū proficere: nam ea quæ recitat Galenus, de stercore columbino, & alijs, vt cantharidibus, quia cantharides molestiores sunt propter mictū sanguinis, ideo ad cauteria transfuerunt, relinquentes vesicatoria: Arabes enim erant ignari anatomix, vt quę lege
apud

apud illos prohibita fuit : & eam quam sciunt, videmus esse fragmenta ex Galeno collecta : & proinde hæc non ita diligenter considerabant. Sed de his haec tenus sufficiat.

consult. XXXVII. De tremore, ophthalmia sinistri oculi, & reliquis ortis uitio cerebri, pro matrona Leonora Sacrata Flischa.



Vditi & diligenter consideratis affectibus omnibus, quibus infestatur nobilissima matrona Leonora Sacrata Flischa, iudicauerim primam originem esse in cerebro, propter paucitatem & malitiam spirituum animalium, non sine tamen materia aliqua frigida descendente ad partes affectas. Materiam autem descendentem, malitiam, & paucitatem bonorum spirituum fieri ob cerebri frigidam intemperiem. Et quod ita sit, coniecturas habeo: primò imbecillitatem omnium intrinsecarum actionum, quæ cerebro propriæ sunt, sicut ingenij, memoriæ, & cogitationis : non enim actiones remittuntur, nisi ob intemperiem frigidam cerebri, præcipuè si humiditati cõiuncta fuerit. Cùm ergo animalis virtus in cerebro sedem habens, siue siue spiritus vehiculo subitò, tanquam solis radius omnes corporis partes illustret, sensumq; ac motum adferat, siue vehatur spiritu (hoc enim apud illustriores Medicos non sat compertum habetur) constat tamen sine animali spiritu, siue præcesserit, siue comitetur, nihil agere posse, vel sentiendo, vel mouendo. Sed spiritus animales neque multi, neque boni esse possunt, ubi fuerit ea, quam prædiximus, cerebri intemperies : quicunq; enim habet talem temperiem, primò segnes in motu & sensu reddunt, deinde aucto incòmodo torpidi: quod si ultra processerit, tre-

pidi, ac tandē resoluuntur, inciduntq; in eam, quam paralyfin medicivocant. Neq; hic à me repetendum esse arbitror, tremorem membrorum fieri æquatis, quæ sunt ex parte membri grauitatis, & deorsum trahentis, & ex parte animalis erigētis: dum enim æqualiter illa quidē erigit, hæc verò grauitant, fit tremor ex duobus motibus contrarijs. Quòd autem hic tremor præcipuè fiat ob spirituum paucitatem, ita conijcio: primò, quòd eò magis tremit sinistrū brachiū, quò magis laborat, vel nititur aliquid cōplecti. Cōstat enim ex hoc conatu spiritus resolui, & pauciores fieri, vnde necessariò quoq; tremor augetur, sequiturq; deinde etiam dolor ob intemperiem frigidam confertim ad membra accedentem, scilicet ex spirituū & caloris subita dissolutione. Præterea dum aliquid acriter intuetur, statim admirando quodam modo brachij tremor augetur, non ob aliam profectò causam, sicuti ego arbitror, quàm quòd spiritus animales ab illo intuitu dissoluuntur, atque ita paucioribus redditis, necessariò tremor augetur. Audio etiam, quòd vbicunque stat, cūm motus ille sit omnium musculorum, qui tonicus à Galeno appellatur, plurimam fieri spirituum exolutionem necesse est, propterea mira etiā imbecillitas totius corporis cōsequitur, ingensq; dorsi dolor: muscoli enim qui in ea parte sunt, præcipuè laborauerunt, & ideo sentiunt veluti cōfractionem & lassitudinē. Vbi etiam federit, si difficilis est exurrectio, ad quam causam melius potest referri, quàm ad spirituū paucitatem? Deniq; illud ita esse manifestissimè arguitur, quòd post quencunq; ingentem motum præcipuè sinistri brachij, dolor ad cor accedere videt̃. quod quidem nihil aliud esse crediderim, quàm quoddam veluti procœmiū lipothymie, scilicet ex spirituū multa dissolutione.

resolutione. Quòd autem à labore sequatur dolor ve-
 hementissimus, incipiēs ab ore ventriculi, terminās
 in vterum, causam esse crediderim, quòd in eo labo-
 re calor in magna arteria, & vena descendantibus
 erueat, & in eo feruore humores crudi attenuent,
 & per ramos eorundem vasorum deriuentur ad ute-
 rum, qui postea flatuati dolorem tanquam punctu-
 ra excitent: sedatur, postea flatu cum murmure ce-
 ssante ob compressionē viarum. Cur autem frequen-
 tissimè infestetur oculi sinistri pulsu, ophthalmiaq;
 laboret, illud ego pati crediderim cū intumescat,
 & sanguine repleatur. Et cur eiusdē sinistrae partis
 facies vehementer incalescat, inquisitione dignum
 est. Id autem fieri crediderim, quoniam vbi dolor &
 imbecillitas eas partes occupauerit, calidus sanguis
 & vaporosus illuc recurrit, remouendi incommodi
 causa. Est enim (vt aiebat Hippocrates) omnium par-
 tium corporis mutua quaedam conuenientia, vt sua-
 ute natura altera alteri succurrat, & secundū om-
 nes affectus consentiant. Si verò etiā pedes intume-
 scant, de huius tumoris causa non possum ita exactè
 proferre sermonem, cū nec tumoris quidem natu-
 ram, aut colorem audiuerim. Superest tamē mihi du-
 biū non paruum, nunquid sit œdematikus, an erysi-
 pelatodes: nam cū intelligam circa naturalia opti-
 mē habere, fortē humor aliquis calidus & crassus ad
 eas partes decumbit ob hepatis caliditatem: & cū
 ille tam frequēs feruor appareat circa partem faciei
 sinistrae, circa oculū eiusdē lateris, & ceruicē, suspici-
 onē fecit ne hepar sit calidius. Nouimus enim, quā
 facilē vaporibus calidis caput replei soleat, in his
 qui temperaturā capitis calidā habēt. Sed quicquid
 sit, in re non mihi intellecta, neq; ab alio explicata,
 non possum certū ferre iudiciū. Tales ergo, vel non

multum dissimiles causas esse crediderim omnium symptomatum, quibus nobilissima matrona afficitur, non tamen adeo sum pertinax, ut ita esse omnino contendam. Casus enim, meo iudicio, admodum difficilis est, qui non tam facile à quolibet etiam peritissimo medico sit iudicandus, præcipue in corpore quod nunquam viderit, neque curauerit, neque aliquo medico præsentem fuerit exaratus, aut manu ductus, ad causas indagandas. His ergo ita se habentibus, supposita recta victus ratione, quam credo diligentissimè esse præstandam à peritissimis medicis, ego in hoc genere curationis oculum ad illud præcipue haberè, ut nec cibus, nec potus, nec aliquid extrinsecus occurrens, excessum in aliqua qualitate haberet, sed omnia essent quàm maximè temperata. Idem quod de quantitate oblatorum prorsus censeo. Substantiam tamen cibi & potus talem eligerem, quæ esset optimi alimenti, & facillimè concoctionis, & distributionis, vellem quæ; ut in hac re præcipue studiū collocaretur, quod quidem omnibus diuturnis morbis videtur esse commune. Quantum verò ad medicationem attinet, optarem ut assiduè vteretur aliquo leui medicamento, quod vim leniendi haberet, ventriculum quæ; & intestina expurgandi, qualia duo essent præcipua, vel cassia, vel rhabarbarum, vel utrunque simul confectum: nam absque facultatum & spirituum detrimento, corpus totum hoc consilio mundum conseruaretur, sanguis quæ; purior redderetur, unde & alimenti & spirituum copiosa generatio bene succederet. Si ergo ter vel etià quater in mense sumeret vncia floris cassiæ cum semidrachma rhabbari, credo bene cōsultum fore. Quod si fortè cassia, ut multis mulieribus cōtingit, flatus & tormina excitaret, exhiberem drachmā rhabbari, cum vncia sacchari rosa-

ofacei, vel uncias tres aut quatuor syrupi rosati sotiui: talia enim in purgando hoc corpore excedere non auderem. Pro capite verò, ventriculo, ac corle roborandis darem etiam nonnunquam, præcipuè ubi aër esset magis temperatus, scrupulos duos, vel etiam drachmā optimi Mithridatici, adiecta semuncia sacchari rosacei. Laudo etiam si matutinis horis mandet, aut, vt vulgò dicitur, pro masticatorio vtañ nastiche, aut garyophyllo, aut nuce muscata confecta: caput enim corroborabit, pituitamq; educet. Illinire etiam sæpe trementia loca ex aliquo oleo odorato calefaciente ac resolvente, non parum vtile existimauerim: qualia sunt quæ à pigmentarijs venduntur, de styrace, garyophyllo, iaspis, & huiusmodi. Quòd si cōsueuerit caput abluere, omittendū nō puto, sed lixiuo dulci, in quo maiorana, stœchas, chamæmelum, & anethū decoquetur. A fortioribus autem quibuscunq; remedijs in hoc morbi genere, & ab huiusmodi causis generato, & in hac ætate, maximè abstinendum putauerim: credo enim ex his, vel similibus, si curari potest, esse curandū: si non potest, quod magis suspicor, saltem esse præseruādā, ad laudem Dei omnipotentis.

*Consult. XXXVIII. De diminutione visus,
pro matrona Veronensi.*



Offertur nobis casus huius nobilissimæ mulieris dignus consideratione, quoniā oculorū ægritudines multa habent problemata, quæ nūc temporis angustia omitemus. Symptoma quidem affligens hanc nobilissimam mulierē est diminutio visus, & magis in oculo dextro, quàm in sinistro, quam quidem passā est hinc ab annis quinq;, & à xx. diebus incœpit esse in

M

sinistro. Genus autē diminutionis huius & læsionis, est à nobis considerandum. Narrat enim ipsa, in oculo dextro læsionem hanc incœpisse, & videbatur ei quòd scintillæ quædam obuersarentur ante oculos, & radij quidam, & maximè cùm à longè in aliquod magnum lumen seu lucernam intueretur: qui radij videbātur circa lumē circulum quendā facere subuolidē, & hoc maximè cùm à remotis inspiceret, maximè cùm in lumine magno attolleret palpebras, q̃ videbat eosdē radios, & hoc præcipuè in manè cùm surgeret à lecto per horam, & quòd in nocte opplentur ei oculi multis excrementis, & videtur quòd sit quasi tela seu umbra quædā ante ipsum oculū dextrū: sed cùm abstergit oculos & mūdificat, quòd remouetur maxima pars illius nocimenti. Præterea dicit quòd percipit grauitatē palpebrarū, vt vix videatur posse attollere, & maximè dextri. & si quis diligentius intueat pupillam dextri oculi, videt obscuritatē quandam, quæ non apparet in sinistro: & sic reliqua omnia minus in sinistro apparent, ita quòd videatur esse quasi principium in sinistro illius quod iam confirmatum est in dextro. Et dicit quòd nullum prorsus iuuamentum percipit à rebus extremè frigidis, sed tantum à moderatè calidis, & maximum: à rebus verò summopere calidis maximè læditur, quia videtur quòd inflammentur oculi, & quòd repleatur caput. Hæc sunt symptomata, de quibus conqueritur hæc nobilissima mulier, & quorum curationem à nobis expostulat. Sed vt simus boni medici, inuestigemus primò causas horum symptomatum. Pro quorum inuestigatione debetis scire, quòd hoc symptoma præcessit dolor capitis, qui diu perseuerauit, ad quem secuta sunt postmodū hæc accidentia. Habuit præterea dolores quosdā veluti artheticos, &
præ-

præcipue circa brachia ipsa. Passa etiam est dolores
 colicos, & flatus quosdā in ventriculo: dolores præ-
 terea renū. Quæ omnia sunt indicia deprauatorū hu-
 morum ex ascensione vaporum petentiū caput, qui
 postmodum crassefacti descendūt ad partes inferio-
 res per venas, neruos, nucam, atq; arterias, & replēt
 totum corpus, & percipit caliditatem à quacunque
 cui causā extrinseca. Quantum sit de membris prin-
 cipalibus huius Magnificæ dominæ, dico quòd vi-
 dentur omnia calida esse. Nam hepar ex eo quod po-
 test per exterius iudicari, est calidū: habet enim cor-
 pus carnosum, venas latas, multum sanguinem, & re-
 qua omnia attestantur supra caliditatem hepatis.
 habet etiā cor calidū, quia potius est virago, quàm
 femina, & aptissima est ad omnes hominis opera-
 tiones, & habet generositatem, vt ita loquar, & auda-
 ciam maximā in omnibus rebus, ita vt videat quòd
 caliditas sit insignis in corde. Ex operationibus præ-
 terea vegetalibus & animalibus indicat cerebrum
 esse calidum. Cū igitur habeat mulier hæc omnia
 sua membra calida, & vt dicit Galenus in tertio de
 locis affectis, capite De dolore capitis, corpora ha-
 bent etiam membra inferiora calida, & maxime hepar, fa-
 cile capitis repletionem laborant: & ratio est, quia plu-
 rimi ab hepate eleuantur vapores qui replent caput,
 & præcipue si ratio victus non sit exquisita, imò per-
 uerā facta, neq; multum se exerceat. Præterea ista
 habet stomachum frigidum, ideo debet multa pitui-
 da abundare: & ex sexu etiā, quia mulieres sunt natu-
 ra frigidiores hominibus: & credo quòd etiam laetè
 modum vixerit, & nullum penitus exercitiū facit.
 Quòd autē vētricus eius frigidus sit & imbecillis,
 declarāt illi flatus, illi dolores colici, & renū, qui o-
 mnes indicant non fieri bonā concoctionē. An verò

ratione obiecti, an ratione subiecti? Crederē ego ratione vtriusq; & quia vtatur cibis diuersis, & quòd ventriculus non concoquat. Ex quibus elicio, quòd corpus istud aptissimum sit ad congreganda multa excrementa, & præcipuè in capite. Præterea vexata fuit diu à maximis animi accidentibus, quæ quātum valeant ad replendum caput ipsum, & ad faciendum omnes concoctiones deteriores, norunt omnes. Habemus igitur causas intrinsecas facientes repletionem capitis, scilicet caliditatem hepatis, & omnium membrorum inferiorum, & frigiditatem ventriculi, & etiam capitis imbecillitatē. Habemus etiam causas extrinsecas, scilicet accidentia animi, inordinatam victus rationem, vigilias, & reliqua omnia quæ videmus. Cū igitur ex istis alter oculorū, scilicet dexter, magis imbecillus est, quærenda modò à nobis est imbecillitas ista quænam sit: potest enim esse vel ratione imbecillitatis ipsius virtutis visiuæ, vel ratione instrumentorum, per quæ demandatur virtus visua: vel ratione spirituu. Quòd non sit ratione imbecillitatis virtutis visiuæ, apparet, quia reliquæ operationes aliorum sensuum perfectæ sunt. Quòd non ratione spirituu, quia si esset ratione spirituum, aut esset, quia spiritus essent crasse facti, vel refrigerati: sed hoc non potest esse, quia ijdem spiritus qui transeunt ad instrumentum visus, illi ijdem transeunt ad reliqua organa sensuū: sed cū in nullo alio sensuum organo lædatur, præterquàm in organo visus, non est credendum hoc ratione spirituum accidere posse. Præterea si ratione spirituum læderetur, magis de longinquo, quàm de propè videret, quia illi spiritus egrediētes magis illustrarentur per aërem, & tamē totum oppositum contingit. Quòd autē sit vitio instrumentorū, aut in nervis esset

et obstructio, vel impactio quædã humorũ crassorum viscidorum. Non est quòd sit obstructio in nervis, quia penitus visu priuaretur. neq; inuiscatio humorum, quia si sic, non videretur impedimentũ exterius, id est, nebula illa & obscuritas in oculo. Si igitur sit lesio in oculo, hæc autẽ potest esse in diuersis partibus, quia oculus ex diuersis constat partibus, vel in tunicis extrinsecis & intrinsecis, vel in humoribus. Quòd non sit in tunicis intrinsecis, nullum est indicium: quia si sic, spiritus semper equaliter impediretur, & nõ magis in manẽ, cùm surgit lecto, quàm postea. Neq; in extrinsecis, quia in cornea nullum apparet esse nocumentũ, nec etiã in pupilla. Ideo credere ego potius vitiũ istud in humoribus esse, quoniã circa pupillã apparet nebula quædã, quæ magis videtur esse in humore albugineo, quàm quòd sit in pupilla ipsa. Et sic credo q̃ humor ille albugineus ob permixtionẽ substantiæ crassioris à capite defluẽtis, sit denigratus, quia substantia crassiori nutriatur, & ob id nõ fiat visio ita clara, quia instrumentũ nõ est perfectè clarũ. Et hoc etiã admonet nos ætas, quia excrementa crassiora & frigidiora fiũt procedente ætate: hæc autẽ sicut audio pertransiuit iam 50. annos. Et ita credo, cùm ratione materiæ descendens ad humorem albugineũ, tum ratione alimenti crassioris, quo alitur, afficiuisionẽ ipsam. Cuius signũ est, quòd dum surgit, deterius videt: & hoc est, quia plurimi in nocte vapores concepti, & deueniẽtes ad humorem albugineũ, cùm nõ possint pertrãsire, causant illud: sed cùm abstergit oculos & mundificat, & permanet per horam à surrectione, melius videt, quia illi vapores resoluti sunt. Et quòd hoc sit patet, quia percipit plures sordes siccas mordaces, dum surgit: & hoc est, quia illi succi deprauati diuersi sunt, & à diuersis

causis:aliqui enim à cerebro,aliqui à vëtriculo,quia humidi sunt interdum,& interdū mordentes,& supercilia grauantur:cuius signum est quòd ægritudo est materialis,& quòd plurima materia tendit ad illas partes,& habet etiā omnia illa impedimēta inæqualiter se habentia, non perpetuò illam turbāt. Cuius signum est,quòd ibi non adsit semper præsentia materiæ:& quòd morbus non est in complexione, quia non semper eodem modo affligitur,tum etiam quia subitò aduenit huiusmodi læsio. Sed perpetuò illa materia à capite emanat,quia oculus imbecillior factus recipit excrementa à cerebro, sicut dicit Galenus 1.1.de diff.febriū, referens causas ophthalmiæ. Credo igit̃ ego,quòd cū symptomata istud diu perseverauerit,dexter oculus sit debilitatus,& itā credo quòd causæ proximæ huius affectus sint humores deprauati partim biliosi, partim pituitosi,& partim adusti,deueniētes ad oculos,& occupantes palpebras,& facientes sordes illas,& perturbantes humiditates oculi. An verò huiusmodi humores misceantur cum spiritibus,& ratione horum fiat deterior visio, hoc facile potest contingere. Quibus sic stantibus,quid credis futurum de hac ægritudine? Si verum est quòd habeat causas illas corporeas perpetuò affligētes,&quòd iam per quinquenniū passa sit istam malam dispositionem,& ob id quòd imbecillis factus sit oculus,& sit illa membrorum inæqualitas,etiam sit quinquagenaria,in qua ætate crassescunt tunicæ omnes & crispantur,atque humores omnes pauciores & crassiores redduntur,crederem ego huic morbo naturali mixto cum accidentali occurri neutiquam posse,nisi prouidendo ne in deterius labatur:quia oculus senis non est oculus iunioris: sed si poneremus oculum iuuenis in sene,videret

leret vt iuuenis, dicit Aristotel. in primo de anima. Prouidendū est ergo ne in deterius labat, cū om-
nimoda cura impossibilis sit. Hoc autē facerē, primò
uberem vt omnia animi accidentia dimitteret: vte-
retur optima victus ratione: exerceret se quando-
que, & in sex rebus non naturalibus nihil peccaret.
Quantum verò ad membrorū inæqualitatem, cor-
roborarē ventriculum & hepar, vt bene concoque-
ret, & ne vapores malos generaret: & vellem quòd
continuè vteretur aliquo medicamento: vellem vt
corroboraretur etiam caput & oculi, præcipuè dex-
ter, & purificaretur & abstergeretur pupilla. Quan-
tum autē ad euacuationes attinet, vellem vt hoc ve-
re faceret vniuersales purgationes: primò acciperet
aliquod lenitiuum, vt esset cassia, seu electuarium le-
nitivū, ex quibus purgaretur stomachus ab humori-
bus crudioribus, & deduceret etiā humores malos
in primis venis. Postea vteretur quibusdam conco-
quentibus, sicut esset mel rosatum, syrupus aceto-
sus, oxymel simplex, syrupus de endiuiā: vt exempli
gratia,

℞. Oxymellis simplicis

Melllis rosati

Acetosi simplicis

ana ʒ s.

Decoctio verò fieret ex seminibus endiuiæ, ex folijs
boraginis, ex seminibus anisorū, ex eufragia, ex cin-
namomo. Et si timeremus nimiam hepatis supercale-
factionem, poterimus addere semina melonum, cu-
curbitæ. Medicamentum verò sit ad diuersos hu-
mores educendos cōmodū, vt docet Galenus in v.
methodi medendi, ex colocynthide, agarico, & scā-
monio: & huic cochix sunt similes, atq; etiam con-
fectio Hamech, similiter & pilulæ aggregatiuæ, quia
in hac peccant omnes humores. De phlebotomia

verò utrū sit faciendā? Ego certè video corpus admodum repletū, & licet sit iam quinquagenaria, tamen quia est virago, & abundat plurimò sanguine, & fortè ei etiam defecerunt menstrua, ideo placeret mihi quòd post minorationem, quam fecerit, seu ex cassia, seu ex lenituo, & post assumptionem duorum vel trium syruporū, quòd mitteretur sanguis à cephalica, & si placeret à basilica, & postea procederet ad purgationem vniuersalem. Quibus peractis placeret mihi quòd haberet aliquod pharmacū sibi familiare purgans caput, quo vteretur singula quaque hebdomada, sicut essent pilulæ ex tribus illis confectæ, quæ habent caput euacuare, ventriculum & hepar: & corroborāt etiā omnia ista membra, quia ingreditur rhabarbarū, agaricus, & aloë: & vellē quòd ista corrigerentur cum eufragia, cum capillis Veneris, cum modico macis vel cinnamomi: quæ omnia respiciunt caput, hepar, & ventriculū, cum spica nardi & consimilibus. Vterēt masticatorio frequenter, quale esset mastiche sola, quia ipsa non potest tolerare aliquod calidum vehemēs: est enim efficacissima mastiche simplex ad purgandum caput, & saluā multam educit. His factis, vellem vt accederet ad diuersiones, & ad coroborationē capitis, quia iam sumus certi quòd egritudo ista materialis est, sicut apparet ex signis iam dictis, ex grauitate palpebrarum, ex lipitudinibus oculorū: & quia etiam non semper permanet, aduenit etiam subitò: nulla autem immaterialis egritudo subaduenit. Ideo oportet deriuare, & diuertere materiam istam à capite: & hoc posset fieri cum cauterijs in cruribus, cum applicatione sanguisugarū hæmorrhoidibus, quia sicut audio, hoc sibi fuit vtile, cum semel fecerit, & cum frictionibus in cruribus, & brachijs. Quibus sic factis, accederem
ad

ad aliquod leue collyrium in oculis apponendum. Acciperem igitur sex vel octo radices althææ mundatissimas cum tribus vncijs fœnugræci optimè præparati, & decoquerem in aqua clarissima, & cum essent decoctæ exprimerè validissimè, & acciperem libram vnâ decoctionis huius, & drachmas duas aloës subtilissimè puluerizatæ & lotæ in aqua Violarum, & iterum ponerem ad ignem lentum, clarum, sine fumo, & sine puluere, & rursus decoquerem, donec hæc omnia ad substantiam mellis redigerentur: quod quidem fiet facillimè, propter aloën, & mucilagineas illas, & ponerem in phiala, & ex hoc collyrio illinerentur oculi, & maximè dexter, & in mane: corroboraret enim oculum, mundificaret, abstergeret, & confortaret etiam. Et sic voluit Galenus I. I. de locis affectis, & in I. I. de compos. medic. secundum locos, vbi dixit expressè de dolore capitis, quòd siue in substantia cerebri, siue in meningis fuerit, nihil refert, nec propter hoc variatur cura. Ita affectus iste siue sit in albugineo humore, siue in pupilla, non variatur cura, siue in rhagoide. Hæc sunt quæ mihi pro temporis angustia occurrerunt, tamen rem hanc indies magis atque magis perpendemus, & si quod in mentem aliud venerit, consulemus.

Consult. XXXIX. De actione uisus diminuta, pro iuvene Augustano.



Vdicamus actionē videndi diminutam in hoc iuvene, cum procul non videat quantum oportet, sed propè exquisitè possit, nō esse ob aliam causam, nisi quia spiritus ex longo studio, & labore mentis rationalisque discursus, fuerunt resoluti paucioresq; redditi, quàm vt sufficiāt longinquæ visioni. Ac præterea ita

longo usu & consuetudine comparatum est, ut non nisi in interuallo distante, acutè & exquisitè videat, in quo iugiter intueri consueuerit. Solet etiã id contingere tum in alijs omnibus actionibus membrorũ, tum maximè in visu. Ergo curatio huius symptomatis per sua contraria proculdubio administranda erit, videlicet ut spiritus multi, clari & limpidi generentur, atq; ut procul intueri consuescat eo modo & arte, quam infrà docebimus. Spiritus generabuntur si adhibuerit studium in optimavietus ratione, quæ perfici solet in recta administratione rerum, quas medici non naturales vocant. Primùm igitur cauebit, quantum fieri potest, ab aëre multum frigido, nec minus etiam à calido, etiam à feruente. Ventorũ omne genus euitabit, præcipuè tamen Austros, & dum in Hispania moratur, oriëntales quoq; in Germania verò ab occidètalibus, & omnibus septentrionalibus flatibus cauebit: deniq; omnes excessus aëris sunt fugiendi. Neq; dormiat in cubiculo aut loco humido subterraneo, & ubi fenestræ noctu sunt apertæ. Omnes animi molestias, iram, mœroresque præcipuè euitabit. In somno mediocritatem requireret, laudoq; ut ad horas octo extendatur: sed postea meridianis horis non dormiet. Nec post cœnam subito cubitũ eat, sed duas saltè horas interponat: hæc enim capiti & oculis maximè aduersa sunt. Si fuerit fortè adstrictæ alui, quærat quãmaximè singulis diebus naturalia excrementa reddere, non enim hoc parum confert spiritibus clarioribus & minimè turbulentis efficiendis. Si eius natura in hac actione defuerit, aliqua arte supplendum: sed præcipuũ remedium erit, si pruna Hispanica dulcia arefacta numero octo vel decem cum pugillo passularum dulcium in iure pulli, aut carnis vitulinæ, vel optimi castrati exquisitè de-

è decoxerit, & decoctū manē sumpserit ante pran-
 dium: hoc enim sine molestia leniret aluū, & omnes
 humores corporis temperabit, vnde etiam clariores
 spiritus reddi necesse est. A coitu inter cetera ab-
 stinebit, & præcipuè si non sit assuetus: nam si prius
 in eo fuerit inordinatus, non laudarem omnino om-
 nimodam abstinentiam, sed tamen vt quamaximè
 fieri potest, moderetur: hoc enim tantum refert, vt
 cū hīc in ratione victus peccetur, illud vnum reli-
 quorum omnium diligentiam impediat: nam oculo-
 rum acumini & spiritibus animalib. nihil potest esse
 magis aduersum. Exercitio temperato quāmaximè
 vtatur, præsertim sub dio vbi cœli temperies fuerit,
 & serenitas aëris: magisque deambulationem laudo
 in hoc nobilissimo iuvene, quā quodcunq; aliud
 exercitationis genus. Exercitandi hora maximè op-
 portuna proculdubio matutina est: neq; post exer-
 citium frigidō aëri se exponat, nec nisi post horam
 cibumumat. A prandio verò & cœna deambula-
 re suauiter potest, quod potius laudo, quā quod
 otiosus sedeat segnis & dormitabundus. Cauebit
 tamen ab omni valido exercitio tam mentis quā
 corporis: & si fieri potest consulo, vt post quatuor
 horas à cibo nihil scribat, nihil cogitet quod animū
 torqueat aut sollicitet. Bis in die tantū comedere
 assuescat, atq; inter cœnam & prandiū ne minimum
 quidem bibere aut comedere. Simplici cibo quam-
 maximè delectabit: mensas tertias, variaq; epularum
 genera effugiet. Caro ab eo eligetur vitulina, castra-
 ti iuuenis, perdicū, atq; omnium auium terrestrium,
 præterquā in paludibus degentium. omnes anti-
 quas carnes fugiet, & porcinas. A piscibus magis ab-
 stinebit, & qui in stagnis ac fœtidis capiūtur aquis:
 reliquis parcissimè vtetur. Olera, præcipuè lactu-

ca, pastilia, lacticia, legumina, & quæ in sartagine friguntur, omnia hæc maximè aduersa. Vino vtetur tenui, albo, & subrufo, non multum potenti, vel certè plurimum diluto. In secunda mensa comedit pineas, anisum, quandoq; etiam coriandrū conditum, & cydonia. Hæc vbi obseruauerit cū multa diligentia, fieri potest vt exquisitissima sit ratio victus. At quia corporum temperaturæ rarissimè sunt æquales & vndecunq; congruæ, ideo necessariò plurima excrementa iugiter generantur in corpore, quæ nisi arte aut natura excernantur, in tractu temporis lædunt imbecilliores partes corporis, quales sunt oculi. Ergo enitendum vt arte quoq; & purgationibus corpus statis temporibus emundetur. Vere igitur & autumno hoc modo purgabitur:

℞. Floris cassiæ 3 x.

Cum saccharo fiat bolus, sumendus hora ante prandium. Proximo die accipiat talem potionem:

℞. Verbenæ

Rutæ

Chelidoniæ

Rosarum

Euphragiæ

ana man. ij.

Seminum anisorum

Fœniculi

ana 3 iij.

Decoquantur omnia secundum artem in aqua fontis ad consumptionem duarum partium, & facta expressione & colatura, syrupizetur decoctum cum optimo saccharo. Deinde

℞. Huius syrupi

℥ ij.

Aquarum euphragiæ

Chelidoniæ

ana ℥ ij.

Misce pro vno syrupo, & sic pro alijs septē. Quib. assumptis, sumendū erit proximo die tale pharmacū:

℞. Pi-

R̄. Pilularum cochiarum ̄ iiiij.

Cum melle rosato formetur pilulæ numero v. deaurentur, & sumantur in aurora cum custodia. Et hæc purgatio bis singulis annis repetatur, autumnoinquam & vere. Intermedijs tamen mensibus laudo ut hora ante cœnā sumat vnam vel duas pilulas ex infrascriptis, sine aliqua custodia, quod poterit fieri bis aut ter, aut etiam quater in mense:

R̄. Agarici electi

Rhabarbari

Hieræ simpl. Galeni ana 3 iiij.

Garyophyllorum 3 s.

Conterantur omnia per se, deinde misceantur, ponantur in 3 iiij. succi euphragię, donec exiccetur succus in umbra, postea cum melle rosato fiat magdaleon, de quo ad libitum fiant pilulæ sumendæ, sicut dictum est. Et caueat ne oculos abluat cum aqua frigida, imò nec faciem: sed cum vino optimo aromatico albo, quo etiā abluat os & dentes: nec in hyeme actu sit frigidum, præsertim vbi fuerit in Germania, vel aliqua regione frigida. Quantum verò atinet ad secundum propositū, videlicet ut assuescat procul intueri, non hoc utiq; facere conabitur, nam magis noceret resoluendo spiritus: sed eligat loca angusta, per quæ introspiciat aliquod obiectum viride, sicut arbores, prata virentia, & sit hoc aëre non multum claro, sicut in meridie, sed potius in vespertino crepusculo, vel aurora, vel saltem in loco umbroso vel opaco, etiam si meridies fuerit. Neq; inutile est, quod multi opinantur, introspicere eum per aliquam oblongam tubam intus cōcauam, vel etiam vitream, ex viridi vel cæruleo vitro, quod adhuc esset præstantius, & poterit terminari visus nō tantum ad viridia & amœna loca, sed etiā ad limpidissimos

fontes & ad nitidas aquas, quæ tamen non currant, sed vel stagent, vel sensim repant. Pro lotionē verò capitis vtatur lixiuio ex cinere salicū vel vitium confecto, in quo maiorana, salua, betonica & citri folia decoquantur, vel lauri, si citri defuerint: apponaturq; semper agarici drachma vna. Et hoc lixiuio caput abluatur sine multa frictione cum pānis lineis moderatē calidis, & exquisitē siccetur, sapoq; eligatur præparatus cum aromatibus musco & ambra.

Consult. XL. De diminutione uisus, & pilis in palpebris interius retortis, pro Polono.



VM Magnificus dominus tantū à nobis particularia remedia petat (iam enim vniuersalibus euacuationibus vsus est, & ratio victus illi est instituta) ideo ne illi desimus, collyrium hoc erit:

R̄. Althææ

Sem. fœnugræci

ana ʒ iij.

Mundentur diligentissimè ab omni sorde, deinde decoquantur in aqua fontis limpidissima, sine puluere, sine fumo: sitq; aquæ pondus lib. iij. Bulliat donec remaneat libra vna, postea fiat fortis expressio & colatura. Deinde R̄. Aloës optimæ, raræ, & transparentis ac pulueriazatæ ʒ ij. Bulliat decoctum cum aloë ad ignem clarum ad consistentiā mellis, deinde seruetur ad vsum in vase vitreo optimè obturato. Quando oculi mordicantur, abluat vel lacte recenti, vel aqua rosacea, in qua dissolutum antè sit saccharum candi rosatum, & eligat hoc vel illud. Circa palpebrarum curationem postquàm in feliciter expertus est incisionem chirurgicam, ideo
noue-

ouerit ab ea abstinendum esse, à qua & ego semper
 bhorruī: sed curabit vt euellantur commodissimè
 perito vulfore. Et remediū celebratissimum apud
 antiquos, ne pili succrescant, est, vt post euulsionem
 requētissimè illinatur locus lacte canis. Optimum
 etiam est, vt pili qui se inuertūt introrsum, reuellan-
 tur extrorsum, & deglutinentur palpebræ exteriori
 colla vel alio glutinis genere. Vbi abluendū caput,
 eligatur lixiuium dulce, factum ex cineribus dulci-
 bus, vt cinere salicum, & addatur singulis vicibus
 drach.vna agarici, quæ inuoluta in panno lineo de-
 coquatur in lixiuiō, & fortiter exprimatur. Abluat
 autem se vesperi, & postea non exeat eo vesperi do-
 mum. Queritur etiam quòd pedes ei aliquando
 sudant, quos abluat: & hunc sudorē utilissimum ar-
 bitror, quoniam per eum fit aliqua auersio à capite,
 eamq; minimè impediendam existimo.

A D D I T I O.

Non alienum fore duximus, communis vtilitatis
 gratia, hoc loco exponere omnibus regimen in po-
 tu ligni præscriptum huic Polono ex oculis laboran-
 ti. Nam non conferentibus remedijs præscriptis, or-
 dinauit hæc:

℞. Decoctionis nostræ de elleboro ℥. vj.

Syrupi de betonica ℥. j. s.

Misce pro vno, & sic pro alijs: dentur manè in auro-
 ra. Hos syrupos præcessit euacuatio vniuersalis cum
 præparatione. Postea accipiantur libræ duodecim
 aquæ endiuix, & libra vna ligni detriti vel limati, &
 ponantur in olla magna noua stricti orificij cum suo
 coopertorio, & ita dimittantur in infusione per ho-
 ras 24. Deinde decoquant lento igne ad cōsumptio-
 nem tertiæ partis, fiat expressio & colatura, & fer-

uetur in vase vitreo bene obturato, & diuidatur hoc decoctum in octo partes siue syrupos. Sumat duos in die, alterum hora octaua, & prandeat hora duodecima. Alterum hora vigesima vel decimanona, & cœnet vigesima secunda. Et dum bibit primum istud decoctum, semper anticipet & præparet secundum, ne deficiat, & ita perseueret vsq; ad x l. dies ad minus. In primis decem diebus suus cibus erit iste. Comedat vncias tres panis in prandio, & medium pullum paruum elixatum, qui non excedat magnitudinem perdicis, & medietatē eiusdem comedat in cœna, cum eadem quantitate panis: & panis sit optimè coctus, non tamen assatus: cauebit etiam à crustis assatis. Bibet duos cyathos ad summum, & potius paruos quàm magnos. Vinum sit album, clarum, pauciferum. Poterit comedere post prandium & cœnam vnciam vnam vel duas vix passæ parvæ & dulcissimæ bene lotæ cum vino albo. Et si non poterit tolerare maiorem dietam, perseuerabit vsq; ad x l. dies: sed si posset tolerare, laudarem quòd post decem primos dies, per viginti dies postea subsequentes abstineret prorsus à carnibus & à vino, & esset contentus pane & passulis lotis ac præparatis, sicut dixi, & loco vini biberet decoctum eiusdem ligni, quod quidem decoqueretur in aqua putei, & acciperet illud idem quod decoxerat in aqua enduiæ: tolerat enim duas aut tres decoctiones, si ultimò bene exprimatur. Item laudo in toto tempore x l. dierum, in quibus bibet hoc decoctum, quòd semper octaua die sumat tribus horis ante prandium bolum hunc:

Rx. Floris cassiæ ℥ j.

Specierum hierę simpl. 3 j. s.

Cum saccharo fiat bolus.

Restitutus est integrę valetudini.

CON-

consult. XLI. De debilitate uisus, & paralyfi diminuta, & uertigine, pro doctore Veneto.



Vppositis symptomatibus, quib. iste Excellentissimus Doctor molestat, quoniā fuerunt enodata, venio ad id quod principaliter iste querit à nobis: querit enim esse curari. Iste est scopus, quo ductus fuit accedere ad nos. Volumus ergo curare Excellētiss. virum. Quid agendum? Primò debemus cognoscere causas ægritudinis, quibus cognitis facilè remedia administrabuntur à nobis. Vt autem ex causæ cognoscantur, debetis primò scire, quòd causæ morbū facientes aut sunt intrinsecæ, aut extrinsecæ. Intrinsecæ dicuntur illæ, quæ proueniunt à causa intrinseca, ut à mala temperatura membrorū, aut ab eorundem debilitate. extrinsecæ autem sunt illæ sex res non naturales, aër, cibus & potus, &c. Videamus à quibus causis depēdeat morbus Excellētiss. Doctoris. Discurrendo primò per intrinsecas, videnda est temperatura membrorum principalium, & primò hepatis. Video hominem satis carnosum esse, habentem bonum colorem, & ut ipse refert, passus fuit fluxum hæmorrhoidum. Ex ijs iudico hepar ipsius esse temperatum: non dico temperatum temperatura illa æquali, sed accedit maximè ad illam temperaturā: verum si declinat, declinat per calidum aliquo pacto. Declaratur, quia video hominē habere colorem nigrum, similiter pilos nigros, & reliqua, quæ attestantur super caliditate hepatis adurente & exiccante, verum quòd ista discrasia per calidum non est multa. Accedamus ad ventriculum. audio ipsum bene cōcoquere, similiter non pati aliquos dolores in ipso, & breuiter exercet rectissimè suas operationes. Et quia ab

N

operationibus cognoscunt potissimè discrasie mem-
bri, ideo teneo ventriculum esse bene dispositum, &
rectè se habere. De corde: cor est spiritib. refertum,
potens valde, & ex præsentī calidum, cuius signum
est, quòd ipse est firmus, stabilis in suis operationi-
bus, magnanimus, & alia habet quæ indicant cor es-
se calidum, ac spiritibus refertum. De cerebro: cre-
do, & re vera ita est, cerebrum ipsius esse optimè dis-
positū, similiter rectè suas operationes moliri: nam
audio ipsum virum habere memoriā tenacissimam,
similiter esse oratorem, & quòd optimè discurret, &
orat in causis suis agendis. & breuiter, iste cerebrum
habet satis temperatum, atq; nullam discrasiam pati-
tur. Audio autem ipsum habere debilitatem visus,
ita quòd cū propè est perspicacissimè intuetur, à
longè verò non ita rectè. hoc non debet referri ad
malam cerebri dispositionem: nam stat cerebrum o-
ptimè se habere, tamen oculos quandoque esse affe-
ctos, aut ratione organi, aut ratione consuetudinis.
ratione consuetudinis, quia & hoc contingit vt plu-
rimum in hominibus ipsis literatis, vt ipse est: isti e-
nim quia studendo tenent libros prope oculos, tali-
ter quòd ex cōtinuo illo vsu virtus ipsa oculorum,
& natura ipsa ex tali consuetudine assuescit in tali vi-
sione propè: quare fit ex tali consuetudine, homines
hos propè acutius intueri, quàm à longè, quia cū à
longè videre non sit oculus assuetus, tunc debilitan-
tur spiritus, & non potest longè intueri: & hoc, vt di-
xi, studiosis, ac literis deditis solet euenire. Potest e-
tiam ratione organi prouenire: nam sunt aliqui ha-
bentes oculos eminentes, similiter oculos valde ni-
gros: ex tali eminentia, & ex tali immoderata nigre-
dine longè nō possunt videre. Ad rem ergo. Tametsi
Excellētiss. Doctor habet quòd à longè videre non
potest,

potest, propè verò potest, nō propter hoc debemus
 guere cerebrū esse affectum, cū optimè suas ope-
 rationes exercent: sed, vt dixi, potest prouenire ista
 debilitas visus in hoc Excellenti Doctore à duabus
 causis, siue hoc proueniat à prima, siue à secun-
 da, nō refert: hoc vnum est, quòd nō prouenit à cere-
 bro. Habetis hucusq; membra omnia principalia es-
 se bene affecta. Et quia diximus in principio, quòd
 morbus potest à duabus causis prouenire, aut à cau-
 sa intrinseca, aut extrinseca. A causa intrinseca cre-
 do morbū hunc in isto Excellentiss. Doctore nō pro-
 uenire, quoniam (vt dixi) membra omnia intrinseca
 principalia rectè se habent: ideo quòd talis morbus
 proueniat à causa intrinseca nō credo. Quòd si de-
 pendet à causa intrinseca, tantū ab ista prouenire,
 videlicet ab hepate, quod cū sit calidius quā o-
 rdeat, & cōueniat suo tēperamento, potest inflam-
 mare cibos, & maximè illos qui putrefactioni sunt
 obnoxij: isti enim mediante caliditate hepatis pos-
 sunt alterari & putrescere, & ex ipsis eleuari fumi,
 petentes caput, qui faciunt talia symptomata, videli-
 cet vertiginem, paralysem illam diminutam in bra-
 chio sinistro, & in pede sinistro: similiter abscessum
 in facie, videlicet in parte dextra faciei: similiter ia-
 cturam illam gingivarū, & alia symptomata enarra-
 ta. Sed illa causa ex se nō posset hoc facere, nisi cause
 extrinsecæ adfuissent. Et quòd proueniant à causis
 potissimè extrinsecis ista symptomata, videlicet ab
 ipsis omnibus non naturalibus, declaratur primò ex
 aëre. Nam audio istum Excellentiss. Doctore dereli-
 quisse suam patriam, vbi aër frigidus est & siccus, &
 montanus, & accessisse Venetias, vbi aër est calidus
 & humidus & palustris. Quātum potuerit ista aëris
 mutatio, nullus ignorat: Nam fuit principalissima

causa ista iuncta cum reliquis causis extrinsecis offendendi: aër enim immutat mirum in modum corpora nostra, cum continuè attrahatur: & notum est quid dixerit Galenus de aëre in 11. Artis paruae, ubi vsus fuit hoc vocabulo Exterminare, quasi innuerit alterationem & iacturam eius imprimētē in corporibus nostris: & ita aër fuit in causa symptomatū. Secundò, cibus & potus. Audio hunc excellentiss. Doctorem, quando fuit cum socijs, ultra modum crapulatum esse, & bibisse, similiter comedisse cibos diuersae substantiae. Ex ista crapula ergo (re vera ita est appellanda) fuit facta putrefactio illorū ciborum, ex quibus fumi eleuati, ac cerebrum petentes, potuerūt facere hoc apostema, & abscessū, & reliqua symptomata. Deinde motus & quies. Audio hunc Magnificum virum perambulasse satis per Venetias, & etiā in cymba cum socijs permansisse detecta, & aërem illum captrasse, cuius signum est quòd statim ferò hora 11. noctis reuersus est domum, & incidit in illum abscessum ingentem, similiter in vertiginem, & paralysem illam diminutam. Similiter somnus & vigilia fuit in causa: nam audio istum, cum vigilandum erat, dormire, cum dormiendum, vigilare: nam ipse fessus ex causis agitatae quandoq; noctu non poterat dormire. ita hæc permutatio vigiliarū & somni potuit etiā esse causa. Similiter accidentia animi ipsa: fuit sollicitus in illis causis peragendis: & quantas ipsi Iuriscōsulti patiantur sollicitudines, & animi affectus, nullus ignorat, & maximè Venetijs, ubi fuit tot motus, & tot labores in causis peragendis. Similiter inanitio & repletio: hæc fuit etiam potissima causa, eò quia (vt ipse dicit) sunt multi dies quòd ipse non egebat, imò vt solitus erat nihil egerebat. Ista retentio facta an possit generare vapores malos, non


nos

os latet. Præterea permutauit consuetudinem: ipse
 nim solebat comedere horis consuetis, tamen non
 obseruauit hoc: imò aliquādo hora prima noctis cœ
 abbat, aliquando tardius, aliquando citius. Et ita vi-
 detis, quomodo omnes causæ extrinsecæ concur-
 unt ad hanc ægritudinem. De causis intrinsecis fo-
 illa caliditas hepatis (vt dixi) est. Habemus huc-
 sq; causas. Quid est agendū? curandus est morbus.
 Quomodo curatur morbus? curatur remouendo cau-
 sas. quænam fuerunt causæ? fuerunt omnes enarra-
 tæ: illæ ergo remouendæ. Quid ergo agendum? ego
 maximè consulo, vt velit aërē ipsum permutare: nam
 ex permutatione aëris refrigerabit corpus, quia con-
 tractum aërem sentiet. Ista est potissima cura ad re-
 mouendū morbum hunc, scilicet permutare aërem.
 Deinde in cibo & potu debet se moderare, sumēdo
 optima cibaria, similiter in debito tēpore, animi affe-
 ctus omnino repellere, dormire quando dormien-
 dum, vigilare quando vigilandum. De euacuatione:
 ego non auderē fortiter euacuare, quia nunc sumus
 in æstate, iam mensis Iunij transactus est. Ideo aude-
 rem tantum in lenitiuis, dando cassiam cum rhabar-
 baro, aut cassiam tantū, florem dico: ista enim ma-
 ximè præstarent, quia tenebimus ipsum corpus lu-
 bricum, & hoc maximè debemus quærere. Nam, vt
 retulit mihi sua Excellentia, quando accessi ad cubi-
 culum, conquerebatur de ista repletione, & dicebat
 ex ipsa maximum detrimentum sentire: ideo bonum
 est vti cassia, vt corpus mundum & lubricum tenea-
 tur: & si nollet ita sæpe vti cassia, poterit manè assu-
 mere brodium, in quo sit decocta mercurialis, & be-
 ta, & aliquid passularū: istud enim lubricat corpus,
 & facit egerere valde, vt dicit Galenus in v. de tuen-
 da sanitate, aut v. i. si recolo. Et quoniam ipse habet.

fluxum illum hæmorrhoidarum, & nondum est re-
pressus, quod mihi maximè placet, ideo sinerem ip-
sum defluere, & adiuuare, si non defluat, eò quia per
aliā viam sanguinem nollem educere: est enim sen-
tentia illa Hippocratis, Vndecunq; natura repit, eò
ducere oportet, si natura demonstret locum conue-
nientem, quo ipsa facilè exoneratur. quare cùm vo-
lumus sequi illam viam, nō debemus desistere, & ita
prouocare hæmorrhoidas. Postea vellem vt fierent
duo cauteria, & si non duo, saltem vnum in crure
sinistro, vbi habet paralysem illam diminutam: neq;
impediret hoc cauteriū naturam, vt non faceret di-
uersionem. Et ita habebimus diuersionē maximam
tum per cauterium, tum etiam per hæmorrhoidas
qua diuersione, vt dixi, maximè indigemus, eò quia
materia est in capite, & fuit causata ex illis causis di-
ctis extrinsecis. Similiter causata fuit (& hoc dereli-
qui) ex clamore. Quantum possit vociferatio ad re-
plendum caput vaporibus, vnusquisq; manifestè vi-
det: istis enim clamatorib. deueniunt rubicundi oculi
li, & rubri. Et ita quia in causis actitandis ipse mul-
tum clamabat, eapropter facta est inflammatio: &
ita diuersio necessaria est: quare cauteria summo pe-
re laudo. Et ita agerem hac æstate, lubricando cor-
pus cum omnibus dictis, aut cum zuccharo rosato
recenti: dico recenti, quia recens maximè lubricat
non commiscendo aliquid. Et si isto zuccharo pos-
set lubricari, mihi maximè placeret, quia ex isto ha-
beremus tria, videlicet corroborationē capitis, ver-
triculi, & euacuationem fæcum: sed si hoc non præ-
stet, curetur prædictis. Veniente autem autumno
tunc poterimus concoquere materiam, & euacuare
cum pharmacia, & præsertim cum illa confectione
hamech: illa enim mouet humores adustos, & ipsos
euacuât

euacuat. & alijs pharmacis poterit vti secundum humores peccantes, quod cognoscendum illis medicis hunc curantibus derelinquo. Deinde ego corroborarem caput cum caputpurgijs, & lauarem ipsum cum rebus exiccantibus, & resoluentibus. De materia ista, quænam sit materia faciens hunc morbum, an calida, an frigida. Dicam duo verba. Illi Excellentissimi Medici in hoc fuerunt discordes. Aliqui dicunt quod erat materia frigida, aliqui calida. Ista est disputatio de lana caprina, eò, quia clarum est quod sit calida: patet, quia salsa est, erodit gingiuas. Et ita dico, vt etiã dicebat Excellentissimus Doctor, quod materia est calida & frigida: & ita si duæ illæ opiniones in vnum redigantur, fiet vna opinio. Verum etiam vtranq; opinionem saluabimus. Dicam duo verba de prognostico, & facio finem. Morbus iste curabilis est, non tamen est contemnendus: quia si contemnatur, augebitur continuè: quare fiet apoplexia, aut epilepsia, aut paralytis in toto corpore perfecta, ideo non sunt dandæ induciæ. Hæc pauca volui breuiter dixisse, quæ per Excellentiam vestram erunt iudicanda.

Consult. XLII. De destillatione à capite ad diuersas partes, & febre, pro Abbate sancti Gregorij octuagenario.



Rimum quod venit considerandum, est natura morbi, & subiecti. Subiectum autem est in vltimo senio cõstitutum, quæ quidem senectus, est pessimus morbus: & comparando morbum hunc ad senectutem, longè maior est senectus, quàm morbus, quo affligitur. Habemus ergo ætatē in vltimo senio: habemus corpus quo ad radicem validum: quod si comparare-

tur alijs decrepitis robustū est, absolutè tamen non est robustum: nos autem robore indigemus absolute, non per comparisonem ad aliud. Habemus ergo imbecillum corpus: nec est consideranda temperies elapsa, sed præsens. Et quo ad præternaturales dispositiones non omitam, quòd in hyeme proximè elapsa apoplexiam & paralysem leuem passus est: quæ quantum adferat incommodi in omni corpore, argumento esse potest, quòd apoplexia ita proster nit vires cerebri, & calorem innatum, & vires cordis, propter consensum cordis cum cerebro, vt videamus iuuenes cū in apoplexiam inciderint, nunquam restitui: quanto magis senes, si inciderint? vel non euadent, vel rarò, semper tamen percipiunt tale nocumētum. Considerandum igitur est symptoma, quod licet nō curemus, tamen admonet, quòd ægritudo deterior est. Nunc verò patitur duas dispositiones, destillationē scilicet à capite ad diuersas partes: & quidem quæ occupat fauces, bronchus appellatur. aliam præterea patitur quæ pectus occupat, & catarrhus nuncupatur. ad ischiam etiam, & ad crus infra genu vsq; ad talum descendit, & ibidem tumorem facit in præsentī œdematicum: adeoq; copiosa est destillatio hæc, vt perseueret nunc cum tussi, quæ non est sufficiens ad excernendum catarrhum crassum. Alia dispositio est ipsa febris, quæ iam mēsis est, ex quo incœpit affligere, & ita affligit, vt nunquam ferè fuerit sine febre: ita tamen erat mos febris, vt seruaret hunc ordinem, vt alternis diebus magis inuaderet. Quo ad febrē, quæ primò consideranda est, & fortè primò curanda, si cōsideremus exeūtia, quæ maximè indicant naturam febris, & præcipuè vrina, quæ indicat febres putridas, etsi mineram putredinis habeāt extra venas, quia humor qui putrescit intra

tra venas, ille est qui effunditur extra: ideo vrina
 dicat humorē putrescentem. Cū ergo vrinas ru-
 eas & crassiusculas, quæ tales perseverant, habeat,
 super humorem peccantem attestantur. Et cū duo
 int humores in humano corpore rubei, sanguis, &
 cholera *χολή* à Græcis appellata, à Latinis rubea,
 igitur cū nō videamus in hoc corpore sanguinem
 abundare, nec signa sanguinis apparere, & pituitam
 multam abundare, non est sanguis absque dubio qui
 peccet: tum etiam, quia sanguis putrescēs non facit
 periodos. Relinquit ergo quòd bilis sit, quæ putre-
 scit in aliqua minera putredinis, de qua nondū con-
 stat. Habemus ergo febrē hīc etiā, & à putredine, ex
 putredine humoris biliosi: habemus præterea ege-
 stiones biliosas: & hæc duo arguunt bilem putresce-
 re. Et quia inuadit sine typo, cum calore leui, & se-
 gni, sine siti, sine capitis dolore, & sine sudore, cre-
 dendum est quòd sit mixta cum pituita, & sit ex ge-
 nere biliū quæ appellantur maioris famæ. & hoc ve-
 rissimile est, cū abūdauerit tanta copia pituitæ, ma-
 ximè cū corpus sit frigidum, & siccum: hæc enim
 temperatura (vt dicit Galenus in 1. 1. de temperamē-
 tis) multam pituitam generat. Bene verum est, quòd
 si caliditas & siccitas temperaturæ excederet, redū-
 daret bilis: quatenus autem remanet vestigiū calidi-
 tatis, bilis abūdat scilicet: processu verò cū sit cor-
 pus frigidum & siccum, abundat pituita. Nec verum
 est id quod olim dicebat Cassianus, cum quo habui-
 mus super hac re disputationē, quòd generaret talis
 temperatura humorem frigidum & siccum, quia ta-
 lis humor generatur à caliditate adurente. Vltèrius,
 cū vir iste frigidus & siccus sit ratione ætatis, non
 est aliter credendum, nisi quòd sit pituita multa, bili
 permixta. Febris ergo, vt ex motu febris & exeunti-

bus apparet, est febris quæ pendet à cholera vitellina crassa mixta cum pituita multa: ideo longa est. Talis ergo est causa, & mos febris, iudicio meo. Vbi verò, & quo modo putrescat, videndum est. Omnino bilis generatur in hepate. Sed quomodo in isto viro generetur, multæ causæ adduci possunt, ex regimine maximè factò, cum dulcibus scilicet, quæ bilem generant. & præterea potuit esse causa, quòd factæ sint obstructions in hepate à catarrho, & cum in venis mesaraicis sint factæ obstructions, nihil magis facit ad calorem augendum hepatis, & ad calefaciendum, sicut obstructio: quia cum sanguis tenetur calefcit, & facit multiplicare bilem: quæ cum partim per venas deferatur, quia venæ omnes non sunt obstructæ, sed plures, ideo non euentatur sanguis, incalefcit, & partim per venas, partim per porū felleum ad intestina deferitur: & ideo per secessum, & per urinā, plurimā bilem emanātem videmus. Minera ergo putredinis est, quia venæ sunt plenæ bile & pituita, & putrescit pars in venis, pars extra: sequitur quòd putredo varia sit, & modò in venis, modò extra venas sit, quia natura potest transmittere materiā extra venas sine typo, vt in primo ad Glauconē dicit Galenus: & non fit rigor in tertiana, nisi propter multitudinē materiæ subitò excurrentis ad loca sensibilia, ob sensibilitatem multam. Cum igitur priuetur multa bile syncera, & membra sint sicca sine sensibilitate, ideo potest putrescere extra venas, & intra etiā. Sed quicquid sit, siue extra, siue intra putrescat, materia hæc cholera est crassa mixta cum pituita multa. Sed quantum sit de ratione febris factæ ex obstructione, si aperiet, trāspirare poterit, & bilis nō generabitur, quia remota prohibitione transpirationis, omnia prospere succedent. Circa catarrhum verò aliter est dicendum;

um : quia senes habent catarrhum congenitum, & cum occupantur, tunc fit illis ita congenitus: & egri-
tudo, sicut Hippoc. retulit, branchi & catarrhi in se-
nibus rarò maturatur. Dicit Hippoc. rarò: Galenus
verò exponens in còmento, nunquam catarrhos ta-
les in senibus maturari dixit: & ratio est, quia sunt ip-
si congeniti, quia cerebrum cùm non possit conco-
quere alimentũ, & vapores eleuati ad ipsum non ex-
pellantur, ideo tum ratione proprii alimenti, tum e-
tiam ratione vaporum, tum ratione vtrorunque,
sic fiunt catarrhi senibus congeniti. præterea cùm
vapores sint multi in corpore senum, propter imper-
fectionem còcoctionum, plurimi ascendunt, & cùm
non possint expelli, multiplicatur catarrhus: maxi-
mè autem multiplicatur in illis, qui habuerunt cali-
ditatem in iuuentute validam. Vbi enim perfecta fri-
giditas est, vt in sene qui fuit frigidus, non fit in eo
euaporatio multa, ideo nec multitudo catarrhi, &
non nisi propter alimentum cerebri. Corpus autem
tale fuit calidum in iuuetute, vt apparet ex toto am-
bitu, & nunc etiã hepar suum calidũ est: ideo fit mul-
ta euaporatio ad caput: ideo catarrhi multiplican-
tur: multiplicatio autẽ catarrhi ratione cerebri non
potest tolli, quia non potest fieri vt cerebrũ non sit
frigidius seipso, ideo nõ possumus curare catarrhũ:
possumus bene remorari ne citò interficiat. Cùm
igitur hæc duo ita se habeant in hoc corpore, quid
esset dicendũ, & quid faciendum? De ijs quę possunt
cõtingere, aliquid est dicendũ. Quod ad catarrhũ at-
tinet, nõ curabit perfectè. Quo ad febrẽ poterit for-
tè, sed cum difficultate: & ratio est, quia febris hæc
nõ est nisi à forti causa, & non habet virtutẽ quę ad-
iuuet Medicũ, quia Medicus naturę minister est, ipsa
verò operatrix, I I artis medicinalis. Non ergo ita

facile curabitur ratione debilitatis corporis, & cause: & ita sumus in re valde ambigua. De faciendis est primò videndū, cui primò occurrendum sit. Dico quòd intentio circa febrē dirigenda est, non neglecto catarrho, quia febris periculosior, quia difficilius est naturæ senis: catarrhus autē familiaris. Ideo febris non seni, sed iuueni est familiaris: neq; ea febris hīc dependet à catarrho, nisi quia facit obstructionē: & bilis multiplicatur, quæ miscetur cum pituita. Ideo obstructiones essent tollendæ, vt febris tollat: quia si tollamus febrē, poterimus prouidere, vt iste Reuerēdus dominus viuat diutius: si verò nō tollet, interficietur, quia fiet quotidie deterior. sed quia ab humoribus dependet, tollendi sunt, & prouidendum est vt obstructiones hepatis aperiātur. Et quia materia crassa est quæ euacuari debet, attenuantibus indigemus, deinde educētibus humores crassos in venis existentes. Et sic vna indicatio ab humoribus sumitur, alia à virtute: quia debet sumi venia à virtute, tanquā à principe terreno. Nos habemus virtutē quæ præcipit, & cū sit in corpore sensili, & virtus affecta admodū, nō possumus ea facere quæ morbo conueniūt. Primò igitur manna proposita est, & ab ipsa inciperē. Sed diceret aliquis: Tu euacuabis humores subtiles, hīc autem crassi peccāt, ideo non euacuabis humores peccātes. Dicebat autē Hippoc. Si talia purgātur, qualia purgari cōuenit, cōfert, &c. Cū ergo nō purgent humores quos cōuenit, nō iuuabit. Dico, quòd etsi tenues humores euacuet manna, nō debemus abstinere ab ea, quia ab humoribus preparatis debemus incipere, qui sunt in venis mesaraicis, ideo tutissimè cōuenit: & quia iuuabit etiam catarrhum, cū febris non sit occurrēdum neglecto catarrho, ideo summopere cōuenit. Non dico quòd

manna

manna penitus sanabit, sed quòd erit principium o-
 mium: quia vidi ego sæpe, quòd manna licet tenues
 humores euacuet, aperit obstructions: & facta præ-
 paratione, vidi crism fieri, & post quatuor dies sani-
 tatem secutam esse. Ideo inciperem à manna tãquam
 re tutissima, & darẽ in vespere ipsam: imò felicius
 operabitur, vt est mos Romæ, vt libetius dent in no-
 te, & experiuntur feliciter operari, sed ante cibum
 statim: & exhiberem ʒ j. s. vel ij. Postea deueni-
 rem ad alia, nisi natura adiuuaret nos, vt nõ indigea-
 mus alijs. Altera die nec brodium, nec syrupum da-
 rem, quia nollem vt brodium lauaret medicinã: nec
 syrupus distribueret humores, quos volo euacuare.
 Altera die, quæ tertia erit, darem syrupũ qui habet
 vim abstergendi, & mundificandi. propositum est o-
 xymel simplex, à quo non recederem: sed vellem vt
 esset magis acetosum, & præpararetur cum sua ace-
 tositate: id enim quod habent pharmacopolæ, dulce
 est. Non derelinquerẽ mel rosaceum ratione stoma-
 chi, quia senum membra sicca sunt sine pinguedine,
 & intestina non habent pinguedinem, possemus de-
 uenire ad excoriationem: vellemq; vt esset subama-
 rum, quia multũ refert habere optima medicamẽ-
 ta. Postea facerem decoctum, accipiendo aquam en-
 diuix, vel capillorum Veneris, si haberentur capilli
 Veneris. nec erunt dimittenda farfara, id est, tussila-
 go appellata propter excellentiam, quam habet ad
 tussim. Ideo vellem quòd haberemus has tres aquas
 ad pondus singularum lib. vnus. Et decoquerem in
 ipsis aliquid anisorum, vt corrigeretur earum frigi-
 ditas, quoniam omnes aquæ distillatæ frigidæ sunt,
 vt etiam aqua distillata à calidissimo simplici, puta à
 calametho, quod stimulat linguam veluti piper, non
 calefaciat, imò infrigidet: & vidi inflammatos homi-

nespropter potū decoctiligni Indi, ab aqua calamē-
thi in frigidari summopere. Quia ergo aqua endiuig
est frigidior, aqua capillorū Veneris ad temperamē-
tum accedit, vellem miscere anisorū aliquid, vt ape-
rrent oppilationes, & corrigeret frigiditas, & deco-
queret vt duæ libræ remanerent: & exhiberentur hu-
ius decocti vncie quatuor: oxymellis simplicis, mel-
lis rosati sing. vncia. Cum autē dedissem quinq; vel
septem syruos, si viderē cōcoctionem, replicarem
medicinam, & constante virtute, cum manna, vel in-
fusione rhabbari, vel cum syrupo rosato soluti-
uo euacuarem, nec accederē ad agaricū, quia laboriose
soluit, & nauseam facit. Sed ego non recederem à be-
nedictis, nec haberem virtutē defectam: oportet er-
go manutenerē ipsam, & cū deuenerimus ad rha-
barbari infusionem, & ad syrupum rosatum soluti-
uum, sufficiet nobis. Si postea symptoma catarrhus
vrgeret, cum linimentis procederē: & ego maximē
confido in vno à methodo Galeni sumpto. Vellem
vt acciperemus adipem anserinum, quia maximē pe-
netrat. Et licet antiqua expositio laudibus extollat
arietinū, id perperam dictum, quia textus Græcus
habet anserinū. Etiam ille qui traduxit, ea attribuit
arietino, quæ sunt attribuenda anserino, cum modi-
co croci, & olei amygdalarū amararū: iuuabit enim
mirum in modum ad cōcoquendum materias cras-
sas. Nunc autem masticatoria non conuenirent, sed
facta euacuatione. Caputpurgia per nares cōueniūt
ad euacuandum catarrhum, & si per spatium leue fa-
cere vellemus masticatoria, possemus. Ideo si vellet
masticare radicem capparū, optimū esset, vel masti-
chen: corroborat enim, nec facit violentā attractio-
nem ad fauces: & conuenirent reliqua pro ventricu-
lo, & pro concoquendo catarrho, & pro febre. In ijs
im-

immorarer, vt scopus meus esset non recedere à benedictis. Circa rationē victus, ab eo tollendū vinum potens, & vinum sit tenue, subtile, albū, vt non habeat acetositatē, nec dulcedinē, quia vellemus curare febrem, non catarrhum. Quo ad cibum, iusculis ex hordeo optimē cocto, & farre cum lacte amygdalarum vtatur, & oua forbilia accipiat, quia in tertianis oua iuuenibus exhibebat Galenus: in reliquis regimine senū vtatur, cum aliquib. frictionibus. Quo ad illam excoriationē, non laboret supra nates, quia longo decubitu faceret deuenire ad gangrænas, & estiomenū. Ideo petiæ lineæ subtilissimæ in oleo de cerussa madefactæ loco apponētur, vel cum carie lignorum salicis, & cum modico olei rosati: vel puluis ille siccus conueniret, vel item vnguentum de lithargyrio simplex: & inter omnia ne molestaretur in decubitu, vellem vt super re molli sederet, & cum subtilissimis petijs, ne aliquid asperum læderet ipsum. Quo ad œdema, vellem vt maius fieret: si tamē timerem ne humor multus destrueret temperaturam cruris, non esset malum si aqua marina salsa acciperetur, & germina ebulorum coquerentur in ea, & fierent lotiones, & petiæ lineæ magnæ infusæ essent: facerent enim ad resolutionem, nec reprimerent: & corroborarēt membrum, ne materia illa diutius permaneret destruens calorem innatum. Et ista essent iudicio meo facienda.

*Consult. XLIII. De oculis lachrymantibus,
pro Iudeo Turcico.*



Vrationis huius affectus quo affligitur, potissimum fundamentum est, vt prohibeamus materiam ne destillet: hoc verò neutiquā facere possumus, nisi membris

mānantibus prospiciamus, ita quòd tota ratio curæ consistat in eo, vt membra corroborentur, hepar scilicet, ventriculus, & cerebrum, ne generentur excrementa in corpore. Quod maxime fiet recta ratione victus, in qua quidē cum multipliciter delinqui possit, in aëre, cibo, potu, & reliquis, ideo curabit vt sibi viuatur, & non alijs. Proposita recta ratione victus, bis in anno purgabitur, vere inquā & autumno. Modus verò purgationis erit iste:

℞. Specierum hieræ simplicis 3 ij.
Cassia 3 j.

Fiat bolus, detur ante prandiū hora vna. Postea vtatur septem vicibus infrascripto syrupo:

℞. Syrupi de stœchade
De infusione rosarum ana 3 j.
Decoctiois fœniculi
Anisorum
Rosarum 3 iiij. Misce.

Sumat deinde infrascriptam medicinam:

℞. Pilularum cochiarum 3 iiij.

Cum melle rosato. sumat manè cum custodia.

Interdum vna hora ante cœnam sumat tres infrascriptarum pilularum:

℞. Aloës optimæ
Agarici electi ana 3 iiij.
Myrobalanorū chebulorum 3 ij.
Nucis muscatę 3 j.

Puluerizentur, & commisceantur, deinde aspergantur cum succo rosarum, & permittantur exiccare: postea cum melle rosato fiat magdaleon, de quo fiant pilulæ pro 3 iiij. Mastichē mastice manè, & expuat. Pro confortatione infrascripto remedio vtatur:

℞. Tutia optimè præparata
Corticum ouorum puluerizatorum

Aloës

Aloës optimæ

ana 3 j.

Inuoluantur in panno lineo, & fiat pila. Infundatur in aqua fœniculi, suspensa cum filo: postea sæpe in die exprimatur ea pila in oculos. Si uerò perseueraret mala dispositio oculorum, & sentiret se nō leuari cum remedijs superscriptis, fiāt cauteria & fontanellæ in vno & altero brachio supra cubitum, per spatium quatuor digitorum parte exteriori tenendo semper aperta cum balla de cera, sicut solet fieri. Corroborentur autem membra, hepar, ventriculus, & caput: & inter reliqua maximè laudo zuccharum rosatum, quod uidetur esse proprium morbis ventriculi & hepatis: abstergit autē, corroborat caput, & prohibet ascensum vaporum. Caput etiam corroboretur calefacientibus, aspergēdo ei pulueres, tum etiam decoctis factis ex maiorana, camomilla, agarico, & cum sapone confecto cum agarico, ablundo caput vesperi, & postea domum non egrediatur. Caputpurgia hic quoque conueniunt, quibus etiam Galenus in morbis oculorum utitur. Quòd si aliquis dicat hoc esse malè factum, quòd diuertamus materiam ex cerebro per locum affectum, is aduertere debet, quòd tunc hoc licet facere, quando exquisitissimè corpus est purgatum: quam exquisitissimam purgationem nisi præsupsposuerim futuram ab eo, nunquam ei masticatoria proposuissē: gingiuas enim etiam habet paratas ad fluxus, neque tanta essent caputpurgia: diuersiones potius fierent ad partes posteriores, cum frictionibus, cucurbitulis siccis in dorso. Sed his non iuuantibus, postremò (vt iam monuimus) ad cauteria erit confugiendum.



Consult. XLIII. De uisione diminuta continua, & corrupta, sed intermittente, pro monacho sanctæ Iustine.



Vm duobus Reuerendus hic pater accidentibus molesteretur, id proculdubio à nobis præponendū quod magis notum est, & ad minus notum deueniendū. Accidens ergo confessum & notum est debilitas visus, adeo vt nō possit à remotis conspiciere, sed tantū de proximo videat: & hoc sibi essentiale & perpetuū est, cū iam duodecimus agatur annus, ex quo huiusmodi accidēte afficitur. Aliud verò accidens non sibi perpetuum, nec essentiale est, quod dum intensius aliquid legit, & aliquid fixè aspicit, percipit falsas imagines in aëre apparentes, vt muscas, vel fila, quæ ascendāt & descendant per aërem. Primum est proprium, vt dixi, & est visus operatio diminuta: secundum verò non est proprium, sed consequens ad primum, & est imaginatio corrupta, & operatio corrupta. Et sic sunt duo symptomata, seu accidentia, quæ non dant nobis indicationem curandi de se, nisi prius cognoscatur ægritudo, & causa ipsius. Ideo ægritudo, & causa ægritudinis quærenda est. Ipse enim narrat, quod dum esset puer sex annorum, ichores quosdā in capite & crustas habuit, quæ cum medicamentis & inunctionibus repressæ fuerunt: in decimotertio anno post clausuram illarum cœpisse debilius videre, & hucusque perseuerare: & hæc existimat facere ad inueniendam causam istius ægritudinis. Ideo à nobis videndum erit, an ista fuerit causa. Sed prius tamen notanda sunt quædam, & primò consideranda est complexio eius, quia ex complexione elicietur aliquid, quod ad cognitionē causæ istius

sa istius ægritudinis faciet. Iste enim habet habitum corporis satis bonum, robustum, & optimi est coloris, & habet operationes vitales & animales optimas, quia iste optimè conficit alimenta: quæ omnia indicant supra caliditatem eius, quia omnia ista procedunt à calido. Ideo nulli dubiū est, quin iste sit calidæ temperaturæ. Vtrum verò ista caliditas sit æqualis per omnia membra principalia, an verò sit cum siccitate vel humiditate? Ego quia non video multum excessum in humiditate & siccitate, ideo in istis non multum laboro, quia nō multum etiam faciunt ad rem nostram. Quòd autem iste habeat humidum cerebrum, ex naribus & oculis licet videre, ex forma & figura totius oculi, quia sunt magni & prominentes: ideo cerebrum eius & oculi labuntur à temperamento per calidum & humidū, quod patet ex venis in eis existētibus, quæ magnæ apparent. Quod verò magis refert, est videre de loco, in quo sunt symptomata, scilicet in quo subiecto sit iste malus affectus, & de causa materiali faciēte istum malum affectum. De subiecto ergo videndum est, sicut præcipit Galenus 1. 1. 1. de causis symptomatum, an ista læsio vel ægritudo sit in substantia cerebri, vel in membranis eius, vel in spiritibus, vel in nervis opticis, vel in instrumento: & si in instrumento, an in tunicis, an in humoribus. Ideo difficile est videre, vbinam possit esse ægritudo ista, quia hæc est tota rei summa, ad hoc ut inueniatur modus curandi. Quòd autē non sit in cerebro, patet, quia nulla est de hoc cōiectura, quia (ut audio) omnes cerebri operationes rectè se habēt, & secundum naturā: quia non conqueritur nec de gravitate capitis, nec de odoratu, nec de gustu, nec de auditu, nec de alijs, sed solū de visu, nō autē de aliqua læsione quæ in cerebro fiat: propterea illud mē-

brum sanum est, cuius operationes sunt sanæ. Igitur cum operationes cerebri sanæ sint, sequitur ipsum sanum esse. Neque lēſio iſta eſt in membranis, quia ſi ſic, ipſe in radicibus oculorum haberet dolorem vel grauitatem: ſed nullum iſtorum habet, ergo non eſt in membranis. Sed fortè dicet quis, quòd iſta eſt in neruis opticis: hoc autem eſſe non poteſt, quia ſi ſic eſſet, vel eſſet conſtipatio aliqua ibi exiſtens, vel aliqua mala complexio, vt nimia humiditas, vel nimia ſiccitas: & vbi ſunt iſta, ibi vt plurimum eſt conſtipatio. præterea ſi eſſet ſiccitas, faceret alia longè ſæuiora accidentia. Non eſt etiam humiditas, quia non eſt conſtipatio perfecta. Quòd autem non ſit conſtipatio, apparet ex eo, quia nihil videret, ergo non diminutè. Nec poteſt eſſe ægritudo in cōpoſitione, quia ſi ſic, contorquerētur illi nerui: ſed non contorquentur, ergo. Quòd autem non contorqueantur patet, quia ipſe nō habet viſum obliquum, ſed rectum: ſed ſi eſſet contorſio, obliquè videret. etiam ſi eſſet conſtipatio aliqualis, ſpiritus eſſet equali modo, nec eſſet cauſa quare debilitaretur viſus, cum per longum tempus videt: quia vbi eſt conſtrictio neruorū opti-
corum, vel aſtrictoria oppilatio in neruis illis, viſus ſuus ſemper in illa paruitate perſeueraret, & nō debilitaretur. Ideo non poſſumus dicere, quòd in neruo illo ſit aliquid quod impediāt. Præterea ſi claudat oculum alium, videbitis ſpiritum conſeſtim irruentem in plurima copia. Ideo cum ſit liber tranſitus totius ſpiritus ad pupillam, non eſt dicendū impedimētum eſſe in optico neruo: ergo erit vel in ſpiritibus, vel in humoribus, vel in tunicis oculi. An in ſpiritibus, nec ne, cum ſciamus viſum principaliter fieri per ſpiritus, ſecundariò per humores, vt cryſtallinum, & alios duos, & præcipuè per aqueum, ideo
ſum

sum in hac re multum cogitabundus. Quòd non sit in tunicis, certum est: quia ego video quòd nò sit in cornea, quia nò apparet nocumentum. nec etiam in vvea, nec in parte in qua est humor albugineus, quia si sic, esset suffusio: non durasset tandiu, quia secundum Galenum suffusio ad summũ durat per sex menses, deinde fit turbulentia: sed iste habet oculos claros, & spiritus prodeuntes, & ideo in tunicis nò est læsio. Ideo crediderim & in spiritibus, & in humoribus participare ægritudinem istam. Quòd autem sit in spiritibus, conijcio: quia cùm iste Reuerendus pater incipit videre, non diminutè videt, sed bene videt: cùm verò diu vidit, iam incipit diminutè videre: ideo credo ego quòd sint pauci spiritus, & etiam crassi, qui non possunt ad longam distantiam diffundi & dilatari. Et maius signum est, quòd postquàm vidit per multũ spatium, & facta est multa spirituum resolutio, quòd tunc sequitur secundum illud accidens, & apparent ei muscæ, & fila ascendentia & descendentia. Ideo credo quòd simile nocumētum sit in spiritibus, & etiam in humore aqueo, quia nocet ei lux multa & subita: & hoc est accidēs ipsius aqueæ humiditatis, quæ facta est propter defensionem humoris crySTALLINI: quæ cùm pauca sit & tenuis, ideo facilè lēditur à multo lumine. Et sic vitium est etiam in humore aqueo ex paruitate & subtilitate eius: & sic ægritudo est præcipuè in spiritibus, & in humore aqueo. Vtrũ verò ista sit materialis vel non, & à qua materia: & si peccent spiritus, qua qualitate, an propter malam complexionem, vel quia magis crassi, vel magis subtiles, vel magis humidi, vel magis siccici? Certè est dubium non paruum, quia iste dominus dicit se lēdi & ab aëre lucido, & æstiuo, & à turbulento. Quamobrem spiritus si quidem essent sub-

tiles, non iuuarentur à cōtrario: si autem nimis crassif, non læderentur ab aëre perlucido. Et ideo dico, quia omnis excessus nocet suæ visioni, quod est imbecillitas in spiritibus, quæ non sequitur malam temperaturam simplicem, sed solùm paucitatem, adeò, vt sint pauci spiritus, qui si etiam transirent, immutarentur à subiecto, & instrumento non bene affecto, quia figura istius oculi, vt videtis, non est naturalis, ideo non est commodum instrumentum: & si potentia materiæ sit eadem, non potest cōmodè videre. Et sic quia sunt pauci spiritus, & etiã alteratur ab instrumento non proportionato & idoneo, ideo à quacunq; causa extrinseca de facili læduntur. Vnde autem prouenit ista paucitas spirituum? A debilitate caloris innati dixerim ego: & sic credo quòd ista paucitas spirituum cum aliqua mala dispositione & affectu in humore aqueo sit. Vtrum verò sit aliqua materia, quæ concurrat ad hoc faciendum, ita vt ægritudo nedum immaterialis, sed materialis dici possit? Certè iste non conqueritur de aliqua mala stomachi temperatura, & habet optimam temperaturam, cum humiditas & caliditas non multum excedant in cerebro, & sic per totum. Et sic credo quòd imbecillitas oculi sit causa materialis istius, quia stante imbecillitate oculi, stat imbecillitas instrumenti: & alimentum, quod ad oculos defertur, non ita rectè conficitur, sicut si essent secundum naturam. Et non video quòd sit aliquis humor, quia non habeo aliquod indicium, quo deducar ad hoc coniectandum. Dices, quare apparent imagines post fixationem visus? Dico quòd resoluntur partes subtiliores spirituum, & remanent crassiores, ideo apparent imagines post fixationem visus, cum spiritus non possint recipere obiectū sicut est, quia quod est in-

tus

tus, apparet etiam exterius. Ideo quando diu laboravit, quia partes subtiliores resolutæ sunt, & restant crassæ, apparent istæ imagines. Cum igitur nullam aliam causam istius affectus possimus asserere, nisi hanc, dicendū est, quod sunt paucæ materiæ facientes huiusmodi accidens, vel quod nullæ sunt, quæ de directo hoc faciunt. Cum igitur iam sint duodecim anni, ex quo perseverat iste affectus, & quia spiritus tales, & oculus qui est magnus, & valde dispositus ad recipiendas istas dispositiones, & sic ægritudo talis, & causæ symptomatum tales, ideo quid circa curationem dicendum est? Certè credo quod iste non possit sanari, neq; hoc sperandum, neq; tentandum, sicut unusquisq; potest iudicare. Sed quid faciendū? Dico quod providendum est, ne isti spiritus pauciores, & debiliores fiant. Ideo alendum est corpus optimis alimentis, & cauendum ab extrinsecis alterantibus, neque se exponere debet aëri, neque Soli, neque ventis, quæ excedant, & sic ab omni aëris recessu semper cauere. Et ab animi accidentibus cauere debet: quia quantum animi accidentia faciunt ad resolutionem spirituum, quisque nouit. Et à nimio somno, quia replet caput, & cum oculi sint debiles, omnes superfluitates tenderent ad oculos. A nimia etiam vigilia, quia resoluit spiritus: & à somno meridiano, quia ille maximè replet caput, & maximè ad rheumata facit. Ideo in cibo & potu debet esse diligens: debet enim cauere à crassis & euaporantibus cibis, sicut sunt legumina, pastilia, fricta omnia, pisces ferè omnes, & præcipuè ab ijs quæ proprietatem habent contra oculos, sicut sunt berberi, & alia huiusmodi, & à lactucis, quoniam crassefaciunt spiritus. Et sic eligat vinum album, pauciferum: & post prandiū vtatur chebulis myrobalanis,

sicut deferuntur ex Damasco, quia assiduus coriandrorum vsus noceret: citonia cum zuccharo conueniunt: & acoris communibus vtatur, qui habent stipticitatem, & repressiōem, quia reprimunt summē vapores. Deinde habeat aliquod familiare, quo vtatur ter in mense ad expurgationem stomachi, & ad expurgandum loca communia, ita ut semper sint vacua, sicut essent pilulæ ex tribus, ex hiera simplici, agarico, & rhabarbaro, cū succo saxifragiæ, & eufragiæ: & succus eufragiæ esset optimus cū fœniculis, aniso, & zuccharo. Præterea cōferrent syrupi ex decocto anisorū, fœniculi, eufragiæ, & verbenæ, si vteret per xxv. dies: & si vellet euacuari, mihi placeret, his ita stantibus, quia excrementa semper ad debiliores partes tendunt. Quantum sit de balneis non video iuuamentum aliquod: fortē posset sequi aliquod nocumentum: posset tamen tentari. In potu verò cū sit calidi hepatis, quod ex colore, & ex venarum latitudine patet, cauere oportet ne incendatur. De cauterijs in capite, & setaceis, non approbo, quia faceret spiritus pauciores, quia nimis exciccarentur spiritus. In cruribus autē possent fieri, quia nullū inde sequet nocumentū: & si aliquæ materiæ deberent ascendere, ista esset diuersio. Et quia videt quod peius se habet postquā ingressus est religionem, ideo cauendum à suo modo viuendi: sed comedat spiritus corroborantia, & à resoluentibus abstineat: oua enim recentia dicuntur spiritus corroborare, auellana, pini grana, & huiusmodi. De extrinsecis verò apponendis oculis, nō inuenio nisi quod lauatur cum rebus astringentibus, & confortantibus, sicut esset aqua rosacea cū modico aloës puluerizato, & ebulliant, deinde elambicentur: & ex hoc potest lauare oculos, uel cum aqua fœniculi, & similibus.

Con-

Consult. XLV. De debilitate oculorum, & periculo suffusionis ex consensu uentriculi, pro D. Gasparo Vngaro.



Abstineat à nimia lectione & studio, præcipuè post prandiū & cœnā, & alijs etiā horis, nimis diuturna. Duo ocularia parat, vnum primò ex crystallo, quo in legendo vtetur: & alterum ex vitro viridi, quo non vtetur in legendo continuè, sed per certa interualla, quò spiritus recreentur. Tertiò faciat pyramidem rotundam in acumine non perforatam ex vitro densiori viridi, cuius basis tam lata sit, vt vtrunq; oculum recipiat, intus verò concauam, in quam intuens colligeret spiritus, & radios ad inuicem adiuuaret. Quartò diætā vtatur debita, abstineat à vino nigro crassiore, & omnibus fumosis cibarijs & crassis, qualia lacticia, pisces, fructus, & fricta. Quintò vtatur singulis septimanis semel drachma vna hieræ simplicis, quam in hoc casu mirificè laudat Galenus, ita vt ea sola multos in Asia per literas Roma missas secuisse iactitet. vel tantundem aloës accipiat, quam felicissimè in hoc casu probauimus, & nunc magis in vsu habemus, quòd ex ijs quæ hieram ingrediuntur, tria nunc non possunt haberi, & male plerunque cōficiatur. Sextò, collyrio vsitato vtatur, quando extrinsecam aliquam in oculis humiditatem sentiret, aut quando in ipsis oculis uideri possit, abstergit enim illud & exiccat: sed dum nihil in oculo apparèt, nec ab extrinseca inconuenienti humiditate infestatur, ab eo desistat. Esse autem malum illud non essentialiter in capite, sed ex ventriculo affecto, colligitur primò, quia ex vomitu cœperat: secundò, quia intermittebat quandoque, non erat cōtinuum:

tertiò, cùm amouebatur, præcipuè sentiebat, dum enim calefactus ventriculus, eleuabat vapores. Collyrium commune, quo vtetur:

℞. Fœnigræci $\frac{3}{4}$ i. s.
Radicis althææ $\frac{3}{4}$ ij.

Mudentur diligentissimè, & decoquantur in aqua communi purissima sine puluere & fumo ad cōsumptionem duarum partium. Facta diligenti expref-
sione & colatura,

℞. Aloës optimæ puluerizatae \mathfrak{D} iiij.
Bulliant omnia simul ad spissitudinē mellis liquidi,
& referuetur in vase vitreo bene obturato ad vsum.

*Consult. XLVI. De ophthalmia, pro Cor-
ricio iuuenē doctissimo.*



IX persuaderi possum, Corrici doctis-
sime, me quicquā de re medica excogita-
re aut præstare posse, quod nō abs te per-
ceptū prius ac probè deprehensum fue-
rit: noui enim ingenium, noui diligentiam ac doctri-
nam, qua plurimū polles. Tu tamen enixè rogas
atque obtestaris aliquid de ophthalmia cōscribam,
habiturum te illud tanquam sacrum, & ab Hippo-
crate missum: vtinam tantæ spei de me conceptæ fa-
tisfacere. Sed quoniam amor te decipit, facile fe-
ro: amari enim abs te mirum in modum gaudeo. Er-
go onus adeò efflagitatū subire non recusabo, haud
quidem quòd aliquid noui sperem in medium affer-
re, sed tantū ne optimo amico defuisse videar. Ha-
bebis autem quicquid hoc est, raptissimè scriptum,
quum nuncius festinans & ad iter paratus, incun-
ctanter exigat, & de quacunque morula conquera-
tur. Quum verò tres similes morbi, ob naturæ pro-
pinqunitatem, ab imperitioribus medicis plerunque
con-

confundi soleant, *χέμωσις, τάρaxis, & ὀφθαλμία* (Græcis enim nominibus agendum, ob Latinorum vsitatorum inopiam) primò singula distinguemus, postea ad veram ophthalmiā accedemus. Est igitur *τάρaxis* levis quædam inflammatio, quæ sine vlllo discrimine palpebras, tunicam coniunctiuam, & reliquas oculi partes inuadit, vt nullus tamè vel minutissimus certè dolor consequatur. Sed nec rubedo aut tumor insignis apparet, vt meritò inflammationis potius exordium, quàm inflammatio appellari possit: raroque à causâ intrinseca generatur, & si quandoque contingit leuissima est, & quæ paucò curamine indigeat: sed ferè semper ab extrinseco originem ducit, sole, puluere, fumo, ac reliquis similibus. Ophthalmia autem est inflammatio tunicæ coniunctiuæ, quæ sæpe præ magnitudine totum oculum inuadit. Differt *τάρaxis* à chemosi & ophthalmia, tum quia semper mitis, tū quia nullius partis oculi proprius affectus est. *χέμωσις* itē ab ophthalmia differt, quoniam chemosis propriè palpebrarum inflammatio est, licet nonnunquam alias partes in consensum affectus trahat: ophthalmia ad coniunctiuam tantū tunicam attinet, faciliè autem taraxis in primo intuitu dignoscitur, quæ tamen si negligatur, corpusque malis succis refertum inuenerit, in grauissimos morbos incidit. Chemosis & ophthalmia cū simplices fuerint, facillimè discernuntur: chemosis enim tantū palpebras inflamat, ophthalmia coniunctiuam: sed vtraque sæpe vno & aliquādo quampluribus oculorum morbis complicantur, quorum singuli ex proprijs accidentibus à prudenti medico distinguuntur. Nos verò hīc de simplici ophthalmia disserere proposuimus: iustum siquidem volumen, non epistolam conficeremus, si varias mor-

borum, quæ oculis euenire solent, complicationes
 curationesque singulis correspondentes prosequi
 tentaremus. Est igitur ophthalmia (vt diximus) con-
 iunctiux inflammatio, & quatenus inflammatio est,
 tot habet causas, quot reliquæ omnes inflamma-
 tiones, & ijsdem curationibus tollitur: sed indica-
 tione sumpta à natura loci multam habet diuersita-
 tem, ut postea ostendemus. Nunc videndum quo-
 modo simplices ophthalmiæ distinguantur. Memi-
 nisse autem oportet, me simplices appellare, quæ ne-
 que vlceri, neque alicui morbo coniunctæ sunt: vel
 enim à materiæ inhærentia, vel à forma distinctio-
 nes habent. A materia, nam fieri potest à sanguine, à
 bile, à pituita, à succo melancholico, à flatu, sicuti
 & reliqui tumores præter naturam. A modo inhæ-
 rentiæ, nam quædam per essentiam inest, quædam
 per defluxum, quædam utroque modo. Per essentiam,
 vt si coniunctiux aliqua mala temperatura contige-
 rit siue ab extrinseco, siue ab intrinseco aëre, vel ci-
 bis, vel coitu, cum coctiones propriæ alimenti dete-
 riores redduntur, & inde excrementa plura colli-
 guntur in loco, vnde postea inflammatio. Per deflu-
 xum, quia à capite, vel alijs membris materia ad lo-
 cum imbecilliores pellatur eo modo, quem Gale-
 nus secundo de diff. feb. descripsit. Vtroque modo,
 vt simul & mala temperies seu laxitas cōiunctiux fue-
 rit, & defluxus ab alio membro. A forma distingui-
 tur, nam quædam earū humidæ, quædam siccæ sunt,
 quas Græci *ξήρας ὀφθαλμίας* vocant. Si ergo fierent à
 sanguine, maximus tumor in loco apparebit, ma-
 ximus etiam rubor, tensio præterea, pulsatio, & do-
 lor, calidæ lachrymæ exprimentur ad crassitudinem
 declinantes, quæ vbi moram fecerint, facilè exiccan-
 tur: sordes insuper molles circa angulos oculi fre-
 quen-

quenter apparent. Et si à causa intrinseca euenerint, plerunque corpus ægri sanguine refertum videbis, prominentibus venis, colore rubro, qui fortasse in otio pridem visitauerit, lautosque cibos atque potus ingesserit. Si à bile, tumor modicus, magisque in superficie eminens, color ad pallidum vergens, dolor acris & mordicās, lachryma vel nulla, vel parua, falsa, aut amara, statim excrescens: sordes in angulis ficcæ, & asperæ, plerunque etiam vigilæ, præsertim si à capite materia defluerit. Si materia fuerit in stomacho, sæpe & febris tertio die accessiones habens. Et si materia fuerit in toto, vrinæ, & fortasse etiam excrementa biliosa egerentur: sed & corpus ægri gracile, quod cibo & potu calido, validis exercitijs pridem abusum fuerit. Si à pituita, tumor quidem maior, sed laxus, color quidam albus, lachrymæ plurimæ, tenues, insipidæ, quæ non excrescant, sordes vel nullæ, vel mollissimæ, & penè liquores: & totum corpus ægri pituitosum, segne, quod multo otio marcuerit, & cibos potusque frigidos & humidos ingesserit. Si à flatu, quod rarissimè eueniet ob loci raritatem, tensio tantum sine grauitate percipietur, tumorque facillimè, & tota inflammatio discutietur. Quod si per essentiam, nō per affluxum ophthalmia contigerit, paulatim & non subitò inuadet, & ante inflammationem lachrymæ, & sordes oculorum præcesserunt, & mordicatione à quolibet æris leui excessu percepta etiam læditur, maximeque à quacunque re astringente, quæ fortè inflammationi applicatur, cibi que & potus abstinentia iuuantur. Si per defluxum, dolor plerunque & tumoris augmentum certas habent periodos, membrique; unde excrementa illa expelluntur, affectus per sua signa non ægrè deprehenduntur, estque plurimum caput in

causa. Si utroq; modo, tunc & utriusque notæ appa-
rebunt. Distinctio itaq; ophthalmiæ quæ sumitur à
forma, est (vt prædiximus) vt quædam ophthalmia
humida sit scilicet, quædam sicca. Humida contin-
git ob materiæ multitudinem, tenuitatem, aut acri-
moniam, & loci affecti tenuitatem, raritatemque, &
aëris caliditatem relaxantem, & virtutis expultricis
robur, aut contentricis imbecillitatem. Sicca ob
causas euenit oppositas, & propterea Hippoc. pri-
mo Epid. sectione secunda, cum in Thaso Austri &
imbres præcessissent, successisse ait ophthalmias ma-
nantes & humidas. Et tertio Aphor. flante Aquilo-
ne siccas ophthalmias generari: siccas autem oph-
thalmias vereri oportet, nam si cum siccitate mate-
ria adfuerit acris & erodens, non euadet æger ab vl-
cere maligno. Pessimæ verò omnium ophthalmiæ
sunt, quæ & siccæ fuerint, & à materia acris, & cum
his imbecillitas magna oculi, & ingens à capite de-
fluxus conuenerit. Atque hæc quidem de singulis
ophthalmiæ distinctionibus dicta sufficiant. Quæ
postea multifariam commisceri, conuenireq; pos-
sunt, vt sanguis simul pituitæ, aut bili, aut utriq; iun-
gatur. Oportet igitur prius exerceri in particulari-
bus, singulorumque signa exquisitissimè obserua-
re, & memoriæ commendare, & inde non adeò dif-
ficulter composita quæque ex signis compositis dis-
cernemus. Vbi ergo ophthalmia curanda nobis oc-
currerit, antequàm quippiã facere moliamur, opor-
tet primò, si veri medici esse studemus, totã eius na-
turam exquisitissimè considerare: huius enim cogni-
tionem, curandi indicationes sequuntur, perpetuoq;
ex distincta cognitione, distinctæ redduntur indi-
cationes: & qua parte deficiet, eadem deficere indi-
cationes necesse est. Natura autem exquisitissimè
cogno-

cognoscetur, si quæcunq; suprà retulimus, diligēter rememorabūtur, quænam materia peccet, sitne per essentiam, an per defluxum, sitne humida, an sicca: eruntq; singula ex proprijs notis, quas diximus, perpendēda. Supponat primū à sanguine bilioso ophthalmiā generatā propter defluxum à capite, cum raritate texturæ in tunica cōiunctiua, quæ redditur ad excrementa suscipienda paratior, sitq; ex genere manantium humidorū: talis enim plerunq; contingit. Hæc vt manifestò apparet, plurimæ commixtionis est: nam ex diuersa materia constat, bile inquā & sanguine, & partim per defluxum, partim per essentiam loci affectio exoritur. Quòd si epidemicā quoque posueris à consuetudine veris calida & sicca, cui præcesserit australis calida & humida, adhuc eā magis multiplicem efficies. Qua igitur uia & ratione hoc loco procedendum? Diximus, vbi naturam rei rectè conceperis, primò istiusmodi distinctione utēris. Habemus materiam talem, sanguinem inquam cum bile iugiter defluentem à capite: habemus membrum recipiens, tunicam scilicet coniunctiuam relaxatam, nec resistentem alienæ expulsionis: ex quibus relinquitur, aliquid iam fluxisse, & aliquid iam esse fluxurum. Hinc oriuntur indicationes quatuor: prima, vt fluxum prohibeamus: secunda, vt quod fluxit euacuemus: tertia, vt causam remoueamus, quæ talem defluxum fouet: quarta, vt membrum recipiens corroboremus, & laxitatem emendemus. Fluxū prohibebimus auertendo & euacuando: id quoq; quo modo, à natura rei colligitur. Cū ergo quod defluit, sit sanguis & bilis, constat vtrunq; in hepate generari: à fonte igitur cōmodissimè haurietur & auertetur. Vtrum à sanguinis missione prius incipiendum? Si sanguis exuperauerit,

copiosè educēdus: si bilis, parcius, & postea purgatio à medicamento bilis ducente partem, sanguinis emissionem emendet. Basilica ergo incidenda, post die purgandū. Sic humorū fluxum euacuabimus, deinde tū repellendo, quod inter initia conuenit, tum digerendo, seu per halitum euoluendo, quod circa statū efficiemus: tum utroque, quod à principio augmēti usque ad statum fieri conuenit. Causam defluxus remouebimus, si recto calle venabimur, quidnam efficiat vt tāta vis sanguinis & bilis multiplicetur in capite. Et si fuerit caliditas excedēs, refrigerabitur: si fuerit viarū amplitudo, moderabitur: si succorū feruor & tenuitas, in contrariū habitum ducentur membra: sed coniunctiux raritatem stringentibus roborabimus. Quantum verò ad aëris constitutionem attinet, studebimus vel contrarijs qualitatibus emendare, vel ægrum in regionem ægritudini oppositam ducere. Et hæ sunt communes indicationes, quæ à natura rei sumuntur. Sed quoniam hūc, sicut reliquos morbos, in certis corporibus, regionibus, temporibus, multisque intercurrentibus occasionibus necessariò curabimus, ideo bonum artificem singula quæque istorum spectare oportet, & subiecta via, rationeque colligere, qua postea munitus tutò & facilè possit ad particulares accedere. Vbi ergo communes omnes indicationes quæ sumuntur à morbo, diligenter distinxeris, primò totam ægri naturam recensabis, cuius téperature sit tam in vniuerso, quàm in membris particularibus, & præcipuè in mēbro affecto, & an ibi ægritudo temperaturæ correspondeat, an sit diuersa vel opposita, quam habeat compositionem, an rari densiue habitus, an gracilis aut obesi, quæ sit figura membrorum, præcipuè capitis, sed potissimū oculorum,

vtrum

vtrum prominentes, concaui, aridi vel humētes, nigri vel cæsi, aut alterius coloris, perspicaces an hebetes, venis apparentibus an occultis, affectibus obnoxij vel perpetuò fani. Deinde de illius consuetudine in victu diligenter percūctaberis, quo cibo potuē vtatur, quantum & quoties comedat. De exercitijs, item vigilijs, & de somno, de animi occurrentibus, de coitu, de egestionibus, & reliquis huiusmodi. Interrogabis quā artē exerceat, quo genere exercitij, & in hoc potissimè ophthalmiæ affectum intelliges, legerē ne an scribere cōsueuerit, & quod literarum genus, minutāsne, an ampliores, & si non ita multum à cibo. Regiones præterea, & anni tempora obseruabis, calidiorā ne, an frigidiora: sicciorā ne, an humidiora: nunquid egritudini cōueniāt, vel opponantur. Insuper duo alia, quę morbi annexa vocare possumus, summopere sunt attendenda. Primum, vnūsne sit morbus, an plures complicati. secundum, quódnam sit istius morbi tempus. In primo vix credi potest quā multi medici cum summo suo dedecore, & ægri detrimento fallantur. Quoties enim oculum tumescentem aspiciunt, sine alia distinctione ophthalmiam appellant, & quod longè deterius est, statim curant, quemadmodū simplices ophthalmiæ curari solent, non perspicientes, num quis humor corneam quoq; inuaserit, & palpebras, & nūquid in ipsis palpebris asperitas, quę frequentissimè acerrimos dolores, & novos defluxus excitat, & nunquid aliquod tuberculum, aut vlcus, aut pustula parua è diuerso seu directo pupillę appareat. Hęc & alia cōplurima cum ophthalmia sæpissimè complicari solent, quibus nisi diligentissimè occurratur, non est mirum si postea cæcitas & multa alia incōmoda sequantur. Ego enim miserum quendam ophthalmi-

cum noui, cui in ea parte, quę pupillę opponitur, pustula inerat admodum exigua, vt vix sensu perciperetur. Huic imprudens medicus occurrens tanquā solam ophthalmiam curaturus, pomum feruenti cinere maceratum zuccharoq; conditum, temerē applicauit, eaque nocte tamen dolor omnino sedatus est, probeq; obdormiuit, manē letus surgēs medicū accersiuit de sanitate gratulaturus, nec minori lætitiā gestiēs delirus medicus, soluto oculo propereq; abluto cataplasmate, subsequutus est humor aqueus, qui crystallinum præcedit, vt miserabili motu æger altero oculo priuaretur: illo enim cataplasmate disrupta pustula profundiori quā sensu apparuerat, vlcus subortum est. Dies non sufficeret, si errores omnium recensere voluerimus, qui quotidie oculis curandis cōmittunt. Nec mirū, cū nullum aliud membrū sit, in quo tot partes insint tam exiguę, tam coniunctę, tam molles, tam affectibus obnoxia, tam simul consentientes, tam parum medicamēta tolerantes, vt omnino sagacissimū medicum esse oporteat, qui talium particularū morbose exquisitē distinguat, & vbi distinxerit cōmodis remedijs occurrat: vt optimē de hoc, sicut & de reliquis, veteres consuluerint medicos nonnullos cæteris morbis omisis solum esse oculares. Tantum enim negotij in solo hoc membro fore cōprehenderūt, vt vix, integro officio rectē obeundo, totus homo sufficeret. Ergo si quid aliud, hoc maximē intueri oportet ophthalmiam curaturus, sit ne alius aliquis in oculo morbus, vel alia pars læsa præter coniunctiuam: & præcipuē aduertendum an in cornea, & circa pupillam sit nocumentum, in hoc verò totus discriminis cardo versatur: partis enim nobilitas, & imbecillitas, & erroris nocumētum nunquam nos satis cautos reddit. Si ergo
affe-

affectus aliquis in ea parte consistat, videndum an vl-
 cus, vel pustula, an nubecula appareat: & singulis cō-
 modè occurrere, rei natura considerata: de his enim
 non est sermo à nobis propositus, sed ad hoc tantū,
 vt ophthalmiæ ita suas medicinas applicemus, vt se-
 parentur à reliquis. Quòd si, quemadmodum iam sæ-
 pe contingit, in ipsomet loco ophthalmiæ præter in-
 flammationē vlcera quoque adfuerint, curatio red-
 detur proculdubio difficilior: quod & nos protesta-
 ri debemus, ne fortè quod est in morbo, nobis id vi-
 tio vertatur. Deinde ita remedia moderari, vt simul
 & inflamationis, & vlcis ratio habeatur, ad id cau-
 tē declinātes, quod magis infestare videbit. Et hæc
 satis sint quantum ad morborū complicationes. De
 temporibus verò ophthalmiæ dicendū superest, quæ
 sunt, sicut reliqua omnium ægritudinū, ad curatio-
 nem admodū necessaria: longē enim diuersa in prin-
 cipio, quàm in augmento, aut statu, & facienda, & iu-
 dicanda sunt. Ergo tempora in ophthalmia ante cu-
 rationem distinguere oportet, quod non admodum
 difficilē fuerit. In principio, in humida quidē lachry-
 mæ & sordes nulla coctionis signa præ se ferētes, ser-
 uabuntq; vel nimiam caliditatem, tenuitatē, pallo-
 rem, acrimoniā, vel frigiditatē, crassitudinē, lentorē
 pro humoris peccātis varietate. In sicca verò nullæ
 prorsus aderūt lachrymæ, sordes, neq; adhuc erit hu-
 mor insignis, dolor tamē infestabit ob continuū de-
 fluxum. In augmēto & humor & dolor augmētabun-
 tur, lachrymæ tamē & sordes quædā tenues meliorē
 cōsistentiā acquirēt. In statu maximus dolor, rubor,
 & tumor: lachrymæ verò & sordes in salubri ophthal-
 mia, æquales, albæ, cōcoctæ: in perniciosa verò, aut
 liuētes, aut virides, aut nigre, & fœtidæ, ac in substan-
 tia ab omni mediocritate recedentes. Erit præterea

motus morbi attendendus, vtrum velox an tardus, vtrum paribus an disparibus diebus affliget, quænam habeat accidentia. Ex quibus diligenter collectis & comparatis, diligenter prognosticemus quoq; quid de morbo futurum sit, & quo tempore feliciter vel infeliciter terminabitur. Quæ omnia assistentibus prædicentes, simul & culpa absoluemur, ac præterea exquisitè noscemus quo modo & circa victum & circa remedia regendus sit æger. Accidentibus etiam, si quæ erunt sæua, quæ rationem causæ habere videbuntur, opportunè occurremus, inter quæ præcipuè dolor est, cui frequenter cum stupefacientibus remedijs resistemus, ne fortè tantæ materiæ vis ad locum trahatur, vt suffocato innato calore loci, gangræna aut sphacelos occupet. Cùm ergo hæc omnia, quæ diximus, prudenter & maturè collegerimus, à quânam materia ophthalmia generetur, sitne per adfluxum, vel per essentiam, sitne humida an sicca, demum quænam ægri temperatura, quæ compositio, quæ victus ratio, quæ ars, quibus assueuerit, quod tempus anni, qui motus, qui periodi: cùm hæc inquam omnia rectè collegerimus, tum cum optimis remedijs singula repellentes, & illud aureum præceptum semper intuentes, Contraria contrarijs mederi, vt plenitudinem euacuare, asperitatem lenire, caliditatem refrigerare, quartò humiditatem exiccare, & sic de singulis. Vbi igitur materiam præparatam & probè notam habuerimus, quid restabit, nisi vt hanc artem rectissimè exequamur, ac sanitatem vindicemus? Occurrat igitur nobis Socrates xxx. annos natus, temperatura calidæ & humidæ, qui præter consuetudinem suam ante aliquot dies biberit vina potentissima, aromataq; & mellita cibaria ingesserit, plurimoque coitu exhaustus fuerit, & nocturno aëri plus æquo se

ex-

expofuerit: habeatq; in cōiunctiua oculi tunica maximum tumorē rubrum, durum, pulfantē, cum dolore extenſiue, ac mordicatiue, vt ferē ſenſum acuum pungentiū percipiat: emanantes lachrymæ ex angulis oculorū, acres, ſubſtantia mediocres, tum colore quadantenus ad citrinum tendente: ſintq; in iſdem angulis ſordes medię conſiſtentię erodentes, ſitq; grauitas, ac rubedo totius capitis, cum plenitudine venarum apparentiū: vrinæ ruſæ & craſſæ, pulſus ingens, vehemens, frequens, & velox. Talem cū aſpexerimus, facilē eſt iudicare ophthalmicū, quoniā in tunica coniunctiua habet inflammationē. Materiam autem inflammationis eſſe ſanguinē bili admixtum, ex notis partim bilem, partim ſanguinem indicantibus: & per defluxū capitis, vt eius grauitas, rubedo, & venarum amplitudo atteſtātur, concurrēte etiam oculorum imbecillitate, quam præcipuē ex intemperato coitu vendicauit: atq; inter ophthalmias humidæ cōnumerari debet, vt lachrymæ & ſordes oſtendunt: demum totius corporis plenitudinem, vel defluxum conſpirare, adiuuante regionis & conſtitutionis intēperie, & nocturno aëre, in quo morā contraxerit, & reliqua victus ratione. Eſſe verò ſimplicē ophthalmiam, nulli morbo præterea cōmixtam: nam aliæ partes oculi ſunt immunes: tempus autem morbi augmentum. Ergo ſeruatis indicationibus, quas ſæpius diximus à morbi natura ſumendas, non repugnantibus alijs quę ab ægri natura, & à reliquis annexis mutuantur, ſicut hic minimē repugnāt, primò reuulſio euacuatioq; materię fluentis quęrenda eſt, quæ cū ſanguis ac bilis ſit, ad venæ ſectiōē & purgationem præparabimus. Et ſtante totius corporis plenitudine, quam ſupponimus (quicquid alij iudicent vel faciant) ego ita partirer miſſionem ſanguis-

nis, vt manè, exempli gratia, basilica secaretur, vespe
 re cephalica eiusdem lateris cum loco affecto, in sin-
 gulis sectionibus, tali etate, temperatura, regione, &
 statu cœli, ac plenitudine corporis existente, qualia
 omnia supposuimus, nō minus quàm uncias decem
 extraheret. Deinde vbi altero die corpus cōgruè a-
 limēto recreassem, postridie manè exhiberē infusio-
 nem drach. ij. rhabarbari, adiectis vncijs iij. syru-
 pi rosati solutiui: vel si corpus robustissimū, pro sy-
 rupo rosato, electuarij rosati Mesue drach. v. vel ele-
 ctuarij de psyllio drach. iij. Et hæc quantum ad eua-
 cuationem. Loco verò, nactus tale augmēti tempus,
 in quo simul & multa iam materia defluxerit, & mul-
 ta adhuc defluxura est, applicarem quæ partim reper-
 cutiunt, partim per halitum digerūt. Vbi modò ma-
 ximæ indicationes in loco affecto sumuntur, illius
 enim partis laxitas, sensibilitas, patiendi aptitudo,
 cōsensus, & vicinitas maximè pupillæ, & humorum
 oculi: hæc omnia nō sinūt nos applicare aliqua quæ
 sunt vel reperiendo, vel resoluendo efficacia. Quæ
 enim nimis acerba astringentiaq; sunt, licet validis-
 simè reperiunt, has tamen oculi partes irritant, ex-
 asperant, maioresq; dolores excitant. Quæ verò ni-
 mis calida & acria, potenter quidem resoluūt, sed in-
 flammationē augent, & à propria oculorum tempe-
 ratura partes exterminant. In vtraq; igitur facultate
 tum reperiendi, tum resoluendi, applicari debēt
 moderata: reperiencia quidem, qualis rosa, albu-
 men oui cōfractum, myrtus, rubus, radices mori, hy-
 pocistis, lentiscus: resoluencia verò, chamæmelum,
 lilia, eorumq; radices, scœnumgræcum, parthenium,
 malua, althæa, & eiusdem radices, atque huius gene-
 ris alia. Consulo autem, vt nihil oculo ophthalmico
 adhibeatur, nisi molle, lene, nullius visciditatis len-
 to-

torisue particeps, aut nimis corpulentum: talia enim frequenter adhærent affecto loco, & ita impinguntur, dum exiccantur, ut remoueri non possint, nisi locus exacerbetur, dolor excitetur, & inflammatio augetur. Si verò ita impacta omittantur, ut multi imperiti & sordidi medici faciunt, computrescunt, & alia fortè ratione etiam deteriore morbum exasperant & adaugent. Ab his igitur quàm maximè fieri potest, abstinere oportet. Neq; hîc ego reticebo, quod mihi familiarissimum est, & quo frequentissimè magna felicitate uti soleo. Rosas, myrtos, rubos, aut reliqua huiusmodi cum fœnugræco, chamæmelo, feminibus lini, & similibus, in aqua simplici, vel aqua etiam destillata plantaginis concoquo, atque in eo decocto pannos lineos tenuissimos ac mollissimos, multiplices, ad oculi magnitudinem, & cōplicatos, dudum maceratos, oculis admoueo, æstate quidem frigidos, hyeme calidos: obseruentq; diligenter, ut priusquàm arefiant, remoueantur, nouique iugiter applicentur, ita sæpe repetendo, donec eorum usus cōmodo esse videatur: ex his enim, sine aliqua molestia aut grauitate corpulenti & viscidi cataplasmatibus, repercutio simul, & per halitum digero, meq; à multis periculis tutum reddo: quale est, quod de pomo cocto, zucararo admixto, retulimus suprà: quando etiā albumē oui cum lacte mulieris ex optimis cibis nutritæ, cōfractū exquisitissimè, ut nihil viscidi, aut crassi remaneat, & in locum eodem prorsus modo applicetur, quo diximus de decocto. His ita ritè peractis, si adhuc fluxus perseueraret, vel inflammatio intenderetur, quærerem deriuationem, tum scarificatione in venis post aures apparentibus, aut hirudinibus applicatis, tum etiā si res vrgeret, vena frontis dissecta. Postea ad intercipientia medicamenta

accederē. Quæ validè reperiunt, fronti applican-
 tur, sicut cataplasmata ex albumine oui cum aceto,
 admixto bolo Armeno, terra sigillata, & eo quē vul-
 gò sanguinem draconis vocant. Quòd si dolor maxi-
 mus adest, qui tolerari non possit, cum decocto pau-
 lò suprà memorato admiscerē hyoscyamū, & papa-
 ueris nigri semina, & nonnihil ex pomo mandrago-
 ræ vel in eodem diluerem aliquid ex opiatis colly-
 rijs, quæ ex Paulo & Galeno ab omnibus recentio-
 ribus describuntur, qualia sunt ab Arabibus Sief ap-
 pellata. Vbi verò iam defluxus cessauerit, & corpus
 caputq; satis euacuatū videbit, tantū fomenta ex so-
 lo scænu-græco, & semine lini, & huiusmodi reliquis
 per halitum digerentibus cōmodè poterunt appli-
 cari. Quo etiam tempore balnea aquæ dulcis calida
 maximè competent: quo etiam eodem tempore vini
 potus vtilissimus erit, nam antea prorsus est abne-
 gandus. Quantū verò ad victus rationem attinet,
 contineri debet æger summa quiete in cubiculo, si
 fieri poterit, vel ad aquilonē vel septentrionē verso,
 iubēdo ne oculos fricet, aut aliquo modo exasperet,
 nec quidpiā intueri conetur. Capite elato dormiet
 super puluinari molli quidem, sed ex rosis siccis, aut
 minutissima palea, aut alga confecto. A carnibus, vi-
 no, ouis penitus abstineat, & nisi secus vires suæ fe-
 rant, sola ptisana & mulso contenta sit, aut eo saltem
 ferculo, quod panatellam vocant. Quotidie vel na-
 tura, vel clystere alius ducatur, manē autem in au-
 rora bibat vncias vj. decocti boraginis, endiuia, eu-
 fragia, cum vncia iuleb rosati. Et hac arte ophthal-
 mia simplex curabitur, quæ quidem per defluxum à
 materia sanguinea & biliosa generatur. Hic reliquas
 quoque ophthalmia species curaturus eram, quæ
 ab alijs humoribus oriuntur, & quæ per essentiam
 sunt,

fiunt, & quæ siccæ appellâtur, ac præterea quæ cum alijs diuersis oculorum morbis complicatæ, cum vlceribus, cum chemosi, cum trachomate, cum hypophagmate, cum ruptura corneæ, cum procidentia vueæ, cum suffusione, ac cæteris huiusmodi, quæ singulæ propriam diligentiam, & admirandâ quandam curam requirunt, & pace agentium dixerim, ab omnibus ferè medicis nostræ ætatis neglectam, ac penitus ignoratam: Sed nuncius interpellare me non desinit, vt me pudeat adolescentem optimum tandiu concepto itinere defraudare. Hæc igitur omnia in aliud tempus omittam, quæ si exquisitè & diligenter (vt spero) explicabuntur, in iustum volumen excrefcant: quod fortasse aliquando perfectû tuo nomini dicabit, cum tu solus autor fueris, vt hoc magnum pelagus ingrediar. Interim me ama, vt facis. Vale. Patauij, xvi. Calen. Augusti, M. D. XLI.

Consult. XLVII. De ophthalmia, cum principio suffusionis, & ulcere in cornea.



hic Magnus vir patitur quasdam dispositiones præter naturâ circa oculos, quæ quidem diligenter considerandæ sunt: quoniam partim curatu faciles sunt, partim difficiles, & nunquam curabiles videntur. Primò est materia quædam existens intra corneâ & pupillam, ratione cuius videt quasi per nebulam interpositam. Secundò, in cornea dextri oculi est album quoddâ tendens versus pupillam, non attingens tamen, quod etiam in sinistro oculo videtur exoriri. Tertiò, in coniunctiua manifestam habet inflammationem, vt ex rubedine apparet. Horum trium ratione consilium petit. Sed cum ijs alia quædam habet coniuncta, quòd per interualla quædâ patitur, non

quidem dolorem capitis, sed strictionem cum gravitate circa frontem: præterea sibilum perpetuum circa aurem sinistram. De his secundario conqueritur, & precipue circa oculos: de his principaliter videndum, quia partim morbi sunt, partim symptomata, de quibus queritur. Nebula interposita est morbus in compositione: inflammatio est etiam morbus. Album vero in cornea, an morbus vel symptoma sit, videbimus inferius. Cōstrictio capitis, & tinnitus aurium, symptomata sunt. Sed quia neutrum curari potest sine suarum causarum cognitione, cum natura cuiusque rei per causas suas intrinsecas & extrinsecas cognoscatur, prius ergo causæ inquirendæ sunt. Cum itaque, primo caput calefactum sit, deinde dolor frontis subsequutus sit, & ultimo morbi oculorum, non dubitandum videtur, an oculi prius affecti fuerint, an vero caput occasionem dederit. Quia manifestè apparet caput occasionem dedisse, ideo eius dispositio inquirenda, & videndum quænam causæ fuerint. Id vero ex dispositione naturali, & extrinsecus occurrentibus cognoscemus. De dispositionibus intrinsecis audio quo ad caput, semper habuisse operationes capitis secundum naturam, unde non scio quomodo possit esse dispositio in capite, quæ dederit occasionem morbo. Cōsuevit quandoque expuere, & per nares emittere excrementa, unde in capite humiditas conijcitur à quibusdam. Et hoc vnum dixerim verum perpetuò esse, quòd caput humidum semper est excrementosum, & redundat per nares ac os. Sed ex hoc non sequitur oppositum, ut sit caput humidum necessariò, ubi plurima excrementa: est fallacia consequentis, quia hæc ab alijs causis fieri possunt, à vaporibus scilicet ascendētibz & replentibus caput, ut fiat seipso humidius, unde plurimum excernitur.

Idem

Idem de somno, quòd qui humidi cerebri sunt, multum dormiunt: nò tamen valet oppositum, quòd etiam sicci cerebri naturaliter, plurimũ dormiunt interdum, propter plurimos vapores humidos ascendentes, ex quibus interdum etiam subeth còtingit. Idem de colore circa faciem: frequẽter rubicundus color, barba & capilli rubri, & tamen nò est calidum caput: quia signa còmunia sunt hepatis calidi, generantis sanguinem calidum, qui diffunditur per omnes partes, & nutrit eas, & præstat eundẽ vsum cuti, capiti, & fronti, quem reliquis partibus. Vnde signa hæc communia sunt, nec fidem faciunt, nisi reliqua adiuuent, quæ propriæ sunt operationes, videlicet intrinsecè, quæ nunquam fallũt. Qui ergo rectè imaginatur & memoratur, habet tenuitatem & siccitatem substantiæ cerebri: quoniam humiditas obtundit, siccitas acuit. Qui caput humidum habent, nunquã sunt ingenio perspicaci, nec memoria bona polent. Ideo dicebat Heraclitus, Spiritus siccus anima prudẽtissima. Is Magnus vir, quia est ingenij perspicacis, ideo est operationum intrinsecarũ cerebri optimarũ: nam optimè de omni re discurret, quamuis literas non habeat. In extrinsecis etiam quo ad motum, agilis est. Præterea quia oculi à membranis cerebri oriuntur, & sunt signum complexionis, video oculos paruos, & non magnos secundum proportionem capitis, prorsus introrsum recedentes: vnde crediderim cerebrũ in propria natura siccius esse. Quo ad caliditatem, an calidum vel frigidum cum siccitate? Ex quo cor & hepar ponimus calidissima, sanguis feruidus & spiritus calidi generantur, propter quos præcipuè cerebrũ frigidũ generatum esse ait Aristoteles, vt temperet & refrænet caliditatem spirituum, quò faciant officium suum. Necesse

est igitur, vt si quando cerebrum calidum cum hepate & corde concurrat, mores feri fiant, & vt ij homines habeant mores tyrānicos ob caliditatē membrorum & spiritū. Hic vir est mitissimi ingenij, nec mores tyrānicos habet, ideo magis iudico quòd cerebrum cum colore faciei & barba rubra, quæ ab hepate habet, sit temperaturæ siccae & frigidae, & ideo magis passibile à quacunq; causa extrinseca: quia frigidum diminuit omnes actiones. Video igitur tali capite existente, quomodo facile catarrhum sit passus per os & nares: quia quicunq; vapores ascendentes non possunt diffilari & concoqui, facile vertuntur in catarrhum: & proinde facile passus est catarrhum, quia facile recipiunt tales temperaturæ, nec possunt concoquere: sicut & senes frigidi & sicci ratione ætatis redundant catarrho propter vapores. Quòd autem plurimi vapores ascendant in hoc magnifico viro, clarum est, quoniam cor & hepar calidum habet, sanguis & spiritus calidi generantur: vnde plurimi vapores ascendunt, & caput facile repletur, ex qua repletionē varia oriuntur symptomata. Sed aliud est non præter rationem, quòd scilicet vbi hepar calidū, ventriculus sit frigidior seipso, & non ita cōcoquit, propter deperditionem pinguedinis: vnde ratione ventriculi vapores pituitosi ascendūt. Et quòd hoc sit verū, inde patet, quòd aqua aliquando descendebat ad oculos, quæ humida erat & frigida, quæ proculdubio ex vaporibus pituitosis ortum habuit. Ex hoc ergo ascensū vaporum, existente ipsa dispositione cerebri apta, factū est vt pateretur descensum catarrhi sine aliquo grauiori affectu. Successit postea ætas, exercitium, ambulatio in Sole & sicut gutta cauat lapidem nō bis, sed sæpe cadendo: nec dici potest, quòd prima, vel secunda, vel vltima, vel

vel penultima, sed ipsa continuatio id facit: ita symptomata paulatim succedente tempore, & redduntur grauiora, & magis manifesta. Præterea delectatus est equitatione, venatione, liberrimè vixit, sine delectu ciborum, vnde aggregata materia in corpore, & attracti humores ad caput, & repleto capite, principio leuius infestari cœpit: quoniam principio calefieri tantum cœpit caput, quem calorem neglexit. Successit grauitas circa frõtem, & videbatur illi ac si quis stringeret, quia humores decumbebāt circa radices oculorum, & membranas ad basim cerebri, quæ corrugabantur, & faciebant cōstrictionem apertam ad radices oculorum. Cùm hæc quoq; non curaret, & in eadem ratione victus perseueraret, successit inflammatio, & reliqua tandem. Primò inflammatio, quæ ophthalmia dicitur: quia dominium est vaporum calidorum ascendentium, & ideo incœpit cum lachryma, quæ falsa erat. Cùm deinde ingrauesceret morbus, consuluit medicum, nam adiungebatur aliud malum in vtroq; oculo: apparebat nebula, vt omnino quasi per telam intermediā videret: quia paulatim ingrauescebat morbus, ortus ex causa sanguinea. Sed cùm sanguis quotidie magis magisque adureretur, vapores etiā magis biliosi ascendebant, causa etiam biliosa reddita est ipsius morbi, ideoordes cœperunt apparere in oculis. Successit ergo nebula, quæ suffusio est, seu descensus aquæ, vt vocat Auicenna: quia aqua descendit inter pupillā & corneam, & ita occupat, vt radij visorij vel visibiles non possint exire, vel saltem spiritus visibiles ad eum penetrare. Hęc aqua aliquando crassior, aliquādo subtilior est, & diuersorum colorum, prout purior est vel impurior. Mihi visa est nō esse alba nec cærulea, sed ad cineritium subobscurum colorem accedere,

que omnium deterrima, vix vnquam curam recipit, imò ne per manualementem operam remoueri potest, videtur omnium maximè detestabilis. Quod mirandum est, licet adhuc esset in principio: quia dum sex menses præterierint, suffusio incurabilis est, vt dicit Galenus, & Auicenna confirmat. Hic nunc annum integrū patitur, & eò minus curabilis est: imò Auicenna aliud dicit, quòd cum muscæ tantum per sex menses apparent, incurabilis est. Est præter hoc aliud, materia scilicet alba in oculo dextro, quæ vt plurimum subsequitur ophthalmiā, & incussit multis difficultatem in perquirendo, quid esse possit: quia ipsæ tunicæ ita ambiunt oculum, vt sint continuæ, & nihil possit penetrare sine solutione continui. Hic facta penetratio est, ergo solutio continui, & fortè vlcus: perseverante enim ophthalmia, fit arrosio. Et ita in oculo tres morbi sunt in hoc Magnifico viro, suffusio, ophthalmia, & vlcus: & sunt morbi in compositione, & solutione continui. Hæc ergo sufficiant de his tribus morbis, & qui sint curabiles, & qui non. Nam ophthalmia, & album in cornea, facilè curabitur, siue ex vulnere, siue ex resudatione sit: suffusionem incurabilem credo. Si quis tamen etiam eam possibilem curatu contendat, tunc non litigare volo, dummodo constet nō venire eum affectum essentialiter à cerebro. Quibus ita se habentibus, satis constat iam quid de prognostico sentiam. Nebulam credo difficilem curatu, præseruari tamē poterit ad plurimos annos, sicut multos noui, curatum autem scio neminem. Quibus autem remedijs curandus? Dicit Hippoc. & affirmat Galenus, sæpe ex curatione facta indicari nobis curationem veram, & naturam morbi. Medicus quidam euacuauit illum, & felicissimè successit, ita vt remota ophthalmia

mia melius videat. Ideo præterquàm quòd secundũ
 rationem euacuandum esse videmus, fiunt enim hi
 morbi propter vapores ab ambitu corporis ad caput
 ascendentes, sumpta occasione ab ipso cerebro: vn-
 de per essentiam ibi esse dicere possumus, non quòd
 ibi sit primogenio affectu, sed quia successu tempo-
 ris facta sit aliqua impressio in ipsa substantia mem-
 bri. In curatione igitur credo euacuationẽ necessa-
 riam, & erit necessarium etiam vt continua euacua-
 tione præseruetur, ne repleat. Primò ergo euacuan-
 dum est, quod repletum est: id fieri debet cum pur-
 gatione, quæ multiplex est, vt dicit Galenus de phle-
 botomia contra Erasistratum, qui disputabat nõ esse
 necessariam euacuationem, quia sola inedia euacua-
 re possimus ad quem velimus gradum. Respondet
 Galenus, verum esse, sed quia sæpe contingunt mor-
 bi, in quibus statim euacuandum, vt dum tu expe-
 ctas euacuationẽ per inediã, moreretur æger: ideo
 concludit necessariã phlebotomiã & purgationem.
 Hic morbus dat inducias maximas. Si igitur vtatur
 inedia, id est, parsimonia ciborum & delectu, iuuabi-
 tur, maximè autem in tempore purgationum: quia
 si ita vti continuò veller, extenuaretur. Purgetur
 item, & mittatur sanguis, id enim refrigerabit he-
 par & euacuabit: poterit autem fieri missio sangui-
 nis à mediana vel basilica. Si hæmorrhoides prouo-
 centur, fiet diuersio cum euacuatione, quæ futura
 est vsui. Euacuetur autem cum educëtibus bilem &
 pituitam: & ideo conueniunt pilulæ cochix, aggrega-
 tiuæ, & confectio hamech. Tandem vtatur ele-
 ctuario facto ex succo euphragix, rosarum, & fœni-
 culi, & cum saccharo fiat electuariũ, quo vtatur quo-
 tidie. Vtatur etiam aliquando myrobalanis chebu-
 lis, nam inhibent ascensum vaporum. Circa oculos

vtatur collyrijs nostris, quæ conseruant oculos, abstergant sine exiccatione. Credo cauteria in cruribus quo ad causam antecedentem, conferre plurimum: sed quo ad morbum factum, non curabitur ex ijs. Erit operæpretiū localibus eum remouere, inde poterunt applicari sanguisugæ, & lauari caput cum decocto camomillæ, maluæ, & rosarū. Temporibus intermedijs laudo vsum cassiæ frequentem, adiuncta hiera. Auribus verò instillet oleū amygdalarum amararum, quod quidem non mediocriter profuturum credo. Modus autem euacuationis in periculo suffusionis, talis erit. Principio

℞. Floris cassiæ 3 x.

Specierum hieræ simp. 3 ij.

Cum saccharo fiat bolus. Postea

℞. Succi rosarum puri & recentis

Verbene

Fœniculi

Chelidoniæ

Maioranæ

ana ʒ v.

Purificentur succi, deinde syrupizentur cum saccharo. Deinde

℞. Huius syrupi ʒ iiij.

Aquæ euphragiæ

Fœniculi

ana ʒ ij.

Misce pro vno, & sic pro alijs, donec consumpserit totam descriptionem superscripti syrupi. Interim toto illo tempore dum accipit syrupos, consulo vt habeat beneficium alui, & si deficiet, vtatur clysteribus communibus. Sumptis syrupis, sumat infra scriptum pharmacum cum custodia:

℞. Floris cassiæ ʒ j.

Trochiscorum alhandal gr. viij.

Agarici præparati 3 ij.

Cum

CONSULT. MEDICIN. 241

Cum saccharo fiat bolus. Laudo etiam quòd dum accipit syropos, habeat puerum vel puellam septem vel octo annorum, quæ vel qui manè ieiuno stomacho mastice rosam vnā recentem, & subito post masticationem similiter lambat oculos. Post hæc ad purgationem capitis ac ad localia deueniet. Habeat optimam rationē victus. Caueat lacticia, pastilia, pisces. Vinum clarum, pauciferum, album, dilutum cum aqua, in qua decoctū sit fœniculum, bibat. Sumat præterea interdum de hoc electuario:

℞. Nucis muscatæ

Macis

Cinnamomi

ana 3 j.

Garyophyllorum

℥ ij.

Sem. anisi

3 iiij.

Thymi

3 j.

Sacchari rosati optimi ex rosis rubris

℥. vj.

Musci

Ambrae

ana gr. ij.

Cum modico iuleb fiat mixtura.

Consult. XLVIII. De apostematibus can-
crosis in naribus, pro Germano.



Vt possit conseruari atq; etiam præserua-
ri sua dominatio, oportet vt habeat ra-
tionem diligētissimā circa omnes res
non naturales, & primò circa aërē, cū
fere tota causa suæ ægritudinis sit vitio cerebri. quan-
tum fieri potest, euitabit omnes excessus aëris tam
calidos quàm frigidos: vnde ventos tam australes,
quàm boreales effugiet, & moram sub sole. Quòd si
cogatur equitare vel flantib. ventis, vel sub sole, cu-
rabit omni artificio, vt muniat caput ab omni offen-
sa. Cauebit à pluuijs, & ne aliquid habeat in capite

Q

humidū, neq; capillos madidos, sed confestim si plu-
 uijs se casu obiecerit, exiccabit caput calidis linteis.
 Et eadē ratione vitabit loca humida & terrena, & no-
 cturnum aërem, vel noctu apertis fenestris dormire.
 Cauebit à meridiano somno. Surget diluculo, atque
 excretis superfluitatib. consuetis exercebit corpus,
 & negotia sua peraget. Post prandiū studebit quie-
 scere, neque scribendo, aut aliquid vbi mentis labor
 accesserit agendo, se defatigabit. Conabitur iucun-
 dē viuere, atq; omnes animi molestias euitabit. Bis
 tantū in die comedet, neq; bibet intra prandiū &
 cœnam. Dum equitat, parce prandebit, vberius cœ-
 nabit, & hoc erit commune quotiescunq; post pran-
 dium aliquod magnum exercitiū sit factururus. In reli-
 quis temporibus par erit prandium & cœna, & neu-
 trum ad satietatē. Ciborum electio talis erit. Carnes
 iuuenes omnes edat, præter agnorū paruorū & por-
 cellorum: à porcis tamen siue iuuenes, siue senes fue-
 rint (meo consilio) omnino abstinebit. Vitulinæ, ca-
 stratorum iuuenum, leporum, hœdorum, auium om-
 nium campestrium quæ non degunt in aquis, pullo-
 rum omnium, conueniunt. A piscibus cuiuscunq; ge-
 neris quantum fieri potest abstinebit: ab omnibus re-
 bus frixis in sartagine, à lacticiinijs, præcipuè caseo
 antiquo, ab omnibus oleribus, præsertim syluestri-
 bus, ab ouis duris: recentia verò mollia, si in cinere
 calido vel in aqua decoquātur, vtiliter sumi possūt.
 Hæc ferè ratio victus erit illi præscripta. Quantum
 verò ad medicinas attinet, bis singulis annis ipsum
 purgandum consulo, autumno inquam & vere, neq;
 omnino prætermittendum, donec omnino morbus
 extinctus fuerit. Purgatio erit huiusmodi:

℞. Floris cassiæ

Specierum hieræ simpl.

ʒ j.

ʒ ij.

Cum

Cum zuccharo fiat bolus. Item,

℞. Syrupi de fumo terræ simpl.

Acetosi simpl.

ana ʒ j.

Aquæ endiuix

ʒ iiij.

Misce pro vno, & sic pro quinque. Deinde verò

℞. Confectionis hamech

ʒ iiij.

Syrupi rosati solutiui

ʒ iiij.

Misce, & fiat potio danda in aurora cum custodia.

Post hanc medicinā laudo, vt autumnno quidē sumat meos syropos de elleboro, quorum descriptio in tractatu nostro de morbo Gallico habet. Vere autem post cassiam assumptam & vnum aut alterum syrupum, mittet sanguinem ē vena communi dextri brachij, extrahendo circa vncias quatuor sanguinis: sed postea non sumat syropos de elleboro. Hæc erit purgatio. In temporibus verò intermedijs, vt continuò diuertatur materia, laudo vt semel in septimana saltem sumat vnam pilulā ex descriptione infra scripta:

℞. Agarici electi

ʒ ij.

Aloës optimæ

ʒ iiij.

Rheubarbari electi

ʒ iiij.

Cinnamomi

Garyophyllorum

Spicæ

ana ʒ j.

Puluerizent omnia per se, deinde misceantur, postea cum succo rosarū puro aspergantur, & dimittantur exiccari, atq; ita iteretur septies. Postea cum melle rosato fiat magdaleon, de quo fiant pilulæ singulis viciis numero tres pro drachma vna: ex quibus sumat vnam per horam ante cœnā, sine custodia, semel in septimana. Deinde permittet sua cauteria in brachijs, sicut sunt, aperta: imò si adhuc his omnib. peractis materia descēderet, laudo vt cauteria etiā multiplicetur, & duo fiant circa pulpā & partem carno-

Q a

sam vtriusq; spatulæ. Circa verò locum nasi, ego nollem transire vnguentum infra scriptum, si quandoq; vlcus aliquod emergeret, vel perseverarent reliquæ antiquorum. Descriptio vnguenti talis est:

℞. Tutia optimè præparata ʒ. j.
 Succi solatri }
 Succi plantag. } depuratorum ana ʒ. ij.
 Olei rosati completi ʒ. iij.

Atteratur tutia diligētissimè in mortario plumbeo cum pistillo plumbeo: postea paulatim addantur succi & oleum rosatū, semper magis ac magis confricando cum dicto pistillo per totum diem: vltimò addatur modicum ceræ liquefactæ, & fiat linimentū pro loco. In singulis septimanis fiat ablutio talis:

℞. Lixiuij dulcis quantū sufficit pro vna vice, atque in eo decoquatur agarici ʒ. j.

Rosarum


Maioranæ

Betonicæ

ana man. j.

Et cum hoc lixiuio, & aliquo sapone aromatico abluat caput.

*Consult. XLIX. De polypo narium ad
 cancrum accedente.*



Ictus ratione, dum purgabit, exquisitiore vtatur. Abstineat à carnibus antiquis & salitis, bubulis etiam ac porcinis, ab omni genere piscium, à caseo & lacticijs omnibus, à frixis in sartagine, leguminibus, & omnibus herbis. Sed comedat carnes vitulinas, hœdinas, pulli iuuenis, far quoq; bene coctū in iure pulli & gallinarum, ova recentia forbilia, non dura, nec frixa. Vinum bibat tenue, album, pauciferum. Eua-
 cuabitur verò ita:

℞. Ele-

℞. Electuarij lenitiui 3 xij. Fiant boli cum zuccharo. Deinde

℞. Syrupi de fumo terræ

De pomis simpl.

ana ʒ s.

Syrupi Sabor regis

ʒ j.

Aquæ boraginis

ʒ iij.

Misce pro vno, & sic pro alijs. Post tertiū syrupum extrahatur sanguis à basilica lateris dextri ad vncias septem, quoniam est sanguis niger, melancholicus & pituitosus valde. Absolutis quinq; syrupis, hanc purgationemumat:

℞. Cassiæ nouiter extractæ

ʒ j.

Agarici præparati

3 iij.

Misce, cum zuccharo fiat bolus. Facta missione sanguinis, nares & locū apostematis inungat ter in die tali linimento:

℞. Succij solatri purificati

ʒ iij.

Olei rosati puri completi

ʒ iij.

Malaxentur omnia simul in mortario plumbeo cum pistillo plumbeo, donec incrassescant, idq; plurimo tempore fiat, vt per quatuor horas, donec linimenti spissitudinem assequatur: quo (vt dixi) inungat alas narium intra & extra, & ipsum apostema cum penna ter in die. A purgatione accipiat ante prandium & cœnam vnciam mediam zucchari rosati. Sequenti die decoctionem nostram ex elleboro cum zucchari sufficienti quantitate syrupizatam accipiat, cum sero lactis caprini, ad refringendam eius caliditatem, quamumat octo vicibus, & educet septies in die sine molestia materias nigras. Post horum assumptionem alumen adustū experiatur in loco affecto, vt cognoscat, si fortiora remedia perferre possit.


His non succedentibus, ad manualementem operationem veniendum iudico.

Q 3

A D N O T A T I O.

Per decoctionē ex elleboro, intelligas velim syrupum magistralem Montani, cuius descriptionem vide in tractatu de morbo Gallico, & in consilio primo, pro Serenissima Regina Poloniae Sfortia Bona.

Consult. L. De difficultate aperiendi mandibulam ex debilitate muscutorum, pro domino Andrea Ponticello.



Ymptoma frequenter afficiens hunc nobilem virum, quod est clausio oris violenta, & mutua dentiū insertio, cum aperiendi impotentia, siue sit per cōtractiōnem muscutorum temporalium, siue ob momentaneam resolutionem inferiorum, qui ad os mandibulae ascendunt, certū est fieri à materia frigida, vel tenui admodum, vel sub forma vaporū, quae ad eas partes tanquam debiliores à capite violenter exprimitur. Quòd materia frigida sit, indicat perseverantia morbi, perceptio frigiditatis, color extrinsecus, & iuuari mirum in modum à calidis. Quòd tenuis, vel vaporosa, quoniam (vt audio) æger manifestè percipit descensum. Quòd etiam catarrho laborauerit, quòd muscoli recipiētes debiles sint, ostendit, quòd prius in ijsdem partibus conuulsionem est passus, & quòd tandiu perseverauerit in hunc ipsum locū expulsio. Sed & hæc eadem perseverantia demonstrat nocumentum iam esse per essentiam in capite, licet fortè inter initia potuit aliunde habere cōmunem. Optimū pro salute consulo, vt vir nobilissimus primò non prætermittat annuas purgationes, ita vt bis eodem anno repetantur, autumno inquam & vere: sintq; vel pilulae, vel potiones, vel solidiora antidota, dummodo admittat talia, qualis est agaricus, colocyn-

locynthis, elleborus niger, pityusa, & reliqua huiusmodi. Propterea laudauerim hieram Galeni ex colocythide, hieram Logodij, Rufi, Archigenis: confectiōem hamech, pilulas aggregatiuas, & quas cochias appellant: decoctū vel infusum agarici & rhabbari cum syrupo rosato: bolum ex cassia & agarico, & plurima huius ordinis: vt tamen materia prius attenuetur concoquaturq; cum oxymelite, syrupo de betonica, de stœchade simplici, cum decoctis ex aniso, fœniculo, ammi, cymino, betonica, & huiusmodi. Et post purgationes vtatur caputpurgijs ex succo betæ, & tandē etiam cyclamini, & elaterij. Pro musculorum corroboratione illiniatur, mundo existente corpore, ex oleo hoc modo confecto:

℞. Foliorum saluæ

Menthæ

Betonicæ ana man. s.

Radicum consolidæ maioris

Calami aromatici

Enulæ ana ʒ s.

Garyophyllorum

Piperis

Cardamomi maioris

Nigellæ ana ʒ ij.

Rosarum rubearum man. j.

Contundantur radices & semina suauiter, deinde bulliant omnia secundum artem in sufficienti quantitate vini albi odoriferi, ad consumptionem duarum partium. Inde facta diligenti expressione & colatura, adde olei anethini libram vnam. Bulliant omnia simul ad consumptionem vini, & in fine decoctionis adde euphorbij optimi puluerizati ʒ ij. croci ʒ ij. & vttere. Item singulis quibusque decem diebus laudo vt deuoret duabus horis ante cœnam, pilulas

Q 4

ex tribus rebus cōfectas, videlicet rhabarbaro, aloë,
& agarico, æquis portionib. cum melle rosato simul
confectis. Sit autem pondus pilularum pro quali-
bet vice Θ ij. Ratio victus præterquàm quòd bo-
ni & facilis succi sit, declinet etiam ad genus at-
tenuantium: vtaturque assidue aniso, fœniculo, cinna-
momo, confectis cum saccharo. Quæ ita peracta si
non suffecerint, laudarem, non tamen ab ijs desisten-
do, vt accederet ad fortiora auertentia & deriuátia,
quale esset cauteriũ, aut perforatio occipitij, in par-
te tamen inferiori circa tertiam colli vertebrã, & in
cute tantũ, vel in vtroque brachio supra cubitum
ad quatuor digitos, in parte exteriori carnosã.

*Consult. LI. De catarrho descendente ad uertebras
colli, & impediẽte circumgyrationem capitis,
item de immunda matrice coniugis,
pro nobili Germano.*



DVO quæruntur à nobis principalia. Pri-
mò, quomodo curandus sit à nobis qui-
dam dominus in Germania, qui laborat
hoc symptomate: Habet circa scapulas
& vertebrae colli dolorem remissum, sed perseueran-
tem, qui exacerbatur sub coniunctione lunæ: cui est
annexum impedimentum in motu ad circulum, non
in inflexione, sed circumquaque mouendo. De hoc
doctissime conqueritur suis literis, & petit consi-
lium distinctum, vtrum competat curatio cum bal-
neis aut thermis seu fontibus calidis, an cum phar-
macis: quòd fortasse sit discrepãtia aliqua inter me-
dicos illius loci, vtra magis conueniat ratio, vel ipse
etiam nobilissimus vir ab alterutra abhorreat. Secũ-
dò interrogat circa honestissimã vxorem suam, quæ
con-

conqueritur de immunditie vteri, quomodo ea sit curanda. Vt igitur sue Dominationi satisfaciam, incipiam à primo. Ex quo patet illud symptoma, qualitate, quantitate, & in quo loco sit etià, videlicet circa vertebrae colli, apparet iam natura symptomatis. Dolet dolore remisso, qui exacerbatur circa cōiunctiones lunæ, & impedit motum circularem. Hæc symptomata nota sunt ex ipsa relatione, sed causæ facientes ea latent, & tantum patet medico experto in discursu & curationibus. Quæ igitur sunt causæ? est hic dolor & impedimentum motus. Duo igitur læsa circa facultates sentiendi & mouendi, quæ ambo ad animalem virtutem pertinet, quæ læsa est dupliciter, in sensu & motu. Quærendæ ergo causæ sunt, & primò intrinsecæ. Quia actio animalis impeditur, & omnis actio animalis immediatè procedit à cerebro, ergo nocumentum erit vel in cerebro, vel in instrumentis à cerebro immediatè procedentibus, qui sunt nervi. Ergo hic est impedimentum vel in cerebro, vel in nervis, vel in utroque. In quo igitur sit causa efficiens hoc symptoma? Primò credendum quòd sit in cerebro. apparent cōiecturæ: audio circa cōiunctionem lunæ maximè eum pati: & nos scimus ex Auicenna, cum loquitur de actionibus lunæ, quòd vim habeat in nostris corporibus, & præcipuè de cerebro loquitur, ita ut id dicat crescere & decrescere ad motum lunæ: & omnes ægri tudines cerebri exacerbantur secundum lunam, ut epilepsia: & omnes defluxus à capite maximè exacerbantur circa coniunctionem lunæ, quæ ut Galenus I I I. de diebus criticis, maximam facit motionem, sed intensiuè tantum, non extensiuè, quia fit in puncto tantum. Quoniam ergo in coniunctione exacerbantur morbi cerebri, non leue argumentum est inde dependere defluxum eiusmodi.

Q 5

Deinde ille dominus est optimi habitus, viuidi coloris, bonæ carnis: ergo bene concoquit, & bene distribuit, & primā & secundam digestionem habet vt oportet. Nec cōsuevit laborare multis morbis, semel tantū quartanam habuit ex esu fungorum, & fortasse alia accidentia, & in renibus destillationē arenularum: ita vt si colligamus totam historiā, corpus hoc non est subiectum morbis, quia membra naturalia bene disposita habet. Quod cū ita sit, & hic morbus perseueret, nō possumus habere aliā causam nisi cerebrū. Est ergo in cerebro primarius affectus tanquā in membro mandante, & ex eo est origo & fomes huius fluxus. Est igitur in cerebro intemperies frigida & humida, vel natura: quoniā sæpe hoc contingit, vt hepar & cor sint bene disposita, & tamē cerebrum sit humidius: vel etiā propter causas extrinsecas, vt quia degit in aëre humidiorē, & in studio legum difficili versatur, ac negotijs publicis, vnde plurimū laborat etiā tempore coctionis, propter quod impedimentum cōcoctionis vapores ascendunt, & ita cerebrum laborat: & propter malam hanc victus rationem non leuis est causa huius morbi. Ex his cōcluserim, temperaturam frigidiorē & humidiorē in cerebro quā oporteat, ratione cuius abundant excrementa, quæ collecta tandem, vt Galenus refert de ophthalmia, à virtute expulsiua depelluntur ad locum magis debilem & imbecillum. Iam de membro suscipiente dicendū. Sunt autem nerui: hi siquidem sunt qui suscipiunt nocumentum, ex quo causantur prædicta symptomata. An verò illi etiam consentiant? hoc est necessarium: nam ad hoc vt fiat defluxio, non tantū requiritur vt peccet membrū mandans in generatione, sed requiritur etiā imbecillitas membri susipientis. Vt enim membrum suscipiat,

fit

fit vel quia alteratur ad calidū, & attrahit violenter, idq; duplici ratione, ob dolorem aut inflammationem, vel ex debilitate membri ob aliquā malam intemperie. In hoc casu nostro fit decursus à cerebro ad nervos. An modò sit violenta attractio, an imbecillitas? Credo vtrunq; cōcurrere, adest enim dolor qui attrahit, & est imbecillitas. Sed ea an calida, an frigida? Nemini dubiū est esse potius frigidam, quoniam omnia attestantur super frigiditate tali, perseverantia per longum tempus: si enim materia calida foret, diffilaretur, nec tandiu perseveraret. Et est dolor remissus, & omnes acuti morbi, vt primo Aphorismorū docetur, sunt vel à materia calida, vel propter nobilitatē loci. Cū igitur hic morbus chronicus sit, necessariò eius causa est intemperies frigida. Est igitur etiam intemperies loci, propter intemperiem frigidā, propter quā nec expellit excrementa, nec concoquit propriū alimentū: hæc facit vt facile recipiat, & dolor postea etiam facile attrahit, & ita accipiens dupliciter recipit. Nec est mirū, quia subinde generatur in intēperie frigida & humida, ideo perseverat & exacuitur in coniunctione lunæ, propterea quòd in cerebro præcipuè est talis passio. Dolet autem propter materiam præsentem, quæ facit intemperiem, compressionem, & solutionem continui. Præterea impeditur in motu, quia ad hoc vt fiat motus, requiritur virtus illustrans nervos, & obedientia instrumenti, vt sit aptum ad recipiendam impressionem. Hic neutrum est vt oportet: nam virtus non potest illustrare, nam non potest transire ad membrum quod malam habet temperaturam, vel obstructions, sicut radius solaris non potest transire per aërem nimis nebulosum. Hic est materia: ergo virtus non potest illustrare, & inde spiritus impe-

diuntur & refrigerantur. Deinde instrumentū etiam non potest extendi, dilatari, & contrahi, quod fieri debet in motu. Hic musculus & chorda repleti sunt viscidis & crassis humoribus, vt non possint cōtrahi & dilatari. Apparet iam catalogus causarum istorum symptomatum, quorum curatio quæritur. Prima causa symptomatis quo ad considerationē, membrum mandans est cerebrum, quod habet intemperiem frigidam & humidā, aggregans humores & excrementa. Secunda, recipiens locus, propter intemperiem frigidam, & in cerebro, & in his membris. Audimus primò de studio, exercet artē quæ sola potest resolvere caliditatē cerebri, propter cogitationes, & actiones causarum non ordinatas, quæ augēt cruditates. Regio frigida, & ætas est in 55. anno. primum autem seniū terminatur in septimo septennio, hoc est 49. anno, vt in 111. Aphor. sub finem, & inde incipit secundum seniū vsq; ad 63. qui est climactericus maior, sunt enim nouies septē, ex quo paucissimi euadūt, ita vt meritò sacrificaret Dijs maximo sacrificio Augustus Cæsar, cū eum annum euasisset, vt scribitur apud Aulum Gellium. Ita ratione ætatis frigidus est, & abundat excrementis: senectus enim per se morbus est: & vbi senes, qui natura sunt frigidiores, nanciscuntur aërem frigidissimum, nihil est perniciosius: indigēt enim calore, & inde æstate melius degūt, sicut iuuenes hyeme, vt bene docet Galenus in Aphor. illo, Ventres hyeme &c. corū scilicet qui iuuenes & robusti sunt, non senum, qui læduntur à frigiditate. Si ergo iam verum est intemperiem esse in cerebro & in neruis, esse in senectute constitutū, in regione frigida, morbum longum & antiquū, non est facilis curatio. Et ratio est, quia non habemus virtutem & calorem, cuius nos medici ministri sumus,

ita


ta validam, vt nobis sit amica. Nam ad curationem, vt dicunt Hippocrates & Galenus, tria requiruntur, natura, ars, & fortuna. In hoc natura nobis deest, quæ sine dubio debilior est in sene. Ergo dubio procul est difficultas in curando, non est tamen desperandum. Curatio verò an cum pharmaco, an cum balneis facienda? Hoc quæsitum non erat proponendum: quia nemini dubium est, quin curari cum debeat, utrumque futurum sit vsui. Est enim intemperies cum materia, ergo euacuanda est materia & auertenda, & remouenda intemperies in mandante & recipiente, quæ cum sit frigida, calidis remouebitur. & ita vtrūque faciendum erit, neque erat disiunctiuè proponenda quæstio. Euacuationem hac hyeme non tentarem: contentus sit leui fomēto, & recta victus ratione, fugiat frigus, & maneat in vaporarijs, sed nō ita calidis, vt quidam apud Germanos consueuerunt, vt excoquant & elixent carnes suas: sed vellem vt mediocriter calefierent, & minus in illis vestitus esset quàm cum exiret, ne subito obijceretur aëri frigidus. Abstineat à vino potenti: & si studet, leniter id faciat, & nō ventre pleno: minus laboret & cogitet. Vbi hæc in victu omnia peracta erunt, tunc facerem linimētum in ijs partibus, quod nec attraheret, nec reprecuteret, sed calefaceret, ita vt iuuaret coctionem materiæ, vt posset facilius postea eradicari. Acciperem itaque myrrham, in qua vis est cōcoquendi materiā frigidam & crassam, & astringit leuiter, vt corroboret membrum ne recipiat nouam materiam: & gummi ammoniacum, quod vtrunque dissoluatur in aceto. Et ne timeat acetum, cum Galenus exhibeat acetum in longè profundiorum neruorum vulneribus. quibus postea addatur oleum camomillinum, quod resoluit sine attractione: & oleum rosaceum, quod penetrat: & crocum.

Hęc mixta simul illiniantur. His peractis habeat aliquas pilulas leuiores, quæ non moueant materiam. quam postea non educant. Ideo fugiat cochias, sed sint ex aloë ac hiera simplici. Postea accedente tempore verno, si verum est quòd corpus redundat sanguine, non esset alienum vt fieret sanguinis missio, cùm podagra etiam & alij morbi frigidi curati sint à Galeno missione sanguinis. Deinde erit euacuanda materia: proinde dabitur minoratiuū ex cassia & hiera. Syrupus de cichorio laudatur à Nicolo inuentore eius in ægitudinibus capitis, & epilepsia. Conuenit etiam syrupus de Iua, de stœchade, simplex & cōpositus. Facta concoctione, euacuarē cum omnibus, in quibus agaricus & colocynthis ingreditur, siue pilulis, siue electuarijs. Ideo cōfectio hamech, electuarium Indū, pilulæ cochix, aggregatiuæ, cōfectio hieræ compositę, conueniunt. Post euacuationē, ad corroborationem membrorum laudo theriacam & Mithridatum, quia mirum in modum conferunt. Ad quæsitū, an cōueniant thermæ Italicæ, an verò Germanicæ? non possum respondere, quia Germanicarum naturam nōdum perspectam habeo. Hoc vnum dixerim, balnea conuenirent, sed calida, & maximè sulphurea: & si quid haberent aluminis admixtum, non refuto, quia corroborarent membra. Si talia habet in Germania, vtatur illis, sed bene provideat. Factitia profunt quidem, meo tamen iudicio non possunt conferri cum natiuis. Nam artis cōfectiones & mixturæ, non sunt ita perfectæ, vt illæ quæ à natura fiunt. Nostræ thermæ bonæ essent: quare si non reperiret idoneas in Germania, poterit in Italiam accedere. Modus administrationis fieret, vt biberet, laueret se, & vteretur stillicidio in capite & parte læsa. Ad secundum, cùm proponatur mulierem matricem

habe-

habere immundam, quia quæstio confusa est, nō possum etiam nisi confuse respondere: & curatio necessariò confusa erit, cū indicatio sit confusa. Est immundities: ergo abstergenda. Sed cum quibus? Non patet, quia à varijs causis pendere poterit. Mundificetur ergo, sed cum quibus? sit autē siue à calidis, siue à frigidis humoribus, vtatur hiera simplici, quod est præstātissimum in istis defluxibus menstruorum alborum, Galeno etiam testificante: quia diuertit, & euacuat, & corrigit membra mandantia. Vtatur ergo illa.

Consult. LII. De spūto sanguinis.



Rimò dicimus cauendum esse ab omni esu leguminum, & ab ijs quæ pastilia vocantur, à lacticinijs, à rebus frictis in sartagine, ab uvis, & pomis, & omnibus quæ sunt flatuosa: præterea à rebus acribus, vt sunt omnia aromata, allia, cēpæ, & huiusmodi: item à vino dulci & à turbido, musto & crasso, ab aceto & rebus falsis, à carnibus antiquis, & ab auibus palustribus, & piscibus, præsertim qui capiuntur in paludibus & aquis cœnosis. Non comedat diuersa cibaria: neque vbi habet in stomacho cruditatem, supercœnet aut prandeat, sed abstineat, donec se concoxisse percipiat. Habeat quotidie ventris beneficium: quòd si natura defecerit, adiuuet eam modò clysteri, modò vncia floris cassiæ, modò decocto maluæ, betæ, & mercurialis, cum oleo & sale: cuius amplum cyathum bibat duabus horis ante prandium, calidum: & si illi adijciat vnciam sacchari, adhuc erit præstantius. His igitur procurabit, vt aluus mollescat, modò hoc, modò illud eligendo, ne natura vni remedio assuescat. Si etiam vtatur passulis

dulcibus ante cibum, lenietur venter, & cōferent pe-
ctori. Caueat ab exercitijs vehementibus, ab equita-
tionibus violentis, præsertim sub frigidissimo aut ca-
lidissimo aëre, aut ventis exposito. Caueat ab ira, ri-
xa, clamore, & denique vitet omnes motus corporis
& animi etiam. Coitu vtatur moderatissimè. Quan-
tum verò ad medicamēta attinet, purgetur bis in an-
no, vere inquam & autumnō, poteritque purgatio-
nis modus esse talis:

℞. Floris cassiæ ʒ. j. s.

Cum saccharo fiat bolus, sumat hora vna ante pran-
dium. Sequenti die bibat syrupum hunc:

℞. Syrupi de betonica

De lupulis ana ʒ. j.

Decocti betonicæ

Lupulorum ʒ. iiij.

Misce pro vno hauſtu, & ita pro alijs vsque ad 1 x.

Bibitis syrupis, proximo die sequenti tale pharma-
cum accipiat:

℞. Rheubarbari electi ʒ. ij.

Spicæ gr. vij.

Irrorentur cum vino aromatico, & infundantur in
aqua lactis per horas decem. Deinde, facta diligenti
expressione colaturæ,

℞. Confectionis hamech ʒ. iiij. Misce, fiat potio
danda in aurora cum custodia. Hunc modum purgā-
di debet seruare tam in vere quàm in autumnō, nisi
quòd laudarē vt in vere venam secaret basilicā dex-
tri lateris. Ante omnia verò pro conseruatione sani-
tatis laudo vt omni mense accipiat tribus horis an-
te prandium tale lenitium alui:


℞. Rheubarbari electi ʒ. j.

Floris cassiæ ʒ. j.

Misce, fiat bolus cum zuccharo. Singulis verò die-
bus

bus ante prandiū & cœnam dimidiū vnciæ zucchari rosati sumatur : & hoc consulo toto anno non esse omittendum. Sumat præterea semel in septimana frustulum boli Armeni ad quantitatem parvæ fabæ, dum ingreditur lectū. Et hoc seruando euitabit, nutu Dei, discrimina quæ negligentibus possunt accidere.

Consult. LIII. De sputo sanguinis cum febre hectica, pro puero Hebræo.



Rimò sputa diligenter extinguantur pedibus in terra : nec expuat in muros aut lectum : quia periculum est à tabe alijs odorem haurientibus, præcipuè consanguineis & iuuenibus. Comedat carnes vitulinas, hœdinas, pullinas, oua recentia cocta in aqua aut cinere. Vinum pauciferum sit albumq; . Caput sæpe lauetur, idq; vesperi, quando amplius nō exhibet ædes, ex lixiuo dulci, in quo decoquantur, camomilla, maiorana, & agarici drachma vna in petia ligata, & postea exprimantur. Aliquando terebinthinæ videlicet lachrymæ, aut pinguedinis abietis accipiat quantitate nucis, corroborabit caput, mundificabit pectus, & aluum molliet. Capilli incidantur, & in vertice ponantur huiusmodi pulueres, capite prius munito pectine:

℞. Laudani electi 3 ij.

Rosarum rubearum

Sandarachæ

ana 3 iij.

Garyophyllorum

3 j.

Maioranæ

3 j. s.

Puluerizentur omnia per se, deinde misceantur, & imposita capiti permittantur per diem & noctem. Quouis mane loco syrapi bibat brodiū, in quo decoquantur enulæ, marrubij, singulorum quantū suff.

R

ficat, & hyssopi parū. Enula pistetur autē, & post decoctionem fiat fortis expressio: quòd si gustui ingratum esset, addatur mellis aut zucchari parum. Hoc per decē dies continuabit, postea quiescet per quatuor vel sex dies, & iterum inchoabit: interdum clysteres fiant vsitati ex rebus solitis cum melle rosato, vel etiam simplici, cū rosatum rarò bene præparetur. Pruna non conueniunt illi, sed passulæ sunt conuenientissimæ. Iste etiam puluis erit optimus pro exiccatione catarrhi defluētis, post omnimodas purgationes:

R̄. Sandarachæ

Masticis

ana 3 ij.

Maioranæ

Stœchados

Florum maioranæ

Sem. Basiliconis

ana 3 j s.

Garyophyllorum

Nuscis muscatæ

Macis


ana 3 iiij.

Sandalorum omnium

ana 3 j.

Puluerizentur omnia, deinde misceantur, & fiat puluis subtilis pro cōmissuris capitis, & imponatur vesp̄i capiti post pectinationē in introitu lecti, & manē etiam si volet. Pro diuersione aliqua per nares, vngat nares pinguedine anseris: attrahat item per nares succum maioranæ.

Consult. LIIII. De empyemate cum suppressione menstruorum, pro puella.



Robabile est in adolescētula in flore ætatis constituta, temperatura calida, ex omnimoda suppressione menstruorum, sanguinē regurgitasse ad partes thoracis,

cis, vt frequenter contingit etiam vsque ad venarū fracturas, & ibi collectū, siue fecerit inflammationem, & pleuritim, siue aliquam aliam abscessus speciem, tandem suppurasse, & erupisse ad pectoris cauitatem, vt inde successerit ægritudo, quam Græci *πνεύμα* vocant. Quæ cum soleat terminari vel erumpendo extrinsecus ad cutis superficiem, vel suffocando, vel exeundo per sputum, vel deriuando ad ventrem vel vrinam (quemadmodum optimè declarauit Auicēna) duas ex quatuor vias inuenisse sibi hoc morbi genus audio in hac honestissima adolescentula: nam & sputum purulentū excernit, & præterea in dextro latere ad vacuitates ventris decumbit materia, quæ etiam videtur ibi colligi, neque ad naturales exitus siue per aluum, siue per vrinam excerni, sed colligi tantum extra illos meatus, & per flatum discuti, quemadmodum ex instructione colligere potui. Et cum ægritudo sit iam per quatuor annos confirmata, & partes quæ fluxionem recipiunt, imbecilliores redditæ sint, & ita totum corpus magna ex parte contabuerit, fœtereque iam incipiant quæ sputo excernuntur, vereor ne ægritudo tendat ad perniciem, nisi & inter deploratas sit referenda: imò non leuis quoque suspicio est, ne deueniat ad contagium, ita vt adsistentes quoque non debeant conuersari circa ægrotam, præsertim pueri, & affines. Hæc de tota natura morbi satis. Nunc de curatione quæ fieri potest, dicendum est. Ratio victus præcipuè instituenda est, vt caueat à quocunq; aëris excessu, magis tamē à frigido, & ab humido. Venti omnes sunt illi aduersi, tam boreales, quàm etiā australes. Caueat ne in loco terreno & humido dormiat, aut habitet: nocturnum aërem non accipiat. Ab omnibus animi molestijs quàm procul recedat. Corpus

moderatè exerceat, citra lassitudinem tamen. Alui beneficiū singulis diebus quærat, ad quam rem commodissimæ sunt passulæ dulces singulis diebus ante cibum assumptæ vnciarum duarum quantitate. Vino vtatur tenui, claro, bene maturo, minimè austero, aut acerbo, aut acido, neq; à cibo bibat, præcipuè post cœnam. parcior sit cœna quàm prandiū, vtrumque tamen moderatum. Caueat à leguminibus, pastilibus, lacticiinijs, piscibus, fructibus, herbis, præcipuè crudis, à rebus frigidis. A carne veteri caueat, item suilla & recenti & salita: etiam ab auibus quæ in aquis degunt, sicut anseres, & reliqua huiusmodi. Vtatur bono pane, bene fermentato, bene cocto, ovis recentibus, carne vituli, vel pulli, vel auium paruarum, oryza, farre, spelta, & hordeo, nonnunquam etiam panico, & milio: miliaceum tamen panem euitet. Capiti quoq; maximè cōsulet: nam destillatio à capite verus est fons incepti empyematis, quod aliter quatuor annis non perseuerasset. Laudauerim igitur vt singulis septimanis lauaretur caput, & optimè exiccaretur cum lixiuio, in quo decocta fuerit maiorana, abrotonum, calamentum, folia lauri, & pulegij: sed die quo lauatur, maximè effugiat aërem, quantum fieri poterit. Item inspergatur toto vertici capitis puluis infra scriptus:

℞. Sandarachæ

Mastichis

Gummi helemi

Picis colophonix

ana 3 ij.

Storacis calamitæ

Belzoin

Myrrhæ

ana 3 ij.

Laudani electi

3 iiij.

Rosarum rubearum

3 j.

Puluis

Puluerizentur omnia per se, deinde misceantur, & ex hoc puluere inspergat caput singulis diebus, mane & vespere. Item etiam illi alternis diebus, vel saltem bis in septimana accipiendum tantum lachrymę pinguis abietis, vel terebinthi, quantum est nux parua, & deglutiat cum hostia, vel aliquo tali, vt libitum fuerit. Præterea ter in mēse circa mediam noctem optimè sumet infra scriptum bolum, & vespere parcissimè cœnabit:

℞. Floris cassiæ ʒ j.
Agarici trochiscati ʒ iiij. vel iiij.

Misce, & cum zuccharo fiat bolus. Item liniatur totum pectus antè & retrò linimento infra scripto:

℞. Adipis anseris
Olei amygdalarum amararum ana ʒ j.
Myrrhæ ʒ iiij.

Et cum modico ceræ fiat linimentum molle. Nihil tamen præstantius in hac curatione existimauerim, quàm vt menstrua prouocarentur: si qua enim res profutura esset, hanc maximè fore existimo. Pro ratione ergo virtutis, quam ego metiri nequeo, laudarem vt singulis mensibus circa lunæ coniunctionem tribus diebus antè & pòst, bis in die ante cibū abluerentur sua crura, & fouerentur, spargendo aquam vsque ad pecten, & semper trahendo inferius cum infra scripta lotionē:

℞. Pulegij
Calamenthi
Maioranæ
Artemisiæ ana man. iiij.
Cyclamini
Aristolochiæ rotundæ ana ʒ j.
Centaureæ minoris man. ij.

Decoquantur omnia in situlis duabus aquæ ad con-

℞ ʒ

sumptionem tertiæ partis. Post lotionem verò applicandæ essent cucurbitulæ ab aliqua muliere, duæ quidem sub poplitibus, duæ verò aliæ infra coxas. Tandem ijs nihil proficiētibus mitterem sanguinē, si virtus toleraret, ab vtraque saphæna, & sæpius iterarem, semel in mense.

Consult. L V. De tussi ex catarrho cum sputo sanguinis, pro adolescente Bononiensi.



Dispositionem præter naturam huius adolescentis nobilissimi, in membris esse spiritualibus nemo dubitare potest: tussi enim affligitur, quæ earū partiū proprium symptoma est: & quod per tussim excernit, catarrhus est crassus, virulentus, subniger, ad citrinitatem quoque declinās, quandoque falsus: & præter huiusmodi catarrhū sanguinē etiam nōnunquā expuit quātitate paucū, colore (vt audio) varium, quādoque enim atrū, quandoque rubentē. Hactenus in promptu est symptomata cōtemplanti, quæ pars corporis affecta sit. Iam verò duo supersunt cognitu difficilia, sine quorū cognitione vera curatio non potest inueniri. Primum, vtrum vitio spiritualium vtrunq; symptoma contingat, catarrhus inquā, & sputum sanguinis, an alterū tantū, vel neutrum: an verò nihil ijs patientibus, quantum in se est, aliunde deferatur materia atque oriatur. Cui alia quoque annectitur difficultas: nam vbi etiam constaret aliunde fluere istas materias, ad hæc superesset inquirendum, cuius membri vitio id fiat principaliter, an cerebri, an ventriculi, an hepatis, an omnium, vel plurium ex istis. Altera principalis difficultas est cogitare, quæ pars spiritualium potissimum afficiatur, vtrum musculi, an cauitas pectoris, an caro pulmonis, an bronchia, & lenes arteriæ, &

& venæ, vel plura ex istis. Hæ sunt difficultates, sine quarum exquisitissima cognitione & distinctione, necessarium est curationem etiam cæcam, & fortunæ destinatam esse, non electioni, aut arti. Ad primam igitur difficultatem, audiuius nobilissimum iuuenem à primis statim annis semper subiectum fuisse destillationibus catarrhi, ex quo arguitur vitium & affectum fuisse semper in cerebro eius, cuius ratione plurimis excrementis redundauit. Vel igitur humiditas cerebri naturalis (teste enim Galeno, secundo Artis medicinalis, cerebrum humidum, excrementosum, & destillationibus subiectum est) vel hoc fuit non naturalis humiditatis ratione, sed frigiditatis potius, quæ etiā siccitati coniuncta fuit: talis enim temperies cerebri frigida & sicca, fortè etiam magis quam humida, destillationi subiicitur, non quidem ipsius temperaturæ ratione (à sicco enim quatenus siccum est, nullum prouenit excrementum humidum) sed quoniā in frigido & sicco cerebro necessario plurima excrementa colliguntur, tum quia proprium alimentum non bene conficit caliditatis defectu, tum quia non bene diffilat & discutit excrementa, tum etiam quia superfluitates reliqui corporis ad tale cerebrum propter imbecillitatem facile ascendunt, neque diffilantur. Neceffe est igitur ut colligantur, condensentur, & multiplicentur, unde oritur destillatio. Cerebrum igitur huius nobilis iuuenis est frigidum potius & siccum in suapte natura, quam humidum. Argumento est tum ipsius capitis forma, tum animales operationes intrinsecæ, ex quibus frigiditas & siccitas cerebri arguitur: hæ enim duæ qualitates in cerebro maximè faciunt ad prudentiam, quemadmodum erat Aristotelis & Galeni sententia, & non, ut vulgus medicorum opinatur. Stante tali dispositione, accedit postea naturalis hepatis caliditas, quæ arguitur ex

amplitude venarū, & colore cutis subnigro, & pilis. Accedit præterea cordis caliditas, quod quidem indicatur ex præptitudine ad iram, & ex motu articularū. Vbi autem huiusmodi temperatura calida hepatis fuerit cum frigiditate & siccitate cerebri coniuncta, maxima occasio exoritur ad destillationes & catarrhos generandos: caliditas enim hepatis sanguinem feruentem, biliosumque generat, à quo continui vapores ad cerebrum eleuantur. Ideo tertio de locis affectis Galenus dicebat, eos maximè plenitudini capitis esse subiectos, qui calidi hepatis sunt. His postea ventriculi imbecillitas accedit, & fit integer circulus, & perfectus omnino, ut nihil etiā desit iam ad omnem numerum catarrhi explendum. Imbecillitatem autem simul vetriculi esse, & insignem in hoc nobili iuvene, multa declarant, siue ista imbecillitas sit naturalis, siue acquisita: hoc enim mihi nō constat, nisi quod potius crediderim fuisse acquisitam: habuit enim causas extrinsecas ad ventriculi robur debilitandum validissimas, sed præcipua fuit illud assiduum studendi munus horis etiam importunissimis, quod cuilibet etiam mediocri patet, quantum possit in corrūpēda concoctione, & omnibus ventriculi viribus relaxandis. Accesserūt & aliæ causæ extrinsecæ validissimæ, videlicet molesta animi accidētia, & mala victus ratio in omnibus sex rebus non naturalibus, quæ potuerunt simul & cerebri & ventriculi vires debilitare. Sed tarditas etiam cōcoquendi cibum manifestissimum signū est imbecillitatis ventriculi. His ergo omnibus ita se habētibus, non est difficilè iudicare, catarrhū in pectus descendere, per consensum scilicet aliorum membrorū: primò propter imbecillitatē cerebri aggregantis plurima excrementa ratione sui temperamenti frigidi & sicci:

ficci:secundò, propter intemperiem calidam & siccam hepatis, ratione cuius plurimi & assidui vapores ascendunt ad caput:tertiò, ratione ventriculi tardè & diminutè concoquentis, & plurimã pituitam generantis, cuius vapores perpetuò ad caput ascendunt per vias latas. Tot igitur sunt causę destillationis. At cùm potius ad pectus descēdat, quàm ad alias partes, necesse est aliquam quoq; occasionem esse in ipso pectore, cuius ratione ad illud potius, quàm ad alias partes materia destillat, inter quas potissimam iudicauerim præparationē loci: ad nullas enim partes commodius descendit materia fluens à capite, quàm ad bronchum, seu caput laryngis, quod semper apertũ & præparatum est, propter necessitatem respirationis. De causa autem falsedinis catarrhi, quam interdum percipit, non est difficilè videre: facilè enim falsus effici potest, propter vapores calidos à cerebro descēdentes. Quòd verò non perpetuò falsus percipiatur, sed rarò admodum, signũ est maximum insignem esse intemperiem in vètriculo, cuius ratione plurima pituita generatur, quæ possit omnem acrimoniam humorum retundere: signum etiam est cerebrum immodicè frigidum, & ipsum retundere falsedinis causas: & inde est quòd quoties falsedinem percipit, sicut ipse refert, prius illi incaluerat cerebrum ab aliqua causa extrinseca. Quòd etiam catarrhus per antiquam tussim à pectore eijciatur subtilis admodum & fluens, indicat cruditatem & frigiditatē catarrhi propter causas prius memoratas. Quòd verò quando à pectore excernitur, crassus, quandoque subviridis, quandoque etiam subniger est, indicat plurimam moram factam in pectore calido, vbi partes subtiles fuerunt resolutæ, addita etiam aliqua putredine propter nimium

calorē. De sputo autē sanguinis, quæ sit eius natura, & quæ causa, in secūda difficultate dicetur. Et hæc satis de prima difficultate à nobis proposita. Nūc accedamus ad secundā, quæ talis erat, utrū sanguis iste per tussim reiectus, vel à cavitare pectoris, vel à carne pulmonis, vel à brōchijs, vel lenibus arterijs, vel à venis in pulmone existētibus excernat? Plurimū enim refert, & ad prognosticū de eo quod futurū est, & ad cognitionē præcipuē curationis, utrū sit hoc, vel illo modo. Circa hanc partē coniecturis procedere oportet: res enim cognitu difficillima est: primò tamē remouebimus ea, quæ mihi nullā difficultatem faciūt. Neq; à carne pulmonis sanguinē illū excerni verisimile est: nam neq; hoc esset sine febris habitu, neq; sine pure, neque sine fœtore anhelitus: tum enim maximum vlcus adesset, cū nulla corporis pars facilius putrescat, quā caro pulmonis. præterea sanguis à pulmone eiectus spumæ ita est admixtus, vt minima pars spumæ parti minimæ sanguinis admixta sit. Non etiā prodire ab arterijs, satis indicat ipsa primū crassior sanguinis substantia: deinde, quoniā perpetuò sanguis exiret: nō enim posset consolidari arteria pulmonis. Si etiā à brōchijs vel asperis arterijs eijceret, propter ipsorū solutā cōtinuitatem aliquid ex ipsorū substantia prodiret simul, quod nunquā visum est. Quòd etiā nō prodierit ex ruptura vel corrosione alicuius venæ in pulmone existentis, facile inde conijciatur, quòd & maior copia sanguinis exiret à vena vel corrosa, vel disrupta. Neq; possumus dicere fuisse consolidatā, quia corrosa nūquam consolidari potest, disrupta verò intra triduū potest consolidari, postmodum autem nunquam, vt Galenus v. Methodi docet. Videmus enim in nobili iuvene sputū sanguinis etiā per aliquot mēse perseverasse.

uerasse. Relinquitur igitur, vel quòd hic sanguis re-
 sudet per poros, vel meatus ipsarū venarū, vel quòd
 certis quibusdā temporibus aperiantur orificia, vel
 capita capillarium venarū in pulmone existentium,
 unde excernatur sanguis plus vel minus, secūdum
 quòd magis vel minus illa orificia aperiuntur, quē-
 admodum videmus fieri exterius apertis ijsdem ve-
 narum capitibus, vel in naribus, vel circa hæmor-
 rhoidas: quādoque enim multus sanguis inde exit,
 quandoq; pauca guttulæ, prout orificia illa magis
 vel minus aperiuntur. Inde est, quòd nobilis etiā iu-
 uenis quadā die excreuit tantū sanguinis, quātū est
 hemina vel scutella. Hactenus videtur hoc esse satis
 probabile, & in hac parte potius hēret malum. Posset
 tamen etiā fluere per colatoriū simul cum catarrho,
 sicut etiam frequēter contingit, vt inde postea simul
 cum eodē catarrho ex pulmone per tussim exiret: &
 huius rei augetur suspicatio ex eo quod audimus, ui-
 delicet quòd cū eijceret illam quātitatē sanguinis
 magnā, quam paulò suprā diximus, non exernebat
 per profundā tussim, sed per leuē quēdā screatū: in-
 dicabat enim à capite hūc fluxū deuenire, qui cū
 maiores asperę arterię brōchos occuparet, & mordi-
 caret, leuē illā tussim & screatū excitauit. Sed aliud
 est etiā, quod non temerē præterire oportet, sed dili-
 gētissimè cōsiderare & examinare. Refert nobilis iu-
 uenis se abhinc sex annis minus & magis quidē per-
 petuò tamen fuisse detentū dolore quodā circa sini-
 stram mamillā, qui dolor sæpissimè tactu externus
 percipitur, dumq; in eam sinistram partem decum-
 bit, magis dolet, & premitur: at si in dextris decūbe-
 ret, sedato dolore quiescit: denique in quancunque
 partem decumbit, semper minus dolet, quā si in si-
 nistram sese flexerit. Ait præterea dolorē illum sem-

per ascendere vsq; ad humerum sinistrū. Ex his ergo omnibus secundum rationē colligimus, materiā aliquam quotidie colligi, & descēdere ad illas partes, tanquā ad debiliores: & quòd locus huius collectionis sit, vel in musculis extrinsecis illius partis sinistræ, vel in cōcauitate quæ est inter illos partis sinistræ, vel in concauitate quæ est inter illos musculos, & membranas quæ costas ambiunt. Cur autem locus ille fuerit debilitatus, multæ potuerunt esse causæ: duas tamen non parui momēti vidimus: primā, percussionem in ea parte: secundā, armorum gestationem. Quibus ita se habentibus, non est longinquū, quòd ex illis partibus ita debilitatis materia quæ ibi collecta residet, ad partes interiores pectoris, & à pulmone mediante tussi excernatur. Vbi etiam considerandū est, nunquid etiam vlcus aliquod ex lōga humoris corruptione subiectū fuerit, vnde etiā sanguis cū materia simul excernatur. Hæc ergo habeo, quæ de causis huius sputi sanguinis possum afferre, si ex principijs artis secundū rationē, & nō casu vel ad placitum loqui volo. Reliquū modò est, vt prædicti omnes affectus remoueantur. Circa quod duo principaliter erunt agenda: alterū quod circa præsentium symptomatum curationem versatur, alterum circa imminentiū præseruationem. Quantum ad præsentium curationem, triplici curabimus instrumento: primū erit ratio victus, secundū medicatio vel pharmacum, tertium auxilia per opus chirurgicū. Per rationem victus, aër primò occurrit, circa quem diligentissimè erit enitendum, vt omnes excessus deuiet: pariter enim & à frigiditate & caliditate aëris, sicut & à nimia humiditate & à siccitate lædetur. Quærat igitur maximè temperatū: nam alteratio facile contingit, vel propter ventos, vel propter pluuias,

uias, vel propter vicissitudines, æstatis inquã & hyemis. Itaq; neque se ventis, neq; pluuijs, neque feruori æstatis, neq; algori hyemis exponat, sed se in optima domo contineat, vel si necessarium fuerit exire, muniat se ab aëris iniuria, caput præcipuè: vitet etiã nocturnũ aërem, & loca subterranea, & humida. Rarò abluat caput: quãdo autem lauandi tempus erit, eligantur horæ vespertinæ, ita vt postea nõ exeat domo, neq; aëri se exponat. Lixiuũ erit ex cinere salicum, vel vitium, in, quo decocta sint chamæmelũ, anethum, rosæ, & maiorana, ponatq; in ea parte lixiuij, ita præparata & excolata, qua vult lauari, tantam quantitatem agarici boni electi puri, quantum est pondus drach. duarum, dimittaturq; infundi in eo lixiuio dictum agaricũ per totam noctem in petia linea, postea manẽ ebulliat ebullitione vna, & cũ hoc lixiuio lauetur caput: erit enim vtile, & tanquã medicina, non tantũ curans, sed etiam præseruans. Exercet corpus moderatẽ, nõ fortiter: & in primis exercet partes inferiores, ad quod deambulatio optima est. Hora exercitij sit matutina, reiectis excrementis cõsuetis, sitq; tribus horis ante prandiũ, ita vt perfectè quiescat ab exercitio ante cibi assumptionẽ. Optimũ etiã erit illi, si frictiones manẽ fiãt in partibus inferiorib. & in brachijs etiã, antequã surgat è lecto, & quãtò erũt lōgiores, & crebrius repetitę, tãtò melius, erit enim efficacissimũ ad roboradũ corpus, & ad diuertendam materiã. Exercitiũ autem crurum paucum admodũ debet esse. Sed inter reliqua, duos maximẽ affectus vitet, iracundiam, & mœstitiã. Cauebit ab assidua scriptione, vel lectione, præcipuè post cibum, maximẽ pronẽ incumbendo scripto libro. Procuret vt quotidie beneficium alui habeat: quod si quandoq; deficiat, non negligat: est enim illi ad-

modum opus, vt vtatur aliquo modo clysterum lenientium, cum aliquo ex his tribus quæ subscribentur. Primum est, accipere ius pulli tribus horis ante prandiũ, in quo iure decoquantur malua, mercurialis: & facta expressione & colatura, addatur semuncia sacchari cum modico olei dulcissimi, & bene maturi, vel olei amygdalarũ dulcium. Secundum remedium est, vt accipiat terebinthinã pingue & puram quantitate drach. duarum vel trium, & deglutiat: vna verò hora post ius dictumumat terebinthinam in forma pilularum, aut in bolo, vt melius placuerit. Tertiũ est, vt accipiat quinque aut septem ficus aridas pingues admodũ & optimas, à quibus totam cutim detrahat, & accipiat tantũ carnem mollem intrinsecã, & cum hac carne admisceat drachmas duas medullæ cartami, & fiat bolus, quem deglutiat eodẽ modo, & horis, sicut de duobus superioribus dictũ est. Ista tria sunt optima & familiarissima remedia ad aluũ emolliendã in sanis etiam sine aliquamolestia. In nocte quærat, vt septem horis tantũ dormiat, octo quidem etiam, at non imperamus: sed caueat postea tanquam à peste, à somno meridiano. Bis tantũ in die comedat, atque hora comedendi sit hora quinta, postquã lecto surrexerit. Spatiũ inter prandium & cœnam sint horæ ix. si prandium iustum & integrũ fuerit. Post cœnã non ingrediatur lectum, nisi post duas horas post cibũ, & interim nõ sedeat, non dormiat, neq; apud ignẽ moretur, nec frigeat, præsertim caput: caueat à calore, calefiat autem sensim, non subito ad ignem: deambulet, vel stet: duo enim optima inde acquireret: suauius noctu dormiet, secũdò melius concoquet, & minus lædetur à catarrho. Vbicunq; autem igni approximabit ad frigoris iniurias propellẽdas, sit ignis mediocris, scilicet ex
lignis

lignis dulcibus, & caueat ne caput incalescat. Inter pradium & cœnam neque aliquid comedat neq; bibat, præcipuè post cœnam: nihil enim catarrho deterius quàm dormituri bibere. Potus sit vinum colore rufum, clarum, limpidum, bene maturum, potètia mediocri, quod nullo modo sit acidum, vel acerbum: tale enim vinum aduersissimum est, tussimque præcipuè excitat. Cibaria sint vnus tantum generis: nihil enim deterius, quàm ciborum inter se differentium varietas. Abstinebit ab omni lacticiniorum genere, ab omnibus pastilibus, ab acribus esculētis, sicut sunt allia, cæpæ, & huius generis: ab aceto, præcipuè acri, & potenti: ab omnibus oleribus, præter betonicam, saluiam, boraginē, & lactucam, quæ etiam non tantum ratione cibi, sed ratione medicamēti cuiusdam cōceduntur. Cauebit ab omni piscium genere qui capiuntur in paludibus: raro etiam & parcè alios comedat, qui in optimis aquis degunt: & non omnis generis, sed quales sunt lucij, marchiones, themali, & huiusmodi. Cauebit tamen à frixis in sartagine non tantum piscibus, sed omnibus quæ hoc modo friguntur: ideo & oua detestabilia sunt decocta in sartagine. Abstinebit à carnibus salitis cuiuscunque generis: à carne antiqua, sicut bubula, & castratorum antiquorum: abstinebit à carne porcina tanquam à peste: ab omni auium genere quæ degunt in palustribus locis, sicut anates, & anseres. Ferula eligat, sicut far, & oryzam, hordeum, speltam, panicum: omnia ista grana sint optimè decocta in iure optimo: admisceatur aliquid lactis amygdalarum dulcium, vel seminum melonum. In æstate conuenient etiam cucurbitæ coctæ cum modico cinnamomo. Ab acetarijs cōsulo vt abstineat. Fructus parcissimè comedat, non omniū tamē generum, sed ali-

quid peponis optimi, vel pruni genus, quòd vulgò verdaceum appellatur: ficus etiam optimè maturas, vt in tempore autumi: pyra decocta cum saccharo: si quandoq; etiam comederit pineas post cibum, aut auellanas, dummodo parcè id fiat, & bene dentibus conterat, non erit omnino aspernandū. Carnes conueniunt vitulinæ, hœdinæ, pullorum, nonnunquam etiam columborum iuuenum & pinguium, omnium auium campestrium pinguium præter coturnices: nec vitupero carnem leporis iunioris, vel cuniculi. oua forbilia, vel in aqua decocta, non indurata, si fuerint recentia, & ante cibum exhibita, sunt optimi nutrimenti. Et hæc de tota diætâ, siue victus ratione sufficiant. Quantū attinet ad medicamēta, quamquam Galenus in v. Therapeutices curet catarrhū cum sputo sanguinis validissimis purgationibus, nihilo minus spectata habitudine nobilissimi iuuenis, corporis gracilitate, hepatis caliditate, & viriū omnium imbecillitate, vnum propono, quod illi perpetuò obseruandū erit, si me iudicem sequatur, vt nunquam inclinet animū ad sumēda aliqua medicamenta fortia aut solutiua, in quibus ingreditur aut scammonium, vel colocynthis, vel turbit, vixq; assentiat agarico, quod quidē erit summa, & veluti apex omnium suarum medicinarū, vltra quod excedere perniciosum habebit: imò nec agaricū temerè sumendum: neq; solū non præparatū, vt infrà patebit. Laudo igitur, quòd corpus quidē suū sæpe expurgetur: est enim hoc necessariū, cū sit admodū excrementosum, purgationes verò sint in omnib. qualitatib. moderatę. Simplicia quidem sint, sicut cassia, rhabarbarū, manna, medulla cnici, terebinthina, & vltimò agaricum. Cōposita sint, sicut syrumpus rosaceus, vel violaceus solutiuis, electuariū de sebesten simplex,
electua-

electuarius lenitiuum, quandoque etiam hiera simplex de sex rebus, raro tamen propter nimiam exicationem. Purgabitur autem purgatione magis exquisita bis in anno, vere inquam & autumnus. Forma autem purgandi talis erit:

℞. Floris cassiæ 3 x.

Pulueris glycyrrhizæ
Hyssopi ana ʒ ij.

Misce, & cum saccharo fiat bolus, sumendus hora ante prandium. Sequenti die incipiat sumere infra scriptos syrupos:

℞. Syrupi violacei compositi Mesue

Mellis rosacei colati ana ʒ j.

Aquæ tussilaginis ʒ iiij.

Misce pro vno syrupo, & sic pro alijs. Post syruposumat alterum duorum medicamentorum, prout illi felicius succedet. Alterum tale erit:

℞. Floris cassiæ 3 x.

Agarici præparati 3 ij.

Misce, cum saccharo fiat bolus. Alterum:

℞. Rhabarbari electi 3 ij.

Spicæ gr. v.

Irrorentur vino albo aromatico, & infundantur in aqua tussilaginis per horas decem: deinde facta diligenti expressione & colatura, adde agarici optimi præparati scrup. iiij. syrupi rosacei solutiui vnc. ij. Misce, & fiat potio brevis, danda in aurora cum custodia. Istæ erunt annuæ purgationes. In medijs autem temporibus, laudo etiam quod frequenter aliquidumat quod leuius purget, ne scilicet excrementa aggregentur. Purgationes autem erunt, vel quales dictæ fuerunt in capite de diætâ, vel quod assumat cassiam simplicem hora vna ante prandium vnciæ pondere: erit enim medicina facilis, pectori &

S

hepati valde conueniens, quæ euacuabit sine extractione, à qua tâquam à pestifero veneno abhorreat oportet. Laudarem ego præcipuè, si suus ventriculus toleraret, & nihil aliud impediât, sicut febris, vel inflatio hypochondriorum, vel dolor capitis, à quibus Deus ipsum custodiat: laudo inquã, istis non impredientibus, vt post autumnalem purgationẽ manẽ bibat lac asininũ, asinæ quàm fieri potest sanissimæ, & iuuenis, neque multũ distantis à partu. Bibat autem manẽ, non hora syrapi, vt malè consueuerunt alij, sed hora tertia diei, postquàm reddiderit sua omnia excrementa consueta, & bibat cyathũ, vel duos, etiã tres, quantũ scilicet suus ventriculus bene tolerare potest. Postea caueat cibũ, quandiu bene cognouerit lac esse perfectè concoctũ, & fame prouocetur ad cibũ, tunc modicè prandebit: erit enim hora tarda, hortorquæ vt sit contentus pro prandio iusculo hordeaceo cum saccharo, & postea cœnet vberius, seruando quæ dicta sunt in capite de diætâ. Perseueret in hac lactis potione vsque ad xv. dies, magis tamen aut minus, prout melius vel deterius tolerabit. Istud erit remedium efficacissimũ ad humectandum corpus, & nutriendum, & reuocandam famẽ, quod etiã vere poterit iterari, imò & æstate, & quotiescũque libuerit, si modò prosperè illi successerit, vt spero. Hæc de purgantibus quæ per os sumi debent. De linimentis autem, vel cerotis exterius applicandis, nihil scribo, in illis enim parum confido. Quantum verò attinet ad opus chirurgi, cum primis mihi placeret, si catarrhus perseueret, vt facta purgatione autumnali applicarentur vesicatoria capiti, & excitarentur vesicæ & crustæ, quæ postea omni diligentia conseruarentur. Idemquæ omnino fieret circa partem sinistram pectoris, vbi percipit dolorem. vel si
nollet

nollet vesicatoria, propter molestiam (essent enim molesta in ea parte) saltem foueat, & illinat locum modo præscripto:

℞. Hyssopi
Betonicæ
Saluiæ
Scabiosæ
Centaurij minoris

Pulegij ana man. s.

Decoquantur in sufficienti quantitate aquæ, & vini albi, æqualiter cōmixtis, & cum ea decoctione calida foueatur locus cum spongijs. Facta fomentatione locus cōtinēter exiccetur, postea inungatur hoc linimento:

℞. Adipis anseris
Gallinæ

Butyri recentis ana 3 v.


Myrrhæ 3 iij.

Euphorbij 3 j.

Misce, & cum modico ceræ fiat linimentum. Laudo etiam, quòd pro auersione materierum ascendentium ad caput, post purgationē ordinariā fiant cauteria vel fontanelle in utroque crure in loco consueto, & dimittantur aperte vsque ad perfectam sanitatem. Si etiam quandoque hæmorrhoides spontè accederent, optimū esset: ac non accedentibus, si contingeret (quod Deus auertat) sputum aliquod sanguinis, laudarem ut prouocarentur, & tenerentur aperte: esset enim optima & recta diuersio. Et hæc de chirurgia satis. Quantum verò attinet ad præseruationem, ne scilicet incidat in sputum sanguinis, & membra omnia corroborentur, nihil vnquam poterit præstantius habere, quàm frequentissimum vsum sacchari rosacei, quo vtetur mane, vesperi, & qua-

cunque hora voluerit, dummodo non impediatur horarum coctionis. Magnum est etiam arcanum ad exiccandum catarrhum pectoris, & ipsum pectus corroborandum, tum ad prohibendum sputum sanguinis, si in introitu lecti deglutiat boli armeni orientalis optimi, quantum est granum ciceris rubei: est enim efficacissimum in praeservatione, sicut periculosum in curatione. Vesicatoria ex his confici solent, ex folio apii nascentis in pratis, flore luteo, folijs aculeatis, cortice interiore bryoniae, flammula Iouis, sinapi, euphorbio, pyrethro, thapsia, nasturtij semine, herba quam vulgo appellant falsariam, quae nascitur in hortis, folio oblongo, & pingui, gustu erodente lingua, longo pipere, & similibus. Inter reliqua tamen efficacissimum, & perpetuae veritatis in omni temperatura, quod nunquam fallit, sunt cantharides.

*Consult. LVI. De angustia pectoris ex catarrho
& imbecillitate ventriculi, pro Gallo.*



Urgetur principio hunc in modum:

Rx. Calsiae 3 xij. Postea

Rx. Succi Farfaræ

Betonicæ

Saluiæ

Violarum

Calendulæ ana 3 vj.

Purificentur succi, deinde cum saccharo fiat syrupus. Postea

Rx. Huius syrupi 3 ij.

Decocti betonicæ

Violarum

Farfaræ 3 iij.

Misce pro vno, & sic pro alijs.

Post secundum syrupum mittatur sanguis ex vena communi

muni brachij dextri : id enim & tempus, & morbus, & cōplexio exigere videtur. Post exhaustos septem syruos,

℞. Floris cassiæ 3 x.

Agarici præparati 3 ij. Misce cum zuccharo, fiat bolus. Post hanc purgationem vniuersalem habeat pilulas, quibus sæpe vtatur, quarum descriptio talis erit:

℞. Agarici præparati 3 iij.

Aloës succocitrini 3 iiij.

Rhabbari electi 3 ij.

Spicæ

Garyophyllorum

Nucis mnscatæ ana 3 j.

Puluerizentur, & misceantur, & cum syrupo de stœchade fiat magdaleon : de quo singulis vicibus fiant pilulæ tres, pondere vnius drachmæ, de quibus unam accipiat semel in septimana, tribus horis ante cœnam. Item

℞. Lachrymæ abietis pinguis 3 ij. Inuoluantur in nebula, & deglutiat cum vino semel in septimana, tribus horis ante prandium. Item

℞. Boli Armeni orientalis 3 j. Deglutiat bis vel ter in septimana in introitu lecti. Item

℞. Dictamni Cretensis

Pyrethri

Piperis ana 3 j.

Staphisagriæ 3 ij.

Masticis 3 ij.

Puluerizentur omnia, & cum cera pauca fiant trochisci masticandi manè tribus horis ante prandium, masticando eos continuè per horam, & expuendo, bis aut ter in septimana. Præterea fiat inunctio narium tali linimento:

℞. Adipis anserini

Olei amygdalarum amararum ana ʒ j.

Vngat vesperi in introitu lecti partem nasi superiorem, quæ est inter vtrunque oculum. Item

℞. Decocti betæ

Maioranæ

Hordei

Betonicæ, quantum sufficit.

Cum modico zucchari. Et hoc actu calidū attrahatur per nares manē antequā egrediatur ædes. Præterea tali brodio vti poterit:

℞. Enulæ campanæ ʒ j. dempto meditullio interiori decoquatur in scutella brodij ad cōsumptionem duarū partium. Deinde facta diligenti expressione, addatur zucchari semūcia, & sumatur actu calidum ter in septimana tribus horis ante prandium. His etiam pilulis vtatur:

℞. Succi absinthij

Liquiritiæ

ana ʒ j.

Misce, fiant pilulæ sex, quarum sumat vnam alternis diebus, vna hora ante prādium. Habeat diligentem rationem victus, & se muniat à frigidiorē aere, & à ventis. Ad æstatis postea initium, purgato corpore modo superius dicto, bibat aquas Apponitanas.

VALENTINVS LVBLINVS
LECTORI.

Non te lateat, hūc Gallum post vsum thermarum restitutum valetudini integræ, sed accedens ad suos peccauit in quantitate, qualitate, & ordine cibi, vnde in febriculam incidit, ex qua postea expirauit.

Consult. L VII. De tuberculo circa thoracis regionem lateris sinistri, tam in anteriori quàm posteriori parte, pro generoso domino à Stuberberg Germano.

Tu-



Uber vel eminentiam Illustrissimi domini circa thoracis regionem tam in posteriore quàm in anteriori parte existentem in latere sinistro, sicut esse non puto propter luxationem alicuius vertebrę vel ossis in thorace, ita credo fieri non posse sine aliquo leui motu eorundem ossium à proprio situ, quem pararthra sive Græci appellare consueuerunt. Indicio est maxima durities in parte eminente apparens, quæ à nulla scirrhi specie produci posset. Cùm ex ea verò nulla adhuc actio impediatur sensibili nocumēto, ideo præseruatione potius indiget quàm curatione. Præseruabitur igitur primò cum recta victus ratione, deinde cum medicamētis cōmodè applicatis. Quantum ad victus rationem attinet, non erit in primis contemnenda aëris dispositio: nam & maximum frigus, & ingens calor, æqualiter contrarijs rationibus nocere possunt. Vitabit etiam vsum balnearū aquarum calidarum, & diutinā moram in vaporarijs nimium calefactis. Utetur moderato exercitio, præcipuè inferiorum partiū, deambulando cōmodè: etiam brachium dextrum exercebit cum ense, aut aliquo tali instrumēto. Luctā fugiet, & omnia exercitia, in quibus violenter brachia vtrique & thorax cōcutitur: saltus etiam ab alto, & equitationes equorum robustorum, qui totum corpus valde concutiant: absoni etiam clamores & cantus non modicè nocebunt: lectio tum etiam locutio temperata proderit. Nocte dormiet sublimi capite in dextrū potius latus quàm sinistrum. Cauebit à valida tussi & sternutationibus, quæ si illi occurrerint, omni studio sedabit. Circa cibum & potum, primū cauebit ab omni vino dulci & crasso, vel turbido: propterea & mustum maximè euitabit. Abstinebit à fructibus, præcipuè

uis, & pomis, & castaneis, ab auibus palustribus, à radicibus, sicut daucis, rapis, cēpis, allijs, & denique ab omnibus quæ flatum plurimum pituitamq; crassam generant. Ideo & fungos effugiet, & omnia leguminum genera. Vnico obsonio contentus erit. Bis tantum in die comedat, neque inter cœnam & prandium potabit: computationes tanquam pestem effugiet. Quantum verò ad medicinas attinet, laudo vt bis in anno corpus purget, poteritque huiusmodi esse purgatio:

℞. Specierum hieræ simplicis 3 ij.
Floris cassiæ 3 x.

Cum zuccharo fiat bolus, sumendus in aurora, vel tribus horis ante prandium.

℞. Oxymellis squillitici
Syrupi de cichorea Nicoli ana 3 j.
Aquæ marrubij 3 iiij.

Misce pro vno, & sic pro septem. Quibus ebibitis sumat pharmacum, quod habet:


℞. Confectionis hamech 3 iiij.
Syrupi rosati solutiu 3 iiij.

Cum aqua betonicæ fiat potus brevis, sumendus in aurora cum custodia. Hæc purgatio & in mense Martio, & autumnò post medium Septembrem singulis annis repetenda erit. Temporibus verò intermedijs vtetur zuccharo rosaceo quàm frequenter poterit, ante prandium, ad semūciam. Quòd si interim alius astricta fuerit, lenietur cōmodissimè cum terebinthina Cypria, de qua sumat tribus horis ante prandium pondus duarum drachmarum. Loco verò eminenti tam antèrius quàm postèrius applicabit cerotum de betonica, vel de gumma Helemi, vel vtrunq; simul æquis portionibus confectū, sine quo neq; interdiu manebit. Optimū præterea erit, si suprà applicatum

catum cerotum fascia ligetur, quæ ita locum dolentem astringat, vt non inde tamen impediatur motus thoracis, vel augmentum, aut alimenti transitus prohibeatur. Hæc si diligenter obseruauerit, spero suam D. præseruandam esse à maiori incommodo, & illud quoq; quo nunc vexatur, esse remouendū, cum laude optimi Dei, cuius nomen sit benedictū in secula.

Consult. LVIII. De cardiaca passione, pro nobili matrona Vicentina boni habitus,

XLVII. annorum.



Vamuis casus iste tractatus sit ab Excellentissimis Doctoribus, qui & doctrina & experientia sunt illustres, temerariūm que videatur absentem me velle aliquid addere his, quæ ab illis præsentibus optimè administrata fuerūt: nihilominus vt ego quoq; officio meo satisfaciam, præsertim rogatus, & illis etiam ijsdem Excellentissimis Doctoribus hoc idem petentibus, dicam quid sentio. Primò igitur vt ex his quæ relata sunt, conijcere possim, hunc affectū inter cardiacos numerandum censerem, ob calidos vapores, vel alicuius extremæ qualitatis participes, ad cor ascendentes, ac deinde ob talem affectum corde imbecilliore reddito, (à quo calor naturalis generatus per totum corpus diffunditur, dans actum vitæ) subsequuta fuerit imbecillitas quoq; cōcoctionis, & præcipuè eius concoctionis quæ maiore indiget alteratione, ea scilicet quæ in ventriculo celebratur: vnde postea multiplicatis humoribus crudis, flatus pluri generantur insidentes cū circa hypochondria, tum in intestinis, tum etiam in ipso vētriculo. Et sic duo tantū complicantur affectus, cardiacus scilicet, & tensio inflatioq; ventris inferioris, ex diuer-

sis quidē causis procedentes, sed ab vno fonte emanantes. Cardiaci igitur affectus causas esse crediderim intrinsecos quidem vapores, sicut dixi, tum calidos, tum extremæ qualitatis participēs, occasione sumpta intrinsecus ipsorum generationis, naturali caliditate hepatis, fortē etiam renū & matricis. Accedente postea primò retentione menstruum ante debitum tempus, in tali præcipuè temperatura: secundo suppressione quoq; copiosissima vrinæ, quæ singulis mēsis vicem menstruum supplebat: sed non minus fortasse quoq; adiuuante seminis retentione, quod quidē semē à propria electione propter religionem retentum fuit. Quantū enim ad affectus cardiacos generandos possit retentio cū mēstruorum, tum præcipuè seminis, indicat longa serie Galenus sexto de locis affectis. His ita se habentibus, quoniam sermo mihi est cum viris doctissimis, qui meam sententiam ex paucissimis etiam verbis comprehendent, curationis caput esse crederem in hac Magnifica matrona, diuertere materias & extraneos vapores ad cor ascendentes, ad partes appositas, & (quod vix spero nos consequi posse) vt hac iam pro uectiori ætate menstrua rursus prouocarētur. In quatuor diuertētibus maximā spem ponerem. Primum diuertens esset diligentissima & exquisitissima vrinæ prouocatio: nam si toto eo tempore, in quo ea copia vrinæ vice menstruum fungebatur, sana degebat hæc nobilissima matrona, & post illius vrinæ suppressionem statim cardiacus affectus incēpit, consentaneum rationi est, vt vrinæ copia reuocata sedetur affectus. Secundum diuersum præstātissimum esset, si hæmorrhides ita prouocarentur, vt singulis mensibus vicē menstruorū supplerent. Neq; timenda est illa crebra sanguisugarum applicatio, paucis
enim

enim mensibus applicatis sanguisugis, hæmorrhoides spontè fluere. Tertium diuersum esset, ut crebrò per certa interualla sumeret benedictum aliquod medicamentum, ter aut quater in mense, aut etiam sæpius, quod aluum subduceret: per hoc enim diuerteretur materia, & vacuaretur per inferiora, neque propterea facultates læderentur. Atque apud me tale esset præcipuè medicamentum, quod ita haberet:

℞. Specierum hieræ simp. de sex rebus	3 ij.
Rheubarbari optimi & bene maturi	3 ij.
Garyophyllorum	
Cinnamomi	
Rosarum rubearum	
Sandalorum citrinorum	ana 3 ij.
Zedoariæ optimæ	3 j. s.
Seminis citri	3 j.

Puluerizentur omnia per se, deinde misceantur, postea aspergantur succo rosarum puro, & permittantur exiccare, & hoc iteretur septies, postea cum syrupo de corticibus citri fiat magdalen, de quo singulis vicibus fiant pilulæ tres pondere vnius drachmæ, sumendæ sine custodia horis tribus ante prandium, vel si tardioris fuerit operationis, hora ante cœnam. Erit enim remedium præstantissimum, conferens flatibus ventris, remouens cordis affectus, diuertens & euacuans humores crudos corruptos, obstructions aperiens, & membra naturalia corroborans, quod quidè manifestè patere potest ex his quæ in eius descriptione reperiuntur. Quartum & vltimum diuersum esset, ut his omnibus curam non pericientibus, tandem quoque cruribus cauteria in loco debito & consueto applicarentur. Quantum ad ipsius cordis corroborationem attinet, extrinsecus

quidem tali linimento vterer, quod habet,

℞. Vnguenti rosati Mesue recent. 3 j.

Rosarum rubearum

Sandalorum citrinorum ana 3 j.

Zedoariæ

Specierum cordialium temper. 3 ij.

Misce, & si opus fuerit, addito modico oleo rosato completo, fiat linimentum pro corde. Intrinsecus verò confectione vterer, quam tum ipsi cordi, tum ipsi ventriculo corroborando mirum in modum conferre semper expertus sum, quæ habet:

℞. Sem. citri 3 j.

Ligni aloës optimi 3 j. s.

Rosarum rubearum

Sandalorum citrinorum

Zedoariæ

ana 3 ij.

Corallorum rub. elect.

3 s.

Musci

Ambrae

ana gr. ij.

Puluerizentur omnia per se, deinde misceantur, & cum aqua rosata & zuccharo albo fiat confectio in rotulis pondere drach. iij. sumatq; singulis diebus hora ante prandium. Hæc ergo, sermonem habens cum doctissimis viris, breuiter admonenda censui, non quidem ut Mineruam instituerẽ, sed ut officio meo nõ deessem. Nam si vellem explicare pro intentione mea prima, quæ sint vrinæ prouocantia, item rationẽ victus instituere, cum ad tales medicos sermo habeatur, omnino ineptire viderer.

Consult. LIX. De febre ex intemperie membrorum naturalium, ac obstructione à materia frigida

& crassa, orta, pro Francisco Casali medico Brixiano.

CVM



VM in proprijs negotijs ita affecti sumus, iudiciū quoq; proprium afficitur, vt delitescat. Sed ego propter officium fidelis amici huius Excellentis medici non deficio, & quod in eo casu facturum essem, afferro. Et primū hoc pro fundamento apud me constituo, hunc morbum non esse vno impetu aggredendum, ac depellendum, sed paulatim remouendum. Cū enim in naturalium membrorū essentia intemperiem esse iudicem, obstructionsq;, ac materiæ frigida & crassa collectionē, patet neq; quo ad intemperiem, neq; quo ad materiā, neq; quo ad membrorum affectorum naturam, aliquid esse violenter impetuoseq; agendū. Constituta igitur optima victus ratione, quæ in hac cura primaria esse debet, ad medicationem accedendum. In victus ratione obseruarem, vt omnia cibaria essent optimi alimenti, facilis coctionis, sed quantum fieri posset, attenuatā: ideo vinum subtilissimum, mediocris substantiæ sit. Præponerem cibus omnibus vsum anisorum, aut fœniculi, aut cinnamomi, ante prandium & cœnam. Panem optimè fermentatum constituerem cum modico salis & puluere anisorū: reliqua cibaria nouit sua Excellentia. Et bibat parcè, nam desiderare vt plus humoris per vrinam excerneretur, quàm biberet. Somnus sit satis prolixus, meridianus tamē euitetur. Manè satis tēpestiuè surgat, & moderatè exerceat corpus: sitq; quammaximè fieri possit, læto & iucundo animo. Aluum habeat semper mollem, & pro hac re laudarem maximè frequentem vsum resinæ terebinthinæ, de qua sumat Excellentia sua manè tribus horis ante prandium drachmam vnam aut duas: præter quàm enim quòd moderatè leniet aluum, etiam ad ventrem roborandū, & obstructions viscerum ape-

riendas sine molestia conferet. Et hoc facto deinde purgationem exequeret.

℞. Specierum hieræ simp. 3 ij.

Electuarij lenitiui 3 j.

Cum zuccharo fiat bolus, dandus tribus horis ante prandium. Concoctio:

℞. Syrupi de absinthio

Oxymellis scillitici ana 3 j.

Decoctionis cetrach, id est, asplenij

Cichoreæ

Agrimoniæ 3 iiij.

Chamedryos

Misce pro vno syrupo, & sic pro alijs septem. Eua-
cuatio per pharmacum.

℞. Confectionis hamech 3 iiij.

Oxymellis scillitici 3 ij.

Cum decoctione cetrach & florum cordialium fiat potio danda in aurora cum custodia. Hic meus esset curandi modus, quem si necessitas exigeret, in autumno repeterem. In medijs verò temporibus non prætereat dictum vsum naturalem. Laudarem vt resina terebinthinæ singulis septimanis bis fumeret drach. vnam vel duas, & rhabarbari in puluerem re-
ducti sesquidrachmam, possetque illud assumere vel cum resina terebinthina, vel cum saccharo rosaceo, vel cum passulis Corinthijs, qui modus ei placeret magis. Quòd si etiam bis in mense fumeret Mithridatici optimi drachmam vel in pilulas redactam, vel in formam boli, admiscendo sacchari rosati drach. ij. credo illud fore ad calorem naturalem corroborandum, & ad membra principalia summopere collaturum. Iis essem nunc cōtentus: credoq; si omnia diligenter exequetur, vt mandantur, quòd Excellen-
tia sua sanitatem adipiscetur.

Con-

Consult. LX. De febre orta ex obstructione, pro puero Veneto.

Nobilem hunc puerū febre affici ex obstructione, nō modò ratio, sed sensus etiam indicat, obstructione inquam membrorū naturalium. Curari ergo non poterit febris, nisi remota obstructione. Quantum igitur ad victus rationem attinet, mihi videretur quod attenuans cibus & potus esset adhibendus. Ergo vinum album, pauciferū, subtile, quale hucusq; rectissimè oblatum est, maximè conuenire existimo. Carnes hœdorū, & pullorum, cum quibus coquatur anisum, vel fœniculum leuiter contusum, panno lineo inuolutum. A granis omnibus abstinere, præterquam ab hordeo optimè discocto in iure, quo essem contētus, addito petroselino, vel betonica, vel fœniculo. Et quoniam audio paroxysmū circa vesp̄as inualere, laudo parcissimè cœnet, & in horis magis quietis: hoc enim in febre tollenda plurimū cōferre arbitror. Prouiderem, vt singulis diebus beneficium alui haberet, nihil enim efficacius ad febrem ex obstructione tollendam, quàm lenire aluum, & prouocare vrinam. Et cū audiui hunc puerum contineri non posse, quin se plurimū puerili more exerceat, omnino hos incongruos motus coërcendos iudico, & intra ædes proprias, quantum fieri potest, puerum cōtinendum. Quantum verò ad medicamenta attinet, cū apertio sit in hac curatione ferè principalis intentio, & quod verè aperit est amarū, ideo amarorum vsum in hoc puero maximè laudarem. Si ergo persuaderi potest, vt de absinthio syrupum mænēumat cum iure pulli, in quo petroselinum, fœniculum, & alia huiusmodi diuretica decocta fuerint,

summopere laudo. Sed inter reliqua, quod semper certa fide à me longo experimento probatū est, laudo vt singulis diebusumat infusionem rhabarbari in aqua endiuia: nunquam enim vidi febrem ex obstructione hoc remedio non esse sublatam, si modò pertinaciter quispiā in eius vsu perseuerauerit: quandoq; enim crassissimos humores impactos, & obstructions, quæ ob caloris imbecillitatē facile tolli non poterant, ex rhabarbari assumptione curatas vidi. Consueui igitur accipere libram aquæ endiuia, in quam drachmam rhabarbari infundo in panno lineo inuolutam. Deinde singulis diebus vncias quatuor illius infusionis, facta aliqua expressione, accipi iubeo circa auroram: & est huiusmodi dosis puerorū: neq; desisto ab hac potione, priusquàm video omnino & febrem & obstructions esse sublatas: auferuntur enim proculdubio, si reliqua omnia rectè fiant, & curationi consentiant. Quantum verò attinet ad ea quæ exterius applicantur, stomacho quidem oleum de absinthio confectū cum puluere mastificis applicarem. Lienī verò linimentum hoc modo confectum:

Rx. Bdellij

Ammoniaci

ana 3 ij.

Dissoluantur in aceto scillitico. Deinde

Rx. Olei amygdalarum amararum

Adipis aulæris

ana 3 j.

Ponantur omnia simul, & fiat linimentum pro splene. Hepati rectè applicari potest linimentū ab Excellentiss. Doctore applicatum, vnguentum rosatum

Mesue cum sandalino permixtum. Hæc satis

esse arbitror pro hac febre tollenda,

si modò puer rectè pareat, & as-

sidentes non delinquant.

CON-

Consult. LXI. De scirrho lienis, & obstructionibus cum periculo hydropis, pro doctissimo iuvene Vtinenſi, domino Ioanne Baptiſta Luuiſino.



Onestus ille iuuenis, qui nobis sanandus in præſentia proponitur, cum varijs præter naturã affectibus vexetur, & inter ſe cõtrarijs, nimirum diuerſis etiam auxilijs inter ſe pugnantibus curandus eſt. Vitia itaque tollenda prius recẽſeamus, deinde propria auxilia, & ita ſeruabimus methodũ. Laborat itaq; in primis lienis obſtructionibus, atq; duritie adeo, vt ferẽ ſcirrhus vocari poſſit: atq; hic eſt præcipuus morbus, de quo cõqueritur iuuenis. Etiã nõnihil obſtructionũ in meſaraicis patitur. Flatu præterea in ventriculo, & toto ferẽ abdomine abundat, cũ inſigni tẽſione atq; ſonitu, ſi quis digitis pulſet: propterea ipſi diſcrimẽ magnũ hydropis imminet, niſi iam inchoata ſit tympanites cũ leui aſcite. Nihilominus ipſum hydropicum appellari poſſe negamus, ſed ſpleneticum potius, quoniam eo ſanato, à quo tanquã à fonte cætera vitia emanant, totum corpus ad priſtinam ſanitatẽ reuertetur. Præterea & febre quadã laborat, quæ reſiduum eſſe videtur quartanæ, quæ ipſum Decembri menſe proximo inuaſit, & pluribus menſibus infeſtauit. Nunc verò quodammodo erratica eſſe facta videtur, cum neque certum diem, neque horam in ſuis circuitibus ſeruet. Huiusmodi tamen febricula non eſt ægrotanti admodum moleſta: neque enim ipſe propterea decumbit, ſed domo exit, & quolibet expedite admodum & promptè deambulat: nullum præterea in initio acceſſionis rigorem, aut extremorum frigiditatem percipit. Hi ſunt præter naturam affectus, quibus iſte infeſtatur, opemq; à medicis im-

T

plorat, ne in peius labatur, verum pristinam valetudinem recuperet. His cognitis à causarum narratione supersedebimus: hanc enim à nobis ægrotus non postulat, sed illicò ad remediorum explicationem accedemus. Omnibus itaque per clarissimos medicos consideratis, ita illis satisfaciendum est. Primum quidem, quoniam omnia hæc vitia à materia pendent, ut à causa, ea prius remouenda est: id verò duplici instrumēto fieri potest, venæ sectione, & purgante pharmaco. Antequam ad alterum istorum veniamus, alius lenienda est, deinde materia aliquibus conuenientibus syrupis præparanda. Accipiat ergo per quartam horæ partem ante prandium electuarij lenitiui, ut vocant, fescunciâ, id quod; aut sub forma boli cum saccharo, aut cum sero caprino liquetur, aut cum aqua cichorij, & fumiterræ, & fiat potio. Sequenti die in aurora huiusmodi syrupum accipiat:

℞. Syrupi de fumoterræ simplicis

Acetosi simplicis

De cichorio simplicis ana ʒ s.

Decoctionis infrascriptendæ ʒ iij.

Misce, & fiat syrupus.

℞. Agrimonij, id est, eupatorij

Cetrach, id est, asplenij

Eendiuiæ

Cichorij ana man. s.

Aquæ quantum sufficit.

Misce, & fiat decoctum secundum artem. Quater aut quinquies huiusmodi syrupo accepto, maneat prius aluo lenita sponte, aut clystere communi, per horam saltem ante cibum secetur vena interior cubiti sinistri, extrahaturque sanguis moderatè usque ad uncias sex, aut septem, aut pro iudicio presentis medici: melius tamē fuerit si hæc sanguinis quantitas duabus vicibus non

CONSULT. MEDICIN. 291

non semel extrahatur, neque propterea à syruporum assumptione desistat, quoad in vrina cōcoctio-
nis bonæ signa videantur. Quibus visis pharmacum
summo mane assumat:

℞. Agarici præparati ℥ iiij.
Confectionis hamech sine scammonio 3 v.
Aquæ lactis ℥ iiij.

Misce, & fiat potio. Vel ita:

℞. Diasenæ ℥ j.
Sacchari quantum satis est.

Misce, & fiat bolus. Accepto hoc medicamento ite-
rum syrupi accipiendi sunt, sed prioribus efficacio-
res, hoc pacto:

℞. Syrupi de endiuia
De fumoterræ compositi
De pomis compositi ana ℥ s.
Decocti infrascripti ℥ iiij.

℞. Fumiterræ
Stœchados
Asplenij Cichorij
Tamarisci ana manip. s.
Aquæ communis quod satis est.

Incidantur omnia crassius, & mixta, in aqua deco-
quantur. Tales syrupos accipiat numero septem, vel
etiam plures. Postea hanc medicinam sumere debet:

℞. Confectionis hamech compositæ 3 iiij.
Electuarij lenitiui 3 ij.

Misce, & cum saccharo fiat bolus. Hoc medicamen-
to assumpto per duos dies aut tres quiescat, iterūq;
ad novos syrupos accipiendos adiungat se: cū e-
nim morbus à materia pendeat cōtumaci ac rebelli,
non vnica præparatione & purgatione educi potest,
sed pluribus eget. Itaq; huiusmodi syrupis, sequenti
bus diebus etiam vtetur.

℞. Syrupi acetosi de quinque radicibus ʒ j.

De epithymo ʒ s.

Decoctionis infraſcribendæ ʒ iij.

℞. Corticum radicum capparum

Polypodij

Dulcis radicis

Paſſularum enucleatarum ana ʒ s.

Aſari

Fumiterræ

Filicis

Tamarifci

Aſplenij

Betonicæ

Agrimoniæ

Cichorij ana manip. s.

Corticum radicum ellebori nigri

Florum cordialium ana ʒ j s.

Seri caprini quantum ſufficit.

Miſce, fiat decoctio ſecundum artem. Cùm huiusmodi ſyrupos acceperit ſeptē aut octo, poſtea illicò talem medicinam accipiat:

℞. Rheubarbari optimi ʒ j s.

Spicæ ʒ j.

Vini aromatici parum

Decocti proximè ſcripti quantum ſufficit.

Fiat infuſio per diem naturalem: deinde facta expreſſione,

℞. Confectionis hamech

Electuarij Indi ana ʒ ij.

Syrupi roſacei ſolutiui ʒ j s.

Miſce, & fiat potio. Vel loco huius portionis accipiat pilularum cochiarum cum elleboro ſcrup. quatuor, aut pilularū Indarū, de fumo terræ, ana ſcrup. duos, & reſormentur cum aqua fumiterræ, & fiant pilulæ

quinque. Deinde cū ita exquisitè corpus euacua-
tum fuerit, accedendū est ad alia remedia, quæ cū
iecoris, tum lienis obstructions valenter expediāt.
Itaq; semper in iusculis suis decocta sit radix petro-
felini, & sceniculi cum folijs, & parū asplenij. Et quo-
niam morbus longus est, neque vnico remedio diu-
tius vtendum, quia ei natura assuefacta non patitur,
ideo modò vtatur hoc decocto:

℞. Radicū arnoglossi, id est, plantaginis siccae

Corticis lauri

Chamædryos

Lapathi sylvestris

Foliorum hederæ

ana man. j.

Aquæ lactis quantum sufficit.

Misce, fiat decoctio vsque ad cōsumptionem tertiæ
partis, & in fine parum aceti, quantum sit potabile,
admisceatur: & ex hoc decocto summo mane suman-
tur vnciæ quinque. Aut hoc:

℞. Scordij

Foliorum salicis

Radicum eryngij

Anagallidis cæruleū habētis florē, ana man. s.

Filicis

Chamæmeli

Agrimoni

ana man. j.

Aquæ lactis quantum sufficit.

Fiat decoctio vt suprā. Postea vbi hoc vsus fuerit per
aliquot dies, inde vtatur quibuscūq; remedijs sub for-
ma pilularum, aut pulueris, & pastillorū, ad referan-
das occlusiones hepatis, & lienis. Ad iecoris autem
obstructions hoc sit remedium:

℞. Radicum chamæpityos

Radicum cichorij

ana 3 iiii.

Conterito, & melle cocto excipito, & ad auellanæ

T 3

magnitudinē prębeto, & aquę calidę ʒ. iiij. ab eius assumptione sorbendas dato. Item lupini iecoris sicci drachmā in puluerem redacti, cum vncia fyrupi de cichorea propinato. Pro lienis obstructionibus:

℞. Scillę assatę

Corticum radicum capparum ana 3 j.

Contunde, & prębe ex posca drachmam. Aliud valde laudatum. Accipe seminum viticis semunciam, agni casti contusi & cribrati per subtilissimum cribellum drachmas tres, atque ex posca prębeto bibendum: atq; ita alternatim in aurora exhibebis modò spleneticum, modò iecorarium medicamen: sed multò frequentius spleneticum, longè enim magis in hoc iuvene splen, quàm iecur ægrotat. Item vltimò possunt aliqui pastilli ad patefaciendas viscerum occlusiones exhiberi, vt exemplum sit: Accipe pastillorum de rhabarbaro, aut de rosis, aut de eupatorio drachmam, redigatur in puluerem, & cum vncia decocti cichorij & asplenij in aurora exhibeātur ista eodem modo. Post pastillos autem exhiberi potest, aut drachma confectionis dialachę, aut diacurcumę, aut Mithridatici, aut theriacę, si bona haberentur. Atque ita semper variando, modò vnum, modò aliud ex antedictis remedijs dandum est, neque diutius in vno insistendū. Quòd si caliditas febrilis interdū cogat, aliquantulum de speciebus diarhodon admiscendum est. Pręterea exterius fomenta spleni adhibenda sunt, vt ex decocto genistę, filicis, asplenij, chamęmeli, seminum lini, anisorum, dauci, cumini, & spongia ex hoc decocto madens applicanda, vel vesicula bubula huius decocti plena superponenda: deinde cum oleo de capparibus, & amygdalino, & nardino inungendum est. Sed hæc olea debilia sunt, ideo ad cerota & vnguenta magis mol-

lien-

mollientia & digerentia veniendum est, quale est cerotū de meliloto, aut Aesypi cerotū: oportet enim simul mollire & digerere: ideo cerotum diachilon mollitum cum oleo irino optimum est, aut cataplasma ex radice cyclamini, hoc modo:

℞. Radicum cyclamini lib. j. s.

Caricarum pinguium lib. s.

Aceti quantum sufficit.


Coquantur, & fiat cataplasma optimum. Item ster-
cus gallinarum, siccum, contusum, cribratum, in oxy-
melite concoquito, & confidenter imposito. Item
optimè facit farina hordei, lupinorum, fabarumque
ex oxycrato imposita: præterea pyrites, aut molaris,
aut gagates longitudine octo digitorum, latitudine
sex digitorum, non multæ crassitudinis, ignescat, a-
cetoq; aspergatur, panniculoq; in aceto calido ma-
defacto inuoluatur, & loco imponatur affecto, ibiq;
quandiu calidus est, permittatur. Emplastrum quo-
que ex hoc lapide à Galeno fit diapyrites vocatum,
quod mirum est in scirrho discutiendo. Veruntamen
totum ferè in ratione victus situm esse existimandum
est, siquidem omnis diuturnus morbus maximam ex
conuenienti victus ratione opem sentit. Quapropter
aër in primis eligatur, qui neque in calore excellat,
neque in frigore, & ad siccum declinet. Caueat itaq;
à pluuijs, nebulis, & ventis australibus, neque incol-
lat, si fieri posset, loca palustria, lacustria, aut aquis vl-
lis tum currentibus, tum stagnatibus irrigua, sed sta-
gnantes longè sunt pessimæ: præterea loca olidis pu-
tridisque vaporibus referta euitentur: sed aër sit pu-
rus, apertus, & leui aura boreali perflatus. Exerci-
tium corporis, cum febre caret, sit ante cibum, exo-
nerata prius aluo, & id quidem moderatum, ingre-
diendo, aut requirendo aliquid, & alijs gestationi-

bus vtendo . Quod si non possit, fricetur eius dorsum, crura & brachia deorsum versus cum panno lineo tepido, non valde molli, neque aspero, vsque ad cutis ruborem. A cibo quiescat omnino per tres aut quatuor horas. Loquatur ante cibū alta voce, & vociferetur . Noctu dormiat, quantum ad concoctionem satis est: meridianum somnum, nisi assuetus sit, caueat. Quotidie ante cibū aluū exoneret aut spontē, aut glandula simplici ex melle cocto, aut addita drachma specierum hieræ, aut per clystere ex decocti chamæmeli, betæ, furfurum, mercurialis, maluæ, libra, olei anethini vnc. tribus, sacchari rubei vncijs duabus. Animo sit semper læto, nihil triste cogitet, semper se conualiturū esse confidat: solitudinem fugiat, musicis delectetur, semper amicorum & hominum iucundissimorum consuetudine vtatur. Cibi verò & potiones, in quibus maximè victus ratio consistit, sint attenuatorii, incisorii, abstersorii, & acrim rerum . Comestiones per interualla interdum prouiderūt, vt sinapis, piperis, sacchari, & huiusmodi, precipuè cum febris sedata fuerit . modus autē cibi est, ne satietur . Potus vini sit paucissimus, quātum satis erit ad sedandam sitim. Panis itaq; vt ab eo incipiamus, ex polline triticeæ farinæ conficiatur cum mediocri sale, & bene fermentetur: præterea, vt flatus, quibus hic ægrotus abundat, discutiantur, conficiendo panis cōmisceatur semen anisorum, fœniculi, feseleos, cumini, & optimè coquatur. Carnes sint hædi aut verueccis iuuenis, aut vituli lactentis, pullo- rum gallinaceorū, aut columbinorū in turribus degentium, auicularum quæ ex arboribus, montibus, aut campis victum quaritant . Vitētur aues in aquis degentes, & carniuoræ: oua etiam sorbilia profunt. Etiam omnino hæ carnes elixentur, & in iusculis

coquantur radices fœniculi aut petroselini cum folijs, aut vtraq; & condiatur cum cinnamomo omnia cibaria, & aceto. Pisces non sunt boni, nisi saxatiles. Oleribus interdum elixis vesci poterit, vt beta, malua, aut quod cerfoliū vocant, mentha, petroselinum, & reliqua huiusmodi. Abstineat ab omnibus leguminibus, à brassica, rapis, cucurbitis, cucumerib. cum lacte, & omnibus lacte confectis, & lacticinijs. In acetarijs frequēter vtatur capparibus ex oxymelite, aut folijs buglossæ & boraginis coctis, & endiuia, intubi, aut cichorij. Fructibus vti potest, vis passis ante cibum & post, interdum amygdalis. nuclei pinei stomachū lædūt. A pomis, nucibus, castaneis, vis, persicis, melonibus, & breuiter ab alijs omnibus fructibus, præter ficus, & eis consimiles, abstinere melius fuerit, donec huiusmodi febris & obstructions penitus sublatae fuerint. Potu vtatur vino albo, tenui, non acerbo, cum quo permisceatur aqua, in qua ferrum candens igne sæpe sit extinctum. Optimū erit si omnia ipsius cibaria in tali aqua decoquantur. Præterea fiāt vascula ex ligno tamarisci, in quibus vinū, quo vti debet, contineatur. His omnibus ita congruenter institutis, & corpore diligentissimè, vt superius comprehensum est, purgato, si febris abolita fuerit, tunc credimus vltimum & præsentissimū remediū fore, si aquas Apponenses potauerit, quarum experimenta multa visa sunt in aperiendis viscerum obstructionibus, & omnibus naturalibus membris roborandis. Atq; ita, Deo annuente, huic nobilissimo iuueni pristinū corporis robur & valetudinē restitutum iri speramus, atq; indubitanter confidimus.

Consult. LXII. De morbo Gallico, pro quodam nobili Germano.

T 5



In tam ampla materia & congerie symptomatum vellem inuenire rationem, essem valde molestus. Sed via hæc erit comoda, ut explicem naturalem temperiem eius, & præternaturalem acquisitam, quia ex ijs rectè explicatis reliqua clara erunt. Quod ad naturalem temperaturam pertinet, illud ponendum est, quod nisi constaret ex ægitudinibus, quibus antea affectus fuit, cholericis quidem, & nisi corporis habitudo esset, nullam prorsus suæ temperaturæ naturalis haberemus cognitionem: quoniam ex signis à Galeno traditis, in ipsius cognitionem non possumus adduci, maximè cum animi mores nobis non sunt noti. Sed quod sit calidæ & siccæ temperaturæ, omnes illæ ægitudines, quibus solitus est affligi & infestari antequam incideret in morbum Gallicum, possunt attestari. Et primò, ut ex scripto eius apparet, circa x i. annum capitis dolorē habuit: primò acutissimum, deinde crisi facta per fluxum ab auribus utrisque cum sanguine, in tertia vel in quarta die liberatus est. Indiciū manifestum tum ex acrimonia doloris, tum ex velocitate motus, calidam fuisse dispositionem. Laborauit etiam scabie, quæ prouenit ab humoribus adustis, & à pituita falsa, quæ attestatur caliditatem hepatis. Præterea tertianas habuit, & cum vexaretur catarrho, à x v. usque ad x v i i i. annum, tenuis fuit admodum, acutus, mordax: ita quod omnes ægitudines quas passus est antè, attestantur super dominio humorum calidorum. Ideo hæc signa videntur efficacia, ut credamus esse calidæ & siccæ temperaturæ, quia illæ ægitudines non solum signa sunt naturalis temperaturæ, imò indicant habuisse omnes causas, quod naturalis eius temperies fuerit labefactata, quia ex longo catarrho naturalis temperatura

tura destructa fuit, quia perseverante catarrho continuè, fieri non potuit quin labefactaretur. Quo catarrho perseverante, in x x i i i. ætatis suæ anno concubuit cum muliere infecta morbo Gallico, à quo tempore cœpit conqueri de magnis & multis symptomatibus, quæ secuta sunt, de quibus loquemur. Sed primò oportet scire quòd ille Magnus vir incidit ex tali cōcubitu in morbum Gallicū, ita quòd contagium fuit complicatum cum tali naturali temperatura, quam inuenit calidam & siccā, ex qua complicatione fecerūt vnum tertium, ex quo postea tot symptomata secuta sunt. Sed non possumus scire illud tertium nisi extrema habeamus. Sunt autem extrema, primò temperatura, quæ excedit per calidum & siccum. Secundum extremum est contagium morbi Gallici. Hic dubitāt multi, quisnā morbus sit morbus Gallicus, an epidemicus dici possit, nec ne. Ego credo quòd nō possit dici morbus epidemicus, quia epidemici habent causas vniuersales (vt inquit Galenus in primo Epid.) vel aërem, vel cibum & potum, sicut in libro de cibus boni & mali succi asserit Galenus, de eo qui propter qualitatem annonæ tempore suo accidit: ita quòd talis à causa vniuersali incipit, & desinit desinentibus causis vniuersalibus, siue in aëre, siue in aquis & cibus sit cōstituenda causa eius. Iam multi anni præterierūt, ex quo incœpit hæc infectio, credo quòd deberet iam desinere. Neque valet quòd per cōtagium perseverat, quia cessantibus causis, cessant putredines: vt in febris pestilentialibus quæ per contagiū oriuntur, cessante influxu, & vniuersali causa, cessat cōtagiū, & abolentur febres illæ. Præterea maiores nostri ex historia obseruarūt, nulum eo tempore fuisse correptū, nisi per contagium: & causam habuit particulare: scimus enim quòd eo

tempore, quo bellum à rege Gallorum apud Neapolim gerebatur, plurimi erant Hispani, qui à Calicut deuenierunt, in quibus regionibus plurima erat infectio, qui concubuerunt cum meretricibus illis, & ex cōcubitu illo infectæ sunt meretrices, & tandem infectio ad nos deuenit, quia ibi aderāt milites cuiuscunque nationis. Et ita constat in historijs, quòd habuit originem, & tale principiū, per contactum particularem, qui morbus peculiaris est in illis regionibus, & non curatur nisi ligno illo, quod ad nos delatum fuit. Verūm num sit morbus iste collocandus in genere morbi qui sit in mala compositione, vel solutione continui, & in quo genere sit collocandus, est maxima difficultas. Et fortasse si vellem immorari, ostenderem opinionem meam non longè à veritate esse: nec credo posse appellari morbum, nisi occupauerit hepar, & fecerit malam temperaturam. Cuius signum est, quia antequàm contagiū deueniat ad hepar, vlcuscula curantur omnia, & non redeunt: si verò ad hepar peuenierit, non modò bubones apparēt, sed caput occupat, & omnia membra inuadit: tristantur homines, decolorātur, & apparet tunc quòd causa est in membro principali, quia totum afficitur corpus. Ideo non est solutio continui, sicut quidam existimarūt, sed hepatis intemperies. Certum est quòd debemus cōspicere & videre, si in hepate est quis affectus, præter naturā existēs in hepate. Certè licet videamus quòd in omni tēperatura efficiat crustas, pustulas, vlcera, tamē symptomata semper eadē videntur, siue sanguis, siue bilis, siue pituita sit, quod adustionē habet, & nunquā separari hoc symptoma ab abscessib. à pustulis, à crustis, & ab vlceribus. Et quia hoc vniuersale videtur, credendum est quòd sit temperatura propria causans hæc symptomata. Et contin-

git in hoc, quod in alijs contagiosis: vt si quis habēs lepram vel scabiem, alium inficiat scabie vel lepra, licet habeat hoc perpetuū quòd sit pituita, tamen secundum diuersas temperaturas diuersę fiūt scabies, in vno fit pinguis & humida, in alio sicca, & ita vnum commune habebit. Quo autem ad naturam vlcerum, erunt diuersa pro ratione temperaturarum. Hoc vnum obseruandum est, quòd contagium hoc à temperatura pendet, quæ nec calida, nec frigida, nec humida, nec sicca est: sed est qualitas quædam innominata, quæ dum contingit hepar, facit sanguinem talis naturæ, vt semper declinet ad adustionem, fortè quia principium suum prouenit à nigris hominibus illis & adustis, quia proprius est morbus illorum hominum circa torridam zonam habitantium: fortè propter naturam illius adustionis dependet ab illo principio. Siue quia talis vel talis temperies sit, & innominata, habet hoc, quòd contagium primò inficit hepar, ideo facies decolor est, sequitur & tristitia animi propter humorem adustum generatum, & si abscessus contingunt, duri sunt in primis diebus: & ita semper adustio est in tali morbo. Ista ergo mala qualitas facit semper adustionem, & est causa, vt quęcunque materia sit, semper habeat adustionem. Hoc fundamēto posito, & quòd à principio natiuitatis habuerit temperaturam calidam & siccam, abundauit humorum adustione, vt ex scabie apparuit, quæ fuit propria ægritudo: ex catarrho mordicante & erodente superuenit contagium illi temperaturæ, cum qua conuenientiam habebat: ideo facilimè impressiōem fecit, & maximam, quia agens & patiens erant disposita. Hæc fuit causa, quare secuta fuerunt tot symptomata: apparuerunt pustulæ, post pustulas apparuit humor distillans per virgā, dolor

in

in lūbo dextro, vt dixit ipse, sed fuit in rene dextro, quia subsecutæ fuerunt vrinę arenosę, attestantes in renibus affectionē & calorem esse. Habuit maculas primò siccas, secundò humiditas in vola manuū, & circa cubitum. Habuit dolorē capitis intensissimum in posteriori parte capitis, & ex medela medici ex diuersis curationibus in omni parte capitis tam anteriori, quàm posteriori habuit, & semper abscessus illi duri permanent curatu difficiles. Apparuit etiam in naribus non solū caro exerta, sed vlcera, quę omnia fuerūt cum erosione, ita quod post contagium omnia secuta sunt: & adustiones habuit tum à temperatura, tum à contagio: & in hac re immorandū non est, quia clara est. Hoc fundamento posito, quærit à nobis iste Magnificus vir tria. primò, vtrū possit curari sine exhibitione ligni, & vnctionibus, & suffumigijs: secundò, an possit curari sine deturpatione faciei: tertio, vt scribamus quid consulimus. Circa primum, oportet primò videre vtrū possit curari, secundò cum quibus. Credo multa esse consideranda quoad morbū. posset quidē curari, si nō haberemus alias indicationes, nisi eas, quę à morbo sumunt Gallico, etiā si inueteratus esset: imò vidi ego quod quanto vetustior fuit cum abscessibus & pustulis & vlceribus, curatus est cum ijs, quę dicemus. Sed nos habemus plura cōsideranda, quę faciūt difficultatē. Habemus primò, & ego obseruaui experiētia, postea ratione, q̃ nihil deterius est istis sic affectis, quàm adhibere, siue interius siue exterius, sub forma vnguēti vel suffumigij, id quod argentū viuū habet, quia ex tali applicatione homines secundū membra principalia semper fuerūt affecti. Et testor Deū, aderatq; Excellentiss. Fracastorius, ex inunctione Mercurij statim quendā incidisse in epilepsiā, & vix potuit curari ab ea, &

ea, & nullam causam habuit, nisi eam occasionē. Post quidem assumptionem argenti viui, ita decolorantur, vt nunquā possint redire ad pristinum colorem. Et ego primò quando vidi hominem in facie, interrogavi an fuerit illitus aliquo vnguēto, in quo esset argentum viuū, quia tot vidi, vt experientia doctus sim. Sed præter experientiam habemus rationem, & prætermittamus considerationē Auic. quia fuit primus qui voluit rem distinctè intueri, reprobrauit ipsum: Græci omnes id ipsum non cognouerunt, nisi quòd venenū est, & nihil aliud de eo dixit Galenus, sed refugit ipsum tanquam venenum. Et quia Auic. voluit experiri argentum viuum, & similiter Arabes alij, quia fuerunt maximi Alchimistæ, dixit omnia aperte eius incommoda, & quomodo in paralytim, in stuporem, & in frigiditas incidere facit ægritudines. Et primò videmus pati hepar, & incidere in frigidā dispositionē, ex qua sequitur decoloratio totius corporis: præterea ægritudines ex consensu neruorum sequuntur, paralytis, tremor corporis, stupores, & totius corporis refrigerationē facit, quia calorem naturalem, & spiritus refrigerat. Ideo abstinendum ab eo est, tanquam aperte lædente. Et præter frigiditatem & humiditatē maximam, quam habet (licet aliqui dixerūt esse calidum in quarto, quia de calcinatio loquuti sunt) & præter malas cōditiones omnes, quas habet, vnū habet detestandum, quia facit operationem suam contra methodum, & contra rationem: est enim apud medicos vnum axioma, vt cū euacuamus, ne trahamus humores ad locū nobilem. At argentū viuū quicquid in iuncturis est, ad pulmonem trahit, & expuitur: & sequitur fœtor, corruptiones dentium, gingiuarū, vlcera maligna in ore. Et ideo vir iste non est mirum si habuit vlcus in pa-

lato post suffumigium, & post argentum viuum exterius sumptum. Credo ego quòd ex hoc, & non ex alio, secuta fuerit decoloratio, hæc mœstitia, & vlcera in palato. Et mirum est, cur non omnes ex plurima materia, quæ defluit ad pulmones, incidant in vlcera pulmonis. Et si euadunt multi, hoc est ratione fortis naturæ, & quia duri pulmonis sunt: nullus tamen euasit, quin habuerit vel gingiuas corrosas, vel dentes, vel aliquod deterrimū. Et credo quòd sequatur sanitas ex tali illitione, sicut in pestilentialibus accidit qui in naui curatur à calido vino epoto, qui postquam cooperti sunt pannis, sudant copiose, & ex tali violentia naturæ facta, quæ fortis & valida est, ab errore ducti sanitati restituuntur. Concludo ergo, quòd, saluo semper meliori iudicio, argentū viuum siue per linimentum, siue per suffumigium, non probō, siue minerale, siue artificiale fuerit, quia omnes, qui de eo scripserunt, cognouerunt tam minerale, quàm artificiale, venenum esse: ideo crederē ab eius vsu abstinendū esse. Si diceretis, fuit curatus ab eo, à decocto autem ligni deterius se habuit, imò ex decocto tali dolor auctus fuit, ex suffumigio autem melius habuit. Istud non est mirum: quia si verū est suppositū à me factum, quòd vir iste tēperaturā habuit à principio natiuitatis calidā & siccā adustam, & cōtagiū habere adustionē sibi perpetuò annexā, & ideo habere symbolum cum temperatura: quæ refrigerāt, humectāt, & reperiūt, per aliquod tepus possunt conferre, quia a terāt naturā & stupefaciunt, vt non sentiat dolorē: & euacuāt trahēdo ad partes interiores, & per sputum excernunt, ideo videntur bene se habere in principio: sed postea in deterius labuntur, non solū quia remansit temperatura mala, sed quia vltra ea habuit venenositatem in membris. Et
si à

Et si à decocto non bene habuit, potuit esse, vel quia non fuit vsus recta ratione victus, nec bono ligno, nec bene purgatus: quia qui non fuerunt exquisitissimè purgati per phlebotomiā & pharmaciam, non fuerunt sanati. Ideo debuit primò optimè expurgari. Præterea multa sunt obseruanda, quæ sciunt peritissimi medici: quæ si non fuerunt obseruata, à caliditate téperaturæ ligni & siccitate potuit lædi, quæ valida est. Et licet in ore positū non percipiatur acrimonia, sicut percipitur ea quæ in pipere est, hoc est quia fundatur in substantia terrestri, vt vix deueniat ad actū, ideo in tertio crediderunt esse calidū & siccum. Idq; possumus experiri, si decoctū faciamus ex maiorana, calamentho, cinnamomo, & ex ligno, maiore percipietis caliditatem ex decocto ligni, quàm ex his quæ sunt calida & sicca in tertio, interius dico sumptū, quia ex elixatione permisceat cum multa aqua, ideo non sentitur exterius: sed interius sumptū mirum in modum calefacit. Ideo siue hoc, siue illud, siue omnia, siue plura fuerint, nō est mirū si non fuit adiutus. Cui tamen incommodo possumus occurrere. Cū ergo duo sint, quæ possunt morbum Gallicum confirmatum curare, decoctum ligni, & illitio ex Mercurio: huic autē affectioni, quam facit argentum viuū, non possumus occurrere: necessarium est igitur, vt accedat nobilissimus iste vir ad assumptionem potus aquæ ligni. Sed duo in primis facere debet: primò, remouere malā impressionē factam ex argento viuo, siue fuerit argentū viuū, siue suffumigium ex cinaprio, in ambitu totius corporis impressum: secundò vellem, vt malus habitus tolleretur, & rediret ad propriam temperaturā. Cum quibus modò? Ego sine dubio in tanta materia aggregata tum à cōtagio, tum à mala temperatuta, tum à medicinis


resoluentibus totam struem corporis, vellem vt corrigetur, & tot ac tanti humores euacuarētur cum medicinis. Et cū habeat habitum pallidum declinantem ad frigiditatem, & tumorem corporis, cachexiam indicantem, hoc fuit ab aliqua re valde imprimēte: quia mirū fuit quòd in tali corpore impressa sit intēperies frigida. Ideo biliosi, pituitosi, & adusti humores sunt euacuādi. Et quia pituita mixta est cū adustis humoribus, habeat primò syropos, in quibus ingrediatur epithymū, fumus terræ, polypodiū, arte confectos, habeatque senam, quæ euacuat humores melancholicos, & digerit, & incēdit humores pituitosos adustos. Syrupus acetosus etiam optimus est, & multi alij, quos non referam, quia qui scribentur, magis erunt vniuersales. Ego sic procederem cum digerentibus pituitosos & adustos humores. Postea euacuarem cum medicinis euacuantibus adustos & pituitosos humores, & inter omnia medicamenta confectionem hamech eligerē, vt patet ex ingredientibus. Pilulæ aggregatiuæ summopere conuenirēt, in quibus ingrediūtur ea quæ possunt id facere: electuariū etiam Indum, diasene, diacatholicon, & haberet aliquod in se quod stimularet ipsum, quia leue est. Conuenienter ergo possent addi trochisci Alhandal, agaricum, rhabarbarum: & si non sufficeret vna euacuatio, plures fierent. Corroborarem caput, aperirem venas, & disponderem in alium habitum. Et si esset in regione calida, dimitterem beneficio aëris, quia fortè ex aëris beneficio corrigeretur: & si non esset in aëre tali, darem ei decoctum corroborans naturalē calorem: & decoctū esset tale ex garyophyllis & cinnamomo. & propter caliditatem hepatis vellem vt decoquerentur in aquis endiuix, cichoreæ, ad refrigerandū hepatis caliditatem

tem quæ induceretur ex aromatibus. Et si fortè essent obstructions in venis aggregatæ per accidens, discuterentur, inciderentur, & diffilarentur. His factis, deuenirem ad principalem intentionem, & esset tunc tempus autumnii, & purgarem rursus exquisitè, & si viderem quòd in alium habitum tenderet, secarem venam, & cum iisdem purgantibus & euacuantibus pituitosos & adustos humores procederem. Postea sex vel octo syropos exhiberem, sic compositos. Vellem accipere, exempli gratia, myrobalanorum citrinorum, chebulorum, Indorum, sing. semunciam, contundanturque, & facta leui contusione infundantur per diem & noctem in aqua fumiterræ. Facta infusione, imponerentur folliculorum senæ, epithymi, polypodij, glycyrrhizæ, sing. vncia, seminum citri drach. quatuor, corticum elebori nigri drach. duæ. Infundantur simul, & decoquantur sufficienter, & totum hoc in sex vel octo vicibus assumatur: & pro refrigeratione hepatis, in hoc decocto ponatur syrupus de corticibus citri, vel si timeamus caliditatem nimiam hepatis, syrupus rosatus, quoniam malum habitum abigit hoc decoctum, moderatè euacuat, & nigerrimos humores. Et testor Deum, quòd multi sanati sunt ex hoc decocto, maximè ubi morbus non sit inueteratus. Et ratio quæ me mouet ut hæc assumat, est, quia exquisitissimè purgati in decocto feliciter euadunt. His factis, ad decoctum ligni accedemus, supposito quòd malus habitus fuisset remotus, & rediret suum temperamentum. Vellem duas intentiones habere: prima ad contagiū illud, quod quidem non remouebitur, nisi suo opposito. Et quia nomē non habet (non enim calidū, nec frigidū, nec humidū, nec siccū) ideo nec calida, nec frigida, nec humida, nec sicca opponemus. Vnde istud

lignū semper curabit, si seruētur seruanda: nam non inueni manifestas qualitates quæ plus noceāt, quàm iuuēt ista qualitas innominata. In ligno enim primò est illa occulta qualitas, quæ dicitur bezoartica, quæ habet vim antidoti, & directè opponitur contagio. Habet secundò caliditatem & siccitatē: si enim inuenerit hepar calidum, plus calefaciet qualitas manifesta, quàm occulta iuuēt: & tunc debemus contemperare qualitatem illam, sicut feci ego in domino Ioachino, cui cū exhiberē decoctum ligni in aqua putei, in tantam calefactionem hepatis deuenit, vt totus esset erysipelatus, & febres accesserūt pessimæ. Accessi ad aquam endiuixæ, & tunc tanta felicitate omnia successerunt, vt ex ea nunquam amplius ægrotarit, cū tamen natura esset niger, macer, pallidus. Et hoc proueniebat à mala temperatura ligni, quæ remota fuit. Ideo plus illi nocebat caliditas & siccitas ligni, quàm occulta bezoartica iuuabat. Illis igitur duabus rebus consulerem: & respiciens temperaturam hepatis refrigerarem hepar, & refrigerarem caliditatem, & siccitatē ligni, qua non indigemus, & occultam bezoarticā haberemus, qua indigemus. Et hæc faciet cum debito regimine victus: & si fuerit frigus, permanebit in suis vaporarijs commodè calefactis, vt sudare possit liberè. Quomodo autem propinetur, nunc nil dicam: sed si scribam, dicam. Circa vlcera illa, credo quòd ab exhibitione ligni omnia cessabunt, & nisi infectio morbi Gallici tollatur, non curabitur. Et si tolleretur vnum vlcus, decem prorumpēt, & iste morbus erit veluti hydra. Vidi tamen ego empiricos quosdā vnum habere medicamen in abscessibus simile admodum cerino antidoto, quod habet optimam terebinthinam, oleum rosaceum, & ceram, quæ omnia componunt,

nunt, & applicant. Abscessus curant, sed redeunt in alia parte, & nisi occurratis, citò marcescēt omnia ossa corporis. Habet etiā vlcus in ore, quod mihi non placet, & ideo iam accessit hoc cōtagium ad caput. Et est ille secundus gradus, de quo volebam dicere à principio, sed è memoria excidit. Si modò accederet ad cor, tunc efficeretur incurabilis, & trāsiret ad tabem. Ex tribus membris, duo occupauit: si ad tertium descendet, non curabitur. Et hæc sufficiant.

Consult. LXIII. Pro eodem.



Vppositis his vniuersalibus euentibus qui ab intemperie tum naturali, tum aduentitia huius Magnifici viri originem ducunt, necnon causis singulorum hoc tempore prætermisissis, quæ omnia alioquin in colloquio nostro exactissimè fuerūt considerata, hoc vnū proponam, morbo Gallico vexari hominem: & quæcunq; symptomata, abscessus, vlcerà, dolores ipsum infestant, vel omnino, vel maxima ex parte ab hoc eodem morbo pendere, quo sublato, sicuti arbitramur, reliqua quoque omnia facilè abolescent. Ergo incedendum maximè, vt morbū propulsemus: propulsabitur autem, malum habitum ab alijs medicis inductum remouendo, deinde bonum & naturalem introducendo: nunc enim & liuens & tumidus secundū totam corporis molem apparet, quod ab alia ratione euenire nō putamus, nisi à delibutoria qualitate tum argenti viui, tum adulterati, & falsi cinnabaris, quo vtroque varijs modis abusus est. Primū igitur, nisi regio calida, aut constitutio, aut tempus hac proxima æstate obstiterit, purgandum hoc corpus putamus, vt quicquid excrementi tum ob intemperiem deprauatam, tum ob malam rationem victus

collectum est, totū exquisitè educatur. Postea membra corroboranda, & ad meliorem habitum ducenda: subinde ad morbi Gallici curam rectà accedendum. Purgatio proxima hoc modo perficietur. Floris cassiæ quam pinguiissimæ drach. decē ad boli formam redactas, & saccharo inspersas, nō ita multò ante prandium deuorabit. Postridie potum huiusmodi accipiet. Syrupi de succo betonicæ, de cichorea Nicolī completi cum rhabarbaro, singulorum vnciam. Decocti betonicæ, endiuia, & maioranæ, ex iure tenui pulli exigui vnc. quatuor. Sumet in aurora tepidum, idemque repetet v i i. aut i x. continuis diebus. Tunc proxima die pharmacum tale cum custodia deglutiet in aurora:

℞. Confectionis hamech	3	iiij.
Trochiscorum Alhandal		gr. x.
Syrupi rosati solutiui	$\frac{3}{4}$	ij.

Cum aqua betonicæ fiat potus brevis. Deinde proximis septem diebus sumet perpetuò ante prādium & cœnam, zucchari rosati vnciam. Tunc per plures dies non abscedet ab vsu eiusdē zucchari rosati, vel saltem ante prandiū, & bis in septimana sumat theriacæ optimæ, vel Mithridati drachmam in aurora. Vnum erat dicendum, quod est omissum. Eo tempore quo syrupos assumit, tertio scilicet aut quarto die venam secet basilicā dextri lateris, nec vltra sex vnc. sanguinis hauriet. Atq; vt melius sibi caueat, neque interim incidat in deterius, consulimus vt semel saltem in septimana sumat rhabarbari optimi scrupulos i i i i. macis grana sex, zucchari rosati semuncia: quæ omnia simul confecta, & ad boli formā redacta, tribus horis ante prandiū deuorabit. Poterit etiam talem potum crebrò in aurora tepidum assumere:

℞. Epithymi optimi

Folli-

Folliculorum fenæ ana 3 ij.

Seminum citri

Liquiritiæ ana 3 j.

Contundantur semina, & omnia simul decoquantur in duabus heminis feri lactis, ut dimidium absumat. In victus ratione cauebit maximè ab aëris excessu tam calido quàm frigido & flatuoso, nec minus Austrum quàm Boream euitabit. Animi molesta ac-
cidētia tanquam pestem effugiet. Singulis diebus cu-
rabit aluum subducere. A Veneris usu penitus absti-
nebit, saltē toto curationis tempore. Carnes hœdi-
nas, castratorum iuuenum, vitulinas, pullorum, per-
dicum comedet: montanas aues tam elixas, quàm as-
fas. Reliquis omnibus carnibus parcet, nec non cu-
iuscunque generis piscibus. Olera vituperamus tam
cruda, quàm cocta. Utetur ouis recentioribus, &
forbilibus. Vsum lactis, & quodcunque ex lacte con-
fectum euitabit. Vinum parcissimè bibet, non aci-
dum, non austerum, non dulce, sed maturum, tenue,
limpidissimum: ac cōpotationes præ reliquis omni-
bus fugiet. His ita procuratis, appetente autūno cir-
ca Septembris initiū ita rursus inchoabit. Primò su-
met quęcūq; in pristina purgatione enumerauimus,
cassiam inquā, & syrupos, & pharmacum, nec minus
venā eandē secabit. Laudamusq; ut, nisi vnica purga-
tione exquisitè purgatus fuerit, bis eodē autūnni tē-
pore repetat. Deinde peractis purgationibus sex per
petuis diebus, talē potū in aurora tepidūumat, seq;
interim intra domū cōtineat. Postremò vbi hæc om-
nia rectè peracta fuerint, ad ligni Indici decoctum
hac ratione progredietur, sumēdo ligni Indici opti-
mi, nigri & pinguis derafi libram vnā: aquæ endi-
uiæ per destillationē factæ optimæ & recētis libras
xiiii. ponenturq; simul in olla fictili vitreata beno

operta, vt integro die simul cū sua nocte madescant: tunc decoquatur donec tertia pars absumatur, deinde excolabitur, & seruabitur decoctū in vase vitreo mundissimo stricti orificij, & exquisitissimè operto. Huius decocti vncias v. i. bibet horis quinque ante prandium, atq; interim se cōtinebit in cubiculo tepido, & si frigus fuerit, in vaporario, à quo frigidus aëre existente nunquam etiam est recedendū, donec totū potionis tempus trāsiuerit. Septima verò hora post prandiū totidem rursus vncias eiusdē decocti eodem modo potabit, & post quatuor horas cœnabit: & idem singulis diebus repetetur vsque ad quadraginta, vel ad summum 50. Cibus erit primò, pulli parui vnciæ tres, vel quatuor ad summum, ac totidem panis optimè fermētati & saliti. post prandium & cœnam vncias tres passularum Corinthiacarū elestarum edet: eadem enim prorsus ratio esse debet & cibi & potus tam in prandio, quàm in cœna. Portio autem secunda talis erit. Sumetur illud idem lignum, quod prius decoctū fuerat in aqua endiuie, ac rursus decoquetur in libris xx. aquæ fontis optimæ ad consumptionē quartæ partis, & facta exquisita expressione, pro portione seruabit. Singulis tamen quibusque octo diebus semper sumet vna hora ante prandiū floris cassiæ drach. x. At si interim non egeret, clysteribus vtetur ex decocto eiusdem ligni, cum vncijs tribus mellis rosacei. At super omnia toto hoc tempore cauebit ab aëre frigido, & vento, ac rursus semel in septimana, qua die magis illi collibitum fuerit, sumet ante potionem suam ordinariam immediatè drachmam optimæ theriacæ, vel Mithridati, à quorum vsu consulo nunquam illum penitus abstinere debere. Hæc sunt quæ scribenda occurrūt, ita vt nec prætermiserimus quæcunq; in colloquio
nostro

nostro memoratu digna visa fuerunt: nec dissimula-
uerimus, aut silentio transuerimus, quæcunq; inter
scribendum vtilia fore iudicauerimus.

*Consult. LXIIII. De morbo Gallico, cum febre &
continuis uigilijs, pro nobili iuuenē.*



Vm audirem processum & modum dolo-
ris huius nobilissimi iuuenis, mihi vi-
debatur ita morbum Gallicum depingi &
effigiari, ac si visu perciperet. Dolor pri-
mò acutissimus capitis corripit hunc iuuenem, nec-
non tubercula apparuerunt in capite, quæ cum essent
sine dolore, tactu tamen cum premerent, dolebant:
signum euidens quòd ibi esset materia pituitosa adu-
sta, modo quo potest aduri pituita. Præterea versa-
tus fuit cum muliere infecta, ut hoc possit esse nō le-
uis coniectura. Præterea nemini dubium est, quòd
impressio extrinseci agentis in corpore præparato
magis imprimi: & cum corpus hoc calidum sit & sic-
cum, & plurib. abundet adustionibus, magis præpara-
tum est, quia corpora calida & sicca adusta magis cō-
tabescunt. Præterea pluribus humorib. malis abundat,
& bile & pituita: ideo nō fuit mirum si dolor validissi-
mus adfuit, & tubercula emanauerint. Curatus fuit
omni ingenio, ut si dolor capitis à prauorum humo-
rum multitudine prouenisset, remota causa, affectus
& dolor remoti essent. Remota enim fuit multitudo
malorum humorum causans dolorem (si illa fuisset
causa) non solum per euacuationes vniuersales, quæ
à toto euacuant, & per reuulsionem, ut omnino de-
beret excuti, sed etiam ad localia ventum est, ad de-
riuationem per vesicatoria prope scapulas, & tamen
nihil profuit: ita quòd his exquisitè factis, licet cessa-
uerit tantillum dolor, quatenus à capite essent educti

V 5

humores, redijt tamen. Causa autem est, si consideramus naturam morbi Gallici, quia occupat duo principalia membra, hepar scilicet & cerebrum, sua mala qualitate, quam certè nomino innominatam, quæ forma imbuit in hepate, & malos adustos humores generat. Nec possumus dicere quod calida sit, quia generat pituitam, & alios diuersos humores: & licet ad adustionem tendant, varij tamen generantur: & propterea iuuatur aliquando à calidis, ita quod non est qualitas ex primis qualitatibus, sed forma quædam mala imprimitur in hepate, vt generet malum sanguinem: & sicut varia est natura recipientis, ita varia forma recipitur, quæ in aliquibus depilat, in alijs vlcera, in nonnullis dolores facit, in aliquibus brachia, in alijs caput, in alijs crura occupat, prout vnũ membrum imbecillius est altero. Cùm ergo in hepate sit illa mala forma, licet educatur materia mala, redijt tamen, quia adest infectio adhuc, & mala forma in hepate, quæ semper malos humores generat: & licet optimis cibis vescatur, generat malos humores ex illa mala forma impressa: ideo pallescunt semper ita infecti, nec vnquã læti sunt, & affliguntur varijs symptomatibus ex malis humoribus. Præterea caput etiam læditur, & ita inuadit ipsum, vt totũ venenum appareat in capite, & non nisi dolor. Credo igitur esse Gallicum, tum ex signis illis, tum ex modo inuasionis doloris capitis: & quoniam ea quæ solent curare hemicraniam, nihil profecerunt, tum etiam quia se cõmiscuit cum muliere infecta, relinquitur quod in hoc nobilissimo iuvene sit morbus Gallicus. Et quoniam multiplicantur humores mali, & spiritus accenduntur, & dolor maximus affligit, facta fuit febris accidens, quæ remouebitur remoto dolore. Tamen cùm iste nobilissimus vir febri continua laboraret sine

ret sine typo, & carnes ardentes habeat, & duritiem aliquam in pulsu, dubitandum est ne febris sit in habitu. De putrida nō audio, saltem quòd habeat typum insignem, nec percipit rigorem, nec magis affligitur in vno die, quàm in alio, vel in vno tēpore magis, quàm in alio. Est etiam mirū, quomodo post euacuationes factas non cessauerit, si esset febris putrida. Et hæc quo ad ea quæ patitur præter naturā. Habet præterea vigilias illas, quæ mihi videntur quòd sint accidens: & habent rationem causæ, ad quam debet intētio dirigi: quia symptomata cū habent rationem causæ, vt vigilie, quæ prosternunt virtutem, & augent dolorem, propter magnā siccitatem, quam causant, ideo remouendæ sunt vigilie. Prætermittā dicere de prognostico, habet enim multa discrimina, & si perseverabūt dolor & vigilia, & febris quæ hectica est vel in humoribus, nō haberemus virtutem ita validam. Quid agendum est? Purgatus est, & nunc exhibetur decoctū ligni, à quo sanatur morbus Gallicus, nec aliud genus remedij dandum est. Cū ergo iuuenis iste patiatur morbum Gallicum, quod ad ipsum attinet, tali decocto curandus est. Diceret aliquis, hīc est arefactio, febris, & vigilie, ijs tribus insistendum est: si ad febrem respiciamus, quia calidum & siccum est decoctum, febris calida & sicca augebitur. Præterea si sit hæc febris habitualis, frigidis alimentis indigemus. Præterea vigilie adsunt, siccitas autē est causa immediata vigiliarum, quæ si caliditati iungatur, non vigilias, sed priuationē somni inducit, quod est symptoma sequens maiorem ægritudinem. Est ergo decoctum omnino aduersum febre, & superfluis vigilijs. Verum est, quòd si exhiberetur decoctum simplex, & non prouideretis decoqui ipsum in alia aqua, quàm nostra sit

communis, quæ recipit impressiones omnes, nec habet propriam temperaturam: ideo si sulphur ponatur in ipsa, fit calida & sicca: si ferrum, fit frigida & sicca: non rectè egisset. Sed quia prouisum est, ut decoctum ipsum fiat in aquis quæ agunt proprijs temperamentis, & habent rationem refrigerandi, secus est: refrigerant enim & humectant omnes, quia aquea pars illa est quæ distillatur, terrea residet, subtilis calida exhalat. Ideo optimè factum est accipiendo aquas alteratas. Igitur si ponatur in aqua endiuia, quæ refrigerat & humectat, optimum erit: se habet enim aqua ad enduiam, sicut se habet ad hordeum ptisana: hæc enim frigida & humida est, hordeum frigidum & siccum: ita etiam endiuia frigida est & sicca, aqua frigida & humida. Idem etiam facere potest aqua fumiterræ. Si igitur exhibeatur hoc decoctum coniunctis aquis loco syrupi, conueniens erit: imò poterit fieri frigidius ponendo parum ligni. Ideo talis syrupus conueniens erit, quia in ligno præter primas qualitates amaritudo abstergit & mundificat. Credo ergo quòd syrupus conueniens erit ad tollendum causam ægritudinis, scilicet infectionem illam. Et si fortasse videretur, quòd febris augeretur in eo casu, tutius esset intercipere decoctum, & alterare corpus. Quo ad symptomata, præcipuè ad vigilias, non desisterem, licet syrupum exhiberem, quin in singulis diebus mane & vesperi poneremus emulsionem papaueris in ferculis, & drachmæ duæ vel tres seminum acciperentur & contunderentur, & acciperetur lac, fieret enim impressio, & facerent id pluribus vicibus potius quàm accederent ad opiata semel, & somnum inducet. Et si dolor capitis perseveraret præter rubificationem, tale quid tentaremus, ut sanguisugas venis applicarem post aures, maximè post

post tot euacuationes factas : tum maximè, quia vidimus cum deriuatione aliqua cessare : ideo esset optimum tantisper dolorem sedari, quousq; tollamus veram causam. Præterea circa rationem victus, credo quòd optimè prouideremus, si decoctū non exhibebimus cum illa diætā tenui : si fierent lotiones crurium cum decocto camomillæ, anethi, & papaueris, quæ haberēt prouocare somnum & deriuare, esset optimum. Ista sunt, quæ mihi occurrunt dicenda. Etiam si fieret linimentum hepatis, quod refrigeraret ratione febris, admodū conueniret, & ipsa non ita inualesceret : & hoc esset optimum, & hac via ego procederem.

Consult. LXV. De morbo Gallico, doloribus in extremis partibus digitorum, ulceribus narium ac gutturis, ex destillatione acris, pro generoso Polono.



Enerosus Dominus ex inordinata viue di ratione, & in primis nimio & inordinato vsu Veneris ac cōpotationis, aliarumq; rerum sex non naturaliū abusu, perpeffus est morbū Gallicum, quo in hodiernū diem vsq; affligitur. Olim vnctus Mercurio incidit in seuiora accidētia: nam capitis dolore seuo cruciabatur, & inflāmatione fauciu & nariū, cum leui vnus naris confractio. Bibit autem lignū Indum, & postea liberatus quodammodo ab his affectionibus, statim in eadem accidentia incidit. Nunc est factus debilior ex doloribus assiduis, ac iam non amplius sustinet pati tot tantosque malos affectus ex Mercurij inunctione consecutos, proinde à nobis petit consilium. Nos itaque præscribemus illi curam, qua si diligenter vsus fuerit, dum ætas & vires

iuueniles integræ consentiunt, facillè pristinam sanitatē acquireret. Primò igiturumat lenitiuū ventris:

℞. Floris cassiæ

3 x.

Cum saccharo fiat bolus, quēumat hora ante prandium, præmisso clysteri cōmuni cum decocto betæ, maluæ, mercurialis, & modico salis cōmunis, addito etiam vitello oui recentis, & quod maximè necessarium est, additis vncijs tribus mellis rosati colati. Secundò digestiuum sit tale:

℞. Syrupi de fumo terræ

De succo buglossæ

ana 3 j.

Aquarum fumiterræ

Buglossæ

ana 3 ij.

Misce pro vno, & sic pro alijs. Et melius est si loco aquarum destillatarum accipiat decoctum earum cum liquiritia. Solutiuum deinde accipiat:

℞. Confectionis hamech

3 iiij.

Syrupi rosati solutiui

3 iiij.

Misce, & cum eodem decocto fiat potio, danda in aurora. Die sequentiumat zuccharum rosatum, eius autem accipiat vncias quatuor, &umat manè & serò vnciam primis duobus diebus per horam ante cibum. Deindeumat infra scriptos syropos per septem dies continuos: sed si vltra modum euacuarèt,umat alternis diebus.

℞. Myrobalanorum Indorum

Citrinorum

Chebulorum

Emblicorum

Belliricorum

ana 3 iiij.

Contundantur grosso modo, & fricentur manibus cum oleo amygdalarum dulcium. Postea infundantur per diem & noctē in lib. x. aquæ fumiterræ, & decoquantur ad consumptionē tertiæ partis. Deinde
adde

adde Corticum ellebori nigri 3 iiij.

Liquiritiæ

Polypodij ana 3 vj.

Seminum citri 3 s.

Et bulliant donec remaneant lib. v. Postea adde

Folliculorum senæ

Epithymi Cretensis ana 3 j s.

Et bulliant donec remaneant lib. iij. ac coletur, & ex-
primatur decoctum, atque seruetur.

Rx. Huius decocti 3 vj.

Syrupi ex infusione rosarum 3 j s.

Et detur manè alternis diebus. Exhibitis his syru-
pis requiescat per duos dies, sumendo zuccharum
rosatum, hora & quantitate vt dictum est. Laudo ta-
men post assumptionem cassiæ & primum syrupum,
statim missionem sanguinis ex vena hepatis media
dextri lateris ad vncias sex. Deinde ad purgantes po-
tiones supradictas deueniendum. His peractis, inci-
piat aquâ ligni bibere iuxta modum infra scriptum.
Primò accipiatur libra vna ligni Indi, ex trunco non
valde antiquo, sed viridi quantum haberi potest, de
robusto, grauique ligno, quod ex magna parte sit
nigrum, & de circumferentia parum album. Disse-
cetur in minutas partes, ac superinfundantur libræ
xiiij. aquæ de endiuia, & ponantur in olla noua sa-
tis capaci cum tegumento, ac infundantur per ho-
ras vigintiquatuor. Postea admoueantur igni, & bul-
liant tandiu, quousque ex quatuordecim libris re-
maneant octo circiter. Spuma autè diligenter aufe-
renda est, & ad partē seruanda. Postea fiat diligēs ex-
pressio, & coletur ac reseruetur decoctio illa in vase
vitreo optimè recto, ac diuidatur in octo syru-
pos, quorum vnum manè hora nonaumat, postea pran-
deat inter duodecimam & decimam tertiam. Deinde

hora vigesima hauriat alterū , ac cœnet postea inter vigesimamtertiam & vigesimamquartā. Sumpta hac decoctione ligni , si aliqua sudorum apparuerint signa, tegat̃ calidus in lecto, adiuuando sudorē. Si autem non adfuerit sudor, non prouocandus est, sed omnia permittantur naturæ. Sed quoniam illi syrupi suprā dicti ex decoctione ligni per octo duntaxat dies durabunt, oportebit antequām priores ebiberit, alios parare, vt infusio etiam fieri possit per 24. horas, ne detur dies vacuus potioni sumēdæ. Sumat autem per 40. dies hos syropos . Laudo quoque vt quinquagesimum diem attingat, ita tamē vt exactis 40. diebus , vnum tantūmumat mane syrupum per reliquos decem dies sequentes . In hoc autem tempore fugiat vêtos, & omnes alterationes animi. Corpus quidem poterit exerceri ad arbitriū suum, prout vires ei melius suppeditauerint . Ordo autem in sumendis his, & regimē eius tale erit: Primis decem diebus carnibus pullinis vescat̃ ad vncias duas pro vna vice: pane autem albo & optimo ad vncias tres. vino quidem vtatur albo, & temperatē, substantiæ tenuioris, claro, lucido, maturo, optimique saporis. Et hoc quidē sit illi in prandio & cœna. Ceruisiā etiam optimā loco vini poterit bibere. Transactis illis decem diebus, viuendi rationem permutabit, in hunc modū : A vino abstinebit, & à carnibus pullinis, sed suus cibus erit vnciæ quatuor aut tres panis albi, puri, optimē cocti & fermentati. Sumat etiam vuas passas nigras ad vncias duas: sint autem vuæ hæ dulcissimæ, & bene mundatæ . Et hic sit prandij & cœnæ modus pro alimento. Potus autem sit secundæ aquę decoctio eiusdem ligni in hūc modum facta : Sumat idem lignū quod in prima decoctione sumpsit, & in lib. x x. aquæ purissimæ putealis infundatur. Deinde

de coquatur vsque ad remanentiam quindecim librarum. Hac aqua vtatur in potu in prandio & cœna, quæ si defecerit, poterit renouari cum dimidia libra eiusdem ligni. Et hæc sit cibi ratio per 30. intermedios dies. Vltimi verò decem dies sint similes in victu & potu illis diebus decem primis. In toto autem tempore, quo de ligno bibit, intra quoslibet octo dies assumat drachmas x. floris cassiæ, vna hora ante prandium. Poterit autem eo die quo sumit cassiam, syrupum ex ligno intermittere. Cùm verò potum syruporum ex ligno præscripta ratione sumpserit, tunc per multos dies & menses, optima viuendi ratione vtatur. Vescatur carnibus iuuenum animalium, & optimis cibarijs, ouis recentibus, auiculis, pullis, piscibus faxatilibus, vino albo mediocri & boni saporis. Corpus autem valde exerceat. Ab alijs piscibus & carnib. falsis, anseribus, oleribus abstineat, sed à coitu maximè: omnes animi molestias fugiat. Si verò aliquam grauitatē sui corporis senserit, his pilulis vtatur ter in mense vna hora ante cœnam:

Rx. Aloës optimæ

Agarici electi

Rhabarbari optimi ana 3 ij.

Salis gemmæ gr. iij.

Spicæ 3 s.

Masticis 3 j.

Puluerizentur omnia per se, deinde cōmisceantur, postea aspergantur succo rosarum puro, & tandem permittantur exiccari, & postea cum melle rosato fiat magdaleon, siue massa, de qua suo tempore accipiat ʒ ij. & formentur pilulæ tres dandæ, vt suprâ. Spumam autem, quam superius dixi debere reseruari in eo toto tempore quo aquam bibit, admouebit locis, in quibus fiunt tumores & dolores. Vbi verò bi-

X

berit hoc decoctum ea lege quam descripsimus, neque interim à doloribus perfectè liberetur, perseuerabit in eadem victus ratione quā suprà scripsimus. Pilularum suprascriptarum ℞ ij. vel iij. ter vel quater etiam in mense sumet hora ante cœnam: & expectet opportunū tempus rursus sumendi decoctū ijs modis, vt suprà declaravi. Erit autem opportunitas talis, vt si biberit vere decoctum, alia opportunitas erit in medio autumnis: si in autumnis biberit, erit opportunitas expectanda ad finem veris. Et si hæc omnia diligenter peregerit, & prima & altera vice non successerit, non despondeat animum, vt plerique faciunt, sed constanter in ea re persistat, iuxta Hippocratis sententiam: Omnia secundum rationē facienti, si non successerit secundum rationē, non est transiendum ad alia. Persistat ergo in hac cura, neque voces impostorum audiat, qui vel suffumigijs vel linimentis primò sanitatem pollicentur, sed tandem in ultimam perniciem adducunt. Ad dolorem qui est quasi initium contractionis in extremis partibus digitorum manus, hoc infra scripto decocto sæpe lauet manus:

℞. Maioranæ

Pulegij

Calamenthi

Foliorum senæ

ana man. j.

Decoquantur in aqua simplici. Ad vlcera narium & gutturis facta ex defluxu salso & acuto:

℞. Tutia præparata

3 ij.

Olei rosati

Succi solatri

ana 3. ij.

Ponantur simul in mortario plumbeo, & ducantur donec habeant bonam consistentiam, postea cum modico ceræ liquefactæ fiat vnguentum molle, & reseruetur

uetur vsui. Ad eadem vlcera lauanda:

Rx. Aquæ plantaginis

Solatri

Endiuia

Syrupi rosati ex infusione ros.

ana $\frac{3}{8}$ vj.

Violati

$\frac{3}{8}$ j.

Misce.

Pro resolutione, & vlcere naris.

Rx. Bdellij

Ammoniacy

ana 3 iij.

Croci

3 j.

Betonica Saluia

Hyperici

ana man. ij.

Pinearum

Amygdalarũ dulciũ ana lib. s.

Contundantur omnia per se, deinde misceant, sed prius addatur aceti squillitici lib. j. s. Et omnia ponantur simul in olla noua vitreata, obturcturque ne transpiret. Deinde ponantur in fimo equino, & bene sepeliantur ad putrefaciendum per 40. dies: deinde ponantur in botia vitrea lutata luto sapientia, & destillentur secundum artem physici practici, & seruetur liquor ad vsu. Hec ergo omnia sua Dominationis interim diligenter exequetur, & de successu horum, nos vel ipsa literis monebit, vel saltem Valentinus Lublinus discipulus noster, cum rem hanc cognouerit, certiores reddet.

Consult. LXV. pro Illustrissimo atque Excellentissimo Domino, Domino Galeotto Pico, Mirandula Comite dignissimo.



Illustrissimæ Dominationis vestrae corpus neque in membris suis, neq; in omnibus ætatibus, eisdem affectibus, sed longè diuersis obnoxium fuit. Membrorum

quidē præsens status huiusmodi est, vt cū reliquæ actiones omnes integræ sint ac rectè valeant, in infirma tamē recti intestini parte ac exitu, multiplici (vt postea dicetur) morbo infestatur. In diuersis etiam ætatibus, alijs atque alijs affectibus fuit exagitatum, & ita fuit comparatum, vt facilē mutari atq; alterari posset. Cū igitur vestræ valetudinis nobis proposita sit cura, omnes illi affectus varij atque multiplices, quibus aut iam laborat, aut ne in posterū redeāt est verendum, distinguendi mihi necessariō videntur: id quod ex multis quibus antea Illustriss. V. D. vsa est consilijs, facilē intelligetur. Ab eo igitur qui nunc infestat morbo initium sumam, quem etiam ceteris omnibus, quibus iandiu est conflictata, leuiorem esse, ipsamet confitetur. Quoniam autem (vt dictum est antea) omnes actiones, vnica excepta, sunt integræ, illa in præsens omīssa, quomodo reliquæ in sua integritate conseruari debeant, explicabo. Recta verō earum valetudo minimē conseruari potest, nisi à lapsu membra præseruentur, quæ in hoc corpore inæqualiter admodum sunt temperata, & vt turbam aliquam faciant, ac sibi inuicem aduersentur, præparata. Vt autem in singulorū particulatim natura explicanda insistam, & cor & hepar insignem habere à natura caliditatē affirmo: id verō tum ex eorū actionibus, tum ex his quæ ab illis efficiuntur, satis apparet: ea autem quod aperta admodum sint, breuitatis causa nunc prætermitto. Hepati tamen alia quoque aduentitia qualitas est adiuncta: ea ex Gallico morbo originem duxit, & peculiarem quandam vim hepatis adiungit, qua humores ac sanguinem exurit, ac eos semper magis ac magis exassat. Ea autem vis non idem in omnibus efficere solet: siquidem in hepate natura prædito calidiore, multō est deterior, & magis

gis metuenda. Quare cum V. D. hepar huiusmodi sit, natura scilicet calidum, deinde lue etiam Gallica infectum, prauum & exustum sanguinem perpetuò generari est necesse: unde etiam fit, ut inde geniti spiritus, eius sanguinis naturam seruent, potissimū autem cum in corde gignantur, in quo calorem immoderatum esse iam diximus. Huius autem rei plurima sunt argumenta. Primum enim, spiritus esse calidiores ac feruere, indicio est frequens illa excandescencia & inflammatio: sine vlla occasione ab ephemera corripitur febre: capitis calefactio, & insignis sæpe rubedo, ut ipsa quoque alba oculi tunica rubore suffundatur: hæc enim omnia non aliā, quam spiritus calidiores ac igneos, causam habent. Hinc etiam fit ut hæc omnia citissimè dissoluantur: id quod omnibus qui à spiritu motu proficiscuntur affectibus, solet accidere. Sanguinem autem exustum ac feruidum generari, icteri, febres, & præteriti corporis squalores, satis manifestè declarant: ea enim omnia è calidioris ac feruidi sanguinis prauitate oriuntur. Qui verò singulis noctibus nunc etiam prodit sudor, cum multæ iam administratæ sint purgationes, & quæ refrigerandi vim habeant exhibita medicamenta, non aliunde fit, quam ex sanguine nutritioni inepto, quæ aliquanto quam antea robustior facta natura, attenuat, separat, & tamquam minus idoneū alimentū expellit: idque in nocte, cum ob natiui caloris ad interiores partes reditum, actiones suas perfectius absoluit. Et hæc quidē hactenus de his symptomatis, quæ hepatis & cordis intemperiem sequuntur. Accedit hisce etiam ventriculus, qui cum peculiari sibi natiuo calore destituatur, pituitæ generationi valde est accommodatus: quam certe non olim tantū copiosam genuit, sed nunc etiam, etsi in victus ratione summa adhibetur diligētia, gi-

gnit. Adest præterea capitis temperatura, quæ mea quidem sententia calida est & sicca: atque ideo non tantum nimiam aliorum membrorum caliditatem non temperat, sed calida atque exusta excrementa non pauca contrahit: cuius rei sinister oculus manifestum indicium præbet, qui & diminuta visione, & abscessibus in palpebris laborat, ac semper ferè est ophthalmicus. In hoc autem potius quam in sinistro, symptomata hæc conspiciuntur, quod ob acceptum olim vulnus debilius est factus. Cui igitur huius corporis integras actiones conseruare propositum fuerit, is (ut superius dictum est) immoderatas horum membrorum intemperies frangere, & ad mutuam quandam concordiam, ut melius inter se consentiant, reuocare debet. atque hæc propriè dicenda est præseruatio. Cum autem in hoc instituto quædam communia sint, quædam etiam particularia, à communibus exorsi, ad particularia deinceps accedemus. Aër nobis occurrit in primis, qui quam fieri potest temperatissimus est eligendus: neque enim nimium aut tenuis aut crassus, frigidus aut calidus, aut alicuius paludis exhalatione infectus esse debet: eadem etiam ratione nec à ventis agitaturnec à pluuia madidum esse oportet. Scio equidem Illustriss. D. V. institutum, & tum bellicas tum ciuiles actiones eiusmodi esse, ut summa qua opus est diligentia, obseruare hæc minimè possit: utilissimum tamen illi fuerit, ea sibi habere perspecta, quorum excessum declinare summopere debet. Cum igitur iam à me sit admonita, ad eius prudentiam pertinebit, opportunè ingruentia incommoda moderari, & cum corpus vniuersum, tum caput precipuè, idoneis tegumentis, pro imminente aeris intemperie, tueri ac munire. Quod verò de aère à me nunc dictum est, id rebus omnibus accommodari debet,

bet, quas cum maximè moderatas & corpori cōmodas esse oporteat, si non ad vnguem obseruari, quoad fieri potest tamē moderari debent. Proximè sunt ab aëre animi perturbationes, vt ira, molestæ cogitationes, & reliqua his similia : quæ certè Illust. V. D. summa animi prudentia frænare ac coërcere debet: siquando enim illorum intemperantiæ sese permittet, supraquàm credi potest corpus plurimùm immutabunt, atque ita sanè, vt affectibus plus æquo animum diuexatibus, alia auxilia vix quicquā sint profutura. Summo igitur studio, diligentia atque animi moderatione, sunt coërcendi. Sequitur vt de corporis exercitatione dicam: quæ certè si opportunè fiat admodum est necessària: cum tamen Illustriss. D. V. militarem vitam agat, & ob grauissima negotia cogatur varias regiones peragrarè, minuere potius ac moderari quàm augere illam debet. Huic enim corpori vehementer calido ac resolutioni parato, plus fortasse periculi ex nimia quàm ex pauca exercitatione est metuendum. Quemadmodum igitur perpetuum otium non probo, ita illi autor sum ne in exercendo modum excedat: potissimùm autem in loco aprico, in aëre calidiore, post prandium aut cibum qualemcunque: tum enim prodesse nihil, obesse autem plurimùm potest. Siquando igitur Illust. D. V. iter suscipere cogetur, suadeo vt manè ieiuno ventriculo totius diei iter perficiat: à prandio verò, aut nullum, aut breue, & non nisi longo post cibum interuallo, iter conficiat. Quòd si totam diem equitandum illi esset, manè prandeat parcè, aut potius parcissimè: verbi causa, oua duo, & exiguum panem in iure infusum edet, & semel tantùm bibet. Nec verò opus est me illam etiam admonere, eiusmodi equum esse debere, vt aptè incedat: sellam verò & optimam,

& sessione cōmodam: hoc enim ipsa non tantum ex nobili sua ac praeclara conditione, verumetiam necessitate magistra satis est edocta. Ad somnū verò quod attinet, septem minimum horarū spatium dormiendū puto, idq; in nocte. quod si nocturnus somnus aut interruptus, aut impeditus sit, vt de spatio iam dicto pars non mediocris detraheretur, suaderem vt in meridie tantundem dormiret: moderatum enim somnū in hoc corpore maximè probo. Quod si legitimum temporis spatium dormierit in nocte, longè consultius est vt interdiu penitus abstineat à somno. Singulis etiam diebus aluum mollem esse oportet: quod si spontè non deiciat, artis auxilio utendum erit. Vt enim corpus hoc cōmodè præserrari possit, naturalium excrementorum quotidiana expurgatio est necessaria. Si igitur huic muneri natura desit, cōmoda aliqua ratione erit adiuuāda: nec tamen clysterium vim adhibendam esse puto, grauiori enim necessitati illa est admouenda, scilicet cū leuiora ac tutiora auxilia nō profuerint. Vbi igitur aluum mollire erit necesse, manè ante cibū, aut etiam cum cibo in prandio, decē aut duodecim pruna siccata, plura aut pauciora, pro illorum magnitudinis ratione, sunt deuoranda: ea tamen in iure pulli cum saccharo molli, igne ita decocta esse oportet, vt melior iuris pars sit absumpta, pruna verò molliora sint facta, totumq; illud ad sapē cuiusdam consistentiam deductū: ac tum pruna cum suo illo iure comedet, id quod ad leniendam aluum, & efficax & familiare, omni etiam noxa carens auxilium est futurum. Idem etiam præstabunt passularum orientalium vnciæ duę, manè ante cibum singulis diebus sumptæ: illas autem nigerrimas, pinguisimas, dulcissimas, ac recentissimas esse oportet. Idem etiam pulli ius efficiet,

ciet, in quo malua, beta ac mercurialis sint decocta: & hoc quidem medicamento magis naturam refert, sed valde commodum est ac salutare, & à veteribus etiam summopere cōmendatum. Cū igitur huiusmodi aliquo auxilio opus erit, Illust. D. V. illud eliget quod magis probabit, aut quod felicius officiū faciet. De potu ac cibo ita statuo: in primis pro ventriculo eiusmodi vinum esse eligendū, quod vbi fuerit ingestum, miserum ventriculum sua aut aciditate, aut austeritate, aut acerbitate nō lancinet, violet aut discerpat: ne tamen hepar aut exurat, aut incendat, potens admodum esse minimè oportet. Vinum itaq; maturū, boni saporis, nec potens, nec imbecillum, sed mediocre eligetur. Colore autem sit aut album, aut rubrum, aut inter hos mediū, in primis verò tenuis substantiæ ac pellucidum. A musto penitus abstinebit, nec nisi vbi per quatuor saltem menses quieuerit, illud bibet. Cōmunem Dominorū ac Principum cōsuetudinem sibi maximè perniciosam existimabit, qui vinū aut glacie, aut alia ratione refrigeratū bibunt: pessimus enim hic Principū mos, luxus, deliciarum & nimio studio exquisitæ voluptatis pœnas dare illos cogit, dum & grauissimis morbis cōflictantur, & iustò citius, vitæ suæ curriculum absoluunt. Eorum tamen sors est miseranda: cū enim magna ac perpetua putredine in illis ventriculi laborent, ardore quodā à ciborum varietate ac multitudine genito exæstuent, & molesta anxietate ac siti vehemēti continuè anhelent, dum ea incommoda sedare atq; extinguere se posse existimant, quàm graui suo damno hallucinentur ignari, errorem errore cumulātes, illa augent, ac veluti flabello incendunt. Cum tamē D. V. Illust. in alijs rebus omnibus summa & prudentia & moderatione vtatur, & supra

communem ac vulgarem Principum rationem, præclari ac nobilissimi intellectus sui præstantia sese erigat atq; attollat, cōmuni etiā illo errore minimè implicatur. Ea igitur hæc esse verissima, ipso vsu intelliget: quæ etiā si exactè obseruabit, maxima sua animi voluptate, infelices alienorum errorū exitus spectabit. Eiusmodi itaq; quo ipsa vtetur, vinum esse oportet: quod etiam moderatè bibi, & tantum in mensa, debet. De cibis autem in primis generalis illa regula sanciat, in valetudine tuenda cibum seu obsoniū simplex atq; vnum esse oportere: ac, vt mea quidem fert sententia, deterius est vti ciborum laudabilium etiam ac salubrium varietate, quàm vnico, vt cunq; etiam sit prauus. Hoc autem verissimum esse, multorum populorū vsus docet, qui cū solis piscibus, crudis quidem illis & in sole exiccatis, aut alijs huiusmodi cibis vescantur, quoniam alia cibaria non attingunt, sed in eorum tantum vsu perseverant (si fides historijs est adhibenda) integra valetudine, & virium robore, duo aut tria secula perfruuntur. Eius rei præter ipsius vsus testimoniū, multæ etiam sunt efficaces ac demōstrationis vim habentes rationes, quas nunc, quoniā huiusmodi res tractare mei non est propositi, libens omitto: qua enim viuendi ratione Illust. V. D. vti debeat, explicare meum tantum nunc est institutū. Vnico igitur ac simplici obsonio sit cōtenta: quod tamen si boni etiā succi, & salubris ac laudabilis fuerit alimenti, probabitur à me longè etiam magis. Illud autem repetendū duco: si hoc in genere peccandū sit, in vnico cibi genere, etiam prauo, minus delinqui, quàm in multiplici ciborum etiam salubriū varietate. Alimētorū porrò catalogus res est adeò iam vulgaris, vt cōmunem admodū cantilenam canere me iam pudeat. Ne tamen vlla in me
diligen-

diligentia desideret, ea omnia quæ nunc à me describent, vestræ valetudini multas ob causas plurimum aduersari dico. Aromata, carnes salitæ, carnes anti-que, vt bouis & castrati, auium palustriū, vt anserum & anatum carnes, pisces præcipuè palustres, tam recentes quàm saliti: lacticia omnia, potissimū verò caseus: pastilia omnia, & pulmenta quæ pasta inuoluuntur, vt placentæ, ac huiusmodi reliqua, legumina, acria omnia, vt allia, cæpe, ascalonia, porri, acetū, & ex crudis oleribus acetaria, fructus etiam si liberius ingeratur, sunt perniciosi. Quoniā autem Illust. V. D. sæpe in Gallia peregrinatur, vbi (aiunt) sua vt plurimum in sartagine obsonia torrere solent ac frigere, & suilla tergora seu larida, soli Galli plura comedunt, quàm quatuor aliæ simul nationes, ideo ea mihi est admonenda, vt ab huiusmodi rebus abste- neat, & pro viribus ab ea viuendi ratione abhorreat. Suis igitur coquis mandabit vt propriā mēsam, sine huiusmodi apparatu instruant: ille enim oblinendæ potius gulæ ac voluptati, quàm valetudini tuendæ est accōmodatus. Illust. profectò D. V. perspectissimum illud esse debet, res nullas sibi inuicē magis aduersari, quàm egregiū coquū, & præstātissimū Medicum: illorū enim cōtraria penitus sunt instituta: hic enim prodesse, ille autem vult oblectare: huic finis propositus est sanitas, illi verò adulatio ac impostura. Non igitur simplici tantū vnusq; tantū substātiæ, verūm simplici etiā ratione præparato cibo vtetur: & optimā potius valetudinē, quàm quæ ex cibo capit voluptatē, scopū sibi cōstituet. Vt autē partiū quas cōtrario tēperamēto præditas esse superius dixi, particula ris à nobis ratio habeat, pro vētriculi valetudine cōseruāda, Illust. V. D. hortor vt inter vnā atq; alteram mēsam, nouē minimum horarū spatium ponat: nisi

eiufmodi fortè imbecillitas contingat, quæ totum
vnius diei cibum in tres partes diuidere cogat: in
quotidiana tamen ratione, inter prandiũ & cœnam
dictum iam interuallum probo, ne posterior cibus,
priori nondum plenè concocto, fed crudiore etiam-
num exiftēte, ingeratur: quo profectò valetudini ni-
hil potest eſſe magis pernicioſum. A cœna etiã non
niſi poſt duas horas ſomnus eſt admittendus: ac tum
aut ſtando, aut domi leuiter deambulando, cum ſuis
familiaribus de iucundis rebus ac ſibi gratis collo-
quetur. Aleam autem, aut in aliqua alia re difficili,
grauiore animi intentionem, minimè tum probo.
Hac ſeruata ratione, ſine vlla moleſtia nox tranſige-
tur: ſomnus erit tranquilluſ, neq; pituita repleti ca-
put aut ventriculuſ cōtinget. Pro hepatis verò ac
renũ conſeruatiōe, conſulo ne in prima ſtatim men-
ſa, vt multi ſolent, bibat: ſed pro viribus, ad mediã
ſaltem menſam primuſ hauſtuſ differatur. Hoc au-
tem vt faciliuſ impetrari, & hepatis etiam ac ſangu-
niſ feruor tēperari poſſit, ante alioſ cibos iuriſ pul-
li cum ſaccharo idoneam meſuram ſemper bibe-
dam eſſe ſuaderem, id quod ad molliendã etiam al-
uum plurimuſ conferret. Dicta hac victuſ ratione
& membra hæc temperari, & ad mutuã concordiam
ita reuocari poſſe exiſtimo, vt eorum munere recta
valetudo conſeruari poſſit, id quod noſtrum à prin-
cipio propoſituſ fuit. Cæterũ quoniam præter
affectuſ iam dictoſ particulariſ quidã nō leuiſ mor-
buſ adeſt, qui annos quatuor perpetuoſ infeſtat, in
muſculo ſcilicet ſphinctere vlcera quædam & rhaga-
deſ, cuiſ igitur præcipua etiam ratio haberi debet.
Cũ autẽ eo in loco antea fuerit abſceſſuſ, ex eo vl-
cera prodiiſſe ſatiſ eſt maniſeſtuſ. In eo quoq; ab-
ſceſſu exuſtam ac bilioſam materiã latuiſſe, admo-
dum

dum est verisimile, id quod ex dicta superius sanguinis prauitate, & ex gallicæ luis contagio coniectare in primis licet: deinde etiam ex morbi diuturnitate, ex corrosione, ex curationis difficultate, ex crassa, obscura, atq; exusta, quæ ex vlceribus nunc fluit materia, & ex sanguine & fæculento & nigriore, apparet. Alioqui melancholicis atq; exustis humoribus recipiendis paratissimum esse locum illum, hæmorrhoides illi peculiare locupletissimū testimonium præbent. Audaçter itaq; mihi videor posse pronūciare, tam præteritū illum abscessum, quā secuta deinde vlcera, ex melancholico atq; exusto sanguine ortum habuisse: illum autem eò natura ideo transmittit, quòd tum ob naturalem sibi constitutionē, tum propter sitū, & perpetuā illam quæ in egerendis fæcibus sit cōpressionis vim, ad huiusmodi humorem excipiendū locus ille videtur aptissimus. Quoniam igitur, si loci naturā consideremus, hæc vlcera sunt profundiora, cacoëthe etiā & exedentia & valde sordida, ac præterea veluti cloacæ aut sentinæ deteriores sanguinis partē recipiūt, horum omniū exactissima habenda est ratio, in primisq; ea quæstio, cōsultū ne sit atq; expediat ea curare, an verò nō, à nobis est discutienda: quæ profectò, mea sentētia, haud facile dissolui potest. Neq; enim tantū videtur turpe, sed inutile etiam atq; incōmodū, perpetua eius morbi molestia detineri: & cū humor malignus sit, & exacto sensu præditus locus, & qui facile afficiatur, deterioris etiā morbi metu perpetuo torqueri. Ex aduerso tamen eorum curatio suspecta nobis esse debet: cū enim praua omnia excremēta diu iam natura per eum locū perpurgare cōsueuerit, fieri facile posset, vt curatis vlceribus, humores intra corpus retinerent, qui postea in nobiliorē aliquem locum de-

lari, deteriores illic affectus crearent, quemadmodū frequenter contingere videmus. Hæc igitur mea est sentētia, hæc vlcera diligēter esse tractanda, & cū eorum sint tria, duo esse penitus curanda, ac solidanda, tertiū verò apertū est relinquendum, quod sanē si in fistulam degeneraret, nostris fortē rationib. minimē incōmodum putarem. Hoc verò & rationi & Hippocratis sententiæ valde consentaneū videtur, qui in hæmorrhoidū curatione, vbi quis, eius consiliū secutus, claudere illas velit, vnam semper apertam relinquendā esse dixit: eundem proculdubio diuinus ille vir scopum sibi proponens, in quem nunc etiā nos intraemur, scilicet ne ob plures hæmorrhoidas locus ille violaretur, aut ob nimia sanguinis copiam corpus labefactaretur. Atq; ideo omnes ocellas noluit, vt aliquis naturę exitus patēret, per quē solitas iam expurgationes moliretur. Quod itaq; de hæmorrhoidib. Hippocrates dixit, id nos nunc de illis vlceribus pronunciamus. In ipsorū igitur curatione, iactis iam fundamentis innitentes, dicimus locum illum continuē & mundificandum & exiccandum esse, idq; minimē mordacibus, sed clemētibus ac lenibus medicamētis. In ablutionibus certē administrandis nulla alia re vterer, quàm hordei, fursuris, fabę minimē decorticatę, parietarię, anagallidis decocto: hæc enim omnia, & alia his similia, & mundificare, & sordes abstergere, sine vlla mordacitate aut calefactione possunt. Quod si aut dolor, aut non admodum rubicundus, aut inflammationi similis tumor eo in loco appareret, chamęmelum, maluam, althæam, melilotum, ac his similia adderem. Vbi verò inflammatio aut purpureus rubor illic conspiceretur, quemadmodū ego aliquando vidi, tum nil aliud quàm solatri succū cum oleo rosaceo completo mixtum,

xtum, & mortario ac pistillo plumbeo in linimenti
formā redactū, admouendū existimarem. At verò si
fortefortuna horū vlcerū curatio tā felix esset vt ad
cicatricē etiā peruenirēt, & eo in loco nulla amplius
esset affectio præter naturā, in crurib. loco infra ge-
nu cómodo, duo vlcera omnino excitanda esse sua-
derē, vt qui per curata iam vlcera fluere humor sole-
bat, nouū, minus molestū, tutiorē & cómodiorem e-
tiam exitū sibi patefactū inueniret. Hoc itaq; nulla
ratione aut negligi aut prætermitti vellē, ne grauio-
ri aliquo symptomate Vestra aliquādo D. cū illud
minimē suspicaret, corripī se animaduertat. Et hæc
hactenus de illis affectib. à quib. D. V. nunc affligit, à
nobis sint dicta. Quòd si maiorē etiam diligentia &
efficaciore præseruationē cupit, aduersusq; omnia
quæ euenire possūt incōmoda tueri se magis velit,
cōsulo vt bis in anno, vere scilicet atq; autūno, suo
quodā instituto, vniuersi corporis expurgationē mo-
liatur. Et vere quidē huiusmodi purgandi ratio com-
moda videretur. *Rx. Mannæ electæ ʒ ij.*

Cum iure pulli fiat potus: sumat tribus horis ante
prandium. Deinde

Rx. Syrupi acetosi simp. multæ acetositatis

De betonica ana ʒ j.

Aquæ cichoreæ destillatę sine plumbo ʒ iiij.

Misce pro vno syrupo, & sic pro alijs septē. Deinde

Rx. Rhabarbari electi ʒ ij.

Spicæ gr. x.

Incidentur & aspergantur vino aromatico, deinde
infundantur in aqua lactis per horas x. postea facta
diligenter expressione & colatura,

Rx. Confectionis hamech ʒ ij.

Mannæ electæ ʒ j.

Misce, & fiat potio, dáda in aurora cū custodia. Atq;

hæc est quæ in vere cõuenit purgatio. Quo etiã tempore si sanguis copiosus esse videret, id quod facile futurum credo, sanguinis missionẽ ex basilica dextri lateris, post duos syruos, summopere probarẽ. Sanguinis autem mittendi pondus sit vnciæ vii r. circiter. In autũno, in medio scilicet Septembri, aut initio Octobris, hæc purgandi ratio instituetur:

℞. Floris calsiæ 3 xij.

Cinnamomi 3 ij.

Misce, & fiat bolus cum saccharo, dandus hora vna ante prandium. Deinde

℞. Syrupi de cichorea Nicoli sine Rhab.

De fumoterræ simplicis ana 3 j.

Aquæ boraginis destillatę sine plumbo 3 iiij.

Misce pro vno & sic pro alijs, vsque ad septimum.

Deinde

℞. Rhabarbari electi 3 j.

Spicæ gr. v.

Incidantur, & infundantur in aqua lactis per horas decem. Deinde facta diligenti expressione, colaturæ adde:

℞. Syrupi rosati solutiui 3 iiij.

Electuarij rosati Mesuæ 3 ij.

Misce, & fiat portio, danda in aurora cum custodia.

Hiscæ pharmacis in dictis anni partibus corpus expurgabitur: neq; vnquam hoc & sacchari rosacei vsus intermittetur. Illud autem potissimum V. Illust.

D. suadeo & consulo, vt in nulla vnquam anni parte saccharum rosaceum omitat: cõmoda verò illud accipiendi hora erit ante cibum. Medio autem inter vnã atq; alteram purgationem tempore, vt certior adhuc sit præseruatio, si fortè grauiorem se factam aut nimis incaluisse se sentiat, consulo vt x. aut xii. drachmas floris calsiæ in bolo, aut 3 j. rhabarbari

bari cum saccharo rosaceo, aut in iure pulli mannæ electæ vncias duas accipiat, ex his enim illud eliget quod magis arridebit, & natura commodius ac facilius feret. Quod si optio mihi daretur, & natura etiam facilè ferret, reliquis omnibus cassiam, ut quæ omnes humores euacuat, sanguinem puriorem reddit, & vniuersum corpus integrum efficit, præferendam existimarem. Quoniam autem fieri potest ut Gallica lues, ob aliquod erratū, suæ infectionis germen aliquod edat: nam progressu temporis fieri vix potest quin reuertatur, potissimū autem cum quis grauibus negotijs implicatur, per varias regiones peregrinatur, & frequens etiā est in itineribus: propterea danda opera est, ut si quod huiusmodi symptoma exoriat, opportuna illi auxilia adhibeantur: eo enim magis hoc à nobis est metuendum, quo ego certius statuo Gallicam hanc luem ex eo corpore in quo semel egit radices, penitus tolli non posse: quanquam ita mitigari atq; extinguī posse non nego, ut per longum temporis interuallū, nullam molestiam faceſſat. Si quando igitur eiusmodi lues infestaret, ad vnicum illud ac salutare auxilium, summa Dei beneuolentia ad eius morbi curationem hominibus concessum, confugiendum esse suaderem. Illud autem ligni Guaiaci est decoctum. Quod sanè quoniam non vna ratione parari video (alij enim solum decoquunt lignum, alij corticem etiam addunt: aliqui etiam ex vinō, & eo nunc potentiore, nunc autem mediocri parant: multi quoque diuersa alia simplicia medicamenta, ipso ferè auditu nonnunquam horribilia adiungunt) ego qua ratione in eo parando uti sim solitus, & quam non minus tutam quàm vtilem longo vsu sum expertus, cum ex methodo atque artis ipsius principijs illam didicissem,

Y

inferius describam. Illud autem ijs qui cum fructu Guaiaci decoctum sunt bibituri, necessarium in primis præceptum puto, scilicet vt exactissimè sint purgati, & diligenter etiam illis missus sit sanguis. Ipse enim vsus satis docet, eos omnes qui non absolutissimè antea fuerunt purgati, non magnam usque adeo ex eo potu utilitatem adipisci, vtcunque etiam omni adhibita diligentia, & optima victus ratione seruata, decoctum illud bibant. Ego itaque totam purgandi rationem, quam antequàm ad decocti exhibitionem accedam, administrare sum solitus, initio describam: deinde, qui modus & ratio temporis sit seruanda, tam dilucidè tradam, vt quisquis meum hoc præscriptum sit secutus, illam curationem nullo errore instituere possit. Huiusmodi igitur est purgandi ratio:

R̄. Mannæ electæ ʒ ij. s.

Dissoluatur in iure pulli, & per horā vnā ante prandium propinetur. Deinde

R̄. Oxymellis simpl.

Syrupi de cichorea Nicoli ana ʒ j.

Aquæ betonice ʒ iiij.

Misce pro vno, & sic pro alijs septem.

Post vnum atque alterum syrupum, mos mihi ferè perpetuus est in alijs, vt vncias octo aut decem sanguinis mittam. Eum mihi morem esse in alijs dixi: nam si fortè Illust. D. V. paulò antè missus esset sanguis, quid sibi sit faciendum intelligat. Post syru-
pos, inferius descriptum purgatorium medicamentum est assumendum.

R̄. Syrupi rosati solutiui ʒ iiij.

Confectionis hamech ʒ iiij.

Misce, & cum aqua betonice fiat potus. Detur in aurora cum custodia.

Post

Post purgationem, per duos dies sacchari rosacei vncia media, bis in die, per horam ante cibum fumitur, & inferius describendi syrupi interim præparantur.

℞. Myrobalanorum citrinorum

Chebulorum

Indorum

Emblicorum

Belliricorum ana ℥. s.

Contundantur crasso modo, & fricentur manibus cum oleo amygdalarum dulcium, deinde infundantur in aqua fumiterræ & endiuix lib. viij. per horas xxiij. & hæ aquæ destillantur in alembico vitreo, in balneo Mariæ: & destillatio per plumbū aut per aliud metallicum, omnino euitetur. Deinde

℞. Epithymi

Thymi

Polypodij

Foliorum fenæ

Liquiritiæ rasæ ana 3 vj.

Seminum citri 3 ij.

Corticum radicum ellebori nigri 3 iij.

Decoquantur omnia simul lento igne, ad dimidium. Deinde facta diligenter expressione & colatura, decoctū cum oui albumine purificetur, & sacchari additione dulcescat, & seruet pro sex syrupis, qui modo infra descripto exhiberi debent.

℞. Syrupi de corticibus citri ℥. ij.

Decocti suprascripti ℥. vj.

Propinetur manè calidum. Eiusmodi ferè est plurimis conueniens dicti syrupi pondus: in nonnullis tamen maior est ea dosis quàm expediat: nec eius decocti plures quàm quatuor vnciæ, alternisq; tantum diebus, nōnunquam etiā tertio quoq; die, sunt

exhibendæ. A V. igitur Dominatione summa cautio est adhibenda, nec nisi quantum commodè ferre, & à quo moderatè etiam euacuari possit, est assumendum. Sex tamen omnino syrupi, antequàm ad Guaiaci decoctum accedatur, sunt bibendi: omni enim periculo vacant: moderatè euacuant, & sine custodia sumuntur: multi etiam ad consueta se conferunt munia, & negotiant. Post dictos iam syropos, Guaiaci decoctum, modo inferius describendo, est bibendum. \mathcal{R} . Ligni Guaiaci optimi, ex trunco crassiore, nigro & graui, lib. j. Lima redigat in puluerem, & infundatur in lib. xiiij. aquæ destillatæ iam dictæ per horas x x i i i i. in testa ampla, munda, & probè cooperta: postea decoque donec dimidium absumatur, atque interim quæ supernatat spumam detrahe: deinde colo transfundatur, ac leuiter exprimatur, & in vitreo vase diligenter obtecto seruetur. Hoc verò totum in octo syropos est partiendū, qui in quatuor diebus bibantur, singulis diebus duo, mane scilicet ac vesperi: ea tamen adhibita cautione, vt syrupus nunquam, nisi horas minimū octo post præcedentem, tres autem ante subsequenter cibum bibatur. Atque hæc optima est tempus diuidendi ratio. Absumptis autem hisce syrupis superius dicta ratione, alij parari debent, eaq; diligentia adhiberi, vt antequàm priores absumentur, alij ita præparentur, vt in eo decocto bibendo nulla fiat interpolatio, sed continuè, omni alio potu neglecto, illud tantum bibatur. Hæc verò ratio per dies saltem quadraginta est obseruanda. Mensa autem eiusmodi esse debet, qualis à me nunc describetur. In primis decem diebus, tam in prandio quàm in cœna, panis vnciæ tres plus minus, & gallinacei pulli iuuenis, mediet inter perdicem & coturnicem magnitudinis, dimidium,

midium, sumetur. Potus erit vinum maximè imbecillum, aut probe dilutū. album magis probo quàm rubrum: nigrū autem aut crassū minimè esse oportet: vnusq; vni mensæ cyathus erit satis. Præteritis hisce decem diebus, per x x. dies subsequentes, vinum & caro sunt prætermittenda: cibus erit panis suprà descriptus, & vnciæ duæ passularum, quæ optimæ sint, dulces, & per lotionem probè mundatæ. Potus erit eiusdem Guaiaci decoctum, ex quo syrupi sunt præparati: illud enim in optimæ aquæ communis lib. x x. donec quarta pars absumatur, iterum est decoquendū, ac tum per colum diligenter est transfundendum, valideq; etiam exprimendum. Hic erit in mensa potus: cui si sacchari paululum addendum videbitur, non repugno. Post hosce viginti dies, priorem illam viuendi rationem denuò instituet, ac per decem reliquos dies vinum ac pullum adhibebit, atq; ita totum illud curriculum absoluet. Illud tamen interim etiam est obseruandū, vt singulis decem diebus, tribus ante prandium horis, mannam hoc modo paratam sumat:

R. Mannæ electæ

℥ ij. s.

Dissoluatur in iure pulli. Illud autem in primis est necessarium, vt post Guaiaci decoctum, saltem per sex menses, V. D. Illust. optimis alimentis ac vino maximè imbecillo vtatur, probeque etiam seipsam exerceat, si modò eius potionis commoda, ac legitimum fructum consequi cupit. At verò cum V. D. Illustrissimæ, ob Gallicæ luis infectionem, duo symptomata & visu indecora, & politicæ viuendi rationi valde incommoda soleant accidere, ideo si quando alterutrius indicia apparerēt, illis occurrendum, ac præuertendum esse existimarem. Porro symptomata sunt maculæ, & in vniuerso corpore pustulæ

quædam erumpêtes, ac pilorum interitus. Posterius longo vſu probatiſſimis mihi auxilijs tolletur, quorum hoc eſt primum:

℞. Myrrhæ electæ

Aloës

Laudani

ana ʒ ij.

Foliorum & baccarum myrti

Capillorum Veneris

Florum alchannæ ſeu liguſtri ana man. ij.

Contundant̃ omnia per ſe, deinde miſceant̃, poſtea

℞. Olei amygdalarum amararum

Sefamini

De alchanna

ana ʒ vj.

Miſceantur omnia ſimul, & permittantur fermentari in vaſe fictili ſtricti oriſicij, optimè lutato cum luto ſapientiæ, vel ſub ſole ſeruentiſſimo, vel ſub ſimo per dies quindecim: poſtea deſtilletur hoc totum ab optimo deſtillatore, & ſeparetur aqua ab oleo, & ſeorſum vtrunque ſeruetur: erit enim vtrunque ad vſum vtiliſſimum, illinendo loca quæ indigent inſtauratione pilorum. Aliud:

℞. Lacertorum viridium

num. v.

Apum

ʒ vj.

Propoleos, vel ceræ virginis

ʒ iiij.

Capillorum Veneris

Myrtillorum

ana m. ij.

Abrotoni ſylueſtris

ʒ viij.

Exiccantur animalia in vaſe fictili in furno, deinde puluerizentur, poſtea contundenda contundantur, & liquefacienda liqueſiant. Deinde

℞. Adipis vrfi

lib. j.

Pone omnia ſimul, & fermententur in vaſe vitreo bene obturato, vel in ſimo vel in ſole ſeruētiſſimo per dies tredecim, deinde deſtillêtur, & ſeparetur aqua ab oleo,

ab oleo, sicut dictum est, & seruetur ad vsum. Aliud:

℞. Croci 3 ij.
 Aloës
 Myrrhæ ana 3 iij.
 Laudani 3 iiij.
 Olei amygdalarum amararum
 Adipis vrsi ana 3 vj.
 Capiti muscarum puluerizatorum 3 j.

Misceantur omnia simul, fermententur & destillentur vt suprâ. Singula iam commemorata auxilia, instaurandis pilis valde sunt opportuna, eosq; & solidiores & venusto colore præditos reddunt. Alia quidem plura ad eandem rem sunt auxilia: at ego ea quæ ex Gallica lue tantùm deciduis pilis accommodata sunt, delegi. Quòd si quis & simplicium medicamentorum quibus ea constant facultates diligenter consideret, & cur in Gallico morbo decidant atque intereant pili, perspectas habeat causas, vera esse quæ superius dixi facilè intelliget. Quod verò ad alterum illud symptoma, maculas scilicet cutisq; asperitates attinet, stillatitias aliquot aquas valde egregias, & illis tollendis opportunas, adscribam. Hæc autem quæ nunc à me describetur, omnium est efficacissima.

℞. Ellebori albi

Nigri ana man. ij.
 Lapathij maioris viridis lib. ij. (3 iij.
 Cucumerum syluestriũ, quos asininos vocant,
 Carnis melonũ recētiũ cū suis feminib. lib. iij.
 Carnis & fucci limonum lib. iiij.

Misce omnia simul, & per tres dies permittantur fermentari: postea destillētur per alembicũ vitreum, & aqua seruetur, est enim ad quaslibet maculas cutis, & asperitates tollendas efficacissima. Aliud mitius:

℞. Lupinorum recentium non ablutorum lib. j.
 Radicum liliorum alborum ℥. vj.
 Amygdalarum amararum lib. ij.
 Succu parietariæ lib. iij.


Ponantur omnia simul, & nō permittantur putrefieri, sed statim destillentur, & seruetur aqua & oleum.

Aliud:

℞. Salis nitri ℥. iij.
 Olei amygdalarum amararum lib. ij.
 Scillæ lib. s.
 Carnis limonum lib. j.

Misce, & extrahatur oleum, ad hunc vsum efficacissimum: absterget enim egregiè, & mundificabit cutim, vbi etiam fuerit principium lepræ.

Consult. LXVII. De tumore splenis post diuturnam febrem, pro Reuerendo Boschetto Mediolanensi.



Reuerendus Dominus Ludouicus Boschettus, post longā febrem passus est & patitur tumore durū in splene multæ duritiei & magnitudinis. Pro cuius curatione, si ex toto fieri poterit, ordinandū est in primis regimen in cibo & potu, subinde deueniendum est ad medicinalia. Quantum ad cibos attinet, euitandi sunt omnes humores crassos generantes, necnon & humores melancholicos facientes, qui habebuntur in consilio de melancholia postea, & in alijs omnibus ferè. Elixæ plus conueniunt, quàm assatæ: non tamen ex toto prohibetur vsus assatæ carnis, præsertim paruarū auium. Pisces sint maritimi, vel de flumine currenti petroso, squamosi. Oua recentiora, ac tremula. Ex oleribus cōceduntur beta, borago, spinachia, lupuli, asparagi, artichiochi, endiuia, cichorea, & lactuca tēpore calido.

Cappares

Cappares cum aceto & oleo conditi, & aliquantulum cocti, conueniunt ante alios cibos: similiter sardellæ vel anguillæ salitæ cum aceto & oleo conditæ ante alios cibos conceduntur: oliuæ etiam mediocriter salitæ interdum conceduntur. Aromatum, item porri, allij vsus, & cæparum, prohibetur, æstate maxime, hyeme verò non nisi paucus conceditur. Aceto & acetosis uti licet. Fercula sint ex rebus suprâ concessis: brodium vel ciceris, vel caulium, vel raparû. Ex fructibus cōceduntur vna & ficus bene maturæ, tam virides quàm siccæ, pistacia, amygdalæ: tempore autem calido interdum concedo passulas, pruna bene matura, ac melopepones. In potu vitet aqua: vinum autem sit antiquû, album, quod modicè flauum dicunt vel mediij coloris, mediocris potentia, subtile, boni odoris & saporis, non dulce, velut nouum, crassum, & turbidum, nigrû. Euitanda sunt ciborum & potus repletio, & varietas: saccharo & melle cum alijs cibis rarò vtendum est. His obseruatis, ineunte vere extrahatur quinque vel sex vnciæ sanguinis ex basilica sinistri lateris, nisi fortè sanguis hæmorrhoidalis multum fluxerit. Subinde capiat infrascriptum syrupum, & medicinam:

℞. Radicum tamarisci

Scolopendriæ, quæ cetrach dicitur

Chamædryos ana man. ij.

Corticû radicum capparum ℥ ij.

Contundantur, & decoquantur in libris octo aquæ ad cōsumptionem medietatis, & huius decoctionis accipe libras quatuor: mellis, aceti, ana librâ vnam, & fiat oxymel.

℞. Suprascripti oxymellis ℥ j s.

Aquæ cetrach ℥ iij.

Misce, & fiat syrupus. Deficiente aqua cetrach ponatur

Y 5

tur aqua decoctionis tamarisci, in qua sæpe ferrum ignitum sit extinctum, & capiat singulo die vnū vsq; ad septimū. Deinde capiat medicinā infra scriptam:

℞. Polypodij

Folliculorum fenæ

Stœchados,

Passularum

Liquiritiæ

ana 3 s.

Myrobalanorum Indorum 3 iij.

Decoquantur in libris tribus aquæ lactis, donec remaneant vnciæ nouem: deinde addantur epithymi drachmæ sex, bulliāt vnica ebullitione, & facta colatura addantur floris cassiæ drachmæ sex, specierum hieræ simplicis scrupuli duo, & fiat potio, quam capiat summo mane, & tardet prandium horis sex. Facta purgatione, quæ reiteretur, si opus esse videbitur medico adstanti, sit frequens vsus electuarij infra scripti in quâtitate drachmæ manè, bibendo post vncias tres flauī vini, decoctionis tamarisci, cetrach, corticum radicum capparū, chamædryos, partibus æqualibus.

℞. Cetrach Chamædryos

Radicum tamarisci

Corticum radicū capparum ana 3 vj.

Ammoniaci

Rubæ tinctorum ana 3 iij.

Polij

Artemisię ana 3 iij.

Galbani

Seminum hyperici

Nigellæ

Amygdalarum amararum ana 3 ij.

Cardamomi fructus

Periclymeni ana 3 j s.

Am-

Ammoniacum dissoluatur cum aceto, & omnia excipiantur oxymelle scillitico, & fiat electuarium.

Applicanda spleni exterius sunt mollientia, subinde resoluentia, vel miscenda mollientia cum resoluentibus. Sit igitur frequēs vsus inunctionis lienis cum oleo infra scripto :

℞. Corticum radicum capparum

Foliorum tamarisci ana ℥ j.

Olei communis lib. ij.

Vini albi boni ℥ vj.

Decoquantur simul ad consumptionem vini. Item

℞. Ceræ

Olei antiqui

Ammoniaci ana ℥ vj.

Croci ℥ ij.

Aceti quantum sufficit ad dissoluendum ammoniacum, & fiat in forma ceroti. Item sit vsus frequēs vnguenti de arthanita parui, descriptionis Mesue, & loco applicetur vel succus cetrach, vel succus ebuli. Item accipe salis vsti quantum sufficit, dissoluatur in succo tamarisci, vel cetrach, vel in decoctione corticum radicum capparum, & cum vesica actuali caliditate sæpe lieni applicetur. Item

℞. Visci quercini

℥ vj.

Calcis viuæ

℥ s.

Corticū radicū capparum

℥ ij.

Picis liquidæ

℥ s.

Dissoluatur viscus ad ignē cum pice liquida, cætera puluerizata misceantur, & lieni applicentur. Item

℞. Ceræ

Terebinthinæ

Picis

ana ℥ iiij.

Auripigmenti

Calcis viuæ

Aluminis

Myrrhæ ana 3 iij.

Aceti quantum sufficit.

Auripigmentum, calx, alumen & myrrha cum aceto dissoluantur, & cum cæteris excipiantur in forma cerati, quod vltimò post reliqua applicetur. Item

℞. Cera

Picis Resinæ

Adipis tauri ana 3 iij.

Baccarum lauri 3 iij.

Salis vsti

Ammoniaci ana 3 j s.

Aceri quantum sufficit ad dissoluendum bac-
cas lauri puluerizatas, sal, & ammoniacum, & fiat ce-
ratum. Item

℞. Corticum radicum capparū ana 3 j.

Foliorum tamarisci

Cetrach

Chamædryos ana man. j.

Rubeæ tinctorum 3 j.

Cardamomi 3 s.

Rutæ siccæ man. j.

Piperis 3 iij.

Anisforum

Fœniculi ana 3 s.

Decoquantur omnia in aceto acerrimo pro fomen-
to faciendo cum spongia supra lienem, post vsum ta-
men mollientium. Item

℞. Bdellij

Sepi vitulini

Ammoniaci

Radicum ireos ana 3 ij.

Opoponacis

Galbani

Bac-

Baccarum lauri

Styracis

Thuris

ana ʒ j.

Piperis grana

num. clx.

Ceræ


Terebinthinæ

ana ʒ vj.

Vini quantum sufficit. Fiat ceratum.

Et quoniam pleraque cerata sunt fortia, ante purgationes quatuor primis vti poterit, post purgationes autem quibuslibet.

Consul. LXVIII. De intemperie frigida splenis, cum tumore insigni, cruditatibus uentriculi, & corporis atrophica ac decolorationibus, cum metu futuræ aquæ inter cutem, pro nobili Polono quadragenario.



Portet vt nobilis iste vir, si curari debet à longa & difficili ægritudine, quæ est præcipuè intēperies frigida splenis cum tumore satis insigni, ex qua postea multifariæ dispositiones præter naturam cōsequuntur, vt cruditates uentriculi, & in corpore, & in toto ambitu venarum, atrophix & decolorationes, ex quibus non immeritò timetur tandem aqua inter cutem: oportet inquam, si ab his sæuis dispositionibus liberari cupit, vt præcipuè habeat exquisitissimā victus rationem, quæ competat primario morbo, sine qua diutissimè & diligentissimè seruata, frustra medicorum implorabit auxilium. In primis igitur eligat aërem in quo habitet subtilem, minimè palustrē, minus frigidum quàm fieri possit. In quo aëre cauebit etiam ab omni excessu ventorum, vbi postea sereno cœlo & tranquillo se exercebit in venationibus, & eius-

eiufmodi motibus nobiles. Laudo huiufmodi exercitium, fi modò fuo tempore fiat, videlicet manè, vel paulò ante cœnâ. Euitet omnes animi moleftias, fed iram præfertim & mœftitiam. Manè furgat diluculo, feptem horis dormiat, caueat à meridiano fomno, effet enim illi admodum lethalis. Deambulet & exerceatur in cubiculo proprio, motibus, frictionibus, pectionibus, cantu, lectione alta, excernendo excrementa per fputum & tuffim, quæratq; reddere alui & vrinæ egeftiones. Vbi verò hæc omnia peregerit diligēter, mundasq; & odoratas veftes induerit, tunc ad exercitium fe cōferat extra domum, fi ferenitas cœli apparuerit: fin minus, intra domū fe fe contineat, ludendo pila, vel gladio, vel alio aliquo exercitio. Bis in die, nō amplius, comedat, idq; fatis parcè, vnoq; cibarij genere contentus fit, & illud fine aromatibus fit, fed cum modico croci & cinnamomi tantum. A vino etiā caueat craffo, dulci, nigro, & potenti: fed eligat tenue, album, clarum, pauciferum, quod etiam parcè bibat. vel fi affuetus fit ceruifiæ, illam bibat moderatè, bene tamen cōfectam: hic enim morbus maximè requirit temperantiam. Ergo cauebit à cōpotationibus. Inter prandiū & cœnam nihil nec comedat nec bibat. Cibaria fiat, carnes iuuenum pullorum, hædorum, vitulorū, auium campeftrium, vt funt perdices, phafiani, aues paruæ, oua forbilia. Nec vitupero in ferculis hordeum, far probè concoctum, fi parcè vtatur, præcipue verò addito croco. A reliquis ferculis abftineat. Pane vtatur madefacto in iure carniū cum petrofelino, & modico cinnamomo. A pifcibus omnino abftineat, & à cibarijs arte confectis, ficut à tortis, paftillis, & omnibus lacticinijs, à leguminibus, oleribus, à carnibus antiquis, & omnibus cibus craffis & feruilibus. Panem

nem azymum, vel malè coctum ne comedat, nec aliquod placentarum genus. Quantum ad medicinas, hoc primū obseruet, vt & vere & autumnō, quousque perseueret hæc mala dispositio, euacuetur modo infra scripto:

℞. Floris cassiæ ʒ. j.

Sumat hora ante prandium. Deinde

℞. Oxymellis simplicis
Syrupi de absinthio ana ʒ. j.

Decocti polypodij

Cetrach

Endiuia ʒ. iiij.

Misce pro vno, & sic pro alijs septem. Deinde

℞. Confectionis hamech ʒ. iiij.

Trochiscorū alhandal gr. x.

Misce, & cum zuccharo fiat bolus, sumendus in aurora cum custodia. Postea interquiescat per duos dies, & iterum accipiat zuccharum rosatum semper ante prandium & cœnā per duas horas. Deinde sumat istos syrupos:

℞. Myrobalanorum Indorum

Citrinorum

Emblicorum

Chebulatorum

Belliricorum ana ʒ. iiij.

Contundantur grosso modo, & fricentur manibus cum oleo amygdalarum dulcium. Postea infundantur per diem & noctem in lib. x. aquæ fumiterræ, postea decoquantur ad consumptionem tertiæ partis.

Postea adde Corticū radicū ellebori nigri ʒ. iiij.

Liquiritiæ

Polypodij ana ʒ. vj.

Seminum citri ʒ. s.

Bulliant donec remaneant libræ quinque. Postea

Adde folliculorum senæ

Epithymi Cretenſis ana ʒ j s.

Bulliant, donec remaneant libræ tres. Vltimò colen-
tur, & exprimantur, & ſeruetur decoctum. Poſtea

℞. Eiufdem decocti ʒ vj.

Syrupi de infuſione roſ. ʒ j s.

Miſce, & detur manè hora ſyrupi. Sumat autem per
ſex dies continuos: ſed ſi nimium euacuarent, ſumat
alternis diebus: deinde quieſcat, & vtatur victus ra-
tione præſcripta. Erit autem tempus veris & autūni,
in quo euacuabitur. Inter hæc verò tempora placet
vt familiares habeat pilulas, quibus vtet ter in men-
ſe hora ante cœnam.

℞. Succı cetrach

Chama dryos

Polypodij recentis ana ʒ j.

Exiccantur in vmbra ſecundum artem. Deinde

℞ Agarici electiſſimi

Rheubarbari electi

Aloës hepatici ana ʒ iij.

Gingiberis

Cinnamomi

Garyophyllorum ana ʒ j.

Salis gemmæ ʒ j.

Miſce, cū melle roſaceo fiat magdaleon, de quo fiāt
pilulæ pro ſingula drachma tres, ſumendæ vt ſuprà.

*Conſult. LXIX. De tenſione hypochondrij dextri
ex affectu frigido hepatis.*



Ut ſatisfaciam officio meo, quatuor pro-
ponā. Primum erit explicatio omnium
ſymptomatum, quibus affligitur Nobi-
liſſimus iſte vir. Secundò eſt quæren-
dum, quis ſit locus principaliter affectus patiens, vel
dans

dans occasionem symptomatibus: & simul ægritudi-
 nem quæremus, an vna vel plures sint. Tertiò viden-
 dum, qui mores, quod tempus, quis motus, qui ter-
 minus, & quæ causæ tam extrinsecæ, quàm intrinse-
 cæ. Hæc sunt à nobis dicenda. Circa symptomata, vt
 à notioribus incipiam, primùm quod occurrit, & ma-
 nifestè apparet, est tensio hypochondrij dextri circa
 costas mendosas in regione ventriculi cum dolore,
 vt vix percipiatur, cùm leuiter comprimitur: si verò
 fortius cōprimatur, manifestè percipitur. Secundū
 quod apparet, est tensio in toto ventre inferiori, ita
 quòd dextra ventriculi regio, intestinorumq; regio
 inferior tument præter naturam. Præterea conquē-
 ritur de dolore, qui incipit, vt ipse asserit, à spina, &
 extendit se vsque ad vtrunque renem, percipitq; in-
 tendi cùm mouetur, ascēdit scalas, & se exeret. Ha-
 bet præterea egestionem liquidas, & quod notandū
 est, quandoque veluti loturam carnis egerit. Vrinæ
 tenues & varias habet, aliquando fuluas, aliquando
 albescentes. Conqueritur aliquando, sed rarò, quòd
 nauseam patitur cum deiectione appetitus. Principa-
 lia verò symptomata sunt, tensio dextri hypochon-
 drii cum dolore dorsi, qui ad vtrunq; renem exten-
 ditur. Habet præterea in toto corpore non quidē a-
 trophiam, sed dispositionē ad cachexiam, quia non
 videtur mihi admodum emaciatus, habet tamen car-
 nem subtumidam. His ita existentibus symptomati-
 bus, oportet primò considerare locum affectū, an sit
 vnus vel plures: secundò, dolorem & tumorem hy-
 pochondrij dextri, quoniam ex eis causas omnium
 symptomatū inueniemus. Nulli dubiū est, quòd ibi
 est dolor & tumor: & ex quo est in dextra parte pro-
 pe costas mēdosas in regione ventriculi, nemini du-
 bium est ægritudinem facientē hæc duo symptoma-

Z

ta esse vel in hepate, vel in ventriculo, aut in musculis exterioribus. Sed quòd non sit in ventriculo, ex actionibus vètriculi apparet, quia actio læsa indicat affectionem: & quia non videmus actionem aliquam ventriculi læsam, non possumus dicere esse in ventriculo. Quo ad virtutem appetendi, licet non appetat vt solitus est appetere, comedit tamen: & licet eueniat vt videretur affectus còtentiue, quia rarò id accidit, ratione obiecti videtur còtingere, cùm multũ & copiosissimè bibat & comedat. Præterea non habet fluctuationẽ in ventriculo, quod est signum, iuxta Galeni sententiã in tertio de causis morborum, pathognomonicum, cùm virtus contentiua est affecta: quia cùm non continet ventriculus quantum & quomodo oportet, fluctuationes apparẽt. Ideo quãtum ad contentiuã, bene se habet. Quo etiam ad concoctionem, ex egestionibus non apparet læsio: & licet sint liquidiores, nõ valet propter hoc quòd non sint concoctæ, quia quo ad substantiam & colorem sunt concoctæ. Quare autem sint liquidiores, dicemus. Cùm igitur omnes operationes sunt sanæ, igitur videtur sanus ventriculus. non dico sanum, quin dicam esse diminutum, quia ventriculus patitur per consensum membri affecti propter propinquitatem, imò reliqua membra naturalia compatiunt. Si igitur nocumentũ est in ventriculo, illud est ratione còpassionis. Cùm igitur non sit in ventriculo ægritudo faciẽs illa symptomata, erit vel in musculis, vel in hepate. Sed nõ est in musculis, quia dolor est obtusus per compassionẽ, & vix percipitur, nisi fortiter còprimatur. Præterea reliqua signa etiam apparent, quæ indicant affectionem hepatis. Erit igitur in hepate, tum quia dolor & tumor sunt in regione hepatis, & vbi dolor est continuus, ibi est ægritudo. Cùm ergo in
dextra

dextra parte sit, & non sit nec in musculis exterioribus, nec in ventriculo, ergo in hepate est. Iste discursus mihi videtur rationabilis, & sic locus affectus inuentus est iudicio meo. Sed hic difficultas est, quæ sit ægritudo in loco isto. Dicam sententiã meam (saluo semper meliori iudicio) non quidem animo contradicendi, sed vt id quod sentio pro rei veritate in medium adducã. Mihi inquam videtur quòd ægritudo hæc, quæ in hepate est, nullo pacto sit calida, sed prorsus frigida: & dicam coniecturas, quæ me mouent, ne videar ad placitũ loqui. Primum est totius cutis decoloratio, quia color plumbeus videtur esse in toto, qui attestatur super dominium frigiditatis. Et maximũ quod vrget me, & persuasit vt id crederem, fuit, quia ipse dixit, quòd omnes in patria sua admirabantur, & percunctabãtur ab ipso, cur ita decoloratus esset. Cũ igitur indicet color priuationem sanguinis laudabilis, ad liuiditatem tendit. Sufficit ergo quòd plumbeus color super dominium frigiditatis attestatur, quia Galenus v. i. de tuẽda valet. dicit, colorem dominium humorum attestari, nisi ad profundum decumbant: rarò tamen (inquit ipse) ad profundum decumbunt. Sed præter illum colorem, est illa dispositio præcedens: quia seitis quòd proprium munus hepatis est sanguinem facere: quando temperatura ipsius excedit per caliditatem, assat sanguinem, & calidiorẽ facit, & corrumpit: cũ autem sanguis calidior multiplicatur in toto, & superassatur, nõ potest vniri nec assimilari, & tunc non cõtingit decoloratio, nec tumor, sed vlcera in toto vel in parte apparent, in quam præcipitatur humor. Ideo alia symptomata, & aliæ ægritudines sequuntur ad caliditatẽ intemperatã hepatis: hĩc autem est potius diminutio, & infelicitas sanguinis, propterea quòd

sanguis non concoquitur, & inde abundat sanguine crudo. Et ista videtur vna coniectura, vt credam frigidam ægritudinem esse in hepate. Sed aliæ sunt fortiores. Prima est, quia Galenus dicit in *viii. natæ τένες*, quòd vbi in hepate est mala temperatura frigida, virtus alteratrix afficitur, vt liquidæ appareât egestiones, similes quæ loturæ carnis: & hæc indicant ægritudinem frigidam. Sed vltra autoritatem Galeni, ratio hoc indicat & dictat, quia hepar non potest deducere chylū ad rectam formā sanguinis, ideo regurgitat ad intestina, & apparet lotura carnis. Quòd etiam ibi adsit frigiditas patet, quia non fit attractio chyli vt oportet, quia vbi est affectus calidus, non solum non deficit attractio, sed fortior fit. Nec debet dici, omnem dyscrasiam corrumpere actionē, & deficere: verum quidem est quòd corrumpit actionem naturalem, sed vbi fiat excessus per calidum, deficit ex superabundantia caloris coctio, & corrumpitur, nec fit actio: deficit autem, quia superasset, & superat. Ita vbi est caliditas in excessu, quanto maior caliditas erit, tanto maior fiet attractio, non quidem secundū naturam, sed præter naturā, quia plus attrahit, quàm oportet. Præterea dicit Galenus, si in hepate talis affectus fuerit, & diutius perseverauerit, fiet temperatura frigida. Si ergo in isto perseverasset affectus calidus per quatuor annos, deuenisset ad tabem: sed potius in cachexiā deuenit. Præterea si tangimus, non apparet quòd ibi sit insignis caliditas: ergo non potest esse affectus calidus in hepate, nec in extremis, imò obtusa est. Et ista sunt signa, quæ mihi satis persuadēt, intemperiem frigidam esse. Diceret aliquis, quid dicis de egestionibus illis liquidis, & de vrina fulua? Dico quòd causa potest esse tam intrinseca, quàm extrinseca. extrinseca quidem,

dem, assumptio vini potentissimi inflammantis hepar alioquin naturaliter calidum insigni inflammatione. Intrinseca verò potest esse, quia ibi adsunt obstructions, nec liber est transitus humorum, qui generantur in hepate, congregantur in loco, calefiunt, & corrumpuntur, & hepar calefit, ex qua calefactione generatur postea bilis, quæ apparet per urinam, & per excrementa. Et ita possunt esse causæ tam intrinsecæ, quàm extrinsecæ. Præterea caliditas renum potest esse causa, quia stat quòd sit caliditas in renibus, & frigiditas in hepate superacquisita. Istæ sunt coniecturæ, quæ mihi persuadent, ut credam intemperiem frigidam potius quàm calidam esse in hepate. Vtrum modò sit intemperies sola, an verò præter eam sit aliquid aliud? Cùm ibi sit dolor ex compressione, & tumor in eodem loco præter naturā, ergo ibi est aliquod genus humoris præter naturā. Sed quod genus? Scitis ex Galeno, quomodo hepar ad scirrhus sit paratum. Ego vereor, & utinam non sit, quòd ibi sit scirrhus, licet non insignis: sed tumor præter naturam frigidus, non quidem à melancholia, sed à pituita crassa causatus: quia scitis ex Galeno, scirrhum dupliciter fieri posse, ut inquit in secundo ad Glauconem, à melancholia, & à pituita crassa. Quòd autem crediderim esse ægritudinem compositā in hepate ex intemperie frigida & humida cum scirrho incipiente, & in conuexo hepatis, id me mouit, quia tactu percipitur talis tumor. Igitur mihi videtur quòd locus affectus sit hepar, & pars illa quæ amplectitur stomachum, & in parte eius gibba: & non solum intemperiem adesse, sed malam compositionem, principium scilicet scirrhi. Et hæc de essentia ægritudinis. Quantum verò attinet ad mores, ad tempus ægritudinis, & ad alia, credo mores esse pessimos.

Primò, quia in hepate est, & in mēbro nobilissimo, cū sit instrumentū generationis sanguinis necessarij ad vitam, ex quo generantur spiritus: ergo ægritudo mala est ratione membri. Præterea principium scirrhi est, & paucissimi possunt curari: & Galenus dixit, nunquam curatos esse scirrhus. Præterea est pessimorum morum, quia est maximus lapsus à naturali temperamēto, quia ex habitu totius corporis, & quia mores habet bellatoris viri, calidi est cordis & hepatis: & cū ad frigiditatem lapsus sit, maximus est lapsus, & ex consequēti ægritudinē credo malam esse. Præterea ratione subiecti, quia hic homo nō indulgebit præceptis nostris. Quo ad motum, quia ita tardus est, credo quòd sit chronicissimus, quia iam quatuor anni sunt, necdum apparet principiū. Ideo crediderim tum ex intemperie, tum ex ratione, scirrhi esse principium, quia omnia adhuc sunt imbecillia: nec frigiditas valida est vt faciat hydropem, bene credo vêturam. Quo ad terminum morbi, credo quòd in hydropem terminabitur, si verum est quòd talis sit intēperies, & scirrhus, & quia iam incipit turgere venter. Restat modò vt de causis tam intrinsicis quàm extrinsecis dicamus. Sed antequā hæc dicamus, reliqua quæ sequuntur ad istam ægritudinem, explicabimus. Primò consequitur tumor tam in dextra, quàm in sinistra parte. Causa huius videtur manifesta, cū sanguis non sit sicuti oportet, sed pituitosior, flatuatur in locis subcalidis, & cū flatuatur in loco vbi sunt intestina, tunicae intestinorum, omentum, abdomen, quæ partes dilatantur, implentur flatu, & intumescunt, & ad ascitem vel tympanitem terminabitur. Et quia splen consentit, non attrahens facē suam, plumbeitas apparet, quia miscetur sanguini: præterea dolor in dorso consequitur, qui extenditur

extenditur ad renes. Credo quòd causa sit sanguis ille pituitosus delatus ad venam cauam in gibbo hepatis: cùm ad venam illam defertur in loco calidissimo existens, ebullit pars illa, & ita apparet dolor in vena caua: & quoniam ramificatur in duas propagines ad vtrumq; latus, & ad renes distribuuntur, extenditur dolor vsq; ad renes, propter venas illas quæ ad renes deferuntur. Augetur autem cùm ascendit scalas, & cùm exercet se, quia tunc turgēt sanguis magis per motū, & inflammatur magis frigida materia existēs in venis copiosa. Etiam vrina multa consequitur ex plurimo potu, quia sunt apertæ viæ: & quoniam sumus adhuc in principio, non sunt sæua symptomata. quia ergo multum bibit, ergo multum vrinæ egerit. Quo ad causas illius intemperaturæ hepatis, à qua dependēt alia symptomata, dico quòd aliquæ sunt extrinsecæ, aliquæ intrinsecæ, & corporeæ, seu antecedentes. Extrinsecæ quidem & manifestæ, quia audio virum intemperantissimū esse: ideo circa omnes res non naturales fecit multa peccata: & quia miles fuit, circa aërem, circa coitū inordinatè se habuit, & breuiter omnia fecit delicta, quæ fieri possunt circa sex res non naturales. Et eæ fuerunt causæ extrinsecæ & primitiue, ex quibus postea ortæ sunt obstructiones, propter crapulas, & maximè quia adest suspicio veneni assumpti. Sed nunquid possit venenū assumptū à quatuor annis citra, esse causa? Credo quòd non, nec possumus imaginari, quod genus veneni hæc fecerit symptomata. Bene possunt esse viri qui faciant venena, quorum notitia non deuenerit ad nos. Sed quoniā ad tria capita venena omnia deducunt, quorum quædam per qualitatem manifestā frigidam interficiunt, aliqua per calidam, aliqua per occultam qualitatem: si fuerit venenum quod per frigiditatem

operatur, dicebat Galenus v. de simplici medicina, si prima die non operatur, statim cessat eius virtus: quia faciens moram non potest pertransire ad cor, & alteratur à calore innato, & non amplius fit venenum: cui si calidum quippià permisceatur, facilius & citius penetrabit, & magis interficiet. Habentq; sua signa: cerussa inficit dentes: mādāgora, cicuta, & reliqua frigida ostendunt sua signa. Quia ergo pertransierunt quatuor anni, ideo non potest esse suspicio de veneno frigido. Calida verò venena sunt illa, quæ per corrosionem operantur, vt auripigmentum, risigallum, sublimatum: vbi hæc fuerint assumpta, corrosionem faciunt, & vomitus æruginosus sequitur, nec deficit actio nisi fortè purgato toto corpore, cor fuerit corroboratum ex Mithridato: sed hæc confectio occurrit venenis, quæ à proprietate, & à forma occulta operantur. Si verò fuerit venenū quod à forma specifica operatur, statim interficit. Si fortè dicetis, ex pugna inter corpus & venenum talia sequi accidentia: non video quomodo id fieri possit. Posset aliquis dicere, inficitur hepar, sicut ex vulnere accidit, cum curatum est vulnus, remanet adhuc imbecillius membrum, ita poterit venenum causare qualitatem malam ex illa infectione. Dico, hoc posse quidem dici: sed si consideramus symptomata, illum leuem vomitum, non video quomodo tandiu potuerint perseverare symptomata. Quantū ad signa illa iam dicta de fuga coqui, si ego essem iudex, essent signa efficacissima ad torturā. Sed si cōsiderata fuerit res à propria essentia, fuga coqui potuit esse, quòd cum hic sit vir magnificus & terribilis, timens eum aufugerit: sicut pincerū Cardinalis de Medicis euenit, qui auditis querelis, quòd Reuerendiss. fuit veneno interceptus, aufugit timens, postea tamen compertum

pertū fuit ipsum fuisse in re illa innocentissimū. Hęc volui dicere, vt ostendam signum nullū sumi à natura rei de veneno assumpto. Sed quicquid sit de illa suspitione, quod potuerit facere huiusmodi imbecillitatem, non variabitur cura, modò conueniamus in causa, & quæ sit temperatura in hepate. Quo ad causas intrinsecas, credo tum ex malo regimine, tum ex veneno assumpto (si vultis venenū assumptum fuisse) multos humores crudos fuisse aggregatos obstruentes, & intemperiem illam causasse, & adhuc multam cacochymiā perseuerare vnà cum symptomatibus. Et ex his quæ diximus, credo hæc fuisse symptomata, & quis locus affectus, & quæ ægritudo, & quæ causæ tam intrinsecæ quàm extrinsecæ. Remanet vltimò, quomodo sit curanda hæc ægritudo. Circa quā curationē, sicut distinximus de causis & natura morbi, ita etiā in ipsa distinctè debemus procedere, quia tunc distinctas habemus indicationes, cū natura rei fuerit distincta. Indicationes autem curatiuæ potissimum à causa, & à loco affecto sumuntur: & quia causæ aliæ sunt intrinsecæ, aliæ extrinsecæ, de extrinsecis primò dicemus. Dico igitur cum rebus omnibus extrinsecis attenuantibus esse procedendum ad calidum declinantibus, vt obstructions aperiātur, & crassi humores attenuentur, & intemperies mala tollatur, quæ tamen non sint eleuatæ in caliditate, quia causa faciens ægritudinem cū valida non sit, validis etiam nō indiget. Ideo moderatè calidis vtetur, quæ in primo calida sint: & sic ptisanam concederem, confectā tamen cum modico piperis vel cinnamomi: & reliqua mihi placerent, quæ currunt eodem cursu. Vinum moderetur in potentia, & tenue sit in substantia. Carnibus vtatur modicæ superfluitatis, facilis decoctionis: & circa reliqua seruetur ra

tio hæc, vt crudi humores non multiplicentur, nec
 obstructions, vel propter multitudinem somni, aut
 paucitatem exercitij. Quantum attinet ad causas in-
 trinsecas, est primò causa, quæ habet formam causæ
 antecedentis, præter eam quæ loco affecto coniun-
 cta est. Et cum in toto sit cacochymia, vt ex tempera-
 tura & ex colore apparet, ideo corpus primò mun-
 dificandum est ijs instrumentis distinctis: primò cu-
 ratione per secessum, secundò prouocatione vrinæ,
 tertio prouocatione sudoris vel difflatus per halitū.
 Et hæc tria credo esse necessaria. Per secessum autem
 euacuabimus, cauēdo ne exhibeamus medicinas tra-
 hentes à longinquo, vt dicit Galenus In secūdo vel
 tertio de fac. nat. qui ait, quòd nimia euacuatio me-
 dicinarū validarum colliquat substātiā hepatis, &
 relaxat ita venas, vt præparetur ad recipiēdas super-
 fluitates: & præterea attraheremus cacochymia ad
 locum affectum. Ideo benedictis medicinis vti debe-
 mus, quia cum his attrahimus ab hepate, splene, &
 ab intestinis: & nollem vt trāsiremus hepar, ideo rha-
 barbarum, manna, diacatholicon, lenitiuum, essent
 conuenientes medicinx: & si modicum agarici vel-
 lem exhibere, possemus, sed in modica quātitate,
 quia à longinquis attrahit, vt etiam à iuncturis attra-
 hat. Et hæc fiant quo ad euacuationem per secessum,
 præparatis tamē prius humoribus, non cum his quæ
 habēt proprietatē ad hepar, quia tunc nolumus cor-
 roborare: sed cum syrupo acetoso, oxymelite, cum
 melle rosato. Secundò per vrinam euacuare vellem
 materias quæ sunt in conuexo hepatis: tunc syrupus
 de cichorea, qui habet rhabbarum, bysantinus, de
 radicibus, & omnes alij qui prouocant vrinam, mihi
 placerent, tam simplicia, quàm composita. Et in isto
 secundo processu ita facerem. Tertiò per sudorem
 & per

& per halitum euacuarem, vt malus habitus solueretur: & cum oleis calidis aperientibus, & cum balneis præparatis cum herbis habentibus vim resoluedi & aperiendi procederem: & eo tēpore vterer euacuatione, quæ euacuat per hæc omnia. Tunc laudarem balnea Patauina, quia illa hunc affectum tollēt: & credo quòd balnea S. Helenæ, vbi adest bitumen, magis cōuenirent, in quo est vis molliendi, vt si qua durities esset in partibus, solueretur. Imò ne aliquid intactum relinquam ad intemperiem tollendam hepatis, cogitarem de potione ligni, vt prouocarentur vrinæ, & tolleretur intemperies. Vellem etiam ijs ita peractis me conuertere ad locum affectum, & linimentis vterer habentibus vim corroborandi, sicut est oleum de spica, de absinthio: & deuenirem ad confectionem habentem vim corroborandi. Et inter reliqua post euacuationes factas, donec viderem sanitatem exactam, vellem vt in qualibet septimana pilulis ex hiera & rhabarbaro vteretur, vt si quid residuū esset in hepate, tolleretur, & obstructions etiam, & per interualla assumeret florem cassiæ cum rhabarbaro, maximè in tempore æstatis, & perseueraret, & contineret se in recta ratione victus. Et ista est forma, qua ego procederem.

Consult. LXX. De melancholia hypochondriaca.



Egritudo, qua affligitur hic nobilis vir, iudicio meo est melancholia hypochondriaca, sicut illa Dioclis, quam describit Galenus lib. 111. de locis affectis, quæ nascitur per inflammationē humorū, aut ebullitionem in venis inter stomachū & hepar. Sed hæc ab illa diuersa est, quoniā ex inflāmatione seu ebullitio-

ne humorum crassorum malorum est, qui sunt inclusi in venis sinistri lateris inter splenē & stomachum, à quibus eleuatur quamplurima ventositas : & quia splen redditus est debilis, sæpenumero intumescit, & crassior apparet, nec etiam ad se trahit fæcem sanguinis, sicut oportet: & ita fæx ista per sanguinem dispergitur, & reddit eum nigrum, pallidum, & melancholicum. Omni igitur diligētia curare debemus, vt illæ venæ mesaraicæ sinistri lateris aperiantur, & liberæ fiant, & splen confortetur, vt suo officio fungi possit, & ita sanguis purus efficiatur: ex quo etiam sequetur, quòd stomachus nullam ventositatem patietur. In primis igitur curare debemus, vt sit aër optimus: quoniam in humoribus ipsis melācholicis plurimum refert optimi aëris electio: euitareq; debet præ omnibus nimis paludosum & crassum, sicut communiter est in locis Veronensib. planitiem versus, & debet cauere ne in locis humidis degat & subterraneis, ac expositis Tyrolum versus. Omniaque animi accidentia euitabit, sicut iram, tristitiā, melancholiam: omniq; ingenio conabitur lætè viuere inter muscos & bonos socios. Exercebit se cōuenienter manè, equitando, eundo, & parua pila ludendo, aut simile aliquid faciendo. Curabit quoq; vt quoti die beneficium ventris habeat. Circa victum euitabit omnes carnes antiquas, vt bubulas, castrati antiqui, atque quæ crassum dant nutrimentum, vt pernas salitas & recentes, omnesq; aquatiles aues, anates, anseres, & huiusmodi cibos, omnesque pisces, exceptis quibusdam, vt lupis qui in aquis currentibus viuunt, auratis, carpionibusq; recentibus. Comedat lemnulas, mazarones: ab omnibus alijs omnino cauebit, præcipuè ab anguillis & huiusmodi, quæ crassum & viscosum dant nutrimentū. Præterea omnia
lacti-

lactinia cauebit, & præcipuè caseum tam recētem, quàm salitum: omnia pastilia, placentas, tortas, rosfios, panem calidum, male fermentatū, & sine sale, ac pessimè coctum: omniaq; legumina fugiat cuiusque generis, aut recētia, aut exiccata, aut cruda, aut cocta. Cauebit etiam ab omnibus fructibus, & si eis quandoq; vti voluerit, accipiat ante reliqua cibaria, sed parcè admodū. Omnes salatas crudas fugiet, sed cappares earum vice comedat, asparagos, lupulos, lathum, endiuia coctam, cichorium coctum, aceto & zuccharo conditum, vel oleo & sale. Vinum bibet album, sed pauci coloris, quod rosetum vocant, subtile, transparens, & bene maturū. Vnico cibo sit contentus, neq; inter prandiū & cœnam bibat, neq; sine fame comedat. Vellem vt hoc anno mēse Iulij, primum tamen aliquantulum purgato corpore cum cassia & rheubarbaro, & syrupo solutiuo, acciperet aquā balneorū de Caldera, eo pacto, quo ei dicent excellentissimi medici qui aderunt. Bis in anno se purgabit, in vere & autūno: & velim quòd mitteret è basilica cubiti sinistri sanguinē. Intermedijs verò tēporibus, inter ver & autumnū accipiet ter aut quater in mense per horam ante cœnam infra scriptas pilulas:

℞. Epithymi Cretensis	3 vj.
Agarici electi	3 iij.
Corticum radicum ellebori nigri	3 iiij.
Specierum hieræ simpl.	3 iiij.

Cum melle rosato fiat magdaleon, de quo singulis vicibus drachmā vnam accipiat, & formentur pilulæ tres cum melle rosato: & eo die quo assumet has pilulas, sumet etiam vnam scutellā panis loti seu panatellæ, & aut nihil aut parum admodum bibat, accipiatq; sæpissimè per horam ante prandium conseruæ florum boraginis atq; buglossæ parum. Ante sy-

rupos fumere poterit:

R̄. Electuarij lenitiui

3 x.

Cum zuccharo fiat bolus.

Pro syrupis:

R̄. Syrupi de fumo terræ

De buglossa

De papauere

ana 3 v.

Aquæ boraginis

3̄ iiij. Misce.

Pro purgatione verò:

R̄. Confectionis hamech

3̄ iiij.

Syrupi rosati solutiui

3̄ iiij.

Aquæ betonicæ quantum sufficit. fiat potus.

Post hanc medicinam vtatur sequenti electuario:

R̄. Sacchari rosati

3̄ ij.

Conseruæ florum boraginis


3̄ ij.

Buglossæ

3̄ j. s.

Misce, fiat electuarium. Et hæc pro nunc sufficiant pro tali dispositione.

Consult. LXXI. De flatibus hypochondriacis, pro sacrificio.



Rimò custodiat se ab omni genere piscium, & præsertim palustriū, ab omnibus leguminib. tam recentib. quàm exicatis, ab omnib. lacticijs, & præsertim caseo antiquo, ab omnibus pastilijs: olera etiam sunt illi pessima, vt tamen quandoq; poterit lactuca leuiter decocta, & boragine, & calendula, quæ vulgò dicitur fior de ogni mese. Bibat vina clara, limpida, & & omnino abstineat à crassis, nigris, dulcib. Comedat tantum in die bis, neq; bibat inter cœnā & prandium, præcipuè vesperi. Euitabit omne genus falsamentorum, vt carnes salitæ sunt, pisces saliti, oliuæ, & eiusmodi. Nō comedat carnes antiquas cuiuscunque generis sint, sicut bouinæ, caprinæ, castratorum antiquo-

antiquorū. Euitabit item carnes omnes palustres, sicut anserum, anatum, & similes. Et hæc quantū ad viuendi rationē. Utatur singulis mensibus bis in potu vncijs sex infra scripti decocti, ita ut sint duo dies continui, & bibat mane in aurora. Decoctū erit tale:

℞. Myrobalanorum citrinorum
Chebulorum
Indorum
Emblicorum
Belliricorum ana 3 ij.

Contundantur grosso modo, & fricentur manibus cum oleo amygdalarū dulciū, deinde infundātur in lib. ij. aquæ fumiterræ per diem & noctem. Postea

℞. Epithymi
Polypodij
Folliculorum fenæ ana 3 j.
Seminum citri
Glycyrrhizæ rasæ ana 3 ij.
Corticum rad. ellebori nigri 3 j.

Decoquantur omnia simul in prædicta infusione ad consumptionē medietatis. Facta diligenti expressione & colatura sumatur decoctū, quod totum sumat duabus vicib. duobus diebus, quæadmodū dictū est. Item habeat caput semper sine capillis, ita ut attondeatur vsq; ad cutim, postea vesperi quando it dormitū, inungatur oleo amygdalarū dulciū. Item abluat caput bis in septimana infra scripta decoctione:

℞. Maluæ
Radicum althææ
Florum camomillæ ana man. ij.
Boraginis
Calendulæ ana man. j.
Furfurum tritici pug. ij.

Bulliāt omnia simul in aqua fontis ad cōsumptionē

medietatis. Cū hac aqua colata caput abluat, & post ablutionem & exiccationē illinatur prædicto oleo amygdalarū dulcium, & habeat semper capillos detonsos vsq; ad cutim, vt dictum est. Item frequentissimè etiam singulis diebus, si possibile est, bibat ante prandium per horas tres magnā scutellam brodij pulli cū modico zuccharo: hoc enim erit illi maximè vtile. Item semper teneat suum ventrem mollem, & vtatur clysteribus frequenter cum oleo communi & decocto maluarum, althææ, camomillæ, addito modico salis, & vncijs duab. mellis rosati colati.

Consult. LXXII. De passione hypochondriaca cum annexis symptomatibus, nimirum tremore cordis, & ventriculi mordicatione, & totius corporis macie, pro Veneto.



Ristatur iste Nobilissimus vir sine causa, timet nō timenda, & non lætatur. hoc est primū symptoma, quo maximè affici consuevit. Est aliud, quòd quotidie in maciē deuenit, & maximè hoc anno videt se aridiorem factum, quàm duobus præteritis annis. Conqueritur præterea, dixitq; hoc anno in prima quadragesimæ hebdomada correptum esse à quodam cordis tremore, quo frequentius solebat corripī. Dixit etiam, singulis diebus affligi circa finem concoctionis ante prandium & cœnam erosionē ventriculi, vt debilitetur, & quærat subitò cibum, & famem incurrit, à qua irritatur: assumpto autem cibo nihil sentire dixit. Hæc ergo sunt symptomata, vt ea per capita colligā, quibus affligit: Tristitia, metus sine causa perseuerans, tremor cordis nō perseuerans: tertium est gracilitas, quartum mordicatio ventriculi ante cibum.

cibum. Hæc symptomata cùm sint præter naturam, non debent perdurare, & sunt inueniendæ causæ, quia sine inuentione causarum non possumus modum curandi & præseruandi inuenire. Incipiamus igitur à primo illo affectu, à timore subito & tristitia præter rationem, quam melancholiam appellant: huius symptomatis, inquam, incipiamus causas indagare. Certè timor iste prouenit, quia corruptæ sunt imaginatiua & cogitatiua, quia cogitat quæ non sunt cogitanda: imaginatiua autem & cogitatiua sunt operationes animales in cerebro apparentes secundùm medicos. Est igitur affectus iste cerebri, & actio corrupta operationũ intrinsecarum animalium cerebri. Causa potest esse dispositio existens in cerebro præter naturã, vel in toto ambitu, vel in parte aliqua. In cerebro autem non potest principaliter esse, quia habemus signa manifesta: habet enim interualla manifesta, & perseverat pluribus temporibus sine ipso affectu: si enim haberet affectum in cerebro essentialiter, perpetuũ haberet timorẽ. Non est igitur in cerebro essentialiter, sed per cõsensum. Cõsensu autẽ iste præcipuè & per se, talis metus sine causa à vaporibus melancholicis, & ab humoribus melancholicis prouenit, vt dicit Galenus I I I. de loc. affect. & sunt vel in cerebro, vel in ambitu totius corporis: & duæ sunt species melancholiæ, & non sunt plures, quia vel vapor vel humor est per essentiam in cerebro, vel in ambitu venarum. Non possumus autem dicere, quòd sint in venarũ ambitu per se, vt probabimus: quia non consequuntur accidentia, quæ solent cõsequi, vbi humor melancholicus fuerit in venis, ratione cuius humoris vapor ascendit, & fiunt symptomata melancholica, vt dicemus. Cùm igitur non sit in cerebro causa ipsius, nec in ambitu vena-

rum, quærendus est ergo alius locus. Et quia metus non est causa per se, nisi ab humore melancholico, & cum nō sint illæ duę species, videndū est quid sit causa huius metus. Gal. posuit aliam speciem melancholiæ loco citato, quam hypochondriacam appellauit, ratione membrorum naturalium : & posuit illam ex Diocle, ex feruore sanguinis existentis in venis mesaraicis inter hepar & ventriculum causatam. Cum ergo nō sit in cerebro, videamus an sit in ambitu totius, vel in venis illis mesaraicis. Quod potius sit imaginatio ista & tristitia præter rationem, ratione affectus hypochondriaci, per signa probatur propria & pathognomonica. Primò videmus affectum habere periodos. Sed posset quis dicere, illa etiam quæ ratione venarum fit, ab ambitu quarum ascendunt vapores vel humores melancholici, potest habere periodos : ideo signum istud sit cōmune. Præterea patitur tremorē cordis, scitur autē quam cōmunicantiā habeat cor cum ventriculo, imò dolor in ore ventriculi appellat morsus cordis, & cardiacus affectus : & nesciebāt antiqui distinguere an cordis, vel ventriculi esset affectus. Ego potius credo, quod ratione ventriculi fiat, quoniā nobiliss. iste vir habet cor validissimę caliditatis & siccitatis, resistēs nocumentis. Ideo tremorē nō patitur in corde ratione imbecillitatis, sed ratione vētriculi : ergo propter vapores ascendentes à mesaraicis venis fit. Mordicatio etiā apparet circa finē concoctionis, eamq; percipit talē, ut deficere videat, nisi cibum assumat : & hoc est ratione humoris acidi mordicantis, quæ mordicatio facit ut incidat in talem defectum, ex quo cibo sumpto quiescit. Præterea propter priuationē reliquorum signorum, quod affectus iste non sit ratione sanguinis adusti in venis existentis per se, quia non video

deo nigredinē in corpore, vt possimus dicere à sanguine adusto in venis existente causari, quia carnes lucidæ sunt, & optimi coloris: & dicit Galen. v. 1. de tuen. valet. humoris dominiū à corporis colore indicari, nisi in profundū decubuerint humores. Si ergo in venis humorē illum haberet, nutriretur ab humore illo, & color carnis similis esset humori illi. Cū igitur non videam vestigiū melancholici humoris, quia illi qui talē habēt in venis humorē, & nutriunt ab illo, efficiuntur admodum nigri: & ex alia parte cū videam signa propria attestantia affectum hypochondriacū, ideo non dubitavi, quòd passio hæc melancholica sit ratione affectus hypochondriaci. Sed quoniā hanc ægritudinē nō possumus curare, nisi videamus eius naturā, & quomodo eam cōsequatur accidentia alia, dico ego omnia symptomata dependere ab hoc affectu: & si remouebimus hunc affectum, remouebit tremor, qui fit ratione vaporū, qui eleuantur ab illo loco. Præterea arefactio totius pendet ab eadem causa, & natura huius ægritudinis hoc indicat: quia dicit Galenus, quando humores crudi in ventriculo generantur, hepar attrahit humores illos crudos à venis mesaraicis: & quia fortior fit attractio propter validam hepatis caliditatem, & humor tenuis facilè ebullit, ideo fit inflammatio, & eò maximè accidit, vbi hepar calidissimum sit, & ventriculus frigidus. Et cū nobilissimus iste vir sit temperaturæ calidissimæ, & habeat caliditatem in hepate cum frigiditate ventriculi, quæ licet naturalis non sit, est tamen acquisita frigiditas multa in ventriculo, tum quia delectatur calefactione ventriculi, tū etiā quia dicit se habere deterius hyeme quàm in æstate. Et licet dixerit Hipp. Vētrē hyeme natura calidissimi sunt, illud dixit per antiperistasin, quia

frigiditas aëris occursans vnit calorē interius, ideo validus est. In senibus autē frigiditas occurrens penetrat ad ventriculum, quia non fit in illis antiperistasis, cū sint pauci caloris: ideo peius se habent in hyeme, sicut animalia frigida: non iuuantur autem, nisi qui habent antiperistasin à validissimo frigore. In estate verò calor aëris corrigit frigiditatem, ideo melius se habent. Præterea abundat rugitibus, & flatibus, & pituita crassa, hoc est signum frigiditatis: cumq; eleuantur à ventriculo, facit circulum, & multum refrigeratur. Stante ergo hepatis caliditate, & ventriculi frigiditate, tardatur cōcoctio, abundat cruditas, hepar calidum attrahit multum cibum crudum continuè. Et cū in venis illis mesaraicis sit redundantia talis humoris crudi, exhalatio fit deterior, quia obstruuntur: & quia maior fit caliditas hepatis propter obstructionem illam, cū non possit transpirare, cōtingit quòd ex maxima caliditate hepatis naturali & aduentitia, & ex obstructionibus, sanguis multiplicatur crassus & adustus ex nimia caliditate, & ille sanguis redundat ad venas, & ad ambitum venarū, redundat dico per accidens: nec principalis egritudo fit in venis, sed per consensum à primo affectu, quia adustio tantum fit in hepate ratione maximi caloris hepatis. Et hinc pendent omnes leges & prophetæ. Est ergo sanguis aliquis adustus in ambitu totius, qui cū non sit simplex & verus, sed mixtus pluribus crudis humoribus, & cū actio fiat à calore moderato, ideo corpus non bene nutritur. Et licet plurimus sit sanguis in venis, non nutritur, quia non est gratus naturæ, ideo exarescit. & licet sumat cibū, non facit pro vera nutritione. Et hæc est causa tertij symptomatis, propter cruditatem & putrefactionem humorum tenuium, qui transeunt
in

in aciditatē, ideo isti euomunt acida. Tum etiam ratione obstructionis causantis caliditatem maximam in hepate, non nutritur vt oportet, quia sanguis non est laudabilis: ventriculus enim non cōcoquit, propter frigiditatem: hepar verò propter caliditatē maximam non facit sanguinem idoneum, & adurit: ventriculus autem crudum dimittit humorē. Causa verò cur debilitatem ante cibum sentiat, est, quia cū fiunt digestionēs, membra redduntur auara: ideo venæ trahunt ab hepate, hepar à venis mesaraicis, mesaraicæ à ventriculo. facta vltima concoctione, cū percipit ventriculus mordicationē, debilitatur, quia indiget multo nutrimento tum, propter humorem mordicantē: sumpto cibo obtunditur acrimonia humoris, & hepar inuenit quod attrahit, & venę, & tūc cessat symptoma. Hęc igit sunt symptomata, & causę symptomatū, quę pendent ab affectu hypochondriaco, quem melancholiam hypochondriacam appellant. Cur autē habeat interualla per duos annos? hoc est, quia cū non sit per essentiam in capite, sed ratione obstructionis, & humoris feruescentis in venis mesaraicis, ideo habet interualla: & si leuabitur obstructio ab euacuantibus, & à victu debito, liberabitur. Si verò multiplicabitur, hoc est vel ab aëre, vel à cibo, aut ab aliqua alia extrinseca causa, vel ab humore corporeo, augebitur morbus. Non fuit autem mirum si hoc anno multiplicatus sit, quia (vt dicit Hippocrates & Galen. tertio Epid.) cū aër nebulosus est & humidus, spiritus existens in ambitu totius, & sanguis, ab aëre nubiloso crassescit, & non fiunt debitę transpirationes, multiplicantur humores, fiunt malę coctiones, calor naturalis obtunditur, fiunt obstructiones, & symptomata dicta causantur. Vnde ego crediderim, symptoma hoc etiam non

nisi per accidens contigisse, quia humor melancholicus non per se, sed per accidens multiplicatus est, propter seruiorem hepatis adurentis, ob obstructionem que facit inflammationem in venis, & sanguis seipso calidior factus est: affectus autem non est per se à melancholico humore, sed à phlegmatico frigido ebulliente circa illas partes. Vnde à medicis cura variat non parum: alij frigidam credunt esse affectionem, & ad calida recurrunt, & non parum nocent, quia hepar inflammant: alij ad frigida descendunt, & nocent, quia frigidus est ventriculus, hepar calidum: unde fit, ut cum vnū sanetur, alteri noceant. Cum igitur humor phlegmaticus frigidus sit causa huius affectus, & non humor calidus, frigiditate non indiget, sed indiget apertione obstructionis. Ideo Gal. 1 1 1. de loc. affect. contra Dioclem disputans, cum de inflammatione venarum mesaraicarum loqueretur, dixit Dioclem non assignasse rationem, cur ex ascensu vaporum fiant tristes imaginationes, cum tamen humor melancholicus non sit redundans: ac si videretur alienum, quod fieret affectus melancholicus, & non ab humore melancholico. Ideo Galenus posuit tres differentias, & quod alia sit melancholice species, cum vapores eleuantur ab humore crasso frigido, quibus spiritus ob tenebescunt: & illæ tenebræ sunt causa quod timeant, cum spiritus non habeant claros, timentque ac si viderent tenebras, & essent in tenebris exterioribus, quia nati sumus ut viuamus luce ex spiritu animali, scilicet qui lucidus est. Qui ergo fuerint renebrofi ex melancholia vera, patiuntur melancholiam: qui autem ex vaporibus ab humore pituitoso eleuatis, hypochondriacam passionem incurrunt, propter obstructionem venarum mesaraicarum ab humore pituitoso. Cognita natura morbi, apparet quid præsa
gien-


giendū. Ego nullum aliud præfagium proponam, nisi quod à Galeno propositū est, qui loquens ex Diocle dixit, quòd à quacunque causa proueniat hypochondriaca passio, prorogatur in pluribus, & nō curatur, nisi diligētes simus, & in multis annis. Quantum ad curationem attinet, cū hīc duo sint humores multiplicati præter naturā in ambitu totius, tam ratione ventriculi, quā ratione hepatis, vt ex vrina apparet, quæ coloratior est, quia feruor est in toto, & excessus maior quā sit opus, & obstructio ad est: ideo ad veram curationem, primò cacochymia, quæ est in toto, remouenda est: quia non curabitur obstructio hepatis, & eius tēperatura vnā cum temperatura ventriculi non redigetur in melius, si permittamus hos humores etiam quo ad præseruationem. Imò si stabit cacochymia, succedet ægritudo, & vel in humorem melancholicum incidet, vel in ægritudinem deteriorē. Ideo primò est euacuandum corpus, & hæc prima est indicatio rectè operandi. Circa euacuationē modò bene constituti sunt multi modi: & primò missio sanguinis proposita est, deinde pharmacia. Vtrunq; conuenit, quia sanguis malus multiplicatus nō debet permitti, sed euacuari, vt natura rectificato hepate faciat meliorem sanguinem. Sed vbi hæc duo cōueniūt, debemus incipere à missione sanguinis, antequā medicamentum purgans exhibeamus: nisi fortè lenitiuū exhibere vellemus, ad euacuandum id quod in ventriculo & in intestinis, & in vijs (vt isti dicunt) ductuū reperitur. Et accederem ad venam illam quæ à fonte euacuat, ad basilicam scilicet, vt fieret euentatio & refrigeratio hepatis. Si etiam à vena media, vt propositū est, fieret, non esset error: quia Hippocrates in 1. 1. reg. acut. & Galenus dicunt: Si non inuenitur basilica, mediam

tangas. Ideo nō est disputandum, an media vel basilica sit secanda. Si à media euacuabitis, quia habet ramum magnū à basilica, poterit tangi: sola autē media solet secari cū lāsio est in cerebro, vt ab vtroq; euacuet. Facta sanguinis missione, nō omittē euacuationem per pharmaciā. Sed quia concocta medicari atq; mouere, non cruda, debemus, maximē si obstructio sit in mesaraicis, debēt aperiri, vt melior fiat attractio: ideo syrui abstergentes & aperientes cōueniunt. Tales autem syrui sumuntur ab indicationibus rectē operandi: & quia supposuimus in toto sanguinem calidiorem humori crudo permixtum, stante ventriculi frigiditate, cū prima concoctio non corrigatur à secunda, ideo si in ventriculo est cruditas, attrahitur talis, ideo humor crassus est incidendus. Et quia hepar calidū est, non vtemur calidis incidentibus: ideo vsus syrui acetosi conueniret. Et quia dicit Hippoc. 111. reg. acut. cum Galeno, acetum cōuenire magis biliosis, quā melancholicis: & dicit ibi vnū verbum, quōd acetum facit degenerare bilem in pituitā: an verum sit, & fieri id possit, remitto alijs considerandum, quia Galenus locum illum transit sicco pede. Quamuis igitur acetum non conueniret, quia abundat humor melancholicus, associabitur cum syrupo de pomis, in quo est frigiditas & humiditas ad temperandum feruorem sanguinis, & humor ille adustus reducetur ad temperiē: ex acetoso autem habebimus incisionē, & cum melle rosato parabimus ad abstergendum. Decocta acciperemus de buglossa, boragine, capillis Veneris. Pro euacuatione autem eligerem eradicatiua, vt confectiōnem hamech, in qua est agariū & colocynthis, quæ crassos humores euacuant: est præterea sēna, polypodium, epithymum, quæ euacuant efficacissimē humo-

humorē melancholicū, & maximā habent vim corroborandi, quia ingrediuntur in ea myrobalani omnes : & fortē magis dicenda est medicina securitatis à Mesue, quā diaphinicon. Et si vellemus aliud, syrupus rosatus solutius addi poterit ad confortandum cor, hepar, quia facit solutionem aliarum medicinarum meliorem. Circa euacuationē hactenus persisterem. Propositum est, an hæmorrhoides essent prouocandæ. Certē feruor sanguinis circa venas mesaraicas existens ita calefacit hepar, vt necessariū sit quòd multiplicetur humor melancholicus in venis. Esset optimum tempore veris prouocare ipsas : sed postquā hominē dimittemus, sibi ipsi redibit dispositio. Si ergo haberet hæmorrhoidas quæ veris temporibus fluerent, contemperarent hepar, & euacuarent melancholicum humorem. Sed in appositione sanguisugarum nihil spero, quia crassum sanguinem dimittunt, & attrahunt subtilem, cū non sit ibi foramen. Vtilitas autem, quam spero, non ex attractione sanguinis, sed quia aperiuntur per se ex tali applicatione. Et vidi ego mercatorem frumentarium, cui affecto liene à tumore maximo iussi vt prouocarentur, & duabus sanguisugis applicatis ita apertæ fuerunt, vt exirent viginti libræ sanguinis, ita vt crederem bouē iugulatū. Quia ergo videmus quòd spontē in multis sanguis euacuat, apertis illis, non ex sanguisugis sperarem utilitatem, sed ex apertione quæ sequitur. Proposita fuere balnea ex dulcibus aquis : & ego illa laudo, quia corpus humectāt, coctionem adiuuant, calorē hepatis contemperant, & corpus maximē corroborabunt. Ideo parare poterimus tinam in domo, & ibi permanebit vsque ad guttur, & post balneū corpus inungetur cum oleo de rosetis. Balnea tamen non fient nisi factis prius euacuatio-

nibus, & apertis obstructionibus. Ad præferuandum, quia in præfenti modica est obstructio, licet sanguifugæ non prouocarent, paucum damnum facient, quia vnciæ duæ vel tres ad plus euacuarentur, vel aperirentur, quod effet valde vtile. Propofita autem fuere balnea Patauina & Calderiana. Patauina nullo modo conueniunt ratione fuæ caliditatis: & fi non timerem ventriculum, laudarem Calderiana, & credo quòd conuenirent, quia aperiunt obstructiones, & prouocant vrinam: & domino Fabio Contareno affecto olim melancholia, mirum in modum profuerunt. Nunc autem conqueritur de ventriculo frigidiori: sed fcio curatū fuiffe à melancholica affectione, & nescio quomodo cōqueratur, cū fit pinguis, & optimam habeat habitudinem. Et hæc dicta fint circa balnea. Pro cōfortatione, & conseruatione sanitatis, & ad cōtemperandum hepar & ventriculum, & ad apertionem venarum mēfaraicarum, laudarem pro re familiari continuè vtenda, vt tempore totius anni vteretur zuccharo rosato cum puluere rhabarbari, quia ex hac fēper educeretur aliquid aggregatum in mēfaraicis. In æstate verò, prætermiffo zuccharo rosato, cafsiæ drachmas quinque vel ſex, cum ſemidrachma rhabarbari eligerem: præter illos dies æſtiuos cum zuccharo rosato miſcerem confectionē dianthos, & ſpecies diamuſci dulcis, & diacinnamomum. Præterea circa cibum & potum & circa reliqua rectè ſe habeat. Et circa potum, credo quòd tota vis conſiſtat in electione boni vini, quia vinum continuū eſt: & ideo vinum bene maturū, & albū, & cereſiolum eſſet eligendū. Cōuenientius autē pro ſtomacho eſſet quod minus album eſt, quia vina alba in hac ciuitate Venetiarū habēt quandam craſſitiem. Et ita ego iſto itinere procederem.

Con-

Consult. LXXIII. Ad ramicem intestinalem.

ET locus & modus tumoris, & materia exiens, quæ proculdubio ex intestinis est, manifestissimè indicant esse ramicem intestinalem, non ex apertione, sed ex ruptura peritonæi. Propterea cura perfecta non est tentanda, quam omnino fieri non posse arbitramur, præcipuè cum tandiu perseverauerit. Sed quæ cura adhiberi potest, ne in deterius decidat, & ut consueta negotia transigat, talem esse iudicauerim. Primò, ut perpetuò se abdicet ab aëre frigidiorè circa partes illas affectas, & à frigore pedum, quin etiam totius corporis, quantum fieri potest: euitetque etiam niues & pluuias, quæ vel caput & alias corporis partes humectent & refrigerent. Caueat à quocunque valido motu, ab equitatione equorum tolutim vel incommodè ambulantium, & à sella duriorè ac aspera, & à stapedibus longius productis, & non equitet post cibum aut potum, illud enim pessimum est. Caueat à coitu præcipuè intenso, à retentione anhelitus, à nimia compressionè ventris, à clamore, à vociferatione, ab occasione tussis, & sternutationis magnæ. Effugiat computationes & comestationes, sitque parci victus: bis tantum in die comedat & bibat, in prandio scilicet & cœna. Cibaria sint simplicia, vnius generis, minimè flatuosa, sed boni nutrimenti. Pessima sunt omnia lacticinia, pisces, legumina, olera, allia, cape, & huiusmodi: pasticæ, res frixæ in sartagine, castaneæ, & tandem omnia quæ flatuosa sunt, ac vina dulcia ac crassa, & noua turbida, quale mustum est. Caueat à fructib. præcipuè uvis & pomis cuiuscumque generis. Habeat quotidie beneficiû alui, neque hoc dimittat, quantum fieri potest: quod si quan-

doque deficiat, suppleat vel cum clysteri communi,
 vel cum pilula aloës simplicis ad pondus \mathfrak{z} j. sum-
 pta per horam ante cœnā: vel cum terebinthina, ad
 pondus 3 j. sumpta tribus horis ante prandiū. Vta-
 tur sæpe pilulis de hiera simplici, sicut ter vel quater
 in mense, sitq; pondus 3 j. hora vna ante cœnam.
 Descriptio autem pilularum talis sit:

\mathfrak{R} . Cinnamomi

Croci

Cubebarum

Masticis

Asari

Spicæ

ana \mathfrak{z} ij.

Aloës optimæ

\mathfrak{z} j s.

Puluerizentur per se, &c. Quantum verò ad extrin-
 seca localia attinet, primò tumorem rupturæ liniat
 blandè singulis diebus, siccando cum oleo anethi-
 no. Postea vbi ex recta ratione victus, purgationibus
 & linimento retrocesserit intestinum ad interiores
 partes, quemadmodum consuevit, tunc apponat ce-
 ratum, firmissimè adherēs loco, quod cōficitur vul-
 gò apud aromatarios, & appellatur ceratum de pel-
 le arietina. Deinde supponat ligaturam ab optimo
 artifice ita compositam, vt & firmissimè adstringat,
 & sustineat, & minimū aut nullum excitet dolorem,
 sitq; mollissima & lenissima tactu, quantum fieri po-
 test, quam die ac nocte affixam loco tenebit: singulis
 autem quibusque xv. diebus, aut saltē tribus septi-
 manis ceratum innouabit. Hæc sunt, quæ ad
 possibilem curam præcipuè mihi
 præstare videntur.


De

Consult. LXXIIII. De hernia.

Rimò abſtinebit ab omnibus rebus ventofis, ſicut à lacte, à fructibus, ab omnibus leguminibus, ab allijs, cæpis, & tandem ab omnibus radicib. Cauebit etiam ab omnibus generantib. humorè craſſum, ſicut ſunt reſ frictę in fartagine, piſces, panis azymus, caro porcina, caſeus, vina craſſa & dulcia, præcipuè nigra. Cauebit ab omni valido motu, ſicut ſaltu, vel repentè aſcendere ſcalas, vel currere. Equitatio illi eſt cõtraria admodũ, præcipuè in equo ſaltâte aut citò ambulante, & cum ſella dura inæquali, & cum ſtapedibus longis, & hoc præcipuè poſt cibum. Cauebit ab omni clamore magno, à cantu alto, à retentione anhelitus, à fiſtularum ſono, & præcipuè earum quæ vulgò Corneta dicũtur. Cum hac victus ratione ſumet ter ſaltem in menſe reſinam pinguem puriſſimam aut abietis, aut laricis, præſtat tamen laricina, & ſumat ſemunciam ſingulis vicibus cum drachma ſpecierum hieræ ſimplicis, faciendò bolum cum zuccharo: ſumet autem tribus horis ante prandium. Caueat à potu aquæ, & præcipuè ſi admisceatur vino. Cauebit quantum poterit ab omni genere acetariorũ, & herbarum crudarum. Præterea apponet loco rupto vel rumpendo ceratũ de pelle arietina, vel ceratũ quod vulgò dicitur pro crepatis, & ita apponet, vt ſuprà apteĩ ligatura cõſueta: vel loco cerati illam apponet habentem figurã hemiſphærij, ita vt planum hæmiſphærij ſit extrinſecus, conuexum intrinſecus ſupra rupturam: ſitq; illa conuexiſas ſenſim rotunda, neq; multũ protuberans, ne nimia compreſſione inſigatur dolor, firmeturque, ſupraligetur cum ligatura cõſueta.

Con-

Consult. LXXV. De imbecillitate uentriculi, cum fluxu mensium alborum, pro matrona Veronensi.



T matrona ista nobilissima pręseruetur, primò attendendum est rectę victus rationi. Atque in primis cauere oportet à cibis pastilibus, à lacticiinijs, & piscibus, placentis, a carnibus suillis, ab auibus quę in aquis degunt, vt anseribus & anatibus, ab oleribus crudis, & fructibus, pręter ficus bene maturas: ab omnibus rebus frictis in sartagine, à leguminibus, à carnibus antiquis, sicuti bouinis. Vinũ nec nimis potens, nec nimis pauciferum, sed mediocre, limpidum, & clarum, & pręcipuè non sit acerbum: non bibat inter cœnam & prandium, pręcipuè post cœnam. Quantum attinet ad medicinalia, cõsuescet sumere singula septimana semel tres scrupulos hierę simplicis in formam pilularum redactos, vna hora ante cœnam. Descriptio hierę erit ista:

R̄. Aloës optimæ 3 vj.

Cinnamomi

Mastiches

Spicæ

Croci

Afari

Cubearum ana ʒ j.

Puluerizentur omnia per se, deinde misceant, postea fiant pilulæ: singulæ sint vnius scrupuli. Pręterea ilinet renes vniuersos infra scribendo linimento:

R̄. Consolidæ maioris

Rosarum rubearum

Radicum rubi

Nucum cupressi

Rasæ tabularum ana ʒ ij.

Bul-

Bulliant omnia simul in aqua communi, ad consumptionem duarum partium. Deinde

℞. Olei rosacei completi

De cotoneis

De myrtis ana $\frac{3}{4}$ j.

Bulliāt omnia simul ad consumptionē aquæ. Deinde

℞. Sandarachæ

Mastiches

Thuris ana 3 ij.

Conterantur minutissimè, & ponantur in prædictis oleis, & cōmisceantur: deinde fiat linimentum, addita modica cera. Hoc linimento illinet vniuersos renes vsq; ad sedem, prætermittā spina dorsi: & temporibus calidis illinet eo frigido: hyeme verò modicè calfiat, quoad tepesciat. Præterea laudo vt alterno mane vna hora ante prandium sumat pilulam factam ex mastiche in puluerem redacta, quæ optima sit, & electa. Hæ autem pilulæ formentur cum melle rosaceo: pondus singularum pilularū erit scrupulus. Hoc modo si perseuerauerit in hac victus ratione, & his remedijs vsa fuerit, non vereor quin S. D. non sit intentam sanitatem consecutura, ad laudem Dei omnipotentis.

Consult. LXXVI. De affectu hypochondriaco, pro Comite de Montfort Germano.



Aborare Illustrissimum Comitem eo affectu non dubitamus, quem antiqui medici flatum hypochondriacum, recentiores myrachialē appellarunt: ita enim esse, & in æstitiā præter causam, perpetuiq; ferè circa hypochondria rugitus facile ostendunt. Cū verò huiusmodi affectus à contraria intemperie duorum membrorū dependeat, ventriculo in quā frigidiorē,

& hepate calidiore, habemus in Illustrissimo Comite vtriusq; intemperaturę manifestissima signa: nam & tardè admodum concoquit, plurimaq; redundat pituita, & quod ad ventriculum attinet, iuuatur à calidis, nocumentoq; afficitur à frigidis. Renes verò calidiores, arenarum rubearum frequens & copiosa eiection ostendit, vrina lutei coloris, subtilis, pellucida: pustulæq; quandoque erumpentes, mordaces, vlceraq; emanantia, caliditatē insignē hepatis arguūt. Aegritudo igit Illustrissimi D. est intēperies ventriculi frigidior, & hepatis calidior, à quibus proximè generantur symptomata cruditatis, flatuum, mæstitiæ, ob vapores feruefactos & adustos, à venis mesaraicis ascendentes ob materiæ inflammationem in illis partibus collectæ. Hinc oritur curationis difficultas, & morbi longitudo: cū enim ventriculus calidioribus ad curationem indigeat, hepar verò frigidioribus, nō potest medicus alterum sine alterius insigni noxa curare: vnde etiā morbi longitudo cōsequitur, præcipuè quoniā duo illa membra vniuerso corpori nutriendo inseruiūt, quæ cū ægrotent, necessarium est nutrimentū quoq; generari neq; aptū, neq; vtile corpori. Tot igitur sunt causæ, & longitudinis, & malitię morbi, quibus postea si accesserit mala viuendi ratio, & medicorū importuna & malè intellecta curatio, tunc nihil deerit ad perniciem Illustrissimi Comitis perficiendam. Primò igitur pro scopo curandi illud est proponendū, ne aliquis medicus audeat totis viribus, vel magno aliquo impetu ad morbum tollendum proficisci, siue purgando, siue alterando, vel corroborando processerit. Cū enim purgationes fiant per attractionem humorum à tota corporis circumferentia per hepar ad ventriculum, venenosa virtute epharmaci violenter attrahente,

hente, necessarium est vt ab huiusmodi purgatione tam ventriculus quàm hepar mirum in modum debilitentur, exiccentur, proprioq; ac naturali calore destituantur, ac consequenter ad omnem perniciem præparètur. De alteratione verò & corroboratione quid dicere oportet? Quomodo enim vel ventriculus, quantum oportet, calefaciet medicus, vel refrigerabit hepar, sine alterius maximo detrimento? Ergo primùm prouidere debemus, vt placidè moderateque omnia pertractentur, & siue purgatione, siue alteratione indigeat (vtroque enim indigebit) tam hæc quàm illa cautissimè fiat: quodque vno impetu confertim fieri non potest, longo tempore paulatim efficiatur. atque hæc videtur esse tota ratio curationis in Illustrissimo Comite, à qua si tantillum discesserit, præterquàm quòd frustra laborabit, maximis etiam periculis se exponet. Exordiendo igitur curationem magis particularem, dicimus Illustrissimam D. S. potissimam spem in rectissima victus ratione constituere debere: ac primò omni diligentia procurare debet, vt ab omnibus animi molestijs prorsus liberet, fugiat præcipuè aulica negotia, in quibus nunquam ab ambitione, ab æmulatione, ab ira, à suspitione & odio poterit separari: hæc enim omnia ita aulæ & regijs domibus sunt annexa, vt nullo vnquã tempore, neque segregari potuerint, neque poterunt. Quandiu igitur in negotijs aulicis implicabitur, tandiu morborum suorum causam præcipuam fouebit. Ergo si sanitatem procurat, ad animi quietem, & ad tranquillitatem confugiat, proprijsque fortunis amplis & honestis contentus sit, eligatq; habitationem optimi aëris, & iucundam: opportunisque & cōmodis venationibus corpus exerceat, atque in alijs honestis voluptatibus occupetur, cum iucūdis amicis

Bb

versando, ludēdo, & cōfabulando, de nullaq; alia re minus, quā de sua ægritudine sit sollicitus, tantū se custodiat, & muniat, in reliquis morbum contemnat. Cauebit tam à frigore intenso, quā à calore: vnde & ventos omnes euitabit, niuesq; horridas, & pluuias: sed aëri tranquillo se semper exponat: & si quandoq; aliquo vrgēte negotio cogetur in aërē intēperatū accedere, muniat se opportunē his, quę illi tēperaturę aduersari possunt. A Venere non omnino vellē vt abstineret, imò (quemadmodū ego opinor) moderata Venus illi non mediocriter cōferet, si modò cōmodē, & suis temporibus illa vtatur. Tempus opportunū tam Veneris, quā exercitiij est, cū ventriculis sit à cibo vacuus: facta enim prima cōcoctio ne, tam ad Venerē, quā ad exercitiū accedere oportet. Procuret præ cæteris omnibus, vt quotidie habeat alui beneficium: & ad hunc vsum summopere laudo illud etiam quod prius admonui, vt habeat familiarem terebinthinā Cypriam, quam deglutiat ad quantitātē nucis parue, tribus horis ante prandiū, semel aut bis aut ter in singulis septimanis, prout expedire videbit. Nam præterquā quod aluum mollem efficit, ventriculū etiam purgat, obstructions aperit, vrinam prouocat, calefacit ventriculū, neq; propterea hepar lædit, imò & illi mirum in modum confert, aperiendo, abstergendo, & mundificando. Quantum verò ad cibum & potū attinet, primò euitabit tanquam pestem multitudinem cibariorū, sed vnico tantū cibo contentus erit, neque illo copioso, sed semper citra satietatē à mensa recedet. Erunt cibi laudabiles, à quibus nunquā discedet, caro pul-
lorum, hædorū, vitulorū lactentiū, phasianorū, perdicum, & auium campestrium pinguiū, præter coturnices, quas vulgò qualias vocant: vtetur ouis forbilibus,

bus, & recentibus. Abstinebit ab omnibus carnibus antiquis, ab auibus palustribus, à carne porcina, à pisceibus, à leguminibus, ab oleribus, à fructibus, à caseo, & ab omnibus lacticiinijs, ab usu aromatū, à rebus frictis in sartagine. Vinū eliget albū, clarū, pellucidū, bene maturū, mediocriter potēs (vina enim potētia sunt illi maximè infesta) quod etiā vinū moderate bibet, in pradio tantū & cœna: & omnino cōpotationes effugiet. Hec est victus ratio à S.D. diligentissimè seruāda, in qua ferè tota curatiōis spes statuēda est. Quātū verò ad medicamētā, in illis ero admodū parcus: laudarem tamē vt bis singulis annis moderate se purgaret, vere inquā & autūno. Esset purgatio huiusmodi:

℞. Specierum hieræ simpl. 3 ij.

Floris cassiæ 3 x.

Cum saccharo fiat bolus, sumendus hora ante prandium. Deinde

℞. Syrupi de cichorea Nicoli sine rhabarbaro

Mellis rosati ana 3 j.

Aquæ absinthij 3 iij.

Misce pro vno, & sic pro septem. Deinde

℞. Rhabbari electi 3 ij.

Spicæ gr. x.


Irrorentur vino albo aromatico, deinde infundantur in aqua endiuix per horas decem. Postea

℞. Syrupi rosati solutiui 3 iij.

Misce, & fiat potio, danda in aurora cum custodia. Hic est modus purgationis, quem tam vere quàm autumno poterit obseruare. In spatijs verò intermedijs, si quandoq; terebinthinæ vsus non sufficiet ad vetriculū idoneè expurgādū, poterit quandoq; mandere scrupulos duos rhabbari electi, & deglutire tribus horis ante prandiū. Vterur etiā frequētissimè ante pradiū & cœnā saccharo rosaceo ad vnciæ quā-

ritatem: est enim & ventriculo, & hepati, & renibus quammaximè vtile. In extrinsecis autem linimentis parum admodum confido, ideo illa omnia consultò prætermitto. Neque hîc electuarius & confectio- num multitudinem congero, noui enim quantû turba ac multitudo remediorû confertim congesta diu- turnis morbis nocere solet. Et hæc si rectè obserua- uerit, spero Illustrissimâ S. D. bene habituram, cum Dei optimi auxilio, cuius nomē semper sit benedictû.

Consult. LXXVII. De urinæ difficultate cum pru- ritu, & de dolore dorsi ac renum, & de gra- uitate in inguine, & de lue Gallica.



Vpposita historia fideliter recitata, con- sideranda sunt præcipuè symptomata, eò, quia vt hæc tollamus, à nobis consilium petitur. Symptomata autem sunt hæc. Primò quidē conqueritur de difficultate vrinæ cum quodam pruritu: hic enim Magnificus vir cū vult vrinam emittere, id liberè prius efficere non potest, imò dolore afficitur circa partes illas, & quodam (vt diximus) pruritu, ita quòd nō potest liberè mingere, donec prius exierit materia quædā crassa, qua egres- sa facilis postea est exitus vrinæ. Deinde conqueri- tur de dolore circa renes & dorsum. Præterea est aliud symptoma: nam videmus eius vrinam colore glaucam admodū, & est talis color tendens & pro- pinquans albedini, & appellatur rufus à Galeno, se- cundo de temperaturis. Talis igitur est color vrinæ. Secundò, quo ad luciditatem, hæc vrina subobscura apparet: præterea quo ad substantiâ ipsam est subti- lis: quo autem ad cōtenta, hæc habet hypostasim, si- ue potius sedimentum crassum, viscosum: in superfi- cie etiam vrinæ plurima adest spuma. Hæc sympto-
mata

mata in vrina, propter illud sunt considerata, eò quia talis vir circa partes illas dicit se dolorem sentire cum pruritu, & de illis conqueritur membris, ex quibus exit vrina. Conquestus est etiã de alio, quòd in principio vrina esset fœtida, ita quòd secundum quod nobis retulit excellētissimus medicus, qui curam huius Venetijs habuit, medici illi arguebant putredinem vlcerosam in vesica esse: hoc nos non vidimus, sed ipse sic retulit. Sunt postea alia subsequētia symptomata ad hæc, ex quibus illud vnum est, quòd percipit pondus in inguine. ac etiã narrat, quòd si incòmodè pedem in terra figat, aut pedi insistat, sentit dolorē in illis partibus, scilicet in partibus ipsius vesicæ. Habuit & alia annexa symptomata, scilicet morbum Gallicū: vnde fuit perunctus vnctione illa maledicta argenti viui, propter quam dentes ad vnū ex ore decidere, licet visum sit, ipsum ab eo sanatum tunc temporis morbo. His visis symptomatibus, ac fideliter enarratis, singulorum causas inuenire operæpretium duximus, quòd rectè curare, & tollere hæc symptomata valeamus: quoniam ab hisce causis, ex quibus sunt symptomata, curatiuæ sumuntur indicationes. Consideremus ergo singulorum symptomatum causas. Primò quo ad difficultatem vrinæ, quam patitur, dicimus non esse in his immorandum, scilicet in inuestiganda huius symptomatis causa, enumerando causas omnes quæ tale symptoma causare potuerunt, cum aut imbecillitas membri sit, aut materia, aut ambo, quæ materia collum vesicæ obstruxerit, aut aliquod tuberculum: huius causa per se patet. Prætermisissis itaq; omnibus, dicemus causam suppressionis vrinæ esse materiã crassam adhærentē collo vesicæ, & obstruentē meatum illum: obstruendo enim supprimitur vrina, cuius signū euidentissimū

est hoc, eò quia cùm prius laboret vt mingat, hac emissã materia cessat labor & dolor, & postea liberè mingit. Subsequitur postea ad vrinã emissã, & materiam crassã, illud symptoma, pruritus in collo vesicæ, propterea, quia (vt bene dictũ est à suo Doctore) hic Magnus vir calidæ fuit temperaturę, nunc autem cùm sit in ætate senili, in qua dominatur frigiditas, pituita fuit reddita falsa & nitrosa, tum propter adustionẽ, cùm fuerit calor diminutus, tum propter putredinẽ humorũ in senibus, ex quibus fit falsa pituita. Vnde hæc materia falsa cùm per collum vesicæ, quæ est maximè sensibilis, permeet cum vrina, causatur ille pruritus ea in parte, id est, in collo vesicæ, in qua facile figitur materia, cùm ibi sint multæ cauitates, quemadmodũ ex anatome potest cognosci facillè. Et sic habetis iam causas horũ prædictorũ symptomatũ duorũ, quare scilicet difficulter in principio mingat, ac etiã propter quid in ea parte patiat pruritũ, propter materiã falsam in colli vesicæ cauitatibus adhærentẽ. Cùm autem symptomata hæc tales habere causas, scilicet pituitã falsã declarauerimus, reliquũ est vt videamus, à quibúsnam membris mandantibus vesica talem recipiat materiã pituitosã, & cur sic magis ipsa, quàm alia membra fluxionem recipiat, ac etiã per quas vias demandetur: hæc enim suprà sunt declarata: quia iam declaratum est, quæ sit materia fluens, quæ est pituita falsa, crassa, deducta ad putredinem propter aliquam causam, sapore falsa, fœtida. fœtidam diximus, quia prius perceptus est fœtor, licet nunc non adsit, cùm tamen fuerit quandoque magnus, vt retulit Nobilissimus vir. Et ita crassa viscidaq; fuit hæc materia, vt in longum spatium cõtinuè traheretur, absq; hoc scilicet quòd diuideretur. Talis ergo fuit materia. Cur autem vesica

fica potius recipiat superfluitates quàm cætera mēbra, nunc videamus: quia solet etiam talis materia ad pectus, aut ad pulmones, ad pedes, ad articulos, iuncturas, labi. Sed quid fuit in causa, quòd in hoc Nobilissimo viro materia hæc ad vesicā defluerit, non ad alium locum? In corporibus humanis aliquādo aliqua pars alijs reddit imbecillior, & illud non modò contingit, vt scilicet pars aliqua reliquis sit imbecillior propter aliquod accidens, sed à natiuitate etiam. Vnde à natiuitate aliqui habent pectus adeò imbecillum, vt illuc semper defluat materia.

Aliqui verò habent musculos debiles, alij iuncturas, in quibus articularis morbus non abest: alij vesicam, sicut habuit hic Magnificus vir: & sic non modò secundum accidēs aliqua pars alia est imbecillior, sed, vt diximus, etiam à natiuitate. Quòd fuerit per accidens aliquod vesica facta imbecillior, omnibus manifestum est: siquidē hic Nobilissimus vir plurimū equitauit, itineraque habuit, perpeffusque est maximè, ex quibus agitata fuit vesica propter illos motus non parū: vnde est eius virtus resoluta. Præterea huius etiam in causa fuit multus coitus, cui toto tempore ferè fuit deditus: ex quo fuit euacuata humiditas radicalis, exiccata sunt membra, & præcipuè que sicca sunt, vt est vesica. Hac autē reddita imbecilli, transmittūt fortiora membra excrementa ad illam, quia fortius semper mandat ad debilius quod nocet. Et sic quicquid fuerit in causa imbecillitatis virtutis vesicæ, aut victus ratio, aut id fuerit à natiuitate, satis sit scire hoc quòd propter eius imbecillitatem sit. Vesica materias defluētes recipit, quoniā, vt diximus, membrū fortius, vt i. de potentijs naturalibus, & prima primi, doctrina sexta, cap. i i. dixit Auic. expellit superfluitates ad debilius, & minus

nobile. Quòd autem sit reddita imbecillis vesica, patet, quia est eius diminuta actio, quod indicatur ex frigiditate eius. Haftenus ergo habemus quænam sit materia, & qualis, & quæ fluit: & quòd sit membrum recipiēs propter imbecillitatem eius, aut sit imbecillitas à natiuitate, aut propter rationem victus malā, aut propter quid aliud quod inciderit, nihil refert, quia non impedit curationem. His visis, modò per quas vias defluat materia talis ad vesicam, exploremus. Viæ propinquæ, per quas defluat talis materia ad locum, sunt vasa vrinaria: per sola hæc deuenit ad vesicam, & non per alia membra, nisi per resudationem dixerimus. Huius signum est, quia ibi recipitur dolor in membris, quibus adhærent vasa hæc vrinaria, scilicet in vesica & renibus, vt suprà diximus. Si enim materia defluxa est ad vesicam & defluit, certè iter erit per vasa deferentia talem materiam, & contingentia ad vesicam: sed talia sunt vasa vrinaria, scilicet pori dicti vritides, qui contangunt vesicā & renes, vnde talia incipiunt vasa: qui quidem renes recipiunt per venas illas materiam vrinalem ab hepate. Ergo per renes necessarium est quòd materia transeat per vasa vrinaria ad vesicam: per renes inquam, quia est membrum superius. Nunquid autem renes sint & ipsi membra mandantia, inquirendū est. Dico quòd nullum contingit vitiū renibus, propter quod talem mandent materiā: bene tamē crediderim ex attractione materiæ factos esse imbecilliores, ita q̃ malim ego dicere, renes recipere præcipuè à toto corpore, vt postea deueniat materia ad vesicā: & sic sint duo membra recipientia, tamen ad vesicam vltimò terminatur materia. Modò videndum est, quænam sint mandantia. Pro quo obseruandum, pituitam, quam dicimus esse materiam defluentem, partim in ventriculo,

culo, partim in hepate generari, licet differat pituita quæ est in hepate, ab illa quæ est in vëtriculo: quia illa in hepate est mixta sanguini, hæc autem non, vt *11. de facult. natur.* Est quasi purè æquiuoca pituita quæ est in vëtriculo, sicut illa est quæ fluit è naribus, improprie tamen dicitur pituita: sed vera pituita est quæ generatur in hepate cum sanguine, & contradi-
stinguitur sanguini ac alijs humoribus. Nunquid ergo sit membrum principale mandans hepar? Notandum, quòd corpus huius Nobilissimi viri fuit calidissimum, quod patet ex multis signis, & talibus, vt & mutata temperatura denūciat statum præteritum: vt venæ latæ, quæ sunt indicium, vt dicit Hippocrates, hepatis calidi: semper enim manent, etsi mutata sit temperatura. Præterea habitus corporis, habet enim multos pilos, habet corpus subnigrum, virtus vitalis adhuc fortis: quæ omnia sunt calidioris temperaturæ signa, vt & eius calciamenta adurerentur: illud autem erat propter motū, ex quo vapores multiplicabantur, ac penetrabant per cutim ad calciamenta. Fuit igitur calidioris temperaturæ. Sed aliud est fuisse, aliud est esse: modò enim cū deuenit ad sexagesimum annum, non adest amplius caliditas illa, sed deuenit ad frigiditatem: cuius indicia sunt ipsius excrementa, vt vrina: videmus enim vrinam admodum glauci coloris tendentis ad albedinē, qui quidem color attestatur frigiditatem. Si consideretis etiam vrinā quo ad luciditatē, hæc est subobscura: obscuritas autem indicat frigiditatem. Deinde si attendamus spumæ quæ est adhærēs, hoc signum est calorem esse diminutū, quod non potuit materiam illam dissoluere. Præterea sedimentum est crassum, quod denotat pituitam crassissimā, & sic frigiditatem membrorum: si enim pituita, quæ est naturalis,

frigida humida existit, & sentitur, quantò magis si hæc erit crassissima, erit frigida? cùm crassities non proueniat nisi à maxima frigiditate. Et sic cōcludendum, vrinā prouenire à membris frigidis, & indicare membra frigida. Et non tantū ex ijs indicatur, sed etiam ex vno alio, scilicet ex multitudine vrinæ, quæ attestatur frigiditatē: cùm enim sit multa materia, signum est, quòd non potest digeri à calore, & ideo euacuatur per vias has, quemadmodū & per halitum, & per sudorē: nec huiusmodi posset euacuari, si calor dominaret. Et ideo iam patet dominari frigiditatē, maximè cùm sit senex, in qua ætate semper calor diminuitur. Præterea vsus est labore superfluo, qui maximè facit ad exiccationē humoris radicalis. Fuit & coitus, fuit & pestis illa, scilicet applicatio argēti viui, quando laborabat morbo Gallico, quod quidem est frigidissimum, prout considerauere optimè Arabes: dico Arabes, nam Galenus non cognouit. Et notandum quòd Rasis dixit argentum viuum non tantum non esse frigidissimū, sed calidissimū dixit esse in quarto. Sed crediderim quòd Rasis intellexerit de argento sublimato: id enim calidissimum esse in quarto, verum est. At argentum viuum, de quo diximus, est frigidissimū, ita quòd & Auic. dicat hoc inducere paralyses, stupores &c. & penetrat ad medullas ossium, ita vt calorem extinguat naturalē, & est vt venenum. Videtis ergo causas extinctionis caloris: primò est ætas senilis, mala victus ratio in sex rebus non naturalibus, in quibus omnibus iste peccauit: præterea vinctio illa. Quantum etiam ad id adiuet infectio Gallica nō dixerim, quia vos scitis quantum adurat, exiccet, quæ omnia faciūt ad exiccationē caloris, & humidi radicalis, & consequēter abbreviatur vita. Cùm tot ergo causæ cōcurrant, non tantum

tum erit dicere pituitam generari in hepate, & multiplicari, sed & in vetriculo, in capite, ex quo fiunt catarrhi, qui sunt propria passio senum: & hic etiam laborat catarrho. Et cum (ut dixit suus Excellentiss. Doctor) possit catarrhus fluere ad alias partes etiam subiectas, tamen quia in hoc viro vesica est pars imbecillissima omnium, ad eam fluit: nam inuenit vias, vasa, quae diximus, per quae deferatur materia ad vesicam. Et sic iudicium meum est, quod recipientia membra sint duo, & renes, & vesica, quae tandem recipit materiam. Mandantia autem primo sunt hepar, quod generat nunc pituitam, cum sit lapsus a sua temperatura calida ad frigidum, & ratione aetatis, & aliarum supradictarum causarum. Extat & ventriculus multam generans pituitam: & hic est passus etiam dolorem colicum, patitur & catarrhum. Et sic caput etiam mandat, & omnia conspirant ad confluxum: & sic non est mirum si confluat materia multa ad locum: & hic adeo fuit catarrhosis, ut cum spueret siue in templo, siue alibi, multi qui eum nouerant, facile ex viso sputo iudicarent hunc Nobilissimum virum ibi fuisse: & adeo quandoque expuebat, ut multum admirarentur medici, & nunc etiam, licet a frigidis & humidis cibis & pituitam generantibus se continuo abstineat, tamen continuo multiplicatur talis materia. Colligendo ergo fragmenta, ne pereant. Iam habemus quae sint membra recipientia, quae sint viae, & vasa, per quae materia defluat ad vesicam: quae quidem viae sunt latae, & paratae ad deductionem materiae, propter duas rationes: primo propter caliditatem hepatis, quod dilatat, & sic fiunt aperta viae: secundo propter ea quae ad talem viam dilatandam iuuerunt, ut fuit coitus inordinatus multus, equitatio, & huiusmodi, quae trahunt materias ad renes & ad vesicam. Habemus &

quæ sit materia, quæ sint membra hanc generantia. De causa falsedinis materiæ dictū est, illud esse propter putrefactionē pituitæ, cum sit iam senex: ex putredine enim quæ sequuta est ad diminutū calorem naturalē, facta est pituita falsa, nitrosa, quæ falsedine sua proritat partes illas. Ex ijs subsequitur: percipit nocumētum in partibus inguinis, & cum terræ figit pedem, & cum mouetur inordinatè. Et circa hoc notandum quid dicant moderni: inquirunt enim, huiusmodi signis apparētibus indicari lapidem esse in vesica, qui lapis ibi cōquassatur. Cum postea audiūt, quòd virga erigitur, huius causam assignant, esse scilicet vapores in poros illos erumpentes. Excitatur & pruritus quidam ex materia falsa, qui est cum quadam delectatione, eò, quia licet sit falsus, tamen est cum aliquali dulcedine. Hæc sunt signa calculi posita à modernis, ita quòd ijs positis ponat & calculum inesse. Verum huiusmodi signa possunt etiam inexistere ex materia crassa flatuosa: quare non concludunt de necessario, quòd sit calculus in vesica. Et semper aduerti vnum in tot colloquijs, vbi fuerunt excellentissimi viri chirurgi, quòd scilicet nullum signum calculi ex his habeat: at semper volebant ad hoc videndum an sit calculus, vt immitteretur syringa: sic & nos debemus etiam facere. Sed hinc crediderim in causa esse materiam, quam diximus crassam, viscidam, cum aliquali falsedine. Et sic habemus symptomata, & causas eorum. De prognostico autem quid dicam? Id videlicet quod Hippocrates in Aphorif. & declarat Galenus: Nephritici senes non curantur. Habemus prognosticum hoc, quòd non curabitur curatione perfectā, quæ totū auferat morbum: sed bene erit prohibere, ne tanta materia generetur: causam enim generationis pituitæ poterimus dimi-

diminuere, sed nō omnino tollere, ex ætatis dispositione, in qua nunc est: prohibebitur autem recta victus ratione. Et sic oportet hunc nobilissimū virum alijs negotijs postpositis, soli rationi victus attendere, vt sunt res optimi nutrimenti, vinum habens bonum odorem, quod declinet ad aliquā vim incidendi. Vtatur cinnamomo, aniso, ante cibū, quæ possint calefacere: at non exiccetur, sed humectetur, cū sit iam senex, ex optimis alimentis. Pōst se exerceat moderatē, vt dicit Galenus in fine quinti de sanit. tuen.

Balneum autem aquæ dulcis quantū cōferat? Dico nihil conuenientius posse inueniri, & hortor vt bis in septimana temporibus debitis vtatur balneo huiusmodi, quia optimum est auxiliū, quoniam subtiliabit materiam, adiuuabit calorem innatū, & consequenter concoctionem, confortabit membra, & in illo immoretur, donec voluerit: pōst vngatur oleo illo de rosis, quod moderatē calefacit, ne transpiret calor. Pōst caueat ab accidentibus animi, & se gerat bene in omnibus sex rebus nō naturalibus, recta victus ratione instituta. Pōst purgarē, materia tamen prius præparata & concocta. Tandem deuenirem ad corroboratiōē membrorum affectorū: quia alteratio fit facta euacuatione eradicatiua. Sed quoniam in principio adest aliqua materia apta ad euacuandum, vterer leniētibus ventrem, vt cassia, manna, syrupo rosato solutiuo. Hoc facto, essetne regulariter, mittere sanguinem? Sed cū sit senex, & sit materia crassa viscosa, non mitterem. Posteaquā leniſſem ventrem, deinde præpararē materiam, deinde euacuarem, & procederē cum incidentibus hanc materiam crassam viscosam, vt cum syrupo de betonica, de liquiritia, melle rosaceo, oxymelite simplici & composito. Concocta materia deuenirem ad

euacuationem, & euacuarem cum pilulis aggregatiuis, aut confectione hamech, aut cochijs, aut cum pilulis agarici: & vellem quòd vteret ante prandium horas tres diaspolitico, diacalamétho. His factis deuenirem ad alterationem membrorum, vt renum, ne amplius materia per has partes ad vesicam expellere tur. Et id agerem medicamētis roborantibus & ventriculum, & alia membra: essent autem medicamenta, quæ non sint valde calida, vt aromaticū rosatum, syrups de cichorea, diacalamentum, &c.

Consult. LXXXVIII. De fluxu hæmorrhoidum, pro muliere nobili.



Rbitror Illustrissimā Dominam pati fluxum hæmorrhoidum simplicem, neque sufficiens signū est dolor quòd fluat ex mesaraicis, cum flatus quoq; possint dolore facere, vel alia materia ibi conclusa. Quòd verò fæces præcedant vel subsequantur, videmus vtrunque in hæmorrhoidum defluxu contingere. Quando verò sanguis fæcibus est permixtus, tum perpetuò à superioribus partibus emittitur. Id autem non audio hic euenire, imò præcedere vel sequi. Si à mesaraicis procederet, grumi sanguinis essent. Syncope autē est ex multa ea inanitione, vt Galenus x i i. Therapeutices. Ex fluxu autem tali ita refrigeratur hepar, vt nō solūm priuatio sanguinis & spiritus, sed etiam cachexia sequatur, deinde tandem hydrops, quod & hic fit. Habet colorem totius corporis pallidum, quod nota est cachexiæ: deinde tumorem pedum, hoc initium hydropis. Est igitur hepar insigniter refrigeratū, quod priuatur sanguine, & spiritus pauci ac mali generant: & cum calor mediantib. spiritibus toti corpori impartiat, ideo refrigerat spiritibus

tibus omnibus qualitate vel quãtitate corruptis: refrigerationẽ hic intelligo priuationẽ caloris innati, cum qua stat sæpe caliditas ignea, ex varia putredine humorũ. Hinc est quòd quidã hydropici quãdoque plurima bile abundãt, quamuis frigidissimi sint hepatis, & perpetuò citrina repleant aqua, nõ ob aliud quàm ob obstructions, vnde putredo & calor igneus augentur: ideo & frequentissimè hydropici & cachectici febricula laborant, quæ neq; à medicis neque ab ægro percipi potest. Hoc genus febris typhodes à Græcis, ab Arabibus latica appellatur. Ex hoc apparet, cur stãte frigiditate hepatis, in hac Magnifica domina appareant humores acres & erodentes. Cause verò tam copiosi fluxus nõ satis apparẽt vel constant: fortassis sanguis accedente ætate consistente ob caliditatem hepatis redditus est seipso calidior, & inde melancholicus euasit. Multiplicato autem melancholico humore, natura vt par erat per hæmorrhoidas euacuationẽ tentauit. His stantibus proculdubio difficilis curatio erit, quia fluxio induxit habitum malum: hepar & cor refrigerata non facile calefiunt, cùm sint naturæ domicilia: non tamen est penitus desperandum, sed pro virili tentandum: quòd etsi perfectè curari non poterit, præseruanda tamen erit ne in deteriorem dispositionem incidat, vt est hydrops, &c. Quare intentiones sunt, primò vt auertatur fluxus ad oppositas partes: secundò, vt corpus ita regatur, vt generet optimum sanguinem: tertio, vt membra mandantia alterentur, ne expellant, & recipientia confortentur. hoc tamen vltimo loco cum maxima cautela agendum erit: stãte enim sanguine corrupto, si cohiberetur fluxio, sæuissima sequeretur accidentia. Optimè igitur dicebat Hippocr. Vbi hæmorrhoides adstringendæ sunt, venam

femper apertam relinquendam esse. Vt igitur bonus sanguis generetur, id fiet victus ratione cōgrua, ac-
re optimo, hīlaritate animi : ex his enim multiplican-
tur spiritus, tum quantitate, tum qualitate. Exerci-
tium moderatū superiorum partiū, cum pilis plum-
beis. Vinum bibat album, inde enim lucidior & me-
lior sanguis generatur: sed ita præparatum, vt vinde-
miæ tempore accipiat vnam partem vux expressæ,
& duas partes aquæ limpidissimæ, in qua prius deco-
quantur, polypodij lib. iiij. betonicæ lib. x. rosa-
rum siccarum lib. vij. baccarum myrti lib. v. Post
bullitionem fiat expressio, & his addatur vux ex-
pressæ succus, atque ita ferueat secundum consuetu-
dinem. Hoc vinum optimè nutriet, sanguinem luci-
dissimum generabit, atq; membra roborabit. In re-
liquo victus genere non delinquat : nam in corpore
priuato sanguine & spiritu, vel parū proficiunt me-
dicamenta, vel etiam lædunt. Vitet acetaria, salita,
item aromata. Pro auersione, ad partes oppositas
fiant frictiones assiduæ matutinæ, in spatulis & bra-
chijs, suaues, & lenes, longiores tamen, donec rube-
scat cutis. Vbi nimis molestus fuerit fluxus, ventosa
sinistro lateri in splenis regione applicetur : posset
idem in dextro hypochondrio fieri. Item liganda
sunt brachia. Omnino longè tutius est diuertere,
quàm constringere. Quòd si sanguis, qui exit, sit cor-
rodens, manè singulis diebus ius pulli pinguis bi-
bat tribus horis ante prandium : hoc enim maximè
acrimoniam sanguinis corrigit, testariq; possum me
plurimos fluxum hæmorrhoidum patientes hoc so-
lo remedio curasse : sed vsus huius sit per plurimos
dies. Talibus auersionibus leuioribus non iuuantibus,
conueniunt fortiora, videlicet cauteria in spatu-
lis vel brachijs. Hæc de diuersionibus. Pro mem-
brorum

brorum verò mandantium roboratione, applicetur
exterius hepati hoc linimentum:

℞. Olei de spica boni	℥. j.
De rosīs	℥. j. s.
Mastiches	3 iiij.
Sandal. citrinorum	3 ij.
Ambræ	
Musci	ana gr. iiij.

Misce, & cum modico ceræ fiat linimentum pro he-
pate. Pro ventriculo paretur sacculus ex sindone
cum istis pulueribus:

℞. Garyophyllorum	
Nucis muscatæ	ana 3 ij.
Macis	3 s.
Laudani electi	3 iiij.
Sandali citrini	
Rosarum rubearum	ana 3 j.
Ambræ	
Musci	ana gr. iiij.
Masticis	3 vj.

Fiat sacculus pro stomacho.

Interius verò laudarem vsum myrobalanorum che-
bulorum, vt manè vnum assumeret tribus horis ante
prandiū: vel accipiat optimi Mithridati ℥ ij. cum
zucchari rosati semuncia: ista enim maximè faciunt
ad membra naturalia corroboranda. Sume postea a-
quas in agro Regij Longobardiæ, quas non tantum
bibat, sed se in illis lauet. Locum recipientem non
consulo adstringi. Et caueat ne sedeat super frigida
& humida, dura & aspera, motumq; maximè euitet.
Suffumigio infra scripto vtatur, cōfortat enim ea lo-
ca sine manifesta adstrictione:

℞. Laudani electi	3 iiij.
Thuris optimi	3 ij.
	Cc

Sandarachæ


3 j.

Bdellij

3 iij.

Cum mucilagine dragaganti fiant trochisci, de quibus fiat suffumigium. Abluantur etiam loca illa decocto rosarum, absinthij, & betonicæ. Et semel in septimana consulo accipere rhabarbari electi semidrachmā, quia maximè corpus mundificat, & vasa corroborat. His remedijs conualituram suam Dominatio nem non dubitamus, cum auxilio Dei opt. cuius nomen sit benedictum in secula. Patauij. M. D. XLVI.

*Consult. LXXIX. De calculo renali,
pro nobili Germano.*



Ermanus vir nobilissimus, qui calculi affectu laborare cōsuevit, tria nobis proposuit discutienda, quæ à rei euentu orta sunt. Primum, cur in eo tam citò tam multi tamq; magni calculi generarentur, non apparentibus neq; in vrina arenulis, neq; in renum regione doloribus, neq; aliquo horū vestigio. Secundò, quæ sit præseruatio, ne amplius generetur. Et quia ti met ne adhuc sint generati, querit tertio si geniti essent, & signa apparerent, quā arte esset curandus. Quorum omnium facilis apparebit responsio, si morbi naturā, & ea quæ consequuntur, considerabimus. Voluissem autem naturam ipsius corporis cognoscere, siquidem magna ab eo indicationis pars sumenda erat: verum quia nihil de naturali tēperie ad nos scriptum est, morbi naturam, relicta hac, contemplabimur. Calculus itaq; cū eandem, quam reliquæ fluxiones omnes, naturam habeat, etsi res solida sit, tamen de vna parte ad aliam fluit: nihil enim refert, siue id quod fluit sit tenue, vel crassum, & terreū: neque prohibet quo minus sit fluxio appellanda, & sub fluxionum

fluxionum genere collocabitur, eosdemque scopos habebit, quos & ipsa fluxio. Natura autem fluxionum in quatuor consistit: in consideratione membri mandantis, recipientis, viarum per quas fit fluxio, & materiae quae mandatur. Inquiremus igitur primò, quis sit locus generans & mandans huiusmodi calculos: secundò, materiã istorum, & à quibus causis efficientibus proueniant: tertio, vasa per quae defluunt: ultimo loci recipientis naturam contemplabimur. Locum itaq; in quo calculi generantur, vel renes vel vesicam esse ostendit primò ipse Hippocrates, deinde Galenus sexto Epidem. côm. j. tex. sexto, in quo de calculi natura pulcherrimè disserit Galenus: præterea autor ille de renũ affectibus, quisquis fuerit, mentem Hippocratis & Galeni optimè assecutus, idem testatur. Verùm de calculo vesicae nihil dicturi sumus (nam in hoc viro nõ in vesica, sed in renibus generatur) si de his quae nobis indicata sunt iudicare volumus: quare de renum calculis agemus. Sed quoniam renes diuersa habent loca in quibus generari potest, substantiam scilicet & concavitatem, distinguemus in quo hos generatos credimus. In substantia autem seu carne ipsorum renum ita possunt generari (inquit Galenus) sicut in carne & musculis membrorum contingit generari tophos vel poros lapideos. Quae verò sit calculi propria materia & causa efficiens, ex natura rei scire debemus, item ab Hippocrate & Galeno, ex quatuor scilicet humoribus posse generari calculos: vel enim dominabitur pituita, vel bilis, vel melancholia, vel sanguis, qui concreuit, & in lapidem vertitur: crebrius tamen & frequētius ex bile mixta cum pituita: ideo ut plurimũ apparent rubei & subcitrini cum aliquali albedine, qui colores bilem pituitamq; dominari attestantur. Vbi hæc m

riæ, & maximè vbi bilis abundauerit, præcedunt arenulæ fuluæ, asperæ, quæ ex se vniri non possunt, nisi aliquod viscidum, quod ipsos conglutinet, accedat: bilis enim cùm de se sit calida & sicca, fiatq; calidior ob renum caliditatē, quicquid in ea humidi est absumitur, partes terreæ veluti arenulæ remanent. Atq; ita fit vt qui calculum patiuntur, plurimas habeant arenulas: qui verò arenulas habent, tandiu subiecti sunt calculis, quandiu arenulæ fluunt, quæ si in multa copia fluunt, tuti omnino sunt: virtutis enim expulsiuæ fortitudinem ostendunt. Si verò retinentur, periculum est ne statim generentur calculi. Vbi verò pituita bili dominatur, quæ in ipso calculo veluti gluten est, leuiiores sunt, nō ita duri, neq; asperi, neque inæquales aut friabiles, suntq; ex ea calculi minimè periculosi. Inter hæc duo extrema multa contingunt media, secundum variam humorum inter se mixtionem & proportionē, quæ ex colore inter se faciliè cognoscuntur, suntq; hi calculi magis minúsue periculosi, prout ad alterum magis & propius accedunt. Causa efficiens est calor accidentalis vel naturalis existens in renibus: nam siue sint naturaliter calidi, siue accidentaliter, sicut cōtingit propter affectum extrinsecum, vt propter laborem plurimum, coitum plurimū, cibaria calida, hepatis & venarum caliditatem, coquitur huiusmodi materia, non aliter quàm lapides in fornace. Hæc verò materia causas habere potest procatarcticas, quæ sunt mala victus ratio nō tantum qualitate, sed & quātitate peccans, ex qua multæ cruditates generantur. Addebat Auicenna debilitatem virtutis expulsiuæ, quæ si fortis esset, priusquàm materia ea excoqueretur, expelleret, atque ita ipsorum generationem prohiberet. Si igitur segnis est, & calor fortis, & materia præparata,

rata, facillimè calculi generabuntur. At vbi calor ille est factus idoneus ad calculi procreationem, difficillimum erit ipsum ab hoc vitio retrahere: nihil enim, etsi diligenter aduerterimus, quod magis sit reciduum, quàm ipse calculus, quippe qui bis, ter, aut quater in anno generetur. Viæ, per quas hi calculi transeunt, sunt vasa vrinaria, quæ renibus coniunguntur, per quæ & vrina & materia hæc expellitur. Possunt autem hæc esse vel angustæ vel amplæ: si angustæ, difficilis erit meatus cum dolore, ita vt nonnunquam in transitu in syncopen incidant, & aliquando moriantur: si sunt amplæ, ita vt sine dolore calculi decidant, sintq; hi lenes ob pituitæ dominium (sunt enim hi quàm qui à bile flaua proueniunt multò benigniores) his defluxus erit facilior, & sine ægri molestia. Membrū recipiens calculum est vesica. Nonnunquam autem cōtingit, quòd lapis in renibus genitus mandetur ad vesicam, in qua si moram traxerit ob materiam continuè defluentem augetur: adhæret enim illa lapidi ob viscositatem, vt tandem propter longam moram in vesica insignis lapis procreetur. Accidit autem id ob virtutis expulsiuæ in vesica imbecillitatē, quæ si fortis fuerit, illicò vbi transmissus est ad ipsum calculus, expellit ad virgam, quæ si amplum habet meatum, facillè & sine dolore expellit: si verò angustum, cum summo dolore. His omnibus consideratis, totam calculi naturam quo ad suas causas inuenimus, ex quibus facillè possumus respondere. Primum est, cur tam citò, tam multi, & tam magni generentur, & sine dolore expellantur, & non præcedant arenulæ. Si modò huius nobilis viri temperatura & propria natura nobis esset cognita, melius iudicaremus: vt ex calculis tamē cōiectare possumus, quos flauos & albicantes intelleximus, pituitā

bili commixtam dominari colligimus : habere enim debet hepar & renes calidos , nutritus multis cibarijs calidis & optimis vinis , ex quibus aggregantur multæ superfluitates : & licet cibus (vt scribit) exquisitis vſus fuerit , nihilominus tamen eos quantitate ea ſumere potuit , vt cōficere eos minimè potuerit , indeq; plurimæ creatæ fuerint cruditates . In aëre præterea frigido degit , vbi pori adſtringuntur , excrementaq; plurima redundāt . Habet præterea viarum amplitudinem , quam hepatis caliditas indicat . Cū igitur plurima abundet materia in hoc corpore , & renes ſint naturaliter calidi , ideo plurimi calculi generantur . Et quia caliditas renum eſt cauſa efficiens , eaq; eſt valida , ideo citò generatur : fortitudo enim cauſæ efficientis , & multitudo materiæ , cauſa eſt quare plurimi crebrò & citò generentur . Quòd autem non ſentiat dolorem niſi quando per virgam egreditur , & non in tranſitu à renibus ad veſicā , cauſa eſt , quòd calculus ille generatus eſt in cavitare renum : & quia vrinalia vaſa habet ampla , ideo in tranſitu non ſentit dolorem . Dolor enim à duplici cauſa prouenit , vel ab intemperie , vel à ſolutione continui . Hic verò nō poteſt eſſe dolor ob intemperiem , quia in lapide nulla inſignis aliqua qualitas reperitur . Fit igitur ſolutionis continui ratione . Sed cū viæ ſunt amplæ , non ſoluitur continuum , ideo nec dolor fit . Atq; ita cū ſit calculus albicans propter dominium pituitæ , & non friabilis , ſitq; genitus in concavitare renum , qui ex ſe nullius ſenſus ſunt , nec premendo , neq; incidendo , neque extendendo potuit ſoluere continuum , accidit vt ſine dolore tranſmitteret . Quòd verò dum ſecundo Nobiliſſimus vir hunc pateretur affectū , circa lumbos ſenſerit dolorem , contingit , quòd hi calculi nō in cavitare , ſed
in ſub-

in substantia renum essent geniti: & licet rarò ob fibras sit aliquis sensus, tamè quoniam intumescibat & extendebat membrana quæ validissimi est sensus, ideo percepit dolorem, quem sensit quousq; in carne permanfit calculus: cum verò ad cauitatem pertransiisset, neq; amplius compressionem extensionemq; faceret, dolorè amplius non percepit, donec ad virgæ meatum peruenissent: & quia parui calculi erant, minimè dolorè excitabant: tres autem illi maiores, qui ad fabæ magnitudinem excreuerant, dum ad virgam protrusi essent, ob eorum magnitudinem grauissimum dolorem excitauerunt: hærebant enim impacti ibi ob meatû virgæ non capacè, & anfractuosum, ita vt meatum obstruerent, & vrinam patiens reddere non posset, tum aquæ illius diureticiæ auxilio, vrinâ prouocâti, expulsi sunt. Quare autè ipsos calculos non præcesserint arenulæ, vt in pluribus contingit, hoc ideo euenisse credo: licet enim sit latarum viarum, & virtus expultrix validissima, tamen renes adeò sunt calidi, vt concoctio à validiori calore & maturatio, expulsionem arenarum præueniret: nam vbi materia illa est in renibus, statim à pituita corripitur compingiturq; atque ita subitò calculus fit, qui concretus sine alicuius arenæ præmissione eijcitur. Ad secundum igitur nobis propositum accedimus, in quo præseruationem nobilis hic vir à calculi generatione quærit. Sed quoniam indicationes præseruandi, à curandi rationibus non multum variant (quæ enim præseruant, eadem valent ad curationem) ideo simul & de præseruandi, & de curandi ratione dicemus. Aëris itaq; excessus omnes pro viribus sunt euitandi, frigus tamen præcipuè fugiendum. Circa renum regionē nihil applicet, à quo vel caloris vel frigoris redundantiam percipiant, pror-

fusq; studeat vt omnia temperata in caliditate & frigiditate tam per os, quàm per exterius corpori admittat: hic enim morbus hoc habet propriũ, vt vtroque tam caloris, quàm frigoris excessu lædatur. Animi omnes ingentes motus quantũ humana fragilitate fieri potest euitet, præcipuè iram & mœrorẽ. Somnos longiores effugiat præsertim meridianos, & nisi noctu occasione aliqua impeditus fuerit, tempestiuè surgat, coq; tempore exercitio tam animi quàm corporis commodissimè vtatur: vtrunq; enim alternatim admitti potest, præcipuè corporeum vsq; ad sudorem & anhelitus frequẽtiam, magnitudinemq; expetendum, ita tamẽ vt peracto eo aërem frigidum fugiat, & si sudauerit, sudor exquisitè abstergat, quiescatq; vt inter prandium & exercitiũ saltem vna hora intercedat. Procuret omni conatu quotidianas alui excretiones. At si aliquando defecerint, hoc familiari vtatur præsidio. Manẽ hora vna aut altera ante prandium gallinacei iuris heminam amplam bibat, in quo decoctus sit manipulus malux & mercurialis, addita in fine portiuncula zucchari. Eundem vsum optimè præstabũt caricæ pingues, hoc est, ficus aridæ, si decem aut quindecim iugiter in prandio sumantur: præterquàm enim quòd aluum mollem efficiant, renes etiam non mediocriter purgabunt. Bis tantũ singulis diebus, prandio inquam & cœna, cibum moderatè & citra saturitatem assumat, neq; in medijs interuallis potet, quandò & intra comedendum parcè admodũ bibendũ censeo. Sit autem vno cibi genere cõtentus, & præcipuè euitet carnes, lac, & butyrum, lacticiniorumq; genus omne piscibus commiscere. Ad secundum cibum non accedat, nisi priorem se exactè concoxisse cognouerit: & quomodo scribit se exquisitissimo cibo & potu vti, velim in eo

in eo perseveraret: verum quãtatem & varietatem eodem tempore euitet: velim tamẽ vt à piscibus omnibus abstineret. Carnes eligat vitulinas, hædinas, pullaceas, aues omnes quę in montibus & locis campestribus minimeq; palustribus degunt, lepores quoque & cuniculos iuniores. Utatur ferculis bene elixatis, qualia sunt far, oryza, spelta. Sumat iura omnia, in quibus laudatæ carnes concoquantur. Oua forbilia vel simplici aqua elixata summopere laudo. Pro acetarijs & condimentis cappares, intyba, olivas concesserim, nonnunquã æstatis tempore lactucas: in secunda mēsa pyra aut poma cocta, & zuccharo vel sceniculo aut aniso aspersa. Aromata summopere euitet, & iusculorum illa genera feruentissima, quæ non minus comedunt viscera, quàm ipsa comedant, quorũ in Germania & in Polonia est frequentissimus vsus. Vinum eligat tenue, lucidum, maturum, quod nec dulce, nec acerbum est, in quo nullus eminet sapor, nec tamen insipidum, sed potius sapidissimum sentiatur, optarimq; id colore prorsus album. Ceruisiam autem cum flatuosa sit, nisi necessitas cogat, omnẽ dimittendam censeo: si tamen illam bibendo assuetus fuerit, neq; inde nocumentũ percipiat, poterit interdum ea vti, vbi vini probabilis copia defuerit. Hæc omnia si diligenter obseruarentur, satis sufficere possent tum ad tuendã sanitatem, tũ ad remouendos fomites futuræ ægritudinis. Sed quoniam ea est humana imbecillitas, vt neq; in propria vita seruãda semper ratio adamussim seruetur, imò frequētissimẽ homines delinquant delirantq;, ideo adminicula quoq; adscribent, quibus errores corrigi possint, & sanitas casura fulciri. Primũ itaque cõmodissimum iudico, vt semel aut bis singulis annis totũ corpus exquisitẽ purgeĩ circa idus Apri-

lis & Septembris, essetq; purgatio huiusmodi. Primò sumat hora vna ante prandium optimi floris cassiæ & recentis drach. decem, cum zuccharo ad bolum redactas. Syrupum die sequenti in aurora calidum bibat, quem vsq; ad nonum eundem repetet.

℞. Syrupi acetosi

Mellis rosati

ana ʒ j.

Decoctionis infrascriptæ

ʒ iiij.

℞. Radicum althææ

num. iiij.

Seminum melonum

Maluæ

Anguriæ

Cucurbitæ

ana 3 ij.

Capillorum Veneris

Comarum viridium fœniculi

ana man. j.

Bulliant omnia simul in libris duabus aquæ endiuivæ vsq; ad consumptionem medietatis, deinde coletur & exprimatur, pro tribus vicibus. Sumptis novæ syrupis ita deinde purgetur:

℞. Floris cassiæ

3 vj.

Electuarij de succo rosarum

3 ij.

Syrupi rosati solutiui

ʒ iiij.

Cum aqua capillorū Veneris fiat potio, sumenda in aurora cum custodia. Laudo etiā quòd frequentissimè ante cibum optimi zucchari rosati vnciā deglutiat: summopere enim confert ad stomachi, hepatis, renum corroborationem. His ita hoc anno integro peractis, spero salutem nō renum tantum, sed totius quoq; corporis assecuturum. Quòd si reliquæ quædam permanserint, longa experientia compertū habeo ad hoc genus morbi potum aquæ thermarū ferrearum, quales sunt in Italia in agro Veronenfi Calderianæ, in Lucensi Villanæ, desperatos etiā renum dolores, & aptitudinem ad calculos generandos,
hoc

hoc solo præsidio sæpe prorsus sanari. Sunt autem potandæ in diebus Canicularib. cælo sereno & feruentissimo, præmissis exquisitis totius corporis purgationibus. Vbi verò dolores iam in actu infestaerint, primò vomitū prouocabit, deinde clysteribus per inferius educet materiam intestinis impactam, hoc modo:

℞. Camomillæ

Anethi ana man. j.

Fœnugræci

Seminis lini ana ʒ j.

Cumini ʒ s.

Decoquantur in aqua fontis sufficiēti ad dimidium. Sumatur huius coctionis libra, & misceatur cum vncijs sex olei camomelini, & imponatur. præstantissimum est remedium ad excutiendos flatus, & sedandos dolores. Quòd si adhuc dolor perstiterit, addantur libræ eiusdē decocti, hieræ picræ drach. sex, diaphœniconis drach. quatuor, olei anethini vncia. Exterius verò cum lana succida applicet oleū de scorpionibus, cum oleo amygdalarum amararum confectum, vel oleum liliorum alborum, aut anethinum, vel camomelinū, aut quæ ex his componuntur. Vtaturq; eo tēpore cibo tenuissimo, sitq; illi potus ius pulli calidum cum cinnamomo aut aniso. Si neq; dolor his cessauerit, hac vtatur statim medicina:

℞. Floris cassiæ ʒ vj.

Specierum hieræ simpl. ʒ ij.

Misce, fiat bolus cum zuccharo, & statim vbi hunc bolum sumpserit,umat heminā vnam iuris, in quo decocta sint folia maluæ & hordeum. Velim singulis mensibus pro præseruatione sumeret pilulas tres.

℞. Rheubarbari electi.

Aloës optimæ

Agarici

ana 3 ij.

Rosarum

Myrobalanorum citrinorum

ana 3 j.

Spicæ

Seminis fœniculi

3 s.

Puluerizentur omnia per se, deinde misceantur, & cum mucilagine radicum althææ condita cum zucchero fiat magdaleon, de quo singulis vicibus fiant pilulæ tres pondere drachmæ vnius, quas sumat hora vna ante cœnam. Hæc sunt quæ pro viri huius nobilissimi salute in medium attulimus. Vellemus tamen priusquàm his vtatur prudentissimū medicum consulat, qui pro ægri natura nobis incognita poterit illa moderari: consulatq; de missione sanguinis eo tempore quo bis in anno vniuersales fiunt purgationes, quæ summo opere nobis placeret post primos duos syrupos exhibitos. His omnibus diligēter obseruatis, speramus Dei optimi maximi nutu à summis cruciatibus fore liberum.

VALENTINVS LVBLINVS.

Locus hic postulare videtur, vt ea annectamus, de quibus est Montanus in eodē casu interrogatus, vt tibi omnia candidè cōmunicem, quod quidem fecisse me in reliquis intellexisti. Nam quæsitum est à Montano, sanguisne mitti possit nato quinquaginta septem annos, & laboranti calculo? ita respondit. Dicimus, quoniam bonæ habitudinis est, venas amplas habet, & multum sanguinis, bene potest etiam in hac ætate respectu huius morbi sanguinē mittere. Porro hæc missio in vere fieri debet, & ex basilica dextri lateris. Quantitas sanguinis mittenda est secundum considerationē temperaturæ & substantiæ sanguinis, obseruando diligēter qualitatem regionis, naturamq; eius & proprietatem, ac etiam rationem latitudinis

titudinis & eleuationis poli. Vfus erat antè vino
 sublimato cum hedera syluestri, & calculos excreue-
 rat ea medicina: cur sibi nunc interdicaſ quæritur,
 cùm ipſe iuuamentum ſenſerit? Poſſet iam quæri, v-
 trum vinum ſublimatũ illud cum hedera prodeſſet
 ad calculum renum. Sed quia illud non quæſitũ eſt,
 ad id quod quæritur reſpondemus. Quod à calore
 & ſiccitate concretũ eſt, non poteſt niſi per contra-
 rias qualitates diſſolui & liqueſieri: ita & de calculo
 rum diſſolutione ſentiendum. Calculus renum ab i-
 gneo calore concoctus, non poteſt vino ſublimato
 aut rebus calidis & ſiccis diſſolui, imò ab his magis
 induratur. Quòd autem ad diſſipationem & diſie-
 ctionem calculorum attinet, ſciendum, quòd illi qui
 ex calore cocti & concreti ſunt, non diſijciuntur, ni-
 ſi per ſubſtantiam ſubtilem & penetrantem ad fun-
 dum uſque, ſiue ea ſubſtantia ſit frigida, vt eſt ſuccus
 limonum vel acetum, ſiue calida, vt vinum ſublima-
 tum, & aquæ deſtillatæ aliæ calidiores etiam in ter-
 tio gradu: de quibus aquis diſijciẽtibz calculos om-
 nes medicorum libri ſunt repleti. Quare vinum adu-
 ſtum ratione ſubſtantiaẽ ſubtilis & penetrantis diſij-
 cit lapides, ſicut in hitorijs de aceto Annibalis legi-
 mus, quo ipſe rupes & moles lapideas fregit & diſie-
 cit. Quo ad præſeruationẽ, ne congregentur are-
 nule, & fiat calculus, ſuperfluũ exiſtimo aliquid ad-
 dere, cùm illud in cõſilio noſtro, quod ante menſes
 aliquot Dominationi ſuæ miſimus, ſatis clarè oſten-
 derimus. Caueat ab eo quod ab aliquo ei (quantum
 intelligo) perſuaſum eſt, quod mihi diſplicet, nempe
 vt quotidie vtatur cibus illis qui vrinam prouocant,
 vt petroſelino, quod omnibz cibus immiſcet, & cum
 ijs vtitur: quo petroſelino tanquã cum medicamen-
 to incõuenienti ipſe omnem materiam trahit ad lo-

ca imbecilliora, vt ad renes & vesicam, quo meatus ampliatur & maiores fiunt, & ita ipse multos fluxus eo petroselino prouocat, qui solet esse error non minus communis medicis illis vulgaribus & imperitis (vt aliqui inepti pharmacopœi sibi medendi prouinciam vsurpant) in quos plerunq; impingunt. Quod calculi tam graues in renibus nō excreuerint in tantam quantitātē, facilē cōcedo. Non enim video quo modo tam grandes lapides per tantam angustia mittere queant sine maximis doloribus & vitæ periculo. Sed veritati videtur admodū consentaneū, quod in renibus cœperunt fieri, & cū ad vesicam postea venerūt, creuerūt paulatim & aucti sunt, donec vltimē sunt expulsi. Quomodo euitari possit fluxus catarrhalis, quo sub finem hyemis laborat quotannis? Ad euitandū catarrhum, necesse est vt regimen victus in nostro consilio descriptū diligenter obseruet, si quidem suam sanitatem cōseruare velit. Præterea ibi memoratis ter vel quater in mense vti poterit pilulis infra scriptis vesperi hora vna ante cœnā:

℞. Agarici electi

, 3 vj.

Aloës optimæ

Garyophyllorum

Nucis muscatæ

ana ʒ j.

Puluerizentur omnia per se, postea misceantur, deinde infundantur in succo rosarum puro, & permittatur exiccari subtile, & ita iteret septies. Postea cum syrupo de stœchade fiat magdaleon, de quo formantur pilulæ tres pro singulis vicibus. Est etiam maxima & optima medicina pro euitando catarrho, confortare ventriculum, hepar, renes, & vesicam, quod fiet si singulis diebus ante prandium & cœnam sumat zucchini rosati vnciam, vel semunciam.

CON-

*Consult. LXXX. De calculi præseruatione, pro
Reuerendiſſ. Cardinali Petro Bembo.*



Voniam arenæ quæ in vrinis subsistunt, calculum fieri vel in renibus, vel in vesica indicant, vt quarto Aphor. Galenus testatur, dolor autem affectû distinguit, vt secundo de locis affectis ostenditur, certû est perferuerate dolore in renibus, ac simul arenulis in vrina subsistentibus, renes ipsos à calculi suspitione minime liberandos. Ergo Reuerendissimus Dominus meus, cui omnia debeo, cum in hoc ipso discrimine sit, summa ope adiuuandus est, ne incidat in deterius: quod spero facillimum fore, tum quia sua Dominatio prudentissima, & tuendæ sanitatis studiosissima semper fuit, ac præceptis exquisitissimè parens, quæ saluti profutura cognouerit, tum quia me plurimû amat, mihiq; consulenti maximè cõfidit: quod quantum momenti afferat, vt medici remedia proficiant, indicat Auicenna sexto naturalium, qui fiduciam ægri, quam de medico concipit, & arti & consilio, & omnibus medicinæ instrumentis præferendam opinatur. Circa præseruationem igitur totum cõsiliû vertemus, non enim iam factum, sed futurum incommodum curamus, atq; ita rem moderabimur, vt ratione quoq; podagræ habeamus: nam audimus suam D. in eam proximè incidisse. Alioqui duo isti affectus, renum inquam calculus, & podagra, talem inter se consensum perpetuò seruant, vt peritus medicus, dum alterû curat, non minori studio debeat alterû curare, ita eneniet vt cum duobus simul sit dimicandû. Proponemus ergo duo instrumenta præsentis negotio maximè necessaria, alterû in ratione victus, alterû in medicamentorû quorundâ auxilio cõsistēs.

Quantum ad rationem victus attinet, primò D. S. quàm maximè fieri poterit, omnem aëris excessum euitabit, frigus inquam, solis ardorem, vêtos præcipuè meridionales, & ex opposito septentrionales, pluuias, nebulas, & reliqua huiusmodi quæ cœli temperiem ad immodicos flatus trahunt. Propterea & cubicula, porticus, stationesq; eligat temperatas, atq; ab huiusmodi prorsus incommodis muniet caput, & capitis operimenta ita moderabitur, vt neq; aggruari caput, neq; refrigerari sentiat. Catarrhos enim & destillationes summo opere cauere debet, tanquam quæ ad calculos generandos non parua afferant occasionem. Reliquas etiam corporis partes indumentis, siue noctu, siue interdiu, talibus muniet, quæ nec nimis calefaciant, nec parum à frigoris iniuria tueantur: renesq; præcipuè tueri debebit, vt nullo qualitatibus excessu laborent. Omnino enim huius affectus proprium est, vt pariter tam ab immoderato frigore, quàm calore excitetur: ergo vtrunq; vitare oportet. Exercitijs vtetur temperatis, videlicet vsq; ad anhelitus mutationem, cauebitq; præcipuè à pomeridianis. Horum cōmodissimum tempus erit, matutinis horis, vbi prius corpus rectè fuerit procuratum, alui, vrinæ, scretusq; educationibus, capitis congruis pectinationibus, faciei, manusq; lotionibus. Ab exercitio quiescat: nec citius ad prandium accedat, quàm anima spirituq; exquisitè sedato, & calore ad pristinum gradum remisso. Animi verò molestias, sed præcipuè iracundiam & mœstitiā tanquam pestes euitet: inde enim & concoctiones deteriores fiunt, & feruor sanguinis præter naturā augetur: nam in mœstitiā quoq; interius augetur, nisi cū immodica fuerit & diutissimè perseuerans. Ab his autem causis calculi potissimè generantur, si corpora fuerint

fuerint præparata, vt perito medico facilè patet. Studebit etiam diligenter, ne post cœnā prius cubitum accedat, quàm duæ horæ excesserint: nec supinus omnino cubabit. Somni tempus septem horas non excedere optauerit, nisi fortè longa consuetudo secus faciendū persuadeat. Manè circa Solis ortum surgere enitetur: si tamen ea hora dormire cōsueuerit, saltem moderabitur, eniteturque vt quambreuissimus somnus sit: tuncq; magis laudarem, vt sedens potius dormiret, quàm decumbens. Postea D. S. exquisitissimè procurabit, & huic etiam præsidio tanquam saluberrimo maximè fidet, vt singulis diebus semel tantum alius cōmodè ducatur. Et si fortè vomere cōsueuisset, aut certè facilè ad vomendū accederet, laudarem summopere vt singulis mensibus euomeret, inde enim & euacuaretur corpus, & humor auerteretur. Præterea ad cibum non accedat D. S. cruditate existente in ventriculo, sed expectabit sensum appetitus manifestum: & in ipso comedendi initio semper aliquod iusculum, vel liquidum assumet edulium, deinde ad solidiora vertetur, ita tamen vt nec varia, nec multa offerantur. A varietate cauebit, verbi gratia, carnes cum piscibus admiscere, aut cum utroq; fructus, aut lacticia: nec minus oua piscibus malè adhærent. In stomacho diuersarum naturarum cibi admiscendi non sunt, & præcipuè si qui facilè putrescunt, solidioribus succedant, vt lac aut fructus horarij carnibus. Vitabit etiam cibaria ex diuersis generibus cōfecta, sicut est omne placentarum genus, quod vulgò tortas & roffiolos appellāt. à frixis præcipuè abstinebit, sunt enim inquinata potius, quàm cocta. Hæc autem omnia licet ad reliquū vsum sanitatis maximè euitare conueniat, præcipuè tamen ad præseruationem à calculo, in quo cruditates om-

nes prorsus sunt fugiēde. Cibo assumpto, sensim quidem deambulet, vt facilius ad ventriculi fundū descendat, à valido tamen exercitio & equitatu cauebit. E ferculis comedet ptisanam hordeaceam, far, oryzam cum lacte amygdalarum, & zuccharo, ac modico cinnamomo. Iusculum paretur cum petroselinno, & omphacino liquore, quem vulgò agreftam vocant: rarò boraginē, betam & fœniculum comedat: nonnunquam tamen cucurbitam, ac caules hyemis tempore, nō omnino vituperamus. Pro acetarijs vetur cappare, cichorio, lactuca, boragine, endiuia, asparago etiam & dauci specie quam carotam appellant, præcipuè corpore puro existente. Quòd si talem sibi viuendi rationē præscribet, multum illi auxiliij allatura est. E fructibus horarijs ante cibū interdum assumet, sed parcè, pruna bene matura, præcocia, armeniaca, persica, magis tamē melopepones & optimas ficus eligimus, omnia tamen parcè sumenda, sunt enim potius humectādo & refrigerando corpori, & aluo leniendæ, quàm nutritioni expetenda. Ex autumnalibus verò post cibum comedet pyrum decoctum vel cotoneū cum zuccharo, tamē neque admiscebit anisum, vel fœniculum, vt nonnulli perperam faciunt. Carnes comedat, ex agrestibus lepores, si iuniores fuerint, sin secus, omittendi: idemq; de ceruis asserimus. Nec omnino malum pronunciamus, si quandoq; apri modicū ingesserit, est enim optimi alimenti, & si modò parcè sumat, non ita difficulter cōcoquit. Aues item comedet, quales perdicæ, francolini, phasiani, turtures, turdi, & reliqua id genus montana omnia: nam notissimū est ab omnibus palustribus abstinendum. Ex domesticis verò animalibus, hœdi annales, castrati, vituli lactentes, pulli gallinacei & columborum: à reliquis abstin-

bit,

bit, præsertim à carne bubula. In vino autem eligendo, non modicum studium adhiberi oportet: habet enim vinum præ cæteris alimentis quòd corpus humanum maximè afficiat & mutet, tum quòd citissimè & plurimùm nutriat, tum quòd copiose ingeratur, tum quòd sit eius vsus assiduus, quæ pane excepto, nulli præterea alimento contingunt. Vinum igitur eligetur quod quàm maximè fieri potest, nullum qualitatum excessum habeat: neq; enim nouum esse debet, neque peruetustum, sed medium: nec album, nec atrum, sed subrubrum: nec potens, neque adeò pauciferum vt ventriculo noceat, sed moderatum. Duo tamen suprema in vino desideramus, vnum vt quātenuissimū limpidissimūq; sit, atq; permaturū, nullius aciditatis vel dulcedinis particeps, sed eum maximè saporē præ se ferat, quem vinosum vocant: talia ego sæpe bibi Romæ Salernitana. Hæc sunt quæ circa omnē victus rationē optauerim Dominū meū semper obseruandissimum obseruare, qua obseruatione spero assecuturū, vt nō tantū à calculo, & molesta podagra præseruet, sed à reliquis quoq; innumeris morbis diutissimè immunis persistat. Quantum verò attinet ad medicamēta, ea quidē pauca admodū & leuissima proponemus. Si enim talem viuēdi rationē sibi cōstituerit, qualem præscripsimus, nō erūt medicamentorū auxilia multū necessaria. Quia tamen non semper lineā ita exquisitè attingere possumus (homines enim sumus) propterea laudo, præcipuè si fuerit assuetus, vt bis in anno, principio inquā veris & medio autumno, scilcet mense Octobri, suauiter purgetur, vt nobilia & delicata corpora solent. Deinde vt toto anno rhabarbari vsum familiarem sibi proponat, ita vt saltem ter in mense assumat ex eo, quantū sunt duo scrupuli vel integra drachma,

siue mandendo & deglutiendo absq; alterius uei cōmixtione, siue permiscendo vel cum zuccharo rosato, vel cum passulis, prout Dominationi suæ cōmodius esse videbitur. Studebit autem vt habeat myrobalanos chebulos optimè conditos, qui ex Alexandria deferuntur, quorū vnum manè tribus horis ante prandiū assumet: est enim optimū & singulare remediū non tantū stomacho, & membris omnib. naturalibus corroborandis, inter quos renes cōnumérant, sed cerēbro quoq; vt etiā sensus omēs tam interiores quàm exteriores exacuat, ac præterea gustui satis iucundū sit, & humanæ naturæ familiarissimū.

*Consult. LXXXI. De arenulis & metu
futuri calculi, pro iuvene Siculo.*



VM hepatis ac renum caliditas, efficiēs causa sit vt arenæ & calculi generentur: materia autē sint humores, partim biliosi, partim pituitosi, qui ex praua victus ratione suam originē ducūt: ideo in legitima eius morbi curatione, vtraq; causa necessariò est submouenda, ita sanè vt nimia eorum viscerum caliditas mitigetur, dictorū autem humorū copia inhibeatur. Ad ea verò præstanda, duo potissimū sunt instrumenta, quorū alterū est optima victus ratio, quæ etiā magis necessaria mihi videt: alterū verò est illud, quod ex medicamentis peti solet auxilium. De priori itaque in primis, de posteriori autem deinceps dicemus.

Communis viuendi ratio non tantū ex cibo & potu, verū etiam ab aëre, animi affectibus, somno & vigilia, inanitione & repletionem, motu & quiete, solet immutari: quinimò hæc posteriora, nō minorē quàm cibus & potus, vim habēt corporis immutādi. Propterea in ea præseruatione quam in Nobili hoc viro mo
liri

liri tentamus, omnia ex æquo sunt cōsideranda. Igitur ab omni aëris tam calidi quàm frigidi excessu: à deambulatione ac labore omni qui fit in aëre aut ob solem cōfluente, aut à vëtis agitato, potissimū verò ab Euroaustro & Austro, quoad per ipsum fieri potest, abstinere. Minimè autē in cubiculis quæ aut in plana humo sint, aut humida, sed ne sub dio quidē, aut sine stragulis, aut nudus, vt in magnis cōstitibus fieri solet, dormiet aut cubabit. Ab ira, tristitia, omniq; animi grauiori molestia ac perturbatione, pro viribus sibi tēperabit. Corpus manē exercebit, aut vesperi per horā vnā ante cœnam. Nec tamen statim ab exercitio cibum sumet, sed per spatiū mediæ horæ ad minus quiescat. Neq; ab exercitio adhuc calidus vestes deponet, nec vento, aëri ue frigidiori se exponet. A cibo, longiori quoad fieri potest temporis spatio, ab omni corporis atque animi labore abstinere. Igitur neq; scribendum, neq; legendum illi est aliquid, nisi id cum voluptate aliqua coniunctū sit, & minimè fatiget. Hoc verò spatiū in horas aliquot extendi vellem: quòd si tandiu quiescere illi non licebit, saltem vt ferò ad labores sese cōferat, pro viribus curabit. A cibo debet à somno abstinere, potissimū à prandio: à cœna verò nisi post duas horas erit illi dormiendum. Manē autē surget è lecto tempestiuè: hoc enim renibus, oculis ac membris omnib. summopere prodest. Igitur à longiori ac nimio somno sibi temperabit. Dabit etiam operā vt singulis diebus alui excrementa educant, id quod si spontè non fiet, iure inferius describendo per horā vnā ante prandiū assumpto, id fieri curabit. Huius autē iuris ea viserit, vt nō tantum aluū mollire, sed humores etiam temperare & renum caliditatem possit mitigare.

℞. Hordei mundati pugillum j.

Dd 3

Radicum althææ num. iij.

Mercurialis man. j.

Bulliant hæc omnia in libris duabus iuris pulli, donec dimidium absumatur: & addito sacchari tantillo, dicto iam modo, calidum bibatur. A coitu etiam potissimum abstinebit, & penitus quidem à cibo. Ille autē in coeundo perniciosus erit modus, si præter ordinē ac rationē fiat: ut si in coitu diutius immoretur, nec præparatū iam semē statim emittat: si præter naturę ordinē mulieri vir subijciatur: si stans coeat, aut alio modo qui nimium fatiget, & dorsum labore nimio afficiatur. Hęc verò omnia ab hoc iuvene in coitu sunt obseruanda, ut quæ maximi in hoc affectu sint momenti. Igitur in coitu temperantissimū illum esse oportet, & si me auscultabit, in duabus septimanis, aut ad summū in vna semel tantū coibit. Ea siquidem Hippoc. est sententia, Vnciam vnam seminis importunē eiectionis, plus afferre detrimenti, quàm sanguinis quadraginta: idq; non tantū renibus, sed capiti quoq; ac membris omnibus maximè est noxium.

Quod ad cibaria attinet, in primis abstinebit à pane nō ut decet fermentato, aut minus probè cocto, à crustulis & bellarijs quocūq; modo paratis: à pane etiā quacunq; alia ratione præterquā in furno, ut sub cineribus cocto: & si oleū aut butyrū aut liquor alius admixtus illi fuerit. Pessima etiam sunt omne genus pastilia, ut offulæ, & lagana, & fercula omnia quæ ex attenuata pasta parari solent, siue ea simplex, siue alijs rebus sit admixta: & quanquā quocūq; modo cocta noxia sint, in sartagine tamen frixa, ut in vniuersum frixa omnia, admodum sunt perniciosa, potissimum verò cū alioqui tota sua substantia aduersentur. Euitandę illi sunt antiquę carnes omnes, ut boū, castratorū, suum, & reliquorū huiusmodi animalium:
auium

animum præterea palustrium, ut anatū & anserum: pisces quoque maiores, ut thunni: reliquos pisces comedet moderatè. Lacticinia omnia illi sunt fugienda, quemadmodū etiam caseus tam recēs quàm salitus. A cibo fructus nullos: ante cibum verò generosi peponis partem aliquam, & pruna probè matura comedere licebit, omnia tamen parcè. oua recentia sunt illi salubria, aut in cineribus cum cortice, aut in aqua sine cortice, prout illi magis arridebit, ita cocta, ut mollia sint ac tenera, non dura. A ciborum varietate in vna mensa sibi tēperabit, & vnico cibi genere contentus erit: & tota vnus diei alimonia in tres partes diuisa, vnā in prandio, duas verò in cœna sumet. Olerum genus nullum probo, præcipuè crudum, ut acetaria: quanquam cappares, asparagos, & lupulos, cū tempestiua fuerint, ut parcè comedat illi concedo. Potus erit vinū album potius quàm nigrum, subtile, & quoad fieri potest, minimè potens: quod dilui etiā debet aqua nō admodum frigida, quæ non recēs sit ex puteo aut fonte hausta: nōnunquā etiam cū glycyrrhiza aut hordeo aut althæa, prout vrina magis aut minus est mitiganda, decoqui debet. Hic autem illi perpetuus mos erit, ne ingerat cibaria aut nimis calida, aut nimis frigida, sed temperata. Hæc, quod ad viuendi rationem attinet, ut à calculo præseruetur, dicta sint satis. De medicamentis autem ita à nobis est statuendū. Cū morbi paroxysmus constituta quadā periodo ad mediū Maij mensē reuertatur, & vsq; ad medium Iunij perseueret, certam ac statam euacuationē, inferius illi præscribendam, ad medium Martium circa, moliri omnino est necessarium. Illud autem in primis mihi probaretur, ut ex basilica eius lateris in quo vehementior percipitur dolor, siue illud dextrum sit, siue sinistrum, sanguis

mitteretur. quòd si latus vtrunq; dolor infestaret, in dextro venā secandā esse iudicārē. Mittēdi sanguinis pondus infra octauā ne subsistat, sed ne decimā quidem vnciā excedat. Particularis autē euacuandi ratio & progressus erit huiusmodi. Antequā euacuationē auspicetur, per duos dies rectā viuendi rationem instituet, & in cibo ac potu parcior erit, quā antea cōsueuerit. Tertia autē die, per horā mediam ante prandiū, floris cassiæ drachmas decē accipiet: sequenti verò die, cū iam cassia suam absoluerit euacuationē (alioqui per clystere in quo sit mel rosatum, alius erit excitanda) hora diei tertia, eo quo diximus modo, mittendus est sanguis. Quinta demum die inferius describendis syrupis vti incipiet.

℞. Syrupi acetosi simplicis

Mellis rosati

ana ʒ j.

Decocti infrascripti

ʒ iiij.

Misce pro vno syrupo.

℞. Radices althææ

num. iiij.

Seminum maluæ

Melonum

Anguriæ

Cucurbitæ

ana ʒ ij.

Capillorum Veneris

Comarū virentium fœniculi ana man. j.

Bulliant omnia simul in libris duabus aquę endiuie, vsque ad consumptionem medietatis, deinde coletur & exprimatur, pro tribus vicibus: & sic perseueret vsque ad nouem syruos. Sequēti verò die, post syruos accipiet purgans hoc medicamentum:

℞. Floris cassiæ

ʒ vj.

Electuarij de succo rosarum

ʒ ij.

Syrupi rosati solutiui recentis

ʒ iiij.

Misce, & cum aqua capillorū Veneris fiat potio, da
da

da in aurora cum custodia. Octo deinde consequen-
tibus diebus, aut etiā quindecim, id quod longē uti-
lius fuerit, manē ac vesperi, per horam vnā ante ci-
bum, accipiet sacchari rosati vnciam mediam. Atque
illi suadeo vt per totum annum sacchari rosati vsum
ficiat sibi familiarem, ac horis iam dictis frequenter
illud sumat: pauca enim aut fortē nulla auxilia inue-
niet suæ affectioni magis salutaria. Dictis iam eua-
cuationibus administratis, per integrū mensem hoc
unguento renes inunget:

℞. Succi rosarum

Violarum

Plantaginis

ana ʒ. j.

Olei rosati completi

ʒ. ij.

Ceræ albæ

3 x.

Misce, & fiat linimentū pro renibus. Illud verò præ
cæteris curabit, vt post purgationes & sobrietate &
recta victus ratione vtatur, omniaque superius præ-
scripta obseruet. Quòd si in Sicilia, quemadmodum
in Italia in agro Lucensi & Veronensi prope Calde-
rium, ferreæ thermæ essent, author illi essem vt per
duos aut tres annos deinceps, in æstate, in Canicula
ribus diebus biberet eam aquam, & more etiam con-
sueti in ea lauaret. Mihi etiam maximè probaretur,
si bis saltem in mense hisce pilulis vteretur:

℞. Rhabarbari electi

Aloës

Agarici præparati

ana 3 ij.

Rosarum

Myrobalanorū citrinorū

ana 3 j.

Spicæ

Seminum fœniculi

ana 3 s.

Puluerizentur omnia per se, deinde misceantur, &
cum mucilagine radicū althææ condita cum zuc-

D d 5

charo fiat magdaleon, de quo singulis vicibus fiat pilulæ tres, pondere drachmæ vnius, quæ per horam vnam ante cœnā fumantur. Et hæc, quod ad præseruationē attinet, dicta sint satis. Cùm autē paroxysmus infestabit, si fortē (quod Deus auertat) reuertetur, illud primū curabit, vt si ille facilis est ac paratus ad vomitū, omnem cibum qui tum in ventriculo continetur, statim vomat: quod si quid præter cibum, euomere etiam posset, vtilissimū fuerit, & adhibita dexteritate debet adiuuare. Post vomitum vnus aut alter, aliquando etiā tertius & quartus clyster erit iniiciendus: spatiū autem inter vnum & alterum interponetur, quantum doloris acerbitas concedet. Clysterium descriptiones sunt huiusmodi:

℞. Foliorum camomillæ

Florum maluarū ana man. j.

Furfuris man. ij.

Bulliant in sufficienti quantitate aquæ, ad consumptionem medietatis. Deinde

℞. Cassiæ pro clysteribus ℥ j s.

Mellis violati ℥ ij.

Olei cōmunis ℥ iiij.

Misce, & cum prædicto decocto fiat clyster. In secundo clysteri seruato superiori decocto, sequentia electuaria adijcientur:

℞. Hieræ picræ ℥ vj.

Mellis violati ℥ ij.

In tertio & quarto clysteri eadem, si opus fuerit, adijcientur.

Illud autē in primis adnotandū, nisi prius aut per vomitum, aut per clysteres, aut per vtrunque, quod multò melius foret, fuerit euacuatus, loco affecto, ac dolenti, nec lintheamina calida, nec vnguēta, neq; alicuius generis fomenta, vt ferè fieri solet, aliquo modo

modo applicanda esse: hoc enim dolorem augeret, malum cumularet, & miserum hominem magnis cruciatibus conflictaret. Quamprimum autem hæ factę fuerint euacuationes, leuioribus tum fomētis vtendum erit, vt vitreolo in oleo feminis lini mortificato. Sequens etiam est vtilissimum:

℞. Farinæ ex qua conficitur panis, duos plus minus pugillos.

Sapæ

Olei dulcissimi

Vini dulcis optimi, ana cyathū vnum magnū.

Omnia simul misceantur, & lentè bulliant, ac interim permisceantur, donec acquirant formam emplastri, non quidem solidioris, sed potius mollis: illud deinde inuoluatur in lineo panno, & loco dolenti applicetur, ad dolorem enim sedandum est efficacissimum.

Iniectis clysteribus & vomitu etiā excitato, si dolor adhuc perseueraret, hoc illi medicamentum purgans exhibebitur aut manè aut vesperi, prout magis videbitur expedire: sed in media etiam die aut nocte exhiberi potest, in huiusmodi enim affectibus nulla interponenda est mora.

℞. Floris cassiæ 3 vj.

Specierum hieræ simplicis 3 ij.

Misce, & fiat bolus cum zuccharo.

Diuidatur in parua frusta, & sumatur: deinde iuris in quo oleum, malua & hordeū sint decocta, libram vnā statim bibat. Quòd si post medicamentū perseueraret adhuc dolor, accipiat olei amygdalarum dulcium, olei amygdalarū amararum ana ʒ. iiij. aut v. quo accepto, per septem horas ab omni cibo ac potu abstinebit. Hisce omnibus administratis, si pertinax adhuc esset dolor, manè ac vesperi tribus horis

ante cibum, hoc decoctum sumet:

Accipe iuris in quo decoctus est pullus lib. ij.

Radices althææ num. ij.

Foliorum maluæ pug. j.

Crana alchechengi num. x.

Cicerum rubrorum gr. xx.

Cinnamomi crassè contusi 3 s.

Misce, & bulliant ad dimidium, & colentur: deinde in eo decocto imponatur butyri recentis, aut si ille abhorret à butyro, olei amygdalarū dulcium recentissimi vncia vna, & sacchari optimi tantundē. Hoc totum bibatur calidum temperatē. Quandiu dolor perseuerat, sobrietas mihi maximè probatur. Igitur elixus panis, & succus hordei ex iure pulli, illi erit cibus: aqua autem in quo hordeum & saccharū sint decocta, erit potus. Interim etiam frigidum nihil bibet. Singulis etiam diebus clysteribus vtatur, non quidem quales superius sunt descripti, sed ē solo eo decocto, cui olei chamæmelini ℥. ij. olei rosati completi ℥. ij. vitelli ouorum num. ij. adijciantur. Atq; hæc quidē præsentē paroxysmo administrari debet.

*Consult. LXXXII. De ciectu materiæ crassæ
& fætide per urinam, cum dolore renum.*



Difficillimū est iudicare in huiusmodi Magnifici Domini casu, vtrum expediat illi Calderianā aquam potare: hoc enim præcipuè videtur exquiri. Difficultatis causæ oriuntur tum ex parte corporis patientis, tum ex ipsis dispositionibus præter naturā. Audio primū, corpus hoc redditum esse admodū imbecillum, cum maxima appetendi deiectione, & arescieri ac tabescere. at potus aquarum mineraliū constantes viros requirit, est enim efficacissimum potentissimūque re-

remedium, ideo debiliori corpori oblatum, sæpe hominem potius quàm morbum tollit. Dispositiones etiam corporis ad medelam admodum sunt ambiguae: nam & maxima illa sitis tandiu perseveras indicat vel magnas obstructions, vel multam putredinem, vel febrim occultam. Quicquid horum fuerit, Calderianæ aquæ suspectæ sunt. Eò autem magis vereor, quia intensissimè sitit: & cum audiā frigus inexpugnabile superadditū in exterioribus partibus modò, ut exteriora maximè frigeāt, & interiora ferueāt, vel febrem malignam, vel intrinsecū abscessum, aut inflammationem portendit: ideo & hic quoq; thermarum aquæ suspectissimæ sunt. Sed & illud, quòd audio materiam plurimā per urinam educi, quæ admodum crassā sit, fæculenta & sordida, impedit omnino rectam Calderianarū aquarum exhibitionem. Si quis modò illarum aquarū naturam cum hac dispositione rectè & secundum artem comparauerit, facile importunè impediatur, astringeturque materia profluens ob vim aquarum astringentem, quod facilimam dabit occasionem ad supprimendam urinam, cum maximo patientis discrimine, cui suppressioni alioqui valde paratus est, & in illam perquā frequenter solet incidere. Quid quòd dolores nephriticos, vel colicos, vel fortasse etiam utrosq; iam proximis diebus non sine discrimine perpeßus est? ad hos enim affectus astrictio & frigiditas aquæ maximè infesta est. Hæc sunt, quæ me valde ancipitem reddunt, utrum Magnus iste vir aquam thermarū Calderianarum rectè sit potaturus. Nam ex alia parte postea, ad dilatationem tam amplam, sicut audio, meatuum vrinariorum, & ad corroborationem imbecillitatis partium omnium naturalium, præcipuè quæ ob redundantem humorem cōtigerit, præstantissimus

est earum vsus: ad ardorē vrinę etiam non parū con-
ferret: sitim præterea quę ob puram intemperiem &
caliditatem intrinsecorū membrorum contigit, va-
lidissimè extinguet. Cū ergo vtrinque rationes ad-
sint quę persuadeant an accipi debeant, an non de-
beant, in ancipiti persisto, cū planè scire nequeam
exquisitū sui corporis statū vel gradū, aut etiā natu-
ram dispositionū. Ideo hanc deliberationē præsentibus
medicis determinandā relinquo, ponderatis utri-
usque rationibus. tum his quas ego percurri, tum his
etiā melioribus, quas ipsi excogitabūt. Interim pro
præsentis dispositione, qua præcipuè videtur affligi,
fluxu videlicet materie crassę, viscosę & fœtidę per
vrinam, cū dolore circa partes renū, cōsulerē ut po-
tu vteretur loco & hora syrupi, quo ego in huiusmo-
di affectibus efficacissime vti consueui, cuius descri-
ptio talis est:

℞. Pentaphylli cum radicibus & folio man. iij.

Granorum alchechengi ℥ j s.

Agrimonię man. iij.

Verbenę

Rosarum siccarum ana man. ij.

Limonū minutim concisorū num. iij. si-

mul cum corticibus suis.

Contendantur omnia grosso modo, & aspergantur
cum vncijs octo infusionis rosarum. Postea destillen-
tur per alembicum vitreum, vel per balneum Marię,
deinde seruetur aqua ad vsū.

℞. Huius aquę ℥ v.

Syrupi de cichorio Nicoli sine rhabarbaro

Myrtini ana ℥ j.

Sumat singulis diebus in aurora loco syrupi. Laudo
præterea, quòd singulis diebus vel tribus horis an-
te prandiū, vel immediatè ante syrupū accipiat ℥ j.
in

in forma pilulæ, de infra scriptis trochiscis.

℞. Trochiscorum de absinthio

De rosis ana 3 ij.

De aniso 3 ij.

Succi liquiritiæ 3 j s.

Misce, & cum syrupo rosato fiant pilulæ pro singula drachma tres, sumendæ vt suprà. Pro vnctione dor si, hoc est, totius regionis lumborum secundum longitudinem vtrinque:

℞. Pinguedinis anseris 3 ij.

Olei rosati completi 3 ij.

Rosarum rubearum


Sandalorum citrinorum

Masticis ana 3 ij.

Laudani pinguis 3 j.

Misce cum modico ceræ albæ, fiat linimentum secundum artem, ad vsum, vt dictum est. Vinum eliget limpidum, mediocre, coloris subrubri. Utatur in cibo carnibus siccioribus, boni tamen & optimi nutrimenti, quales maximè sunt pulli, perdicū, phasianorum, gallinacei, leporis iuuenis: aues omnes campestres, præter coturnices: turtures etiam cōueniunt, & oua sorbilia. à reliquis omnibus edulijis, quàm maximè poterit, abstinebit. Hæc sunt quæ absenti in re difficili consulenda videbantur, remittens me in omnibus saniori iudicio.

*Consult. LXXXIII. De ardore urinæ,
cum eo ut sepe urinam emittat.*



Ræmissa ratione victus, vtatur quolibet mane, quando est in itinere, frusto cinnamomi optimi, & trititando in ore de glutiat succū. Bis tamen in septimana loco cinnamomi sumat rhabbarbari drachmā mediā die

bus interpolatis, & illud mandendo succum deglu-
tiat. Ante cibum sumat semunciam anethi præpara-
ti, & omni die inungatur locus, qui est intra vnam &
alterā natem, oleo scorpionis facti ex oleo amygda-
larum amararum. In autumno & vere purgetur in-
frascriptis medicamentis:

℞. Specierum hieræ simplicis ʒ ij.

Floris cassiæ ʒ j.

Misce, cum zuccharo fiat bolus, & sumat tribus ho-
ris ante prandium. Deinde sumat sequētes syropos
per septem dies continuos:

℞. Syrupi de cichorea Nicoli

De absinthio ana ʒ j.

Decoctionis infrascriptæ ʒ iiij.

Decoctionis autem talis est, vt sequitur:

℞. Aquarum maluæ

Althææ ana lib. j.

Aceti albi ʒ iiij.

Foliorum pentaphylli

Betonicæ

Agrimoniæ ana man. j.

Bulliant ad consumptionē tertię partis, & seruet pro
syropo. Octauo die sumat sequentem medicinam:

℞. Syrupi rosati solutiui ʒ iiij.

Confectionis hamech ʒ iiij.

Cum aqua althææ fiat potio, danda in aurora cum
custodia. Post hæc per tres vel quatuor dies conti-
nuos sumat vnciam zucchari rosati ante cibum ma-
nē & ferò. Verùm laudo quòd in vere incidatur ve-
na basilica dextri lateris, & in autumno post purga-
tionē vtatur aqua balnei sulphurei, vel aluminosi, &
pro quolibet mane accipiat x i r. cyathos per dies
duodecim: & si sint balnea, submergatur in eis. Loca
lia nulla adhiberi velim ante mundificatum corpus,
cò

eò quòd frigida astringant, calida verò adhuc magis lædant. Patauij, M. D. XLVII.

Consult. LXXXIIII. De calculo vesicæ, cum stranguria urinæ, pro nobili puero Italo.



E conteratur tempus in superfluis, prætermiffa longa præfatione, rem ipsam aggreddiar. Nobilis puer conqueritur de quibusdam dispositionibus præter naturam circa actiones quæ sunt in emittendo urinâ: & quia non sunt vnius generis, distinguendæ sunt. Primò patitur quandam constrictionem urinæ, quandoque enim guttatim emittit, quandoque accedit pars aliqua urinæ, & tendit ad penem, & dum est in medio, regurgitat, & facit angustiam. patitur præterea grauitatem circa partes illas: cum maxima difficultate sedet, & cogitur sedere erectus, diuarcatis pedibus: & dum vrina retinetur in pene, & exit, percipit dolorem & ardorem. Quærendū ergo, an symptomata hæc habeant vnam causam, an diuersas. Primò tamen constat in vesica calculum esse, quem tegerunt clarissimi chirurgi. Supposito hoc, quærendum videtur, an ista symptomata habeant pro causa coniuncta, calculum in vesica, an verò non sit causa omnium calculus. Si considero ea quæ clarissimus chirurgus cum instrumento percepit: percepit non esse in collo vesicæ, sed in fundo: ergo non potest esse calculus causa, vt fiat stranguria. Erat enim sententia Galeni, primo de locis affectis, de puero illo, in quo retinebatur penitus vrina, cū dubitaret de causa suppressionis, erexit puerū, & quæsiuit, & deprehendit quòd erat in collo vesicæ calculus obstruens, vbi cū esset remotus, incepit liberè emittere

E e

vrinā & mingere. Et ideo vbi calculus non obstruit collū vesicæ, non est causa neq; impedimentū emissionis vrinæ. Cū iste puer non habeat hanc strangu-
riam tantū, sed vrinæ retentionē omnimodam, & quod magis animaduertendū est, cū habeat ardorem, & illam angustia, meo iudicio vtile erit, vt prætermiſſa causa calculi, & ipso calculo, videamus causas quæ possunt facere ista symptomata. Nemini dubium est, quòd cū ipsa stranguria nō tantū pro-
ueniat, quoniam obstruatur meatus vesicæ, sed quando sunt humores erodentes, qui dum occupant vesicam, irritatur ad expulsionē, vnde guttatim exilit vrina: & cū retinetur, colligitur, & cōfertim exit: & vbi acris est, vt ferè in senibus contingit, qui strangu-
riam patiuntur, quia egerūt nitrosa, & baurachia, propter plurimam materiam admixtā, scilicet falsam pituitam. Cū igitur nos videamus, sicut obseruaui cū D. imponeret fistulā intra collum vesicæ, & dilataret hinc inde orificium, propterea tamen non edidit aliquam copiam vrinæ, sicut solet fieri quando retinetur vrina, vbi aliquid circa collū est: & ideo manifestissimū signum est, quòd circa collū vesicæ non est obstructio, ratione cuius fiat stranguria, sed erodentes vrinæ sunt causa, vt non possit retineri vrina, quia stimulat virtutē expultricem, vnde perpetuò distillat. Credo igitur quòd causa istius strangu-
riæ, & illius angustia, sint mordentes vrinæ, quæ expelluntur, nec expelluntur liberè, sed pars quæ circa collum inhæret, dolorem excitat in parte sensibili, vnde per consensum spiritus omnes cōcutiuntur, & fit syncopa, quæ appellatur angustia, & videtur totus dolere, & dolor ille est lipothymia, & procēmiū syncopes. Quòd autem hoc contingat cū aliqua mordicant penem in vrina, notat Arist. vnde qui ali-
quid

quid mingunt tale, horrescunt propter acrimoniam
 vrinæ. Vbi igitur vrina efficitur mordacissima, non
 est mirum si loco horripilationis, quæ fit in sanis, in
 ægris faciat angustias: sicut enim magis ad magis, ita
 simpliciter ad simpliciter, ut est regula topica. Cre-
 do ergo has causas esse horum duorum symptomatum,
 stranguriæ inquâ, & lipothymia: erat enim ista mate-
 ria acris in capite, & omnibus membris. Crediderim
 lapide non esse in causâ, cur ita sit vrina acris. Causæ
 sunt dispositiones in vesica: est temperatura calida &
 sicca, hepatis præcipuè & cordis. Audiuitis etiâ hunc
 puerum habuisse pessimâ rationē victus, & dum es-
 set sub præceptore, ingessisse crassâ cibaria præter
 omnem consuetudinē suam, fabas, pisâ, legumina, &
 reliqua, quæ aggregât humores pituitosos, nam exer-
 cebat satis se, animo vexabatur strenuitate sui præ-
 ceptoris, vnde erat materia aggesta. Et cum copia
 humoris crudi multiplicaretur, quæ non fuit in to-
 tius ambitu, sed in hepate, & venis mesaraicis, & cū
 inueniat hepar calidum, & cor calidum, non est mi-
 rum si ille humor pituitosus in locis calidis aggrega-
 tus, fiat falsus modo adustionis. Vnde existente tali
 temperatura, aggregati humores crudi facti sunt fal-
 si: qui dum fuerint paulatim aggregati, & per calorē
 hepatis vltius adusti, sunt duo consecuta: primò
 lapis generatus est in vesica. quare generatur? habet
 materiâ pituitosâ, calidam postea. summa erat, ma-
 teria erat idonea exterius acquisita. Erat secundò a-
 gens præsens calida tēperatura, vnde necessariò con-
 secutus est effectus conueniens, calculus, ex materia
 pituitosa lapideata, sicut lateres induresunt, quoniâ
 primò per calorem excoquuntur, deinde per frigus
 condensantur, vnde neq; per calidum, neque per fri-
 gidū possunt dissolui. Ita redditur calculus sicut la-

teres penitus indissolubilis à calido vel frigido, sed bene potest incidi. Cur magis in vesica generatur, quàm in renibus? Gal. affert causam, & dicit, quòd hoc est in pueris propter validam virtutem expulsiuam: nam quæ in imbecillioribus & senibus retinètur in renibus, expelluntur in pueris ad vesicam, quæ materia ibi retinetur, & cum prius excocta fuerit à calore, refrigerat, & à caliditate vesicæ magis & magis excoquitur. Iste calculus in vesica primò percipitur tactu: deinde in syncopis percipit grauitatem insignem circa partes pectoris. Non potest sedere, nam collū vesicæ vergit circa terrā, quod dum constringitur, constringitur vesica: igitur & non potest sedere, & fit impedimentum in varijs sitibus. Adest pruritus circa partes illas: sed lōgè certius est dictū iam signū. Adest etiam illa eadem causa stranguriæ, multitudo materiæ pituitosæ, quæ continuè trāsmittitur à partibus superioribus, quæ sua mordacitate facit symptomata illa. Credo vniuersalē causam esse referendam ad materiam antecedentem horum symptomatum pituitosam, quæ fouet & tegit calculum, & facit ardorem vrinæ, & stillicidium. Quærendum modò videtur, an calculus sit morbus in cōpositione, vel in complexione. Certum est, quòd in compositione, & quòd ille morbus generatus fuit propter affluxum materiæ. Et etiam credendū, imò ferè necessariū, quòd sit intemperies frigida in vesica, non absolutè tamen, cum adsit pituita salsa, à cuius falsedine caliditatem acquisiuit: ergo potest esse intemperies in vesica frigida sine defluxu materiæ. Hęc est tota ratio huius ægritudinis, & consequenter apparet prognosticum. Si volumus iudicare de futuro, dico quòd stranguria, & ardor vrinæ, poterunt tardè curari. Vbi exquisitè ipsum euacuabimus, & alterabimus

bimus illam intemperie superacquistā propter acrimoniā, curabitur excoriatio, & ulceratio in epidermide, quæ levis est: credo quod ista facile poterunt curari: in senibus non curarentur. Nephritici &c. dicit Hippocrates. Sed quantum ad calculū, dico quod non curabitur sine incisione: nam nullus, licet plurimi tentarint dissolutionem, nemo tamen eam est assecutus: tamen exhibuerūt primò ea quæ abstergūt & incidunt visciditatē, dum esset appensus lapis corpori vesicæ, vnde facilius postea extraheretur: præterea illa quæ cōminuerēt superficiē lapidis, & eam partem lapidis quæ mollior est: continuè enim lapidis pars post partem augetur, licet non sit vera augmentio, sed iuxta positio. Cura igitur ita exordienda: primò exquisitissimè euacuandum corpus, ut omnino tollamus materiā istam falsam, & diuertatur per euacuationē. Facta euacuatione haberem non diuretica tantum, sed potius incidentia & abstergentia: bene diuretica admiscerem his, quæ eorum penetrationem adiuuarent. Primò igitur purgaretur leniendo ventrem, exhiberē cassiam, quia lenit humorem falsum, diuertit per intestina, euacuat humores crassos, ut testatur primò Actuarius, & postea Mesue. Hiera est diuretica: darem electuarium de sebesten simplex, deinde exhiberem quæ incidunt humores crassos. Haberm primò intentionē incisionis, & attenuationis, postea confortarem. Vterer syrupis, ut melle rosaceo, syrupo de betonica, de stœchade: illi enim sine mordicatione incidunt. Nolo oxymel simplex, vel squilliticum, vel ex acetosis aliquem syrupum, ne adderetur acrimonia propter acetū: & ideo isti syrupi essent conuenientes, etiam bysantinus sine aceto. Haberm postea aquas distillatas, quæ facerent penetrare syropos ad partes, ad quas alioqui

non penetrarent. Facta concoctione purgarē ipsum cum agarico: non abhorrerē a confectione hamech, nam licet sit solutiua, tamen euacuat diuertendo, dum trahit a circumferentia ad centrū. Ideo trahendo ad ventriculum, diuerteret illam materiam, quæ causam antecedentem habet ab ipsis rebus. Respicendo ætatem pueri, si excederet decimum quartum annum, mitterem sanguinē, quæ missio sanguinis esset opportuna ad euacuationē & euentationē, & remouendā malam qualitatem humorum. Fortasse si aliqua adest redundantia sanguinis, quia habet venas latas, possent etiā ventosæ applicari non sine ratione. Vbi ista pituita esset euacuata, & factæ euacuationes, quærendum, an aquæ calidæ thermarū conueniant. Oh sunt calidæ, augent salsedinem, non habemus intentionem: amplius, iam præterijt occasio. Postea exhiberem quæ cōminuerent & incideret lapidem: vellem distillare limones non in alembico plumbeo, quoniam cum vapor limonis sit acutissimus, generaret cerussam, & faceret venenum: & hæc aqua est magis penetrabilis, quàm acetum. Ergo facerem alembicum vitreum, & distillarem limones, & chelidoniā, in quibus duabus aquis considerem: postea in destillatione ponerem raphanum, ex quibus facerem destillatam aquam efficacem ad cōminuendū lapidem, & gratam gustui. Quòd si postea cum illa aqua aliquid illis admisceretur, si cessaret ardor vrinæ, optima esset: si non cessasset, serum caprinum adderem. Et ita puerum istum regerem, ad hoc vt conuenienti tempore (credo enim in æstate hoc esse importunum) incidatur, & extrahatur lapis: & fiet faciliter inciso. Utatur attenuante victus ratione omnino. Et vt semper lenem habeat aluum, frequentissime utatur casia pro diuersione & euacuatione

tionem humorum crassorum. Vt corrigatur sanguis in venis, assumat bis in septima cassiam, cum portiuncula rhabarbari. Cum isto progressu tenerem istum puerum toto hoc tempore. Pro stranguria & angustijs, apponerē decocta althææ, maluarum, camomillæ, fœnugræci, sandalorum citrinorum: facerem fomentum, & olea linirem conuenientia circa pectinem. Quod si magis vrgeret, tunc peritus chirurgus, & bene exercitatus, lac instillaret.

Consult. LXXXV. De passionibus pudendi, ardore urinae, difficultate mingendi, gonorrhœa, & febre erratica, pro nobili Veneto.



Vatuor sunt ea, quæ in hoc Nobiliss. atque Magnifico viro sunt præter naturam, de quibus conqueritur, & quorum ratione ad nos accessit, quæ considerare debeo. Primum est ardor vrinae: secundum, impedimentum ipsius, quod tale est, quod non liberè mingit, sicut prius: & vrina tenuius exit quàm solebat. tertium est fluxus quidam præter naturam, & inuoluntariè exiens ab ipso veretro, quem gonorrhœam (si libet) nunc appellemus: quartum est febris erratica. Istæ sunt dispositiones præter naturam, quæ molestant hunc nobilem virum, & de quibus conqueritur, quæ sunt cōsiderandæ à me. Et vt ordinatè procedam, primò recensendæ sunt dispositiones eius naturales, naturalisq; temperies ipsius: quia vos scitis quantum referat cognoscere cuiuslibet naturalē temperiē, & ad morbos cognoscēdos, & curandos, & ad modū rectè operandi, & ad tēpus curandi, & ad loca quibus debent applicari. Sed re vera difficillimū admodū est tēperaturā cuiuslibet cognoscere. Et tantum tria sunt principalia, quibus singulorū tēpera-

turam dignoscere possumus. Primum sunt actiones omnium virtutum: oportet enim videre quomodo se habeant: secundum, excrementa omnia: tertium, quæ exterius apparent, quæ cõmuniter accidentia dici solent. Ex actionibus enim cognoscimus membrorũ temperaturas, quia qualis temperatura membri, talis est actio ipsius: sed ubi corpus est affectum, non vna tantũ actio est vel ablata, vel diminuta, vel corrupta, sed plures: ideo dispositiones naturales in singulis cognoscere difficillimum est. Et dicebat Galenus in proœmio libri primi ad Glauc. & in tertio Methodi: Opus est si volumus aliquem rectè curare, cognovisse ipsum in sanitate, & singulorum membrorum temperaturã, colorem, habitudinem, nativum calorem, arteriarũ pulsũ, quisnam fuerit à natura. Quæ si sciremus, magnitudinem morbi satis aliquando iudicare possemus: & sic exeuntia, & accidentia. In casu nostro habemus omnes difficultates istas: siquidẽ prius non novimus. Tamen si discurremus per singulas actiones tam animales quàm vitales, & naturales, percipimus naturales si non corruptas, saltem diminutas, propter multa accidentia, quæ in hoc corpore contigerunt: siquidem actiones quæ cerebrũ & cor ipsum consequuntur, non bene nisi ex conuersatione assidua cognosci possunt. Ideo considerabo tantũ vnum in hoc Nobilissimo viro, scilicet actiones naturales, quod nostro proposito attinet, quia neque circa cerebrum, neque circa cor videtur aliquis excessus manifestus: sed bene circa naturalium membrorũ temperiem, quia ipsa sunt, quæ verè læsa sunt. Si ergo exactè consideraverimus ipsorũ lapsum, habebimus quod à nobis intenditur. Reliquis igitur omisissis, ad inquirendũ naturalium membrorũ dispositionem, & hepatis præcipuè, accede-

cedemus. Primò ergo consideremus, quænam fuerit naturalis istius viri temperies hepatis, antequàm ad accidentia deueniamus. Sed non habemus actiones aliquas nec à sanguine, nec ab excrementis, nec ab extrinsecis accidentib. videlicet à colore, calore, &c. ex quibus in cognitione naturalis istius temperiei deuenire valeamus. Sunt tamen quædã, in quibus circa hoc iudiciũ nostrum firmare possumus: est enim amplitudo venarum, atque musculorũ, sunt & pili, & structura corporis, quæ omnia etiam indicant præteritam temperiẽ. Sed hæc in hoc viro non sunt talia, vt intensam caliditatem vel frigiditatem indicent: attestantur tamen magis supra caliditatẽ, quia venæ sunt satis amplæ, & structura corporis satis magna, & pili non sunt adusti, nec crispì, nec subalbidi, sed potius subrubi, tendentes ad nigredinẽ. In passivis verò qualitatibus nullum video signum, ex quo possim iudicare vel multam siccitatem, vel multam humiditatem. Quòd autem calida temperatura sit, indicatur etiam ex eo, quòd maximè fuit & est pronus in Venerem, & caliditas hepatis immediata causa est salacitatis. Ideo bene Plato concupiscentiã in hepate, irascentiam in corde, animalem virtutem in cerebro posuit. Quòd autem caliditas renum faciat ad salacitatem, dico quòd non per se, sed per consensum solũ, quia facit vt vasa illa seminaria sint ampla, & lata, & sic per consensum. Sed hepar præbet caliditatẽ, & materiam ipsius salacitatis, & immediata causa ipsius est, vt inferius patebit. Arguitur igitur ex ijs quæ apparèt, vt ex moribus præteritis, quòd sit calidæ temperaturæ hepar huius Nobilissimi viri, in quo est vis sanguificandi. De ventriculo, nec ex præteritis, nec ex præsentibus, audio aliquem excessum, neq; in caliditate, neque in frigiditate, nec de ipsius

Ec 5 ,

dispositione nunc multū curandū, maximè cū non cōqueratur de ipso. His igitur ita se habentibus, credisne tu, quòd talē nunc seruet temperaturā hepar istud, qualem habuit antea? Minimè: imò dico quòd ipsa tēperatura hepatis longē diuersa est ab eo quod prius erat, & essentialiter firmata iam in hepate per plurimos annos. Sed quānā est intemperies ista? Dico, quòd cū prius calida esset respectu proprii temperamenti illius, non respectu tēperati, sed respectu sui ipsius, erat à prēdominio calida, nūc lapsa est ad frigiditatē respectu ipsius, non absolutē, & habet diminutas hepatis operationes, & non solitas, propter additā frigiditatē. Hoc autem indicat color apparēs in toto hoc corpore: quia scitis ex quarto de tuenda valetudine, non longē à principio, quòd humorū in corpore existentium dominium cognoscitur ex colore cutis, nisi humores illi in altum sese receperint. Et ibi dat signa, & causas, quando in altum & profundum recedunt, scilicet vel propter frigora, rigores, animi affectus, vt timorē, tristitiam ingentem, & incipientē verecundiā, &c. In isto autem est color plumbeus, liuidus, exanguis cum fuscēdine quadā, & non habet colorē suum naturalē, floridum & viuīdū, sicuti apparet, vbi est hepatis caliditas iuncta siccitati: & talis color iam per plures annos perseuerauit. Præterea abundat plurima pituita, quod indicat ex vrina, quæ immediatē profluit à sanguine: ideo indicat temperamentum sanguinis, sanguis verò temperamentum hepatis, siquidē in eo generatur. Vrina autem quo ad colorē cū sit subalbida, quo ad substantiam crassa redundans plurima pituita, ideo signum est, quòd sanguis est pituitosus: si sanguis est pituitosus, ergo hepar labitur ad frigidū: si sic, & tamen præcessit caliditas hepatis, ideo redūdat adustionibus,
sicut

sicut dixit Gal. 2. artis medicę. Qui sunt calidi & sicci hepatis, procedente tempore fiunt frigidi & sicci. Hepar igit istius Nobilissimi viri tum propter plurimos labores, tum propter plurimas resolutiões, quę accesserunt propter delicta, ad frigidum declinavit: & quoniã diu perseueravit ista intemperies, credendũ est quòd iam sit cõfirmata. Accedit aliud insuper cõsiderandũ, quod non modicã de hac re fidem faciet, an scilicet perpeßus sit morbũ Gallicum: & sicut scitis, morbus Gallicus sedẽ habet suã in hepate, & ut alias dixi, est intemperies ipsius hepatis. Quòd si adesset in hoc nobili huiusmodi morbus, magis esset læsum, & generaret humores magis adustos, quàm prius, sicut apparet. Et sic hepar licet ad frigidum labatur, & per consequẽs pituitã generet, illã tamen adurit: & sic si bilem generat, ita etiam dicendum est de melãcholia. Ideo multũ refert ad dispositiones eius cognoscendas, scire an sit perpeßus morbũ gallicũ. Ideo dicã liberẽ id quod sentio, videlicet quòd credo, quòd perpeßus sit morbũ Gallicũ, & nunc etiam patiatur. Et adsunt præter communia illa signa, quę maximã faciũt coniecturã, quòd scilicet cõcubuerit cũ infectis huiusmodi morbo mulieribus: tamẽ ista coniectura potius legislatorũ, quàm medicorũ est. Habuit etiã pustulas, & bubones: & licet disiunctiue non valeat, hic est bubo, hic sunt pustulæ, ergo adest morbus Gallicus: cõiunctim tamẽ valet, hic est bubo & pustulę in veretro, ergo adest morbus gallicus: & cum habuerit rem cũ inquinatis, hæc non sunt leues coniecturæ ad suspicandum hic adesse morbũ Gallicũ. licet quælibet harũ per se sumpta leuem faceret coniecturã, omnes tamen simul sumptę non solum persuasionem, sed etiam fidẽ certam & firmã faciunt. Sed dicetis vos, præter pustulas & bubones in

pudendis in morbo Gallico laborantibus, solent etiam cōsequi pustulæ in capite, & dolores inter iuncturam & iuncturā in periostijs illis: sed hæc in hoc non fuere, ergo non laborat morbo Gallico. Respondeo quòd non valet: quia licet non habuerit dolores, & in capite pustulas, hoc ideo fuit, quia perpetuam ex renibus euacuationē habuit, & materia quæ debebat facere dolores illos, & illas pustulas, euacuata est per penem, & diuersa est aliò, ideo non fecit illa accidentia. Cuius signum est, quòd quando erat in naui, & quidam medicus repressit huiusmodi fluore, statim sensit dolores in omnibus membris ex retentione illius materiæ: & si nunc eam retineret, eadem accidentia causaret. Sed dicet quis vestrum: Tu ex colore ipsius arguis supra morbum istum, sed huiusmodi color pallidus sequitur huiusmodi fluorem. Dico, quòd si tantum iste color esset propter refrigerationem hepatis, & propter exitum illarum materierum, esset subalbidus, & cachecticus, & non plumbeus, & fuscus: fuscedo autem cum palliditate indicat adustionem humorum, quam solet huiusmodi morbus generare. Ideo suspicor hunc virum affectum esse morbo Gallico. Præter intemperiem hepatis, quæ frigida est, credo etiam adesse frigiditatem respectu morbi Gallici. Et hæc quo ad temperiem morborum naturalium. Accedamus modò ad ad eas dispositiones præter naturā, quibus affligitur Nobilis iste. Est primò ardor vrinæ: hoc autem cōtingit, vel ratione ipsius vrinæ, vel ratione instrumenti. ratione verò vrinæ dupliciter, vel quia vrina mordax, falsa, acris, & calidior in se, vel quia addita sit ei aliqua substantia falsa, vel acris. Quid credis tu, quæ sit causa istius ardoris? Dico, quòd est non ratione propriæ substantiæ ipsius vrinæ, quæ sit falsa, acris, & mordax

mordax, præter eam quæ sibi propria est: quia color ille subalbidus, & substantia ipsius crassa, nō indicat mordacitatē esse: sed iste ardor aduenit propter materiam falsam ipsi vrinæ adiunctam, & purulentam. Aut est ratione instrumēti, & sic esset vel quia in ipso veretro esset excoꝛiatio aliqua, vel vlcus, vel exiccatio illarum humiditatum, quæ solent esse in glandibus penis, quæ factæ sunt à natura, vt vi sua emplastica humectent longitudinem penis, ne vrina in transitu propter sui mordacitatem excoꝛiet: & sic etiam intestina vestita sunt pituita illa crassa, ne mordacitas fæcum, & bilis in trāsitu corroderet ipsa: & quando intestina ipsa propter aliquam qualitatem priuantur illa humiditate, tunc contingunt abrasiones. Sic etiam contingit in pene, vbi propter excessum aliquem superflue Veneris, vel aliam ob causam consumitur huiusmodi humiditas, arefcit meatus virgæ, & mordacitas vrinæ occurrit membro immediatè, & sic causat ardorē. Hic credo quod sit materia mordax propter falsedinem, non propter acrimoniam. Sed siue sit nitrum, siue sal, siue ex vtraque materia tum purulenta tum nitrosa, per adustionem, nihil refert: nam vbi substantia humida iuncta est cum terrestri, & pars terrestris aduritur, tunc fit falsedo: & si vltius aduratur, fit amaritudo: licet Auicenna voluerit ex admixtione bilis & pituitæ fieri falsedine. Sed aliàs ostendi, quomodo hoc fieri nequeat, & quod hoc repugnat rationi, veritati & experientiæ: quia ex amaro mixto cum insipido nunquā fit falsedo, sed bene quidem amaritudo: falsedo autem fit ex adustione partium terrestriū in ipso humido. Cum ergo iste plurima abundauerit pituita, & intemperie ad frigidum, & propter morbum Gallicum adustione, facta est falsedo propter moram ipsius pitui-

ta in hoc corpore: & licet respectu proprii tempera-
menti lapsum sit hepar ad frigidum, respectu tamen
temperati habet caliditatem maximam: & sic auge-
tur falsedo, & sic hepar generat humores adustos,
quos per vrinam excernit. Et quia non est perfectè
concocta illa materia, licet aliquæ partes adurantur,
ideo in exitu causat horrorem, sicut contingit dum
pus mouetur de loco ad locū. Et ista est causa, qua-
re vrina in exitu mordicet, & horrorem faciat, pro-
pter subitū motum materiæ mordicantis partes sen-
sibiles. Præterea credo ego quod adsit etiam aridi-
tas illius humiditatis, ex qua sequitur ardor, & ma-
ximus. Quod autem sit ariditas, patet ex præceden-
tibus & enarratis: quia, vt audiuiſtis, maxime Vene-
ri deditus fuit, & ante tempus, & nunquam peper-
cit, ita vt dum adhuc adolescēs eſſet, annos circiter
quindecim natus, in decem diebus quinquagesies
concupuerit, ita exinanita fuit huiusmodi humidi-
tas, quæ etiam sola cogitatione exit, quandoque e-
tiam ex longo isto defluxu, qui decem & octo an-
nos perseuerauit, & ex intemperie incaluit locus e-
tiam propter assiduas functiones, & propter pluri-
mum coitum substantifica illa humiditas resoluta est:
tum etiam quia pars illa non nutritur, sicut oport-
et, quia facta est debilis, propter ea quæ dicta sunt,
etiam quia occupatus fuit perpetuò in multis labo-
ribus in exercendo mercaturā, & in regionibus qui-
dem calidissimis, in Oriēte, & in Aegypto, ex quib.
maximè exiccatus est. Et hæc quo ad hunc ardorem
vrinæ. Habet præterea retentionem vrinæ, ita vt vri-
na liberè non exeat, sicut solebat, sed subtilius. Pro
quo notare debetis, quod tria sunt apud Græcos,
dysuria, stranguria, & ischuria. Dysuria est, cum vri-
na difficulter exit: stranguria, cum vrina guttatim
exit:

exit: ischuria verò, cum totalis retentio urine est. Dysuria igitur vel difficultas urine est, cum quis licet liberè mingat, cum dolore tamen, & cum difficultate mingit: sicut accidit in dysenteria, illis qui sic affecti sunt, plurimum quidem egerunt, & plus quam oportet, sed cum difficultate. In stranguria guttatim exit, & non potest retineri. Ischuria vel ablata totalis emissio urine est, vel diminuta. In hoc igitur est ischuria, non ablata actio, sed diminuta tantum: iste non mingit amplè, liberè, sicut solebat, sed stricte. Causæ autem retentionis urine sunt, vel quia est defectus in expulsiua virtute, quæ non expellit id quod debet, ut quarto & sexto de accidenti & morbo Gal. docet, vel vitio urine, vel vitio instrumenti. Expulsiua virtus debilitatur vel propter frigiditatē, vel propter aliquid aliud, ut non possit fungi proprio munere. Vitio urine, vel quia non habet solitam & debitam mordacitatem, quæ mordicet, & insurgere faciat expulsiuam virtutem ad expellendū, vel propter sui crassitiem, & in istis non est defectus. Vel in instrumento, quod est vel collum vesicæ, vel meatus virgæ. Et cum ista sit ischuria, impedimentum non potest esse in renibus, nec in vesica, nec in vasis illis quæ deferunt urinam ad ipsam vesicam: in meatu autem virgæ, vel collo vesicæ potest esse impedimentum, vel quia obstructus sit ob calculū vel inflammationē, vel propter calum, vel aliquem humorē ibi impactum, ut grumum sanguinis. Hic non est calculus, quia nullū calculi signū adest, nec arenulæ in vrina, nec aliud quidpiam. Non callus, quia hoc semper ita esset, & eodē modo mingeret: sed nūc quādoq; liberè magis mingit, quādoq; minus. Nec etiā adest inflammatio, quia non adsunt aliqua inflammationis signa. Non ulceratio, quia exiret sanguis: quod si interdū exierit, illud fuit propter

immissione candela. Ideo credo quod causa, quare non liberè & amplè mingat sicut prius, sit materia aliqua viscosa, quæ in illis partibus cõtinetur. Quod apparet, quia antequàm mingat, exit quid viscosum album, quod apparet in fundo vrinæ. Et sic credo materiam aliquam esse impactam & in meatu veretri, & in collo vesicæ, quæ adhæreat in illis partibus, quæ crassa est in propria substantia, quod indicat crassities, & turbulentia vrinæ. Et hæc sunt signa quæ vidimus, & causæ in hac difficultate vel tenuitate vrinæ, quæ non erant prætermittenda. Quo ad gonorrhœam, vtrum huiusmodi fluor quem nunc patitur, sit appellandus gonorrhœa necne? Dico quod credo à principio virū hunc passum fuisse gonorrhœā, propter omnes rationes: quia (vt scitis ex sexto de locis affectis, & sexto de tuen. sanit. & in sexto de accidenti & morbo) gonorrhœa est inuoluntarius exitus seminis, qui accidit vel vitio seminis, vel vitio vasorum seminalium: quoniam ista duo sunt, quæ per se faciūt gonorrhœam, alia verò per accidens, & per consensum: vt cū quis ex assidua imaginatione semen emittit, & iste verberibus, & non medicamentis curandus est. Quādoq; ex caliditate renum, quia quandoque potest esse tanta caliditas in renibus, vt dilatet & operiat vasa seminaria, & hoc faciat non quia aliquod cõmercium ista vasa habeant cum renibus, sed solum propter vicinitatem: quia nullum vas seminarium vadit ad testes, quod affinitatem habeat cum renibus. Non in dextra parte, quia vas seminarium dextrum oritur à vena caua, quæ descendit ad dextram partem. Nec etiam in sinistra, quia sinister deducitur à magno ramo venæ cõcauæ, qui ramus concauæ antequàm ad renes pertingat, emittit per longum spatium à se ramum, qui postea facit
aliū

aliud ramum, qui ad sinistrum testem pertingit, & ex eodem ramo, quem facit emulgentem, vasa semina-
ria oriuntur. Nec per arteriam habet commercium cum renibus, sed multum distat ab his quæ ad renes per-
tingunt. Ideo non video quomodo gonorrhœa pos-
sit fieri vitio renum, nisi per consensum, & ratione vi-
cinitatis, & non per se, quicquid dixerit Auic. Potest
igitur propter vicinitatem renum cum vasis semina-
rijs fieri gonorrhœa, eò quia adeò calefacti sint ipsi
renes, ut ratione vicinitatis incalescant vasa illa, &
sic dilatentur, & ita exeat semen inuoluntariè: & sic
potest excusari Auicenna. Et potest provenire flu-
xio seminis ratione muscutorum, dicebat ipse: sed hu-
iusmodi fluxio non est à musculis, sed per virtutem
expulsiuam: & non concurrunt muscoli, nisi quando
quis velit vehementer conari. Sed dicet quis, quo-
modo exit sperma per conuulsionem, cum quis in e-
pilepsiam inciderit? Dico quod hoc contingit pro-
pter villos, qui contrahuntur, & extenduntur, & mo-
uentur motu spasmoso: & sic omnes muscoli mouen-
tur & excitantur. Galenus tamen in v. 1. de tuen. san.
reducit huiusmodi fluxus ad istas duas causas, vel ra-
tione seminis, vel ratione ipsorum vasorum semina-
riorum, quæ sint affecta & vitiata, & imbecillia red-
dita, & in superioribus partibus. Et contingit de se-
mine, sicut de lacte in mamillis: sicut enim sanguis
efficitur sub forma lactis in ipsis mamillis, ita sanguis
in vasis seminarijs, & in illis inuolutionibus efficitur
sub forma seminis. Contingit autem ut exeat semen
propter imbecillitatem istorum vasorum, vel quia re-
laxata & aperta sunt & calefacta, ita quod trahant,
quod non deberent trahere, & cum sint debilitata,
multa excrementa ad illa demandantur, & sic inuo-
luntariè exit: quod etiam contingit de lacte in ma-

millis existēte. Quando verò fit ratione vitij existē-
tis in semine, hoc cōtingit vel ratione multitudinis
vel ratione malæ qualitatis acris, vel huiusmodi. In
isto erat vera gonorrhœa ratione vasorū, & viarum
dispositione, per quæ fit huiusmodi transitus, & præ-
sentia humoris mali, & ratione imbecillitatis vaso-
rum, quæ effecta sunt imbecilliora propter malam vi-
ctus rationem, & propter excessiū & immodera-
tum coitum. Et sic quia dilatatę fuere illæ viæ, & au-
ctā est materia ratione malæ victus rationis, ideo hu-
iusmodi dispositio perseverauit. An modò etiam
nunc patiatur gonorrhœam, & fluxum seminis inuo-
luntariū? quia materia seminis, quæ est sanguis, pro-
uenit ab hepate: spiritus verò fermentans huiusmo-
di semē, à cerebro & à corde emanat: sanguis autem
iste cū ad vasa seminaria venerit, in illis vasis con-
ficitur. Ideo liberè dico, quòd credo illum non pati
nunc veram gonorrhœam: sed ad alborum fluxio-
nem istū venisse opinor, qui fluxus fit à materia qua-
dam pituitosa & corrupta, quæ cū vias paratas &
apertas inuenerit, illud defluit ad vesicam. Et sic cre-
do quòd in tota massa sanguinea sit vitium (ita vt o-
portet) ratione hepatis, quod lapsus sit à proprio
temperamento per frigidum, & maximè cū acces-
serit illa infectio morbi Gallici: & quòd recipien-
tia sunt debilitata, vt Auicenna x x i i. tertij: sunt
mandantia fortia, scilicet hepar, & totus ambitus ve-
narum, plurima superfluitas pituitosa, & adusta, &
salsa: & vasa dilatata fuere, cū etiam à natura sint la-
ta, quia calidę fuit temperaturæ à prædominio, ideo
habuit amplitudinem venarum & vasorum, quæ e-
riam vasa dilatata sunt propter plurimum coitum, &
longum defluxum: & sic mandantia sunt fortia, reci-
pientia debilia, vię latæ, & multitudo materię malæ.

Et sic

Et sic credo quòd ista si debet dici gonorrhœa, seu iste fluxus, sit permixtio quædam seminis, & aliorum plurimorum. Et sicut in mulieribus contingit, quòd post fluxum gonorrhœæ sequitur fluxio alborum, vel ratione hepatis, vel ratione totius, quòd acquisuerit malam temperiem, & aggregata sit cacoehymia, & materia mala: & cum vias reperiatur paratas, hinc fluunt huiusmodi alba, si est mulier, per vuluam, si est vir, per penem: ita credo in isto fuisse, quòd plurimæ materiæ pituitosæ ratione hepatis & totius ambitus venarum, per venas emulgentes ad vesicam deueniunt, & minguntur ita putridæ. Sed dicetis, si sunt putridæ, ergo ibi deberet adesse vlcus. Dico quòd non valet, quia materia pituitosa potest circa venas putrescere, ita vt pus appareat, & tamen nõ sit vlcus, vt vidi superioribus diebus in quodam viro Fulginate. Quòd autem sit materia pituitosa, videtur ex colore: alba enim est illa materia quæ fluit, & putrefacta, nullum præ se ferens colorem. Quartum & vltimum accidens erant febres quædam erraticæ. Et multi mirantur quænam sit causa istarum, contingentium maximè post quartanã. Sed si cognoueritis causas istas, non mirabimini: & quandoque antecedunt quartanam, quandoque verò subsequuntur, quia aliquæ quartanæ habent affinitatem cum illis. Sed quænam sunt causæ istarum erraticarum, quæ nullum seruant ordinem? Nullæ aliæ certe nisi tres illæ, quas Galenus in fine secundi de diff. feb. assignauit, vbi dicit, quòd febris erratica sit, vel quia permutatur humor putrescens, vel quia variatur ratio viuendi, vel quia alius humor putrescit in aliqua parte corporis, & alius in alia. Et sic prout variæ generantur putredines propter varios humores defluentes ad varias partes, sic variæ fiunt febres & periodi, cum

humores varij sunt, qui putrescunt. Nam interdum putrescit pars subtilior sanguinis, quæ sapit naturâ bilis, ideo facit paroxysmū tertianæ: aliquando fæx sanguinis, & sic facit paroxysmum quartanæ: quandoq; pituita putrescit, & sic facit paroxysmum quotidianæ. Alio verò die fieri potest quòd putrescat pars crassior, & sic facere potest quartanam, quia illa adusta fuerit. Fiunt etiam ex variatione ciborum, quando viuunt modò vno modo, modò alio, modò plurima ingerunt, modò pauca, modò crassa, modò tenuia: & sic prout varij humores generantur, sic ex putredine illorum fiunt postmodum variæ periodi. Tertia causa istarum est, quando est aliquis locus, ad quem præcipitetur aliquis humor, & ibi putrescit: alius autem ad aliam partē, & ibi putrescit: & sic varij possunt fieri pro varietate humorum putrescentium. Sed quæ causa est in hoc Nobilissimo viro istarum febrium? Dico quòd omnes concurrunt, quia abundat omnibus humoribus, habuit varios paroxysmos, & sic duos vel tres paroxysmos quartanæ habuit, postea secuta est transmutatio, & habuit sextanā, prout modò vnus, modò alius humor computruit, & exijt ad exteriores partes venarū: quia non æqualiter generati sunt isti humores, quia non seruat eandem rationem victus. & in vasis seminarijs, vt venis in testibus, & vesica, potest putrescere iste humor pituitosus, à quo eleuantur vapores putridi, & petunt cor: & sic ponunt ipsum cor in calefacto esse. Et sic credo quòd omnes istę tres causę concurrant ad generationem febris erraticæ in hoc Nobilissimo viro. Accedamus modò ad curationem istorum accidentium, prætermissa febre, quam non habet, nec de ipsa conquerit. Et primò quo ad gonorrhœam, quia, vt dixi, credo quòd certa illa materia quæ à

quæ à veretro emanat, non sit semen, sed cum semine permixtam esse plurimam materiam pituitosam, salisam, putridam, quæ à toto ambitu venarum, & ab ipso hepate emanat, ex qua sequitur ardor urinæ, & retentio seu emissio illa urinæ diminuta. Et ideo credo, quòd si remoueat fluxio, remouebuntur etiam omnia alia. Sed cum in qualibet fluxione quatuor sint, mandantia, recipientia, viæ, & materia, ideo debetis primò prouidere, ne mandantia mandent: secundò, recipientia corroborare: tertio, vias astringere. principalis tamen intentio est, vt dicit Galenus sexto de tuend. sanit. intercipere materiã, quia stante materia & imbecillitate membri, semper de necessitate sequitur fluxio: materia autẽ intercipitur, prohibendo ne generetur. Hoc autem fit recta ratione victus adhibita circa qualitatem & quantitatem, ne tantum comedat, quantũ appetit: quia si sanguis bonus efficietur, natura auara pro se retinebit. Et hoc quo ad qualitatem & quantitatem ciborum. Ita etiam de vino: nõ sit nimis calidum, aperiens, nec nimis frigidum, sed temperatũ in calore & substantia. Quo ad exercitium, moderatẽ se exerceat, non dormiat in meridie, & reliqua huiusmodi. Quo ad euacuationem verò humorũ qui generati sunt, pluri-
ma sunt instrumenta. Primum est euacuatio propriè dicta per propria loca, per vomitũ, per secessum, per urinam, per sudorẽ, & diuertendo per cauteria: quia natura rei indicat nobis, cum diu perseuerauerit iste morbus, ideo difficillimẽ expellet. Cum igitur iam sint decẽ & octo anni, ex quo perseuerauit morbus iste, ideo si sola euacuatione propriè dicta velimus procedere, non bene succedet. Et oportet prius corroborare membrum mandans & generans, ne noua generetur materia, & debemus auertere ipsam, an-

requàm membrum recipiens corroboremus: quia
 prius corroboraremus quàm diuerteremus, poss
 ad aliud membrum nobilius præcipitari hæc mate
 ria: ideo à leuioribus euacuationibus incipiendu
 est. Et primò lenienda est aluus. De missione san
 guinis, tum propter diuersionem, tum propter su
 spicionem illam quam habeo de morbo Gallico,
 propter adustionem quæ in hepate generatur, su
 derè vt fieret à basilica lateris dextri phlebotomi
 Quo verò ad præparationem materiæ cum syrups
 varia sunt instrumēta. Notum est quis sit humor su
 persluus, & quæ intemperies, ideo cum incidenti
 bus & abstergentibus præpararem, quæ tamen no
 essent diuretica: & talia essent sicut oxymel, mel ro
 satum, syrupus de betonica. Cum ijs vel decoctis si
 milibus præpararem materiam, & cum solutiuis ap
 propriatis postea educerem. Istis peractis antequàm
 ad corroborationem mandantiū, & ad viarum con
 strictionem deuenirem, facerem prius cauteria, v
 diuerterem materiam. Sed cùm morbus sit infra re
 nes, qui tamen habet originem in partibus superio
 ribus, an magis conueniret quòd huiusmodi caute
 ria fierent in brachijs, an verò in tibijs? Dico breui
 ter quòd facerem in tibijs. Rationem nunc non as
 signo, quia essem nimis prolixus. Deinde ad corro
 borationem membrorum mandantium & recipien
 tium, & ad constrictionē viarum deuenirem. Et quia
 duo proposita fuere: primū, an decoctum ligni Gua
 iaci in hoc Nobilissimo viro: secundò, an balnea Ap
 ponensia vel Veronensia conuenirent, ideo modò
 ex his quæ supposita fuere à nobis, conueniret de
 coctū ligni: in ipso enim est forma illa specifica, quæ
 ex toto formæ morbi Gallici aduersatur. Non enim
 curat quia calidum vel frigidum, humidum vel sic
 cum,

eum, sed quia tale. quo ad qualitates tamen manifestas habet caliditatem ultra secundum gradum, siccitatem usque ad tertium. Ideo exhiberem istud decoctum ratione illius morbi Gallici: & ratione formæ suæ specificæ, etiâ adstringit & corroborat membra. Quod autem habeat vim calefaciendi, quia erat dubium, quia calefactio in primo sensu non sentitur, sed à ratione sensui cōiuncta, ut Galenus in lib. de simplici medicina testatur, ideo dicebat ab aliquibus, primo occurso non pungit linguam, ideo calidum in primo. Dico quod mordicat linguam, & quod est calidum in secundo intense etiâ: & dico quod quando caliditas fundata est in substantia tenui, illico mordicat linguam, & citò evanescit. Ideo dicit Galenus in 1111. de tuen. sanit. loquens de Diatrionpipereon, licet sit medicina ignea, ita ut venter inflamet, tamen quia in substantia tenui & subtili fundata est, citò evanescit, & ad hepar non pervenit. Sed cum est in substantia crassa terrea, huiusmodi substantia non permittit actionem caliditatis adeò facile percipi: nam au ripigmentum, quia eius caliditas fundata est in substantia tenui & subtili, ideo si apponatis super linguam, ulcerabit. Sed in ligno, quia eius caliditas fundata est in substantia crassa & terrestri, ideo primo occurso non percipitur eius caliditas, sed per decoctionem extrahitur, ideo in ipso percipitur amaritudo. Ideo calidum & adustum est, quia Galenus & Auic. volunt, quod ubi est amaritudo, ibi adsit caliditas: sic etiam Aristoteles & Theophrastus voluere, licet Auer. negauerit, quia in opio est amaritudo, & tamen est frigidum. In decocto hoc est amaritudo, & acrimonia, & maxima, ita quod quandoque qui usi sunt isto decocto, toti erysipelati sunt: quibus verò exhibitum fuerit cum aqua endiuivæ, nihil calefacti fuere.

Ideo decoctum huiusmodi habet caliditatem in secundo, quia acrimonia non stat in primo tantum caliditatis gradu, sed cum intensiori. Et quia quærebatur, an miscendum esset, & decoquendum cum aqua endiuia: & videbatur quod non, quia dicebatur, quæ operantur per specificam formam, & à proprietate occulta, si commisceatur cum ipsis aliquid, destruetur eorum forma specifica. In secundis qualitatibus hoc contingit: sed endiuiæ & huiusmodi, non destruunt formam huius specificam. Et quia dabatur exemplum de Magnete illito allio, quod non potest trahere ferrum, & non potest agere sua forma specifica, dico quod ideo est, quia allium habet formam specificam contrariam Magnetis actioni, & si alia illinatur re, non propter hoc amittit formam suam specificam Magnes. Et vos scitis, quod ex vno particulari non sequitur vnum vniuersale: etsi in Magnete contingeret hoc, non tamen contingit in hoc decocto cum endiuiæ: imò non calefacit, sed refrigerat. Cur est quod cum aqua communis sit primum frigidorum, non magis reprimat caliditatem ligni, quam aqua endiuia? De hoc diximus dum de morbo Gallico ageremus. Ideo exhiberem istud decoctum, tum quia qualitatibus manifestis proderit, quia calefaciendo & exiccando corroborabit, & exiccabit materiam illam: & quo ad formam specificam, quia in hoc timeo de infectione Gallica. Quo verò ad aquam thermarum, licet de directo morbo Gallico infesta esse videatur, & licet multos viderim laborantes isto morbo, ex aqua balnearum læsos fuisse, tamen dare huic nobili viro, si istud decoctum non ex toto sanabit ipsum. Sed à quo est incipiendum? Ego inciperem à decocto ligni alterato cum aqua endiuia, quia hoc indicat & naturalis eius temperies, & anni tempus, quia nunc sumus in æstate.

æstate. Ideo factis exquisitissimis euacuationibus, quæ debent fieri, & factis etiam diuersionibus, exhiberem istud decoctum, ex quo desperatos etiam sanavi in maximis etiam caloribus hoc modo præparato, quia sic non timerem calefactionem. Et si ex toto nõ leuaretur & liberaretur, exhiberẽ aquam thermarum Veronensiũ, adhibita solita diligentia. Et sic credo quòd sanabitur, si omnia, quæ dicta sunt, exactè, & summa cum diligentia, sicut fieri debent, obseruabuntur. Et hæc factis.

Consult. LXXXVI. De calculo, dolore renali, & iuncturarum, cum ardore urinae, pro ciue Florentino.



Vdicamus calculos per vrinã excretos, dolores circa renes, ac iuncturarum affectus, à plurima pituitosa materia generari. Vrina est turbida, subalbida, sero lactis similis, cum sedimento crasso, & albo. Calculorum color calci antiquorũ parietũ similis, eorumq; substantia crassa, & dura. Præterea victus ratio comestationibus & potui dedita, cum paucitate exercitij. Ex temperatura etiam calida, & habitu corporis, & animi moribus, appetitui & voluptati mancipati, credimus hunc in venereis plus æquo excessisse, unde calor naturalis, & concoctiones omnes diminutæ fuerunt, accedente præcipuè ætate, quæ accedit ad septimum septenarium, & consequenter ad finem primi senij, si Galeno & Hippocrati credimus. Ardorem autẽ vrinæ fieri arbitramur partim ex priuatione humoris in glandulis vreteris nimia venere consumptis: partim verò ex mordacitate vrinæ, quæ in immensum aucta fuit ex admixtione plurimæ pituitæ salis. Habuit autem pituita falsedinis causas, tum

Ff 5

ex naturali hepatis caliditate adurente, tum ab ob-
structione, & putredine. Et hæc quidem de causis, &
natura affectuum: nam de vesicæ calculo nos quoq;
dubitamus adesse, si vera sunt quæ intelleximus, ex
equitatione impediri, ac lædi, in pectine grauitatem
percipi, prurire præputium: quæ omnia cōiecturam
faciunt, vesicam calculo laborare: ac nos quoq; ope-
rarijs parum confidimus. Quantum ad curam, ar-
bitramur eam difficilem fore: etas enim maximo im-
pedimento est, si Hippocrati fidem adhibemus: ne-
phríticos enim, & circa vesicam dolores, asserit non
facile curam admittere. Sed præter Hippocratis au-
toritatem, ratio quoq; & rei natura nos ita cogit fa-
teri, quam tamen consultò omitto: neq; enim hic do-
cemus, sed consulimus quid agendum. Credimus er-
go hunc nunquā ita conualiturum, vt tutò sibi pos-
sit confidere, quin in eosdē affectus incidat quacūq;
etiam leui occasione incidente: posse tamē efficere,
cura & assidua diligentia adhibita, vt vel nunquam,
vel rarissimē molestetur actu, quāuis inclinatio per-
seueret. Vt autem hoc cōmodissimē fiat, primò ma-
ximē eniti debet, vt in sex rebus non naturalibus ni-
hil, vel minimē delinquat. Ac circa aërem, cauebit
omnes excessus, tam calidos, quàm frigidos: ventor-
um omne genus, præcipuè tamen australes & borea-
les, nocturnum cælum, habitationes humidæ & ter-
reas, apertis fenestris noctu quiescere, & reliqua hu-
iusmodi. Somnum meridianum præcipuè fugiat: no-
cte septem vel octo horas dormire studebit: reliquo
tempore, quantum fieri poterit, vigilabit. Exercitia
matutina conueniunt, ac superiorū potius partium,
quàm inferiorū: proinde equitationes magis lauda-
rem, si affectus vesicæ tolerarent: sed arcu exerceri,
aut iactu lapidum, ac similibus, tutissimum iudica-
rem.

rem. Post cibum quiescat tam animo quàm corpore: quies tamen nō ea sit, vt iaceat, vel aliquo modo decumbat: quin potius stet, vel molliter deambulet, sine aliquo labore. Ab omnib. animi molestijs quamlongissimè recedat, lætus cum iucundis amicis vitam degat. De reliquis, nitatur aluum habere lenem: quòd si natuta defecerit, leniet vel clysteribus, vel resina laricis quam pinguißima, quam mane sumat ad magnitudinem nucis: vel sumat carnem pinguium caricarū ad vnciam, medullæ cnici, id est, cartami drachmæ duas, & facto bolo deuoret ante prandium, & ius pulli eadem hora bibat, in quo decocta fuerint malua, beta alba, mercurialis. Cibum ita temperet, vt bis tantum in die comedat, neq; bibat vquam inter cœnam & prandium, abscedatq; à mensa citra saturitatem. Sit cibus simplex, atq; vnius generis: multitudinē epularum & vinorum, tanquam pestem euitet. Sunt autem cibi qui maximè laudantur à medicis, boni nutrimenti, & facilis concoctionis, qui cū omnibus medicis sint notissimi, consultò omittantur. Vinum eligerem pauciferū, substantia tenue, liquore purissimum, colore vel album, vel rubeum, clarum, sapore neq; acidū, neq; austerum, sed maturū. Hæc vbi ritè peracta fuerint, maximam partem suæ præseruationis peractam arbitror. Cū verò vel necessitate itineris, vel societate, vel incontinentia sæpe delinquant homines, vnde humores maligni generant, qui postea ad loca imbecilla fluentes morbos generant: ideo necessarium putamus ad conseruationem aliquod habere pharmacum familiare, quo ter aut quater in mense sine aliqua molestia vtatur. Tale autem esse poterit:

℞. Agarici optimi
Aloës optimæ

Rhabarbari bene maturi ana 3 iij.

Rosarum rubearum

Sandalorum citrinorum ana 3 j.

Gingiberis

Cinnamomi ana 3 s.

Puluerizentur omnia per se, deinde misceantur, & fiant pilulæ cū melle rosaceo pro qualibet vice tres, & sumatur drachma singulis vicibus manē tribus horis ante prandium. Laudamus præterea, vt bis singulis annis purgetur, autumno inquam & vere. Purgatio talis sit:

℞. Floris cassiæ ʒ j.

Specierum hieræ ʒ ij.

Misce, cum saccharo fiat bolus, sumendus tribus horis ante prandium. Item

℞. Syrupi magistralis facti ex succo betonicæ, & succo saluiæ secundum artem, ʒ j.

Decocti infra scribendi ʒ iiij.

℞. Agrimonix

Cetrach ana man. j.

Polypodij

Glycyrrhizæ

Rosarum

ana ʒ iij.

Seminum melonum

ʒ iij.

Decoquantur in libris tribus aquæ malux destillatæ, donec remaneant libræ duæ: deinde seruetur decoctum pro sex syrupis. Dentur autem syrupi vsque ad nonum vel duodecimum. Postea

℞. Confectionis hamech ʒ iiij.

Syrupi rosacei solutiui ʒ iij.

Cum aqua betonicæ fiat potio danda in aurora. Talis sit purgatio tam veris, quàm autūni. Vere tamen tentarem missionem sanguinis à dextro latere post duos primos syropos faciendam. Peractis purgationibus

nibus postea per x v. saltem dies continuos probarem, vt acciperet sacchari rosacei semunciā horavna ante cibum bis in die. Ad membra verò corroboranda primò laudarem, vt crebrò caput ablueretur ante cœnam, ita vt à cubiculo postea non discederet. Lixiviū esset è cinere salicum, aut vitis, in quo decoquerentur maiorana, chamæmelum, rosæ, betonica, & stœchas, addita etiam agarici electi semidrachma. Utendum etiam cōsulo masticatione mastiches simplicis manè, tandiu vt deglutiat granū eiusdem mastiches. Utatur etiam assidue immediatè ante prandium seminib. melonū confectis vsq; ad semūciam: post prandiū verò comedat pistacia confecta ad numerum decem vel quindecim ad summū. Circa partes pectinis quotidie illinat oleo amygdalarū dulcium recēti, vel liliorum alborum, vel camomelino, vel mixto ex his. Vbi verò ardor vrinæ multum urget, factis purgationib. quibusdā, vel lenitione ventris, & iniuncta tenui diætā, utatur frequēter in die linctū confecto ex oleo amygdalarū dulciū, & penidijs: ac manè loco syrapi, sumat sequens decoctum.

℞. Seminū alchechengi, vel solatri vesicarij 3 x.

Cicerum rubeorum	gr. x.
Radicum althææ	℥ j.
Seminum maluæ confraCTORUM	℥ s.
Cinnamomi	℥ j.

Bulliant in iure pulli, & facta diligenti expressione & colatura, accipiatur scutella satis ampla huius decocti, & in ea ponatur sacchari vncia, & tantundē butyri recentis. Bibat hoc totum noctu calidum quantum sustinere potest: hæc enim potio maximè faciet ad vrinæ ardorē sedandū. Sedeat etiā in decocto malvarum, anethi, althææ, chamæmeli, seminū lini, scenu græci: plurimū enim confert ad hunc vsum, magisq;

si decoctum fuerit ex aqua & vino albo simul commixtis. De aquis thermarum, neq; ferreæ solæ placerent, neq; sulphureæ: placeret tamen, ut si in regione ad id cōmoda esset æger, potaret calidarum thermarum aquas, quales sunt Apponenses, & Porrhethanæ: postea suo tēpore biberet aquas ferreas, quales sunt Calderianæ vel Senenses, ita tamen ut calidæ sumerentur vere, media autē æstate ferreæ: neq; enim aliter tutam putarem potionem. Non esse autem deferendas aquas thermarum ad loca remota, multis rationibus persuademur, sed bibendas credimus feruato adhuc suo naturali & actuali calore.

Consult. LXXXVII. pro Reuerendissimo Cardinali Petro Bembo.



Vamprimū R. D. V. literas, mihi profectō quamgratissimas, accepi ac legi, magnā mihi oblatā esse occasionē senti, quae eius summa tum humanitate, tum benignitate reuera frui possem: nō eam tamē quā ego tū primū cognoscere ac admirarer, illā enim iamdiu antea & cognouerā, & multis etiam modis eram expertus, atque ideo in animo mihi solidē inherebat. Nec verō cuiquam mirū videri debet, si in viro nobilissimis natalib. prædito, & quē natura atq; ars certatim omnivirtute ac probatissimis morib. locupletarunt, omnia humanitatis lumina splendeant, & si quo magis illū fortuna in cœlū vehit, eo ipse se tum magis benignū, tum erga omnes affabilē præbeat: cū eorū longē diuersa sit ratio, qui tam præclaris naturæ atq; animi dotibus destituūtur: illi enim & insolētiore, & omniū contēptores esse solēt. Quā itaq; mihi suæ erga me & beneuolentiæ & beneficentiæ significationē candidē admodū declarauit, eam summa
animi

animi alacritate amplector, & ingentis thesauri loco mihi cōseruabo. Deū profecto Optimū Maximū precor, eam mihi det occasionē, vt ego vnā cum reliquis omnib. qui erga amplissimū R. D. V. nomē preclarē admodū sunt affecti, & benignitate & liberalitate candidissimi eius animi, frui aliquando possim. Vxor mea non sine manuū osculo, reuerēter illā salutat. Mei verò liberi eam in gratiā adolescunt, vt illi aliquando obsequantī & seruiāt. Quòd verò ad meā qualēcunq; cōsultationē attinet, ea fuit à me descripta pro ratione earū rerū quæ tū mihi fuerūt exploratē. Cū autē V. R. D. omnia quæ ad affectus suos pertinent, distinctē ac explicatē iam scripserit, neq; hactenus aut calculū, aut eius principiū, adesse suspicemur, sed solā renū imbecillitatē, & fortē etiā eorū meatuū nimīā amplitudinē: cū etiā podagra nūc primū cœperit infestare, quæ tamen admodū sera est, ac imbecilla: propterea pro exacta notitia & curatione horum symptomatū, intelligere oportet, senilis ætatis hæc esse incōmoda, quæ necessariò illā cōsequantur. Membra enim omnia nō ex morbis, sed ipso naturæ curriculo imbecilla reddunt, hæc quidē magis, hæc verò minus, prout in iplis naturæ primordijs magis aut minus validā sortita sunt constitutionē, aut prout vnusquisq; in suis actionibus alterum altero grauius afflixit, fatigauit, aut nimio labore exhaustit. Omnia igit senū mēbra ipso naturæ cursu sunt imbecilla. Quib. autē accidit, ob dictā iā rationē, reliquis corpus habere imbecillius, hi destillationib. vertigini, lippitudini, surditati, sunt obnoxij: sæpe etiā sensib. destituunt, aut alijs huiusmodi morbis infestant. Aliqui ex pectore magis laborāt, quib. etiā tussēs accidunt icurabiles: alijs verò asthmata aut raucedines. Aliqui aut in vētriculo, renibus, vesicā, aut articulis

conflictantur, quibus singulis morbi accidunt peculi-
liares, vt nausæ, vomitus, calculi, venarum ad renes
pertinentium apertiones, dysuriæ, podagræ, arthri-
tides, & alij ijs similes morbi. Paucissimi aut fortè
nulli reperiuntur, qui in senectute alicui ex his affe-
ctibus non sint obnoxij. In eo tantùm est discrimen,
quòd alij alijs grauius aut leuius, citius aut tardius
affligunt. Id verò aliunde nō prodit, quàm quòd va-
riæ sunt in hominibus temperaturæ, variæ partium
corporis cōpositiones, summa in vita ac viuendi ra-
tione varietas, magnū in astorum aspectibus, cibo-
rum generibus, animi affectibus, studijs ac viuendi
institutis discriminē. Omnium tamen ex æquo vna est
conditio, vt quicunq; fit senex, senectutis incōmo-
da declinare nō possit, sed aliquando, aliquo saltem
modo dictis calamitatibus afficitur. Accidūt autem
hæc omnia, nō vlla vi morbi, sed vt dictum est, ipsius
naturæ motu, quare ineuitabilis ea est necessitas: na-
tius siquidem calor quotidie seipso fit imbecillior,
& membra sicciora: cū enim calor cibū pro ratio-
ne concoquere ac distribuere, & vt antea consueue-
rat, non possit, humoribus partim crudioribus, par-
tim putrescentib. corpus repleti est necesse: qui cer-
tè eo magis redundant, quo membra iam arefacta &
imbecillia vtcunq; multo egeant alimento, eius ta-
men exiguā quātitatem, tum quia imbecillia sunt &
sicca, tum etiam quia ipsum nutrimentū à natiuo ca-
lore non vt decet est præparatum, attrahere, ac illo
frui non possunt. Vbi igitur humores dicto iam mo-
do creuerint, eò quòd cū pauci essent, ad legitimā
alimenti formam à natura minimè potuerint permu-
tari, duorū alterum necesse est sequi, scilicet vt à na-
tura quadantenus maturati expellantur, aut ab vno
membro in aliud protrudātur: quorum certè ea iam
est con-

est conditio, vt nec tueri seipsa, nec deperditæ substantiæ iacturam refarcire possint, quin potius illam minui, & quotidie plurimum labefactari experientia ipsa docet. Atque hinc diuinus Hippocr. permotus, nec semel, nec iisdem verbis, suis in monumentis verissima illa oracula pronunciauit: Senibus spirandi difficultates, destillationes cum tussi, vrinæ stillicidia, vrinæ difficultates, articulorum dolores, renum passiones, apoplexiæ, mali habitus, pruritus totius corporis, vigilia, alui, oculorum humiditates & narium, visus obtusus, glaucedines, auditus graues. Alibi verò: Seniores iuuenibus plurimum ægrotant minus: qui verò morbi ipsis accidunt longi, magna ex parte comitantur ad mortem. Hæc omnia ideo à me fusius sunt explicata, vt Reuerendiss. V. D. inde intelligat, ob renum quam percipit imbecillitatem, non admodum sibi dolendum esse, cum ea & naturalis sit, & ætati suæ consentanea. Sed neq; ea qua ante xxv. annos fruebat valetudo, aut speranda est, aut expetenda. Illud potius curet, ne malum augeatur, aut renū imbecillitas progrediatur, vt aut calculum, aut alios grauiores morbos gignat: hoc enim aliquando accidere illis solet, qui cum sint intemperantes, suam valetudinem parum curant. Illud verò D. Vestræ Reuer. minimè est metuendum, cum non recēs, sed multorum annorum consuetudine temperanter viuendi habitum sibi compararit. Primū igitur dicam, quæ tuendis renibus conueniat, tum viuendi, tum curandi ratio. Deinde ad particularia quædam postulata, de quibus illa me interrogauit, distinctè respondebo. Cum recta viuendi ratio duplex habeatur, vniuersalis scilicet & particularis: in hoc affectu, quemadmodum in alijs quoq; non huius tantum, sed illius etiam est vsus. Vniuersalem eam voco,

Gg

quæ etsi valetudini cōseruandæ in vniuersum est ac-
 cōmodata, vni tamē affectui magis quàm alteri vide-
 tur cōuenire. Particularis autem est illa, quæ præter
 cōmunē obseruationē, certis limitibus ita est circū-
 scripta, vt vnicū morbi genus respicere, illiq; soli ad-
 uersari videatur. In cōmuni illa ratione explicanda,
 diutius mihi non est immorandum: certum enim est
 mihi R.D.V. illam ita instituere, vt in ea parum desi-
 derari possit. Iam enim omnibus notissimum est &
 vulgatissimū, optima cibaria esse ingerēda, & à cras-
 sioribus abstinendum. Particularem igitur viuendi
 rationem tractabo, cū vniuersalem illam à R.D.V.
 exactè obseruari non dubitem. In particulari igitur
 hac renum curatione illud in primis est animaduer-
 tendum, immoderatum & calorem & frigus, illis es-
 se infestissimum: cū enim caloris propriū sit mea-
 tus amplificare, eadem opera plures quàm oportet
 humores etiam trahit, & eos qui in loco retinen-
 di erant, expellit. Frigiditatis autem contraria peni-
 tus est ratio: ea enim nec sanguinis serū trahit, quod
 quidem proprium est renum officium, neq; illud vt
 decet ad vesicam pellit: quo fit vt contrarij hi affe-
 ctus sæpe in senibus conspiciantur: nam prout aut
 ex frigore, aut ex calore fuerunt affecti, fit vt aut exi-
 guum quid, & non nisi ægrè & guttatim mingāt, aut
 sanguinolentum quendam humorē copiose profun-
 dant. Igitur vtrunque extremum à renibus diligen-
 tissimè est arcendum. Solent autem renes nimiū in-
 calefcere, cū quis laborat nimis, aut calidiori cœ-
 lo se exponit, siue illud à sole æstiuo, siue à copio-
 so igne in calidioribus cubiculis incaluerit: præte-
 rea cū quis calidioribus cibis, vt aromatis, ac vinis
 potentioribus vtitur. Idem facit etiā Venus, quæ in
 senibus nullum vnquā locum habet. Cū autem la-
 bore

borem nimium, aut nimiam aëris caliditatē dico, ad corporis affecti, ac renum imbecillitatem, comparationē fieri debere semper intelligo, quæ à leui quocunque excessu, ob exiguā resistendi vim, haud mediocriter alterantur. Refrigeratio autem immoderata fit aut à loco in quo quis degit, aut ab aëre, aut à frigidioribus cibis, quales sunt fructus, cucumeres, cucurbitæ, lactucæ, endiuiæ, omphacium, & reliqua his similia: præ cæteris autem frigida aqua, & vina refrigerata. Nimia igitur caliditas & frigiditas renibus præcipuè aduersantur. Verùm non hæc sola infesta sunt, sed reliquarum rerum omniū excessus: quamquam non æquè ac rerum illarum quæ nimium aperiunt, vsus, à medicis eò quòd vrinam permoueant, diuretica sunt appellata: huiusmodi sunt, asparagi, pastinacæ, apium, petroselinū, fœniculum, ficus, pepones, melopepones, vinū album subtile, & reliqua his similia. Hæc verò multò magis noxia sunt à cibo: nam præterquàm quòd plus iustò vrinarios meatus aperiunt, crudioris etiam cibi partem aliquā, & minime concocta excrementa eò deducunt, quæ multorum malorū autores esse possunt. Quæ igitur plus æ quo aperiunt, in renū valetudine cōseruanda semper noxia sunt: eadem autē à cibo sumpta, valde sunt perniciofa. Hoc autem à me in quadam tractatione, in gratiā clarissimi viri Marciantonij Contareni philosophi, aduersus aliquot medicos qui contrarium sentiebant, fusius ac diligentius est explicatū. Cùm verò aperientium vsus reprehendimus, non ita est accipiendum, quasi verò ea quæ nimium adstringūt, renibus sint vtilia: ea enim aliquando, potissimū verò cùm tum ipsi, tum meatus ad ipsos pertinētes excrementis sunt referti, multò magis sunt noxia. Adstringunt autem vina austera, pyra, cidonia, palmu-

læ, & huiusmodi reliqua. Ex cibis etiã euitandi sunt illi qui crassum ac viscidum nutrimentum præbent, & quæ pingua sunt & adiposa. Crassum alimentum gignunt legumina omnia, pisces maiores, vt thunni, sturiones, ombri, anguillæ quoq; , tenchæ, ostrea, limaces, fungi, terræ tubera: quadrupedum maiorum carnes, vt bouis, cerui, apri: aues quæ in paludibus degunt, vina dulcia, aut nigra: quòd si vtraque præditi sint qualitate, tum planè sunt perniciosæ. Viscidi alimenti cibaria sunt, caro suilla, pastilia, caseus recens, & omnia ex lacte quocunque modo parata, placentæ quæ vulgò tortæ vocantur, pulmenta quæ pasta sunt obducta, fricta omnia: ea etiam quæ in melle aut saccharo vulgò multifariã cõdiuntur, aut aliqua simili ratione miscentur, quemadmodum etiam crustula, & omne itriorum genus. Hæc omnia renibus ideo aduersantur, quòd crassos ac viscidos humores gignunt, quos deinde ampliores facti renes, facilè ad se trahunt, & aut vrinarios meatus obstruunt, aut calculum ipsum creant. Quòd si compressi ac refrigerati sint renes, sanguinis serum crassius ac viscidius factum minimè ad se trahunt: vnde fit vt multiplici periculo corpus repleatur. Siccioris alimèti cibaria sunt lepores torrefacti, cerui, capræ, & diuturnior aceti vsus. Vt autem summatim dicam, nullius rei excessus renibus est salutaris: atque hoc illis præcæteris membris est peculiare, vt apud Græcos tritum sit in sermone prouerbum, *νεφριτικοῖς εὐκρατα*. Rationem eius rei non aliam esse puto, quàm quòd renes à natura ideo facti sunt, vt sanguinis serum ad se trahant, & vt ab eo excremento vniuersum corpus expurgent. Vt autem commodius possent officium hoc præstare, eorum substantiam densiorè esse oportuit, & meatus habere angustiores, vt solum se-

rum

rum & aquea sanguinis pars attracta, transmitteretur. Hinc etiam videmus, cum iusto latiores sunt facti, ipsum etiam sanguinem trahere, ut in sanguinolentis urinis apparet. Cum igitur talem & substantiam & structuram renes habere oporteat, si à quouis excessu læduntur, mirum videri non debet: siue enim paulo magis adstringantur, siue latiores fiant, à sua actione impediunt: & siue crassior siue tenuior paululum fiat sanguis, eadem oriuntur incommoda. Hoc autem imbecillioribus corporibus frequentius contingit, aut cum renes maiorem quam reliquæ partes sortitæ sunt imbecillitatem. Hæc autem ita se habere, cuius exactius rem considerans, facile iudicabit. Ut itaque ad particularem R. D. V. curationem veniam, illud in primis statuo, rerum omnium excessus esse fugiendos, tam frigoris quam caloris, idque non solum in aëre ambiente, verum etiam in cibo ac potu, & in his quæ urinam mouent aut adstringunt, ac ut summatim dicam, in omnibus quæ à mediocritate ad extremum aliquod discedunt. Hæc hætenus de victus ratione seruanda, à nobis sint dicta. Quod autem ad medicamenta attinet, assiduus sacchari rosæ facci usus, in præseruandi ratione, præ cæteris omnibus mihi summopere probatur: vix enim quicquam magis salutare à nobis excogitari potest, & quod sine ullo nocumēto aut perturbatione omnes corporis partes iuuat, præcipuè autem renes, qui, ut diximus, ab omni excessu lædi solent. Hoc salutare auxilium ita est temperatum, ut si latiores facti sint renes, ad conuenientem naturæ suæ statum illos deducat: quod si obstructi sint & pleni, abstergat: si incaluerint, refrigeret: nec tamen affectibus frigidis nocet, cum sit (ut antea dictum est) in omnibus qualitatibus suis temperatissimum. Ventriculum autem ab om-

nibus excrementis, præ cæteris mundum reddit ac roborat, ipsam quoque abigit destillatione: quæ cer-
te adiumenta quàm senibus sînt necessaria, quivis fa-
cilè potest indicare. Maximè igitur mihi probare-
tur, si quotidie manè per horâ vnam ante prandium
R. D. V. mediam eius vnciam sumeret, ac deinde le-
niter deambulet. Consultum etiam mihi videre-
tur, si aliquando, vt bis aut ter in mense, scrup. vnus
aut media drachma optimi ac exactè maturi rhabar-
bari illi adiungeretur: quo sanè tempore per tres
ad minus horas ante prandium erit sumendum: hoc
enim vniuersum corpus mundum maximè conserua-
ret, & à multis alijs morbis & à podagra posset præ-
seruare. Quæ autem cōmoda renibus afferre possit,
quiuis vulgaris etiam medicus intelligere facilè po-
test. Nam præterquàm quòd per vrinâ exactè illos
mundificat, postea etiam roborat, & sine vi adstrin-
git. Atque hoc, in ea qua R. D. V. prædita est tempe-
ratura, pro præseruatione, satis mihi videretur. Si-
quando verò contingeret vt renes adeò aperti ef-
sent, vt iam sanguis excerneretur, tum reliquo cor-
pore mundo existēte, quale proculdubio esset si præ-
scriptam viuendi rationem obseruaret, suaderem vt
ad idoneam renum adstrictionem, in aurora inferius
descriptum puluerem, in aqua capillorum Veneris,
aut asparagoram, aut cardui, aut fœniculi, sumeret
calidum:

Rx. Boli armeni orientalis	3 j.
Gummi arabici	
Tragacanthi	ana 3 ij.
Rosarum rubearum	
Myrtillorum	
Hypocistidos	ana 3 j.
Coralliorum rubearum	3 s.

Misce

Misce, & fiat pulvis subtilissimus, cuius singulis vicibus sumatur semidrachma, cum vncijs quatuor aliquius ex prædictis aquis. Interim etiam dum renes ita erunt aperti, & descripta superius potio bibetur, hoc vnguento renes etiam illinentur:

℞. Succī foliorum lentisci

Foliorum myrti

Radicum consolidæ maioris ana ʒ j.

Vnguenti infrigidantis Gal. simplicis ʒ ij.


Misce, & fiat linimentum secundum artem.

Hæc omnia facilia satis ac familiaria, efficacissima tamen, cum nimia dilatatione renes iam laborabunt, administrari debent. Quod verò ad purgationē bis in anno moliendam attinet, si R. D. V. institutā iam viuendi rationē obseruabit, & si rhabarbarū, ita vt superius dictum est, sumet, minimè fore necessariā puto, præsertim cum ea vti non consueuerit, neq; vllam vnquā huiusmodi purgationē admitterit. An verò quarundā thermarū aque cōueniant, vt Lucensiū de Villa, aut Veronensiū de Calderio? Cum sua natura frigide sint, & vētriculo infeste, nō ita facilè assentior, & illarum vsu minimè opus fore confido. De fructibus ita sentio. Reueren. D. V. ab illis quoad fieri potest, debere sibi tēperare: quò enim exactius hoc hætenus seruauit, eò in posterū nocentiores illi erunt fructus, cum eis minimè sit assueta. De vino autem quod queritur, albūm ne an nigrū magis conueniat. Ego medio colore præditū magis probarē, rubrū scilicet & clarū, ac probè maturū, nec tamen nimis potens. Huiusmodi ferè sunt Salernitana, & quædam etiā Romanensia. Aceti autē vsum penitus non reprehēdo: certū enim est mihi R. D. V. cōdimenti tantū loco illo vti: id verò cum exiguum admodum sit, obesse nihil potest. Quòd verò

ita adhibitū neruis nocere, & articulari morbo aduerfari quidā dicunt, valde est ridiculum: cuius fanē rei multæ mihi sunt rationes, quas ne moleſtus ſim nolo nunc recensere. Lac autē ac lacticia omnia probari à me non poſſunt: cū tamen R. D. V. illis ſit aſſueta, & eorum uſu plurimū delectetur, aliquando ante alios cibos recentiſſimum lac, ioncatam etiam quam vocāt, aut pinguiorē illam partem, quam ideo quòd in ſuprema lactis parte in viſcidam quandam cruſtam concreſcit, caput lactis ſolent appellare, & recentem etiam caſeum, ſed parcè, comedet: à veteri autem penitus abſtinebit. E piſcium genere, arbores vocatos, barbos, auratas recentes, & in profundo mari viſitantes, aut in craticulis, aut in iuſculo coctas nō reprehendo, quin potius illorum eſum innoxiiū fore puto. Autūnales fructus, vt pyra, cydonia cum ſaccharo cocta, R. D. V. aliquando deguſtabit, ſed parcè admodum, quemadmodum in rebus omnibus illa ſemper eſt modetiſſima. Cæpæ atq; allia ſua quidē natura vt alimenta, praua ſunt nutrimenti, ac penitus reiſciendi: quòd ſi aliquando proſunt, id certè nō vt alimenta, ſed vt medicamēta præſtare ſolent: craſſiora enim phlegmata incidunt, aut flatu pellunt. Hæc mihi nunc in animo occurrerunt, de quibus R. D. V. admonerem, atque illi reſponderē: quæ certè ſi non eiufmodi fuerint vt ipſa res poſtularer, atq; ego etiam exoptarem, non meæ voluntati, quæ erga R. D. V. propenſiſſima eſt atque obſeruantiffima, ſed meę potius imperitię eſt adſcribendum. Meam etiam in ſcribendo tarditatē vt boni conſulat ſupplex rogo: maxima enim & frequentiffima à Magnificis ac Nobiliſſimis viris exhibita mihi negotia (nam & extra ciuitatē proficiſci, & cum alijs medicis longas quotidie habere cōſultationes cogor)

cogor) ne horulam quidē otij aut quietis mihi concedunt, ita sanè vt successiuis horis R. D. V. pauca hæc scribere vix potuerim. Cui humiliter me commendo, & supplex sacras eius manus, summa animi ac corporis adhibita submissione, reuerenter exosculor.
Patauij.

Consult. LXXXVIII. De ardore urinæ, cum quadam suppressione urinæ, suffocatione noctu à primo somno, dolore renis præcipuè sinistri, de dolore spatulæ sinistræ, dolore uentriculi, uentositate in fundo uentriculi & intestino colo, de continua stomachi imbecillitate, cum dolore podagrico remisso in pollice pedis dextri, pro Francisco Vargo Regis Hispaniæ Consiliario,



Mnia symptomata, vel accidentia, de quibus conqueritur Illustrissimus Dominus, iudicio meo, ad duas intrinsecas causas sunt redigenda, quæ tamen causæ fomentum incrementumq; à causis extrinsecis natæ sunt, & continuè nanciscuntur. Interiores ergo causæ sunt, uentriculi frigiditas maior quàm expedit, & excessus caliditatis in hepate, & renibus, & toto ambitu venarum. Ex his duabus causis efficitur, vt prima concoctio sit diminuta, & pituita quantitate & qualitate excedens dominetur, colligaturq; in uentriculo, & subinde distribuatur, primo ad venas mesaraicas & hepar, ibiq; plures variasque efficiat obstructions. Excessus autem caliditatis in hepate, & amplitudo vasorum, quæ necessariò talem temperaturam consequitur, multiplicat sanguinem, bilemq; adustam, ac præterea pituitæ partem distri-

butam crassio rem, calidior emq; reddit. Cùm igitur massa sanguinis expurgatur, attrahiturq; serosa humiditas ad renes, promptè simul excernuntur ex occasione amplitudinis venarũ, reliquæ quoq; superfluitates pituitosæ & adustæ: dumq; in renum angustijs immorantur, vltèrius aduruntur, vnde & calculi renũ, arenæq; plurimæ generantur: quæ postea per urinarios meatus ad vesicam delatæ, & confertim ad ipsius ceruicem infarctæ ita occludunt meatũ, alioqui angustum, vt interim vrina prorsus retineat tandiu, quandiu plurimæ vrinæ copia impetu facto erumpat. Sed antequàm erumpat, dolor circa illas partes excitatur ex arenularum asperitate & acrimonia, dolorq; ille maior aut minor efficitur, prout etiam excrementa illa retenta quantitate plura, aut qualitate acriora fuerint, vel pauciora, & mitiora. Pituita autem in ventriculo collecta, & occlusa in venis mesaraicis, dum intumescit, & in spiritus flatuosos vertitur à calore agitata, varios affectus producit. Nam vbi spiritus intra tunicas cùm ventriculi, tum intestinorum includitur, dolores excitat vel colicos, vel cœliacos, prout vel ventriculum, vel intestina occupauerit: pars verò eiusdem spiritus quæ repentè & confertim traducta per hepar ad renes detruditur, dolores efficit nephriticos modò in dextro, modò in sinistro rene, frequentius tamen in sinistro, quoniam pars illa imbecillior est: qui vbi amplior maiorq; efficitur, cõmunicatur etiã & protenditur vsque ad spatulam, humerosq; eiusdem lateris, obseruata rectitudine transitus, siue nervos ibi existètes, siue venas, aut arterias, aut etiã ista omnia simul occupauerit. Vbi verò spiritus ille & vapor ad superiores partes cõfertim retruditur, suffocationes efficit maiores vel minores, prout maior vel minor copia vapo-

vaporū fuerit. Quòd autem huius suffocationis causa ad dictos vapores sit referenda, præter alias rationes hoc maximè indicio comprobatur: quoniam sicut velocissimè inuadit, ita etiam velocissimè resoluitur, quod quidem est flatuosæ materiæ proprium, non corpulentæ & crassæ. Cui etiam rei adstipulatur primò illius suffocationis origo, quæ inuasit à comestione lacticiniorū, & vini diluti cum oliuis, quæ omnia proculdubio spumosa admodum flatulentaque sunt cibaria. Neq; ratio aliunde petenda est podagrici doloris dextri pedis pollicē occupantis, quàm ab illis prioribus duabus causis, frigiditate scilicet ventriculi pituitam generatæ, & caliditate hepatis, & ex quo viæ & meatus ampli progrediunt, per quos commodè possit transire materia. Consentaneum autem rationi est, vt crassior quidē humor deorsum ad pedes descendat, leuior autem & flatuosior superiores magis partes petat. Quòd autem magis occupat pedem dextrum quàm sinistrum, causa est, quoniam ab hepate per venas talis descendit materia: vnde seruata rectitudine, quæ naturæ familiarissima est, dextrā potius partem quàm sinistrā inuadit. Hæ sunt causæ intrinsecæ omniū istorum symptomatū, quæ morbi Illustriss. Domino appellantur, numero octo videlicet vrinæ quædam suppressio, & ardor: secundò, suffocatio nocturno tempore à primo somno repente occupans: tertio, dolor renis præcipuè sinistri: quartò, dolor spatulæ sinistræ: quintò, dolor ventriculi: sextò, ventositas & oppilatio, vt ipse vocat, quæ videtur permanere in fundo ventriculi, & intestino colo: septimò, continua stomachi imbecillitas: octauò, dolor podagricus remissus in pollice pedis dextri. Istæ autē duæ causæ, quas intrinsecas diximus, plurimū adiuantur & fouent à causis extrinsecis malè

applicatis, vt aëre, cibo & potu, exercitio incōgruo, Venere, & reliquis alijs cognitis. Vtrum autem frigiditas ventriculi, quam prædiximus, & hepatis caliditas fuerint Dominationi suæ cognati & naturales affectus, an aduentitij? De hepate quidem facilè dixerim caliditatem esse cognatam: de ventriculo autem non ita constat: potuit enim facilè tum propter vehementia studia literarū, tum propter Venerem, aut propter alias immodicas mutationes, quæ frequentissimè in humana vita cōtingunt, præcipuè quæ libera non est, sed negotijs rebusq; agendis addicta, ad talem intemperiem reduci. Hæc igitur dicta sunt de causis illorum omnium symptomatum tam intrinsecis, quàm extrinsecis. Superest, vt nunc de præseruatione futurorum agatur, & de curatione præsentium. Et quoniam, vt sententia Galeni est, iisdem ferè remedijs præsentem morbum curamus, quibus à futuro præseruamus: ideo maxima ex parte, quæ de præseruatione dicent, ad curationē transferri poterunt. Fiet potissimè præseruatio cum his, quæ innatum calorem conseruāt, quo totum animal gubernat: neq; enim excedere potest in eo corpore, vbi calor naturalis dominat, alicuius membri vel calidi vel frigidi excessus. Calor innatus cōseruabitur, si recta ratio in sex rebus extrinsecus occurētibus obseruabit. Primò igitur cauebit Illustrissima sua Dominatio ab omni aëris excessu, siue calido, siue frigido: frigidus intemperiem ventriculi & cerebri augebit: calidus hepatis, renum ac venarum. Et eadem omnino ratio est de cibis, seu calidis, seu frigidis. Labores verò atque animi accidentia, si moderata fuerint, calorem naturalem excitabunt, concoctiones distributionesq; adiuuabunt: si deficient, torpidum frigidumq; corpus totum efficiet: si exuperabunt, primò quidem
calor

calor igneus excitabitur, & naturalis diminuetur: postea verò ubi maior fuerit exuperat̃ia, calor etiam igneus resoluetur, & torpida succedet frigiditas. Ergo in omnibus excessus est euitandus. A somno meridiano quāmaximè cauere oportet: inde nanq; caput repletur, & destillationes excitantur, vnde postea Illustrissimi Domini affectus foueri, ad augeriq; possint. Egestionē alui quāmaximè sunt procurandæ: inde enim auersio ad contrarias partes, ac præterea euacuatio excrementorum paratur. Ad hanc lenitionem summè probauerim frequentē vsū hierę simplicis Galeni de sex rebus: nam ex hac ventriculus corroborabitur, obstructions aperientur, hepar euentabitur, & excrementa simul auertentur, & per inferiora ducentur: quæ omnia in hoc corpore à nobis quāmaximè sunt expetenda. Erit vsus hierę, vt accipiat in catapotij formā redacta hora ante cœnam bis in septimana. Sed & assumptio terebinthinę vel laricinæ lotæ, totidē quidem vicibus deglutita, sed horis sumēdi immutatis: manē enim assumi solet tribus horis ante prandiū. Assumendi quantitas circiter drachmas duas: hæc in alijs quidem non inferior hiera, in ventriculo tamen corroborando longè imbecillior. Quantū verò ad nutrimentorū substantiam attinet, etiam me tacente intelligendum arbitror, vt cibos potusq; eligat optimi succi, non facile corruptibiles, & qui citissimè concoquantur distribuunturq;. Tales sunt carnes hœdorum, castratorum iuuenum, vitulorum lactentium, pullorum, atq; auium campestrium iuniorū, quales perdices sunt, phasiani, & passerulorū omnia mōtana genera, turdi, etiā ficedulę, & columbacei pulli non sunt aspernendi. A piscibus cauendum consulo, à lacticinijs, à pastilibus, à leguminibus, à carnibus antiquis & sali-

tis, ab ouis vel duris, vel antiquis, vel sartagine decoctis, ab acetarijs crudis abhorreat, sed præcipuè à ciborum varietate: imò vnico cibo contentus sit. Cruditatem etiam effugiat, nihil enim illa pestilentius: à Germanicis comestationibus & computationibus quàm maximè abstineat. Vinum verò eligat paruū, subtile, lucidum, colore mediocri inter albū & nigrum, minimè acerbum: sed neque dulce, medijs enim saporis, coloris, & potentiaē esse oportet, quod etiam parçè bibat: & inter prandium & cœnam à quocunque potu omnino abstinebit. Vbi hæc ritè peregerit, sciat maximam partem suæ non tantum præseruationis, sed etiam curationis transgisse. Quantum verò attinet ad pharmaciā, suademus Illustrem suam Dominationem bis singulis annis purgari, vere inquam & autumno. Purgationē veris ita faciendā statuerē. Circa quintumdecimū diem Martij, nō impediēte lunæ cōiunctione, triduoq; antè præparato vētriculo cum tenuiori victus ratione, manē sumat tribus horis ante prandium leue pharmacum ita habens:

℞. Floris calsiæ • ℥ j.

Specierum hieræ simplicis 3 ij.

Cum saccharo fiat bolus. Sequēti die syrupum assumat ita habentem:

℞. Syrupi de absinthio

De cichorea Nic. cum rhabar. ana ℥ j.

Decoctionis liquiritiæ

Saluiæ

Betonicæ ℥ iiij.

Misce pro syrupo vno, & sic pro septem. Deinde

℞. Confectionis hamech 3 iiij.

Syrupi rosati solutiui ℥ iiij.

Cum aqua betonicæ fiat potio. Sumat in aurora cum custodia, die immediatè sequenti syrupū septimum.

Postri-

Postridie verò accipiat sacchari rosati semunciā, hora ante cibum, manè & serò. Ita perseveret per dies quindecim. In hac tamē purgatione veris laudarem, ut sanguinē mitteret à vena hepatis ad vncias octo, vel decem: autumno autem eandem prorsus euacuationem repeteret, sanguinis tamen missionem omittet: in reliquis anni temporib. vitet illas euacuationes. Utatur Illustriss. sua Dominatio bis in mense, aut ter ad summum, ad præseruationem, pilulis, quæ ita habent:

Rx. Myrobalanorum citrinorum

Rosarum rubearum

Garyophyllorum

Nucis muscatæ

ana ʒ iiij.

Aloës electæ

Rhabbarbari

ana 3 vj.

Puluerizentur omnia per se, deinde misceant, postea aspergantur succo rosarum puro: postea permittantur exiccari, & ita iteretur sæpius. Deinde cum melle rosaceo fiat magdaleon, de quo singulis vicibus fiat pilulæ tres pondere vnius drachmæ, sumendæ hora ante cœnam. Laudo præterea, ut itidem bis in mense sumat quatuor horis ante prandiū optimi Mithridatici in bolum redacti, vel in pilularū formam scrupulos duos, & superbibat tantū vini aromatici, quantum caperent cochlearia duo. Venter quidem muniri suaderem pannis lineis duplicibus & triplicibus, quantum sufficeret ad calorem optimè retinendum atque seruandum: qui quidem panni linei quāmaximè puri, & ab omni sorditie liberi seruarentur. Apponere verò cerota, siue ex mastiche, siue ex quacunq; alia materia, ad vsum continuū, ego prorsus non laudarem, quicquid alij velint dicere: exurgūt enim talia omnia longo vsu naturalem humorē,

ita vt tandem refrigeretur ventriculus. Nam de gutture vulturum, pellibus leporum, & alijs huiusmodi, nihil aliud dixerim, nisi esse apertissima impostorū cōmenta, quibus ignorantiam propriā velare nituntur. Quantum attinet ad emplastrum diachylon, laudarem quidē si discutiendus esset tumor, vel abscessus maturandus. Sed in casu nostro de renibus proposito, optarem vt tantū esset superuacaneum, neque aliud incōmodum nobis faceretur. Saccharum modicē sumptum, ego quidem non improbauerim. Vinum dilui oportebit aqua fontana, sed quæ maximè tenuis sit, & nullius qualitatis particeps. Vbi ista non habeatur, copiaque affuerit aquæ recenter destillatæ limpidæ & puræ, minimè putridæ, laudarem quod ex betonica, vel absinthio, vel saluia sublimaretur. Aquam ligni Indici, vbi corpus exquisitissimè purgatum esset (hoc enim est admodum necessariū) verno tempore assumendam consulerem, quoniam mirū in modū ventriculum corroborat, intestina & renes. Quod si fortè præcessisset etiā suspicatio aliqua morbi alicuius ad nos non relati, tunc omnibus modis hanc decoctionē profuturā iudicauerim. Admoueri igni, & ex lignis præcipuè mitioribus, quales falices sunt, & vites, hyberno tempore maximè laudo: nihil enim frigore in hac præcipuè ætate, & ad hos morbos detestabilius puto. Exercitiū tunc ob-eundū est, quando exquisitissima facta est cōcoctio in hepate, & venis, quod quidem præcipuè habemus matutinis horis. Sit autē exercitij terminus mutatio anhelitus manifesta: placet autē vt superiores magis partes exercentur, quàm inferiores. Equo insidere tunc optimū est, cū renes & totū corpus fuerit expurgatū: alijs temporibus nō omnino tuta equitatio est. A cœna & prandio negotijs tutò non vacabit, nisi vbi

si vbi ventriculi concoctio exactè perfecta fuerit, id fieri non potest, etiam in validioribus, nisi post quatuor horas à cibo. A cœna somnū capiendū consulo duabus horis peractis, ita vt interim Illustris sua Dominatio suauiter deambulet, aut stet, neque se-deat. Caput manè fricare tum pectine, tum spongia, dūmodo sub tepido aëre, & minimè frigido id fiat, meo iudicio, non est aspernandū. Patauij, M. D. L.

Consult. LXXXIX. ex tempore. De præfocatione matricis.



Roponitur nobis Nobilissima mulier agens iam trigesimū tertium annum ætatis suæ, quæ cōqueritur de matrice ipsa, & patitur multa symptomata. Primò habet dolorem siue vertiginem in capite, non quidem cerebrum totaliter oblidentem, sed partem aliquam cerebri: & ex tali dolore seu affectu in capite, videtur non posse aliquo modo loqui: habet etiā febrem quandoque, & cum hoc habet etiam menstrua suppressa. Ista sunt symptomata, & reliqua per Excellentis. Doctorem relata, quæ cū ex vna radice dependeant, ea non amplius referā. Patitur ergo præfocationem matricis: illa præfocatio quandoque potest esse morbus in compositione, ita quòd matrix non sit in debito loco sita, sed vergat aut ad partem dextrā, aut sinistram. Ex tali enim morbo in compositione (vt dicit Galenus in v. i. de locis affectis, vbi agit de præfocatione matricis) potest cōprimi ventriculus, & reliqua intestina, ex quorū compressione comprimitur diaphragma, quod quidem postea compressum mirū in modum læditur. A quam cau-
sa in ista Magnifica muliere proueniat talis præfocatio, mox dicemus. Inquiramus temperaturam ipsius.


Hh

Teneo temperaturam istius Magnificæ mulieris esse optimam, & ad æqualitatē tendere, quoniam ista est carnosā mediocriter: habet etiam colorem rubeum, qui color attestatur dominium sanguinis supra cæteros humores. Et ita teneo hepar esse optimè dispositū, & habere temperaturā debitam ad sanguificandum. & breuiter, prima, secunda & tertia digestio in hac Magnifica muliere optimæ sunt. Sua ergo complexio calida est & humida. hæc de complexione. Veniamus modò ad morbum. Sum in hoc valde anceps, à quoniam dependeat: & hoc multum refert, quia morbus secundū varias dependentias, varias ad se trahit curationes. Scitis enim suffocationem matricis prouenire à tribus. Primò prouenit ex pluribus humoribus collectis in matrice, qui aduruntur, & putrescunt, & causant hanc suffocationem, & sæua accidentia. Secundò prouenit ex plethora, nam aliquando ita æqualiter humores abundant, ut repleantur illæ venæ matricis, ex quarum repletionē causatur ista suffocatio. Tertiò prouenit, & hoc sæpe vidi, ex ipso animi affectu, quum aliqua mulier pro zelotypia viri irascatur, & animus valde afficiatur, tunc fit illa præfocatio. Et ego noui quasdam mulieres, quæ ita irascebantur, & afficiebantur à zelotypia, ut statim caderent in hunc morbum, & perpeßæ sunt fœuissima accidentia. A quānam causā trium harū proueniat ægritudo istius Nobilissimæ mulieris? Ut rem veram ingenuè fatear, multum sum dubius. Nam primò audio hanc mulierē esse diuitem, & charū virum habere, à quo maximè diligit. Ideo non credo quòd proueniat ex ista ira: neq; hoc certò scio, quia nullus retulit. Præterea credo non prouenire ab adustione humorum, quia, ut dixi, ista mulier est temperaturæ sanè æqualis. Neque potuit generare hos
multos

multos humores adustos, licet comederit cibos, & herbas aliquantulū nocuas, propter suam optimam temperiē. Neq; puto, potuit hoc prouenire à retentione seminis: ex retētionē enim seminis potest fieri ista præfocatio, quā causam omisi suprā. Et quia non potest prouenire ex ista causa, quia audio virū suum esse iuuenem, & agere iam trigessimū tertium ætatis suæ annum: à quānam causa ergo diceres hoc prouenire? Credo quod à plethora proueniat, & quod ob æqualem eius temperaturam sit facta tanta sanguinis abundantia, ut iste sanguis retineatur in venis illis angustioribus, non quod ibi incrassetur, sed ob angustia viarum, & sanguinis affluentia, non possit pertransire, & ibi inficiatur, & transmittatur ad pectus, ad caput, & faciat ista symptomata. Hoc ego dicerē, licet (ut dixi) non sim certus, quia non recte illi infor marūt nos. Tamen credo quod proueniat ex ista plethora, cuius signum est, quod ille medicus qui eam curauit, misit sanguinē, ex illa missione percepit maximum iuuamentum: hoc est signum quod est à plethora. Stāte quod proueniat à tali causa, de cura credo quod facillime hæc mulier curari potest. Et causa cum sit duplex, vna præseruatua, altera quoniā iam febre afficitur, ideo duas debemus habere intentiones: primò curare ipsam, quādo habet paroxysmū, & hoc ligaturis, frictionibus factis in coxis, in cruribus, ad diuertendū etiā factis scarificationibus cum cucurbitulis, ponendo ipsas in coxis: omnia ista faciūt pro diuersione. Pro cōseruatione verò, ne quādo febris non adest, in ipsam non cadat, ego euacuarem ipsam cum manna, aut cassia, ponēdo hierā simplicē, bis aut ter in septimana. Hepar ipsum non tangerem, quia cum bene se habeat, non alterarē ipsum. Confortarem vterum, roborando ipsum. Neq; face-

rem phlebotomiã, quia cùm iam facta sit ab illo Excellentissimo Doctore, & fiet postea cum cucurbitulis, non amplius eam tentarem, quòd oporteat (non erit forsitan malum) prouocare sanguinẽ ab hæmorrhoidibus. Præterea ego maximè laudo, vt fiant duo cauteria in ambobus cruribus, ita quòd illa cauteria faciant, vt illa materia diuertatur. Postea cùm fuerit euacuata, laudarem balneum aquæ dulcis, vt immoraretur in eo: nam balneum, quia calidũ est, aperiet venulas illas existentes prope cutim, & per sudorem emittet omne vitium. Et hæc breuiter volui dixisse, licet in isto casu sim anceps, à quam causarum facientiũ præfocationem, talis præfocatio proueniat. Sed hoc in summa dicerem, quare &c.

*Consult. XC. De fluxu materiæ albæ è uirga
per decennium, pro Magnifico Contarino patritio Veneto.*



Vamuis Magnificus iste vir multis affectibus præter naturam vexetur, sicut refertur, vnum tamen præcipuum est, cuius ratione à nobis consiliũ requiritur: & est destillatio quædam albæ materiæ non mordicantis, neque fœtidæ, colore subpallidæ, quæ paulatim quidem, sed continuè, & iam per decennium perpetuò è virga emanat. Quæritur igitur quod genus sit hoc symptomatis, nũquid id ad gonorrhœã, vel ad aliud quippiam tale sit referendũ? an verò sit alterius generis, & quæ sit ægritudo, quæ ratio, vnde actio læsa consequatur: deinde vbi constiterit de specie tum symptomatis, tum morbi, qua arte curari possit, si modò curationem admittat. Ac de sympto-
mate quidem, non crediderim esse gonorrhœam, neque enim ego semen excerni audio, ac propterea
nec

nec dicerem esse excretionem feminis. Sed nec pus esse dicendum est, cum vlceris nullum signum, quod ego intellexerim, appareat. Non etiam humiditatē è glandulis in collo vesicæ existentibus esse crediderim, cum non inde sequatur ardor vrinæ, quod proculdubio consequeretur, si per decennium eo affectu aliquis laborasset: habet enim illa humiditas hūc vsum præcipuè, vt acrimoniam vrinæ obtundat, oblinatq; & tanquam vestiatur suo lentore partes colli vesicæ sensibiles ad acrimoniam vrinæ sedandam. Ergo in eam potius partem inclino, vt materiæ pituitosæ, tenues, & crudæ, cum portiuncula aliqua bilis admixta, propter hepatis & renum caliditatem, destillēt per vrinæ meatus, atq; ita excernātur, præcipuè cum hic Magnus vir amplos habeat meatus, & calidos renes, ob hepatis scilicet caliditatem, ac præterea in tota sua florēti ætate plusquàm oportuit Veneri indulserit, neque rectam rationem in viuendo seruauerit. Confirmat hanc coniecturam, ventriculi audita imbecillitas, cuius ratione pituita proculdubio multiplicatur. Indicat etiam hoc ita esse nodulorum scirrhosorum multitudo, qui in virga frequentes & multi sunt. Indicat etiam difficultas illa in emittendo latio, quod sine certo conatu expelli non potest: hoc enim contingit, quoniam pituitosa viscidaq; materia facilè circa vesicæ collū impingitur, lociq; illius angustias, magis coarctat: virtutē etiam expultricem imbecilliolem reddit tum refrigerando, tum etiam vrinæ acrimoniam plus quàm satis est obtundendo. Cum ergo tale opiner esse symptoma ob materiam pituitosam ad eam partē defluentē, causasq; habere corporeas, vetriculi imbecillitatē frigiditatis causa, simul cum hepatis & renū caliditate, & meatuū amplitudine, curationem moliendā arbitror cum his,

quæ huiusmodi affectibus opponuntur. Ac primò corroborandum esse ventriculum, ne scilicet pituita multiplicetur: & euacuanda quæcunq; hætenus fuerit generata: deinde hepatis & renum caliditatē temperandā, meatusq; roborandos. Ergo ab euacuatione totius corporis incipiendū: primò cum his, quæ preparatas materias, quas vulgò communes vocāt, euacuent: deinde cum his, quæ residuū concoquāt, postea educant. Consulerem igitur vt Magnificus iste vir curandus primò sumeret florē cassiæ pondere vnciæ, cum drach. duabus specierum hierę, ex quibus bolus conficeret, maneq; tribus horis ante prandiu exhiberet. Deinde sumeret infra scriptū syrupū:

℞. Syrupi de absinthio

Oxymellis scillitici ana ℥ j.

Decoctionis cichoreæ, & agrimonie, in iure tenui pulli ℥ iiij.

Misce pro vno, & sic pro septem. Postea

℞. Confectionis hamech 3 iiij.

Diacatholiconis ℥ j

Misce, & cum zuccharo fiat bolus, dandus in aurora cum custodia. Facta hac purgatione vtatur pro familiari remedio tum ad leniendam aluum, tum ad corroborandum ventriculum, singulis septimanis semel saltem bolo vel pilulis, quomodo illi libuerit, confectis hoc modo:

℞. Terebinthinæ optimæ ℥ j.

Rhabbari electi 3 j.

Misce, & sufficiat hæc quātitas pro duabus vicibus, si in bolū, vel in pilulas redigat. Placet etiā vsus frequens zucchari rosati, si sumpserit semunciam paulò ante cibum cum scrupulo specierum aromati rosati. Laudo etiā vt præmissa euacuatione vtatur bis in anno, autumno inquā & vere: neq; enim facilè aut citò tol-

tolletur hæc dispositio, quæ per totū decenniū perse-
ueravit: sed si curari cupit hic nobilissimus vir, non
tantū vtetur præscriptis medicinis, sed etiā habe-
bit optimam victus rationē, sine qua omnia procul-
dubio frustra fiēt. Cauebit igitur præcipuè à comef-
sationibus, & cōotationibus, parcusq; erit tam in
cibo, quàm in potu, vtaturq; simplici obsonio, & e-
pularum varietatē euitabit: nihil enim illi pernicio-
sius. Cauebit à piscibus, pastilibus, lacticiinijs, fructi-
bus, carne porcina, auibus palustribus, carne agno-
rum, & bubula, & prorsus quæcunque antiqua fue-
rit. Vinum bibet limpidum, maturum, neque adeò
potens, sed moderatè. Cauebit quāmaximè fieri po-
test à Venere. Aëris etiā excessum euitabit. Atque
hac victus ratione, & medicamentis, spero felicē suc-
cessum in hoc Magnifico viro, ita vt prorsus ab om-
ni incommodo, tam præsentī, quàm futuro, sit libe-
randus, quantum attinet ad hanc, de qua cōsulimus,
ægritudinem, cum laude omnipotentis Dei, cuius
nomen sit benedictum in secula.

*Consult. XCI. De præseruatione à calculo,
pro ciue Veronensi.*



Asus huius Nobilissimi viri indiget præ-
seruatione, & curatione: debet enim præ-
seruari ab his quæ facillimè possunt eue-
nire. Cū enim sit frigidī ventriculi, he-
patis calidissimi, & renū, cum venis amplis & latis,
vt par est in tali temperatura, primū non est mirū,
si redundat plurimis arenulis rubeis excretis per vri-
nam: excoquitur enim materia tum pituitosa, tum bi-
liosa, & aduritur à superflua renum caliditate, vnde
excernunt arenulæ. Sed postea successu tēporis facta
imbecilliori virtute excretiua, & multiplicatis vētri-

culi cruditatibus, verendum ne arenulæ concreſcāt in lapidem cum maximis doloribus, vt fieri ſolet, & ſubijciatur calculis renum, fortasſe etiā veſicæ: imò & ab ijsdem cauſis ſenile corpus incidere poſſet in dolores articulares, & podagras, & alias huiusmodi malas ægri tudines. Ergo ſumma diligētia præſeruan dus eſt: præſeruatō autem cū indigeat longo tem pore, & aſidua diligentia, tota eſt in manu patiētis. Igitur erit noſtrū conſulere, ſuum autem erit parē re, & perſeuerare. Circa igitur victū, cuſtodire ſe de bet ab omni aëris exceſſu, & ne alteret corpus tam ad calidum, quā ad frigidum, vtrunque enim no cebit. Ideo venari hyemis tempore, & in nauicula pi ſcari, plurimū nocet, quia aër extrinſecus refrige rat & humectat: labor verò intrinſecus calefacit & exiccat, & ita in vtroq; extremo ſimul exiſtēs etiam corpus maximè afficitur. Debet igitur primò omnes exceſſus aëris euitare, tam caloris, quā frigoris, om nes item exceſſus laboris & exercitij, præcipuè poſt cibū, ſed moderatè ſe exercere: neque enim ab exer citio abſtinere debet, & id horis matutinis, & poſt cibum quieſcere. A coitu quantū poſſibile eſt abſti nere: ſed præcipuè nocet vêtre repleto. Habeat quo tidie alui beneficium, & ſi non habuerit, vtatur manè iure pulli, in quo decoquatur malua, pruna ſicca dulcia x. aut xij. & paſſularum vncia, & facta diligen ti expreſſione, bibat ſcutellam huius brodij calidam tribus horis ante cibum. Erit enim hoc remedium, & ad temperandum hepar, & ventriculum, & ad le niendum aluum accommodatum, ad renesq; expur gandos. Vinum eligat pauciferum, id eſt, leue, colo ris rubei clari, non multū, ſaporis medij, non dul cis, neq; acidi. Caueat ab uſtis, & ab omni vino tur bido, & craſſo, & potenti, & dolci: caueat etiā à vino refri-

refrigerato, & à potu aquę frigidę, & non bibat post prandium aut cœnam. Utatur tantum carnibus iuuenum animalium, sicut vitulorum, hædorum, castratorum iuuenum, auium omnium campestrium, præter coturnices. Utatur ouis forbilibus, & recētibus. Abstineat quāmaximè ab omnibus aromatibus, omnibus falsis, à rebus frictis in sartagine, à caseo, & lacticiuijs, à pastilibus, ab herbis, & maximè crudis, & ideo euitabit acetaria: poterit quandoq; temperatè uti asparagis dulcibus decoctis, capparibus, & lactuca, & cichorea cum modico cinnamomi: ab alijs omnibus abstineat. Euitabit multitudinem ciborum, sed semper vnico cibo sit contentus. Laudo ut pro cōseruatione stomachi utatur vel aloë ante cœnam pondere scrupuli vnus, vel rhabbarbaro, ut consuevit, ante prandium tribus horis pondere semidrachmæ, vel etiam flore cassiæ cum rhabbarbaro. Hæc omnia conueniunt, & contemperant, euacuantq; membra læsa præter omne nocumentum. Sed inter omnia maximè mihi placet vsus ipsius aloës, neque timebit caliditatē eius, etiam tempore æstatis, & permittet dicere vulgares medicos quicquid volunt. Laudo præterea, ut quam frequentissimè sumat semunciam ante cibum circa horam vnā, optimi sacchari rosati per totum annum, etiam si quotidiesumeret: est enim præstantissimum remedium. Consulo igitur ut iubeat præparare sibi hoc anno vas magnum illius sacchari pro toto anno: facilè enim conficitur etiam in domo propria. Hæc pauca sunt, quæ credo nunc suffectura: & si omnia diligēter obseruaerit, proculdubio ab omnibus incommodis præferuabitur. Quantum attinet ad linimenta circa renes, laudo potius vnguentū in frigidans Galeni simplex, quàm aliquid aliud.

*Consult. XCII. De fluxu per uirgam, pro
ciue Taruisino.*



Luxum hunc, qui creditur esse feminis, magis putarem esse materierum crudarum, quæ in toto corpore multiplicantur, siue propter ventriculi frigiditatē, in quo frigidi humores multiplicantur, & inde attracti propter hepatis & renum caliditatē, ad vasa seminaria præcipitantur, quæ vel propter flatus, vel propter nimium Veneris usum, vel propter magnos labores, aut equitationes, plus æquo fuerūt dilatata & relaxata. Aliqua enim harum causarū, vel omnes poterūt concurrere: quæ cū explicatæ non fuerint, per idoneas coniecturas à nobis quærendæ sunt. Quicquid igitur fuerit, hoc vnum constat, curationem moliendam esse, tum per optimam victus rationem, ne humores plus æquo aggregentur, tum per auersionem ad alias partes, tum per membrorū corroboracionem. Quantum igitur ad primum attinet, euitabit omnes aëris excessus, quantum fieri poterit, tum caloris, tum frigoris. Eliget regionē quam maximè temperatā, quantum ab eo poterit fieri. Fugiat etiam omnes animi molestias: cauebitque post prandiū, vel cœnam, ne laboret tam corpore, quàm animo, sed quiescat, leuiter tamen deambulando, ut cibus melius resideat in ventriculo. Simplici cibo semper vtatur, fugiendo epularū diuersitatem, qua nihil magis aduersum. Eligat carnes laudabiles, pullo-
rum, hædorū, vitulorū, & castratorum iuuenum: neq; oua recentia vitupero. Cauebit à piscibus, à lactici-
nijs, à pastilibus, à fructibus, ab acetarijs crudis, ab oleribus, & à rebus frixis in sartagine. Vinum eliget pauciferū, rubeū, vel si hoc defecerit, album, lim-
pidum,

pidum, non multum potens, quod parcissimè bibet; omnesq; euitabit comestationes & computationes, si sanitatem acquirere cupit, alioquin omnia frustra tentabit. Quantum verò attinet ad auersionem materiæ, & euacuationē, primò toto tēpore suæ aduersę valetudinis bis singulis annis purgabitur, vere inquā & autūno, poteritq; purgatio hoc modo perfici,

℞. Diacatholiconis ʒ. j.

Specierum hieræ simplicis 3 j.

Misce, & fiat bolus cum saccharo. Deinde

℞. Syrupi de mentha

De absinthio

De endiuia ana ʒ. s.

Decoctionis pentaphylli & betonicæ, in bro-
dio macro pulli ʒ. iij

Misce pro vno, sic pro alijs. Deinde

℞. Confectionis hamech 3 iij

Trochiscorum alhandal gr. vj.


Misce, & fiat bolus cum saccharo, dandus in aurora cum custodia. Vel,

℞. Pilularum aggregatiuarum 3 j. s.

Fiant pilulæ quinque eodem modo sumendę. Et hæc erit annua purgatio, tam vere, quàm autumno celebranda. Deinde efficacius etiā auertendo vtetur ter vel quater in mense rhabarbaro cum saccharo rosato, sumēs ex eo drachmā cum semuncia sacchari rosati tribus horis ante prandium. Hæ auersiones vbi non suffecerint, laudo tandem vt fiant in cruribus vtriusq; remedia à perito chirurgo, quæ sunt cauteria. Quantum verò ad corroborationē membrorum attinet, factis omnibus purgationibus & auersionibus, & proposita victus ratione, quam prædiximus, laudo vt cōgruis temporibus, circa finem veris, aut principiū autūni, bibat aquas thermarū, in quib. alu-

men & sulphur dominetur. Partes & renum & lumborum ijsdem temporibus post harum aquarum potum illinet vnguento de corticibus castanearū, vel eo quod cum sandalis conficitur. Ventriculū etiam illinet vnguento confecto ex oleo de absinthio, & mastichino. Quandoq; etiam, vt ter vel quater in mense, primo mane, quinq; horis ante prandium, sumat drachmam Mithridatici: summopere enim ad membrorum corroboracionem confert. In omnibus autem temporibus à multa equitatione cauebit, & præcipuè in sellis duris, & in equis qui tolluntur ac cursim incedunt, & deniq; ab omni labore earum partium, quiescāt crura, renes, & dorsum. Et hæc si obseruabit, spero illi omnia feliciter successura, ad laudem Dei omnipotentis, cuius nomen sit benedictū.

Consult. XCIII. An diuretica conueniant in præseruatione affectus renum & vesicæ, pro Magnifico Contareno Prætorè Patauino.



Quæritur an in præseruatione sanitatis Magnifici & Clarissimi domini Marci Antonij Contareni conueniāt diuretica. Et vt sub vniuersali particularis rei veritas magis elucescat, non erit absurdum vniuersalē quæstionē proponere: An in tēpore sanitatis, ad præseruationē conueniant diuretica, ijs qui renū vesicæq; affectibus sint parati. Nam quòd conueniāt, videntur nobis persuadere aliquot rationes, & autoritates. Primò enim, quæ vias aperiūt vrinarū, & abluūt materias impactas, & crassas incidunt, ea maximè conferre videntur ad talem præseruationem: sed diuretica cuiuscunq; generis hæc omnia id maximè efficere possunt: ergo. Confirmat, quia multitudo vrinæ proculdubio vtilissima est abstergēdo, abluen-

ablundo, & incidendo, ut tam renes quam vesica purissima remaneant: ad urinae autem multitudinem generandam nihil efficacius diureticis: ergo. Præterea Paulus in tertio lib. cap. xlv. in præservandis à calculo diuretica exhibenda iubet cum oxymelite: idemque omnino asserit Auic. lib. tertio, Fen xvi. tractatu secundo, cap. xvi. Præterea autor ille qui de renum affectibus scripsit, in præservando renes à passionibus utitur vino albo tenui, & cibis attenuantibus, quæ omnia sunt diuretica. Ergo diuretica videntur convenire in præservatione sanitatis. In oppositum, quod minimè conveniant, arguitur sic. In conservanda sanitate renum & vesicæ, summo pere cauendum est ne materia trahatur ad loca infirma, sed potius auertatur: à diureticis autem trahuntur materię, ergo diuretica non conveniunt. Neque obstat quod aliqui dicant, trahi quidem materias, sed easdem quoque educi. Nam præterquam quod non conveniat euacuare, & materias attrahere per loca infirma, est & aliud incongruum, quod in longo transitu & mora multæ materię sæculæ, aliquid semper residet, impingiturque parietibus tum renum, tum vesicæ, quæ successivè ad maximam molem perveniunt, ut in matulis videre licet. Præterea in quolibet membro euacuando intentio perpetua medici est, ut illud corroboret, augeatque vim, quæ Galenus tonum appellat, quæ vis seu tonus secundum magis & minus omnibus membris est necessaria, ut resistat extrinsecis, & proprias vires conservet. Id autem fit rebus mediocriter astringentibus. Ergo à diureticis cauere debemus, quæ omnia, quatenus diuretica sunt, vim habent aperiendi & attenuandi, non adstringendi. Præterea manifestum est, renes & vesicam, ubi semel aut bis afficiuntur, ut plurimum imbecilliores

reddi, & preparari ad nocumenta faciliè suscipienda. Quod inde apparet, quòd qui semel aut bis calculum, vel retentionem aut difficultatē vrinæ perpepsi sunt, vix possunt omni conatu præcauere, quin toto vitæ curriculo non subijciantur ijsdem. Certum autem est, quòd ad loca imbecilliora in humano corpore semper propelluntur, decumbuntq; excrementa totius, vt Galenus 111. de naturalibus facultatibus dicit. Igitur nō sunt aperiendi renes aut vesica, alioqui debiles in tempore suæ sanitatis, aut præparandi ad excrementa suscipienda: sed potius corroborandi, & adstringendi, ne faciliè recipiant nisi serositatem tantum, quam naturaliter attrahunt. Præterea autor de renum affectibus, in præseruatione sanitatis auertendos esse humores corporis asserit, per alium præcipuè, vt scilicet (vt ipse ait) vrinæ clariores purioresq; reddantur. Præterea Nicolus vir doctissimus, sermone v. tractatu 1 x. detestatur in tali præseruatione diureticorum vsum, cū asserit ea renes debilitare, & ad superfluitates totius corporis suscipiendas disponere, & renes tanquam lacunam efficere. Vnde concipe (inquit) errorem cōmuniter practiciantiū, & assiduò vtentium eis. Arculanus etiam in 1 x. ad Almanforem, cap. de ardore vrinæ, cū cognouisset diureticorū vsum summopere nocere, experiētia & ratione ductus, nesciretq; quomodo Rasis & Auicennæ auctoritatem saluaret aliter, non male distinxit diuretica, asserens leuioribus quidē nos interdum vti posse, à fortioribus tamen cauendum. Ex ijs igitur apparentibus rationibus in vtranq; partem, oritur ambiguitas, quid magis credendum sit. Sed profectò viros doctos, & in medica arte eruditos, qui scire potius quàm altercari student, ne sint tales, quales Petrarcha descripsit, Non di saper, ma di con-

di contender vaghi, id est, qui sapere haud cupiunt, sed lites neſtere malunt, nulla impedit dubitatio: facile enim discernunt, quo tempore, & quibus competant, & quando prohiberi debeāt. Ad ſophiſticas igitur moleſtias euitādas, diſtinguemus quæ ad rem pertinent, vt clara ſingularum rerum habeatur cognitio, quæ ad rectum uſum accommodetur. Primò ergo ſciendum, diuretica cōmuniori ſignificatu ſumi poſſe pro quibuſcunq; quæ quocunq; modo urinae copiam efficere poſſunt: & ſic omnia aquea, aut liquida, quæ tenuis ſubſtantia ſunt, diuretica appellant, inter quæ vinum præcipuè album, tenue, & pauciſerum eſt: habent enim à tenui ſubſtantia, quòd facile penetrent ad vaſa vrinaria: habent ab aquoſitate multa, & pauco ſucco ad alimentum idoneo, quò copiam urinae faciant: nam & facile iſdem de cauſis ſeparantur à natura, & ad renes attrahuntur. Sub hoc etiam communi ſignificatu includuntur, quæcunque cum tenuitate ſubſtantia abſtergunt, & penetrant: hæc enim iſs qualitatib. vias aperiunt, craſſioresq; humores modicè attenuant, & viſcidos abſtergunt, quæ omnia urinae copiam poterant interciperi. Et ſic ſemina melonum, gramen, adianton, hordeum, diuretica appellantur. Alio modo propriè ſumuntur diuretica pro iſs, quæ vim habent ſeparandi ſeroſitatem admixtam ſanguini, colliquando, incidendo, diſtinguendo, quæ omnia inuenta ſunt in eſſe. Et hæc ſunt modò tenuis admodū ſubſtantia, calida & ſicca in tertio, ſicut ſeſeli, daucus, aniſum, fœniculum, petroſelini ſemen: & de iſs expreſſè intellexit Galenus, non de alijs diureticis agens, v. de ſimplicib. medicamētis, cap. x i i. Sciendū ſecundò, renes & veſicam diſponi ad facile ſuſcipiendos affectus, vel vitio eſſent. ſoliter in iſſis exiſtente, vt mala

complexione frigida, exempli gratia, aut calida, aut aliqua ex alijs octo, cum materia, vel sine materia: vel mala compositione, vt nimia viarum latitudine, aut angustia, aut obstructione impactorum humorũ, aut abscessu, aut scirrho, aut huiusmodi: vel vbi aliunde vitium emanarit, vt si in toto sanguine plurimus fuerit succus deprauatus bilis, vel pituitæ, vel alterius cuiuspiam humoris, vel à capite distillatio emanauerit, vel aliquid tale. Tertiò, aliud est conseruatio sanitatis, aliud præseruatio. conseruatio enim est, vbi remotis omnibus impedimentis corporis, tam complexionis, quàm compositionis, & continuitatis, totum studium nostrum est conseruare quod acquisiuius, quod quidem fit cum ijs quæ custodiunt proprium calorẽ membri, propriam temperaturã, compositionem, continuitatem, & tonum. Præseruatio verò à timore vel cautela non separatur: videt enim semper aliquid imminens, proximumq; periculum. quæ adhuc duplex est, vel enim illud periculum iam actu in corpore est, vel iam proximũ est vt adsit. Primo modo, vel ibi est aliqua ex malis temperaturis, vel compositionibus, quæ actu quidem non faciunt ægritudinẽ, sed facturæ sunt. Secundo modo, quando nõ est quidem adhuc ita, sed iam præsens corpus est, vt in aliquid eorũ collabatur. His igitur ita prænotatis dicimus, in cõseruatione sanitatis illius qui in morbos renum, vel vesicę incidere consuetus est, nullo modo conuenire diuretica, siue propriè dicta, siue impropriè, nisi fortè quatenus alterant, & alterando corroborat: vt, exempli gratia, si quis esset frigidorum renum, vel vesicæ, conuenirent illi diuretica propriè dicta, non quatenus vrinam prouocant, sed quatenus calefaciunt: si verò haberet renes calidos, conuenirent illi diuretica frigida, vt semina melonum,

lonum, cucurbitæ, quoniam alterarent sua frigiditate contrariam temperaturam. nec malè talia alterantia eligemus diuretica, quoniã promptius & facilius ad eas partes deferuntur. Vnde & Galenus decimo *liberò τῶν πρῶτων* cap. primo, admisceri iubet diuretica lenitiuis & emplasticis, non quia vt diuretica conueniant, sed vt conducant reliqua &c. Si verò ratione temperaturæ aggregarent humores crassos & viscidos, aut vias angustas haberent, conuenirent inter reliqua attenuantia diuretica communiter dicta liquida, & tenuia substantia, modicè calida, quale est vinum albū: & nō etiam hoc quatenus diureticum, sed quatenus alimentum tenue præbet, & facile per vias angustas penetrat. In præseruatione verò sanitatis vel est præseruatio primo modo dicta, videlicet quando aliquid in corpore est præter naturam, non quidem faciens ægritudinem, sed iam facturum: & tunc vel illud est in renibus & vesica essentialiter, vt in secundo notato patuit, vel in alia parte corporis. Si in renibus & vesica, vel erit mala complexio cum materia, vel sine materia. Si sine materia, erit alteranda per oppositas qualitates, vt frigida cum calidis, calida cum frigidis, & sic de singulis: & tunc per accidens poterunt cōuenire diuretica, vt in præcedenti capite dictū est. Si verò fuerit cum materia, & illa materia erit calida, & ita conuenient diuretica frigida cōmuniter dicta, vt semina frigida nota. Si verò fuerit materia frigida, præsertim crassa aut viscosa, tunc maxime cōueniūt diuretica propriè dicta, non tamen semper, & quocunq; modo, sed vbi prius totum corpus purgatum fuerit, si in corpore fuerit suspicio multitudinis eiusdem humoris. Diuretica enim in hoc casu nō tantum præparant humores, sed etiam euacuant, vt testatur Galenus in primo sexti


Epid. Si verò fuerit vitium in compositione, vel viæ erunt nimis latæ, tunc sic nullo modo cōpetent diuretica, sed potius adstringētia: si verò viæ fuerint astrictæ, in hoc etiam casu nullo modo cōpetunt diuretica absolutè, sed per accidens, vt quæ generant tenues humores, vel crassos incidunt: tale enim corpus humoribus indiget tenuibus, & bene concoctis, aliter renes facilè obstruunt. Si verò fuerint obstructiones viarum, certū est eas indigere aperientib. & incidentibus: & quoniam talia sunt pleraque diuretica, ideo hoc nomine diuretica conueniunt. At si renes & vesica nullo vitio laborēt, sed propter humorum multitudinem, & nimiam potentiam membrorū expellentium, materias ad eas partes præcipitantium, nullo modo in eis cōueniunt diuretica, neq; per se, neq; per accidens: imò potius vtendū erit auertentibus, & purgantibus, vel per ventrem, vel per vomitum, vel per sudorem, aut vias alias magis paratas. Si verò præseruatio sumatur secundo modo, quando scilicet nullum vitium in corpore fuerit actu, corpus tamē ita se habeat vel paratum sit, vt ipsa vesica, & renes ex qualibet leui occasione incidere possint in huiusmodi affectus, tunc neq; in hoc casu vllō pacto diuretica debēt admitti quatenus diuretica sunt nisi ratione alicuius qualitatē, quæ membrū corroborare possit, vt in præcedenti capite diximus. His igitur ita vniuersaliter dictinctis pro casu Magnifici & clarissimi Prætoris, suppono illum esse subiectum retentioni vrinæ, quæ sit propter crassos & viscosos humores collum vesicę obstruentes, & impediētes transitum vrinæ, vt nos ita nunc experimento probauimus. Supponimus secundo istum Clarissimum & Magnificum virum habere sui morbi purissima & longissima interualla: purissima, quoniā in tempore
sua

suæ sanitatis liberè admodum & copiosè mingit, vt
 ego notaui dum mingentem obseruarem: potius vt
 dubitandū sit ne vias nimis latas habeat, ratione qua-
 rum facilè incidat aggregata in corpore materia vi-
 scosa, in huiusmodi affectu, dum scilicet ea materia
 facilè ad vias vesicæ prolabitur, neq; habet aliquid
 aliud accidēs interim affligens siue ardoris, siue diffi-
 cultatis vrinæ. Suppono tertio, suam Magnificētiā
 non ita exquisitè viuere: sed licet non ingurgitet se
 sicut heluo, viuit tamen nullū genus cibi aspernans,
 & nullum habens vinorū delectum. Quibus ita sup-
 positis, dico ex superius probatis, quòd si iste Cla-
 riss. vir actu iam ægrotauerit propter præsentia ma-
 teriei, vel si nō ægrotabit, percipiat autem ex signis
 manifestis habere illum in vijs vrinæ aut vesicæ hu-
 mores crassos & viscosos, qui proximè iam facturi
 sunt accidēs, expediet illi in hoc casu, euacuato pri-
 us toto corpore, & præsertim ventriculo & intesti-
 nis, vt per diuretica præparet, & euacuet illas mate-
 rias in renibus & vesica contentas. Vtrunq; enim ex
 diureticis fieri potest, vt diximus ex primo vi. Epid.
 & conueniētissimè euacuabimus per vrinam, quæ in
 vesica & renibus sunt, vt tertio Artis parua, cap. de
 causis præseruantib. Si verò nihil quidē humoris in
 illis partib. habuerit, sed in toto corpore sint, & con-
 tinuò aggregentur, maximè cauebimus à quocunq;
 diureticorū genere. Si verò corpus omnino mundū
 fuerit huius Clarissimiviri, neq; alia re indigeremus
 nisi pura cōseruatione, dico nullum prorsus conue-
 nire illi diureticū, quatenus diureticū: dico quate-
 nus diureticū, nam ego sæpe admonui suam Magnifi-
 centiā, vt quāmaximè euitaret quæcunq; crassos hu-
 mores generāt, ac propterea inter cætera laudaui vi-
 num tenue, pauciferū, non quia vinum esset vrinam

prouocaturū: sed quia facilè concoqueretur, distribueretur, tenueq; alimētum generaret, imò & crassos humores attenuaret, quod in hoc Clarissimo viro maximè quærimus. In vsu verò sanitatis suspectū habeo summopere vinum album: nam plus æquo penetrat ad vrinæ meatus, & secū excrementa conducit. Tutius ergo est vinum tenue quidem, sed subrubrum, habet enim quod attenuet, & humores minimè crassos generet: sed nō quòd ita vrinas prouocet, & aperiat. Tota ergo vis in præseruando Clarissimum virum est, vt humores crassi minimè generentur, & si generati fuerint, per omnes potius vias educamus quàm per vrinas, per ventrem scilicet, & per vomitum, & per sudorem: facilè enim per sudorem est euacuare, si cōgruè exerceatur, vt bene notauit, & optimè declarauit autor de renum affectibus, in capite de præseruatione. Si verò artificio cōcoquendæ sint materiæ crassæ, vtatur oxymelite, & omnibus incidentibus, & abstergentibus, quæ minimè excedant in vrinæ prouocatione. Quanto enim minus erunt diuretica, proculdubio tanto magis cōferent, nisi fortè, vt diximus, iam materiæ ad illas vias decubuerint: tunc enim postea diureticis educuntur. Atque ijs declaratis iam apparet, quid ad argumenta in oppositum respondendum. Ad primum, in quo assumitur, diuretica aperire vias vrinæ, & incidere, & abluere, concedo, & propterea etiam conuenire, vbi scilicet materiæ fuerint in illis partibus, cuiuscunque generis, vt arenulæ, calculi, pituita, sanguinis grumus, aut tale aliquid. Ad autoritatem Pauli & Auicennæ, & aliorum quorumcunque, fatemur bene exhiberi, & in præseruatione conuenire, vbi scilicet aliquid residui materiæ fuerit in renibus & vesica, sicut ibi facit Paulus & Auicenna: educto enim calculo

culo iubent diuretica per aliquot dies pro præserua-
tione exhiberi, vt arenulæ, & pituita, quæ vt pluri-
mum relinquunt, excerni possint: & propterea Pau-
lus quidem iubet dari oxymel cum leui diuretico,
quale est gramen, aut adianton. leue dicit, quoniam
timet cum fortibus, ne nouæ materiæ præcipitetur:
dat tamen leue, vt oxymel facilius deducatur ad ab-
stergendum & incidendum, ita vt videatur vti diure-
ticis potius per accidens, quàm per se. Auicēna verò
præcipit per vices vtendum diureticis, ita vt paucis
aliquot diebus vtamur diureticis leuibus, vt scilicet
præparemus leuiter humores ibi existentes ad exi-
tum, nec nouos attrahamus, postea semel tantum v-
no impetu cum diuretico forti iam præparatos excu-
tiamus. Vbi expressè declarat Auicēna, quantum ti-
meat longum vsum diureticorum, & quando mate-
riæ actu in renibus sint. Ad autorem de renum affe-
ctibus, dicimus vinum album pauciferum exhiberi,
ne humores crassi, & ne bilis etiam generetur, quæ
sunt materia calculi. A vino autem crasso & nigro,
vtcunq; fieri potest, abstinendum.

*Consult. XCIIII. De lassitudine ex labo-
re, pro mercatore Veneto.*



X quo manifestè patet ex historia lassitu-
dinem præcessisse hunc dolorem, ait e-
nim quòd cùm in quadragesima præteri-
ta plurimum laborasset dorso, incidit in
lassitudinē longam, vnde dolor causatus est, qui do-
lor labor, à Græcis πόνος dicitur. Sed πόνος est affe-
ctus potius laboris, quàm labor, & sequitur ex defa-
tigatione: & sicut contingit hoc spontè fieri, ita quo-
que à causa extrinseca: fiunt enim sæpe ijdem mor-
bi à causa extrinseca, qui à causa intrinseca fieri so-

lent. Cùm igitur soleant esse, & sint (vt tertio de sanitate tuenda dicit Galenus) tres lassitudines diuersæ, quæ indigent diuersa curatione, quædam vlcerosa, quædam extensiuua, quædam apostemosa, vt ipse appellat, vnaquëlibet istarũ habet diuersas causas corporeas. Et quamuis à diuersis accidentibus extrinsecis fiant, sunt tamen semper eadem causę coniunctę proximæ. Vlcerosa fit propter humores acres erodentes, qui decurrũt ad locũ lęsum ex labore. Extensiuua fit, dum flatus tendit ad musculos, & facit extensionem. Apostemosa composita est ex vtraq; . Quærendum est, quænam lassitudo ex his tribus sit in hoc viro. Ex quo perseverauit illud idem, quod factum est à causa extrinseca, primò dixerim non esse vlcerosam, quia non audio perpeßsum esse corrosionem in loco, sed tantũ grauitatẽ quandam circa dorsum, ita vt non possit erigi: videtur enim tanquam clauum infixum habere in dorso. Nec est apostemosa, nam illa est cum maxima caliditate, & cum extensione, quæ rarissimẽ contingit, & illam semper sequitur febris. Ergo cùm nec vlcerosa, nec apostemosa, relinquit quod sit tensiuua propter humores crassos, vt denotat morbus, & perseverantia ipsius doloris. Refert enim ipse dolorem esse grauatium, fixum, & permanentem in loco: refert etiam hætenus eum ita perseverasse, licet variet secundũ tempus. Credo igitur quod ab ea causa primitiua, videlicet à labore & nimio exercitio contigerit idem, quod in lassitudine spontanea contingit, vbi multiplicantur humores siue acres, siue calidiores, siue frigidiores, qui tensionem faciunt, vel apostemosam, quæ est mixta. Quoniam ergo humores plurimi sunt in corpore, à quacunq; leui causa mouetur, & faciunt lassitudinem. Contigit id in hoc ex nimio labore dorsif: licet

scilicet enim non adsit multitudo materiæ, nihilominus propter maximum dolorem relaxatæ sunt partes dorsi, arteriæ, & venæ, & nervi, & propterea incaluit membrum, & propter calorem apertæ sunt magis viæ: calor etiam attraxit, unde materia defluxit, & ex ea causatus est dolor: nam non dicerem, quòd tanta esset materia frigida, quæ spontè defluxisset, sed contigit hoc violentè. Quòd non fuerit materia multa quæ potuerit hoc facere, habeo coniecturam satis rationabilè. Habet corpus hoc membra scilicet penitus præparata, ut minimè generent humores pituitosos. Habet hepar calidum, ut ex toto ambitu apparet, & quod potius calidos, quàm frigidos humores generet. Præterea nunquam conquestus est de ventriculo: videtur ergo ventriculus calidus. Nec de catarrhis conqueritur, & consequenter habet cerebrum calidum, quod non potuit generare humores frigidos, quatum ad naturalem dispositionem. Nihilominus patitur ægritudinè frigidam, propter materiā frigidam, quæ ægritudo non proportionatur suæ temperaturæ. Sed unde cōtingit? Est mercator, vendit merces, manet in sua officina semper, & mala ratione victus utitur. Potuit ergo cōtingere hoc tum ratione dispositionis corporis, tum ratione cibationis, præcipuè tēpore quadragesimæ, in qua usus est cibarijs maximè generantibus humores crudos, qui dum habuissent occasionem à causa procatactica, & incaluisse dorsum, fecerunt morbum istum, de quo nunc conqueritur. Credo igitur defluxisse materiam frigidā ad locum à causis extrinsecis violentè, non ratione propriæ temperaturæ: nam propter malum victum, & artem quam exercet, generatus est humor, ex quo dolor. Nemini dubium est quòd materia defluens congregat in aliqua parte, & quòd ex

ea collectione fiunt duo: primò intemperies, quæ est frigida: secundò materia defluxa, quæ si frigida fuerit, refrigerabit locum: si calida, calefaciet. & itidem de passiuis dicendum. Vnde generatur intemperies in membro secundum affluxum materiæ. Materia frigida est, vt apparet ex dolore, & perseuerantia longa doloris: iam enim est annus, & tamen resolutus non est ex aliqua parte, imò augetur potius. Materia frigida & viscida est, ergo probabile quòd impresserit talem intemperiem in membro, ad quod defluxit. Secundò, dum materia ibi colligitur in nervis, musculis, & locis angustis, extenditur & flatuatur, & ex tali extensione causatur dolor. Istæ sunt duæ causæ doloris propriæ, vt altera possit inducere dolorem sine altera, vt rectè est interpretatus Auicenna sententiam Galeni, licet importunus Auerrois malè intelligat Galenum, vtitur enim æquiuatione. Ex intemperie ergo primò causatur dolor: ex tensione, & solutione continui causatur dolor: ergo si vtrunq; conuenit, & dominatur hoc & illud, fit acutior dolor. Ergo crediderim quòd materia genuit intemperie: & probabile est (loquor de materia fluxa) quòd materia affecerit locū eadem intemperie, qualis ipsa est. Ideo non percipitur amplius dolor, quia æqualiter facta est intemperies in loco: & illud euenit (quod diximus in lectionibus de phrenitide) propter humorē biliosum existētem in capite, quando æqualiter occupat totum cerebrum, cerebrum non percipit amplius nocumentum, quia factum est tanquam hecticū: ita contingit in membro, vbi perseuerauit diutius humor: facit enim membrum tanquam hecticum, vt æqualiter per totum membrū inducatur qualitas secundū naturā humoris. Et ideo non percipit dolorē, nisi quando flatuatur materia
propter

propter extensionē, & solutionem cōtinui, cū non possit percipere dolorē propter illam intemperiem habituatam. Hic adest intemperies permanens frigida, & materia suis temporibus flatuata & extensa: ergo secundū varietatem temporum dolor efficitur. Ista est ægritudo, ex qua sequitur, quòd locus est factus imbecillior, & tandem istę dispositiones permanentes: factus autem est imbecillus propter intemperiem frigidam & humidam, qua intemperie induta necessarium est, vt existente corpore tali, vbi semel est facta illa occasio, defluant postea humores, qui aggregātur in corpore, ad illam partē, qui humores sunt necessariò pituitosi. Ex imbecillitate præterea loci, & intemperie, datur occasio noui defluxus, ita vt iam partim materia fluxerit, & fecerit morbū, partim fluat, & faciat morbum, & partim factura sit. Oportet ergo ista omnia distinguere rectè, pro recta curatione. De materia quæ fluit, dico quòd non est vniformis, sed talis, qualis natura cibariorum, ex quibus præcipuè in corpore calido probabile est, quòd generētur humores calidiores, & descendant ad partē debiliore. Eadem ratio est de humorib. fluxuris. Hactenus habuimus, qui sit ille morbus, à quibus causis dependeat, & vtrum sit factus, an fiat, vel partim factus sit, & fiat, vel futurus sit. Dicamus modo de accidentibus. Dicit quòd in tempore hyemis & æstatis melius se habet, quàm in vere & autumnō. Vnde causatur ista diuersitas? Stante illo humore pituitoso, certum est quòd non generatur dolor, nisi quando flatuatur & extenditur humor pituitosus: & hoc fit in temporibus medijs, in vere & in autumnō: in hyeme quiescit, quia tunc materia non flatuatur, quæ excitet dolorem: in æstate tantū resoluitur, quantum flatuatur: in tempore medio flatuatur,

quia attenuatur & colliquatur humor, & nō potest
resolui: aptus enim est vt colliquetur, sed non resol-
uitur. Vnde dolor maior causatur in tēporibus me-
dijs, quā in temporibus calidioribus vel frigidio-
ribus, propter causas iam dictas. Quæritur an humo-
res biliosi præter pituitosos adsint? Possunt adesse,
nihilominus est pituita à prædominio. Non tamen
negarim etiam adesse plurimum debile, propter tem-
peraturam suam naturalem, & de sanguine, licet san-
guis sit parcior. Est dicendum de loco affecto. Cū
dicat se dolere circa vltimas vertebrae colli & dor-
si, dico ex sententia Auicennæ, vbi dolor, ibi ægritu-
do. Est ergo credendum, quòd ibi sit circa illas par-
tes materia impacta, & propterea credo breuiter hu-
morem esse, vbi dolor est, & in profundo, quia non
audimus quòd extrā appareat tumor ad tactum: sed
interius percipitur dolor circa ossa & neruos, qui
proximè deueniunt ad vertebrae. Vtrum in perio-
stio? Credo potius esse in vertebrae, quia consentit
totum crus, & coxa: non posset hoc fieri, si in perio-
stio esset, tantū enim doleret in ea parte. Si in mu-
sculis, læderentur illæ partes quæ mouentur à mu-
sculis: sed cū sentiat totū crus, & muscoli illi non
moueant crus, qui sunt affecti, credendum est quòd
nerui vigesimæ secundæ vertebrae sint læsi, & dolo-
rem patiantur, & ita per cōsensum causent dolorem
in mouendo crure. Quia verò materia viscida &
crassa est infixa in parte frigida & priuata calore, ne-
mini dubium est quòd tum ex parte materiæ, tum ex
parte loci curatio erit difficilis. Materia enim quæ
crassa est, non facilè concoquitur, & expellitur: vbi
postea est in membro frigido & exangui infiltrata,
quia non habet rationem concoquendi, longè diffi-
cilis tollitur. Præterea si membrū non habeat me-
tus

tus apertos & vias, sed sit densum, & compactum,
 difficilior adhuc est curatio: vt si adhuc materia est
 in profundo, cui difficulter possint applicari reme-
 dia, sequitur etiam ratione situs difficultas curatio-
 nis. Ergo tum ratione situs & compositionis, tum
 ratione materiæ, erit difficilis curatio, & longa, vt
 quotidiana experientia videmus. Quòd si etiam ra-
 tio societatis accesserit, & membri affecti cum alijs
 membris mandantibus sit consensus aliquis, tantò
 difficilior est adhuc curatio. Cùm ergo laborent hu-
 iusmodi nerui existentes circa vertebrae, & cere-
 brum sit aptum ad hoc vt multiplicet catarrhum &
 pituitam, siue vt Græci dicunt, blennâ, siue mukum,
 magis & minus ratione temperaturæ: cerebrū enim
 suapte natura est frigidum, quod ascendentibus va-
 poribus plurimam materiam generat: vnde cùm in
 partibus superioribus generetur pituita, cōsensusq;
 magnus sit, propter talem consensum membrorum
 superiorū cum spondylis sit, quòd continuè descen-
 dat materia, & foueatur augeaturq; morbus, & ideo
 fit difficilior curatio. Quòd si accesserit ætas senilis,
 facilius quidem corripitur à catarrhis: sed diffici-
 lius tamen curabitur propter imbecillitatem calo-
 ris cōcoquentis, vt Galenus testatur in aphorismo:
 Bronchi & coryzæ in valde senibus coctionem non
 admittunt. Tot sunt rationes, quare curatio nobis
 difficilis erit. In curatione non debemus discede-
 re à natura morbi. Morbus iste partim est factus, par-
 tim futurus: vtriq; debet curatio, sed diuersa. Quan-
 tum ad factum, debemus remouere intemperie frigi-
 dam & humidam, & ita confortare locum. Materia
 impacta frigida est, quæ est causa propinqua, & con-
 tinetur in morbo. Sunt causæ aliæ, est materia conti-
 nuè affluens, & est materia fluxura. Quid debemus

facere? Incipiendum est à causa coniuncta, quia adfert indicationes curandi. Materia fluxura habet rationem primæ causæ antecedentis, & non est in parte, sed in toto: quandoq; enim materia excrementosa est in toto corpore, quæ habet rationem illius causæ, quæ ubi commodos habet meatus, defluit ad locum imbecillem. Ergo primò euacuanda est materia factura morbū: vnde breuiter euacuarem totum corpus, & redundantes humores, qui in corpore generantur. Hoc corpus est calidum & siccum, ergo multiplicat humores calidos & siccos, & sanguinē cholericum: redundat ergo bilis & melancholia, sed minus postea secundū proportionem de sanguine malo generatur, quàm de bile, & de melancholia. Igitur cū velimus euacuare, debemus respicere ad redundantes humores. Sed quia etiam adest aliquid de pituita, dico quòd euacuandū est de omnibus humoribus. Lenita igitur prius aluo, extrahendus est sanguis, nō dixerim ratione magnitudinis morbi, quia extensiuè morbus iste nō est magnus, nec intensiuè, sed propter futurum morbum vellem quòd caueret omnino ab omnibus excrementis: ita crediderim esse mundandū totum corpus. Mittatur sanguis à basilica, non tantū ratione diuersionis, sed euacuationis, quia non est maior diuersio à brachio, quàm à pede, vt dicebat Galenus sexto Epid. qui ubi egritudines sunt intra hepar, circa diuersionē ambigit, primo cōmento, loquens de affectibus renum. Et sic æqualiter possumus facere diuersionem, vel à pede, vel à brachio: sed eligerem brachium, quia magis euacuaretur sanguis, propter basilicam magis respicientem fontem, quàm ex saphena. Tales curarem syrupos cōficiendos, vt sanguis redderet bonus. Non dimittere syrupum de cichorea Nicoli sine rhabarbaro,

baro, qui habet aliquā vim incidendi humores crassos, & adæquandi. Haberm etiam aliquid oxymelitis, propter adæquationem, & incisionem. Postea haberm decocta ex betonica, iua, salvia, boragine, & reliquis, propter intemperiem calidam hepatis. Postea deuenirem ad euacuationē materiæ: deinde accederem ad materiam quæ defluit, quæ debet diuertere, ne defluat. Et licet quando erit euacuatum totum corpus, nō fluat amplius, nihilominus laudo vt confortetur corpus faciendo ablutiones capitis. Deuenirem postea ad morbum factum, qui curatur deriuatione, & euacuatione. Et in hoc casu, sicut consueuimus, debemus facere deriuationem prope locum affectum: & deriuationes optimæ sunt in hoc casu per clysteres acutissimos, qui deriuant materiam à loco, propter vicinitatem loci. Fierent clysteres cum decocto centaureæ, & aliarum herbarum, quæ possunt habere abstersionem, vt anethum, camomilla, & alia huiusmodi. Apponerē hieram picram Logodij, Hermetis, quoniam acius purgabunt humores. Hæc breuius dico tantūmodo pro forma medendi. Postea facta ista deriuatione per clysteres acutos, oportet, si aliquid residuum erit materiæ, deuenire ad ea quæ mundificant locum: non dico de repercussiuis, quæ non conueniunt in morbo facto, sed in futuro. Ergo euacuarem à loco affecto, vbi vtitur Galenus his, quæ solent inducere vlcus in locum. Facta ergo prius diligenti euacuatione, facerem scarificationem, vel adhiberem etiam cerata. Præterea si aliquid perseueraret doloris, & accederet tēpus Maij, non displiceret si acciperet aquas thermarum, & ablueret se in istis: & etiam acciperet per potum, quia locus ex aluminosis aquis confortaretur, & aliquid etiam resolueretur: habent enim calcem & alumen

ista balnea. Postea his omnib. ritè peractis, quantum ad præseruationem, facerem cauteria ex opposito loco, ne materia flueret amplius. Placeret terebinthina, qua diuerteretur materia per aluum. Utatur aco-ro, & tandem ea accipiat quæ possunt corroborare partes neruosas, & si quid est impactum resoluerè, si accesserint ad partes istas. Hæc satis sint dicta. Patauij. M. D. L.

Consult. XCV. De dolore genu obtuso ex destillatione pituitæ à capite, pro Magnifico Veneto.



Num considero rectè considerandum, quòd iste Magnificus vir est calidæ temperaturæ hepatis & cerebri, ventriculi etiã non omnino frigidi, sed frigidiusculi. Cum ergo ab ortu suo habuerit calidum hepar & cerebrum, & nunc appareat dominium frigiditatis, & patiatur frigidã dispositionẽ à pituita, vt ab ex-untibus apparet, & à multitudine humoris pituitosi, iudicandum est non esse caliditatem illam naturalem in capite. Cum ergo fuerit lapsus talis à propria natura, ideo fortè non erit ita facilè tollendus: quia cùm ægri-tudines contingunt præter propriam temperaturam, maior erit lapsus, quàm si contingant similes propriæ temperaturæ. Ideo si frigida temperatura à frigida ægri-tudine occupatur, minor erit lapsus, quàm si calida ægri-tudine affligeretur. Si ergo cerebrum fuerit naturaliter calidum, & nunc frigidam patiatur ægri-tudinẽ, maior est lapsus: ideo diligenti cura est curandus. Circaq; symptomata, primò conquerit de dolore obtuso occupante vtrunq; genu, maximè sinistrum: & dicit ita leuem esse, ac si pungeretur digitus, & leuiter suppuraretur, & leuis dolor perciperetur, cùm tamen clamosi soleant esse: & licet

& licet multa materia descendat ad locum, & impediat motum, nihilominus non dolet, nisi moueatur. Iste est modus doloris. In descensu autem materiæ percipit in motu illo frigiditatem: cum verò figitur, non. Conqueritur præterea quòd non potest liberè mouere caput, & cum ascendit cymbam, videtur quòd nauseam habeat, ac si fluctuaret in mari: & omnino conqueritur de debilitate capitis. Probabile est illam destillationem, quia omnia referuntur ad destillationem, à capite provenire: & cum aliqua calida, aliqua frigida, aliqua crassa, aliqua tenuis sit, pro modo doloris, & pro modo descensus, credo quòd ista sit tenuis cum insigni humiditate: in actiuis verò credo quòd nō sit multum frigida, nec calida. Et quòd nō sit calida, patet, quia percipit frigiditatem aliquam. Non est etiam frigida admodum, quia frigiditas facit dolorem: quia Galenus dicebat in quarto de simplici medicina, declarans illud Hippocratis dictum, Frigidum vlcibus mordax, quòd frigidum soluit continuum. Et in sexto de locis affectis, & in secundo etiam inquit, ex humore frigido pituitoso fieri atrocissimos dolores, vt videretur perforari locus, vt in colico, & podagra: iste autem Magnus vir est sine dolore, licet multā habeat materiā. Si igitur excedit, excedit per frigidū, & ita materia destillans humida fit & frigidiuscula, non tamen admodum frigida videtur. Ex colore barbæ pilorum, est calidi cerebri à natura: ideo nō potest deduci ad tantum lapsum, ni fuerit admodum frigidum. Nec est multus lapsus, quia non patitur nocumentū ex hyeme hic, & melius se habet in estate aliquantulū. Ideo non est hic tanta frigiditas, quia tēpore hyemis, qui habent frigidū caput, læduntur. Est ergo destillationis causa, frigiditas capitis, nō tamen multa. Fuit au-

tem acquisita, vel quia decubuit in loco illo frigido & humido, vel quia in aëre frigido versatus sit, vt incideret in lapsum, & in vapores ascendentes ad caput, sicut fumus ad caminum, qui inuenientes cerebrum seipso debilius redditū, non resoluuntur: nec cerebrum ita conficit alimentū sibi delatum, vt conuenit. Ideo humores illi in capite aggregati descendunt à virtute expultrice propulsi per spōdylos colli, per guttur, fauces, per viam vetriculi, sed maximè per nervos à vertebra deductos ad iuncturas decurrit tanquam ad partes debiles: & quia à natura institutum est, vt alterum membrum recipiat excrementa alterius, requiritur vt debilius sit, quia ita à natura factum est, vt fortiores partes transmittant superfluitates suas ad imbecilles: extremæ autem partes imbecilliores sunt, quoniā distant à fonte caloris & ab hepate, & sunt paratę destillationib. frigidis: quia sicuti humores frigidi sunt parati ad partes inferiores descendere, ita calidi ad superiores. Habet præterea vias latas, quia ab ortu habet dominium caliditatis cum siccitate, quę vbi est suę siccitati coniuncta, aperit vias, & propterea cū habeat latitudinē viarum, & imbecillitatem crurum, non est mirum si destillatio deuenit ad crura. Ideo lapsus ex mala ratione victus generatus est in cerebro, & generauit humores illos frigidos, qui ita generati per periodos, sicut fieri solet in omnibus superfluitatibus, decurrunt ad loca illa extrema. Et hanc credo esse causam omnium symptomatū, & quòd tota origo sit in capite. Quòd etiam humiditas sit in capite, patet ex hoc, quia balbus est: & Galenus super illo aphorismo Hippocratis, Balbi diarrhœa corripitūtur, reddit huius rationem, quia humidi capitis sunt. Cū igitur talis sit causa, & talis lapsus, & caput taliter præparatum

paratū sit, patet quid de præfagio sit dicendum. Curabitur quidem: sed cauere debet, ne incurrat in malum regimen victus, quia habet præparationem naturalem, & lapsum habet in capite: ideo debet diligenter curari, & cū curatus fuerit, conseruare sanitatē, quia incideret in eandem, & fortè deteriore ægritudinem, puta in podagrā, in paralyfin, descendēte multa materia per neruos & musculos ad iūcturas: ideo cauere debet, cū erit sanus. Cum quibus autē instrumentis? Bene hoc corpus debet euacuari, quia vbi sunt humores destillantes, à capite maximè, quia à leui qualibet causa vacillant, hoc non est nisi ratione vaporum & materiæ in capite aggregatæ: ideo corrigendi sunt humores & sanguis, & tota massa humoralis à superfluitatibus purgari debet. Euacuantia autem erunt agaricum maximè, quia trahit humores crassos & pituitosos. Ideo agaricū vel sub forma pilularum, vel temperatum, sicut electuarium aliquod, aut cassia cum agarico, & pro minoratiuo cassiam cum hiera simplici, bonum sit accipere. Sed cū voluerimus exquisitius purgare, loco hieræ simplicis poterimus ponere agaricum. Ideo vel cum cassia, vel cum rhabarbaro poterit euacuatio fieri. Talia ergo erunt genera medicinarū: nec pertransirem agaricū. Digerentia erunt, syrupus de betonica, vel de stæchade simplici, cum portione oxy mellis simplicis, vel syrupi acetosi, vt transitum maiorem haberet, cum decocto betonicæ, endiuix, cichoreæ, vt habeatur ratio hepatis. Et ita factis mundificationib. si verū est quod caput habeat lapsum, si volumus remouere lapsum, oportet euacuare ipsum per loca propria. Et ideo masticatoria adhiberē, cum mastiche, staphisagria, pipere, vel cum alio tali: caput purgiū per nares cum succo maioranæ, betæ, vel suc

co maioranæ, betæ, vel succo cyclamini. Masticare etiam radices capparum, ad extrahendam pituitam à capite, optimum est. Factis deriuationibus, corroborabitur caput cum puluisculis singulis diebus, & quando vadit dormitum, ex mace, garyophyllis, maiorana, ocimo, & cum alijs odoratis, quæ habent vim exiccandi pituitam. Pro remotione autè caloris, qui est in istis puluisculis, rosas, sandaracham, quæ exiccant & refrigerant, cōmiserem, & super caput ponerem, postea superponerē pileum suprà: & ita corroborarem caput cum illo tenui puluisculo, & in hora vespertina curarē caput, nec amplius discederet à domo. Et facerē lixiuiū corroboratiuū dulce, primò nō ex cinere ex quercu, nec ex fortitudine illarū rerum in quibus est aliquid adstringendi, & vis adrendi, ex qua adustione adstringantur pori. Et ideo asarum acciperem, & baccharā, senam, polypodium, camomillam, stœchadem, cum maiorana & iride, & ex ijs facerem lixiuium. Et fieret sapo ex garyophyllis, mace, cinnamomo: & musci aliquid, & ambrę adderem, pro barba & capillis, & confortabit. & istud fit pro sapone. Aliqui etiam ponunt frustum agarici in lixiuiο, & quando abluitur caput, loco saponis utuntur illo, quia habet vim quandā extrahendi: imò si ponatur supra locum podagræ, tunc fit euacuatio pituitæ: cur non fiet etiam si in capite ponatur? Præterea electuaria pro corroboratione requirerentur, & maximè myrobalani chebuli conditi, non tamen Venetijs conditi cum illis aquis malis. Ideo si haberi possent ex India confecti, laudarē illos summo pere, sunt enim confecti cum syrupo de carobolis vulgò dictis, id est, ceratijs seu siliquis, & nō calefaciūt. Theriaca aliquando & Mithridatū conueniret: zucharum autem rosatum inter omnia erit præstantissimum.

simum. Circa victū, à coitu, ab exercitio post cibum caueat: non ambulet in sole: austrum & boreā vitet: à loco humido caueat: non dormiat in meridie, & habitet in cubiculo versus Orientem: & circa cibos, sit contentus cibus vnus generis. Quo ad carnes, vitulina, hœdina, pullorū, auium montanarū, & oua forbilia conuenientissima sunt: oua tamen cocta sint in aqua, vel igne: à butyro autem cum ouis cauendum est. Pisces nescio qui conuenirēt, quia omnes ferè capiuntur prope magnificam hanc ciuitatem. Mihi placeret lucius, laudarē etiam auratas Istrianas, mullo-barbatas, id est, barboni. Faciatque exercitia conuenientia. His omnibus peractis corroborationibus, & reliquis iam dictis, quia propositum fuit balneū, laudo illud: & cū habeat cerebrū calidum, lapsum ad frigidum, non valet ratio Galeni v. i. de tuenda sanitate, qui vituperat balnea vbi sit distillatio. Loquitur Galenus de intemperie calida & sicca: sed cū in casu nostro lapsus sit ad frigidum, ideo conuenirent, quia deducerent ad veram temperaturam cerebrum: & non alterabitur, quia à simili non fit alteratio. Duciam præterea accipere poterit. Et ante omnia, factis istis omnib. si remaneret debilitas aliqua in cruribus, ponere poterit Magnificentia Vestra crura in luto: & postremò facerem fontanellam in crure. Et hæc erant nobis recensenda pro salute Magnificentiae vestrae.

Consult. XCVI. De tumore in utroq; genu, pro domino Georgio Freidel Germano.



Vmore existente in utroq; genu Nobilis viri maturè considerato, tum ex his quæ præcesserūt, tum ex his quæ subsequunt, credo materiā eius nō esse vnam,

sed difformē. Quantū enim attinet ad partem extrinsecam, durities quædam solidior tactui apparet, quæ tactui non cedit, ita ut foueam aliquando relinquat: pars verò interior ita intumescit, ut tangenti sensus manifestissimus flatus cuiusdā crassi appareat, atq; hinc quoq; nulla fouea cōprimenti relinquitur: quod proprium inseparabileq; signum est tumoris à pituita dependentis, qui œdema appellat. Ergo tumor extrinsecus, ex quo œdema nullo pacto appellari potest, abscessus frigidus ad aliquam duritiem vergens est dicendus. Sed cū durities vel scirrhus, sit vel à materia melancholica, vel pituitosa, probabile est pendere potius à succo melancholico: & coniectura est venarū ille tumor varicosus in totius cruris longitudine circa eandem partem extrinsecus apparens: non enim dubitandum est eandem materiam esse illius tumoris, quæ in venis adiacētibus apparet. Nec obstat q̄ in superficie non appareat nigredo, quod signum, autore Galeno, distinguit inter duritiē melancholicam & pituitosam. Cū enim humor sit infra cutim, colorem abscessus videre non possumus: neq; enim cutis transparens est. Ergo cutis color naturalis percipitur, & non ipsius abscessus. De tumore verò alio in parte intrinseca incipiente, paulò supra genu longè magis protuberante quàm in extrinseca, sicut nō est dubitandum pendere à materia vel vapore crasso flatulento, ita non satis constat vtrum in profundo sit materia melancholica vel pituitosa, vnde huiusmodi flatus exoriat. Sed quod magis probabile est, videtur in neutro loco materia esse absolute simplex, sed melancholiam pituitæ quoq; commisceri, præcipuè quoniam rarò contingit alterum humorem dignosci posse sine altero: huiusmodi autem humores in vno corpore dominari, multis coniectu-

iectionis haberi potest. Et sic cum temperatura huius nobilissimi viri calida fuerit & biliosa, iamque ad declinantem etatem accedat, non mirum si humores melancholici multiplicentur diminuto calore, ut cum alijs quoque talibus fieri contingit. quod si calor naturalis diminuitur, quantum per adulterinum multiplicatur melancholia, tantum per cruditatem pituita. Sed huc quoque accessit cogitatio superflua, assidue enim cogitat, perpetuum scribendi studium, & otium corporis magnū, quæ omnia ubi simul conueniunt, duo simul faciunt: corpus enim exiccant, & calidos humores adurunt, præterea cruditatem ventriculi, cerebrique destillationes plurimas gignunt. At si his quoque addatur in cibo & potu pessima ratio, ita ut varijs cibarijs & comotationibus potentissimi vini vacatum fuerit, nulla postea causa deest ad hoc ut duo illi humores dicti multiplicentur. Omnia autem conuenisse in hoc nobili viro, ipso etiam referente & attestante, compertum habemus. Non dubitamus igitur huiusmodi causas esse tumorum præter naturam in utroque genu existentium. Sunt autem huiusmodi tumores sine dolore, cum neque faciant tensionem, neque alia insigni qualitate actiua præditi sint. Et cum ab his duabus causis dolores proueniāt, non est mirum si dolor non adsit. Motus crurum impeditur, cum musculi & principia chordarum finesque ita impediuntur, ut ad debitum terminum neque contrahi, neque distendi possint: & cum motus crurum fiat ex contractione & dilatatione oppositorum musculorum, ideo non ab re huiusmodi tumoribus impeditur. Verum fiunt varicosi, propter melancholici humoris redundantiam, ad partem imbecilliore per venas expulsi. Vtrum autem huiusmodi morbus sit ad articulare referendus, non est admodum di-

sputare necessariū: sat enim est scire locum affectum, & eius naturā simul cum sua intemperie, & mala cōpositione, & proprijs causis: non enim curamus nomina, sed affectus. His igit̃ ita stantibus, dicimus hūc nobilem virū pro sua curatione indigere summa, assidua & longa diligentia: neque enim facilē curabitur, sicut ego arbitror. Humores enim crassi & frigidi, in loco etiam frigido & profundo inculcati pertinaciter adhærentes, non ita facilē concoquentur & expellentur. Ac præterea notandum fomentū quotidianum & incrementū. Cuius signum est satis evidens, quòd vespertinis horis semper augentur tumores: neq; enim hoc esset nisi noua materia deflueret. Oportet igitur vt nobilis iste vir cognoscēs statum suum & naturam suæ ægritudinis, adhibeat perseuerantiam, patientiam, & obedientiam: deberetq; constantissimē medicorū præceptis parēre, alioqui non curabitur omnino, imò in peiores decidet ægritudines. Proponantur ergo quæ agenda sunt, postea sua prudentia & fortitudine animi exequat̃, & tandem optatam sanitatē assequetur. Principiò in victus ratione potissima cura adhibēda est: in omnibus enim longis & pertinacibus morbis, nihil efficacius, nihil præstantius, quàm optima victus ratio. Non tantū igitur Dominatio sua in cibo & potu studebit modum sibi præscribi, sed in reliquis quoque causis omnibus corpus humanum alterantibus. Et quoniā aër est prius qui occurrit, omni ingenio cauebit ne occurrat aëri nubiloso & turbido: neq; habitet in cubiculo aut obscuro aut boreali flatui exposito, aut humido & terreno: neq; dormiat fenestris apertis, aut ablatis operimentis, sicut in æstate fieri cōsuevit. Euitabit etiam nocturnum aërem, neque vento se exponat tam australi quàm boreali. Inter omnia euitabit

bit omnes animi molestias, assiduas cogitationes, scribendi consuetudinē præcipuè post cœnam & prandium: neq; legat, aut aliquo modo intendat animum in aliquam rem. Sed nunquam repleto ventre exercebit corpus. quiescet ergo sumpto cibo tam animo quam corpore, & cum amicis iucundis versabit, aut leniter ambulabit per cubiculum, vel stabit erectus, ut cibus melius ad fundū ventriculi descendat. Horis verò matutinis, & hora vna ante cœnam exercebit corpus exercitio moderato, ut superiores partes quàm maximè exerceantur, inferioribus verò & cruribus nō adeò laborantibus. Multiq; consuluerunt, ut homo in huiusmodi casibus iaculando vel arcu se exerceat: alij consueuerūt uti plumbeis pilis, quarum singulę pendant circa libras duas, quę manibus contineantur, & cum his pondera agitentur, manibus suprà infrà & secundum omnem situm, vsque ad manifestam mutationem anhelitus, & ad erumpentem sudorem. Ex hoc enim sic habetur conueniens exercitatio corporis, & caloris naturalis excitatio, excrementorūq; diffusio, ac præterea diuersio, eorumq; excrementorum ab inferioribus ad superiora traductio, quod etiā maximè hoc loco quærendū est. Ad hunc eundē vsum maximè pertinent frictiones, quę quotidie fiant in superioribus partib. circa dorsum, brachia, & pectus, manibus illitis oleo anethino & camomelino. Sunt autē hæc omnia non vna aut altera septimana peragēda, sed pluribus subinde diebus, fortè etiā mensib. si utilitas sit inde percipiēda. Morbus enim natura chronicus est & pertinacissimus, neq; pauco tēpore curari potest, quod quidem nobili huic viro semper in animo fixum esse oportet, vide licet ne credat se breui tempore euasurū, sed perquā longa perseuerātia esse vtendū sibi persuadeat, alio-

quin seipsum decipiet, vel medicorū remedia vana erunt. Nocturno quidē somno prolixior utetur, mallemq; ipsum dormire saltem per octo horas: sed inter diu somnū tanquā pestē euitabit. Procurabit ut quotidianas alui excretionēs habeat, laudauerimq; ut tum pro alui mollitione, tum pro euacuatione & aersione humorum per aluum excretorū, tum etiam ad obstructions aperiendas, ad membra naturalia ac caput corroborandum, saltem bis singulis septimanis vteretur pilulis tribus pondere drachmæ, vel scrupulorū trium, horis tribus ante prandium, quæ haberent:

℞. Resinæ terebinthinæ Cypriæ	℥ iiij.
Rhabarbari optimi	℥ j.
Garyophyllorum	Ⓢ ij.

Puluerizentur puluerizanda, & omnia misceantur, & seruentur ad vsum. Inter omnia studebit ut semper vnico & simplici cibo contentus sit: nihil enim detestabilius, quàm ciborum multitudo & varietas. Parcè etiam comedat, & citra satietatem: sed longè parcius bibet, cauebitq; tanquam à re perniciofa, à quolibet vino potenti, sed præcipuè nigro & dulci. Cauebit etiam à compotationibus, neque bibet intra prandiū & cœnā. Cibos eligat facilis concoctionis & boni nutriti, qui apud omnes notissimi sunt, sicut caro hœdina, pullorum iuuenum, vituli lactentis: sed meo iudicio cauebit à piscibus, præsertim Venetijs. oua sorbilia recentia maximè congruunt. Fercula ex farre, hordeo, spelta, beta etiam cum boragine, buglossa & petroselino, non negantur: conceditur etiam lactuca, si parcè comedatur: nec omnino sunt detestandi asparagi, præcipuè dulces, & hortenses. Cauebit à caseo tam recenti quàm antiquo, & ab omnibus lacticijs, à carnibus antiquis & salitis, à legu-

leguminibus, à rebus frictis in sartagine. Parcius cœnabit quàm prandebit: sed & prandium erit moderatum. Non ibit cubitum nisi per duas horas post cibum, & si poterit vel leniter deambulet, vel erectus maneat, citra tamen defatigationē. Hęc diligentissimè sunt obseruanda, non vno aut altero mense tantum, sed per plurimum temporis, alioqui non tantum non sanaretur, sed etiam in deteriores dispositiones prolaberetur. Sed præter hanc viuendi rationē, erit etiam ad reliqua medicinalia remedia accedendum, interq; illa præcipuè cōsulo vt bis in anno purgetur, verè inquam & autumno. Purgatioque hoc modo esse poterit:

℞. Floris cassiæ 3 x.

Specierum hieræ simplicis 3 ij.

Cum zuccharo fiat bolus, sumat tribus horis ante prandium. Item

℞. Syrupi de cichorea Nicoli sine rheubar.

Oxymellis simplicis ana 3 j.

Decoctionis Cetrach Liquiritiæ

Capillorum Veneris, in aqua buglossæ
destillatæ ana 3 iij.

Misce pro vno syrupo, & sic pro alijs vsq; ad septem vel nouem. Sed vbi acceperit duos primos syrupos in purgatione veris tantum, mittetur sanguis ex basilica dextri lateris vsque ad vncias octo. Postea acceptis nouem omnibus syrups, accipiat pharmacū, quod erit tale;

℞. Confectionis hamech 3 iiij.

Oxymellis scillitici 3 ij.

Cum decocto cetrach & polypodij fiat potus breuis: sumat in aurora cum custodia. Facta euacuatione veris, abstinebit ab omni pharmaco vsque ad autumnū, præter illam tantum terebinthinā, vel pilulas

ex terebinthina, de quibus suprà locuti sumus. Vtetur tantùm nōnullis gratis & iucundis cōfectionib. ad membra contemperanda, sicut est huiusmodi:

℞. Zucchari rosacei

Boraginati


Violati

ana ʒ ij.

Misce, & ponant in vase mundo vitreo, & deaurentur. Et ex hoc electuario sumat semunciā tribus horis ante prandium. Quandoq; etiam loco istius electuarij sumat myrobalanum conditā chebulam, vel belliricam, vel emblicam. Sed quæ attinent ad ipsa loca, hoc est, ad genua localiter medicanda, non hic describimus in præsentī tempore, quoniā longè melius est vt S. D. purgetur primò, deinde per multos dies perseueret in vita iustituta, & in omnibus his quæ admonuimus. Nam facilè potest contingere, vt inde curet absq; aliqua molestia circa genua, à quibus quantum possumus, abstinere debemus. Nam nihil est quod magis debilitet iūcturas, & præparet ipsas ad omnem defluxum recipiendum, quàm fomentare, inungere & linire. Sed si oportebit, & nos post aliquot mēses admonebit, procurabimus vt id quoque quāmaximè tutò fiat. Vnum hic non omittam: quòd si perfecta purgatione huius veris, quemadmodum ordinauimus, vellet huc accedere, & accipere aquas thermarum nostrarum, & in illis etiam fouere crura, fore illi utilissimum. Vnde consulo, vt eo tempore huius rei gratia omnino Patauī se conferre haud grauetur.

*Consult. XCVII. De tumore œdematico
utriusque pedis, pro ciue
Ferrariensi.*

Quando



Vando aliquis pituita, & succo melancholico suapte natura redundat, non vi deo propter aliquam aliam causam esse posse, nisi quia ventriculum habeat frigidiorē, hepar verò calidius: ita enim pituita in ventriculo plus æquo multiplicatur, sicut in hepate sanguis redditur crassior, & supraquàm oportet excoctus. Quòd si etiam caput excrementosum, frigidum, mucosumq; fuerit, nō facilè euitabit hic homo morbos, qui vel à melancholico succo, vel longè magis à pituita generari solent, præcipuè si incōgrua victus ratio accesserit, & aëris intemperies. Cū ergo hæc omnia de hoc nobilissimo viro enarrentur, haud ab re esse videtur, si tumor ille laxus & œdematicus utrunque pedem vexet, æstate præcipuè, ita tamen ut non sit absque aliqua caliditate, modicoq; rubore: multitudo enim pituitę per venas distributa, & plus æquo multiplicata, tandem expellitur vigore facultatis expultricis, & sicut est grauis & ponderosa, potius ad infimas partes declinat, æstateq; id præcipuè contingit: nam præterquàm quòd in æstate plus delinquit, tum copia potus frigidioris, tum fructuum, crudorumq; olerū, & rerum frigidarū assiduo vsu, tum quia nudo ventriculo frigidus aër & humidus quāmaximè exquiri, sunt etiam meatus & vasa magis laxa & ampla, humoresque defluentes subtiliores: hyeme omnia contraria eueniunt. Non mirū ergo est, si æstate pedes intumescant, hyeme exiccantur. Sed quòd nō nihil caliditatis & ruboris ad œdematicum tumorem accedat, non absconū est: nam & hepar calidum nō nihil transmittit subtilioris sanguinis pituitę permixti, quam rem etiam adiuuat calor æstatis. Eandem videtur habere rationem, cur cū decumbit aut quiescit, tumor non accedit, & qui ac-

cesserit remittatur: ex motu enim constat humores
agitari, attenuari, & moueri, in quiete verò sisti, ne-
que in pronum descendere. Hæc de causis affectus à
me auditi. Curatio igitur dirigenda videtur con-
tra proximas causas symptomatum: ergo qui gene-
rati sunt humores, euacuandi, & auertendi: deinde
prohibendum ne generentur, quod duplicem sco-
pum habet. primus est, vt rectissima victus ratio ad-
hibeatur: secundus est, vt membra corroborentur,
ad contrarios habitus deducendo. Quantum igitur
ad rectam victus rationem attinet, constat à calore
aëris quāmaximè custodiri oportere: experientia e-
nim comprobat, sub calidiore tantum aëre pedes tu-
mescri. Et non dissimili ratione ab ira quoq; & ve-
hementibus tum animi, tum corporis motibus absti-
nere oportet, cum experiant agitatione & motu eos-
dem tumores excitari. Consulo igitur, vt superiores
potius partes exerceat, vt sagittando, lapidē aut pa-
lum ferreum iaculando, prout illi magis gratum, aut
viribus magis cōmodum, vel magis consuetum fue-
rit: earum quoque partium superiorum quotidianas
frictiones, præcipuè æstatis tempore, faciendas con-
sulerem: ita enim auerteretur materia quæ ad pedes
decumbit. Quòd si æstatis tempore aërem Ferrarien-
sem mutare possit, & ad subtiliorem siccioremq; ac-
cedere, qualis esset Bononiensis, non parum crede-
rem profuturū. Quòd autem debeat esse parcior po-
tus vini subrubri, & bene maturi, ne nimius humor
redundet, etiam me tacente facile cogitatu esse arbi-
tror: sicut etiam quòd cibi sint offerendi optimi ali-
menti, & paucarum superfluitatum. Particularē ve-
rò materiam singulorum nimis ineptè hoc loco ag-
gregandam censeo, cum semper Magnus iste vir
prope clarissimos medicos sit moraturus. Hac igitur
victus

victus ratione prohiberi generatio excrementorum.
 Quantum verò ad euacuationem eorum qui iam fue-
 rint generati, laudo primò vt vere purgetur : & si in
 tumore illo pedum sanguinis aliquod dominiũ ap-
 pareat, sicut suspicari possumus ex intellecta rubedi-
 ne & caliditate, etiã aliquid sanguinis est detrahen-
 dum: faciliẽ enim ex hac annua purgatione abscinde-
 tur materia, quæ æstatis tempore ad pedes solet de-
 cumbere. In alijs verò temporibus ad purgationem
 habeat aliquod familiare, quod faciliẽ educat, & le-
 niat aluũ, vt corpus minimẽ excrementosum seruet:
 eritq; hoc præcipuẽ necessariũ, si fortẽ aluum adstri-
 ctam habuerit. Darem igitur vel hierẽ simplicis Gal.
 de sex rebus scrupulum, vel scrup. duos, prout aluus
 magis vel minus obediet. Hieram intelligo ipsas spe-
 cies in pilularũ formam redactas, vel rhabarbarum
 cum saccharo rosaceo, quod mihi magis placeret tẽ-
 pore æstatis. Nec displicet vsus frequens terebinthi-
 næ Cypriæ ad hanc eandem cõmoditatem præstan-
 dam. Quantum verò ad membrorũ tum mandantiũ,
 tum recipientiũ corroborationẽ attinet, pro ventri-
 culo quidem & hepate, illius eiusdem hieræ & rha-
 barbari vsus non tantũ leniet aluum, sed etiã robo-
 rabit ea membra naturalia. Pedes verò qui recipiũt
 excrementa, ad mediũ veris per totam æstatẽ alter-
 nis saltem diebus abluendos putauerim decoctione
 rosarũ, saluiæ, nucum cupressi, rasuræ tabularũ cu-
 pressi, chamæmeli, aliqua etiam salis portiũcula ad-
 iecta, ita vt lotio fieret horis matutinis, videlicet an-
 te prandium. Neque malum putauerim, si post lotio-
 nem partes ablutas inunxerit aliquo oleo de cito-
 neis, vel de baccis myrti. Et hæc, si modò rectẽ serua-
 ta fuerint, fortẽ sufficient ad curationem, & præser-
 uationem huius nobilissimi viri.

*Consult. XCVIII. De titubatione pedum ex leui
uertigine, pro Magnifico Bernardo Na-
uagerio Senatore Veneto.*



VM non possumus curare affectus exi-
stētes in hoc Magnifico domino, nisi ex-
quisitissimè cognoscamus ipsos: & quia
cognitio nostra incipit ab ijs quæ appa-
rent, primò cōsiderabimus symptomata recitata ab
ipso, quæ oportet explicari diligenter. Conqueritur
iste Clarissimus Dominus de pluribus, & quia olim
fuit Consul in Dalmatia, & dum versaretur circa ne-
gotia, & circa lites, propter laborem cerebri, inquit
se incidisse in imbecillitatem cerebri: & cū postea
Venetias accessisset, & mala etiam ratione victus u-
teretur, & studio literarum incumberet, iam menses
aliquot sunt, ex quibus inuasit eum hoc symptoma,
vt videreī cadere in terram, & cecidisset, nisi tenere-
tur, & habuit immensum. Sed posteaquā sibi consu-
luit, nō sunt visa perseuerasse, nisi quòd iam quatuor
menses sunt, in quibus cū quibusdam circumvolu-
tionibus laboraret, & dum videret circumuolutio-
nes illas, cogebat sedere. Nunc verò cū sedet, pati-
tur: cū verò surgit, cessat. Hęc autem circūuolutio
non est cum vertigine multa, nec ita immensa, vt vi-
deatur cadere: sed eam circūuolutionē patit, vt vix
possit scire, an circumuolutio sit, adeò breui tem-
pore perdurat. Dum autem inuadebat eum, iam sunt
nonnulli dies, circumuolutio ipsa, inflammabatur
facies, & iam à duodecim diebus inflammatur. Et vi-
di ego ipsum insigniter inflammatum cum leui sudo-
re circa faciem, & cū ambulabat, cessabat: nūc cum
rubedine liuida circumuolutionē patitur leuem sine
causa, & cū ambulat, cessat, nec audimus pati sym-
pto-

ptomata, alioqui perseverarent in capite aliqua præter naturā. Sensus autē omēs, tam interiores quàm exteriores, habet acutissimos, & dum percūctamur ab ipso, an percipiat in ventriculo aliquid, dicit percipere ructationes. Sed alia symptomata sunt aduertenda, quia inquit quòd postquàm hæmorrhoides fuerunt apertæ, apparuerunt pustulæ quædam, & ab ipsis mirū in modum læsus est. Præterea inquit, dum iacet, ut pedes suspendantur, nunquam inuadere ipsum symptoma, etsi multū remanserit: dum autem pedes super terram figit, symptoma inuadit. Quantum autem attinet ad excremēta, quo ad urinā, non est secundū naturam, tum quo ad colorē, tum quo ad residentiam: quia color magis fuluus est: nec habet colorē illum palarē, qui indicet bilem esse concoctam, ut inquit Galenus v. i. de tuenda sanitate, ubi dicit: Cūm bilis concocta est, in colorem pallidum transit: cūm cruda, ruffa est. Et Auicenna secunda Fen inquit: Urina aurea arguit in corpore redundare plus bilis, quàm oporteat. Habet præterea urina hæc subsidentiam indicantem adustionem, & arenulas subrubeas habet. Excrementa autem per anum nigra sunt (ignoro tamē an omnia talia fuerint) cum ampullis, & tumida sunt: & tetigi hypochondrium dextrum, & percepi tensionem cum flatibus. Hæc sunt quæ præter naturam visa sunt consideratione digna, tam symptomata, quàm actiones læsæ, quàm excrementa mutata, quia hæc indicant affectus interiores. Inuestigandi ergo sunt intrinseci morbi, à quibus proueniunt talia symptomata. Sed quia ordinatè debemus procedere in diuisionibus, ut sciamus lapsum præter naturam, ad moderanda medicamenta, & ad præfagiendum maximè facit, si sciuerimus temperaturā totius corporis, omissa pro

nunc singulorū membrorū temperatura. Et proculdubio plus redundat in isto Magnifico viro, & plus redundauit calidi, quàm frigidi: & secundum qualitates actiuas per calidum videtur recedere à temperamento: in palsius per humidum, vt possit corpus calidum & humidum pronunciari, & vt dicunt isti, sanguineum, quia ex tali temperatura generatur plurimus sanguis. Et hoc ostenditur ex signis: si habitum totius volumus considerare, redundat plurima carne, & sanguine, & habet colorem rubeum, quia quanto de tuenda valetudine, color indicat humorū dominium, nisi in profundo latuerint. Igitur temperatura calida & humida sanguinē indicat. Præterea ex operationibus naturalibus hoc idem attestatur: bene concoquit, & reliqua naturalia opera bene exercet, quæ per calorem innatū, qui humidus est, fiunt. Præterea operationes cerebri caliditatem indicant cum humiditate, quæ non superat caliditatē, sed hæc dominatur humiditati: ideo bonus discursus est. Pulsum præterea habet plenū, magnū, & excandescit, licet facilè sedetur, quod indicat caliditatem & humiditatem. Ideo ex operationibus omnib. facilè eliciemus, & ex habitu faciei, & ex pilis, qui non sunt nigri, nec rufi bilem attestantes, esse sanguineam temperaturam. Ideo iudico ego, corpus hoc secundum totum plus calidi quàm frigidi habere, & plus humidi quàm sicci: & habere corpus tale, talem à natiuitate temperaturam. His ita cōstitutis, cū talia symptomata apparuerint, & primò circa corruptas imaginationes cerebri, quia quòd videatur circūuolui, aut non posse sustineri, sine dubio est operationis cerebri læsio: sed quæ operatio lædat, nolo disputare, utrū lædatur imaginatio, vel sensus cōmunis, an exteriores sensus. Dixerim ego vnam lædi facultatē, & esse

esse phantasticam virtutem, quia potest contingere quòd imaginatio corrupta sit, & sensus reliqui incolumes sint præter visum, quia spiritus deferuntur ad oculos, qui cum ventriculis cerebri sunt communicantes, ideo patiuntur. Si autem esset passio sensus cõmunis, paterentur etiam exteriores: nisi magnum sit symptoma, nam tum compatiuntur, & priuantur, vt in epilepsia, & in apoplexia videtur accidere, quia morbi isti sunt affines, & difficile est quòd separetur vnus ab alio, sicut hęsitarunt medici Veneti, vt patet ex eis quę ordinarunt. Iudicarunt enim dispositionem hanc esse in confinio cum epilepsia. Tale ergo symptoma est virtutis imaginatiuę, ad quam reliquorum sensuum & interiorũ & exteriorum sequitur læsio, cùm inualefcit causa. Materia verò faciens symptoma, & locus affectus, consideranda sunt. Locus affectus sunt ventriculi anteriores cerebri: materia verò & causa proxima faciens symptoma, vt à Galeno & ab Hippocrate probatur, sunt vapores agitantes & mouentes inordinatè spiritus existentes in ijs ventriculis: & agitatio illa est causa formalis & essentialis, quia vertigo nihil aliud est, nisi motus inordinatus spirituũ existentium in anterioribus ventriculis. Tale ergo est symptoma, talis locus affectus, causa proxima vapores. Quid modò moueat vapores, an generentur in cerebro, vel aliunde mittantur, dubitari potest. In cerebro quidẽ, veluti ob malam temperiẽ cerebri, vel ob materiam crassam existentẽ in cerebro. Cùm à mala temperatura generantur, fit quia agit diuersa, & fit motus inæqualis humorũ, & ex eo motu agitantur spiritus, & fit symptoma. Materia autem crassa, causa est vaporũ, vel propter causas extrinsecas, cùm à caliditate aëris materia agitur & inalefcit, & ex illa excitantur vapores: vel à ni-

mio motu, vel ab agitatione exercitij, quia materia agitatur, & vapores agitant spiritus: vel ab intrinsecis, vt sunt cogitationes molestæ, ex quibus agitantur spiritus etiã animales intrinseci ex discursibus, & fiunt vapores: vel ob medicinam, aut cibum calidum, ratione cuius fiunt vapores, & eleuantur, & spiritus exagitantur. Vel aliunde deueniunt, tunc aut à stomacho, aut ab alijs membris, vel à toto. Materia autẽ faciẽs tales vapores per consensum, potest esse sanguis & subtilis & crassus: potest esse pituita, bilis, humor melancholicus, & mixtus. Ex hoc igitur discursu habemus cogitationem essentiæ morbi. Et si declinet versus epilepsiam, in ista inclinatione licet lædatur magis, & fiãt maiora symptomata, ab eadem causa fiunt: ideo non discedimus in discursu à confinio. Cùm ergo ita sit, quid iudicandũ est esse in causa, Magnificũ hunc virum tantis symptomatibus laborare? Non habemus signa, vt dicamus vapores istos esse in cerebro, & in cerebro generari: quia signa quæ indicant primogenium affectum esse in cerebro, sunt grauitas perseuerans, capitis dolor, oblatio sensuum interiorum & exteriorũ: quæ cùm non fuerint in hoc Nobili, non est dicendum cerebrum per protopathian lædi: ergo erit per consensum ab inferioribus. A quibus igitur? Proculdubio licet credam aliquid à ventriculo eleuari, non tamen totum, quia non habet morsum cordis, nec mordicationem percipit: non negauerim tamen esse aliquid, quod eleuetur. Sed cùm consideramus temperiẽ calidam & humidam hepatis, & timeat de proprio affectu, & quia est multæ carnis, & abundat calore, & feruido sanguine & calido, habet cerebrum calidum: & Galenus dicit in tertio de locis affectis, nullum corpus magis paratũ ad excrementa multiplicanda in cerebro,

bro, quàm corpus sanguineū, & calidi capitis, & venarū, & hepatis: talia corpora non possunt liberari à talibus symptomatibus. Et cerebrū factum est debilius, quia existente valido membro non recipit aliorum excrementa, imò repellit: cū verò imbecillius redditur, cū non possit resistere, recipit excrementa. Sed cū cerebrū ante septem annos validum esset, repellebat excrementa: sed cū in maiore debilitatē incidit, recipit excrementa, & patitur affectus: non tamen ita debilitatū est, vt multū suscipiat. Sed quæ materia, & qui vapores, an à pituita eleuentur, & vapores crassi sint, an à sanguine, & tenues sint? Crediderim ego vapores fuisse tenues, & à subtiliori parte sanguinis & bilis eleuatos. A calidis igitur & subtilibus vaporibus affectus prouenit, quia leuē video esse vertiginem, & non apparent tenebræ. Ex leuitate autem spiritūū subitò euaporant, nec tenebras patiuntur, quia non sunt vapores crassi à pituita eleuati, vt in hypochondriaca passione cōtingit, in qua tenebescunt spiritus non nisi à vaporibus crassis. Cū ergo non appareāt tenebræ, sed subitò quedam reuolutio citò transiēs, sunt igitur leues, & tenues vapores subitò euaporabiles. Cuius signū est, cū sedet ascendunt vapores, quia cū non mouet, nō difflantur: sed cū mouetur, excitatur virtus per motū, & discutiuntur. Est etiā aduertendū aliud symptomata: cū suspensos tenet pedes, non patitur: cū verò figit in terrā, patitur symptoma hoc. Causa huius esse potest, quia sanguis decumbit ad illas partes, & præ multitudinem sanguinis obstruuntur viæ, & fiunt obstructions, & stupores etiam illi, qui formicæ dicuntur. Cū ergo suspenduntur pedes, declinat ad illas partes sanguis, & humores & vapores nō ascendunt. Præterea quòd calor & vapores calidi

ascendant ad cerebrum, habemus indicatiū, quòd ex quo habuit illam phlebotomiam violentam factam per hæmorrhoidas (dico violentam, quoniam cum non sint ibi foramina, fit violenta: & si adsunt, adeò constricta sunt, vt sanguis tantum vaporosus & spumofus exeat subtilis admodum, violenter extractus, & crassiores partes remaneat) non apparet amplius in facie rubor, nec inflammatio, sicuti prius apparebat, quia non ascendunt vapores subtiles. Et quòd sanguis crassius remanserit, indicant pustulæ illæ, & in vrina color rufus: & hoc credo post phlebotomiā apparuisse, quia in corpore est maior caliditas, & propter accidentia animi. Cur verò hypochondrium dextrum appareat subtumidum, hoc est, quia abundat pituita: quia corpora humida facile incidunt in multiplicationē pituitæ, maximè cum causæ extrinsecæ concurrunt: quia habuimus in vere turbulentiā aëris, & nubilofum ver multiplicauit pituitam, quia crassiores spiritus redduntur, & corpus frigidius fit pro ratione temperaturæ: ideo abundat pituita. Et quia habet membra tendentia ad humidū, multiplicata est etiā in cerebro: ideo patiebatur grauitatem, quæ cessauit, postquàm per nares exiuit: & quia ad ventriculum descendit, etiam potuit obstructions fecisse: ideo apparent adustiones plurimæ, quia sanguis calidior factus est seipso, & pars subtilior euacuata per hæmorrhoidas. Et hæ sunt causæ symptomatum. Id autem quod trahit curationē ad se, est symptoma apparens in capite. quo ad febrem non percipitur, nec aliud nisi de pustulis conqueritur, de quibus non debemus esse solliciti in curatione. Stantibus ijs causis, quid credis tu posse contingere? Minimè dubium est, si consideremus perseuerantiam symptomatis, credendū est imbecillitatem
factam

factam esse in cerebro, & fortè intemperies iam fixa est, quia videtur labi ad frigiditatem non solitam: siue ab aëre extrinseco, siue ab impressione cōtingat, dies indicabūt. Siue igitur à causa extrinseca, siue ab intrinseca intemperies maior reddita est, & iam cerebrum incipit pati per essentiam, difficilis erit curatio. Præterea redundat sanguis in corpore calidior euaporabilis, & hæc temperies cū sit difficilis vt remoueatur, difficilis etiam erit curatio. Credo tamē quòd diligentia nostra poterit curari, & maxime quia faciet quicquid imperabitur pro salute sua. Pro curatione igitur huius symptomatis siue sit mera vertigo, siue dispositio ad ipsam, siue dispositio media inter vertiginē & epilepsiam, quicquid sit, crediderim in duobus principaliter consistere curationē: primò, vt prohibeamus vapores ne ascendant: secundò, vt corroboremus caput ne recipiat. Prohibebūt vapores ascendere, si prohibebimus generari: secundò, vt materia iam genita pro vaporibus, educatur, & auertatur quamlongissimè. Credo si hæc tria fient, prohibebuntur vapores ascendere: deinde corroborebitur caput cum moderatè refrigeratibus & exiccantibus. Quo ad primum, pro prohibitione generationis vaporis, circa rationem victus studerem, & prouiderem vt cibaria essent pauci alimēti, & non plurimi, quia calorem habet plurimum, concoquentem etiam carnem porcinam, & optimè. Oportet igitur vt abstineat à multū nutrientibus, & à pane non bene fermentato. Carnes vituli porcinasque euitet: & ab omnibus quæ plurimū nutriunt, à leguminibus, & ab ijs quæ multum & malum præstant nutrimentum, summopere abstineat: à lacticiinijs, à pastillis, & ab omni genere piscium, præterquàm à saxatilibus. Pullorum iuuenum caro, & auium quæ degūt

in campis, & hœdina, vel vitulorum paruorum, alterata cum frigidis succis, vt cum succo agrestæ, probatur: & vtatur succo granatorũ, citriorum, vbi stomachus toleraret, & tandem quæ parum nutriũt essent laudabilia. Et si cibis Arabum ex lentibus cum aceto decoctis vti possit, illi mihi non displicerent: sed quia non sumus consueti in his, dimittemus illa. Ptisana etiam hordeacea conueniret. Præterea vina paucifera alba, quæ prouocarẽt vrinas, essent conuenientia: & vellem vt diureticis vteretur, quia diuerterent ad alias partes, & non generaretur plurimus sanguis: & vinum sit potius acidum & austerũ, quia non multum nutrit, & vrinam prouocat. Deinde declinet potius ad vigilias, & à somno diurno caueat. Præterea prouideat vt habeat beneficium alui. Vtatur frictionibus assiduis, & maximè inferioris partis: ideo post cœnam fricentur pedes, quando vadit dormitum. Dicetis vos, in podagram incidet: vtinam, vt caput defendatur. Præterea vtatur in mane exercitio temperato, & multum ambulet post frictiones. Caueat ab omni excessu circa operationes animales, & maximè circa studium literarum, à quo absteat. Quo ad coitum, vellem vteretur aliquando, non tamen multum agitante, tanquam re exercente superflua, & maximè ante cibum. Et hæc quantum ad sex res non naturales, vt non multiplicetur multum sanguis. Quo ad medicinas, hoc corpus quia maximè tolerat phlebotomiam & pharmacias, vellem vt ijs duobus vteretur auxilijs. Quo ad missionem sanguinis, quia iam fuit euacuatus, dimittemus eam. Laudarem & euacuationem toto anno: & medicinę essent illæ quę purificant sanguinẽ, & euacuant: primò esset cassia, quæ humores crassos adustos, bilem & pituitam euacuat. Vteretur etiam rhabarba

barbaro, quia aperit, abstergit, & euacuat. Vteretur etiam syrupo rosato solutiuo, agarico præparato, præcipue propter dominium pituitæ nunc generatæ: & acciperetur cassiæ vncia, agarici præparati sesquidrachma: & interpolatis diebus sumat hanc medicinam, quandoque rhabarbarum, quandoq; syrupum rosatum solutiuum, & zuccharum rosatum cum rhabarbaro in diebus calidioribus æstatis. Transactis diebus æstiuis, pilulis vteretur ex hiera simplici, agarico, & rhabarbaro, quæ possent dici de tribus, nisi quòd loco aloës ponitur hiera simplex. Hæc euacuant ventriculum, obstructions remouent, & à capite euacuant. Placeret etiam syrupus acetosus multæ acetositatis, cum aqua pentaphylli, aut acetosæ: quia in pentaphyllo est virtus exiccandi, & prouocandi urinam: acetosâ etiam corroborat cor, refrigerat, & exiccât intemperiem hanc: syrupus etiam de acetositate citri: & quandoq; alterando perseverarem, & quandoque dictis vteretur medicinis, quia optimè tolerabit. Et hæc quo ad euacuationem, quæ fuit secundum institutum, vt prohiberentur vapores. Tertiū institutum propositū est, vt fierent auersiones vaporum: & quod mihi præcipuum videtur, est, quòd omnino fierent cauteria in cruribus, & si quod corpus accipiet iuuamentum, hoc erit: si enim à suspensione pedum accipit iuuamentum, quid recipiet à cauterijs? Etiam in hæmorroidibus sperarem, si fieret apertio: sed fallax est apertio hæc, quia prouocatione per sanguisugas non est vsus: sed quia aperiuntur venæ ex operatione illarum, & si hoc fieret, optimè res se haberet: si non, non succedit, quia subtilior pars euacuatur, & crassior remanet. hæc de auersionibus. Dicetis vos, Tu igit velles in hoc iuvene tam magna remedia facere? Vtiq; quia dicit Galenus v. Methodi:

Cùm magnæ sunt ægri tudines non modò præsen-
tes, sed futuræ, si à leuioribus volumus procedere,
longum paramus ægroto interitum. Cùm ergo ac-
cidens non sit ita leue, sed suspicio est de epilepsia
& apoplexia, ideo plurimo studio oportet prouide-
re. His omnibus factis, si quid esset tentandum, nisi
perseuerarent catarrhi, esset considerandum an con-
uenirent balnea Calderiana, quia rectificant caput,
refrigerant, & prouocant vrinam, & adustiones re-
mouebuntur, & obstructions, & pustulæ: est quæ
maximum remedium pro adustionibus, & tunc non
eleuabuntur vapores, quia in hoc corpore est maxi-
ma dubitatio de sanguine adusto. De Patauinis non
dicerem, nisi fieret maior lapsus. Et quia aquam li-
gni Indi proposuerunt medici Veneti, non laudarem
eam: quia cùm vteretur victu tenui, & aqua exicca-
ret, quare exiccarentur humiditates, per accidens
iuuaret: ideo in ea nihil sperarem. Quo ad corrobo-
rationem capitis, credo quòd optimum erit corro-
borare prohibendo vapores ascendere: & factis eua-
cuationibus optimum esset zuccharum rosatum, &
confectio triasandali, & myrobalani conditi chebu-
li, quia mirum in modum corroborarent caput & ven-
triculum. Similiter ex linimento, vt Galenus facit,
inungerem caput cum oleo rosaceo, & iniicerem in
aures puluiscula ex sandalis, myrtis, rosis, & sanda-
racha, ad reprimendum & refrigerandū: spargerem
super caput odoramēta ex sandalis, rosis, violis, ne-
pufare, camphora, vt cum aceto rosaceo in sindone
vteretur, & odoraret. Et ista via procederem.

Multa alia essent dicenda, sed hæc

exempli loco suf-

ficient,

Consult,

Consult. XCIX. De luxatione pedis, pro Illustrissimo puero Germano.



Nemo potest dubitare situm & figuram pedis Illustrissimi pueri luxatione corrupti, & ab eadem causa motum quoque impediri. Quæ verò ossa sunt luxata? Credimus primò illa esse, quæ sunt in pectine pedis, deinde os claviculare, tertio talum, quarto os calcanei. Et hæc omnia expressè patitur, ut patet ex ipso modo impedimenti motuum, & ex figura vitiata, ex ipso situ & locis ubi apparet luxatio. Causas extrinsecas quidem pro comperto non habemus. Intrinsecæ verò quæ aduenerunt, fouerunt & auxerunt luxationes: humorem crudum & viscidum opinamur esse unde ligamenta laxentur, ossa lubricentur, & lubricata coarctentur. Cruris verò gracilitatem non modicam credimus maximè fieri ab humido nutrimentali nimis exiccato, ita ut etià periculum immineat, ne pars quoque radicalis humidi exaruerit, scilicet ob laboriosum importunumque motum in ea parte excitatum. Indicio est quòd tum maximè arefieri incœpit, & deterius habere, cum vacabat choreis. Curationem arbitror quidem difficilem & arduam admodum, nihilominus tentandam consulo. Si enim puer ille generosus pativoluerit, fortè curatio non erit omnino difficilis vel impossibilis: est enim adolescentia plena spe. Primò igitur esset illi diligentissima victus ratio proponenda, & ut ille cum toto crure maximè custodiretur à frigore, optimeque muniretur, ea tamen ratione habita, ne nimis incalescant: si tamen ad alterum declinare oporteat, ad calidum potius declinet. Parcat copotationibus, vitet epularum multitudinem, unico cibo sit contentus: fugiat pastilia, lacticia,

fructus, pisces, præsertim palustres, carnes porcinas, bubulas, & omnes antiquas. Persuadeatur vt quâcreberrimè, sicut esset bis in septimana, vt semel saltè, tantum rhabbari manderet ac deglutiret, quâtum est scrupuli pōdus: si enim hoc fecerit, nullo alio medicamento indigebit soluente. Circa lutum sancti Bartholomæi pro materia illa viscida resoluēda, quæ circa luxationes adhæret, laudo quidem, sed ea lege, vt toto eo tempore quo extra lutum morabitur, liniatur locus oleo amygdalarū dulcium, vel adipe suillo recēti sine sale, vel butyro recenti, vel oleo camomelino. Post experiētiā factā huiusmodi lutum applicando, pro ijs materijs quæ adhuc relinquētur, laudo fomentum lapidis pyritis, ita vt prius mollicetur locus cum linimentis paulò antè recitatis. Deinde altero quoq; die excipiat fumū lapidis pyritis, crebro agitando & mouendo, quemadmodū Galenus præcipit. Valet etiā ad resolutionē simul & molitionem æsypii ceratū ex descriptione Philagri: frequentissimè tamen vtatur lotionē facta ex ramentis cupressi, rosæ siccis, camomilla, salvia, & betonica, valet enim ad resolutionē materiei, exiccationem & corroboracionē loci. Pro crure alendo suaderem, vt minimè laboraret, & manè modicè fricare, deinde deliniretur oleo amygdalarū dulcium, vel medulla recenti cruris vituli, & vteretur optimis alimentis pro cibo. Quòd si contingat vt materia in loco luxationis contēta maxima ex parte dissoluatur, tum poterit tentare restaurationem luxatorum ossium non quidem violenter aut confertim, sed suauiter & paulatim cum hastulis mollibus ac planis, & cum ligaturis cōmodè ab optimo chirurgo situm ossium naturalem intelligente perfectis: quia nos puerū sine consensu tutorū, propter calores, & imbecillitatē etiam
ac te-

et teneritatem corporis, ad thermas mittere nolus. Consulā vt accipiat duas vel tres etiam vncias rupi rosati solutiui, cum modico aquæ betonicæ. Si luxatus liniatur bene cum decocto camomillæ, & deinde supponatur ceratum œsypi ex descriptione Philagri, ac singulis diebus semel innouet. Crurum nanè leuiter frictū inungatur oleo amygdalarū dulcium, & quietus viuat. Singulo octiduo semel mastiget rhabarbarum, vt suprā.

Eidem consuluit abeunti ex Italia in Germaniam hæc quæ sequuntur.



VM laudauerimus in hoc præstātissimo puero post purgationē veris, vsum thermarum, ita vt fumo & luto humores fouendo quæreret discursionē materiæ & locorū corroborationē, ipse autem ob vrgentia negotia cogatur in Germaniam proficisci, petit vt thermarum loco aliquid proponam, quod idem præstare possit quod ipse thermæ. Dico igitur, postquā in patriā redierit, atque ibi animo & corpore aliquandiu quieuerit, optimum fore vt rursus expurgetur. Neque enim probabile est tantum itineris cōfecturum, quin in ratione victus non delinquat plurimū, atq; inde rursus non aggreget crudos & deprauatos humores. Est autē omnino contra rationē, loco adhibere resoluentia & exiccātia remedia, nisi primò totum corpus fuerit expurgatū, alioqui longè plus humoris attrahet, quā resoluatur. Facta ergo purgatione, postquā animo & corpore quieuerit, nullo tēporis spatio interposito parabit infrascriptū remediū. Primò duobus aut tribus diebus loca tumentia illinet cū adipe porcino recēti, hoc est, eiusdē anni, non salito, admixto oleo amygdalarū dulciū, ac bu-

tyro etiam recenti: illinet autem singulis diebus bis, manè inquā & serò. Tertio die accipiet quatuor aut quinque frusta ad magnitudinem oui lapidis pyritæ, quem vulgò marchesitam vocant. Quòd si haberi non poterit, eius loco sumet frustum lapidis molaris noui, & aquam non experti, & sit eiusdem magnitudinis, quæ iniiciet in ignem ex carbonibus accensum, habebitq; vas ad id præparatum stricti orificij æneum, qualia sunt ea quibus vtuntur tonfores ad lixiuium deferendum, in quod vas aceto semiple num infundat repentè tantā copiam eorū lapidum ignitorum, vt fumus sufficienter exhalet: quem fumum totum diligenter excipiat circa tumores, adiectis vndecunque pannis operientibus, ne fumus per alias partes exhalet: & dum incalescēt partes tumefactæ, per illum vaporē semper agitabit crus hinc inde mouendo, tandiuq; illum fumum admittet, quandiu partes exudent humorem ab intrinseco. Deinde locum abluet aqua calida, in qua decocta sit camomilla, & rosæ siccæ, & absterget leuiter panno lineo calido. Vltimò inunget eodē linimento paulò antè descripto, & per duos adhuc dies eodem modo bis singulis diebus manè & serò idem repetat. Deinde tertio die ad illud idem suffumigium redibit, alternatim repetendo per quindecim dies aut etiā viginti: postea quiescet, & si curatus fuerit, bene erit: sin minus, interim quiescet donec autumnalis purgatio accesserit, qua purgatione facta statim tentabit illud idem fomentū vel suffumigiū, deinde quiescet vsq; ad vernam purgationem. Denique nunquam cessabit ab ijsdem remedijs itidem repetitis, donec sanitatem acquirat. Neque enim est discedendum ab ijs quæ inter initia rectè fuerint instituta, etsi non successerit, quemadmodū optimè cōsultat Hippocrates.

Estque

Estq; illi omnino præsupponendū, quemadmodum etiam in consultatione admonuimus, ægritudinem longam fore, & perseuerantia esse peruincendam, in qua sola est cum diuino auxilio spes ponenda, cum firma opinione. Nihil enim deterius huic, & omnibus alijs chronicis ac diuturnis morbis, quàm crebra mutatio sententiarum & remediorum. Hoc igitur admonere volui tanquam rem fortasse præ reliquis omnibus maximè opportunam.

Consult. C. De præseruatione à podagra, pro nobili uiro domino Mathia Zesz Consule L. Bohemo.



IR nobilissimus atque prudentissimus agens annum ætatis quadragesimum secundum, habitus corporis optimi, petit à nobis cōsiliū, quomodo toto tempore vitæ suæ effugere possit podagrā, non quòd eam iam patiatur, sed quòd timeat, ne declinante ætate, & calore decrescēte, in eam incidat, propterea quòd aliquādo (vt nobis refertur) leui destillationi subiiciatur. Cū igitur quærat modum præseruationis à podagra futura, cōsiliū meum est, ne quid magni moliatur sub hyemē, quæ iam iam aderit, sed habito bono regimine victus in sex rebus non naturalibus, leuibus aliquibus pilulis vtatur, quæ paulatim educāt materiā. A vino si abstinere posset, optimum fore iudicarem: ad sanitatē enim esset certa via. Sed quia id durius videbitur, cū sit assuetus vti optimis vinis, saltem accipiat quatuor metretas aquæ, in quibus coquat quatuor cistellos saluæ, & totidem betonicæ, donec remaneant tres mastelli aquæ, quibus deinde facta diligēti expressione addat octo mastellos vini albi bene maturi, & simul bullire permittat, idque postea bibat. Abstineat à piscibus, fructi-

bus, leguminibus, caseo, & omnibus, præter carnem vitulinam, pullorum, auicularum montanarum, oua recentia, panem in brodio, panatellam. His contentus viuat ad minus per annum. Cum sua coniuge honestissima non nisi à natura stimulatus, & ieiuno stomacho versetur. Ab aëre maximè nocturno fugiat, & diurno etiam crassiore. Muniat caput contra ventorum & aëris iniurias. Ad præseruationem verò vtetur his pilulis:

R \mathfrak{x} . Aloës optimæ

Rheubarbari electi

Agarici electi & leuis

ana 3 ij.

Garyophyllorum

Nucis muscatæ

Sandalorum citrinorum

Rosarum rubearum

ana 3 j.

Myrobalanorum chebulorum

3 j.

Puluerizentur omnia per se, deinde misceantur, postea aspergantur succo suæ arteticæ, & permittantur exiccare, & ita iterum vsq; septies fecerit, postea cum syrupo de betonica fiat magdaleon, de quo singulis vicibus fiant pilulæ tres pro singula drachma. Et hæc erit tota ratio præseruationis à futuro morbo, quem timet, & ab alijs plurimis ab eadem materia oriundis. Rursus, quia Dominatio sua petit consilium præseruatium à calculo pro quodam amico suo, idcirco Dominatio sua, vt à calculis se immunem omnino reddat, operæpretium est vt in sex rebus non naturalibus rectè se gerat. Nihil ergo comedat quod humores generet calidiores, vel pituitosos: omnia sint *ἐν μέτρη* & téperata, media inter crassum & tenue: bilis enim à siccis & calidis cibarijs, pituita à frigidis & humidis originem sumit. Oportet igitur cauere à calidis, frigidis, crassis & tenuibus,

bus, ne Scyllam fugiendo incidat in Charybdim. Temperatè itaque edat & bibat. Et quia nemo tam prudēs est, quin cadat aliquando, prouidendum est vt præueniat purgando eos humores, qui apti sunt causare huiusmodi malum, & corroborando membrum, ne facilè generet, & recipiat facilè. Cum quo instrumento? Optimum est ex rhabarbaro & agarico medicamentum, admiscendo aliquid myrobalanorum, & aliquid temperatum, quod facilè pertranseat ad vias vrinæ, vt cinnamomum cum semine melonum. Exempli gratia:

℞. Rheubarbari	3 iij.
Agarici electi	3 ij.
Cinnamomi	
Myrobalanorum	
Seminum melonum	ana 3 s.

Semel in septimana vtatur. Si calculus effectus sit, necessarium erit illicò mittere sanguinem à poplitibus, quibus nunc non vtimur, sed saphenis, facta diuersione cum ijs quæ leniter euacuant, vt cassia: postea adiungatur cassiæ agaricum. Si esset in renibus, vtatur oxymelite, & aqua mulsa. Nunquam frigidis, nunquam calidis procedendum cōsulo, sed semper temperatis & incidētibus: quoniam terreum, quod à calido coagulatum fuerit, vt lateres, non à calido nec à frigido diluit facilè, vt Aristot. 1111. Meteor. testatur. Quare non possumus progredi, nisi cum incidentibus, quibus minuuntur. Admisceatur igitur oxymel cum aqua mulsa. His omnibus diligenter & exquisitè obseruatis, credo quòd D. sua non solum à calculis, quos timet, præseruabitur, verumetiam à grauissimis morbis vindicabitur, cum auxilio

Dei Optimi Maximi, cui soli honor, gloria, & imperium in secula.

APPENDIX.

Huic verò Bohemo non conferentibus remedijs in consilio positus, instituit puluerem sequentem capiti inspergendum:

℞. Laudani electi 3 iiij.

Spicæ

Stœchados

Maioranæ

Roris marini

Asari

ana 3 j.

Puluerizetur minutissimè, & inspergant capiti. Laudauit etiã vsum Alexandrinę aureæ. Pro potu verò,


℞. Cinnamomi electi 3 ij.

Anisi 3 iiij.

Zucchari 3 iiij.

Decoquatur in aquæ cõmunis lib. v i. ad tertias. Vinctu tenui vtendum consuluit. Sed quoniam facta est mentio Alexandrinæ aureæ, ideo operæ preciiũ nos facturos arbitramur, vt hoc loco studiosis communicemus examen illius à Montano factum, quod licet sit imperfectum (nam alijs studijs Montanus occupatus, perficere id minimè potuit) nihilominus studiosis non mediocriter profuturum arbitramur: quoniam habebunt decẽ scopos propositos à Montano, in medicamentis cõpositis semper spectãdos.

Alexandrinæ aureæ examen Montani.



Ntequàm descriptionem propositam aggreddiar, pauca quẽdã præfari oportet, vt in cõponendis medicamentis antiquos medicos multũ operæ, artis, & studij posuisse intelligamus, Medicamenta ergo quæ ore sumuntur, varia nomina habuerunt: aut ab vfu, veluti stomachica & arteriaca, quoniam gulæ & arteriæ
vfu

usui sunt, hoc est, medent: aut à modo sumendi, qualia sunt dicta eclegmata & cataporia, illa quidē lambendo capiuntur, hæc verò deuoratur & deglutiuntur: aut à forma, vt sunt trochisci, latinè pastilli, figuram rotæ referentes: aut ab excellentia virium, vt medicina quæ vocantur hieræ, hoc est, sacra, quia venenatis succis corpus liberant & perpurgant: aut à multiplici usu, sicut sunt antidoti, quæ propinantur aduersus genera plurima morborum. De his ipsis postremis sum verba factururus: quoniam confici non potuerunt, nisi à uiris præstantissimis, & medicæ facultatis consultissimis: postulant enim hæc medicamenta mirabilem artem componendi. Componuntur autem triplici de causa, vt scriptum reliquit Galenus in lib. de antidotis: vel aduersus venena, quæ aliquo malo fato sæpe dantur & potantur: vel contra eadem, quæ foris corpori admota efficiunt: vel vt aduersentur humoribus vitiatis, qui sæpe sic efficiuntur noxij, vt non minus noceant quàm venena, quemadmodum tradit Galenus libro sexto de locis affectis, vbi loquitur de signis veneni: vel ob tres simul hæc causas, quas nunc attuli. Ortum porrò habuerunt à Regibus & Principibus, quale illud est quod Mithridaticum appellatur: nam Mithridates Ponti rex medicamenta componi sibi iubebat, aut ipse excogitabat (Reges enim medicæ artis semper fuerunt studiosi) aduersus venena, deinde sceleratis & nocentibus, quos in carceribus detinebat, venenum propinabat, mox medicamentum aduersus veneni vim, vt experirentur quid posset præstare. Quid? nōne etiam tempore Neronis Imperatoris Andromachus medicus mira arte composuit theriacam aduersus omnia venena? ex quo factum est postea, vt Andromachi theriaca vocari cœperit. At ve-

M m

rò hæc nostra antidotus, de qua in præsentia sermo habetur, aduersatur prauis vitiatisq; humoribus. Aurea vulgò dicitur, ab auro quod ingreditur eius compositionem. Cognominatur itidem Alexandrina, ab vrbe insigni Alexandria, vbi cōfecta est: eo sanè tempore studia bonarū literarum florebant, atq; à Ioanne Grāmatico, & Simplicio, reliquisq; philosophis excolebantur. Hæc sanè antidotus multa præsidia promittit: capitis dolorem sedat, oculorum lachrymas sistit, dolores dentium leuat, prodest morbo comitiali, insania liberat, omnib. affectibus capitis medetur, tabidis auxiliatur, sanguinis vomitum cohibet, paralysem medicatur, laterum viscerumq; morbos depellit, calculos comminuit, vrinæ stillicidio & difficultati magno est vsui, confert ad vteri affectus, ad febres tum tertianas tum quartanas, ad apoplexias, ad epilepsias. Mira profectò sunt quæ pollicetur huiusmodi antidotus: sed vtrum efficere possit quæ pollicetur, decem capita sunt consideranda à nobis, ne reliquæ antidoti in posterum nobis possint imponere: his enim exploratis, facilis erit gradus ad alias omnes dijudicandas. In primis, scopus qualis est ipsius antidoti, est cognoscendus: deinde perpendendum, vtrum ea ex quibus componitur antidotus, cōmoda & vtilia sint ad illum scopum: deinde facultates omnium medicamentorum, ex quibus consurgit, sunt ad artificis stateram perpendendæ: dende deligenda sunt medicamenta, & contemplanda, quæ feliciter cōmisceri possunt, vt harmonia antidoti bellissimè constet: deinde cōferendæ sunt rationes ponderum & proportionū, vtrum casu & sine causa, mensura seruata sit, an arte & ratione: deinde ex huiusmodi cōmixtione inuestigandum est, formā ne naturalis, an similis naturali consurgat: deinde scru-

de scrutandum est, quomodo medicamenta quando miscentur, fermententur, & quot sunt genera fermentationis, & quid est fermentatio: deinde quomodo simplicia, hoc est, herbe præparantur, id est, quæ erit proportio humidorum corporum & siccorum, id est, medicamentorum, ubi sese offerent nobis innumera bilia penè errata pharmacopolarum: deinde, vtrum dosis proposita ab hoc autore, semper seruanda est. Erit ad extremum statuendum, vtrum hæc antidotus, quæ ex tot dissimilibus rebus componitur, possit stare promissis. Scopus itaq; vt singula capita paucis verbis amplectar, huiusce antidoti est, vt capitis morbum ante omnia oppugnet, & oppugnabit quidem, ni fallor, quoniam vera est antidotus, cuius principalis scopus, id est, operatio nunquam impeditur. Ceterum omne medicamentum componitur, sumpta semper indicatione à morbo, quem depellendum aggredimur. Cum ergo in præsentia capitis morbus, & quidem diuturnus curatur, verisimile est caput laborare frigida intemperie, vnde multa recrementa affluant necesse est, quoniam actiones naturales sunt infirmæ, id est, diminutæ. In primis igitur exhaurire recrementa operæ precium est, quò facilius caput mala temperie liberetur. Ergo prius perpur-gato corpore, si purgatione erit opus, rebus quæ habeant concoquendi facultatem vti proderit, non ijs quæ euacuent, id est, educant excrementa. Vim autem concoquendi obtinent, quæ non transgrediuntur secundum ordinem caloris, qualis crocus, myrrha, bdellium, styrax. Quare crassa recrementa attenuabis, tenacia detergentur, lenta incidentur: detergent amara, incidunt sicca calidæ tertij ordinis & tenuium partiū. Vt primum incideris, dabis operam vt dissulentur: id tibi præstabunt ea quæ sunt mode-

ratè calida, vt myrrha. Verumenimvero quia assiduus ille vsus rerum calidarum & siccarum sæpe adigere potest ad vigilias maximas, ideo admiscere frigida perutile erit: qualia sunt illa quæ somnum conciliant, in quorum albo est opium, id quod exemplo Antonini Imperatoris facilè cognosci potest, qui ab assumpta theriaca, etiam iura dando populis, non leui somno corripiebatur, propterea quòd còmixtum erat opium: quare sine opio rursus sibi parari iussit, ex quo postea factum est, vt somnum captare nequiverit. Itaq; suæ salutis & còmodis corporis còsulens, repetendum opium & recipiendum in theriacam voluit, indeq; somnum cepit, quemadmodum commemorat Galenus in libello de antidotis. Quantum ad autoris scopum attinet, hoc vnum apud omnes còstat, ad frigidos capitis affectus hanc medicinam fuisse confectam, vnde & vulgare de ipsa circumfertur, Aurea quando datur, caput à languore leuatur. Sed quoniam antidotus est, & antidoti (vt docuimus in præcedenti lectione) non habent popularem & festinatam compositionem, sed eo artificio confici solent, vt dum membro vni consulunt, exquisitissimè obseruent, ne prorsus vllum impedimentum vel in ipso membro genitum, vel aliunde trāsmissum, suo consilio possit obstare: vnde necessariū est, & magnum numerum simplicium in compositione adaugeri, & reconditam quandam artem tam diuersorum commixtioni adhiberi: quæ omnia ita se habere manifestissimè in hac Aurea antidoto singulari distinctoq; exemplo ostendemus. Deliberans igitur autor antidoti ad frigidos capitis affectus medicamentum componere, atq; optimè cognoscens omnem componendi rationem ad morborum naturam, quos depelli oportet, esse referendam, primò contemplari cœpit, quanam esset fri-

set frigidorum morborū natura, qui tandiu tamque pertinaciter membro inhærerent: facileq; deprehendit aliunde id euenire non posse, nisi quod mala intemperies frigida membri essentiam substantiamq; inuasisset: neq; enim solus humorum affluxus sanum aliqui membrum tandiu torqueret, imò temporis successu, vel natura, vel ars, vel vtraq; simul materiā concoxisset, & excrementa expulisset, ac membrum corroborasset, sicut quotidie fieri videmus in omnibus morbis, substantiali membri temperatura adhuc permanente. Ergo hîc duo vidit autor, quæ necessariò se inuicē consequuntur: primum, cerebri temperaturam ad præternaturalem frigiditatem esse collapsam: secundum, humoris frigidi redundatiam, quæ semper membri frigiditatem & infelicem imperfectamq; concoctionem sequitur. Hæc duo cum animaduertisset, & tanquā scopos sibi proposuisset, ad hos potissimum cœpit dirigere materiam compositionis: & cum sciret, quotiescunq; coniungitur præsentia humoris cum intemperie in essentia membri, non solum remouendā intemperie, sed etiam materiam defluxā vel ibi genitā esse euacuandā. Pro euacuatione igitur materiæ, quæ proculdubio frigida est & pituitosa, vertitur ad cōmunes intentiones, ad quas verti solent & debēt qui pituitosam materiam euacuare proposuerūt. Sunt autem illæ numero quatuor: cōcoctio, incisio, abstersio, apertio. Hîc autem concoctionē intelligo propriè dictam, vt omnes medici & philosophi recta sentiētes intellexere, & non illam metaphoricam, & per similitudinem, quam plures aberrantes medici conceperunt. Coctio autem propriè dicta, vt definitur ab Arist. quarto Meteor. est perfectio à naturali & proprio calore in passiuis contraiacentibus, id est, in materia concoquenda.

Medici igitur in hoc sicut in reliquis omnibus naturam imitantur: natura autem quencunq; redundantem humorem in corpore animalis inuenerit, nisi ita putrens extraneusque fuerit ut nullo modo coctionem recipiat, semper ante expulsionem coctionem tentat, ut per huiusmodi coctionem, quicquid in materia utile fuerit, totum id concoctum pro alimento seruetur, reliquum verò inutile excrementosumque depellatur. Inconsultè enim & imperitè ageret natura, si cum materia adhuc cruda est, siue in venis, siue in alia parte corporis cum sanguine vel cum laudabili humore permixta, quæreretur eam nulla facta separatione expellere & euacuare. Ergo & medicus arte expulsurus materiam hanc ipsam, coctionem quam diximus, prius tentat: nam incidere, crassè facere, attenuare, abstergere, non est aliquo pacto concoquere, ut imperiti putant, sed materiam præparare, siue ad coctionem, siue ad expulsionem: & qui huiusmodi actus coctiones appellant, non possunt ob imbecillitatem intellectus operationem naturæ discernere. Ad propositum igitur redeunt, dicimus autorem huius antidoti euacuaturum pituitam quatuor cogitasse, coctionem, incisionem, absterisionem, apertionem. Ac primò quidem coctionem, ut separetur quod utile est ab excrementoso. Incisionem, ut quæ crassa materia est, & ideo coctioni expulsionique inepta, attenuetur, & ad minima diuidatur. atque hac ipsa eadem ratione etiam absterisio conuenit, scilicet ut materia illita, & suo lentore membræ impacta, commodè vel concoqui vel educi queat. Quomodo autem, ubi facta cōcoctio sit, & excrementum quantum in se est fuerit excretioni paratum, euacuatio facilis consequetur, nisi viæ præparentur & aperiantur, per quas aptè possit excerni? Neque enim aliud

aliud admonebat Hippocrates in Aphorismo, Corpora ubi purgare volueris, oportet prius fluida facere, quàm huiusmodi viarum præparationem. Aperiente igitur sunt viæ, quod erat autoris nostri quartum cõsiliũ. Sed quibus medicinis adiuuatur concoctio? profectò (vt bene ostenditur lib. v. simplicium) cum his quæ non excedunt primum, aut ad summum, gradum secundum caliditatis, & cum calore humiditatem habuerint temperatam, ita vt licet excedat calorem innatum, vel altero gradu, eidem tamen calori assimiletur, neque aduersetur, sed potius adiuuet ipsum imbecillum: tale est chamæmelum, althæa, malua, crocus. & si aliquæ medicinæ humiditatem non habuerint, & in earum substantia sit lentor & visciditas, huiuscemodi visciditas humiditatis locum supplebit, scilicet ne calor diffletur, aut per halitum discutiatur, sed in seipso contentus augeat concoctionem: talis est myrrha, bdellium, styrax, & reliqua huiusmodi, quæ præcipuè conueniunt concoctioni materiæ crassæ & pituitosæ. Incisioni autè idonea sunt (vt toties diximus) quæ tenuissimæ sunt substantiæ, cum caliditate & siccitate tertij gradus: tenuitas enim ad incisionem primò & per se necessaria est, nam nec incidere aliquid potest, nisi penetret, nec penetrare, nisi tenuis sit substantiæ: & ideo calidum adiuuat quidem ad incisionem & penetrationem, sed non est necessariũ, nam & multa frigida validissimè penetrant & incidunt, ob hoc tantum, quia tenuis substantiæ sunt, vt acetũ, & succus limonũ. Abstersioni verò simili modo etiam conueniunt quæ tenuis siccæq; substantiæ sunt: si enim abstergere debent, oportet vt quadatenus penetrèt: longè tamẽ minor tenuitas requirit abstersioni quàm incisioni: nam quæ incidunt, totum corpus penetra-

re oportet, ita vt prorsus partiũ fiat separatio, & solutio continui: secus verò faciendum in abstersione, sufficit enim vt quod abstergere debet, primam tantum superficiẽ pertranseat, & inde sordes illitas vel impactas exiccet: quod non faciet, si statim totũ corpus penetret & incidat, sed potius si parti abstergendæ adhæserit. Quod aduertentes fullones, in sapone conficiendo cineres & succos herbarum abstergentium olei lentore coërcent, scilicet ne nimia subtilitate pertranseant, & potius incidunt quàm abstergant. Ergo tenuitas abstergentium debet esse moderata, præcipuè si fuerit adiuncta caliditati: nullum enim habet frænus tenuitas substantiæ coniuncta calori. Ideo omnia amara quæ calida sunt, abstergunt, quoniam fundantur in substantia terrestri crassa, ita vt nec caliditas sua, nec siccitas possint ad profundum penetrare, & diuidere aut incidere, sed coguntur inhærere, vbi transuerint superficiem corporis abstergendi. Non ita autem euenit tenuibus medicamentis, quorum tenuitati frigiditas copulatur: vbi enim talia corpori animalis applicantur, quantũ habent in tenuitate substantiæ vt profundissimè penetrent, tantum ab innato calore repelluntur frigidam substantiam abhorrente: & inde est quòd talia possunt & incidere, & abstergere: abstergunt quidẽ vbi occurrunt membro animalis viuo & repellenti substantiam frigidam, quæ cogitur adhærere & abstergere: incidunt verò vbi occurrũt inanimatæ substantiæ, quæ non resistit. Et inde est quòd succus limonum occurrẽs humori pituitoso, incidit ipsum egregiè, imò vt aiunt, vim habet ferrũ quoq; dissecandi: vbi verò occurrit membro animalis viuo, abstergit tantum, & nõ penetrat & incidit, sicut piper & reliqua tenuia calida. Acetũ tamen magis incidit quàm abstergat,

abstergat: & hoc bene habet secundum rationem dictam, namq; in aceto est aliqua substantia calida adiuuans ad penetrationem & incisionem, vt autor est Galenus secundo simpliciũ. Et hæc satis de viribus medicinarum concoquentium, incidentium, & abstergentium. Supererat quartum genus aperientium. Primum igitur sciendum, quæ aperiunt necessario calida esse debere: nam calidi est aperire, frigidi constipare. Sed cum aperientibus vtamur, vt meatus clausos constipatosq; referemus, meatusq; ipsi duabus rationibus constipari queant, vel qualitate quapiã adueniente quæ astringit, vt alumen, vel materia crassa, aut viscosa, aut multa, ductum eorum obturante, de prima hoc loco nõ intelligimus, sed de secunda. Hanc igitur obstructionem siue sit à viscida, siue sit à crassa, siue à multa materia, nõ poterit caliditas tenuis substantiæ & velocissimi transitus aperire, nam talis potius incidet, & viam sibi violentam faciet in materia obstruente. Ergo indigebit caliditas aperiens, substantia terrestri crassa, quadantenus tamen à calore concoquente attenuata, ita vt penetret quidem, sed tardè: & ea tarditate sua innata caliditas attenuet, concoquat, discutiat materiam in loco obstructo impactam, & adhærentem. Et ideo amara vim habent maximã propriamq; aperiendi, nõ tamen quælibet amara, sed ea tantum, quæ parum aut nihil habent de substantia terrestri crassa frigida adstringente: talis enim substantia impedit transitum apertioni necessarium. Ideo quæ huiusmodi sunt, potius abstergunt, ob rationem paulò suprà dictam, sicut absinthij, rhabarbari, aloësque substantia. Cuius rei signum est, quod si talia infundantur, vel succus eorum exprimatur, efficiuntur aperiendo quidem efficacissima, sed corroborando parum idonea, scilicet

cet quoniam partem frigidam terrestrem astringentem ob infusionem vel expressionem amiserunt, calidam verò tenuem penetrantem amaram retinuerunt, quæ tamen substantia calida non ita tenuis est ut incidentium: est enim quod amarum facit, terreum adustum, non subtile igneum, sicut est in incidentibus. Et hæc satis sint pro quatuor consilijs ad localem particularemq; euacuationem materiæ frigide in capite existentis legitimè faciendam. Superest ut euacuato capite tēperatura frigida emēdetur: & quoniam ea frigiditas intensa ac pertinax est, ut indicat longitudo morbi & curandi difficultas, & extremis morbis extrema remedia adhibenda sunt, ideo calefacientia meritò applicabuntur, quæ ad tertium & quartum gradum accedant. Cū verò à tot intensè calidis cerebrum etiam exiccetur, & inde vigilæ ac tabes oriantur, ideo ut somni etiam ratio habeatur, voluit autor admiscere huic medicamento opium & narcotica, quæ hunc ipsum vsum habere in hoc medicamento & alijs consimilibus expressè indicauit Gale. primo antidotorū, Antonini exemplo, qui sublato à theriaca opio, in maximas vigilias incidit. Hæc igit quæ hætenus exposita sunt ad hanc antidotum rectè conficiendam, sufficerent, si nihil aliud exposceremus, nisi ut præsens capitis affectus tolleretur. Sed quoniam in tam artificiosa compositione non tantum capitis curatio promittitur, sed etiam præseruatio, ideo aliorum quoq; membrorum, non capitis tantum ratio meritò habenda fuerat: ab illis enim perpetuò exhalant vapores, fouentq; mirum in modum omnes capitis affectus. Ergo & reliqua mēbra spectare oportebat, ut singula proprios actus ritè exercerent, & collecta excrementa ad regiones magis congruas quàm ad caput depellerent.

Ergo

Ergo in stomacho & hepate, quæ sunt prima instrumenta naturalia, tres potissimum virtutes erant corroborandæ, quæ concoquit, quæ retinet, quæ excernit alimenta: vbi enim hæc rectè fient, etiam cōgrua attractio consequetur. Concoctionē fieri cum moderatè calidis, iam didicistis. Retentio fit cum rebus astringētibus: tales oportere esse sapore acerbo aut austero, substantia terrestri, frigida, crassa, in simplicium methodo ostensum est. Excretio iuuatur plurimis quidem alijs instrumentis, sed non parum abstergentibus & mordicantibus, vt secundo & tertio de facultatib. naturalibus. An hæc omnia rectè perfecta sint, in simplicium ingredientium explicatione apparebit. Cæterum in venis quoque, renibus, vesica, vtero, splene, musculis, cute, & intermedijs vacuitatibus quotidie aggregantur excrementa, quæ nisi sedulò educantur, molem effatu dignam successu temporis contrahūt, vnde postea plurimæ oriuntur ægritudines. Ergo ad venas quidē purgandas diuretica propriè dicta cōueniunt, quæ sunt calida & sicca in tertio, vt ex meth. simp. colligitur: illa enim (vt ibi docetur) à sanguine excrementum sua incisione eliquant & separant, & ad renes deducunt. Sed ad renes & vesicam purgandam conueniunt diuretica impropriè dicta, videlicet quæ substantia humida, liquore tenui & facilè penetrante, & post penetrationem efficaciter abludente & abstergente, sicut est vinum album tenue, & decoctum seminum althææ, cucumeris, melopeponum, capillorū Veneris, & aliorum huiusmodi, quæ omnia in simpl. meth. diligentissimè ostensa sunt. Vtero expurgando eadem penè conueniūt, quæ ad urinā propriè ciendā diximus, nisi quòd longè præstant quæ quadantenus amara odoratæque fuerint, quoniā amaritudine sua vias obstructas

potentius aperiunt & odore corroborant spiritum, & languidum calorem reuocant. Nec multum dissimilia lieni conueniunt. Musculos autem, & medias vacuitates expurgāt quæ tenuissimæ substantiæ sunt, calida & aperientia. & hæc omnia qualia esse oportet, iam satis ostendimus. Verum vt exactissima sit hæc antidotus, nō membrorum tantum naturalium & capitis ratio fuerat habenda, sed etiam cordis: à corde enim spiritus vitalis & calor naturalis per singulas quasque partes perpetuò diffunditur: vnde eo deficiente, vel malè affecto, necesse est omnes corporis partes aut deficere, aut malè habere. Cordi ergo prouidendum fuerat, tum cum odoratis spiritum & calorem recreantibus, tum cum his quæ à forma specifica operantur. Nunquid igitur hæc omnia sint ab autore diligentissimè obseruata, in explicatione simplicium ingrediētium proximè videbitur, quod erit tertium caput à principio propositum. Et vt breuitati studeamus, neq; bis idem frustra repetatur, nō describemus totam antidotū continuato sermone, sed singula simplicia seriatim recensebimus eodem ordine, quo posita sunt: & vbi discrepabit descriptio modernorum à Græca & antiqua, notabimus & admonebimus. Asarum est calidum & siccum vsque ad tertium gradum, habet tenuitatem substantiæ, habet saporem acrem, qui acris sapor apud modernos dicitur garbo: sed ego intelligo acutum & pungitium, vt gingiber & piper: sic habet asarum acrimoniā, sicut piper: est odore iucundo, habet præterea amaritudinem quæ fundatur in terrestri substantia crassa. Ex iucundo odore indicatur bona concoctio substantiæ igneæ: ex acrimonia saporis indicatur notabile dominium caloris in substantia tenui: ex amaritudine indicatur crassitudo substantiæ terrestris. Ergo asa-

go asarum, quod simplex appellatur, non est absolute simplex, sed habet diuersitatē substantiæ, tenuem scilicet & concoctam, calidam igneam, vt notatur à sapore & odore, ita tamen vt sapor indicet caliditatem & tenuitatem substantiæ principaliter, odor verò indicet perfectam cōcoctionem. Ergo ex his qualitatibus primis & secundis sequuntur tertiæ & quartæ. Tertiæ sunt, quòd abstergat asarum ratione suæ amaritudinis, quòd adstringat ratione suæ substantiæ crassæ terrestri, quòd incîdat ratione suæ acrimoniæ & caliditatis ad tertium gradum & tenuitatis substantiæ. Quantum ad quartas virtutes, quòd corroboret stomachum, quia astringit & abstergit: quòd aperiat obstructions hepatis, quia abstergit & incîdit: quòd prouocet vrinam, quoniam incîdat & calidum sit vsq; ad tertium gradum: quòd prouocet menstrua, quoniam est amari saporis, crassæ substantiæ, & aperiendi facultate pollens. De opobalsamo. Succus balsami tenuissimarum partium est, & ob multam tenuitatem substantiæ decipit medicos, qui propterea credunt ipsum esse calidissimum, quoniam re vera multū calefacit & exiccat. Sed hoc non facit ratione suarum qualitatū, sed ratione substantiæ, quoniam tenuissimus: sicut etiam facit acetum, quod quidem maximè refrigerat, nō quòd frigidissimum sit, neq; enim excedit primum gradum frigiditatis, sed quoniam tenuissimæ substantiæ est, multum penetrans, & propterea multum refrigerans: & hoc admonuit Galenus cū alibi sæpe, tum vndecimo simplicium, cap. de castoreo. Et hæc de succo balsami. Lignum verò ipsius, quod appellatur xylobalsamū, & fructus, qui appellatur carpobalsamum, recedunt à succo in tenuitate substantiæ: fructus tamen vel carpobalsamum magis abstergit & minus

exiccat, & coctioni magis idoneum est, ideo tussientibus, catarrhis, epilepsiæ, vertigini magis confert: quibus omnibus in hac antidoto indigemus. Bene igitur hoc loco ponitur ab autore. Hyoscyamus, seu vt Moderni, iusquiamus albus, id est, qui albo flore constat, eligendus (nam reliqui duo, niger inquam & flauus, venena sunt) frigidus in tertio. Vbi sciendum, quæ in tertio & quarto frigida sunt, sed præcipuè in quarto, potius exiccare quàm humectare: & ratio est dicta à Galeno, I I I I. de simpl. med. cap. I I. quoniam scilicet frigidissimū excedens exhaurit humidū comprimendo, & diuellit cōtinuum. Contingit tamen quandoq; humectare non per se, sed per accidens, vel per aliud, scilicet aut propter plurimam humiditatē, id est, humorem aliquem crudum substantiæ frigidaæ adhærētem, vel propter extinctionem caloris, ad quam potest sequi humiditas, vel quia ibi non est caloris præsentia exiccans, vel quia excrementosa humiditas augetur ex cruditate. Propterea Galenus primo de temperaturis in principio ait, Opium refrigerare & exiccare. Et in V I I. & V I I I. de simplicibus tam de papauere quàm de hyoscyamo loquens, gradū quidē ponit in refrigerando tertium & quartum, in humectando verò nullum. Garyophyllum, vt gustus ostendit, & Paulus etiam attestatur, calidum & siccum in tertio est, & ex tribus substantijs diuersis constat: vna insigniori calida & tenui, quod acrimonia demonstrat: & alia calida & illa quidem, sed crassa terrea, à calore quadantenus extenuata, quod ostendit amaritudo: habet & tertiam crassam terrestremq; quæ non euicit calor, & hoc indicatur à sapore astringente. Si igitur Garyophyllum gustaueritis, apertè hos tres sapores deprehenderitis, acrem primò adurentem

tem linguam, amarum, & astringentem. Ex quibus sequitur per methodum vobis propositam, conuenire stomacho & hepatis, propter suam astrictionem & amaritudinem: aperire quæ sunt aperienda, propter amaritudinem & crassitudinem substantiæ: incidere, propter caliditatem & tenuitatem. Est etiam illi sapor iucundus, ex quo elicere potestis ex methodo, vim quoque illi inesse spiritus recreandi, & consequenter cerebro & cordi consulendi. Et quoniam in omnibus suis substantijs dominatur siccitas, habetis ipsum conferre nervis & ossibus, & omnibus membris in quibus abundat excrementum. Opium propter multam frigiditatem, quam habet in quarto gradu, à tota substantia rebellis est calori naturali, spiritibus tam animalibus quàm vitalibus, quàm etià naturalibus, si naturales sunt, prout reuera sunt. Quo fundamēto posito relinquitur, in opio vim esse mortificandi, stupefaciendi omnem sensum, sistendi ac retinendi omnem fluxum, crassèfaciendi, atq; (vt vno verbo dicamus) impediendi omnem motum facultatum animæ, & inducendi quietem: dat enim viam & aditum ad mortem obeundam. Myrrha habet quidem in se plurimam amaritudinem, cuius ratione plurimum abstergere deberet: sed ita moderatur absterfio ab emplastica substantia, qua plurimum redundat, vt abstergat absque vlla mordicatione: propterea & ocularibus, & arteriacis medicamentis adhibetur, & ad omnia quæ abstergi & exiccari debent sine mordicatione. Cyperi radix, quem angularē iuncum vocant, insignem in se habet siccitatem: quod quidem ita esse, si quis eius effigiem contemplabitur, ex solo intuitu facillè deprehendet: caliditatem verò habet moderatā, vt primum gradum non pertrahat. Ex eius verò gustu deprehenditur, non multum adstringente,

neque amaro, habere tenuitatem substantiæ, cum leui tamen astrictione, quoniam & leuiter astringit gustum: sed astrictio leuis, vt toties didicistis, cum tenui substantiæ adiungitur, non impedit transitum medicinæ, sed potius adiuuat. Ex his igitur colligitur ex methodo, quid possit in tertijs & quartis virtutibus: exiccat enim validissimè quantum ad tertias attinet, & abstergit sine mordicatione: quantum verò ad quartas, vlcera glutinat, calculos frangit, vrinam & menstrua prouocat, & reliqua huiusmodi, quæ ex primis & secundis suis facultatibus facile elicere potestis, si methodum nostram de simplicibus rectè legistis, vel legetis. Cinnamomum, quod non habemus verum, sed cassia pro eo vtimur, calidum & siccum est in tertio: in tenuitate verò substantiæ quandam anonomasiam & excellentiã præ reliquis omnibus aromatibus habet. Sequitur ex hoc fundamento per methodum, vt maximè exiccet, maximeq; calefaciat, longè etiam magis his, quæ parem habent tum caliditatem, tum siccitatem, scilicet ratione suæ tenuitatis. Ergo cum ita tenue sit, & in eo gradu caliditatis, pollebit mirum in modum incidendi vi: & propter maximam vim exiccandi, maximè prohibebit putrefactionem. Cassia, qua vice cinnamomi vtimur, parem habet gradum in qualitatibus primis cum cinnamomo, in substantia tamen crassior est, & gustanti diligenter, gustu est manifestè astringenti: ideo non tam facile penetrat, vt cinnamomum, nec tam facile exiccat. Vnam tamen habet facultatē cinnamomo præferendam, videlicet quod magis corroborat stomachum, & membra naturalia: in reliquis omnibus longè inferior est. Iurè igitur præcipitur à Galeno, vt deficiente cinnamomo, vice eius duplo cassiæ vtamur. Folium malabathri ponitur à Galeno viribus simile

simile omnino nardo. Cùm ergo folio prorsus careamus, ne in re vana occupemur, ad nardum tutò transibimus. In nardo, id est, spica, caliditas est moderata, ut gustanti facillè apparet: neque enim linguam alterat gustâtis ad sensibilem caliditatem. siccitas in secundo gradu, sapore quadantenus amaro, cum acerbo vel austero: ex quo sequitur, substantiâ quoque illi adesse crassam & terrestrem à dominio. Et ex his primis & secundis suis qualitatibus colliguntur tertiâ & quartâ. Tertiâ, quod potest abstergere ratione amaritudinis, quod potest adstringere ratione austeritatis. Quartâ, quod conuenit stomacho & hepatis, sed hepatis longè magis: ratio, quoniâ stomachus tum indicatione sumpta ab eius substantia, quæ sicca est, tum à suis excrementis pituitosis admodum & humidis, indiget rebus valde exiccantibus, sicut est absinthium & aloë: hepar verò cùm neque substantiam habeat ita siccam, sed humidam potius, neque ita redundet excrementis, non indiget tantum exiccantibus. Conuenienter ergo spica magis cōueniet hepatis, quàm stomacho: cōuerso autem aloë & absinthium magis stomacho quàm hepatis. Habet præterea nardus odoris iucunditatem, qua vim habet spiritus recreandi, propterea & capiti & cordi conuenit.

Zadura, quam nunc Zedoariam vocant, ut gustanti apparet, proculdubio calida est & sicca in tertio: seruet enim gustu, quod proprium illius gradus est: licet moderni in secundo tantum gradu posuerint, qui gradus non sine ratione deprehendi potest, ut in fine v. de simp. med. & nos etiam in methodo nostra tradidimus. Tenuissimæ substantiæ est, ut duo indicanti primū, quod gustanti nulla apparet astrictio: secundum, quod vis eius & calor facillè penetrat ad profundum, & facillè etiam exhalat & dissoluitur. Ex his

Na

apparet, quòd in tertijs virtutibus vim habeat incendi: in quartis posset discutere omnem flatum in quacunq; parte fuerit, propterea vtero maximè confert, colicis & diuturnis stomachi inflationibus confert, & omnino concoctionem adiuuat. Aiunt etiam conferre venenatorum moribus: quod si verum est, videndum faceré ne id possit à caliditate sua veneni vim exterius euocante, sicut & multa facere videmus, an potius à qualitate occulta & forma specifica. Hac occasione ducti nostrarum ætatum medici, quòd scilicet venenatorū moribus prodesse zedoariam legerint, illa ad pestilentes status passim vtuntur. Zingiber calidæ quidem substantiæ & feruentis est, non multò infra piper, sed non ita apparet primo occurso, ratione humoris cuiusdam recrementitij, quo plurimū redundat, veluti piper longū, ideo & vtrunq; teredinem sentit. Quæ autem talia sunt, sicut tardius calefaciunt, ita cū ad actum ducta fuerint, pertinaciore inducunt calorem, nec tam facile exhalabilem, sicut qui à tenui & sicca substantia procedit: euenit enim illi quod flammæ à paleis excitatæ: qui verò calor à re humida educit talis est, qualis à lignis viridibus: hinc calor nasturtij, sinapis, thapsiæ, cantharidum, pertinacissimus exurensque est, quoniam in plurimo humore excrementitio fundatur. Calor igitur à zingibere pertinacius quidem hæret, non tamē vt nasturtij: ideo confert stomacho & coctionibus, & totum corpus calefacit. Cū in corallo insit vis exiccandi manifesta, & astrictiōem habeat, vt gustanti patet, neq; in eo aliquod signum caliditatis appareat, necessariò sequitur quòd sit frigidus & siccus cum crassa substantia, non multū tamen excedit primū gradum frigiditatis. Ergo in causa calida conueniet, vbi astrictiōe & corroboratio-

ne

ne indigebimus, ut in æstuante stomacho, sanguinem biliosum reijcientibus, dysentericis. An verò collo suspensum tam mira possit efficere, ut scribitur, aduersus omnes stomachi affectus, syncopas, vermium & vteri præfocaciones, alijs considerandum relinquo: de hoc enim vidi experientiam, ut etiam de suspensione pæoniæ, videlicet nihil prorsus neque iuuare, neq; nocere: quamuis Galenus tantum nobis persuadere conatus fuerit, se etiam testem aduocàs de virtute pæoniæ. In tragacantha nullam esse caliditatem insignem sensus ostendit: inest tamen illi vis exiccandi: à substantia autè viscida & lenta, qua pollet, vim habet emplasticā non mediocrē: ex quibus qualitatibus sequitur, posse obtundere acrimoniā, lenire quæ sunt aspera, & sistere omnē fluxum. Thuris quatuor partes in vsu medicinæ veniunt, ipsum gummi, cortex, lignū quod dendrolibanū Græci appellant, manna. Quantum ergo ad gummi attinet, sapore est moderatē amaro & subastringenti: ex quibus saporibus sequitur per rationem methodi, calidum esse circa secundum gradum. Substantia verò illi inest, ut sensui apparet, viscida & emplastica, quæ indicat in eo dominari etiā partes aërias aqueis & terrestribus admixtas: non ergo transibit primum gradum siccitatis. Quibus stantibus sequitur ex methodo, ut ratione amaritudinis vim habeat abstergendi: ratione verò subadstrictionis parvæ, vim modicē corroborandi & exiccandi: imò propter caliditatem secundi gradus, lentorē substantiæ & moderatam exiccationē, non mediocriter cōcoquere potest materias crassas & coctioni rebelles, & obtundere etiam acrimoniā ratione emplasticæ substantiæ, si modò meministis quæ in methodo dicta sunt. Ergo vlcera sordida absterget, quoniā cōcoquit, & medio

criter exiccat: carne replebit, scilicet vlcera, secundum dogma Galeni lib. 111. therap. & quoniam sine mordacitate abstergit & exiccat: cicatricem quoque inducet. Et cum sit seorsum tam multiplicis usus, sequitur ut varijs rebus admixtum, varias vires acquirat: nam si cum lacte miscetur, sedatiuus dolorum efficitur, qui mordicatiui appellantur, ob acrimoniam humorum contingentes, ut sciuitis in methodo dolorum à nobis tradita. Si cum aceto & pice illinatur, asperitates cutis, vitilignes, & lepras sanat, ob maximam vim abstergendi, & exiccandi, & incidendi, quam ex aceto & pice acquisiuit: vltiones præterea ignis, & perniones frigore contractos, cum adipe porcino & anserino tollit: lenit enim & temperaturam siccam inductam ab excessu frigoris vel caloris: nam humidum siccando, siccitatem inducit: mollit & recreat, ac simul acrimoniam humorum sedat, & vlcus mundificat & incarnat: atque ita prout varijs admiscetur, varia potest, quoniam in medio multarum virtutum est constitutum. Et hæc sit vobis via, ex primis qualitatibus in medicamento repertis, semper indagari tertias & quartas facultates, quarum ratione primæ & secundæ considerantur, hoc est circa qualitates & sapores. Cortex habet & ipse easdem cum gummi vires, longè tamen efficacius astringit: propterea in dysenterijs, & sputo sanguinis, & ubicumque astrictione indigemus, semper est præferendus. Dendroli-banum verò cum ponatur calidum & siccum in tertio gradu, admirari debetis quomodo à Galeno dicatur purgare & replere posse vlcera oculorum: si enim indicatio curandi sumatur à natura membri, oculus (ut ipsemet Galenus asserit) humidus est & aqueus & valde sensibilis, ideo non illi cōueniunt calida & sicca in tertio, tum quia nimis calefaciunt & exic-

exiccant, tum quia mordicant: quæ autē nimis exiccant vel mordicant, poterunt quidem fortasse vlceribus valde sordidis etiam oculorum conuenire, replere autem & carnem generare nullo modo poterunt, si modò vera sunt principia, quæ etiā Galenus ipse ponit in 111. methodi. Est etiā suspicio, ne hoc loco sibi id Galenus cōminiscatur: cū enim medicamentorum vires semper ex Dioscoride referat, vt patet mediocriter exercitato, & hoc tantū addat vt ad methodum cogat deducere quęcunq; Dioscorides indistinctē protulit, hic dendrolibano aperte tribuit quæ Dioscorides non dendrolibano, sed ipsi thuri assignauit, ita vt etiā ijsdem verbis vtatur ad dendrolibanū translatis, quæ de thure dixit Dioscorides. Si igitur dissentire à Dioscoride volebat, assignanda erat aliqua ratio, & contra Dioscoridem disputandum, vt alibi facere non veretur. Sed hoc satis sit tetigisse, vt vos quoq; animaduertatis. Mannam asserunt coccos seu granula quædam thuris esse, quæ cū affertur thus, ex collisione & attritu separant permixta ex cortice & gummi, ideo & utriusque facultatem possidet. Si Saluiam diligenter gustaueris, percipies primò moderatam quandam astringentem, postea acrimoniam, quæ tamen non accedit ad hoc vt planè mordicet linguam, sicut origanum, serpyllum, nepeta, & reliqua huiusmodi: at si diutius sub lingua continueritis, tunc astringitio non mediocris occurret. Ex his patet calidā esse saluiam vel in fine secundi gradus, vel in principio tertij, si modò memineris quæ in methodo nostra simplicium, & v. de simplicibus dicta sunt: siccam verò in tertio completo. Patet præterea ex substantia duplici constare, altera tenui calida, vt testatur acrimonia, altera crassa terrestri frigida, vt indicat astringitio. Ergo ca

lida substantia tenuis adiuuabit vt penetret ad profundum: frigida terrestris exiccabit, astringet, corroborabit. Tota igitur substantia pota vel illita mirè valet ad fluxus omnes præcipuè sanguinis sistendos, & membra firmanda. Ideo ad continendos fœtus utilissimè comeditur ante cibum, & ad hos qui ex alto ceciderunt, aut flagellis vel fustibus cæsi fuerint, efficacissima est: tussibus prodest, catarrhos sistit, & vlcera maligna ac fistulas exiccatur, purgat, & sanat. Si verò decoquatur, retinet quidem decoctum, exhauritq; à Salvia partes omnes tenues ac calidas, multas verò terrestres crassas ac frigidas derelinquit, quas non potest excoquere. Ideo bibitum hoc decoctum, vrinis & mensib. prouocandis mirū in modum confert. Nec minori utilitate ad capillos tingendos illinitur, scilicet quoniā sua caliditate & siccitate absument quicquid pituitosi in pilo est, & eundem sua vi astringente densat, firmat, robustioremq; reddit, ne tam facile pituitosa excrementa recipiat. Imò etiam putredinem prohibet, quæ non levis causa est vt cani oriantur. quibus scopis & succus nucum & garyophyllum ad hunc ipsum vsum adhibentur, vtrumque enim istorum hac ipsa ratione capillos tingunt. Hac via si processeritis, ex primo gustu medicinarū reliquas omnes virtutes deprehenderis, neque unquā vos fallat hæc methodus, nisi vos gustātes decipiāmini. Meæ radices, quibus vtimur, gustanti acerrimæ sese offerunt, non statim tamē, sed vbi aliquantulum eas dente contriueris: & hoc euenit ob plurimam earum humiditatem excrementitiam. Propterea si comedantur virides & recentes, capiti admodum sunt infensæ, ob multitudinē acrium vaporum ascendentium: quod vitium arefactæ maxima ex parte amittunt. Quantum ad sapes attinet, nullum fe
rè

rè præter solam acredinem in hac radice percipies. ergo fatendum illam tenuis esse substantiæ, calidæ igneæ, cum qua nō nihil aqueę quoque excrementi-
tæ admiscetur. Non mirū igitur si talis existens, ve-
sicæ & renū obstructions aperiat, & urinæ difficul-
tatibus profit tam intrò sumpta, quàm exterius illi-
ta, ac tantundem flatus vbicunque existentes excu-
tiat, atque eadem ratione menses educat.

CONSULTATIONVM MEDICINA-
LIYM PRIMÆ CENTV-
RIÆ FINIS.

*Consult. CI. Pro hydropico ex ascite
cum tympanite.*



Abemus hominem qui fuit Cursor, & prius incidit in anginā, quę vexauit eum per 40. dies. Est valde prudens, vt mihi videt, inter eius ordinis homines: quia audiuit vinum non conuenire, abstinuit à vino per duos menses: quia verò sitiit admodum, multū aque bibit, in quo nō satis fuit prudēs: & iam vndecimus est dies, ex quo incidit in tumefactionem pedum, & ventris inflationem. Credit se melius habere, cum non appareret tumor adeò magnus in pedibus: sed deterius habet multò, quia materia ascendit ad ventrem, & percipit ex motu velut fluctuationem quandam, & videtur initium esse veræ tympaniæ, & ascitæ: plerunq; enim iunguntur ista. Tympaniam non possum deprehendere ita manifestè hodie, vt heri ex ventris inflatione. Sed quibus ex causis oritur? Anasarca fit, quoties intēperies est in venis & hepate, si-
ne aliquo alio insigni nocumēto. ascites verò & tym-

panites fiunt, quando sunt obstructions in hepate, mesaraicis & splene, vt cibus nō possit reddi per omnes partes. Et semper fiunt istę duę species cum obstructionibus insignibus. Vidi Venetijs religiosum quendam ordinis Prædicatorij in hospitali S. Ioannis & Pauli, hydropicum ex ascite & tympanite, qui fuit curatus. Adfuerunt mecum excellentissimi medici plurimi, scilicet, Papiensis, Eugubinus, Trincauella, & alij. Habebat is, vt dixi, ascitem cum tympanite, & tabē cum febre hectica: oportebat tum exicare & humectare: quare eramus in maxima discordia. Ego volebam vt multū biberet, sed quę aperirent, quia habebat plurimas obstructions. Præterea vt humectaretur, quia ad tabem peruenerat. Ordinabam ego syrupum acetosum, cum omnibus quę prouocant vrinam. Eugubinus nolebat quicquā esse bibendum, & narrabat de quodam historiā, qui per sicca fuit curatus. Papiensis, vt litem dirimeret, conclusit, neque liberaliter, neque omnino nihil esse bibendum. Res extrahebatur vsque ad noctem, deducebant nobiles vnumquenq; Medicū ad suam cymbam. Ibi tum Papiensis, quod antea dissimulauerat, conuersus ad Magnificum quendam, dixit, si vultis curare hunc Dominum, profectō non aliud erit faciendum, quā quod consuluit Baptista Montanus. Vidi repletum quendam aqua inter cutem, qui non poterat ventrem sustinere, sed fascia ligatum continebat. Vidi aliū qui in ponte Riui alti eleemosynam petebat, mendicum hydropicū tantū in brachio: is adeō distentam habebat manum, vt facilē equaret manicas ad terram vsque demissas. Vidi etiam puellam hydropicam in gutture tantū, vt tumor longissimē dependeret, quam curavi per incisionem. Est ergo hydrops, abscessus quidam, qui in qualibet parte

parte corporis accidere potest, præcipuè tamẽ in abdomine. Quantò deterius habent, tantò plus habet de aqua: & si melius, plus de vento. Est igitur tympania minus malum quàm ascites. In hoc autem nostro est adhuc plus de vento quàm de aqua, nec adhuc facta est putredo. Accipit iam syrupum acetosum, diarhodon, ordinatum à Domino Hieronymo de Saxonia, quem non mutabimus, quia aperit & confortat: sed loco aquarum iubebimus fieri huiusmodi decoctionem:

℞. Chamædryos

Agrimoniæ

Cichoreæ ana man. j.

Coquantur in libris duabus aquæ ad consumptionem tertiæ partis: facta expressione diligenti, seruetur decoctum pro quatuor syrupis, cum syrupo ordinato à Domino Hieronymo. Item accipiat ante syrupum pilulam infra scriptam:

℞. Specierum hieræ simpl. 3 s. fiat vna pilula.

Per agrimoniam intellige eupatorium antiquorum, non argemonem: debemus enim nominibus uti usitatis, & habere intentionẽ rectam. Habebit inde hæc iuuamenta: egeret singulis diebus, aperiet, corroborabit ventriculum, cõcoquet melius, & exiccabit aquam. Agrimonia, chamædryos & cichoreum habent etiam proprietatẽ ad hepar: & quia obstructionem magis habet in ventriculo, singulis diebus accipiat vnã pilulam de hiera. Quando septies, aut prout videritis, ista exhibueritis, poteritis alia maiora exhibere. Nunc nihil exterius applicetur, ne materia attrahatur. Accipiat syrupum tantum sine pilula, quia ista pilula plurimũ eduxit: vnde colligere possumus, esse in concauo magnas obstructions, quæ ventositatis causæ sunt, & imbecillis coctionis. Quare nisi

Nn 5

istæ ablata fuerint cum ventositatibus, nunquam curabitur. Necessè igitur est vt accipiat hieram. Præterea volo fomentum ex absinthio, cum vino potente & aceto, sine aqua, ordinare, quia volumus resoluerè, vt fomentet venter cum spongia bis vel ter, deinde linimentum adhibeatur.

℞. Absinthij man. ij,
 Aceti fortissimi
 Vini optimi ana quantum sufficit pro
 fomentatione.
 ℞. Pulueris Cimini
 Anisi
 Carui
 Ameos ana ʒ j.
 Olei de Costo
 Nardini ana ʒ j.

Cum cera fiat linimentum molle pro loco.

Tertio die abiit Montanus, & post octiduum redijt, ac proæmij loco hæc nobis retulit. In sene isto hydropico videtur mihi malum auctum, quia intumuit vehementer, etiam facies magis est tumida, si rectè animaduertetis. Causam audietis. Cura nostra, si rectè meministis, erat directa in id, vt calefaceremus, & exiccarem hepato, quia ex longo aquæ vsu, quam copiosissimè biberat per sex ferè menses, nimiū sese refrigeravit: obstructæ ergo viæ inter hepar & mesentericas, & facta est tympania flatū habens inter peritonæum & partes alias, quæ rarò, imò nunquā est sine aqua. Est præterea vir circa 56. vel 60. annum. Est ergo morbus frigidus, vt omnis hydrops essentialiter est frigida. Exhibebamus ergo syrupos calefacientes & aperientes, & singulis diebus vnā pilulam de hiera, vt calefaceremus, & paulatim educeremus. Præterea fecimus magistræ linimentum
 ventri

ventri & pedibus, & ita in hoc puncto reliquimus patientē, & abiuimus aliò vocati, credentes ita perueraturum eum in medicamentis ordinatis. Sed aliter factū inuenimus. Nam interim accepit succum ūmi terræ, cum sero lactis, & extrā vsus est emplastris meliloti. Videamus quid ista possint, an intentionibus nostris satisfaciant. Serum lactis refrigerat & humectat, teste Galeno libro de alimen. & simpl. facult. Quamuis Mesue dixerit habere vim calefaciendi & exiccandi, sed eam admodum leuem, nec insignem. Quare & ipse ubi vult refrigerare in humoribus adustis, exhibet serū lactis tanquā aquam, (non putemus Mesuen virum certē magnum, contradixisse Galeno) quæ habet frigiditatem, actu potius humiditatem quàm potentia. Quare Galenus volens infrigidare, accipit aquam valde frigidam in synochis & caufonib. & ista frigiditas potest remoueri facilē cum aliquo simplici: nam si addat sulphur, calamenthū &c. tunc calefacit magis: vtimur enim aqua tanquam fundamēto, materia, basi & subiecto aliorum calefacientiū & refrigerantium. Tale quid præcise imaginatus est Mesue de sero lactis. Et sine dubio per se, & absolutē loquendo, voluit serum esse frigidum: sed quia à lacte vulgò separatur cum coagulo, quod est calidum & siccum, facilē in se recipit istas qualitates, aut secundū Dioscoridem cum oxymelite. Credidit ergo propter adiuncta serū esse calidum & siccū, non per se. Et ita est cōcordandus Mesue cum Galeno, neq; propterea est mendacij arguendus, sed propriē cōfusus est dicēdus, quod proprium est Arabum: nam omnes Arabes potius sunt confusi quàm mendaces, quia procedunt cōfusse, aut quòd ea quæ bene intelligebāt, nō poterāt exprimere, aut q̄ malè versi & translati sunt. Certē Mesue

non debbat absolutè dicere serum esse calidum & siccum, sed distinguere, scilicet, serum præparatum secundùm modum Dioscoridis, aut etiam vt nos facimus, esse aliqua ex parte calidum & siccum, licet in se sit frigidum & humidum. Sed si non vis conciliare ipsum hoc pacto, crede magis Galeno, principi Medicorum, qui & distinctè loquendo, apertè serũ frigidum esse ponit. Non ergo dandum fuisset, vbi calefacere & exiccare oportebat. De fumoterræ nullus certus est gradus à Galeno, neq; ab alijs expressus: vbi enim Galenus subticet, ibi miris modis alij cęcutiunt & contendunt: velut etiã de rhabbaro, argento viuo, ferro, quia methodum eorum non habent, destituuntur luce Galeni. Sed nos certum gradum dabimus, vera methodo inquirentes. Gustanti apparet in fumoterræ amaritudo satis insignis, hoc est, supra mediocritatē, non tamen aloë & absinthio cõparanda, & præter ipsam nulla percipitur vis aut astringendi, aut acrimoniæ. Ergo amarus est cum aqueis partibus pluribus. Signũ, quia aquositas eius videtur linguam humectare. Præterea tantilla herbu la plurimum reddit succum, et si tantum saluiæ, calamenti, aut absinthij sumpseris, duplo ferè plus ex fumoterræ extrahes. adhæc facilè exiccatur, & fit prorsus effœta, sicca, sicut fœnũ: nec retinet ea succum, sicut aliæ plantæ, quia succus eius est tenuis, subtilis: percipit igitur amaritudo cum insipiditate. Sensus autem magis percipit insensibilia intensa quàm remissa: sed aquea cùm sint insipida, non mouët sensus. Amaritudo autem est obiectũ gustus, ferè vt dicit Aristoteles, vellicans, quod sumpsit à Platone. Amaritudo est ex partibus terrestribus adustis, insipiditas ex frigiditate & humiditate. Et licet plus adsit humiditatis & frigiditatis, tamen non ita percipitur

tur

ir: non enim mouët sensum, nisi frigiditas valde in-
 nsa fuerit. Scimus nunc esse partes diuersas in fu-
 oterræ, sicut in coriandro, quod & calidum est &
 umidum. Ratione amaritudinis fumusterræ est ca-
 dus & siccus, abstergēs & aperiens, & hæc non po-
 est secundum gradus pertransire: nam omnis ama-
 tudo in caliditate nō pertransit secundū gradum,
 uia per vehementissimam adustionē fit acris sapor.
 n amaris simplicibus partes igneæ potius exhala-
 unt, & remanserunt terreæ. Sic absinthium est cali-
 um in primo gradu: succus autem eius, quia terre-
 reitas est magis remota, est calidior. Ita aloë nō per-
 ranst secundum gradum. Si ergo absinthium cali-
 lum est in secundo gradu, quid dicemus de fumo
 erræ, qui adiunctam habet plurimā humiditatem?
 Certè vix attingit primū gradum caliditatis. In pas-
 iuis autem est ferè temperatus, quia habet amaritu-
 dinem cum multa humiditate tenui: quare valde ab-
 stergit, & obstructionē liberat, & non calefacit: po-
 test etiam refrigerare & humectare multa aquosita-
 ta. Quare rectè dicitur abluere melancholicos hu-
 mores, & conferre succis adustis, quod experientia
 in omnibus terris probauit: & certè experientiæ est
 plurimū fidendum. Quòd si opiniones omnes vul-
 gi huius vrbis cōiungerentur, de fumo terræ, aut re-
 alia, optimus exurgeret medicus. Quare ego consu-
 lo, vt quoties refrigerare, humectare & abstergere
 volueris, sumas fumum terre: non autem quando in-
 tentio occurrit calefaciendī & exciccādi. Malè ergo
 hætenus factum est cum ægroto nostro. Neque em-
 plastrum meliloti admodum facit ad propositū no-
 strum, quod in duritie confert, sicut etiam cerotum
 æsopi descriptione Philagrii, vt habent Luminaria.
 Sed in isto volumus resoluerē, & etiam vnā corrobo-
 rare,

rare, vt tonus membrorum maximè principalium conseruetur. Nam quando laxa sunt reddita, non possunt bene conficere alimentum: ergo & illa remouebimus. Hæc proæmij loco dicta sint hac vespere, quæ nobis valde vtilia esse iudico. Neque verò quisquam iniquum esse dixerit in alios medicos, quæ ea vobis propono & declaro, quæ recta sunt & artificiosa: nam hæc esset magna malignitas, indigna bonis disciplinis. Primum omnia symptomata obseruate circa ægrum, postea eadem diligenter audite, si vultis proficere. Hydropicus quia habet tympaniæ cum ascite, magis tamen tympanitem, est iam in manifesta declinatione: perseuerabimus tamē adhuc in nostris intentionibus, quæ sumebantur à veris indicationibus. Calefaciemus & exiccabimus hepar, & obstructions auferemus, tumore etiā ex flatu & aqua resoluemus, & euacuabimus. Quatuor ergo ista faciemus. Ordinabimus autem linimentum, non emplastrum. Sumo autem emplastrum modo moderno, quod nos cerotum vocamus: appellarunt emplastrum, quia emplastra dum exiccantur, decidunt, & per lectum sparguntur, & sunt ægris molesta.

℞. Olei de costo	℥ j.
Nardini	℥ j s.
De absinthio	℥ ij.
Mastiches	℥ ij.
Specierum diacimini	℥ ij.

Cum modico cereæ fiat linimentum pro toto ventre.

℞. Syrupi acetosi	
De radicibus	ana ℥ j.
De absinthio	℥ s.

Detur manè sine aquis: quia humida vt aqua, non conueniunt vbi habemus aquam & ventum, atque vbi aperire volumus obstructions in regione stomachi & mese-

referaicis, oportet medicamē ibi moram facere. In adice credo quòd fuerit calidæ & siccæ temperatū, sicut etiam ex habitu corporis apparet & colore, qui ex malo regimine prouenit. Fuit enim cursor, & ost magnam defatigationem, vt sit in tabernis, vini lurimum hausit potentis, aut etiam crassi. Collegit multū etiam adustionis, melancholici humoris, qui lesedit in crure: solet enim illa loca petere propter grauitatem, vnde varices, & κακόνθη vlcera fiunt. Ex colore igitur, asperitate ad tactū, & calore etiam, ibi apparet humor adustus, qui longè aliter est tractandus, quàm superiores illi affectus, qui calida & exiccantia requirunt. Nam cruribus in hac dispositione conueniunt res abluentes & refrigerantes. Optimū igitur fuerit lauare pedes sero lactis, in quo sint res abstergentes, vt fumus terræ: si verò sumptibus parcant, aqua hordei cum fumo terræ, folijs boraginis, & aliquanto furfuris.

℞. Hordei pug. iiij.

Fumi terræ

Boraginis

Endiuia ana man. ij.

Furfuris pug. iiij.

Ebulorum v.

Bulliāt in situlis duabus aquæ, ad consumptionē mediæ dietatis. Vltima Maij. Cursor peius nunc habet quàm antea vnquam, quia nihil eorum quæ præscripsimus, fecit. Vrina est alba, liuida, non pallida: nam hæc esset satis bona, quia pallida & citrina, sed plumbea aut cineritia, significat frigiditatem, & extinctionem caloris naturalis. Luciditas & splendor, aliorumque quæ sunt in vrinæ corpore, fiunt à calore & spiritu. Ergo priuatio luciditatis indicat spirituum priuationem. Hydrops est accidens, non æ-

gritudo. Intemperies aut hepatis, & meseraicarum obstructio est ægritudo. Prouidimus ergo cum calfacientibus, aperientibus & abstergentibus, sed nihil est adhibitum. Morietur bonus senex, nisi adhibeatur summa diligentia. Potest commodè adhiberi in hoc casu, diaphœniconis, meliloti, Agrippæ. Sed quia agrauant, & etiam exiccant, sunt ægris molesta. Lini mentum igitur ordinauimus, quod idem faciat. Semper est opera danda ut non tantum salutaria ordinemus remedia, quod ad morbum attinet, sed etiam grata ægrotis, & quæ minimè ipsis sint molesta. Semper cum vultis aperire, addant amara, quia ista cum fundantur in materia crassa & terrestri, moram faciunt & obstructions aperiunt: acria incidunt potius, & penetrant. Galenus fuit non dico simplex, ne putetis me Galenum reprehendere, sed bonus vir: nimis quodam studio voluit se cõformare Dioscoridi. Nam cum ille in fumo terræ dixerit vim esse mouendi lachrymas, hic etiam præter methodi rationem dicit eum habere acrimoniam.

Consult. CII. De Phthysico:



Infirmus iste in sinistra parte, perpetuè diu noctuq; à mense Septembri vsq; ad Bacchanalia, sed ad tactum non doluit, sicut mihi interrogatus respõdit. Nunc nihil dolet nisi circa ventrè, in affecto latere cubans doluit. Hoc præcipuū est symptoma, ex quo reliqua dependent. Inquiramus igitur eius causas. Iste dolor vel est à mala temperatura, sine materia, vel cum materia: nõ à simplici, quia ad tactum doluit, postea multum etiam sanguinis excreuit, & cessauit dolor. Etiam si simplex mala intemperatura fuisset à principio, tamè diu sine affluxu permanere non potuisset.

Est

Est igitur affluxus materiæ frigidioris, quia per sex menses durauit. Sed ubi est tota materia? In parte exteriori pectoris: quia cubans in latere affecto, doluit, propter compressionē: si enim in interiori parte fuisset, non doluisset eodem latere cubās, quia materia costis incumbens non extendit locum. Quare etiam totum oppositum accidit, si in latere non affecto cubat. Dolet enim nunc locus affectus, quia materia suspēditur, si est in interiori cavitāte pectoris: si verò in exteriori, quiescit sine dolore. Est ergo materia in exterioribus, intra venas ibi existentes, quæ erant tumefactæ. Nam si extra venas putruisset, aut apostema aut scirrhus apparuisset. Ergo obstructæ fuerunt venæ à sanguine crasso ibi collecto, quo natura irritata, postquam se patiens præter solitum mouisset, cōpressus hominū multitudine, Venetijs die Iouis in Bacchanalibus agitata est materia, & postea subito erupit, & transijt per membranā succingentem costas ad pulmonē, & tandē expuit. Fuit iste sanguis purpurei coloris. Ergo à loco eductus, & crassæ substantiæ, cū sanguis à pulmone proueniens sit rubeus, spumofus & tenuis. Igitur in exteriori parte pectoris fuit prima affectio: non tamen immediate sub cute, sed in interiori parte musculorum, quia non doluit ad tactum. Et quia locus iste debilis permansit, adhuc non nihil dolet. Post sputum sanguinis natura euacuationē à loco est aggressa, sicut etiā faceret Medicus, volens se iuuare: eduxit multū sanguinis ex venis narium, quod nisi fecisset, impetus fuisset factus ad suffocationem. Non potuit autē ita exquisitè purgare, quin remanserit in pulmone aliquid: sed de hoc nihil dicemus, quia prius videbimus sputum. Tussis si non est ex sanguine in pulmone detento, erit fortē propter leuē destillationem

ex capite, vel ob cōsensum, vel est sicca propter malam qualitatem, quę infecit pulmonem, ad cuius expulsionem vires intendit natura. Dolor ventris est propter consensum, fortassis circa diaphragma. Sanguis est vnà euacuatus, & ita calor debilitatus, non potuit alimentū vitæ conficere, nec virtus retentiuā continere quantū conuenit: quare flatus exorti dolorem inferentes: frigus in extremis, & velut horripilatio in toto est, ex vapore potius quàm ex materia. Aliàs horripilatio fit, quoties mala qualitas, aut humor mordax vel calidus vel frigidus, subitò per mēbra sensibilia spargitur. Hic non est humor, quia fieret febris, sed est potius vapor, qui non potest exhalare. Nam si ægrū corpus, nihil diffatur, nisi symptomaticè: si sanū, optimè diffatur: si mediū, medio modo se habet: & quia isti vapores non sunt tenues, quia non diffatū, sed crassiusculi, fit vt diutius hæreant, & horrorem ita perpetuò inferant. Extrema frigent ob caloris inopiam, quia sunt exanguia. Iam habet febrem, quam ego credo esse hecticam, complicatam tamen cum putrida: quia pulsus est durus, velox, frequens, & inæqualis. magnus non est, sed magnitudinem compensat frequentia & velocitate. Inæqualitas pulsus semper duo significat, aut febrem putridam, aut pulmonis affectus. Est autē ista putrida ex materia pituitosa, crassa, quam Græci *τυφώδης*, Auicenna Laticam appellat, in qua obstruitur calor, nec potest liberè transire. *τύφος* enim Græcis significat sepultus calor. Hodie deterius multò se habet quàm heri: oportet igitur attendere euentationi & exiccationi ad prohibendam putredinē, & aperiendas obstructions. Præterea corroborandus est calor naturalis, quo corroborantur omnes virtutes. expectandū præterea, num dolores sint proportionati

ati futuri altero die. Ptisana hordeacea erit illi valde conueniēs, quia abstergit, refrigerat, lenit etiam atione aquæ. Sed ne acescat in ventriculo, parū cinnamomi addere oportet, quod etiam prohibet putrefactionem & confortat, concoquit pituitam existentem in ventriculo, & corrigit eius frigiditatem: licet verum cinnamomum non habeamus, vti tamen possumus eo quod habemus, aut etiam cassia lignea. Loco alimēti sumat vitellum oui, aut carnes etiam: est enim valde debilis. Vinum sit albū & leue: nam hoc ad humectandum confert. Et si enim humectatio nunc non est utilis, ob putredinem, tamen facit ad aperiendum & euentandum. Nam & humida corpora dummodo euentantur, non putrescūt. Nec parum alimenti adfert humiditas illa ex vino tali. Nunc cum adeò sit debilis, & res procedat in deterius, ordinabimus linimentum pro parte sinistra dolente, quod partem istam humectabit, & facilitabit etiam sputum, nec tamen putredinem augebit. Sumimus oleum camomelinum, & adipem anserinum. Adeps anserinus valde penetrat, est enim subtilissimarum partium, relaxat, resoluit, & habilitat petus ad motum. Probari potest etiam subtilitas & penetratio, si infundantur in manum, tunc enim celerimè pertransit, & in substantia positus citò diffunditur ad magnum spatium. Anethinum est resolutiuum materiæ calidæ, vt sanguinæ, & est concoctiuum frigidæ. Nota: Quæ concoquere aut maturare debent inflammationem à sanguine & calida materia, non debent transire primum gradum caliditatis, sicut camomelinum, amygdalarum dulcium, & liliolorum alborum, quæ in primo gradu sunt calida.

Quæ concoquere debent materiā frigidam, non de-

bent transire secundum gradum caliditatis, ut anethum calidum in secundo gradu. Quando miscetur medicinae calidae in secundo gradu, cum calidis in tertio, tunc totum mixtum est remissum in secundo, iuxta Galenum, sicut ostendimus in nostra Methodo de compositione pharmacorum. Ex oleis in hoc casu praeferrem camomelinum, quia etiam vim habet corroborandi: habet etiam leuem astringentem. Et iam ista tria agere intendimus: Victum instituemus, linimentum ordinabimus, & corroborabimus omnia naturalia. Ad corroborationem ergo iuuatur totus venter inferior, cum oleo de absinthio. quod si paulo melius habere coeperit, medicinas ordinabimus. Vix euadet hic, sed eligemus ægrum alium, de quo maior sit spes, ne si omnes prius desperati moriantur, nostra culpa perijsse dicantur: sicque vos facietis in praxi, non sunt desperati casus recipiendi. Est à me quaesitum, utrum possimus veram cognitionem sumere ex vrina, qua semel corrupta, calida aqua post reparat. Respondeo, nihil sumi posse: nam in vrina considerari debet liquor, color, substantia, subsidentia. Sed haec omnia destruuntur, posita ad ignem vrina: semper enim magis tincta ad ignem redditur, quia partes quaedam tenues aduruntur, quae mixtae cæteris, tingunt. quandoque etiam minus tingitur, cum partes non sunt aptae ad vitionem. Substantiam facit calor naturalis, quia magis vel minus attenuat. Idem non potest calor ignis: non enim eodem modo potest regere, quo calor naturalis. Idem de liquore dicendum, sunt enim liquor & substantia valde annexa. Limpidiores plerumque redduntur. Subsidentia autem semper post calefactionem. Est ergo nihil certi ex tali vrina: sed est inuentum hoc auarorum Medicorum, qui multum ea ratione lucrantur. Aui-
cenna

cenna inquit, multi putāt vrinam collectam post sex horas non esse inspiciendā: ego verò nec post vnam horam. Quidam post tres dies vident, & prædicant, modo des vnum Mucenigum. Quando vrina statim putrescit, non est facta concoctio. pus & sedimen in vrina, media sunt. inter putrefactionem & concoctionem. Sumat ouum forbile, scutellam brodij carnis vituli aut pulli, loco syrupi: licet etiam carnes manducare.

℞. Adipis anserini $\frac{3}{4}$ j.

Olei anethini

Camomelini ana $\frac{3}{4}$ s.

Misce pro vnctione pectoris in parte dolente.

℞. Olei absinthij $\frac{3}{4}$ ij.

Misce pro vnctione totius ventris inferioris. Lichenes Plinij (quam etiā vocat mentagrā, quia mentum erodebat vsq; ad ossa, & proportionata erat morbo Gallico, nunc verò non extat, differt à lichenibus Græcorum. Pro eductione materierum putridarū & catarrhaliū, ordinabimus nunc remedia ex faciliè acquisibilibus, ne nobis accidat quod Venetijs cuidā insigni Medico super hydropico cōsulenti accidisse nouimus, qui non sine risu aliorū consuluit, exhibendam esse vrinā camelorum, quam ex India afferri oporteret. Medicamenta sunt exhibenda quę possunt haberi, quęque non sunt ita magno comparabilia, si medearis pauperi.

℞. Terebinthinæ pinguis $\frac{3}{4}$ ij.

Zucchari rosarum puri $\frac{3}{4}$ iiij.

Agarici præparati $\frac{3}{4}$ s.

Misce, detur in aurora quatuor vicibus, aut prout patiens ferre poterit. Lachryma ipsa terebinthina seu laricina, dilatat, abstergit, & tabidis iuxta Dioscoridem est accōmodata. Succus rosarū refrigerat, con-

fortat & expurgat. Agaricus euacuat materiã. Temperatura ipsa vel febris nõ potest tolli, nisi causa sublata. Cibus sit humidus & refrigerans. Ego semper sumo naturam rei, & inde omnia primũ deduco, quæ à me dicuntur, seposita interim omni autoritate: postea verò Hippocratis, Galeni, & aliorum sententijs comprobo. Hectico electuarium non dabimus, quia euacuauit heri quater, & dicit se mitigationem manifestam sentire ex pharmaco assumpto. Sed tamen in sinistra parte cõqueritur adhuc de dolore vehemente, ita vt quiescere non possit: quare vnum tantũ fiet in hectico, in cæteris relinquamus eum his quæ iam sunt ordinata. Ordinabimus ei linimentum, quod vim habeat corroborandi locum, ne recipiat fluxionẽ. Non tamen eiusmodi erit corroboratio, qualis solet adhiberi in inflammationibus, quæ est correctio seu reductio tẽperaturæ. Erit hæc tamen astrictio, ad quam maximè faciet absinthium, betonica, chamædryos: habet enim vim maximam corroborandi omnia membra naturalia, cum endiuia, cichorea, & rosis, si timetur caliditas. Facta ex his fomentatione, liniendus erit locus cum oleo camomelino & absinthino.

R̃x. Absinthij

Chamædryos

Cichoreę

Betonicæ

ana man. j.

Bulliant in sufficienti quantitate aquæ ad consumptionem medietatis, & fiat cum spongia fomẽtatio.

R̃x. Olei de absinthio

De anetho ana ʒ. j. ad inungendum locum post fomentationem. Phthisicus hodie quiescet, sed tamen interim vtetur suis fomentis. Pulsum differẽtias, quę possunt verè à medicis cognosci,

ci, non scio plures quàm istas sex. Si Galenus potuit alias cognoscere & obseruare, bene est. Hoc scio, quòd omnes nos non alias cognoscimus quàm illas communes: quod de alijs alij dicunt, forsitan sunt imposteræ. Prima differētia pulsus, est magnitudo, quæ indicatur secundū omnes dimensiones, scilicet, longum, latū, & altū: quandoq; enim sentitur vnica tantum dimensio, scilicet longitudo, & tunc percipitur arteria, velut filum quoddam tenue extensum. Et talis non est magnus pulsus, quia non habet omnes dimensiones. Eius opposita differentia est paruitas. Secunda est velocitas quæ sumitur ex celeritate motus vsque ad quietem: ei opposita est tarditas. Tertia est frequentia & raritas, quæ attenduntur penes quietem. Quarta est inæqualitas & æqualitas, quæ attenduntur penes omnes prædictas differentias. Est autem inæqualitas duplex: vna, vnius tantūm pulsus, & hæc est fortassis incomprehēibilis: altera plurium, & dicitur inæqualitas συστηματική, quasi collectiua, ex multis pulsibus collecta. Vehementia etiam & debilitas pulsus potest cognosci: nam vehemens est, qui medici tangentis manū valde pulsatur: debilis contra. Item plenitudo & vacuitas. Si quærat à vobis aliquis, quâsnam differentias habeat istius pulsus? credo inter vos alios aliud responsuros: sed vt habeatis ea in re artem aliquam, nunc de pulsibus dicam. Sex differentias pulsuum habeatis semper præ oculis, sicut elementa quædam: tot enim cognosco, & cognosci posse credo. Vltimas quatuor positas à Galeno, si qui cognoscet, bene est, ego ingenuè fateor me nō cognoscere. Nihil enim minus vnquam volui quàm decipere. Itaque haud æquo animo patior me interpellari inter tangendum, & explorandum pulsus, quòd nihil adeo magnam requirat diligentiam

vt pulsus : vt mirum sit alios confabulari interim, & ramen omnes pulsum differentias assequi. Ego nescio an possint esse tam ingeniosi, & tanta celeritate discurre. Vos debetis esse maximè diligentes, vt eas quas dixi differentias, cognoscatis. Primùm considerabitis, vtrum sit magnus an paruus. Nam & à natura primùm intenditur magnitudo, quam si potest perficere, ea sola contenta est. Non abundat enim in superfluis, & in omnibus moderata est natura. Itaq; frustra sunt aliæ differentiae, vbi in pulsu est magnitudo. Consideratur autem magnitudo in tribus dimensionibus, scilicet vtrum sit altus, hoc est, an multum eleuetur: an longus, per quatuor digitos æqualiter: an strictus vel largus. Potest enim istorum aliquod esse sine alijs, & nihil in his sine causa accidit. Secundò consideretis vtrū velox sit, hoc est, vtrum celeriter moueatur in paucò tempore: an tardus, qui longo tempore mouetur. Attenditur hæc differentia penes motū: percipiuntur enim in quolibet pulsu semper ista duo, motus & quies. Tertiò, vtrum frequens sit an rarus, frequēs est, quando brevis quies intercedit: rarus, quando longa est quies inter duos pulsus: sicut vites raras dicimus, inter quas magnum est interuallum: & rarum auditorium, cū miser doctor vix quatuor discipulos: frequens autem, cū sedent confestim. Est igitur frequens pulsus, quando quietes sunt parue: rarus, quando quietes sunt longæ. Quòd Galenus gloriatur se amorem deprehendisse ex pulsu, apertum mendaciū credo esse: eo fuit ingenio, vt voluerit in omnibus &c. habuit nescio quid Græci. Quartò est vehementia & debilitas consideranda. Vehemens dicitur, quando est validus, vrgens, & certat cum digitis vestris, nec vult cedere. Debilis autem, quando non facit resistantiam. Sed
hic

sic habeatis vnā cautelā, ne durities vos decipiat,
 & ne vehementem iudicetis, qui est durus. Differūt
 nim vehemēs & durus pulsus: quia durus post pres-
 sionem quasi victus cedit ac cessat: sed vehemens re-
 sistit fortiter. Quintò, an sit plenus vel vacuus: appa-
 ret enim aliquando materia ac si esset vacua. Sextò,
 vtrum sit æqualis an inæqualis, maximè an inæquali-
 tas systematica. Non autē turbet vos vocabulū, quia
 nihil est in vocabulo: potestis vos dicere collectiuā,
 pro systematica. Est autem inæqualitas systematica,
 quando decē vel duodecim sunt pulsationes, & nul-
 la est æqualis seu correspondens alteri. Simplex in-
 æqualitas est, quādo in vna pulsatione percipitur ma-
 gna diuersitas: vt si in vna parte mordicat, in altera
 minimè: aut in vno tactu est velox, in altero tardus
 &c. Istam diuersitatem non puto posse deprehendi,
 cūm vix quies in pulsu percipiatur. Quare nugas esse
 arbitror reliquas differentias, quas certè impossi-
 bile est cognoscere. Et quòd Galenus diuidit postea
 genera pulsum vsq; ad minimū, credo ipsum risi-
 se cū scriberet. Quidam dicunt se posse pulsum fer-
 rinum percipere, quod splendidum est mendacium:
 sicut Medicus quidā dixit egrum habere ferrinū pul-
 sum, & cū alter doctior eum se deprehendere posse
 negaret, tandē & ipse confessus est, nec se deprehen-
 disse, hoc tamen ideo dixisse, vt si fortè alter cogno-
 uisset, ipse non minus scire videretur: sed quādo tu
 non cognoscis, inquit, neque ego cognosco. Hęc de
 differentijs pulsuū, cras de causis agemus. De salu-
 te hectici despero, sed tamē nunc bene se habet: vir-
 tus satis constat. Vrinæ sunt laudabiles in substātia,
 & colore: sputū est heterogeneū, spumofum; tenue,
 & in quibusdam partibus coctum: pars crassior, viri-
 dis, suppurulēta venit ab vna parte, & sputū spumo-

sum ab alia. Factum est autem spumofum ideo, quia spiritus cum humore est admixtus, & contractus ad minima. Crafsior autē pars est cruda, putrida, & derelicta à natura, vnde non potuit spirituari, seu spirituoſa fieri: non enim admittit spiritum iſta craſſities. Viriditas cruditatē & malignitatem ſignificat: ſpirituoſa pars proculdubio deſcendit ex capite in pulmonem, nec multam morā fecit in ipſo, alioquin enim putuiſſet. Eſt iſte noſter æger in capite de empyemate. Non eſt mirandū quod pus per membranam ſuccingentem coſtas in pulmone recipiat: nam vt Galenus etiam inquit, natura multa alia facit miranda magis, vt quod pus per os tranſit, quæ quomodo ſiant, non poſſumus imaginari, ſunt tamen, & omnes medici tanquam manifeſtum id recipiunt. Hac nocte vehementer doluit in latere affecto, forſan quod heri plus iuſtò comederit, ſicut ipſe fateatur. Et quando repletio adeſt in corpore, ac pulſus non eſt factus debilior, iterabimus eius medicinam de terebinthina, vt natura aliàs excrementis ſuffocata excitetur. In heſtico hodie nihil mutabimus, quia virtus ſatis eſt imbecillis, & pharmacum multum eduxit. Verendum ne incidat in ſymptoma grauiſſimum, quod ferè accidere ſolet cum catarrho, in tabidis maximè, vt cum diarrhico fluxu pereat, propter virtutis imbecillitatem, quæ conſiſtit in tribus, in calore & ſpiritu, in ſanguine, & in ſolidis. Quando hæc omnia bene ſe habēt, valida etiam eſt virtus: quando deficit vnum, imbecillior fit ipſa. In tabidis autem omnia iſta deficiunt: deficit enim calor, ſanguis, muſculi conſumpti, & denique nihil aliud ſunt quàm oſſa & cutis, vt ait Galenus: non mirum itaque ſi ex retentricis imbecillitate in diarrhœam incidāt, hinc enim & fæces iam indigeſtæ apparent. Poſſe etiam

tiam esse propter catarrhū. Ita videbitis semper fieri, quando prouenit fluxus, quod vt plurimum contingit tabidis, tunc mors est proxima. Fiat huic tamen fomentum ex absinthio & aceto, ad corroboracionem, quia propter frequentem egestionem multum est debilitatus, & corroboratio ista non est proprie dicta, sed largius sumpta. Quia verò confortatio cum nihil aliud sit quàm reductio ad temperiem, esset in isto procedendum cum frigidis & humidis. Pulsus est admodū paruus, sed velocitas non admodum mutata. Si hæc nondum deprehendistis, exerce te manum & mentem vt possitis deprehendere. Velox, paruus, magnus, sunt relatiua in comparatione ad aliud, ad temperatū scilicet in calido aliquo aut bilioso. Pulsus in se non rectè dicitur magnus aut velox, sed bene in comparatione ad Socratem calidum & humidū: & excessus notamus tantum in pulsibus. In velocitate nō recessit pulsus, sed mutauit insigniter frequentia: est enim multò frequētior quàm heri. Nam cum tria sint quæ pulsus faciūt, necessitas, virtus, instrumentū: necessitatē habet eandē quam sanus, & fortè etiam maiorē, & duritiem instrumēti. Ergo non potest dilatari ad iustam & opportunā dimensionem. Natura ergo prouidet cum velocitate. Sed quia etiam virtus imbecillior, non est velocior: ad velocitatem enim requiritur virtus, siquidem senex non potest bene currere. Supplet ergo frequentia, quod magnitudine & velocitate nō potest: & est frequēs pulsus perinde ac formica operosa: nec desunt ista vsq; ad mortem, quia vltimum est refugium miserorum, pulsus. Nusquā desperet medicus, quando constat in pulsu magnitudo, velocitas, vehementia: si aduenit pro his frequētia, malū. Quantū ad tabidum, pauca sunt dicenda, & pauca etiam faciēda,

deuenit enim ad extremā extenuationem, & ad fluxum ventris, quod pessimum est, iuxta Hippocrati illud: A tabe habito fluxus ventris superueniens malum, ac ferè omnes moriuntur. Sic Cassianus noster, & M. Antonius Barolinus. Est autem malum & per viam signi, quia significat defectū omniū virtutum. Virtus enim naturalis non concoquit, non sanguificat, non distribuit: & præterea catarrhū augeri ostendit, qui descendit ad stomachū, & lenit aluū. Et per viam causæ malum est, quia ipse nutrimento indiget, quod subtrahitur per defluxum ventris. Non loquimur igitur amplius de isto, nisi quòd conabimur facere dum viuit, quæ possumus. Appetit lac, quod dabimus ei, sed in quo ferrū candens fuerit extinctum, vt partes serosæ, tenues, abstergentes auferantur, & maneat pars casealis, ad alui astrictiōē non parum conferens. Linimentum etiam ordinabimus ad corroborandum ventriculum, & sistendum aluum.

℞. Ladani electi

℥ s.

Mastiches

3 ij.

Olei de absinthio

℥ j.

Misce pro vnctiōe stomachi. Ladanū, præterquàm quod concoquit, etiam facit ad penetrationē. Mastiche appropriata est stomacho, & absinthium mirifice roborat ventriculum. Affligitur in sinistra parte, & non potest quiescere in opposita, quia tumor iste iam deuenit ad partes interiores. Ex chamæmelo & chamædry facere possumus fomentationem. Præterea emplastrum meliloti est optimum: quia resoluit, maturat, & cōfortat. Si materia indiget resolutione, tūc resoluit: si maturatione, maturat: si vtroq; vtrunque facit. Ergo loco dolenti applicabitur illud emplastrum meliloti, sicut pridem dixi. Ita iste miser est mortuus cum fluxu ventris.

Con-

Consult. CIII. De Ischiadico.

Vm acceditis ad egrotū, quod primū de-
 betis agere, est istud. Primum cōtemple-
 mini vultum, deinde colloquimini cum
 ipso, postea tangatis pulsum, & obserua-
 tis omnia quę vobis ad morbi cognitionem erunt
 necessaria. Decumbit hic ischiadicus, qui ad tabē fe-
 è peruenit. Adsunt febris cōtinua, tabes totius cor-
 poris, dolor in sinistra parte circa glandulas, ingui-
 nis dolor, non erigit crus, sed flectit. Ista omnia con-
 sideranda in hoc veniunt. Quomodo curandus hic
 erit & liberādus ab his affectibus? Indicationes erūt
 necessariae. Vnde? à natura morbi & symptomatibus.
 Sed pręsupponemus, primò eius tēperaturā, quę est
 calida, sicca, cholericā: est enim gracilis, & talis fuit
 sanus: pili plurimi in corpore, & nigri, crassi, venę
 amplę. Laborauit antea ex hepate: antea, vt dixit,
 laborauit morbo Gallico. Est Ceretanus, vagabun-
 dus, vixit inordinatē, vt solent isti. Incipiamus à pri-
 mo symptomate. Primò sensit dolorem cum tumo-
 re in partibus glandulosis circa pubem, qui causatus
 est à materia pituitosa, vel etiā ex fāce sanguinis, in
 eam partem natura debilem delatā, propter ambula-
 tionem, & victum inordinatū: cōmunicata deinde
 est propter loci vicinitatem, neruis & musculis mo-
 uentibus crus, qui aut resoluti sunt, aut debiliores
 facti: fortē etiā per vertebrae dorsi delata aliqua ma-
 teria eò decubuit. Morbus ergo est mala intempe-
 ries, vel obstructio in istis partibus. Febris est sym-
 ptoma: quia materia multa in locum aliquem depul-
 sa, non bene euentata, necessariò putrescit. & puto
 febrem esse hecticā, quę vt plurimū iungitur putri-
 dæ, etsi ex ephemera potest fieri transitus in hecticā,

sicut dicit Galenus: multò magis ex putrida, præcipuè in cholerico corpore diu laborante. Si velis febrem morbum appellare, nihil refert. Febris putrida ferè semper iungit hectica. Et hoc est quod Auicenna inquit, primà & secundà speciem hectica cognosci difficillimè. Còtrariū dicere videtur Gale. sed Auic. intellexit de hectica còiuncta putridæ: & sic doctissimi isti viri non sunt pugnantes. *Argoþia* seu tabes, fit propter dolorem febremq;: sed primū vitium est in neruis & musculis pedum. In cura respiciendum est ad id, quod est principale, quo ablato auferuntur & cætera. x i. Meth. quod habet rarionē causæ sine qua nō, sed cætera curari possunt: quod perpetuò in complicatis vitijs est obseruandū. In hoc casu dum dolor adest, tolli nequaquā cætera poterunt. Dolor ergo primò sedetur. Solet autem sedari aut per mitigatorium, aut per stupefactiuum, aut per euacuatiuum. Nō per duo priora, ergo per euacuationē. Sed iste humor faciens dolorē, vel totus decubuit in partem, vel habet adhuc causam fouentē. Euacuare ipsum non ausim, quia fuit satis purgatus, & heri sumpsit pilulas satis fortes: præterea est arefactus omnino. Sed ex loco oportet tollere materiā. Instituatur regimen primò, deinde à loco materia euacuet. Sed quibus modis? aut fomentis, aut emplastris, aut vtrisque. Et nota, si per emplastra applicata rubescit locus, erit iter curæ cognitum, quia materia dissipabitur & resoluetur: sin minus, cura erit difficilis & impossibilis. Postquàm igitur facta est generalis euacuatio, fomenta applicabimus, & emplastra quater aut quinquies: si tumor non obedit, ad fortiora ibimus: si neq; tum, ad chirurgiā ægrū mittemus. Inter reliqua semper habeat patiens vëtris beneficiū. Aqua mellis loco vini bibatur: nam bene nutrit, & melius quàm

uam vinum. Inijciatur aliquid saluix & betonicæ, propter corroborationem neruorum, & resolutionem materiæ. A clysteribus primò incipiemus leuibus, deinde fortiorib. Resoluere & mollire oportet in hoc casu. A leuibus incipiamus, & tandem ad ropacissimos perueniamus, si ista non contulerint.

℞. Anethi sicci

Florum camomillæ

Maioranæ

Pulegij

Calamenthi

ana man. j.

Sem. lini

Fœnugræci

ana ʒ. j.

Ebulorum viridis

man. iiij.

Bulliant omnia simul in sufficienti quantitate aquæ, ad consumptionem medietatis, pro fomentatione. Cum spongia terantur quater.

℞. Hyssopi ceroti

Dialthææ

ana ʒ. j.

Butyri recentis

ʒ. ij.

Misce, fiat linimentum pro loco, quod adhibeatur post fomentationem.

℞. Aquæ communis

lib. iiij.

Mellis ʒ. iiij. s. Sumit octaua pars mellis.

Saluix

Betonicæ

ana man. s.

Bulliant in aqua ad tertiam partem, bibat loco vini. Conualuit, & discessit tertio. Iuuenis quidā sciaticus bibat aquam mellis, & clysteremumat ex maluæ brodio, cum hieræ picræ ʒ. iiij. Mellis rosati ʒ. j. Olei ʒ. iiij. Potus pro febricitante:

℞. Aceti

lib. j.

Sacchari

ʒ. viij.

Fiat oxyfacchara, atque de isto sumatur aliquid, &

misceatur cum aqua cocta, quantum ægro placet, sit potus febricitanti.

Consult. CIIII. Pro melancholico.



Asus nobis oblatus diligenter est cōsiderandus. Ex colore iudicamus ipsū valde abundare melācholia, & adustū humore, & corpus esse cacochymicū. Color em̄ maximū indicium præbet humorū existentium in corpore, vt dicit Gal. Præterea germina illa in diuersis partib. idem ostendunt. Secus melācholici sunt frigidi & sicci. Iam, vt dicit Gal. i. i. artis, tēperatura calida & sicca, decedēte etate, transit in frigidū & siccū, quia calor adurit humores: ergo omnes tales sunt flatuosi. Et abundant etiā pituita. Quare in euacuandis melācholicis, semper etiam aliquid admisceas, quod pituitā educat. Confectio Hamech est diuina apud me, pro melancholicis & adustis humoribus, in qua melancholiā purgātia, optimè admixta sunt cum his quæ ducunt pituitam. Bene etiam illud, quod coitu iuuētur melancholici, quia excernuntur flatus. Sed quæritur an ista caco-chymia sit ratione propriæ intēperaturę, an ratione regiminis. Credo esse propter vtrunque. Pili nigri, crassi, ostendūt habitū naturalē melancholicū. Gal. i. i. de temp. Nō ab excrementis iudicabis tēperaturam, sed ab adnatis, quæ cōsequunt tēperaturā, sicut maximè sunt pili, siquidē cholerici facti melancholici retinēt pilos suos rubeos, nec mutāt cum tēperatura, nisi postea per longū secessū. In hoc sunt nigri & crassi: ergo fuit melancholicus à natura. Accessit regimen inordinatum, est enim pauper, solitus humi cubare, & fortasse dormire in solo per cōpita. An habuerit morbū Gallicū nescio, ipse nō fatei, sed vlcera malā

ra mali aliquid repræsentât. Quâdo accidit morbus Gallicus, accidit cōtagiū quoddā in hepate innominatū, quod nec calidū, nec humidū, nec frigidū, nec siccū dicere possum, quia omnes humores redundât in talibus, nisi q̄ semper crassiores reddant & adusti. Nō est credendū esse infectionē calidā, quia non iuuarentur à ligno sancto, quod est calidum: sed est potius quædā occulta qualitas, quæ nobis est incognita. Et talem esse causam credo, quòd sit cacoehymicus. Quæ cum ita sint, ista omnia videtis sequi: habet vlcus malignum circa oculum, cuius sanies exiēs videbatur mihi quasi caro nigra assata: est q̄; hæc serpigo in superficie, quod ostendit tenuem & rodentem humorem: verisimile est enim partes superiores infestari tenuioribus, crassiores verò inferiores partes occupant: quare circa genu est insignis abscessus cum dolore, deueniens nunc ad exiturā. Quanquam semper cōsulo vt caueatis à suppuratione circa iuncturas, quia sunt difficillimæ curæ. Arabes bene hæc distinguūt. Apostema seu inflammatio dicitur, quando materia colligitur: veniens ad exituram, quando exit in spatiū quod est intra cutē & musculos: quando suppuratur, aldubalaton vocât. Credo quòd non tantūm peruenerit materia ad exituram, sed quòd etiam aliquid sit de pure. In omni abscessu semper resolutioni est intēdendum, si potest fieri, aut ei quod est melius. Quatuor enim sunt quibus terminantur abscessus: aut resoluitur, aut suppurat, qui duo sunt boni termini: aut in scirrhum transit, aut corrumpit membrum: quæ duo mala. Quod de crure, idem dico de brachio, est enim eadem ratio, licet in brachio non sit tanta materia. Materia in crure est melancholica, adusta, permista cum pituita, ad exituram veniens. Materia in isto est subtilis, acris, erodens in su

Pp

perficie. Si procedes cum calefacientibus & hum-
stantibus, reddes vlcus peius: si cum calidis & sicca
exacerbabis, ita vt in gangrænâ transeat. Nec fr-
gida & humida conueniunt: ergo frigida & sicca
runt applicanda, velut vnguentum de pompholy-
ge, quod in istis vlceribus plurimùm confert. Opo-
tet autem pompholyga optimè & subtilissimè esse
contritam atq; lotam, ne mordicet. Addatur oleum
rosaceum, omphacinum, & cōmisceantur in morta-
rio plumbeo, & fiat linimentum pro loco. Si modo
sufficiens esset exiccatio, succum solatri potes sum-
re cum exiccantibus, velut est vnguentum de cerus-
sa, plumbo, cadmia: & ex omnib. metallis optimè ele-
ta conueniunt. Vnguentū de calce eiam conuenit,
sed oportet esse bene lotam. Ne fidas hac in re aro-
matarijs, quia omnia negligentius lauant. Hęc in vl-
cere. Sed in oculo ipso tutia simplex cōfert. quòd si
à leuiorib. incipere voluerimus, saccharū candi be-
ne puluerizatū optimū erit, deinde aqua plantaginis
manè lauetur. Ad alias partes, quia corpus nondum
est euacuatū, applicabimus interim quod sequitur.

℞. Rosarum man. ij.

Camomillæ man. iiij.

Bulliant in sufficienti quantitate aquæ, ad consum-
ptionem medietatis, pro fomentatione.

℞. Olei Camomelini ℥ iiij.

Rosacei ℥ ij.

Fiat linimentū, quo inungatur post fomentationes.
Sed oportet omnibus modis corpus purgare, ad tol-
lendâ cacochymiam, seruato etiam optimo regi-
mine in sex rebus nō naturalibus. Edat, si habere po-
test, carnes pulli, oua, ptisanam factam cum semini-
bus refrigerantibus. Bibat vinū album, lymphatum.
Pro minoratiuo sumat,

℞. Ele-

℞. Electuarij lenitiui

℥ j.

Diasenæ

℥ s.

Misce cum saccharo, fiat bolus. Hic miser omnia habet genera ægritudinum: sed quia hora cœnæ instat, reseruabimus eum casum integrum.

Consult. CV. pro diarrhico.



Iuis Nobilis Patauinus, Doctorem ad se accersitum miserat, qui de eius constitutione ita nobiscum commentabatur.

Complexio eius est calida & humida, ut ad oculum apparet: necdum annū quadragesimum, ut opinor, egressus est. Is iam inde usque ab ineunte ætate variè se exercuit, nec quicquam minus potuit quàm in otio transigere ætatem, quare in militiam profectus stipēdia diu fecit. Abhinc annis duobus exercitia primū omisit, & otio summo se dedit corrūpendum: quare etiā homo varijs est mutationibus obnoxius. Nuper dolore ventriculi laboravit & cholico, ex quibus iuuante diuina clementia conualluit. Nūc verò de lapide renū & dolore haud mediocri cōqueritur. Atq; altera iam dies est, ex quo fluxu ventris laborare cœpit, & quemadmodum videtur, deijcit crassam pituitā cum bile ex clysteri, quò materiam peccantem moui. Præscripsi deinde diætā optimā, ac inunxi ventriculum oleo mastichino.

Sed quia omnis materia necdum excreta erat, itaque batur ventris rugitus, & dolores alij: quare clystere ordinaui ex hordei decocto, cum melle rosato solo. Ad hæc mala accessere etiam dolor, vigiliæ, sitis. Sed quem discursum quis habere posset in hoc casu? Tria autem in primis sunt consideranda, quod passim Galenus inculcat: Res naturales, præternaturales, & aër ambiens. Alijs omisis consideret

Pp 2

mus symptomata, quæ primū consideranda veniūt, & nos in cognitionē tum morbi, tum causarum inducunt. Symptomata verò sunt, dolor ventriculi, & cholicus, ex intemperatura nimirū, cū materia scilicet eò delegata est, quia egerebat copiose, propterea quòd non exerceretur vt antea, & nihilominus copiosa & crassa egerebat. Deinde fluxus ventris est symptoma, quia exiens est mutatum: atq; is est diarrhicus. De lienterico Galenus multa, v. Aphor. j. Et lientericum non esse vel ex eo constat, quòd non concocta, neque diminutè concocta egerat. Inconcoctiones & cruditates hīc dicimus, vel quòd non digestæ sint materiæ, vel concoctioni contrariæ. At iste fluxus promanat ex multitudine materiæ, quæ corrupta est, & quia multa, & quia calor naturalis imbecillus. Imbecillus verò est calor naturalis factus, ob omīssa exercitia, quæ eum vel sola accēdunt: deinde quia hac consistendi est ætate. Postremò, quòd ea superfluitatum excretio non fiat, quæ olim stantibus exercitijs fuit ob calorem vegetū. Sed dicat aliquis, quomodo corrupta sunt excrementa, cū non fœteant? Non fœtent, quia non admodum sunt adusta fæces: corrupta verò à frigiditate positiua, quæ corruptionis non minus est causa quàm calor extraneus. Hinc illud quoque est, quòd albescant, & sint spumosa aliquantulum. Atque eadem nunc est causa lapidis: nam calculi aut congerunt à calore, aut quia materia crassa congeritur. Quid igitur faciendum? Tria potissimum: euacuandum est corpus primū, deinde membra sunt alteranda, tertio præcipienda sunt illi vsitata exercitia. Membra autē alterari non possunt nisi corpus prius purgatum sit: itaque ventriculum roborabo inunctione oleorū, mastichino, nardino, quibus addam etiam rosatum, propter cor-
po-


poris temperaturam. Cessante ventriculi dolore, obstructiones vt tollam summa ope nitar: id autem fiet syrupo de cichorea & betonica, quia materiæ frigida: atque hac de causa acetosis supersedebo. Deinde curabo purgari vberius corpus, aut hiera, aut alexiphanginis, quibus addā aut aureas, aut cochias, prout materia fuerit pituitosa. Post hæc alterationi ipsius ventriculi intendam, & dabo

R̄. Diacalamenti ℥ ij.

Rosati ℥ j.

Quod reliquum est, repetat sua exercitia, aut vtatur diætā attenuatē, id est, calida & sicca, & vescatur aui-
bus paruis, & sæpe hauriat oxymel.

Consult. CVI. De epileptica puella, Frisimellicæ & Montani.



Scribitur ad nos de puella, quæ nata est annos viginti, cuius temperaturā humidam iudico declinantē ad caliditatē. Caput frigidius fortē est & humidius, quia dolor grauatius infestat, & ipsa frigus in capite sentit. Vitæ ipsa est intemperatissimæ, & menses sunt suppressi, atque iam à decem mensibus non purgatur: quare in epilepsiā incidit. At verò in dubio relinquitur, antequam menstrua fluere desierint, quàm epilepsiam sentiret: quanquā ratione probabili id fiat verisimile. Adhuc ventriculus male est affectus. Ipsa etsi adhibuerit doctissimum Medicū antea, à quo corpus & pharmaco & phlebotomia est purgatū, & bona victus ratio instituta, tamen & nos propter consilium requisivit. His suprā paulò repetitis, quid rei sit perpendamus diligentius. Temperaturam iudico humidam cum leui caliditate: quia carnosum est cor

pus puellę & pingue. Sola verò pinguia semper sunt frigida. Eadem ratio est membrorum principalium, quę toti: plerunq; sunt vniformia. Caput igitur summę humidum: vnde deinde varia symptomata, & ipsa denique epilepsia. Labor capitis diuersus est, dolet, & percipit frigiditatem, laborat epilepsia: an verò fuerit ea cum spuma, aut sine hac, aut cum cōuulsione, incertum est. Huc accedunt iam alia symptomata: menstrua enim sunt suppressa, vnde promanat mala intemperatura frigida & humida capitis, quę morbus est mulieris: nam percipit summam frigiditatem. Ipse capitis dolor est grauatiuus, qui demum sunt fontes epilepsię: nam epilepsia nihil aliud est, quàm obstructio in ipsis cerebri ventriculis, quę fit à pituita, alijsq; viscidis humoribus & crassis, qui cū in capite abundant, & accedat ipsa capitis intemperatura, sequitur epilepsia: menstrua enim sunt suppressa, quę vel sola parare varios morbos solent: vnde etiam materię congestę frigidę & humidę, & ventriculi vitio, intemperanter enim viuit. Intemperantiam sequuntur cruditates, quę replent corpus malis humoribus, & maximè cerebrum. Ita fouetur intemperatura capitis ab inferioribus: cum eodem cōmunicat totum corpus, quod illi noxios vapores transmittit. Quid igitur agendum est? credis ne eam posse euadere? Vereor equidē vt id fiat, cū ob alias causas, tum quòd in loco sit frigidus & humidus. Quare nec mirandum est, nihil medicum effecisse clarissimū adhibitis illis medicinis. Verum enimvero cū epilepsia sit primariē in cerebro, vel per consensum: si est per consensum, membrū est alterandum, & antequàm hoc fiat, totum corpus euacuandum. Quid? euacuari ne debet per phlebotomiam? Per tempus non licet, quare in ver differendum

lum censeo. Restant instrumenta euacuandi corporis duo, diæta scilicet & pharmacum. In diæta assumat quæ aperiunt, incidunt, & apertè attenuant. Inter cætera vtatur pane satis fermentato, cum semilibus, vt sceniculi & alijs. Vtatur carnibus attenuantibus, vt auicularum paruarum, & hæ condiantur aromatis item attenuantibus. Vinum ne dandum sit, dubitari possit, quia caput est affectum: sed quia humores sunt frigidi & crassi, modico vtatur vino, utque si hoc nolit, bibat aquam mellis, vel zucchari, aut oxymel, aut oxyfaccharam: nec acetum quicquam hinc nocere potest ob mixtionem. Decoquantur item betonica & salvia. Vtatur item exercitijs. Quid? semel ne interdum comedet? Quia verò edere in die consuevit, nolo vt quicquam contra consuetudinem faciat. Vti quoque poterit falsamentis, quorū incidere est. Venter frequenter leniendus est, nam est adstrictior, ob crassos & viscidos humores suspendentes feces. Quare ante cibū etiā oxymelite vtat. Partes inferiores exerceant, & frictiones fiant, sed non item in capite. Cæterum exerceatur ambulando & equitando. Concocta materia ad caput veniemus. Hieræ & cassia venter leniatur, & materia concoquatur cum syrupo de betonica, oxymelle composito, & squillitico interdum. pilulis cochis purgetur, quibus aliquid colocynthidis addatur. Ego misceo drachmæ vni ipsarum specierū hieræ, & j. Colocynthidis vsus quandoque erit propter intemperaturam corporis. Trochiscorum alhandal & cōfectio hamech valde est bona. Laudarē multū pilulas illas cochias in hoc casu, quas describit Gal. lib. v. meth. cap. xiiii. Suadeo etiā vt sæpe interim purget, ac per intervalla sæpe pilulis vtat, donec ver attingeremus, in quo demū purgarē & alte-

rarem caput, tunc mitterem sanguinē, cum syrupis materiam concoquerem, & euacuarem: deniq; confulerem etiam vt in nostras has thermas veniret, & aquam biberet, prouocarent frictiōibus menstrua, ac darem diasplenion, diacalamenthon, diatrionpiperon. Vterer etiam decoctis calamenthi, pulegij, dictamni, vt materia attenuaretur. Nunquid saphe-
na secanda? Ita: & si hoc nolis, fiant scarificationes circa malleolos, quas antiqui multū laudarūt: nam & ego hyemem vereor. MONTANVS: Vtar & ego breuitate, vt rationē temporis habuisse videar, sed ita tamē, ne quid eorum quæ ad institutum sunt necessaria, prætermittam. Certum est puellam laborare epilepsia, non propter vnā, meo iudicio, sed multas causas. Principales duplices sunt, efficientes aliæ, aliæ naturales. Iam verò efficientium aliæ sunt intrinsecæ, aliæ extrinsecæ. Intrinsecæ verò, vel agitatio siue motus est spirituum in cerebro: agitati enim in neruos ingredi nequeunt: vnde sequitur, vt corpus aliquandiu sensu & motu priuetur, vel propter ebullitionem humorum in cerebro contentorum, vel propter caliditatē ascendētē. Tertia sunt humores crassi & pituitosi obstruētes spirituum meatus. Quarta, vel vapores vel qualitas venenosa ascendens, vnde contrahitur cerebrum, & motus corporis deprauatur. Atque hæ sunt causæ quatuor intrinsecæ & corporeæ epilepsia. Extrinsecæ autem sunt, diætā, quæ est vsa, affectus animi, & aër. Porro causæ naturales sunt vel humores vel vapores. Si est humor, vel est sanguis, vel melancholia, vel pituita: idque aut in cerebro, & tunc morbus per essentiam dicitur: aut in partibus inferioribus, & dicitur iste per consensum. Quia verò tot sunt causæ (de loco formali non amplius dicere necesse habeo) quid credis
in

in hac esse omnes? Equidem credo si non omnes concurrant, certè tamẽ plurimæ sunt. Spiritus vndosus adest: atq; hoc verum inde capio signũ, sensisse puellam strepitum in capite, nimirum propter vaporum agitationẽ. Deinde est calefactio & ebullitio humorum in capite, quia ob oculos videbatur videre quædam fulgura, quæ perturbationem cerebri efficiũt, & sunt ceu flammæ aëris. Tertiò, obstructio meatuũ propter humores frigidos & crassos: hisce enim diebus sensit perpetuò dolorem capitis grauatiuum.

Quare quòd adsit mala quoque qualitas, argumento sunt retenta menstrua, vnde venenosus quidam vapor exhalat, quod pluribus ostendit Galenus lib. v i. de locis affectis. Ad hæc accedit etiam corporis temperatura humida & calida: nam autore Galeno, i i. de temperamentis, carnositas sola caliditatẽ arguit, pinguedo humiditatem: hæc cùm coniunguntur, significat etiam qualitates coniunctas. His positis negari non potest, hepar quoque calidum & humidum esse necessariò, quare etiam aptum replendo capiti, quia vaporosum gignit. Ratione autem cerebri apta est puella vt hoc morbo infestetur, quia caput debile recipit ad se transmissos humores. Cœpit verò dolere caput iam inde à decẽ mē sibus. Causæ extrinsecæ sunt mala diætæ. Neque verò satis habuit misera, vt sese oneraret nimio cibo, quẽ sine discrimine ingerere est solita, quin etiam vermes illos qui sericum nent, aleret, vnde & ex folijs putridis, & male caput petentes vapores exhalant: quia etiã ex odore plus satis mali id generis hominibus accidere possit. Huic accessit menstruorũ retetio, & aliud malum altero nõ leuius, dispositio scilicet aëris. Locus enim expositus Austro, qui hodie etiã spirat per mare, & lacus frigidum inspirat, ac ædes in quibus ipsa

puella habitat, penetrat: ab Occidente itidem habitatio, scilicet mare, à Septentrione verò Boream infensissimè frigidum habet: nam is quò angustiore loco concluditur, hòc est multò frigidior: vnita nanq; fortiora semper dissolutis. Itaque Auster replendo, Boreas verò refrigerando, constringendo & exprimendo, malum puellę augment. Quod reliquũ est, hæc signa me omnia eò deducunt, vt credam efficientes causas omnes concurrere. De causis materialibus etiam dicā breuiter. Causa verò naturalis est humor frigidus & pituitosus in cerebro, atque hoc probat frigiditas quam percipit circa nuchá: & grauitatem capitis percipit hoc tempore. Quod verò ad consensum attinet, is sanè magnus est à ventriculo, matrice & hepate, denique ab ambitu totius. de reliquo materiam mixtam esse, signa satis docēt: inundationes spirituum & calidorum vaporum in parte anteriore, signum habens flammá ante oculos: frigiditatis verò in posteriori parte, est ipsa quæ percipitur frigiditas. Atque hæc de causis efficientibus tam extrinsecis quàm intrinsecis & naturalibus, sit satis. Prognosticon. Puella nata est annos xxi. ætas obseruanda est, quòd ea vel sola doceat, an hoc morbo possit liberari. Hæc ætas in fœmina æquipollet propemodũ xl. annis viri. Quia verò in xlii. ætatis anno per menstruũ fluxũ à doloribus capitis non potuit liberari, quomodo sanari possit, nò video. Nam hic morbus si virum à xxv. ætatis anno inuaserit, illi cõmoritur, quare puellæ multò magis grandiu-sculę. Hęc mala iam iuuat, intemperatura mala, item alia quæ dixi. Cura non est impossibilis, et si tolli nò potest, poterit saltem leuari, atque hoc conandum erit. Sed quoniam plures sunt causæ huius morbi, ab efficientibus præseruationis indicationes, à materia

li-

libus verò curatorias mutuabimur. Et vt ordiamur ab efficientibus extrinsecis, in quibus non postrema est aër: hunc igitur si potest, aut mutabit, aut si omnino non poterit, saltem omnem in aëre excessum fugiet. Et si hoc naturaliter non potest, arte efficiat: vt si suffitus fiat aromatū, quæ caput non petant, quod genus illud est, quo multū vtor, aqua rosacea & acetum & garyophylla miscentur, ac fit suffumigium leuiter calefaciens. Cibis etiā attenuantibus, quia ventriculus & cerebrum pituita abundant, atque totum corpus malis humoribus refertum est. vtatur diæta maximè attenuante, ob humores: vnde etiam illud foret cōmodi, quòd menstrua melius fluent. Panis sit bene fermentatus, & sale aspersus. Malim in eo esse nigellam: quia verò hæc amarior est, misceat anisum & cinnamomū, quo in hoc casu non est aroma melius, etiam de sententia Galeni. Quid quòd Galenus in cōsilio pueri epileptici, apium probet & laudet, contrà Auicenna tanquā venenum fugiendum asserat? Hæ sententiæ in specie contrariæ facilè possunt cōponi. Equidem credo apium Galeni nostrum esse petroselinum vaporosum, incidendi vi prædictum, quod in epilepsia tutò dari potest. Apium verò Auicennæ id est quod & hodie sic dicitur, & eius in morbo hoc prorsus nullus est vsus. Quare Auic. non minus ac Gal. rectè censuit: atq; sic sententiæ absque autorū cōtumelia cōponi possunt rectissimè. Vino in principio morbi interdiciamus, idq; tribus de causis, autore Gale. 111. de rat. vict. in morb. acut. cap. de vino: primò propter cruditates, secundò in phrenitide, tertio in inflammationibus viscerum. Credo igitur adhuc morbo existente vinum interdiciendum esse epilepticis: sed quia vinum (quod bene dixit Auicenna) dilatatur, animum exhilarat & conco-

quit, igitur non est penitus prohibendum. Exhibeatur dilutum ac pauciferum, fugiat contrà quod caput petit. Postea quia causę materiales sunt duplices pro inferiorum partium materia velim diuersionem & euacuationem: nam humores & vapores qui in ventriculo gignuntur, rapiat medicus ad inferiora, ac sepius aluum subducatur, ad quam rem vtilis erunt hæc pilulę, quibus non parum vti soleo, ex myrrha, aloë, rheubarbaro, & aristolochia rotunda: nam hæc & ventriculum & hepar euacuant, ac roborant, prouocant demum etiam menstrua. Diuersio etiam fiat prouocatione ipsorum menstruorum: prouocabuntur autem supponendo res calidiores & aperiētes, vt sunt pulegium, calamentum, bacca lauri, & folia lauri decoquat in aqua, ac ieiuna inde pedes lauet. Idem & ante cœnam facere poterit. Ventosę etiam circa poplites ponantur, nam & maximè menstrua prouocant, & conferunt pro diuersione. Quod si autem prouocari hæc non poterunt, laudarem ego hæmorrhoidum scarificationem, propter locum propinquum: propinquum autem locum multum sæpe conferre, Hippocratem & Galenum autores habemus. At hæmorrhoides directè à capite euacuare possunt, quod omnino faciendum est in vere. Cæterum bis in mense aut semel assumeret de hiera Rufi, aut hiera Logodij, aut confectio hamech: eadem enim est harum propè compositio. Neque his frequenter vterer fortioribus, quia debilitant virtutem. Meminerit verò Medicus se esse naturę ministrum. In vere exiccantibus & localibus vterer, vt cauterijs, sinapismis & vesicatorijs & rubefactorijs. At de his non nisi in vere non cogitet Medicus. Quinetiã decocto ligni Indici utatur. Ad prouocanda menstrua vti poterit ter singulis mensibus vncia vna Mithridati cum aqua præonię, & in alijs fer-

ferculis vtaī pæonia. Querebat Frisimelica, quid sentiret de incisione venę. Respondebat Montanus, satius esse vt primò fiat scarificatio circa poplites.

Consult. CVII. Cuidam nobili uiro Polono propè annos LX. nato, spleneticam & hepaticam ægritudinem patienti: patiebatur autem hoc malum à xv. annis.



Portet vt Nobilis iste vir si curari debet à difficili & longa ægritudine, quæ est præcipuè intemperies frigida splenis, & tumore satis insigni, ex qua postea multifariæ dispositiones præter naturam cōsequuntur, vt cruditates ventriculi, & in iecore, & in ambitu venarum, atrophix, decolorationes, ex quibus non iniuria tandem timetur aqua intercutem, oportet inquam si ab istis sæuis dispositionibus liberari cupit, vt præcipuè habeat exquisitissimā victus rationem, quæ competat primario morbo, sine qua diutissimè & diligentissimè seruata, frustra implorabit medicorum auxilium. In primis igitur eligat aërem in quo habitet, subtilem, minimè palustrē, minus frigidum quàm fieri possit, vbi sint aquæ salubres fontium vel fluuiorū: in quo aëre cauebit etiam ab omni excessu ventorum, pluuiarum, ne scilicet se illis exponat, vel nocte sub dio moret, vbi postea cælo sereno & tranquillo, exercebit se venationibus, & huiusmodi motibus nobilibus: laudo enim exercitium quammaximè fieri potest, si modò suo tempore fiat, manè scilicet vel ante cœnam. Euitet omnes animi molestias, sed iram præsertim & mœstitiā. degat cum amicis iucundis. manè surgat diluculo: sex vel septem horas noctu dormiat: cauebit autè à meridiano som

no, esset enim illi admodum lethalis. deambulet, exercitetur in cubiculo proprio, mollibus frictionibus, pectionibus, cantu, lectione alta, excernendo excrementa per sputum & tussim, quæratque reddere aluum & vrinæ egestionem. Vbi verò omnia diligenter peregerit, mundasq; & odoratas vestes induerit, tunc ad exercitium se cōferat extra domū, si cœli serenitas apparuerit: sin minus, intra domū sese contineat, ludendo pila vel gladijs, vel aliquo tali exercitio. Bis in die non amplius comedat, atq; id satis parvè, vnicòq; cibarij genere contentus sit, & sine aromatibus, sed cum modico croci & cinnamomi tamē debet enim effugere consuetum morem patriæ in aromatibus admiscendis. Caueat etiam à vino crasso, dulci, nigro, potenti: sed eligat clarū, album, tenue, pauciferum, quod etiam parvè bibat: vel si assuetus fuerit ceruisiæ, illam eligat in potū, bene tamen confectam, quam etiam moderatè bibat: hic enim morbus maximè requirit temperantiam. Igitur cauebit à computationibus, interq; prandium & cœnā non bibat, nec aliquid comedat. Cibaria sint carnes iuvenes pullorum, hœdorum, vitulorum, auium campestrium, sicut sunt perdices, phasiani, aues parvæ, ova forbilia. Non vitupero è ferculis hordeum, far, si optimè cocta fuerint, non enim ita nocebunt, licet in hoc casu non sint prorsus nocuementi expertia, præcipuè far: poterit tamen ex ijs parvè vti, præcipuè addito croco: à reliquis ferculis abstineat. Pane vtetur madefacto in iure carniū cum petroselino, & modico cinnamomi. A piscibus omnino abstineat, & à cibarijs arte confectis coquorum, sicut à tortis, pastillis, ab omnibus lacticiinijs, leguminibus, oleribus, & carnibus antiquis, & omnibus cibis crassis & ferulilibus abstineat. Panem azymum vel malè coctum

non

non comedat, neque aliquod placentarū genus. Et hæc quantum ad victus rationem. Quantum verò ad medicinas, hoc primū obseruet, vt & vere & autumnno, quousq; perseueret hæc mala dispositio, euacuetur modo infra scripto. Primò,

℞. Foliorum cassiæ pond. 3 j s. hora
ante prandium: deinde

℞. Oxymellis squillitici
Syrupi de absinthio ana 3 j.
Decocti polypodij
Cetrach
Endiuia ana 3 iij.

Misce pro vno syrupo, & sic per dies septē. Deinde

℞. Confectionis hamech 3 iij.
Trochiscorum alhandal gr. ix.

Cum saccharo fiat bolus. Sumat in aurora cum custodia, die proximè sequenti vltimum syrupum, postea interquiescat per duos dies, & interim accipiat sacchari rosati 3 s. semper ante prandiū & cœnam per duas horas. Deinde sumat istos syropos:

℞. Myrobalan. Citrinorum
Indorum
Chebulorum
Belliricorum
Emblicorum ana 3 iij.

Contundant grosso modo, & fricetur manibus cum oleo amygdalarū dulciū, postea infundant per diem & noctē in lib. x. aquę fumi terre, postea decoquantur ad consumptionem tertię partis: deinde adde

℞. Ellebori nigri 3 iij.
Liquiritiæ
Polypodij ana 3 ij.
Sem. citri 3 j s.

Et bulliant donec remaneant lib. v. postea adde

Foliorum fenæ

Epithymi Cretensis ana \mathfrak{z} j s.Bulliant donec remaneant lib. iij. Vltimo colentur
& exprimantur, & seruetur decoctum.℞. Eiusdem decocti \mathfrak{z} vj.Syr. de infusione syr. rosarum \mathfrak{z} j s.

Detur manè. Sumat autem per dies sex cōtinuos h
syrupos numero sex: sed si nimium euacuaretur, su
mat alternis diebus, dein quiescat, vtens victus ra
tione præscripta. Erit autem tempus veris medium
& autumnus quoque, in quo euacuabitur. Inter hæ
tempora placet vt familiares habeat pilulas infra scri
ptas, quibus vtetur ter in mense, hora ante cœnam.

℞. Succu cetrach

Chamædryos

Polypodij recentis ana \mathfrak{z} j.

Exiccantur in vmbra secundum artem. Deinde

℞. Agarici electi

Rheubarbari electi

Aloës hepaticæ ana 3 iij.

Zinziberis

Cinnamomi

Garyophyllorum ana \mathfrak{z} j.

Salis gemmæ 3 j.

Misce, & cum melle rosato fiat magdaleon, de quo
fiât pilulæ quauis vice tres, pondere drachmę vnus
sumendę vt suprâ.

Consult. CVIII. Pro melancholia.



Vranda erit hæc Nobilissima mulier ab
affectib. quos melancholicos arbitror,
habita ratione etatis, qua est xxxv. an
norum, primò recta victus ratione, se
cundò missione sanguinis, tertiò alteratione & pur
gatio-

CONSULT. MEDICIN. 609

gatione humorum, quartò confortatione. Custodia-
tur ab omnibus animi molestijs, degatq; cum amicis
in omni hilaritate, quæ quantum fieri potest arte &
studio est cõparanda. Utatur vino albo, tenui & sub-
dulci, carnibus iuuenum animalium, hædorum, vitu-
lorum, pullorũ &c. Manè sumat singulis diebus oua
forbilia, neque utatur multitudine ciborum. Euitet
crapulas, cruditates, & potationes cuiuscũque gene-
ris. Aluum mollem conseruet, pro qua utatur, si na-
tura defecerit, flores cassiæ, vel decocto prunorum
dulcium cũ zuccharo, vel decocto maluæ ex iure pul-
li: nihil enim perniciosus in his affectibus quàm aluũ
habere strictam. procuret coctiones, neque cum cru-
ditate accedat ad cibum: cruditas enim melancho-
licis omnino vitanda. Circa Martij mensis medieta-
tem, lenita prius aluo vel cum clystere, vel drach. x.
cassiæ in bolũ cum zuccharo confectis, sequenti die
sanguinem mittet ex basilica dextri lateris pondere
℥. decem. Ac postero die idem sanguinis pondus re-
petatur, sed à sinistro latere, deinde utatur diebus se-
ptem hoc iure, quod sumat manè.

℞. Fol. Boraginis

Betonicæ

Buglossæ

ana ℥. ij

Radicum polypodij

Liquiritiæ rasæ

Radicum altheæ ana ℥. j. s. Decoquantur
omnia in lib. duabus iuris pullacei ad medium vsq;,
deinde facta expressione & colatura, bibat totũ resi-
duũ vna vice, & sic repetatur per dies septem. Octa-
uo die sumat bolum infra scriptum:

℞. Confectionis hamech 3 iiij.

Radicum ellebori nigri 3 s. Misceant cum
modico iulep violati, fiat bolus cum zuccharo, de-

Q9

tur manè cum custodia. Item

℞. Florum conseruæ boraginis ℥ vj.

Sacchari rosati ℥ ij.

Zedoariæ ℥ j. Misce, fiat electuarium, d quo sumat singulis diebus cochleare vnū tribus h ris ante prandium. Deinde illinatur totus venter i fra scripto linimento:

℞. Olei de absinthio ℥ iiij.

Mastichini ℥ iiij.

Ceræ parum.

Misce, fiat linimentum

Item abluat caput singulis septimanis bis, cum infr scripto decocto:

℞. Furfuris tritici lib. iiij.

Liquiritiæ ℥ iiij.


Polypodij ℥ ij.

Radicum ellebori nigri ℥ ij.

Agarici electi ℥ j.

Florum camomillæ ℥ ij. Bulliant omnia simul in sufficiēti quantitate aquæ ad medium vsq; factaq; expressione vtatur hoc decocto pro lixiuio, & tergat caput sapore odorato muscato, & hæc omnia explebūt ea quæ præmisimus. Quòd si optimum Mithridatum in mense sumat ad quantitatem drach. j. cum modico vini aromatici albi, quinque horis ante prandium, eò melius confortabitur.

Consult. CIX. pro patiente diminutionem in motu quarundam partium corporis.



Ymptomata. Patitur diminutionē circa actionē motus in brachio & crure, præsertim in sinistro: non tamen est omnino motus priuatio. Crus sinistrū rubet, feruet. Cerebrū integrū: odorat, videt, discurret, optimè memorat, imò quæ à septem paribus neruorū veniunt,

CONSULT. MEDICIN. 611

niūt, optimè habēt, licet à lingua parū sentiat malū. Est stupor potius cum imbecillitate sensus quàm motus: nec est resolutio, quia mouet, sed cum dolore & difficultate. Ergo si est resolutio, est debilis, quia quædam validissima. 3. de locis affect. vbi vitium in sensu & motu paralyſis dicit. Omnis actio sentiēdi & mouendi est à spiritibus: isti possunt impediri dupliciter, vel quia non possunt pertrāsire, sed intercipiunt: vel quia non possunt operari, q̄ membrū inueniunt non rectè dispositū. Est obstructio à natura, quæ replet principiū. Membra frigidiora facta seipsis, quod nocet motui. Frigiditas facit vt virtus in mēbra non transfundantur. Aqua vtatur cum cinnamomo vel zuccharo, passulis itē: victus sit tenuis. Agaricus, confectio hamech, rhabarbarū, scāmonea, Pil. aggregatiuæ, calamus aromaticus, garyophylli, acorū conditum, illi conueniūt. Vtatur quotidie myrobal. & chebulis conditis &c. In cordis palpitatione & syncope quaternis diebus ex haurienda potio.

℞. Liquiritiæ rasæ & incisæ	3 ij.
Radicum diptami	
Brusci	
Fœniculi	ana 3 ij.
Corticis capparum rad.	3 iij.
Rad. asari Ireos	ana 3 j.
Polypodij quercini	3 j.
Agarici trochiscati	3 ij.
Medullæ sem. cartami in petia ligati	3 j.
Sem. fœniculi	3 j.
Anisi	3 j.
Carui præparati	3 j.
Epithymi Cretensis	3 ij.
Hyssopi	
Centaureæ minoris	

Melissæ

Artemisæ ana pug. j.

Fol. Senæ Alex. sine stipitibus 3 iij.

Florum sambuci pug. j. Coquantur in tribus lib. aquæ fontis ad casum tertiæ partis. In colatura dissoluatur.

Syrupi de epithymo

Oxymellis simpl.

Syrupi de hyssopo ana 3 j. Fiat haustus.

℞. Sileris montani non obducti 3. s. detur in pyxide ad masticandum pro arbitrio,

Consult. CX. D. Vuolfgango de Vuerter, laboranti fastidio & cruditate uentriculi, cum catarrho leui.

℞. Piperis albi

Nigri

Longi

ana 3 j.

Zinziberis

Thymi

Anisi ana gr. vj. Cum zuccharo albo fiat cōfectio in rotulis, sumat mediā tribus horis ante prandium. Bene se habuit ad septimanas aliquot: tandem cū decumberet sentiretq; dolorem capitis, cum quadam difficultate spirationis, quæ ille iudicauit esse propter catarrhum, & consensum diaphragmatis cum ventriculo, pro ijs tollendis dedit:

℞. Mellis rosati 3 ij.

Hieræ picræ 3 iij. Misce pro clystere. Sed cum renueret vsum clysteris, scripsit pillulas istas:

℞. Hieræ simp. 3 ij. Cum melle rosato fiant pilulæ. Loco vini, huiusmodi iussit fieri potum:

℞. Aquæ cisternæ lib. iij.

Cinnamomi frustulatim fracti 3 s.

Pas-

Passularum mundatarum ʒ j. s.


Sacchari albi ʒ j. Bulliant ad consumptionem sextæ partis, & refrigeretur pro potu.

Consult. CXI. De pleuritico.



Aborabat pleuritide puer quinque plus minus annos natus, ad eum accersebatur Montanus & Frisimelica, quem nos sequebamur frequentes. Puerum offendimus lecto affixum. Pulsus eius erat magnus & intersectus: vrina tincta satis & cruda. Morbus autem erat in latere dextro, & descēdebat ad diaphragma. Causa morbi bilis, quod & color corporis, & alia accidentia arguebant. Suadebant igitur latus inungi oleo amygdalarū dulcium, & si hoc desit, recenti butyro. Præscribebant victum humidum, & panem lotum ex aqua. Potui verò dari volebant aquam in qua Enula bullisset. Atq; vt aluus subduceretur, clystere subdendum contendebāt, decoctum nimirum apij, fœniculi & petroselini, addito sale. Altero die cum redijsemus, offendimus auctam febrim, & respirationem multò difficiliorem. Sputum adhuc crudum erat, crassum scilicet & albicās. Accusabant igitur matris indiligentiā, & ne moreretur, verebātur.

Consult. CXII. Pro nobili, cui hepar inflammatum, & uentriculus ob id debilitatus erat.



Via nobilis à quibusdam rei medicæ imperitis persuasus, maluaticū nimiū haurisset, ac in vindemia vini nigri, vtpote fortioris, hoc cōsilio, vt imbecillitas ventriculi, quæ ex frigidityte ortum habebat, corrigeretur: cumque ad potum vini fortioris estas calidior

accessisset, inflammatum est hepar, cuius demum in
 temperatura multò maiore ventriculo imbecillita-
 tem conciliauit. Nam cum actiones hæ sint ventricu-
 li, appetere cibum, ingestum retinere & cōcoquere
 duæ eius partes sunt: superior, quæ nimirū appeti-
 ficior ac frigidior: inferior verò calidior & humi-
 dior. At verò caliditas nimia hepatis exiccat humi-
 dum, cum quo calor dissoluitur: nulla est concoctio
 nec appetentia cibi vlla, ob ventriculum calefactum
 nimis. Quid ex his prognosticandū? Corporis imbe-
 cillitas, quia ventriculus non concoquit, sed corrū-
 punt verius omnia, quare vomitus frequens: & qui
 obstructū hepar, atque etiam supercalefactum, nullū
 est in corpore sanguificatio. Calefactio hepatis &
 obstructio tollenda esset missione sanguinis, à quā
 abstinendū est propter virium imbecillitatē, ne ma-
 gis prosternātur. Quare diætā ventriculus corrob-
 randus, & ministrādi cibi pauci, & facilis coctionis
 Interdico illi vino omni, nisi austero. Decoctum en-
 diuix bibat, nā omnia cichoracea cōfortando vētri-
 culo apprimē sunt vtilia. Dico autem cichoracea, en-
 diuiā, sonchon, & si quæ sunt alia id genus: nam quia
 amara, ideo sunt calida: calefaciunt igitur & confor-
 tant, & leniter etiam refrigerant. Quare syrupum
 de cichorea cum rosato ordinaui. Confortato vētri-
 culo, totoque adeò corpore, accedam ad infrigida-
 tionem hepatis, quæ fiet per phlebotomiam basilicæ
 dextri lateris.

Consult. CXIII. contra dentium dolorem.

R. Resinē cedri, qua Dioscordes vtitur, ʒ s.
 Auicenna habet gummi iuniperinū, quo Italia caret.

Aceti quantum sufficit, & abluantur dentes.
 Si dolor ad aures pertingit,

R.

R. Olei rofati $\frac{3}{4}$ s.
 Ceparum incisarum man. j.

Vini dulcis quantum sufficit. Decoquantur instar pultis. Quòd si vehemētior fuerit dolor, addatur semen lini, & fiat emplastrū: auri imponatur. Præter diætā matutinā, & pilulis quoq; duabus cochis Θ j. dimidia hora ante cœnam vtatur. Quia verò dolor intensior erat, nec mitigari poterat vel percussiuus, vel laxantibus & extrahentibus, nedum tolli, applicari iussit illi duo cauteria, alterū in loco dolenti secundum aurem sinistram, alterum è regione. Primū verò chirurgus locū ab inunctionibus mūdabat & tondebat, deniq; nouacula fricabat. Cauterium hoc erat: nam cauteria sunt duplicia: aut enim est actuale, aut potentiale. & quemadmodū illud fit ferro ignito & incisione, ita hoc rebus terrestribus multū, ne vis citò exhalet, & multum exiccātibus. Potentionalia autem iterum bipartitò diuidūtur in *ἰσχαρωτινά* & vesicantia: horum vsus maximus in diuertendis fluxibus illorum qui in siccioribus locis, vnde materia dolorifica euacuari debet. Quia verò caput habet siccissimā cutem, nec carnis multū adest, applicari fecit potentiale cauteriū *ἰσχαρωτίνον*, ob materiam doloris exiccandam. Fuit autem hoc ex cinere aut ficuum, aut quercuum, aut sarmentorum fabarum, aut ex cinere alkali, id est, herbæ, quæ Empetron est Dioscoridi, vnde saponēs quoque & vitra fiunt: inde fit lixiuium, quod ad spissitudinem decoquitur, & exiccatur: additur deinde calx viua.

Multi decoquunt etiam lanarum pulueres,
 addito sale, quibus loco cauteriorum sæpe vtuntur.

Consult. CXIIII. Frisimelicæ & Montani, de catarrho, dolore capitis, pleuritide, & feбри.



VM primùm venissem (agitur iam quintus dies) ad Magnificā hanc, dominam dolebat ex capite, inueniebam eam febre: tussiebat, & nihil expuebat. Suspica-
bar illicò de pleuritide: sed quia còquerebatur se to-
to triduo beneficium ventris non habuisse, cassianā
extractam ob lenitionem alui exhibui, & vt bibere
aquā hordei cum zuccharo decoctam, vescereturq;
loto pane & ptisana, iussi. Locus doloris meo iussu
cum oleo amygdalino & liliaceo inunctus est. Cassia
bene operata est, & altero die multū egressit materie.
Tertio die minui sanguinē ex basilica dextri ad 3 x.
& locus interim inunctus est, neq; in diætā quicquam
mutatū. Quarto die, vt dolori capitis, qui quodam-
modo familiæ toti hæreditarius est, quòue annis re-
troactis sæpe laborauit, facerē medicinā, & lenirem
quadantenus pectus ipsum, dedi electuariū de peni-
dijs, cū syrupis de glycyrrhiza, & de farfara. Ipsa etiā
bibit syrupū acetosum simp. cum farfaræ decocto.
Heri veni & egressit ipsa copiosè, & cū ita egere-
bat, iterum rigor eam inuasit, qui seruat tertianæ fe-
bris periodū: superioribus diebus claræ vrinæ erāt,
iam verò crudissimæ, & prorsus iumentitiæ, vt in-
quit Hip. Accessit ad alia mala tinnitus auriū, quod
ante biduum senserat: pessimè dormiuit: lingua erat
aspera & sicca: non delirauerat: sed an essent vsquam
maculæ in posterioribus corporis partibus, iussi in-
quirere alias Dominas: nam febrē pestilentem indi-
cabant. Primitiūq; causæ fuerunt, cū longius iter fe-
cisset & incaluisset, domum reuersa vestes exuit, vt
totū corpus obrigeret: vnde obstructio secuta, quæ
pntre-

putredinis causa. Et quia catarrho frequenter laborat, descendit in pectus: unde inflammatio pleuritica. Hodie mane eclegma ordinaui quod vsurparet.

R. Oxyimellis simp.

Succi liquiritæ ana ℥. ij. Misce.

Et emplastrum, quo etiamnum utitur:

R. Maluarum

Florum camomillæ ana man. ij

Meliloti

Anethi

Violarum ana man. j.

Sem. lini

Fœnugræci ana ℥. ij. Decoquantur in aqua, & contundantur.

R. Olei amygdalarum dulcium

Liliorum alborum

Sesamini ana ℥. ij.

Pinguedinis gallinæ ℥. j.

Farinæ hordei

Fabarum quantum sufficit. Fiat emplastrum.

Cibus panis lotus fuit, & quia aliæ petebant pomum coctum cum zuccharo, concessi, ut pectus leniretur, & confortaretur cor. Neque enim veritus sum ut in bilē conuerteretur, quod fieri assolet, quia admixtū erat zuccharū, ut maior eius esset utilitas. His prædictis, ad alia examinanda, quæ quidem cognitu videantur necessaria, accedamus. Temperatura eius est calida & sicca, atque ita semper iudicaui: noui enim eam iam inde à pueris. Frequentissimè caput dolet, quòd hoc familiare est familiæ: pariter etiam ex ventriculo est ægra. Agere nunc eam credo annum x l. Patitur inflammationem pleuriticam, & quæ ad eam sequitur febrim. Materia mixta est à prædominio cholæræ & pituitæ, quod cognoui ex emis-

so sanguine: ostendit etiā exacta viuendi ratio. Cū
 enim pro arbitrato suo viueret, multū congescit
 cruditatū, cū ob alias causas, tum quod obitum
 mariti sui Clariss. Doctoris impatientissimē ferret.
 Laborauit ob easdē cruditates catarrho ferē perpe-
 tuō, & qui hoc laborat, facillē in pleuritidē incurrūt,
 & ita non tantū febris putrida subsecuta est, sed etiā
 pestilēs ob materiā putridā nimis. Pessimi humores
 collecti fuerūt antea, & ex ratione victus non bona,
 & naturali quadā dispositione. Accesserūt causæ pri-
 mitiue: corpus enim alioquin varijs affectionib. ob-
 noxiū, motu vehementiore calefactū, & post aëri fri-
 gidiori expositū, obriguit, ac cutis omni trāspiratio
 prohibita, ad obstructionē vapores plurimi cumula-
 ti, qui quia exhalare nō potuerūt, & calor extraneus
 accesserat, cōputruerūt, atq; sic facta est putredo, to-
 tiusq; adeo massæ sanguineæ ebullitio. Indicio sunt
 vrinæ perturbatæ, quæ mihi ostendūt perturbatioē
 sanguinis maximā: itē tinnitus auriū significat ebul-
 litionē humorū. Et etsi adesse pestilentē febrem satis
 constet, tamen maculæ nullæ apparēt, eò quod mate-
 ria ad cutim nō est trāsmissa. Prognosticon. Vereor
 ne decedat, propter pestilentē dispositionē. Nā cū
 alia symptomata sint vehemētia, naturā etiā pestilen-
 tem esse magis & magis curā auget: inflāmatio enim
 est ingens, & materia plurima. Sed nondū est despe-
 randū: nostrę operę ne parcamus. Cura: Febris & in-
 flāmatio pleuretica simul erunt curāda: sed quomo-
 do? Causam vtriusq; tollendo. Qua ratione? phlebo-
 tomia. Quocirca leniui etiā prius ventrē cassia, to-
 tum nanq; corpus fuit repletū: deinde secui venam.
 Quid? conuenit ne phlebotomia in pestilentia? Ego
 autē non vidi: sed enim quāuis vidissem, tamē vt ma-
 teria euacuaretur, stāte præsertim virtute, & naturā
 posset

posset dominari, secui venā. Materiā cōcoxi cum syrupo farfaræ & acetoso, qui in hoc casu plurimū valet: dein vt expueret facilius, pectus inunxi. Sed questio hīc esse posset, an Bolus armenus eclegmati immisceri poterit, qui mea sententia multū iuaret. Et si quis negat, propterea quòd astringat, respōdeo cum Gal. fac esse astringat, tamē pectus dilatat: & ego hic putredinē valde timeo. Cibus neq; adhuc panis lotus fuit: hodie parū pulli dedi. Quòd si quid mutandum fuerit, mea voluntate etiā poterit mutari: quam malim nos stare cum omnib. istis vsq; ad septimū. Postremò contra pestilentia scordij puluerē & decoctū laudare maximè. Syrupū etiā de liquiritia, & de farfara: vel cum saccharo viol. permiscebimus bolū armenū. atq; hæc mihi facienda vident. **MONTANVS.** Tendimus ad eundem scopū, Clariss. dñe Doctor, nam utriq; cura ea incūbit vt mulier hæc magnifica sanet. Considerabo igitur naturā morbi paulò diligentius, vt de instituēda curatione facilius concludi possit. Natura autē morbi ex symptomatis cognoscit, quæ in hoc casu sunt, difficultas respirationis, tussis, febris, dolor pungitius, quorum *συνδρομή* constituūt nobis pleuritidē. Deinde catarrho laborare eandem Dominam, non est cur alijs rationibus inquiramus: sensu enim percipit quòd etiam nū defluat: audimus enim in faucibus & aspera arteria sonitū. Nobiscū faciunt etiā alia signa, vt grauitas capitis, de qua conquerit, & auriū tinnitus. Laborauit insuper etiam catarrho, antequā in febrē incideret. Sunt igitur morbi huius Dominæ, pleuresis & catarrhus. At multū mecū dubitavi, febris ne inflātionis pleureticæ sit symptoma, vel morbus per se, atq; ab illa seiūctus: atq; certis quibusdā rationib. adducor vt statuā febrē esse morbū, & nō symptoma, quia

humores putrescant in venis. Ergo pleuritidem habet, & febrē, & catarrhū, morbos disiunctos: cum hi morbis vrina subiugalis ebullitionem humorum in venis indicat, quia magna putredo. Ergo hæc domina sic se habet nunc. Quod ad habitudinem corporis, est siccū & gracile corpus. Siccitas manifestè apparet cum caliditate, sed ille calor est debilitatus. Etiam habet stomachū imbecillem, & caput debilitatum à natiuitate. Est corpus inæquale, & illa in primo senio: & in australi & Boreali tēpore sumus, quæ conferūt catarrho, autore Hipp. Vnum notandū, diligenterq; exquirendum, qualis nam sit pleuritis, verane & syncera, vt quæ in pleura fit, an non syncera & notha. Vna coniectura hæc est, quæ arguit non veram esse, nec à subtili humore, quia nec dolor pungitius est, neq; tanta difficultas anhelitus: ipsa nanq; dicit sparsum esse dolorem. (lege Gal. 2. de locis aff.) Est igitur potius in locis sparsis, quàm in mēbranis, nempe musculis in pectore, quia mēbrana non ita facile recipiunt. Sputū præterea semper pituitosæ substantiæ, quia musculi pectoris inflāmantur potius intrinseci quàm extrinseci. Pulsus durus est quādo membrana inflāmat: verū hīc neq; pulsus ita durus est, ergo pleuritis hæc à materia crassiore est. Adest catarrhus perpetuus, fouens morbū perpetuum: tussis quoq;. Satis de catarrho & causis, quia ventriculus semper laborat post caput, ita causa materialis, & efficiens catarrhi. Verū febris accidēs inflāmationis & catarrhi, an veram causam habeat separatam? dico quòd vrina talis sequitur magnā in venis ebullitionem & putredinē. Hīc putredo & ebullitio, febris pestilens, quo ad causam proximam magna putredo, vt non tantum vapores putridi ascendāt, sed massa etiā sanguinis putrescat, sed nondum in corde, quia vbi

cor

cor corripuerit putredo, omnia destruuntur: sed dum in humoribus est putredo, potest curari, sed raro, & à peritis Medicis. De natura febris, catarrhi & pestis, satis sit dictum. Prognosticon. Iam primò omnium, quod ad catarrhū attinet, venit in mentē mihi Aphor. 11. Hipp. 11. sectionis: Branchi & catarrhi in valde senibus difficulter curantur. Et videtur in hanc regulā cadere Domina, ut ratione ætatis morbum difficilis curationis fore satis appareat. Quo ad pleuritidem, raro inflammationes in senibus contingunt: sin autem, ægrè curantur, & præsertim in hyeme. Pulsus tamen etiam est gracilis & tenuis, quod significat multos spiritus non adesse: quare non facile curabitur. Coctionis signa nondum apparent: etiam febris molesta & periculosa: & ista complicatio est pessima, & habet contrarias indicationes. Ista relaxantibus lenientibusque eget, febris pestilens exiccantibus: quin cura eius 111. Epid. exiccatio, quare cura difficilis. Catarrhus etiā utriusque dispositioni nocet, & auget difficultatē spirandi, & febrē: augent obstructions in vasis, & ubique: ideo ex istis rationibus morbus difficilis. CURA. Hic est catarrhus, pleuritis, & febris, quæ sunt separata secundum materiam: dico nullum esse istorum continendum, quia omnia habent rationem causæ. Ergo catarrhus principiò diuertendus, & dolor leniendus. Quidnam agendum? Respondeo ad id quod dubitabatur de phlebotomia in febre pestilentiali. An sit secanda? Et assero non secandā venam, idque autore Gal. 111. Meth. Non enim curamus putredinem nisi sanguinem feruimus, sed in peste maxima est putredo. Vnde dicemus, in principio febris pestilentis phlebotomare optimum, quia refrigeratur corpus: & phlebotomare dico optimum suo tempore. deinde de victu di-

cam. Sumus in quinta die, & indicat virtus, quæ vincet super materiam, quia copiosè egerit, & faciliter. Verum enim vero Hippo. de ratione vict. 1. 1. inquit. Vbi incipit coctio apparere, primis diebus debemus augere cibum, vt virtus possit augeri, & maior lenitio fiat sputi, & corroboretur sputum, quod victus commodus facit: sed vbi non signa coctionis adsunt, victus tenuis datur. Pulli ius primum darem: si tolerabit, & virtus fortior sit, darem contusum, vt virtus sustineatur, cui vel soli debemus attendere, sine qua nihil facimus. Pro concoctione, vt adiuuetur catarrhus, & materia inflammationis, vt conferrem cordi, ne putredo augeat, nihil scio melius ad incisionem humorum scilicet quàm syrupum de succo acetosi simplicis: in oxalide enim virtus incidendi, refrigerandi & corroborandi inest. Et licet Hippo. 1. de ratione victus ab astringentibus & acidis cauendum putat, præterquàm oxymelle: sed ibi est aciditas sine astringentione, quod & Gal. docuit, idq; multò magis si saccharum admisceatur. Post aqua farfare, id est, tussilaginis cõfert ad tussim. Atq; his pro digestiuis vterer. Pro peste, an Bolus armenus cõueniat, quærit. Si haberemus Gal. bolum, quem tantopere prædicat ob exiccationem sine astringentione, nihil habere prius, præsertim cum ille feliciter dederit eundem asthmaticis. Sed noster ille (quem rubricam Synopicam esse inter doctos iam cõuenit) exiccat cum astringentione: quare ne periculosus error committatur, abstinendum censeo. Ego dicam vnum obseruatu dignum in hoc casu. Quia exiccare volumus pestem & catarrhum, & præparare, vtemur cornu cerui vsti, loco boli armeni, idq; exhibebimus cum zuccharo, vel in iure pulli: nam corroborat cor, & catarrhum exiccat, vt si quid aliud. Malim vti vnicornu, si esset eius nobis copia: non enim
inueniri

CONSULT. MEDICIN. 623

inueniri nego, sed in minori copia, & maiori precio, pro quo interea cornu cerui vtemur, quod istius æquiualens est. Nō obfuerit etiā subinde vti seminib. acetosis, autore Gale. (quæ astringere aiebat Frisimelica, sed negabat Montanus.) Proderit etiam scordium refractū, cum zuccharo rosato. Placet & cornu cerui, vel in Iulep, vel in succo acetoso: fiat ecle-gma, & teneat sub lingua zuccharum candi quoq;. Quod attinet ad potū, à vino abstineat, bibat aquam hordei cum saccharo, sed prorsus nō frigidā. Empla-stro porrò vtatur, eius enim felix est vsus, quia facilè tolerat. reliqua etiam omnia à Clariss. Domino Do-ctore ordinata, seruetis. In acutis morbis est occasio præceps, quare oportet Medicum prudentem esse, quia in horas quæ non sperabantur, contingere so-lent, quæ varietatem postulant, & quotidie leniatur venter. Domina in sexto die est mortua.

Ordinata cuiusdam suffusione laboranti. CXV.

℞. Saponis Damasceni lib. j.

Garyophyllorum

Macis

Cinnamomi ana 3 j. s.

Iridis 3 ij.

Storacis calamitæ 3 j.

Ambra

Musci ana gr. iij.

Agarici electi 3 ij.

Puluerizanda puluerizent, & reformatur sæpe in for-ma pilularū secundū artē. Vtatur in lotionē capitis.

℞. Floris cassiæ 3 xij.

Cum saccharo fiat bolus. Item

℞. Eufasiæ

Betonicæ

Saluiæ Maioranæ

Endiuia

Rosarum rubearum ana man. ij.

Bulliant in lib. i x. aquæ ad consumptionem tertiam
partis, deinde facta expressione & colatura, syrapi-
zetur cum saccharo albo, & aromatizetur cum i
gr. musci, & totidem gr. ambræ. Postea

℞. Huius syrapi ℥ ij.

Aquæ betonicæ ℥ iiij.

Misce pro vno, & sic pro alijs septem vel nouem. Sy-
rupis finitis, sumat sequens medicamentum:

℞. Confectionis hamech ℥ iiij.

Syrupi rosati solutiui ℥ ij.

Cum aqua betonicæ fiat potio. Sumat præterea
interdum de hoc electuario:

℞. Nucis muscatæ

Macis

Cinnamomi ana ℥ j.

Garyophyllorum ℥ ij.

Sem. anisi ℥ iiij.

Thymi ℥ j.

Sacchari ros. omphac. ex ros. rubris ℥ vj.

Musci

Ambræ ana gr. ij.

Cum modico Iulep, fiat mixtura. Postremò vtatur
maximè collyrio prius descripto. Vel

℞. Fœnugræci ℥ ij.

Rad. althææ minutim incisarum num. vj.

Mudent optimè ab omni sorde, deinde coquantur
simul in sufficiēti quātitate aquæ purissimæ ad con-
sumptionem secundarū partium, postea colentur &
exprimantur. Deinde

℞. Aloës opt. puluerizata ℥ j.

Bulliant simul sine fumo, ad spissitudinem mellis, &
seruetur

seruetur in vase vitreo bene obturato.

Consult. CXVI. De melancholico Iudæo, inter clarissimos Doctores, Petrum Nauarram, Frisimelicam, & Baptistam Montanum. D. Nauarra cœpit.



Si vestra præsentia, Clarissimi Doctores, & casus qui offert, difficillimus, multa requirere videntur, tamen ne tempore abuti videar, seriè rerũ ordine & breuiter recitabo, vt facilius iudicare possitis, quæ medicamina in posterum applicanda: neque dissimulabo quid vsq; adhuc egerim. Sextus agitur dies, cùm venerit extra rationem: loquitur nihil, & toruè omnes intuetur. Ante hoc tempus, quod sciam, virum illum non noui, nihilominus tamen breui hac consuetudine & astantium relatu, primo loco quæ mea sit de complexione hominis sententia, expediã. Sentio eum calidum esse & siccum à prædominio bilis, & sub dominio sanguinis: status etiam corporis indicat, est enim gracilis, color niger, & vigiliæ, & promptitudo ad omnes actiones, pronus fertur ad iram, optimi ingenij vir & discursus. Aestimat ad hæc cõplexio totius ex principalibus, cerebro nimirum, hepate & corde. Præsuppono ista omnia, ne si omnia persequar, tædio vos afficiam, & accedo ad dispositiones non naturales, & accidentia, quæ magis curã medici ad se trahũt. Dixerũt astantes, quòd semper fuerit extra rationem. Ante hunc diem occupatus fuit maximis occupationibus, timebat multũ, & irascebatur leuibis de causis, exercuit maxima negotia, longa cõfecit itinera, sub diu multũ fuit, exposuit se calori & frigori. Cùm redijt in Italiam, in hæc mala incidit: aderant hæc accidentia, vidi stupidum, oculi impotentis motus erant, irato vultu iracundus,

R r

verberare voluit astantes, seipsum ex lecto voluta-
uit : loqui voluit, vt ego credo quadam imaginatio-
ne. Tangebamus brachium contractum, quippe no-
lebat se exponere tangenti: pòst dimittebat se tangi
& membrũ offendimus flexibile satis. In hoc autem
obseruandum venit, variari symptomata pro diuer-
sitate horarum. manè loqui voluit, circa vespas lo-
quebat incòpositè, postea in prima hora noctis dete-
rius se habebat : similiter cùm erat in tali dispositio-
ne, comedere nolebat : succedente deinde tempore
diuersa & alia inuadebant symptomata, vt in medi-
die còpos erat mentis, pòst impos. Heri pulsus ad-
huc fuit cum bona mensura, tardior quàm frequen-
tior: vidimus talem mutationem, vt vix tangeremus
pulsus cum subtractione. Beneficium ventris ali-
quot diebus habere non potuit, nec vi enematis. In
principio, vt referunt illi qui adfuerant, in quodam
oppidulo missus est sanguis, notabili vt audio quan-
titate. Alij referunt missum ad vncias sex. Quid præ-
terea egerit ille, referre non possum: quæ mea fuerit
sententia exponã. Sensi autẽ autoribus Hipp. & Gal.
I I I. de locis affectis, esse melancholicum, quia time-
bat, aderat perturbatio mentis, leui de causã irasce-
batur. Febri autem liberatum mirabar, & Doctores
sine hac esse nolunt, sæpe tamen sequitur. Melancho-
liæ plures esse possunt causæ, quæ quidem omnes in
hoc viro valde sunt potentes. Primò extrinsecæ:
quia sollicitus, timidus, & habuit sæua animi acci-
dentia. Hęc verò quomodo causant melancholiam,
clarum, quia impediẽt concoctionẽ, & membra prin-
cipalia debilitant. Huc accessit etiam victus ratio,
quia melancholia multiplicat, vt si quis vescatur pa-
stilijs, carnibus salitis, aubus, autore Gal. I I I. de in-
teriorib. Similiter & alia causã mali, quia notabiles
oppi-

oppilationesprehendunt, & nūc magis quān ante, quia vrinē minus tinctē, fēces cholerice etiā sine tinctura, & in splene maximē, quē obstructio potens est causa ad generationē melancholiæ, & quando fit retētio humoris seu euacuationis debitæ. Splen em̄ affectus, melancholiā non euacuat. Hepar igit̄ inimicum sibi succū retinet, qui vnā cum sanguine sursum deorsum fertur, ac vitiat simul totū corpus. Vnde habemus in hoc omnes causas generationis melancholiæ Stantib. autē his causis, sēua sunt symptomata secuta. Sed videndum prius, an humor melancholicus in capite per essentiam sit, an per cōsensum ex toto. Mea quidē sentētia est, illā multiplicationē esse principaliter in cerebro, atq; insuper eō ex alijs per cōsensum deriuari. Nam cū obstructus sit lien, & afficiat hepar, mittūtur inde humores in caput. Quomodo causent cōsimilia symptomata docet Gal. in III. de loc. aff. exemplo suffusionis, quæ est ex crasso humore obstruēte opticos neruos: sic melācholia crassa terrestris cū ad cerebrū perferit̄, infert rationis perturbationē, idq; per cōsensum, & per essentiā: ea enim membrorū omniū est colligantia. De causis & qualitate accidentium nolo plura adijcere. Ex materia vnde multiplicata melancholia symptomata proueniūt, & diuersa qualitate humorum, in præsens est febris, à qua in biduo non est liberatus: & febris continua propter materiæ terrestitatem, & quia intra venas: & vrinæ magis tinctæ & rubec. Ad tactum modò sentitur non tam caliditas quān frigiditas. Prognosticon. Humor iste qui morbum facit, difficilis est solutionis, & curæ longioris. An salubris? Meo quidem iudicio timendū est: videmus enim materiā motam, adesse sēua symptomata, & naturā prostratam. Heri sine pulsu erat, frigida externa. Hucusque

Rr 2

quid factū sit narrabo, vt facilius sit iudiciū. Cū viderem instantiam vigiliarum, quæ potui feci omnia. Euacuare non potui, quia impos mentis. vt eger etiā cibum assumeret, vsus sum alterantibus vsque, cum cordialibus & substātificè humectantibus. Nam nescius non sum, autore Galeno, in talibus dispositionibus principalem curam esse in humectantibus. Dedi digestiū, syrupū de pomis, de buglossō, de succo rosato. Curam habui cordis, quare electuarium cum syrupo dedi, & pilulis cordialib. Imposui quoque epithemata & sacculos cordiales. Necesse enim est in huiusmodi ægreditudinibus permutare. Ad inducendum somnū iussi vt papauere in omnib. cibis vteretur: inunctiones circa tēpora factę, & oxyrhodinū administratū. Et quia propinare nihil potui, tentauit ratione diuersionis & euacuationis vt hæmorrhoides fluere per sanguisugas, quæ copiose non eduxerunt, surgere enim non potuit. Quomodo porrò faciendum, ambigo: quia virtute deficiente non valet curatio. In sex rebus non naturalibus antè peccatum est, non solū in quali, sed in quanto etiā. Nūc verò quia mentis compos, ventrem subducere vnā cum euacuatione melancholiæ. Et si autē multa sunt huic intentioni appropriata, non tamen inter cætera prætermitterem decoctionē cum epithymo, fero, & cordialibus, & addere cordialia, vt est parum hammech sine diagridio, quemadmodum hīc præparare consueuerunt (valde conueniens est) aut diacatholicon in pauca quantitate, & imposerem aut de manna aliquid, aut de rheubarbaro, propter obstructiones. A principio morbi in hunc vsque diem non habuit euacuationem per medicinā. Postea probarem continuā administrationē alterantiū. Iulep longum facerem, & electuarium. Quid sentiam de balneis,
roget

roget quis. Credo humectatiuū conuenire, autore Gale. quia humectat, diuertit, & inducit somnum.

FRISIMELICA. Casus adeò difficilis nobis proponitur, vt parum spei sit reliquum: & quia expositus est ab excellenti Doctore, non necesse habeo pluribus eum retexere. Iste vir redijt superioribus diebus ex Polonia, defunctus varijs laboribus: affectus est animi perturbationibus, tandem in Italia insaniuit Citadellę: id enim oppido est nomen. Missus illi est sanguis, post quem magis insaniuit. Deinde vt huc venit cōmissus est excellēti Doctori, cuius cura sanguis per hēmorrhoidas est euacuatus. Accersitus & ego proximo sabbato, quasi cōtractū vidi: pulsus nullus erat: vigilauerat duos dies, vt dormiret iussi, quare ex populeone fieret inūctio, atq; pro virtute ciuaria ordinaui. heri pulsus bonus & magnus: clystere iniectū, nam ventris beneficia nulla. Cholericę feces erāt. Superioribus diebus vrinam nullam emisit: pulsus paruus & contractus iterum. Vt autē vrinam prouocaremus, in unximus locū oleo amygdalino, & chamæmelino, & emisit vrinam quæ rubicunda erat, ostendens icteritiam. Deinde fomenta ex althęa alijsq; facta, vt deijceret: & vt intestina cōfortarentur, rosę siccæ impositæ. hac nocte male dormiuit. Quid igitur? Complexio calida & sicca. Supposita hac, credo melancholiam cum mania. Præter hæc videtis, quòd patiatur dissolutionem virtutis ac caloris. Factum est ex dissolutione caloris, & ipsis humoribus adustis, vt sit complexio calida & sicca: confecit enim longum iter, quod calefacit, præter incommoda hospitiorum. Calor dissoluit, & frigora exiccant. Corpus itaque exiccatū, & humores sunt adusti. Huc accedunt & passionēs animi, quæ præter cætera exiccāt corpus. vnde illud: Tristis spiritus exic

cat ossa. In Italia peruenit ad melancholiam cum mania, & per essentiam & per consensum caput exiccatum est, & cerebrum patitur principaliter: spiritus syluestres sunt & mali, vnde in hoc rixandi studium. Humores nanq; adusti si sunt cum sanguine, ridendi melancholici: si verò cum cholera, rixant. Adeò ingens est in hoc adustio & exiccatio, vt morbo habuerit vsq; adhuc taciturnitatē cōiunctam. Probaturn alijs quoque signis: oculi concaui, excarnatissima facies, adsunt vigilię, quę siccitatem cerebri arguunt. Pulsus ipse frequentissimus & durus: vnde liquido constat, exiccatum adeò ipsum corpus. Heri pulsus bonus, propter naturę pugnam vehementem. Credo autem propter missionem sanguinis, corpus magis exiccatum, vnde propter resolutionem virtutis humores ipsi mali, ita vt nec virtus nec spiritus restitui possint. Hinc sequuntur inconcoctiones. Urina talis ex obstructione aut multitudine cholærę, atq; hoc ex fecibus superiorũ dierum. Prognosticon Male spero: morituum credo, quia tanta exiccatio, & corporis est attenuatio, vt restaurari nequeat. Accedunt huc ingentes obstructiones, quę nisi abstergentibus curari nequeunt. Illa verò omnia calida & sicca: & si hæc curabimus, malum augebimus. Quid igitur agendũ? an exiccationi & obstructioni attendendum? Exiccationi certè magis, idq; humectantibus. Humectant autem autore Gal. somnus, cibus, & balneũ. Balneũ in præsentia non auderẽ suadere, ne virtus amplius dissoluatur, quod fit in balneo aquę tepidæ, in qua ipse expiraret: quare somno & cibo insisterem. Cibus esto ouum forbile. Vinum exiccat: dare in quidem, sed parum. Conciliatur somnus populeone, oleo violaceo, & foverem caput infrigidantibus. Victus, aqua carnis cum ouo. Vinum cum aqua

liqua dilutum, potens, non aquosum. Virtute recuperata curabimus melancholiā: antè non auderè evacuationem moliri. MONTANVS: Quoniam conuenimus huc curaturi immorigerū virū, morbi sunt cognoscendi, antequàm curationem instituamus.

Obseruamus autem plures operationes læsas, à quibus ad morbos transimus, quas primo loco considerabimus, & symptomata. Operationes autē læsæ & symptomata quæ? Primū, si rectè considero, nullum reperio genus operationū, quod nō intensissimè lædatur. Animalis actio est læsa, passus est enim melancholiā, & corruptionē discursus: & non solūm læsa, sed variè diminuta, corrupta & ablata. Deinde vitalis ita læsa est, vt vix percipi possit. Pulsus verò nullus, qui motus est actio vitalis caloris. Virtutes naturales omnes affectæ. Primò appetitiua non appetit: concoctrix ita læsa, vt corruptè agat: adest multitudo fæcū, & D. Frisimelica corruptas vidit. Virtus igitur nihil secundū naturam. Vrinæ neq; substantiam, neq; colorem, neq; hypostasim laudabilem habent: color enim rufus ad nigredinem tendit, & inficit pannum. Hoc tempore neque per secessum, neq; per urinam egerit quicquā. Quod si ita est, nihil dubij relinquitur, virtutē naturalem esse valde læsam.

Ita virtutes tam multipliciter læsæ, varia symptomata efficiunt, propter quæ sumus vocati. Sed quoniam à symptomate nulla sumitur indicatio, nisi causæ rationem habeat, causæ læsarum operationū inquirendæ. Si considero operationes quæ possunt inducere læsionem operationum, externæ conuenirent, & internæ item, quæ concurrerent ad symptomata generanda. Externæ quidem, vt longum iter, calor in capite & frigus, quæ in itinere pertulit: labores præter rationē sumpti: vsus deinde est cibarijs &

Rt 4

aromatibus multis, vt mos fert Poloniae, vbi vno die plus aromatum infumitur, quàm hic anno integro. Bibit vina potentia, & alijs rebus vsus est siccantibus & calefacientibus. Quantum verò ad causas exteriores, exiccatum est corpus & cerebrum, vnde deinde secuta est generatio vaporum, qui in capite effertur: vnde alteratio mentis, & materiae quae suffocant calorem, & minuunt virtutem. Intrinsicca concurrunt vt corpus facilius recipiat alterationes. Corpus enim siccum est, id quod constat ex toto habitu, colore & accidentibus animi. calidum etiam credo, quia multarum operationum. Stantibus his, causae exteriores fuerunt potentiores: vbi calor in capite adauctus, attractae sunt materiae: quare frigidum & siccum caput quod quidem fieri potest. Quantum ad alienationem, crediderim concurrisse omnes causas exteriores, vt solem ardentem, frigus, iter, & siccitatem cerebri. Accesserunt symptomata in cerebro, impressa siccitas, remota calida intemperie, spiritus reddit tenebrosiores: vnde essentialis laesio cerebri, & multiplicata materia ratione collectionis, & laesa ratio propter ascendentes vapores. In ventriculo materiae corruptae, propter multa incommoda in hospitij, equitatione, & animi perturbationibus, & complexione. Ex ignea caliditate hepatis generantur humores biliosi, vt videre est apud Galenum, de hypochondriaca melancholia. Plurimi flatus generantur propter caliditatem hepatis, & cruditatem ventriculi, neque etiam contrarijs iuuari possunt. Propter temperaturam & causas exteriores materiae corruptae putrescunt, vnde humores innominati. 111. de animal. facul. in fine. Eleuati humores biliosi subfrigidi, vnde variae species melancholiae. Ita habemus melancholiam non solum per essentiam, sed etiam per consensum, cuius signum vri

subtilis, nō permixta: & tunc insaniebat maximè
 am talis esset vrina, quia ostendebat materiam ad
 aput esse eleuatam, iuxta Hippocr. I I I I. Aphor.
 x x I I. Quibus vrinæ albæ & perspicuæ, malum,
 ræsertim si in delirantibus appareant. Et subleua-
 us nūc est vapor, quia vrinæ tinctę sunt: dein etiam
 rgumento sunt, plurimorum corruptorum exeun-
 ia: neq; ea tantūm, sed etiā tumor ventris, & vtriuf-
 ue hypochondrij, ijq; cum dolore.

*Consult. CXVII. De uarijs symptomatibus,
 destillatione, podagra, tremore
 splenis, alijsq;.*



Ostquā clarissimus Doctor omnia ita
 exquisitè in hoc casu cōsiderauit, & tam
 diligēter curauit, vt vix mihi dicendum
 aliquid reliquerit, ego vt loco meo satis
 faciam, dicam pauca quædam, si quidem & in morbi
 essentia, & in curatione cōueniam cum Excellentia
 sua. Obseruaui igitur ex relatis, duodecim esse sym-
 ptomata, quibus partim consuevit affici vir iste, par-
 tim nunc afficitur: & quatuor sunt ea, quæ consue-
 uerunt hunc hominē molestare, quę sunt causę isto-
 rum symptomatum, quibus nunc molestatur. Nam
 in tempore pueritię passus est fluxum sanguinis na-
 rium copiosissimè quidem & frequentissimè. Post
 quem subsecutus est fluxus hæmorrhoidum, in qui-
 bus emanabat plurima sanguinis copia. Nūc autem
 easdem quoque patitur, sed non cum fluxu sangui-
 nis, sed cum dolore tamen & tensione & grauitate.
 Tertiò passus est dolorem nephriticū maximum, cui
 medici quamplurimis remedijs occurrerunt. Quar-
 tò dolorem arthriticum, ita vt nullus articulorū sit,
 qui non infestetur dolore. Et ista sunt quæ cōsuevit

Rr 5

pati, quæ etiam sunt causa eorū quæ nunc patitur, & sunt octo. Primò percipit dolorē quendam propter materiā à nucha per medullam spinalem ad inferiores partes descendentem, quæ quidem materia actu calida est, à loco vnde incipit, vsq; ad locū quō pertingit, id est, à capite vsq; ad pedes, & alias partes ad quas defluit huiusmodi materia. Secundò ista materia deuenit etiā ad fauces, & gustu salsa est. Tertiò patitur inflammationē insignē in summitate nariū cum rubedine, ex qua emanat materia quædam virulenta, quæ videt̃ esse pus quoddā: quæ materia calida admodum est & feruēs. Post exitū verò istius materiæ, exit sanguis, cuius exitu subleuat̃ ab ea. Quartò habet tumore splenis satis apparentē tactui. Quintò ardorē vrinæ, vt non possit liberè exire, & tenuissimè exit, ita vt plurimū temporis absumat in mingendo, nec exitus vrinæ satisfacit virtuti expulsiuæ. Sexto, in vrina sunt arenulæ rubæ, quæ subsidunt in fundo. Septimò dolores patitur podagricos, & quandoque etiam chiragricos, & quoddam stillicidium aquæ frigidissimæ. Octauo consuevit pati, maximè tempore æstatis, ingentem dolorem capitis. Vltimò imbecillitatem ventriculī maximam habet, addit se vix posse alimenta conficere. Scio Domini, vos admirari quomodo in isto corpore possint tot esse præter naturam: siquidem videtur nullum membrum principale illæsum habere, & vnum ex illis symptomatis videtur alteri aduersari. Sed si cognoueritis temperaturā istius, mores & exercitia, faciliè cognoscetis omnia ista tum ex temperatura ipsius naturali, tum ex viuendi ratione orta fuisse. Incipiamus à temperatura membrorum principalium, & primò à temperatura naturali cerebri, quod quidem calidissimum est, vt licet videre ex multitudine operationū, non dico

ico ex optimo discursu, quia bonitas ingenij non à
 aliditate cerebri prouenit, sed potius à temperata
 rigiditate. Sed bene multitudo operationum cere-
 ri à caliditate prouenit. Iste perpetuò cogitat &
 meditatur. Præterea indicat nobis calidum cerebrũ
 liud, scilicet quòd non potest in hyeme operimen-
 um aliquod capitis ferre: & si apponatur aliquod,
 tatim inflamat, & sic semper à calido læditur, ma-
 timè in æstate. Color etiam faciei hoc indicat. Qui
 habent in facie rubedinẽ plurimã, & in oculis venas
 apparentes, illi habet temperaturã cerebri calidam:
 ideo ex istis iudico cerebrũ illius esse calidum & fic-
 cum. Quòd autem hepar & renes calidos habeat, pa-
 ret ex colore faciei, ex venarum amplitudine, & ni-
 hil calidi potest pati, nec hepar nec renes, sed maxi-
 mè frigidis iuuantur. Quòd etiam cor habeat cali-
 dum, argumento est, quia est plurimorum negotio-
 rum: fuit miles animosus & audax: isti mores sequũ-
 tur temperaturam cordis. Quòd renes sint calidi, in-
 dicatur ex arenulis illis rubeis, & ardore vrinẽ, & sic
 habet cerebrum, hepar, cor, renes calidos. Aliud mo-
 dò est symptoma illis oppositum, scilicet ventricu-
 lus frigidus, quod indicat, quia non bene concoquit
 cibos: minimum sitis: cùm habeat tot membra cali-
 da, & catarrhum maximè calidum, deberet multũ
 sitire: parum appetit, & est profundissimi somni: &
 hoc non nisi à frigiditate ventriculi prouenire po-
 test, in quo generatur plurima pituita, à qua eleuan-
 tur vapores frigidi ad caput, & sic causant somnum,
 licet temperatura cerebri potius super vigilijs in-
 dicet, quàm vt somnum admittat, quia est calida.
 Cùm igitur habeat ista membra taliter præparata,
 & tales mores, & huiusmodi exercitium, in quo ni-
 hil facit secundum rationem, sed cùm sit mercator,

exponit se aëri frigido, & patitur frigus pedum, & multa incōmoda in itineribus tum terra, tum mari, & equitat cū non debeat, & edit horis incongruis, & dormit quando potest. Ex hoc igitur vitę genere non est mirandum, cū talia membra principalia haberit, si in tot symptomata inciderit: nam scitis quod dixerit Gale. 11. de loc. aff. cap. de dolore capitis quod ubi hepar & totus venarū ambitus calida sunt corpora illa repletioni parata esse: & ratio est, quia ubi hepar & venę sunt calida, habet sanguinē feruentem, ex quo eleuantur vapores: & sic cū cor sit calidum, & arteriæ, in quibus spiritus est feruens, transmittuntur plurimi vapores ad caput, & faciūt ipsum redundare plurimis excrementis, & cū accesserit ad hoc frigiditas ventriculi, eleuātur vapores pituitosi, & replent caput. accedit etiā mala victus ratio. Et sic in hoc sunt omnes causę, quę repletionem capitis faciunt. His ita stantibus, dum adolescens fuit, subiectus erat illis fluxionibus, tum propter temperaturam, tum propter victus rationem, quia expurgabant ipsum, & sic sanus degebat: sed non sunt viginti anni, ex quo sanguis ille destitit, & tunc immutatio subsecuta, nephritis scilicet, id est, dolor renū: quo curato, in dolorem articulorum omnium incidit, & in podagram, & tunc habebat fluxum hæmorrhoidum, ille tamē non sufficiebat, sed iam sunt quatuor anni ex quo suppressę sunt hæmorrhoides. Nūc autem tantam grauitatem, dolorem & inflammationem sentit: & ita à duabus cōsuetis euacuationibus destitutus fuit, scilicet à fluore sanguinis narium & hæmorrhoidum, & perseuerant eadem causę aggregantes superfluitates, & inde sunt hæc omnia symptomata, quia annū iam agit x l v. & est in principio senectutis, & iam calor naturalis incipit diminui, cū

um sit destitutus à proprijs euacuationibus. Vi-
 endum est an sit vna causa omnium istorum sym-
 tomatum. Et dico quòd primum est caput, quod
 rimogeniò est affectum. Et notate, quòd differt di-
 ere aliquod membrum esse primogeniò affectum,
 & esse affectum per essentiam. Nam membrum di-
 citur primogeniò affectum, cum læsio primò appa-
 et in eo, & prius egrotat ipsum, quàm alia. Per essen-
 tiam verò dicimus membrum esse affectum, propter
 apores ascendentes ad ipsum, quia in ipso læsio pri-
 mò videtur, postea verò læsum per essentiam. Gale.
 11. Aphor. xii. Destillatio capiti dupliciter, pro-
 priè, & impropriè. Propriè destillatio quæ ad fauces
 & pectus descendit, dicitur catarrhus, & sic ille nul-
 lum catarrhum patitur, quia nullam læsionem habet
 in pectore, nec tussim, nec anhelitus difficultatè, de
 quo etiam mirandum est. Intellego autè catarrhum
 impropriè, pro fluxione à superioribus partibus ad
 inferiora: & ab isto proueniunt omnia symptomata:
 & ista à capite per varias vias descendit, quia est ma-
 xima copia materiæ: primò per viam cômune ad fau-
 ces & ventriculū peruenit. Non autè descendit per
 asperā arteriā (quod cur fiat, aliàs dicam) sed per ve-
 nas, arterias, neruos, & sic per omnia vasa, & per spon-
 dylos: & refert q̃ percipit humorē calidum à nucha
 per spondylos vsq; ad pedes peruenire, & per viam
 cômune ad fauces, & sentit falsedinem. Et quoti-
 die bis excernit, & hoc est ratione catarrhi, quia alio-
 qui deberet huic esse aluus strictissima: sed catar-
 rhus descendens lubricat & debilitat contentiuam,
 & ad ventriculum etiam deuenit, cuius signum est,
 quòd leui sreatu expuit. Quòd etiam eadem mate-
 ria per venas & neruos descendit, apparet ex tumo-
 re illo podagrico, & ex tumore splenis. Et non suffi-

ciunt istæ etiam viæ, ex quibus nunc à capite ad alias
partes solet defluere, quia materia est multa, idcirco
sentit repletionem capitis. Hæc cum ita se habeant
primò videndum quæ sit materia defluens, quia scimus
istâ defluere. Ista est calida & subtilis. Quòd
calida patet, quia ex gustu salsedinem percipit, &
caliditatem etiam in defluxu, & inflammationem in
ribus: & quod exit, est calidum. tum etiam propter
materiam descendantem ad renes, quia in vrina ap-
parent arenulæ rubæ, vt Epidemiorum part. 11
côm. v. & vi. vbi docet ex colore arenularum co-
gnosce, quæ sit materia peccans. Sunt autem are-
nulæ rubæ in isto, ergo materia calida. Sed cur e-
quòd materia ista descendant per nervos, & nō faciat
contractionem, spasmus & conuulsionem? Dicunt
quòd hoc non fit, quia non firmatur in nervis, sed
quia expulsiua virtus fortis est, ideo expellit ad iun-
cturas, & capita musculorū, vbi prouocat dolorem
mordicando, propter qualitatem suam malam, & pro-
pter intemperiem quam causat, & facto dolore, at-
trahitur noua materia, quia vt bene dicebat Gale-
nus 11. de differentijs febrium, & in tumoribus pro-
pter naturam, membrum potest dupliciter debilitari
vel quia priuatur proprio & innato calore, vel quia
habet caliditatem præter naturam. Sed in iuncturis
est vtrunque: primò sunt debiles ob priuationem
proprij caloris: hoc autem cōtingit propter materiam
quæ ad eas partes præcipitata fuit, quæ multis de cau-
sis ad illas partes magis quàm ad alias confluxit: tum
etiam quia adest dolor: & vbi dolent, incipiūt tume-
scere, & tunc sequitur inflàmatio, & apparet tumor
quidam nitēs, & color eius est ruber tendens ad pur-
pureum, quod indicat multum sanguinis crassioris
ad illas partes per venas descendere, & facere inflam-

ma-

ationem, & sic talis podagra est calida, quæ est semper cum inflammatione. Quantum ad alui exitum, ad uices, & ad ventriculum, quod percipit tum ex gustu, quia apparet falsedo, tum quia pessimè cōcoquit, & percipit materiā ad ventriculum præcipitari, & per nas capitis parum materiæ ad nares tendit, & facit inflammationem: quæ quia tumet & rubet, ideo est materia sanguinea: & cum materia sit feruens, leuo facit vesicas in naribus, post quas exit aqua purulenta, & ultimò sanguis ater. A quo modo cauetur tumor splenis? Dico quòd iste habet hepar calidissimū, ideo redundat plurimo sanguine fæculento & crasso: & qui tales sunt, dicit Aristoteles, in paedemac mastica ætate, melancholici fiunt, & humoribus melancholicis redundant. Cum igitur iste sic habeat hepar calidum & siccū, ideo redundat plurimo sanguine crasso & melancholico. Quòd ita sit, patet ex fluxu hæmorrhoidum, quæ etiam nunc intumescunt, licet natura propter imbecillitatem expulsiuæ non possit sese exonerare, & propter materiæ crassitiem: ideo ille sanguis ad splenē defluit, & cum plurimus sit & fæculentus, non potest cōfici ab ipso, & ideo superfluitatib. plenus reddit, & intumescit, ut dicit Galenus. Quòd ubi intumescit splē, corpus marcescit, quia tunc redundant humores crassi maliq;. Et sic dico, quòd splen intumescit magis propter multitudinem alimentī mali & crassi, quàm ex catarrho à capite defluente. Et dicit Hipp. vi. Epid. cō. ii. Aph. iiii. qui subiecti sunt catarrho, nō incidūt in tumore splenis. Et Auicenna cap. de catarrho, idem dicit de splene, qui videtur contrariari Galeno, quia Galenus affert tres causas, & primam refutat Auicenna: primam accipit tanquā Galeni, & ipsum impugnat, sed ipse Galenus eam refutat, & adfert alias Auicenna,

quas etiam habet Gal. & dicit, quòd causa cur catarrhosi nò fiant splenetici, est, quia patientes catarrhi sunt frigidi, & plurimis cruditatibus abundant, non fæce sanguinis: & cùm non abundant fæce sanguinis propter frigiditatem, ideo splen ipsorù non potest intumescere. Sed Galenus recitat tres causas, & primam quæ Sabini fuit, refutat, quòd qui patiuntur in vno membro, non possunt in alio affici. Hoc non est bonum. Secunda ratio, quæ mihi videtur cum priori eadem esse, quòd natura scilicet non possit excrementa sua transmittere ad tot diuersa loca: sed cùm fuerit aliquod membrum debile, ad illud omne superfluù depellit. Tertia, quam approbat Galenus, & Auic. etiam accipit, est cùm dicebat, quod qui catarrhosi sunt, frigidi essent, & tales non abundarèt fæce sanguinis. Sed cur est quòd ille simul de stillatione & tumorem splenis patitur? Dico id fieri propter caliditatem membrorum inferiorum: & eadem causa quæ facit destillationem pro parte, facit tumorem splenis, quia generat plurimù sanguinem crassum & fæculentum, ex quo repletur splen. Primus igitur est catarrhus salsus, qui fit propter vapores liuosos, ab hepate & ambitu totius eleuatos ad caput, & cùm ipsum calidum reperiât, magis ibi excoquantur. Vrina acrior, in qua arenulæ rubæ: hoc fit tumore propter materiam descendantē ad illas partes, tumore propter aciditatem & acrimoniã. Vrinæ impedimentum & suppressio fit, quia materiæ catarrhales colicolum vesicæ & meatus obstruunt, & ita stricta subtili exit vrina. Et hæ sunt causæ multiplicantes symptomata. Sed quòdnam iudicium facis de hoc homine quia video, quòd si ista fluxio non fieret, caderet vel in apoplexiam, vel in pessimos morbos. Dico, quòd stante ventriculi frigiditate, quæ est cùm propeer catarrhus

tar


arrhum descendente, tum propter caliditatem hepatis, absumentem pinguedinem omenti, tum denique propter pessimam victus ratione: stante etiam caliditate hepatis & cerebri, cōcedo quòd casus sit difficillimus, tamen minoranda est materia medicamentis, & recta victus ratio præscribenda: credo quòd si non sanabitur ex toto, in meliorē tamen statum redigetur. Ideo si possemus refrigerare mandātia membra, ne tam calida essent, illi multum prodesset, & maximē continuis alimentis, quibus remoueremus causas, ne materię de nouo generarent. Cura igitur ad hoc redigatur, vt causę harum fluxionū corrigantur. Et licet cerebrū mandet, tamen inferiora etiam ad ipsum mandant, scilicet, hepar, ventriculus, & ambitus totius venarum. Ideo debemus incipere à causis proximis, quod fiet prohibendo, ne materia noua generetur: quia si remoueatur materia nō generata, & prohibeatur ne noua amplius generetur, remouebitur etiam fluxio. Cū igitur plurima adsit materia generata in hoc corpore, & cacochymia, ideo euacuanda materia. Et notate, quòd exquisitē antequam ē domo proficisceret, euacuatus est, & postea propter agitationem maris plurimum euomuit: nihilominus aliququaliter euacuarem, & prepararem materias, & rursus euacuarem vel ter vel quater, vt ita exquisitissimē corpore euacuato, alterarem membra, & sic prohiberem ne noua materia amplius generaret. At cū tria genera euacuationis ab Excellentia vestra sint proposita, videlicet missio sanguinis, cauteria, & euacuantia pharmaca, ego laudarem missionem sanguinis, quia caliditas membrorum inferiorum, est causa omnium istorum symptomatum: & sic euacuaremus simul, & refrigeraremus hepar, facta prius lenitione alui cum floribus cassiæ, quia

semper omnem lenitionē alui volo vt præcedat aliqua lenitio per clysterē cōmunē qui est ex flore cassiæ &c. qui euacuat à vētriculo crassos humores, feruidos & adustos, sine aliqua attractione. quin etiam do minoratiua cum scammonēatis aliquanto fortioribus. Quicquid dicant alij, nunquam ad digestiua descendam : quia si prius digestiua exhibemus ante aliquam minorationem materiæ, humores crudi per venas transeunt, atque eas obstruunt, & sic augēt putredinem, vel eam si non adsit, efficiunt. Ideo à basilica dextri lateris mitterem sanguinē. Syrupi essent de endiuia, de rosīs. Intermitterem syrupū de papauere simplicē, quia volumus preparare materias, non fistere. Præterea adderem oxymel (quod licet in ægritudinibus vituperetur, tamen video Hippocratem exhibere in pleuritide: & tertio *ναλὰ γίνν*, vbi neruus in profundo est vulneratus, iubet cum medicamenti misceri acetum, vt virtus medicamenti vi ipsius aceti perducatur ad locum, & in transitu annihiletur virtus aceti, maximè quando permixtum est cum melle. Et licet in isto abundant humores biliosi, illi tamen sunt permixti cum pituita : cuius signum præbet salsus humor, qui vel propter adustionem pituitæ, vel vt Auicenna voluit, ob permixtionem bilis cum pituita prouenit) cum aqua endiuie, buglossæ, vel decoctio eorum, aut alijs huiusmodi. Quo ad euacuationem, euacuarem etiam cum cochijs in principio, vt Galenus §. Methodi etiam euacuat cum istis, & Rhazes ab eo accepit, & cochias appellauit. Ibi nanq; curat Galenus catarrhū cum istis in principio : & sunt optimæ in euacuanda materia crassa, pituitosa, existēte in iuncturis, quia à longinquo trahūt: & cum pilulis de hermodactylis, & alijs in quibus agaricum & colocynthis ingrediuntur,
quia

quia in hermodactylis est vis trahendi à iuncturis, unde inflant venas: ideo primæ, scilicet cochix, magis placerent. Euacuato corpore deuenirem ad corroborationem membrorum, & ratione podagræ diuersionem facerem. Credo quòd si posset à vino abstinere, cùm tanta caliditas sit in inferioribus membris, quòd præstantissimum hoc esset remedium, licet habeat ventriculum imbecilliolem: fortassè si remouebitur catarrhus, & contemperabitur hepar, melius concoquet: & sic pro potu darem aquam correctam cum zuccharo, vel cum modico cinnamomi & anisorû: & quia etiam Galenus dicit, quòd vinû potens noceat neruis: sed patientibus podagram, vinum prohibetur, non quòd fortè tantùm à potentia noceat, sed etiam alia de causa. Galenus tertio de ratione victus, loquens de vino, ne trahat, inquit, materias fluxioni paratas per vasa: & ideo aquosum & subtile nocet, quia aperit & præparat humorem vt fluat ad iuncturas. Ideo vetamus vinum podagricis, quia timemus nimiam apertionem, & humorum subtiliationem. Sed aqua magis refrigeraret quàm vinum, & non ita attenuaret. Et Auicenna proponit aquam mulsam, abstergit enim, & per vias vrinæ purgat: sed aqua cum saccharo & modico piperis, noceret spleni: dico, quòd quando splen esset tumefactus ex ventositate vel frigiditate, quòd noceret: sed intumuit propter caliditatem, ideo proderit potus. Sed cur est quòd aqua chalybeata exhibetur splenetico indurato propter feruorē sanguinis? hoc fit, quia refrigerat hepar, quod vbi est refrigeratum, minus generat de fæce sanguinis. Hinc falsò existimant qui putant ex inflammatione hypochondriorum intumescere splenem. Quòd si vinum voluerit, illud sit delicatissimum, quantum possibile est.

Quod ad cauteria, in capite neque actualia, neq; potentialia facerem, quia vitium non est cerebri, sed membrorum inferiorum, quæ mandant ad ipsum. Si esset catarrhus ex imbecillitate tantum cerebri, quod non posset concoquere proprium alimentum, forte convenirent: sed quia tota materia ab inferioribus membris ad ipsum eleuatur, ut non possit concoquere, nec diffilare, nec reprimere tot vapores, & quia calidum est cerebrum, non exhibere cauteria, sed cum pulueribus frigidis & humidis, quales essent ex flore nenupharis, violarum, rosarum: quia rosæ propter tenuitatem suæ substantiæ, faciunt ut talia penetraret, & sunt frigida etiam, & sic vapores reprimerentur, & contemperarent temperaturam cerebri. Quod autem cauteria non facere ad talos, in causa est multitudo ibi neruorum, chordarum ac ligamentorum, sed potius intra genu: & plurimos noui taliter curatos, exhibitis prius opportunis remedijs. Nec mihi displiceat, ut assumeret aquas thermarum Veronensium, quas Calderianas vocant, quia conferrent spleni, & refrigerarent membra inferiora, hepar, renes, & ventriculum corroborarent sua astrictione. Ideo si aliquæ aquæ conferunt, credo quod istæ conferrent. Deinde in conseruatione vellem ut denuo isto remedio vteretur, acciperet maximam aquæ quantitatem, & in ipsa myrobalanos, flores senæ, epithymum decoqueret, in quo decocto infunderent rosæ multoties, & in hac infusione pro vna lib. 1111. vel v. drachmas rheubarbari apponeret, & facta infusione exprimeret, & faceret syrupum, qui optimè euacuaret materias crassas & calidas omnes, & refrigeraret hepar, & acciperet vel semel quolibet septimana vel ter in mense 3 quatuor pro vice. Nam ex myrobolanis habemus confortationem iuneturarum, & ex rheubarbaro confortationem hepatis.

Consult. CXVIII. De scabie, tinnitu aurium, hæmorrhoidibus.




Accidentia sunt cōsideranda. Primò scabies, quæ habet pustulas magnas, sæpe aquositatē cum dolore, & mordacitatem emanantem: habet & maculas nigras circa pectus, quæ depilāt & persistūt semper: habet etiā tinnitum aurium, qui perseverat, noctu præcipuè, & dolores maxillarū, etiā hæmorrhoides copiosæ: sanguis est copiosus, & post sanguinem aqua exit, quæ mordicat & calida est, causat eundem dolorē in crure: febrem quoque, vt nunc, habet. Materiæ & causæ symptomatum inueniendæ, vt curemus. Sed oportet prius scire temperaturam naturalem, vt sciamus qualitatem lapsus & medicamenta. Procedam per conclusiones. Temperatura calida, & hepar calidum. Color magnū argumentū temperaturæ, nisi sit aliquod accidens, vt in sole versatus. Sed vera temperatura colligi debet ex actionibus & excrementis. Cætera accidentia postea testimoniū & fidem perhibēt illis, sed non sunt tam certa. Actiones secundū naturam quales erant nescio: nam æger ad nos venit, venæ tamen amplæ. Pili & muscoli calidam temperaturam ab initio fuisse significant. Nec curo aliorum temperaturam, vt cerebri, quia nec illud, nec alia membra curabo, non enim ibi est affectus: ex cacochoymia omnia dependent, quæ quidem est ab humoribus in ventriculo & iecore genitis. Hepar est calidū & siccum intense redditum ex operationibus: eos enim qui hepar calidum & siccum habent perpetuò, destitui bonis actionibus in ventriculo necesse est, quia caliditas adurit, & hepar amplectitur ventriculum, & cū calidum est, consumit sua caliditate omenti pin-

guedinem, quæ adhæret membris à frigiditate, ne permittit generare adipem omēti, cuius vſus eſt, v calorē in ventre conſeruet: ideo ibi vulnerati mal cōcoquūt. Etiā voracitas facit vt hepar ante tempu cibū attrahat. Inde fiūt circa venas meſeraicas craſ ſorū humorū obſtructiones, deinde in vētriculo ge neraſ pituita, & ita vna cauſa alteram iuuat. His ſtat tibus, cognita hepatis & ventriculi temperatura, ra tione hepatis calidi multū bilis & ſecis ſanguinis ge neratur, quod eſt natūrale. Ad hæc acceſſerūt exerci tia importuna, & labores: eſt venator, pedes ambu lat, nūquā quieuit, ſemper magnis laborib. deditus, coiuuit, ingeſſit cibos quoscūq;, & vina potentia bi bit. Incidit in aliam calamitatē. Sunt x i i. anni cūm coiret cū ſcorto, incidit in puſtulas, dixit Medicus paſſus morbum Gallicū, dedit linimentū ex argento viuo: per os ſpuit, & membra neruoſa parata ad flu xiones reddidit. quæ inde incōmoda ſequunt? Auic. dicit argentū viuū inducere ſtuporē, paralyſin &c. & tota ſua forma naturæ humanæ cōtrariari. Hęc igitur omnia acceſſerunt: primò temperatura hepatis à natura fuit calida: ſecundò victus, exercitatio & con ſuetudo anxia: tertio, argentū viuū omnia membra debilitauit. Scabies eſt ex fluxione, non ex cōtagio, in illo viro, omniaq; accidētia præter febrem, tinni tus, grauitas capitis, hæmorrhoids &c. ſecūdo de diff. febriū. Cūm eſt fluxio, videndū quod ſit membrum mandans, quod recipiens, viæ per quas, & quæ mate ria fluens. Hæc eſt regula. Cutis igitur membrū reci piens eſt & occaſio, quia debilis, & accidens ei adue nit nouū ratione cutis, trahit &c. Contagium quod cuti intemperie & putredinē affert, cuius ratione tra hit ad ſe humores, qui parāt fluxionē. Vbi igitur ab ſtergitur putredo illa, non ſit attractio vltcrius. 2. de dif.

differ. feb. In hoc viro non est causa membrum reci-
 piens, sed interior causa est membrum mandans, quod
 ipsum recipit aliunde. Ideo & hæmorrhoides ha-
 bet, quia venæ illæ recipiunt humorem alium defluen-
 tem. Oportet igitur esse membrum mandans. Sic tin-
 gitus aurium fluor est. Necesse igitur est aliquam esse
 materiam, cum omnia symptomata ad fluxionem sunt
 educta. Scabies propria cutis, quæ recipit membrum
 mandans musculi: & reliquæ partes interiores quæ
 lebent nutriri, mittunt nutrimentum suum, quo nutri-
 ri debet, ad cutim, quia alimentum non est bonum, ideo
 quod fundameta, hepar & chylus non sunt secundum
 naturam, unde malum generari sanguinem necesse sit. Mu-
 sculi igitur trahunt dulciorem partem, & quod reliquum est
 mittunt ad cutim. Porro is humor in substantia vel te-
 nuis est, vel crassus, vel falsus, vel acris, aut mordax,
 & semper diuersa facit. Humor falsus diuersificat in
 substantia, facit scabiem cum pruritu. Si est pruritus
 tenuis, natura facile euaporat: si est materia crassa, ex
 scalpura non euaporat, sed facit pustulas, & ibi pu-
 trefcit. hæc vera causa scabiei. Materia subtilior pru-
 ritum generat, crassa scabiem: hoc voluit Auic. Materia
 igitur huius scabiei est humor falsus, qui transmittitur ad
 manus & crura, quia maior copia materię: & exit cum
 dolore aqua, quia humor calidus soluit continuum & al-
 terat. Concurrunt igitur duę causę, quę sunt causa do-
 loris secundum Gal. licet alij male dicunt unam esse. tinni-
 tus in cerebro, & grauitas capitis, ex materia fluenti
 nascitur. 3. de loc. aff. cap. de dolore capitis. Qui habet
 calidum hepar, & totum ambitum venarum calidum, subiecti
 sunt repletioni capitis: & si accessit cruditas per viam
 communem, repletur caput, & ita fit non tantum ob hepar,
 sed etiam ob ventriculum, sicut hic concurrunt hęc duo,
 non tamen ob naturam hepatis, sed ob victum etiam malum

facientē crudum ventriculum. An caput calidum sit non habet instructionē: potest tamen esse calidum & causam habere, quòd facilè ascendāt vapores, quòd postea mouentur in aure, & faciunt tinnitum.

Consult. CXIX. Ad melancholiam hypochondriacam.



Q̄seruata victus ratione, vellem quòd in anno bis, vere scilicet & autumno, se purgaret. Vere mitteret sanguinem à vena basilica cubiti sinistri. In intermedijs verò temporibus acciperet ter aut quater in mense infra scriptas pilulas:

℞. Epithymi Cretensis 3 vj.

Agarici electi 3 iiij.

Corticis ellebori nigri 3 iiij.

Specierum hieræ simp. 3 iiij. Cum melle rosato fiat magdaleon, de quo singulis vicibus 3 j. accipiat, & formētur pilulæ tres cum melle rosato, & eo vespere quo assumet pilulas has, accipiet scutellam vnam panis loti, seu panatellæ, & aut nihil, aut parum admodum bibat, accipiatque sæpissimè per horam ante prandium Cōseruæ florum borag. atque buglossæ parum. Ante syrupū sumere poterit elect. lenitiui 3 x. cum zuccharo, fiat bolus. Pro syrupis:

℞. Syrupi de fumo terræ 3 j.

De buglosso

De pomis

ana 3 s.

Aquæ boraginis

3 iiij. Misce.

Pro purgatione:

℞. Confect. hamech 3 iiij.

Syrupi ros. solut. 3 iiij.

Cum aqua betonicæ fiat potus.

Post medicinam:

℞.

℞. Sacchari rosati ʒ ij.
 Conferuæ florum boraginis ʒ ij.
 Buglossæ ʒ ij. Misce, fiat electuarium.

PILVLÆ PRO MELANCHOLICO.

℞. Epithymi Cretensis ʒ j.
 Aloës optimæ ʒ s.
 Garyophyllorum
 Nucis muscatæ ana ʒ ij.
 Corticum ellebori nigri ʒ vj. Cum syru-
 po de corticibus citri fiat magdaleon, de quo fiant
 pilulæ, pro singula drachma tres: fumantur ante cœ-
 nam per horam, bis in septimana.

PRO QUARTANARIO PURGATIO.

℞. Florum boraginis, buglossæ, ana ʒ iij.
 Radicum ellebori nigri ʒ v.
 Polypodij ʒ s.
 Fol. senæ
 Epithymi ana ʒ s.
 Radicum boraginis
 Buglossæ
 Capillorum Veneris ana ʒ iij. Bulliant
 in sufficienti quantitate aquæ ad cōsumptionem ter-
 tiæ partis, colentur & exprimantur, colaturæ postea
 addantur,
 Succi fumi terræ
 Boraginis, buglossæ ana ʒ j. s.
 Succi pomorum ʒ iiij.
 Zucchari albi ʒ xv. Fiat syrupus, su-
 mat per quinque dies.

Consult. CXX. De scabie.



Rat puer laborās febre putrida & hydro-
 pe, cuius cutis aspera erat, qui habebat
 dispositionē ad scabiem, de qua Monta-
 nus hoc dedit consilium. Scabies est de

Ss 5

genere fluxionum, & semper deducenda est ad fluxiones: sed in qualibet fluxione quatuor sunt consideranda, scilicet membrum mandans, membrum recipiens, materia quæ transmittitur, & viæ per quas. Ad quam partem hic transmittitur? ad totam cutim, quæ recipit, propterea quia imbecillior est à propria natura. Semper enim videbis ad cutim fieri crisin in fine ægritudinis, cum scabie, pustulis, sudore, in adulescentibus, & non rarò etiã in alijs. Est præter hæc debilitatus admodum, quia perpeffus magnũ frigus, & aquas, vt penè exhaustus sit calor, nec possit concoquere alimentũ propemodũ, nec expellere excrementa. Propter paupertatem & ingluviẽ cibos multos ingessit & varios, nec boni succi, nec nutritivi cõmodi: vnde in venis & hepate materia multa. Viæ quoq; latæ sunt, quia cholericus: habet latas venas, & poros amplos. Scabies, rigor, sudor, lepra, pruritus simplex, siccus, sub cute ab eadẽ materia nascuntur. Ita omnes fluxiones sunt, sed tantũ secundũ diuersum modũ substantiæ & virtutis expellentis variat. Si materia tenuis, & pori aperti, nullũ fit symptoma, quia materia exhalat: si verò materia crassior, virtus non fortis, & cutis resistit, fit rigor. Est etiam rigor sine febre interdum, vt Gal. lib. 2. de diff. febriũ, & lib. de rigore, ostendit. Si materia crassior, virtus fortis, & viæ latiores, peruenit ad cutim, ac ibi contrahitur, & pustulas generat: estq; materia pituitosa, aliquando salsa. Est ægritudo in compositione, quia cutis asperior est quàm esse deberet. Gal. 2. de causis mor. Morbus est quãdo impedit operationes: quãdo verò non impedit, est symptoma. In hoc puero sunt pustulæ, nec est simplex pruritus, sicut vbi materia tenuis est. Extinctione cessat pruritus, quia dilatatis poris

oris euaporat: hinc cutis aspera est, & facit desquamations, quia materia multa quidē, sed tenuis est, & apud antiquos propriè lepra dicitur. Nam apud medicos hodie lepra longè alia est, quàm quæ apud antiquos elephantiasis dicitur, & desquamat ferè vsq; ad ossa. In hoc puero est ex humore falso, pituitoso, ducto. Si ex melancholia, faceret elephantiasin, & veram lepram. Auicenna dicit falsedinem ex duabus causis provenire, vel cum bilis cum pituita miscetur, vel quando aduritur materia pituitosa. Prima causa habet difficultatem, quia nunquam ex tali mixture facietis falsedinem, rem scilicet amaram cum insipida miscendo. Nam falsedo etiam differt ab amaritudine, unde non scio qua experientia ductus hoc dixerit. In secunda causa verum dixit: quia ubi calor adurens occupat materiam terrestrem & crassam, & eam exurit, falsam facit. Sic etiam falsedo matris, ob adustas partes terreas, mistas cum humore aqueo, vt Theophilus ait de saporibus. Salsedo in terrestri substantia fundatur, sicut & amaritudo: habent enim eandem causam materialem, materiam scilicet crassam & adustam, & efficientem, vtrunque à calore adurente, nisi quia amara sunt magis adusta, ita etiam, vt si quæ salsa vltius adurantur, fiunt amara, sicut nitrum est salis genus excoctum. Cura à materia rei. Primò ponamus corpus esse purgatum. est falsedo, & est fluxio, que quandoque sola euacuatione curabitur, vt materia cum nō sit iam amplius, mundetur: unde etiam dicit Galenus, sæpius se fluxiones sola euacuatione curasse. Abstineat à rebus falsis, acetosis, carne bouina, vino crasso, potenti, & omni re calida & adurente: vtatur vino subtili & tenui. Si adhuc medicamentis indigeat, vtendum

abstergentibus, exiccantibus: quia si illa quæ adhe-
rent, abstergantur, corpus reddetur æquale. Asper-
cum abstergentibus curantur: sic cōueniunt omni-
acida, vt succus limonū, acetosa, oxylapathum, &c

Consult. CXXI. De scabie humida cum pruritu.

Rx. Floris cassiæ 3 x. Cum zuccharo fiat bolus,
sumat hora ante prandium. Item

Rx. Succi boraginis, fumi terræ

Cichoreæ ana 3 iij. Purificentur & ser-
uentur pro tribus vicibus. Sumatur ergo tertia pars
huius syrupi, & feri caprini 3 vij. Misce, & suma-
tur in aurora loco syrupi per 14. aut quindecim dies,
prout magis conferet. Item

Rx. Rheubarbari electi 3 ij.

Macis 3 j. Incidantur & aspergantur vino
aromatico, postea infundantur in aqua lactis capri-
ni per horas vigintiquatuor. Facta diligenti expres-
sione & colatura,

Rx. Confect. hamech 3 iij.

Syrupi ros. solut. 3 ij. Misce, fiat potio
danda in aurora, cum custodia. Item,

Rx. Sacchari rosati 3 vj. Utatur ante cibum ma-
nè & serò, & sumat 3 s. singulis vicibus. Post assum-
ptionem medicamenti, post duos præcedentes syru-
pos, mittatur sanguis à vena hepatis dextri lateris,
& extrahantur circa 3 viij. Item peractis his omni-
bus ingrediatur balneum aquæ dulcis, & primò su-
det, & fricetur, deinde lauetur: postea in secundo lo-
co balnei mittatur sanguis per cucurbitulas, appli-
cando eas tibijs, brachijs, spatulis & natibus, postea
illinantur manus & totū corpus linimēto sequenti.

Rx. Therebinthinæ lotæ 3 iij.

Olei rosati

Buty-

CONSULT. MEDICIN. 653

Butyri recentis ana $\frac{3}{4}$ ij.
 Storacis calamitæ $\frac{3}{4}$ j.
 Succī limonum quantum pondus est omnium.
 Salis nitri $\frac{3}{4}$ s.
 Salis communis $\frac{3}{4}$ ij.

lisce omnia simul, & bulliant in olla noua ebullitio
 vna, deinde remoueatur ab igne, & vbi tepuerit,
 lde vitellos ouorum recentium numero iij. cōmi-
 e omnia simul ad formam emplastri, & vtere. Ante
 argationem nullas lotiones aut vnctiones faciet: si
 amen omnino lauare vellet, faceret id cum deco-
 o althææ, maluæ &c. & inungeret manus cum suc-
 o arantiorum medij saporis. Pedes tumescebant, la-
 it ex rosis, althæa, camomilla, saluia, maiorana, pule-
 io, in vino & aqua coctis.

Pro scabie post purgationem:

℞. Radicum ellebori nigri $\frac{3}{4}$ vj.
 Lapathij acuti man. x.
 Radicis ellebori albi $\frac{3}{4}$ ij.
 Limonum cum radicibus suis in frustra inciso-
 rum numero xv.
 Therebinthæ $\frac{3}{4}$ iiij.
 Salis nitri $\frac{3}{4}$ ij.

Contundatur omnia simul, & fermententur per dies
 quatuor in vase mundo & bene cooperto, ne transpi-
 ret, sepelianturq; in fimo equino: post fermentatio-
 nem quatuor dierum extrahatur primò aqua, dein-
 de oleum: vtrunq; optimè scabiem remouet, & cu-
 tem ab omni labe mundabit.

*Vnguentum ad lepram datum, seu scabiem ortam,
 ex uitio uirtutis assimilatiuæ, purgato
 antea toto corpore. CXXII.*

℞. Radicum lapathij $\frac{3}{4}$ iiij.

Radicum ellebori nigri & albi ana ℥ ij.

Hordei fracti pug. iij.

Bulliant omnia in suff. quant. aquæ ros. ad consumptionem duarum partium, deinde facta diligenti expressione & colatura,

℞. Salis nitri ℥ iiij. Olei rosati

Butyri recentis ana ℥ ij.


Bulliant omnia simul ad consumptionem aquæ, deinde

℞. Succilimonum ℥ iij.

Terebinthæ ℥ ij.

Misce omnia simul, & cum refrigerari incipit, addito vitellos ouorum recentium num. iij. & serua: inungatur scabies, scalpta prius.

Consult. CXXIII. Pro tremore manus.



Robabile est hominem ab ineunte ætate nudandis nummis occupatum, vehementissimo motu, & magno malleorum pondere, brachia ita exercuisse & calefecisse, ut plurimo alimento indigerent, quod etiam commodissimè attraherent per vasa abundanti calore dilatata, tum optimè conficeret, ob bonum habitum, & caloris redundantiam: sed ubi postea à consuetis laboribus desijt, consuetum quidem alimentum ad brachia deriuasse, sed otio ac desidiam effectum, ut sublata pristina diffatione & excrementorum expulsiōe, calor naturalis paulatim suffocaretur, temperatura brachiorum frigidior redderetur, excrementa colligerentur, meatus constiparentur: unde imbecillitate in iisdem brachijs parata, præterquam quod proprium alimentum non rectè conficeretur, etiam aliunde defluuium pateretur, sicut perpetuò comparatum est, à fortioribus ad imbecilliora defluuium fieri. Ergo & totum corpus languidius, segnius, obesus effectum, & brachia præ-

ē frigiditate acquisita, & humorū cruditate, in tre-
orē insignem incidisse. Curatio esset, vt quamma-
mē corpus exerceret in aëre temperato, frictioni-
is lōgis & assiduis, & balneis vteret, parcissimē vi-
ret, à vino quā maximē posset, abstineret, sed deco-
um saluiæ, cinnamomi, & garyophyllorum, addi-
zuccharo, potaret. A cibis crassis, frigidis, humi-
s, glutinosis prorsus abstineret, comestationes po-
tionesq; tanquam pestem euitaret. Singulis septi-
anis pilulis vteretur in hunc modum confectis.

Rx. Agarici electi	3 vj.
Colocynthis	3 ij.
Aloës hepaticæ	3 j.
Garyophyllorum	
Muscata	ana 3 j.
Salis gemmæ	3 iij.

um oxymelite simpl. fiat magdaleon, ex quo fiant
lulæ iij. singulis vicibus pondere 3. j. sumendæ in
rora. Post aliquot purgationes, brachia assiduē la-
entur oleo quod ex benzoī ab vnguentarijs confi-
tur. Cinnamomo optimē condito cum zuccharo,
te & post cibum assiduē vescatur.

onsult. CXXIIII. Pro quodā iuvene, qui post lon-
gam quartanā patiebatur magnā splenis duritiem;

Rx. Fol. senæ	Epithymi	
Polypodij		ana 3 ij.
Myrobalanorum chebulorum		3 j.
Aloës optimæ		3 iij.
Corticis rad. Capparum		3 j. s.
Myrrhæ		3 ij.
Croci		3 j.

uluerizētur omnia per se, deinde misceant, ac cum
rupō de Epithymo fiat magdaleon, de quo fiant

pilulæ: pro singula vice tres sumat 3. j. hoc ante co-
nam semel in septimana. Ordinatus victus ratione
tur, & si vult, potest inungere locum lienis oleo
capparibus: sunt enim obstructions, vt ex toti
corporis colore apparet. Hic adueniente vere, qu
his vsus non erat, & inordinate vixerat, in febrem
cidit. Montanus cassiæ 3 x. cum 3 ij. specierum h
re exhibuit: pro syrupis postea serum lactis caprin
cum succis fumi terræ, boraginis, cichorij ana 3
Post secundum syrupum sanguinē misit: vltimò m
dicinam dedit ex confectiōe hamech, & syrupo
fato solutiuo. Pro aperiendis deinde obstructio
bus syrupum ex succo chamædryos & agrimoni
cum infusione corticis mediani fraxini 3 s. Cetrac
3 vj. Infundantur in sero lactis, & modico aceti, b
bat mane, ex sero lactis Caprini ad cyathum vnus
Chamædryn & agrimoniā addidit, quia ex malo r
gimine in obstructionem alterius lateris inciderat

Pro splene ordinavit hoc vnguentum.

Rx. Bdellij

Ammoniacy ana 3 iiij.

Dissolue in aceto squillitico: deinde adde

Oleum amygdalarum amararum

Axungie porcine ana 3 j. s.

Agarici optimi puluerizati 3 vj.


Corticum rad. Capparum 3 v.

Corticum ellebori nigri 3 ij.

Cum modico ceræ fiat linimentū, pro splene. Si pin
guia pauca sunt, duplicentur.

*Consult. CXXV. de Gallo quodam labo-
rante quartana triplici.*

Nescio



Escio adhuc quomodo laboret, quare faciam ut docet Auicenna, subtiliabo regimen, donec morbus appareat. Primò rationem victus præscribā. Sumpsit heri e-
ctuarij lenitiui drachmas duodecim, cum saccharo boli forma. In fine accessionum habuit magnam
rim: quare laudo talem potionem.

℞. Syrupi acetosæ multæ acetositatis ʒ. iij.
Vini granatorum ʒ. j.

Aquæ boraginis lib. j. Misce, & vtatur pro
ti, & bibat cyathū vnum in fine paroxysmi, dum si-
t. Pro syrupo, quia obstructions habet, ut ferè sem-
er videbitis in febricitatibus, cum occurretis post
igesimū diem ægritudinis, hypochondria tangētes,
ercipietis tensionem. semper habet obstructions,
uæ aperiendę sunt, aliàs nunquā curabitis febrem.
ed noluit in principio progredi cum amaris, & per
e aperiētibus.

℞. Oxymellis simp. ʒ. j.
Mellis rosati ʒ. s.

Aquæ cichoreæ ʒ. iij. Misce, & detur ma-
nè pro syrupo. Iste Gallus habet quartanam quoti-
dianam, quod sæpe contingit. Exemplum habetis a-
būd Galenum de Eudemo, primo Prognost. etiam
de differ. feb. Sed circa febres putridas multa essent
dicenda, quæ oportet supponere: nihil enim dicam
ex obseruationibus, sed principijs, sicut fieri debet:
quod cum hîc non possumus, vbi supponendo sine
arte loquimur, in solis fundamentis docendū. Qua-
tuor sunt humores qui putrescunt: bilis putrefacta
tertianas facit, pituita amphimerina. Sed an sanguis
putrescat, & quomodo ex eo fiat febris, dicamus in
scholis. Nunc tres humores sumamus. Melancholi-
cus humor putrefactus, facit quartanam. Cum tali-

T t

bus occurritis, quomodo debetis agnoscere? Non sunt expectandi dies paroxysmorū: hoc ridet Galenus 2. de Crisibus: possunt enim decipi, cum variis pro ratione adustionis humorum. Si ex paroxysmo hanc vultis iudicare, erit quotidiana. Optimum igitur erit febres cognoscere à proprijs signis, differentijs, & accidentibus: quorum signa trademus. Humor melancholicus est crassus, fæculentus, frigidus mordax sua aciditate, & potius astringens, exaspera ac si mespilum comederetis, sicut acida, austera, acerbata, quæ Arabes pontica dicunt: ergo à natura rei cum humor ille ab interioribus ad exteriora mouetur, facit frigus magnum, quia humor in se frigidus tangit musculos: & est humor naturæ inimicus, calori oppositus, ideo natura prosternitur, & fit maxima contractio caloris, etiam frigus magnum, quod est signum quartanæ. Differt enim à frigore bilis: nam ipsa quoque frigus facit, & motum cōcussionis: sed quartanæ frigus maius est, ac si quis aëri valde frigidus occurrat: dicunt se tantum frigus sentire, ac si quis nudus versetur in niue: frigus verò à bile est ac si acuum mordicaretur.

Quotidianæ etiam frigus ab alijs facilè distinguitur: est enim rigor eius tanquam cum sono, & hoc est primum signum prognomonicum, cum quibus discernuntur febrium pulsus. Deinde ob humorē frigidum non ita inæqualis est sicut quotidiana, magis tamen quàm tertiana: & ratio est, quandoquidem qui quotidianam patitur, habet singulis diebus paroxysmum: & quia pituita multa est, quæ multitudine sua extinguit calorem, supra modum aggrauat naturā, & fit pulsus inæqualis, sicut de baculo exemplum dat Galenus.

In quartana licet melancholia sit pauca quantitate,

e, nec tam abundet in corpore quàm pituita in quotidiana, parum aggrauatur grauitate propria, & ita ratione ponderis fit pulsus inæqualis.

In tertiana magis augetur necessitas euentandi, adeo maior est pulsus, & velocior quàm in quartana aut quotidiana: & quia humor leuis est valde, non ita aggrauatur natura, & ideo pulsus non est ita inæqualis. Habet igitur pulsus in quartana se mediocriter inter tertianam et quotidianam, in æqualitate & velocitate, & magnitudine. Est præterea rarior, ob materiam scilicet humoris terrestris, & propter duritiem seu siccitatem instrumenti, quæ etiam ad paruitatem facit. Est & aliud signum discernendi ipsa, quinta accessio febris, principium paroxyfmi & augmentum longiora quàm in reliquis, quia est tardæ putrefactionis, nec habet statum nec declinationem, ut quotidiana. Patitur igitur quartanam, ergo ex humore melancholico putrescente. Sed hic noster ægrotus quotidie patitur, quia natura aggrauatur multa materia, raro siquidem sola & simplex contingit. Sæpe videbitis quotidianam vel quartanam puram, quia semper aliquid pituitosæ admiscetur melancholiæ. Frequentius verò exquisitas tertianas videre contingit: hæc aliquando minorem frigiditatem, & propter pituitam admixtam quandoq; maiorem habet: & uidetur vnus dies quasi quartanæ deditus esse, reliquis duabus mouentur alij dies. Habet autem febrem propter obstructionē viscerum: non habet quidem duritiem tympaniticam, sed tensionem, quia febrem habet quæ calorē naturalem mutauit in igneū ideo facit coctiones deteriores. Sunt ergo alendi cū uictu tenui, quia dum manet febris, manet cruditates, & sic fiunt tensiones. Oportet autē has obstru

ctiones etiam curare, quia habent causam sine qua non potest curari febris. Item dedi Syrupos apertentes, & iam apparet coctio aliqua ex parte, quamvis sit laudabilis, nondum tamen est status, donec exactissimè signa appareant. Cura est materialis: ergo stante actione vrina, euacuare oportet, cum appareat in signa coctionis. Humor melancholicus est: quod erit igitur instrumentum? Mihi semper familiare, quo vtor, est confectio hamech aurea, quam conficit Mesue magna arte: ideo extollo Arabes, quia habebat methodum de compositione medicamentorum. Sed nescio quid sit, alij à Græcis ad Arabes, alij ab Arabibus ad Græcos confugiunt, qui huc atque illuc vagantur, quod sit, quia ferunt sine ratione. Qui ratione procedunt, hæc non faciunt, quia utriusque errare potuerunt, & Arabes & Græci: aliquando boni sunt, aliquando mali: id quia non discernimus, & nos erramus, & alios errare facimus: ita oportet vnum onera portare alterius. Sed ad ægrum nostrum. Constāt vires in hoc, & est iuuenis, & locus temperatus, ideo totam dosim dabimus. Integra autē dosis pro viribus est 3 iij. Et hic habet obstructions, in quibus difficilius educuntur humores, & tensa hypochondria: sed non nimium obstructi sunt meatus, ita ut materia educi non possit, alioqui non darem.

℞. Confectionis hamech 3 iij.

Trochiscorum alhandal gr. 5.

Misce, fiat bolus cum saccharo. Habet quartanam principaliter, quia habet accessiones de quarto in quartum vehementes, postea alios quatuor dies mitiores. Hodie magnum habuit paroxysmum, sudavit, & est refrigeratus, & sudor etiam lintamina fecit frigida, unde augetur putredo. Oportet ergo adhuc aperire obstructions, & concoquere materiam.

am. Quomodo concoquenda materia melancholica? an cum incidentibus? Auicenna acetum pro-
 pit, sed nō soluit: at humor melancholicus maiori in-
 igit præparatione. Quomodo concoquuntur hu-
 mores? Humores semper concoquuntur calore mo-
 derato. Reducendus ergo calor ad temperaturam: si
 cutus est, faciatis benigniorem: si acris, retundetis
 eum cum frigidis: si obtusus, & minorem habet calo-
 rem, reducat is eum ad temperiem: nam omnis co-
 ctio fit à calore temperato. Finis coctionis est separa-
 re bonum à malo, vtile apponere membris, inutile
 excernere: ea sunt propria opera naturæ, quæ per ca-
 lorem temperatum semper tentat coctiones in hu-
 moribus: quia omnes humores habent aliquid bo-
 ni, quod separat, ingratum verò expellit. Quomodo
 præparantur humores? Hic alijs instrumentis opus
 est: non enim hic est coctio, sed quædam ad coctio-
 nem præparatio. Cùm crassus est humor, incidi-
 mus: si viscosus, abstergimus: cùm qualitas aliqua
 peccat, præparamus cum contrarijs. Nos ergo mate-
 riam imitabimur. Volumus præparare humores, &
 concoquere? duo ergo facienda, quæ iubet fieri ubi
 peccant humores, Galenus lib. 4. de tuenda sanit. &
 primo therapeut. Primò admouet quæ iuuant co-
 ctionem, fouet ventriculum & hypochondria, dat
 diatrionpipereon, postea præparat humores, & vias
 aperit. Ita hîc quoq; humor melancholicus peccât,
 frigidus est, crassusq;. Primò ergo cum linimentis
 ventriculus & hypochondria fouenda, vbi fiunt
 principales coctiones: & præcipuè lateris sinistri ra-
 tionem habeatis, ubi splen concoquit: ex hoc habe-
 bitis coctionem humorû. Ego in febribus putridis
 post purgationē vtor oleo chamæmelino vel anethi-
 no, cum vino aromatico, qua vnctione pori aperiun-

tur, & adiuuatur coctiones. In principio verò quies
 tos humores relinquo, donec euacuentur, postea phl
 botomiā facio. Si nō bonū est fouere ventriculū ue
 hypochōdria, vt circa partes principales bene fiant
 coctiones, euacuamus humores: fiant ergo frictio
 nes, cum ligamēto, vt pori aperiantur (est enim const
 patio hic,) & vt crudi humores concoquantur. Post
 coctionem curemus preparationē. Quia sunt crassi,
 debēt ergo fundi. Si esset pituita, facilis ratio foret,
 quia humida est: humor melancholicus crassus est
 & siccus, & ea quę incidunt, exiccāt etiā: oportet er
 go querere madēs, quod vnā humectet. Quare nun
 quā preparabitis humorē melancholicū cum simpli
 citer incidentibus, nisi alternatim exhibeatis, vt per
 tres dies humectetis, per duos exiccetis. Potestis i
 gitor vti sequenti. ℞ Liquiritiā, passulas, sem. altheæ
 & camomillę, poma dulcia, decoquantur in brodio
 pulli, est delectabile, & humectat. Vel rapas dulces
 decoquo ad vltimum, postea decolari facio, & sub
 stantia raparū abiecta, in prandio & cœna exhibeo
 loco ferculi. Sic potest humectari humor melanco
 licus. Quinto die postquā ita humectastis, potestis
 exhibere, vel miscere etiam humectantibus,

℞ Syrupi de pomis

℥ j.

Oxymellis simp.

Mellis rosati

ana ℥ s.

Decoctionis infra scriptæ

℥ iiij.

Liquiritiæ rasæ

℥ j.

Polypodij

℥ s.

Passularum

℥ ij.

Boraginis

man. ℥ j.

Decoquant in lib. iij. aquę cisternæ ad consumptio
 nem tertię partis, & diuidatur ipsa decoctio pro 6.
 syrupis. Pro linimentis

℞ Olei

℞ Olei anethini
 Chamæmelini ana ℥ ij.
 Misce, & fricetur leniter totum corpus, & illinatur
 anè & serò per horam ante cibum.

℞ Olei de absinthio ℥ ij.
 Chamæmelini ℥ j.
 Ceræ ℥ j.
 Misce, fiat linimentum pro toto stomacho, ventre
 hypochondrijs, applicandum in fine paroxyfmi.

*Consult. CXXVI. de feбри continua, cum ca-
 tarrho, & leui quodam spūto sangui-
 nis, ac suspiciōe hec̃ticæ.*



Abemus hic nobilissimā matronā, quæ
 vexatur plurimis dispositionibus præ-
 ter naturam, quæ omnes quidē veren-
 dæ sunt. Repetā breuiter causas, & ex
 earum dispositione curam inueniemus. Vexatur
 primū febri, quæ videtur continua: præterea de-
 scendit catarrhus ad pectus, & ad quædam mem-
 bra alia, ad scapulas, ad oculos, in quibus dolo-
 rem sentit, præcipuè tamen ad pectus fluit. Hic ca-
 tarrhus præterquā quòd habet guttulas sanguinis
 interdū, apparet etiam cum putredine non vulgari,
 quod est notandum: præterea habet obstructionem
 in membris naturalibus, præsertim in lienis regio-
 ne, vt & tactu percipiatur, sicut ipsa dicit, nos au-
 tem eam nondum attigimus. Habet & obstructio-
 nes circa cotyledonas & venas vteri, & menstruor-
 um non quidem omnimodam suppressionem, ali-
 quam tamen diminutionem patitur. Hæ dispositio-
 nes omnes magnæ sunt, ergo & causas habent ma-
 gnas: non enim sunt affectus magni, nisi à causis ma-

gnis: & quia causæ deducūt nos ad rationē curand
illæ primū sunt inquirendæ: & quia causæ parti
sunt extrinsecæ, partim intrinsecæ, utręq; quæren
dæ: omnes enim concurrunt in hac nobilissima ma
trona. Intrinsecæ causæ dispositiue sunt, quæ cor
pus ad tales egritudines aptū & dispositū faciunt.
Neq; enim quodlibet patitur à quolibet, vt in 1. &
dicit de generat. Aristot. sed in habentibus symbo
lū facilis fit transitus. Videndū igitur an corpus pr
paratū sit ad has dispositiones, an verò non: hoc au
tem sciemus ex temperatura naturali, & constru
ctione totius corporis. Totum igitur corpus primū
rare texture, & rari habitus est, caro mollis, & quæ
facile cedit tactui, & semper macilenta fuit & graci
lis: fuit ergo corpus maioris habitus. Præterea au
dio fuisse summi ingenij, quod arguit subtilitatē san
guinis & spirituum, vt Galenus in lib. Quod animi
mores &c. ex Arist. confirmat. Ideo & Aristoteles,
molles carne, aptos mente dixit. Quia igitur est ta
lis habitus qui facile resoluitur, & patitur à quibus
cunq; causis extrinsecis, habuit causas extrinsecas
dispositiuas ad hoc, vt facile incideret in varias di
spositiones præter naturam. Præterea temperatu
ra, licet reuera eam non possumus dicere talem uel
talem, propter diuersitatem membrorum, quæ facit
ut totum corpus non possit dici simpliciter calidū
& siccum, hepar tamen calidum & siccum habet, sed
ea cruditas non ita insignis est vt sanguinem gigne
ret crassio rem, consistente præsertim sanitate: quia
promptitudo ingenij & morum, non patitur illam
crassitudinem sanguinis, quæ fit à caliditate ignea,
vt fit in leonibus & canibus, (reperiuntur enim om
nia genera animalium etiā inter homines) non con
uenit istis moribus mitioribus, qui sequuntur tem
peratu

eraturā, vt Physicus & Medicus probat. Credo igitur
 esse quidem calidum & siccum cor: calidum, sed
 non vehementer, vnde generet sanguinem calidior-
 em quidem, sed subtilem, non crassum: ideo facile
 teratur, sicut omnes substantiæ tenuiores paratæ
 sunt ad mutationes. Audio enim magnanimā & con-
 stantē, sed eadem ratione vt in hepate diximus: non
 excedit valde, quia facile placatur. Hęc duo mem-
 bra totū quidē corpus calidius reddunt, sed propte-
 rea non potest dici calidæ & siccæ temperaturæ,
 quia membra hæc inæqualia. Cerebrum semper pa-
 tum fuit ad defluxiones: semper solita est pati de-
 fluxum ad partes intrinsecas. An modò id sit ratio-
 ne frigiditatis in capite nō concoquentis alimentū
 proprium, an verò ratione caliditatis attrahentis
 plurimam materiā, ignoro: non enim noui eam ha-
 tenus, sed nunc primum uidi: sed quæcunq; causa
 sit, certū est eam abundasse excrementis in capite, &
 laborasse catarrho. Ventriculus naturaliter frigi-
 lus, multiplicat humores crudos, quia ferè omnes
 qui sunt calidioris naturæ, qui raræ texturæ, habent
 ventriculum frigidum: sunt enim graciles, & non ha-
 bent omentum infarctū pinguedine solita, quæ se-
 cundum Aristotelem facit caliditatem positiuè, se-
 cundum verò Medicos primitiuè, quia non permit-
 tit diffilari caliditatem innatam ventriculi, & tuta-
 tur eam à frigore, & reliquis nocumentis extrinse-
 cis. Hęc nobilissima Domina priuata est vtraq; vti-
 litate, imò habet ventriculum imbecilliorē, vnde
 plurima pituita & cruditates generantur. & excre-
 menta in mulieribus ad vterum deueniunt, qui rece-
 ptaculum est omnium excrementorum: qui cū sit
 membranofus, & per se frigidus, sanguis tenuior
 non potuit eum calefacere, vt concoqueret ea, sed

aucta frigiditas ab excrementis extinguentibus ca-
 lorem naturalem. Habetis modò causas extrinsecas
 dispositiuas, totum verò corpus facilè alterabile
 ab extrinsecis, quia rarus habitus, & sanguis subti-
 lis & inæqualis membrorum, hepatis, ventriculi
 & caput perpetuò depilans. Si modò vult, addam
 etiam ex parentibus, qui laborarunt catarrho, &
 phthifici mortui sunt. Videbitis hos morbos or-
 tos esse à semine, & hæreditarios à natiuitate. Cor-
 pus igitur tale ita præparatum, incidit in causas
 extrinsecas sex, qui alterant corpus, vt aër, cibus,
 potus, & reliquæ: omnes enim excefferunt. Aër
 diuersus & pessimus nunc: fuit in festis Clodia-
 nis in aëre crassissimo & pessimo, vbi etiam circa
 cibum & potum commisit errores. Vescébatur pi-
 scibus palustribus, qui pessimi in quocunque, præ-
 cipuè tamen in tali corpore, quod facilè alteratur.
 Vsa est pastilibus & leguminibus, & cibo sine ele-
 ctione, crasso, qui his corporibus maximè nocet,
 imò facilè incidit in sæuas dispositiones. Ac cum
 ita peccasset in cibo, potu & aëre, accesserunt etiam
 accidentia sæua, dolores scilicet, quos habuit ex
 morbo filia. Hæc omnia maximè prosternunt ho-
 minem, & exterminant ab ea essentia in qua est ma-
 ximè. Si quando spiritus etiam sunt tenuiores, qui
 facilè resoluuntur, hæc accidentia facilius & plus
 lædunt, & quo plus ea dissimulauit, & exterius do-
 lorem monstrare noluit, eo magis interius afflicta
 est. Hinc sunt secutæ deterrimæ dispositiones, cum-
 que tot morbis conflictata fuit, quibus fortè cor-
 pus etiam non ita debile superari poterat. Item
 multiplicati humores in corpore, ex mala ratione
 victus, aëre crassiore, impediēte difflationem cor-
 poris, & corpus refertum est humoribus ob causas
 intrin-

intrinsecas et extrinsecas. Crudi sunt, ob ventriculi malè concoquentem cibos crassos. Adusti vero sunt ob accidentia animi, qui cibaria quæ generant humorem melancholicum, corrumpunt: & retentio menstruorum non omnimoda suppressa, & diminuta excretio, facit multiplicari humores diuersorum generum in corpore. Ex his igitur habemus causas intrinsecas efficientes, & dispositivas etiam, vnà cum extrinsecis occurrentibus. His præsuppositis contingit primùm catarrhus molestissimus: neq; id mirum: quia generatæ sunt multæ superfluitates, pituitosæ primò, deinde biliosæ, hepar calidum, sanguis subtilis, corpus vaporabile. Galenus libro III. de locis affectis: Qui sanguinem subtilem & hepar calidum habent, repletionibus capitis subiecti sunt. Et hinc ex ventriculo quoque vapores crudi ascendunt: hinc catarrhus, qui non simplex est, sed fit ex materia plurimorum humorum, qui nec frigidi absolutè sunt, nec calidi, quia mixti ex cruda biliosa & etiam adusta materia: & descendit à capite, quod etiam ex se subiectum est destillationi: & quia propter multitudinem descendit ad varias partes, varios etiam affectus mouet: sed maxima pars ad pectus & pulmones descendit, quæ excernitur per tussim. Est autem materia quæ eijcitur, quod ad substantiam crassa & viscosa, partim non putrefacta & alba, partim verò flaua, non qualis esse solet ex admixtionibus, sed qualis est cum materia existit putrida. Non autem habet saporem aliquem, quia pituita superat. Si uel biliosa superaret, vel æqualiter mixta esset, appareret amaritudo, vel falsedo (si credimus Auicennæ, qui ex mixtione bilis cum pituita, falsedinē oriri dicit, quod nunc non determino.) Superat igitur pituita,

quia nullus sapor: sed quia talis catarrhus putrescit in pulmonibus, & interdum admixtum habet aliquid sanguinis, dubitatur, & meritò quidē, excernitur ne ille sanguis ex vena rupta uel erosa, an resudet per panniculos, uel ex capite defluat per narem uel quoquo modo. Solet & aliud contingere: quicūq; per tussim continuò violenter erumpat & reiciatur materia, & orificia venarum illarū capillaria facile aperiuntur, ex quibus prodeat sanguis, non cum magno periculo, quia tenues sunt venæ, facile aperiuntur et clauduntur, imò cessat statim post paucas guttulas. Ego hinc crediderim nō ex capite, quia sanguis niger est & crassus, non admixtus sputo, seorsum separatus, ut sit suspicio quòd veniat à capite. Hæc tamen ramulos paruos & viuacioris coloris sputa permixtos vidimus, & posset venire ex illis venis capillaribus abrasis ex violentia motus. Vel hoc erit, vel illud, in alterū incidit suspicio. Venam ruptam uel factam corrosionem non credo, nec resudare (quanquam hoc facilius fieri possit, propter panniculorum raritatem) nam illa fieri solent in maiori quantitate: non tamen contendo, cum nihil habeamus nisi coniecturas: potest esse ex tribus his: vnum quodq; iam non determino, & hætenus nihil refero, sed in futuro referri potest, quia sanguis per os reiectus, est malus, vnde cunq; veniat. Hæc de catarrho, vnde generetur, & vbi, & per essentiam modò in capite facile intelligitur, quia semper fuit subiectū destillationibus, sed fouetur etiam ab alijs membris inferioribus. Nunc ad obstructions quæ sunt in liene & matrice, & ut ego credo, in hepate. Hæ fiunt immediatè ab humoribus multiplicatis in corpore, propter rationem victus, crassus & biliosis, & ita miscella est, prædominante tamen pituita, quæ
venæ

nas obstruit, sed magis circa lien, quia illud attrahit
 crafsiores humores, & non est tam nobile vt sic
 possit resistere sua caliditate obstructionibus, sicut
 par. Sunt & obstructiones circa vterum & cotyle-
 nas: sanguis enim menstruus excernitur quidem,
 sed in parua quantitate: non est perfecta obstructio,
 sed ex insigni parte effluunt menstrua, sed non vt so-
 leant. Credo igitur obstructiones etiam circa ute-
 rum, & in mesaraicis ad iecur, sed maiores circa li-
 em, & per venas in toto corpore, humores craffos &
 mixtos sanguini, vt non possit euentari calor, quia
 inæ sunt crafsiores, quæ sunt colamentum san-
 guinis, & attestantur supra dispositionibus quæ sunt
 in venis: vrinæ crassescunt, rubræ, plenæ omni gene-
 re humorum: ergo & venæ repletæ, & excrementa
 eodem modo repleta varijs humoribus sunt: citrina
 ergo bile redundat: & crafsissima sunt, ergo pituita:
 ita totum corpus repletum est materia diuersa.
 Non igitur mirum est adesse febrem illam vniuersa-
 lem, cum tot sint causæ, quarum singulæ solæ possent
 parere febrem: & est principio febris putrida, pro-
 pter prohibitam euentationem: & cum sint in corpo-
 re iuvene, natura fortis expulit materiam ad exteriora.
 Adeo frigus insigne sentit cum intensione, vt in-
 igeat plurimis operimentis: & heri præcipuè sen-
 tit. Quæ eius rei causa sit, petetis ex Galeno de rigo-
 re, & 3. de causis symptomatum: nunc non est tem-
 pus illa dicere. Incipit igitur à frigore, & quidem
 extensiuo, quia mittitur foras à virtute. Materia
 nim craffa est, non facile putrescens, & ideo calor
 non statim sequitur. Quod autem perdurat, ita vt
 nus paroxysmus inueniat alium, fit quia materia
 multa non potest ita resolui statim. Nec propterea
 continua est, quia cum rigore: quia proprium conti-

cam? Mitterem igitur sanguinem, sed non à saph
 nuatū non rigore fit. Et putrescit extra venas, quæ
 ex eodem patet, quia incipit cum rigore. Habet
 naturam & locum febris huius putridæ, an mod
 cum hac putrida sit etiam alia occulta in membr
 solidis fixa, vt hectica? Vt ingenuè fatear, non po
 sum certum aliquid asserere: bis enim vidi eam, in
 ueni pulsum inæqualem, qualis est febris hectica.
 Sed si per cōiecturas est agendū, corpus gracile est
 & aptissimū vt inflamment membra solida: habu
 febres præcedētes putridas tam longo tempore: d
 inde hic morbus hæreditarius ei videtur à parenti
 bus: calefit item magis post prandiū, quod est sign
 quidē perpetuæ hecticæ: sed non sibi conuenit, alio
 qui cōcluderet necessariò. Nunc nō possumus cert
 ficari, sed suspicionē facit, quia à cibo incalescit. Et
 & alia cōiectura: non sentit calorē, quod signū est f
 brē iam esse in habitu: sed id etiā signū non est para
 gnomonicū solū, quia in alijs etiā morbis est cōm
 ne, vt in febribus laticis, vt vocat Auicē. Etiam nō
 percipitur caliditas, & ideo hecticis maximè simile
 sunt, & laticæ vocant: has ob causas non possum ce
 tō concludere, adesse hecticā, licet magna sit conie
 ctura. Sed quicquid sit, agamus omnia sic, vt non le
 datur hectica: si quæ est ad reliquas dispositiones, pu
 to nullā præteritā. Diximus de omnibus, præterquā
 de ventriculo, qui imbecillis naturaliter: sed ea im
 becillitas aucta magis, quia in longis ægitudinibus
 semper redditur imbecillior, præsertim vbi pituita
 domina, vt Auerrois testatur. Nihil tam efficax ad
 debilitandum ventriculum, quàm febres quæ à pu
 tuita pendent, & habet æquales paraxysmos, non si
 bi inuicem de tertio in tertium correspondētes,
 sed magis accedit ad quotidianas amphimerinas,
 cet bi-

quod signū est magnā copiam pituitę putrescere, libilis etiam in maxima quantitate accedat.

De prognostico. Ex quo paritur has ægitudines propter dispositiones in mēbris principalibus, non tantū ob multitudinē materię, sed etiam dispositiones membrorum, difficilis erit curatio, maxime cū transire videatur ad id quōd naturaliter disposita iure hæreditario: habet sputa putrefacta, cum suspitione hecticæ: & cōstitutio anni, quæ morbos indicat, vt ex Hippocrate iam audiistis, indicat morbū longum. omnibus igitur modis ægritudo longa est futura.

Curatio. Habemus membra naturalia affecta, quæ uerunt causę dispositiue ægitudinis, sed in has nō incidit nisi propter causas alterantes, igitur res tota redigit eō, quōd humores in magna copia generati, in corpore sint causę dispositionū. Primum igitur corpus mundandum ab omnibus excrementis, non enim potest aliter agi. Iam corpus redundat omni genere excrementorū, & à natura etiā euacuatur per omnes vias, quia vndiq; multa euacuant: sed quia omnes euacuationes particulares præcedere debet vniuersalis, ideo ab ea incipiendum erit nobis, quæ sit uel per pharmacum, vel per missionē sanguinis. Missionē sanguinis, si remoueantur impedimenta, nihil magis necessariū. Si vrinæ crassæ, phlebotomet, dicit Auicenna. Hic vrinę crassæ & rubrę, & humores plurimi permixti sunt, ideo credere oportet necessariā esse missionem sanguinis. Et reuera, etsi habemus suspitionem hecticæ, tamen hæc ægritudo certa est, cuius euacuatio non dimitti debet propter dispositionem incertā. Et quid esset incomodi, stante etiam hectica, si euacuaremus sanguinem malum, & refrænaremus calorē facientē hecti-

na, quia non credo quòd propterea fluant mensē
per vterum. Omnes venæ obstructæ sunt, & repletæ
ideo non flueret si aperiret saphena, hancq; ob cau-
sam abstinere: oportet enim prius vias aperire, antequam
quàm fiat diuersio. Ego attenderem ad causam cau-
sam, & mitterem à basilica, vt proximè ab hepate
euacuarem, & si sanguis crassus, quòd multa euacu-
tione opus esse ostenderet, neq; vna vice possem
tantum extrahere quantum vellem, & virtutis rationem
etiam liceret, iterarem vices, quia utilissimum est, &
maximè laudatur à Galeno & Auicenna: ideo repe-
terem eam, & credo quanto citius, tantò melius. Dice-
bat Franciscanus, missam venam ante duos menses
& obijciebat suspicionem hecticæ. Montanus voluit
replicari, quia etiam putrida habet rationem causam
ea remouenda, & postea facilius hectica iudicabitur
quia non est eo gradu de quo sit curandum. Est in
principio, non accessit adhuc ad ipsum gluten mem-
brorum: lenirem igitur aluum, & mitterem sangui-
nem, postea per medicamenta euacuarem, & proce-
derem sicut solet procedi à morbis pendentibus à
materia crassa, viscosa & frigida: & quia curatur in
hyeme, non possumus cum fortioribus, quia humor
crassus est, & sumus in hyeme, ideo paulatim conco-
querem, & euacuarem, & iterarem: darem syrupos,
postea florem cassiæ, & euacuaret bilem. Ab usu ho-
rum non discederem, sed frequentissimè iterarem.
Licet enim dicantur non transire venas mesaraicas,
nisi dentur in magna quantitate, idest, intensiue &
extensiue, tamen per crebriorem iterationem etiam
medicinæ benedictæ euacuant omnes humores con-
tentos in toto corpore. His euacuationib. iteratis,
euacuabimus materiam, roborabimus ventriculum,
aperiemus obstructiones, & consulemus ventricu-
lo, cui

,cui confert vsus hieræ, teste Galeno: prouocabi-
us urinā etiam, quod euacuabit humores conten-
tos in venis. Ideo singulis septimanis exhiberē hie-
am cū cassia. Diebus intermedijs quibus non vte-
tur cassia, sumeret syrupum ita confectum:

℞. Syrupi de rheubarbaro

De betonica ana 3 j. s.

Decocti capillorum Veneris

Cetrach ana 3 iij.

Misce, confert ad obstructions lienis, pectoris &
hepatis: & ita hos syropos haberem, quod respice-
rent omnia membra affecta, & acciperem capillorū
Veneris & cetrach in magna quātitate ad decoctū.
Circa caput proposita sunt electuaria quæ laudant
modernis: sed dicam id quod sentio. Ego maximè
abhorreo ab eis, vbi imbecillitas vetriculi suspecta.
Vidi homines sepe, dum illis volumus catarrhū cu-
rare, ex frequenti & nimio vsu electuاريorum inci-
dere in hydropem: dum enim illa frequenter su-
munt, die nocteq; impeditur coctio, vt nunquā re-
ctè fiat: augetur catarrhus, quia propter inconco-
ctiones multiplicatur materia, nec ipsorū electua-
riorum vis ad pulmonem, sed ad stomachum perue-
nit. Vellem igitur horū loco semper teneat aliquid
sub lingua in ore, cuius vis dum attrahitur aer, etiā
paulatim attrahitur, & descendit sensim per asperā
arteriam: & licet parū descendat vna vice, tamen si
fiat continuè per 24. horas facit magnū effectū. Ad
hoc bonū esset zucharū rosatū, violaceū, & si quid
hoc modo per œsophagū descēderet, quia licet tar-
dius id fieret, per poros tamen aliqua eius portio
transiret ad arteriam. Quod ad curas particulares
attinet, quæ post vniuersalem euacuationem ad ro-
borandū caput & ventriculum, itemq; ad leniendū

Vu

pectus faciendę sunt, si vellem propinare nunc, vide retur ineptum. Quę sunt proposita circa pectus leniendū, laudo, quia fit maior preparatio musculorū, qui mouent continuē. Ideo oleum amygdalarū dulcium, chamęmeli, violarū laudo, sed ita componant, ne superent frigida, sed sint moderata omnia. Inungatur ventriculus oleo mastichino, item oleo de capparibus, & similibus. De vino dicerem, necessariū esse vt demus in egritudine longa, & ventriculo imbecillo: sit autē albū, pauciferū, non flatuosum, etiā cum aqua factū. Montanū etiam laudo vinū cum aqua mistum: quia vina quę in planis crescūt, sunt crassa, flatuosa, & maligniora. Notandum, oua in febribus continuis nunquā danda: imò in tertiana: ea tamē die exhibet Gale. qua sine paroxysmo est: ratio est, quia facile alterantur, & ideo facile putrescūt, adeo etiam, vt in sano corpore, si ventriculus sit paulò calidior, statim vertantur in bilem.

*Pomum odoriferum, ordinatum Vuolf-
gango à Vuerter. XXVII.*

℞. Nucis muscatę electę

Garyophyllorum ana ʒ ij.

Cinnamomi ʒ j.

Macis ʒ s.

Ambrę, Musci ana ʒ j.

Puluerizentur omnia per se, deinde misceantur cum aqua rosata, in qua dissolutum sit gummi tragacanthi, & fiat pasta.

In morbo Gallico euacuatium. XXVIII.

℞. Aloës optimę ʒ vj.

Agarici electi

Rheubarbari electi ana ʒ j. s.

Corticum rad. ellebori nigri ʒ j.

Tro-

CONSULT. MEDICIN. 675

Trochiscorum alhandal	℥ ij.
Myrobalanorum Indorum	℥ j s.
Epithymi Cretenfis	℥ vj.
Succi glycyrrhizæ	℥ ij.
Sem. citri	℥ ij.
Musci	gr. iij.
Garyophyllorum	℥ ij.

uerizentur omnia per se, deinde misceantur cum
apo de corticibus citri, fiat magdaleon, de quo
nentur drachmæ vnius pilulæ iij.

*Pulueres pro catarrhosis à cœna, post quorum
usum non bibendum amplius. XXXIX.*

℞. Cinnamomi electissimi	℥ s.
Fragmentorū lapid. preciosorū ana	℥ s.
Osis de corde cerui	℥ j.
Sem. melissæ	℥ s.
Zucchari	℥ s. Fiat puluis. Vel:

℞. Cinnamomi electi	℥ s.
Coriandri præparati	℥ j s.
Sem. melissæ	℥ s.
Rasuræ cornu cerui vsti	
Corallorū rubeorū ana	℥ j.
Sacchari	℥ vj. Fiat puluis. Vel:

℞. Cinnamomi electissimi	℥ s.
Sem. melissæ	℥ j.
Coriandri præparati	℥ j s.
Pellicularū ventriculorū galli	℥ j.
Sacchari	℥ j. Fiat puluis.

Consult. CXXX. Pro dysenterico.



Alenus autor est nono Meth. cap. 14. me
dicatorias indicationes peti à morbo, à
corporis temperamento, & aëre ambi-
ente. Hoc itaque in medicatione insti-

Vu 2

tuenda, primùm diligenter consideranda & perpendenda sunt. Nos à tēperatura initiū sumemus. Ea verò calidā esse, & ea quæ essentiā consequuntur probant, & symptomata. Color citrinus, significat cholicā dispositionē: accedit iuuentus, quæ est sicca consuetudo verò repugnat, nā pro arbitrato suo vixit, & obuia quæq; ingessit. Aër ambiēs & hyemalis frigidus & siccus. Ab horū consideratione, quæ partim naturalia sunt, partim non naturalia, ad ea accedimus quæ sunt præter naturā. A symptomatis verò incipiendū est, quia hæc notiora sunt nobis, ut effectus morborū, qui nos in morbi cognitionem deducunt: cognoscit enim ab exeūte mutato, ut hinc sunt egestiones inconsuetæ ipsius sanguinis, cui bilis est admixta: & operatio est læsa, quæ in hoc est lesio sensitivæ, id est dolor, autor Gal. lib. i. de sympt. cap. 6. Locus doloris est venter ipse: species doloris est pungitiua, quæ humorē peccantē arguit, & inde est quod tenasmus accedit. ad sunt & vigiliæ, & sitis, quorum causa est febris. Pendet autē à morbo lesa sensitivæ, id est, dolores, per unitatis solutionē, per humores ab hepate, ab intestinis, quæ soluunt & abradunt causa bilis supercalefactio hepatis, & diætā nō bona

Consult. CXXXI. Pro monacho cholico.



Inciderat monachus in febrē: medicus qui tū accersitus erat, ante coctionē monuerat materiā, & hæc quia non erat satis euacuata, in intestinis coaceruata, dolores cholicos excitauit. antè verò quàm quicquā fieret, censuit Frisimelica clysterib. subducendū aluū, & cōmunib. ad eam rem utebatur, cupiēs post euacuationē incidere venā, ut hoc pacto febri quoq; medere rei facilius. Pulsus erat magnus & tardus, ob virtutē oppres-

ppressam à multitudine materiæ: quare illi hoc iuebat parari clystere.

℞. Olei chamæmelini

Amygdalarum dulcium ana ʒ. ij s.

Cassia nouiter extractę ʒ. j s.

Hieræ picræ ʒ. iij.

Mellis rosati ʒ. ij. Misce, fiat clyster.

Clystere supra modū duras squibalas eduxerat, & opiose: sed quoniā pulsus valde inordinatus erat, & rubra vrina & crassa, vt quæ materiæ multitudinē in venis quoque contineri significaret, iussit denuōdem clystere administrari, in cibis seu iusculis deoqui radicē cichoreæ, propter attenuationē & inisionem materiæ grossæ. Eademq; intentione exhibendum censuit syrupum cichoreæ & betonicæ ana ʒ. j. vnā cum decocto.

Erysypelas phlegmonodes. Consultatio CXXXII.



Ne illæ cuidam crus circa genu ultro citroq; intumescebat, cum dolore intensissimo, & non tam rubore perspicuo, quàm flautie conspiciebat: tactui repugnabat. Quia verò erysypelas ex bile est, principiò nō venæ sectionem, sed purgationē admittit, vt autor est Galenus 13. Meth. Potuisset tamen & sanguis de trahi, quia phlegmone huic adiuncta est: tamen in hoc vtī maluit purgatione Montanus, & ordinauit:

℞. Diacatholiconis ʒ. vj.

Electuarij de succo ros. ʒ. ij.

Cum zuccharo fiat bolus. His copiosē admodū purgarat totum corpus, pōst præcipit inflāmationi succum semperuiui apponi, cuius propriū est repellere & digerere.



Anc anum nō lienteria, sed cœliaca labo-
rare, vel illud erat argumēto, quòd in sta-
pulis excerneret: & quia vtriusq; ead-
est cura, primò Montanus ordinabat fo-
mentū, quo abdomen foueret spongia illo imbuta.

℞. Corticum granatorum

Balaustiarum

Gallarum

ana man. j.

Rosarum

Abſinthij

Foliorum Myrti

ana man. s

Misce, decoquant in vino austero. Deinde pro con-
fortatione ventriculi & intestinorum vtatur hoc
puluere in panno muricibus primum tincto, deinde
maluatico consperso, postremò inspergatur puluis,
& abdomini calidus inponatur.

℞. Pulueris mastiches,

Garyophyllorum

Rosarum

Foliorum labruscæ, id est, ænanthis ana ʒ j.

Puluerisent & cōmisceant. In cibo verò decoquant

Seminis sumach

Fœniculi ana ʒ j. Contundantur grosso
modo. Misce. His ita ordinatis, altero die magis
cōcocta excernebat, & pauca. Pulsus itidē tranquil-
lior erat, quanquā vrina liuiditatem eandē præ se
ferret, quā Doctor in Gonorrhœam, qua anus antea
laborarat, referebat. Cæterum in lienteria ex vlcere
nihil præsentius medicamento sequenti.

℞. Succī granatorum vel diacydonitis ʒ iij.

Boli armeni ʒ ij. Misce, ac interius suma-
tur, exiccat enim vlcus. Et si succus non sit, agresta

vti

ti possumus & succo, quanquā gustui grata nō sit.
ictus erit siccarū carniū, sed nō difficilioris coctio
is, vt sunt perdices, phasiani, aues montanæ, & non
quaticæ, neq; proximē partui. Vinū non acetosum.
a cibis decoquant genera sumach, & cinnamomi,
uòd illud corroborat & astringit, hoc maximè con
ortat totū corpus, autore Galeno lib.8. κατὰ τὸν.

Consult. CXXXIIII. Pro puerpera
tussiente admodum.

IN puerpera admodū tussiente, ita vt suf
focari videret ob catarrhū descendente
ad spiritualia, Montanus nulla purgatio
ne utebatur, purgata enim erat fluxu mē
struo, sed corroborantib. caput & pectus, & quæ in
grossarent fluxum, vt tragacanthi, rad. liquiritiæ &
mastiches partibus subactis, quæ in ore tenebat.
Die xxij. cum scholaribus apud eandem fuit, & quia
materia crassior erat, atque inæqualior, vt spuitio
citaretur ordinauit, & quo intra vteretur, & quo po
ctus vngeret.

Rx. Loch de pino $\frac{3}{4}$ j.
Sani & experti $\frac{3}{4}$ s.
Syrupi de hyssopo
Myrthini ana 3 vj.

Rx. Oleorum sesamini
Amygdalarum dulcium
Mastiches ana $\frac{3}{4}$ s.
Puluerum anisorum
Cumini
Mastiches ana 3 s.

Ceræ parum, fiat linimentū molle, quo pectus inun
gatur. Oleū mastiches addit, vt corroboret pectus.

Vu 4



Magnificus quidā surditate & tinnitu aurium laborabat, quare præmissa totius euacuatione, caput deinde purgabat per nares. Nā attrahere cogebat in caput brodiū puli indito calamo in nares, cui admixta erant

℞. Succī blitis	℥ iij.
Aquæ maioranæ	℥ ij.
Olei amygdalarum dulcium	℥ j.

Nam cū succus blitis sit calidus, resoluit & attrahit: & ne uis restinguatur, addita est aqua maioranæ: deniq; ad erosionem prohibendam, adiectum oleum. Purgauerat plus phlegmatis, quā quisquam facile credat, & surditate atque tinnitu liberabatur postremò caput calidis & exiccantibus lauari uolebat triduo post.

Consult. CXXXVI. De febre, cum præfocatione matricis.




Udēi cuiusdā vxor laborabat dolore ventriculi, cum præfocatione matricis & febre: superiorib. diebus laborarat febris: quare medicus qui tunc fuerat vocatus, primū leniuit ventrē, deinde basilicā incidit: & quia nō attēderat ad principalē causam febris in hac muliere, quæ pēdebat ex matrice, interim illa in febrē incidit, & malū est auctū: sed quomodo, post diceſ. Febris inuasit cū sæuis symptomatib. nam in syncope incidit, & dormire nequiuuit, propē delirauit, melancholica. Vocatus ad eā, corporis dispositionē primò cōsideraui, & cēteras deinde causas ægritudinis diligenter inquisiui. Ipsa autē quia admodū formosa,

sa, calidæ & humidæ est tēperaturæ. Totius natu-
 ra sequitur pars: quare & matrix calida & humi-
 da, quæ propterea etiam libentius vapores generat,
 & deinde euaporant, & sursum feruntur, & ventri-
 culum perturbāt, caput replent, vnde insomnia, &
 melancholica deliramenta: ad hæc cū accederet
 mala diætā, illa aucta sunt, corpusq; debilitatum est
 agis: neq; menstrua, vti par erat, purgata, vnde &
 febris hæc causata est. Lex prohibet, ne à purgatio-
 bus menstruorum antè cum viro coeant, quàm se-
 frigida abluerint. Necdum purgata satis, in frigi-
 dum insilierat, quam lotionē obstructio est sequuta,
 atq; hanc febris, qua nunc laborat. Accessit etiam
 strangulatio matricis: nam lotionē sequuta est etiā
 intemperatura matricis: generati in ea propter in-
 temperaturā vapores: deniq; fortiter clausa est ma-
 trix, vt etiam purgationes sisterentur, quæ deinde
 doloris ventriculi causæ: & ipsa febris inde facta est
 auctior. Sed quoniam necesse erat hanc suppressio-
 nem menstruorū, & matricis præfocationem solui,
 propter maiora pericula, quæ timeo, & præsertim
 syncopen, dedi illi Mithridati \mathfrak{D} ij. cum rosato, vt
 Mithridatū calefaceret matricem, & materiam va-
 porum exiccaret, deniq; vias aperiret, atq; vt rosatū
 confortaret ventriculum. Sed dicat aliquis, augeat fe-
 bris: concedo, sed maius ex matricis præfocatione
 periculū impendet: necesse est igitur hanc primū
 omniū curari: febrem curabo paulò post facilius sy-
 rupo rosato, & de cichorea, causis etiā sublati, sed
 solutis obstructionibus, & reducta caliditate ad tē-
 peraturā. Ad hanc præterea dosin Mithridati cum
 rosato, adhibuit etiam frictiones pedū, vt prouoca-
 rentur iterū menstrua, & res pulchrè successit. Ne
 verò spe nostra frustraremur, iussi lauare pedes in

decocto betonicæ, saluæ &c. item vt ex herbis il-
 fumum acciperet: præterea dedi decoctū radicū
 niculi, petroselini, & anisi, & cœperunt iterum flu-
 re menstrua. Nam nisi redijssent menstrua his me-
 dijs, cucurbitulam etiam saphenæ applicassem, vt
 inferiora sanguinē menstruū propter cōmunicantē
 venę ad matricē retraxissem, quanquā frictio ipsa
 hæc prouocanda satis sit efficax. Atq; inde facile
 æstimare, quantū nocuerat prior medicus, qui ba-
 llicā incidi curuerat. Incisio enim basilicæ menstrui
 fursum attraxit, vnde omnis mali labes. Nunc au-
 tē cum fluāt, ne quid accidat quod sistat menstrua, di-
 genter cauebimus, imò quoad poterimus natura
 eius adiuuabimus expulsionē. Hac autem nocte ni-
 hil dormiuisse se conquerit: neq; mirū, frictio nam-
 que, quia corpus calefecit, febrē adauxit, & fluenti-
 bus mēstruis omnia mouent in corpore, vnde inquie-
 tudo: postremò vapores caput calefecerunt. Quam-
 ad cōciliandū somnū, iussi vt nares oleo violaceo
 ungerent, & tēpora: hoc si nihil profecerimus, peru-
 uiam ad vnguentū populeonis. Sed roget quis, cur
 nihil exhibeā per os, quod somnū cōciliet. Respon-
 deo, quia omnia cōciliantia somnū, frigida esse & hu-
 mida necesse est, & frigida morbi materiā grossiorē
 reddūt, & expulsionī ineptiorē: quare nihil exhibeo

*Consult. CXXXVII. De febre pu-
 trida in hecticam mutata.*



Harmacopola putrida feбри laboraue-
 rat propè menses duos, postea ad hec-
 ticam venit, putrida nō rectè curata. Hæc
 quia requirit humectationē totius cor-
 poris, & caloris præternaturalis restrictionē, volui
 oleo amygdalarū dulciū inungi corpus, quo nihil
 est præ-

presentius, & antea Montanus in Doctore Bassia
 fuerat expertus. Lógo tēpore cum eo nō fuit Fri-
 melica: hodie ad eum visendū adiit. pulsus erat mi-
 nus, durus: in vrina sedimentū ex adustione nigri-
 nit, aut propterea q̃ virtus est imbecilla, dissoluit
 im calor ob humidū nutrimentale exiccatū, quod
 lori naturali semper est adiūctū, haud secus ac sic-
 citas semper comitat̃ praternaturalē: aut propter in-
 rumentū, id est, arteriā, cuius tunicæ exaruerē ni-
 mio calore, ac propterea motui minus sunt idoneæ.
 Minutus itaq; pulsus est, quia neq; vehemens, neq;
 frequēs: & durior, propter siccitatē totius. Ita pulsus
 argumēto est bonū virū peruenisse ad febrē hecticā.
 Huc accedit quoq; consumptio totius corporis.
 Quid igit̃ amplius faciendū? Sedulò cauendū venit,
 ne qua ratione febris augeat̃, & deniq; in marasmū,
 seu tabidā hecticā (versat̃ enim adhuc in prima spe-
 cie hecticę) incidat, pereatq;. Quibus autē medijs id
 fiet? Infrigidantib. ratione febris, & humectantibus,
 propter corporis siccitatē. Humectabimus autē sub-
 stantiuē corpus dilapsū in tabē, cibo, & rebus alijs
 externis. Quia verò ptisana substantia sua multū hu-
 mectat, nō fuerit inutilis: sed quia parū aut nihil nu-
 trit per se, operæpreciū fuerit decoqui eā cum iu-
 re pulli & carniū. Vtile quoq; foret auxiliū syrupus
 violaceus. Cōtrā, viola tantū qualitate infrigidat, er-
 go inutilis est. Respōdeo, sola quidē viola qualitate
 humectat, at syrupus propter saccharū & decoctio-
 nem humectat substantiuē. Cur nō vteris decocto &
 carnib. testudinis, quod alij faciūt? Ab his in præsens
 abstinendū duco, propterea quòd ventriculus sit im-
 becillis, & corpus obstructionib. nō vacet. Sed vtrā
 decoctis farfare, id est, capillorū veneris, endiuix, &

aliarum herbarum: postremò inungatur foris ol
amygdalino dulci &c.

DE A Q V I S D I S T I L L A T I S

• *per Alembicum: etiam à calidis herbis esse
frigidas demonstrationes.*



Non est difficile monstrare, nec multi
peris, si supponamus quæ Galenus de
cuit, & nos in methodo nostra simplic
um, prima diuisione, ostendimus, qua
dam medicinas à propria substantia, seu à forma sp
cifica agere, quasdam verò qualitatibus manifesti
Quæ à propria substantia agunt, nō operantur qu
calidè vel frigidè, sed quia tales propter formā su
vt Mesue dicit & Gal. 3. de temper. Exemplū simil
tudinis: Quando per os accipitur rheubarbarū v
diagridiū, euacuatur bilis, non à qualitate manife
sta, sed quia talem habet formā, quæ conuenit cur
bile. Quod vituperat Auerrois, lima Galeni, per si
mile à ferro probās attractionē non fieri à simili: se
indignū Auerroë argumentum. Secundum mentem
Galeni, forma diagridij, quæ assimilatur bili, attra
hit per similitudinem formæ, aut per contrarietate
operatur. Exemplum: cū quis cicutā aut hyoscyam
mū sumit, vel aliud venenum, vt aconitū, vel saluam
viperæ, hominem forma sua specifica interimunt: at
morsus scorpionis interficit hominem ob contra
rietatē formæ. Sed quæ à proprietate & forma spe
cifica operantur, hæc dimittamus, quia non faciunt
ad propositum. Medicinæ agentes specifica forma,
vel per contrarietatem, vt salua hominis scorio
nem necans, vel qualitatibus manifestis operantur.
Hinc tota res pender, & est manifestum, quòd non
possent operari, nisi præsentē qualitate. Verbi gra
tia:

sicut gubernatori remoto temone, etiam gubernatio remouetur & cessat, sic remota qualitate, remouetur etiam vis medicaminis. Demonstratio in secunda figura. Nulla aqua destillata, præter paucas, habet qualitates sui simplicis proprias, quibus operatur. Sed quod non habet qualitates quibus operatur, non potest operari: Ergo &c. Maior probatur per inductionem. Si de eo quod magis inest, non est, ergo nec de eo quod minus. Sumantur potentissime herbe in quatuor, ut absinthium, calamentum, fœniculū, maiori, flammula Iouis, quæ causticā vim habet: destillantur per alembicum, videbitis aquam non habere calorem, nec qualitatem simplicis, sed præ se ferre dulcedinem. Calamentum incendit linguam: si aquam bibes, senties frigiditatem in ventriculo, id quod ego sum expertus in rusticis. Accepi fronsentem seu ramum calamenthi, dedi rustico, habuit calorem & æstum semper in ventriculo: postea accepi chialam etiam huius aquæ calamenthi, dedi eidem rustico, sentiebat magnam refrigerationē. Ergo ubi non qualitas, quæ operatur, tanquam mediū adest, non fit actio. Sed aqua rosata non habet eandem rationem. Nam si alia simplicia talem aquam facerent, dicerem calidas aquas. Rosa enim recens, in qua dulcedo, amaritudo, astrictio percipitur, odorem habet, vim corroborandi: sic in aqua rosata dulcedo, amaritudo, astrictio percipitur, odor suauissimus: si non æqualē habet superiori, tamen easdem habet qualitates: stantibus qualitatibus, stat etiam virtus. Quod autē absinthii amaritudine corroboraret, excitet, vermes necet, Gal. cap. de absinthio fecit fundamentū. Calamenthū quoque sua caliditate erodit linguam, & acrimonia penetrat, incēdit, resoluit, discutit ventositatē per qualitatem: sed remotis qua-

litatibus, remouetur & effectus eorum: sed in il-
 rum aquis nihil nisi insipiditas. & sic de alijs disc-
 ratis. Imò si accipiatís de herbis quas speciarij
 pendunt, in quibus exolefcit vis herbarũ, nullã ha-
 bũt efficacĩã, quia operantũ à qualitatibus, nõ for-
 specifica. Diceret aliquis: Inuenio apud Arabes
 quos laudas, q̃ illis vtantũ & laudant: certẽ nõ era-
 alij etiam decepti. Respondeo: habebãt virtutẽ
 gnã, & nõ sunt decepti: sed quẽ ab Arabib. celebra-
 & viris excellentibus, nõ sunt aque quas nos hab-
 mus. Sunt fortasse ducẽti anni, in quib. doctrina in-
 leuit sophistica, à fratrib. qui versabant in sophis-
 ca, non circa simplicia & composita. Ego record-
 summos medicos nugas docuisse. Noui magnũ vi-
 qui hĩc publicẽ legebat de destillatione, vocabatũ
 Chrysostomus Aretinus, & nõ magis cognouit fo-
 tasse lactucã, quã ego nũc scio quid agat in Indi-
 imò ferẽ omnes senes. Nõ miror si aquas postea de-
 stillarint, & nõ intellexerint. Miseri impostores arc-
 matarij, vt lucrent, extrahũt tantũ aqueã substantiã
 imò aliquas herbas irrorant aquis frigidis per ali-
 quot dies, & postea destillant. Ante annum contigi-
 meo patienti, dixi vt parentur ei 100. lib. aquæ endi-
 uix, miserat ad quandã mulierẽ, quẽ accepit aquã p-
 tei sine herbis & destillauit, & illa sic misit quoq; V-
 netias. Quare nõ est vitiũ in senibus, qui & sophisti-
 cam & medicinã ignorãt. Patres nostri sophisticã o-
 ptimẽ sciebant: sed moderni, nõ oportet, inquit, v-
 curemus verã medicinã. Arnoldus de noua villa, &
 Raymundus, fuerũt insignes, illas aquas extollunt,
 & meritò. Ego expertus sum cum diligentia, habent
 odorẽ & saporem. Volo destillare aquã: primò vires
 habebo amaritudinis, acredinis, id est, qualitates
 quibus operari debet: secundò tennitatẽ substantię,
 quæ

re nō habet simplex. Ego noui Episcopū Laudensē, ex familia principū Mediolani, delectatū in destillationib, nō tamē vires extrahit. Etiā medicamēta stillat, electuaria, confectiōē hamech, succū rosarū, qui purgat optimē. De hac re à me sedecim scripti libri, octo de destillationib. naturalib. qui iā se perfecti sunt, & octo de artificialib. vbi fortasse omnia ista docebunt: interim legite Raymundū, & Araldū de noua villa, & Arabes. Ante duos dies quidā germanus Ioannes Phrisius, doctissimus iuuenis, de illa oua sorbilia: delicatū erat, quæ ego dedi ædico pro restauratione. Est res certē magna, & multiplex, quæ nō est vituperāda. Sed quia nesciūt preter aquā rosarū, nō inuenietis fortē aliā. Quare non debetis adeo aquis confidere. Dicer aliquis: Cur tu his vteris? Respondeo, ego vtor illis, quia vapor exahit, qui lōgē tenuior est quā subiectū: & vt aqua per instrumentū per quā syrupi penetrēt. Aquā calidā ideo do, nō vt calefaciat, sed vt penetret. ego enim vtilē facio nūc ad penetrādū: si volo calefacere, addo calida. Liber græcus antiquissimus habet Veneris magnæ altitudinis in S. Marci bibliotheca, de arte destillādī. Alter liber Democritus, nō Democriti philosophi, carmine heroico optimē scriptus. Hic ego corruptelas, nō artē seu destillationē vitupero.

Laborans febris continua ex bile & pituita crassa. Consult. XXXVIII.



Miles quidā natus annos quadraginta, circa vesperū passus est maximū rigore, ita vt vir robustus difficulter ob imbecillitatem domum redire posset. Durauit rigor 4. horis, & secutus maximus calor per totum corpus, qui continuò durauit, vsque ad quartum diem.

diem vocatus est Montanus, qui reperta febris continua & feruentissima, pulsu magno & inæquali & pino, vrina rubicunda, & crassa, sedimento crasso, considerata summæ virtutis constantia & morbi quoque vehementia, aperuit basilicam dextri lateris, & eduxit ferè 3 viij. sanguinis subnigri crassiq; cum multo liquore cholerico: aderat ingens sitis, dolor capitis vehemens, defluxus à capite ad pectus & ventriculum. Quinto die egritudinis iussit sumere cassiæ recentis, & electuarium de sebestena, ana 3 vj. in bolo cum saccharo, quæ antè exhibuisset, nisi audiuisse eum pridie beneficiû ventris ter vel quater habuisse. At minoratiuo, multa cholerica, ac vitro simile humores crassos viscidosque eduxit: & quia à prima statim febris inuasionem, tamè ad dormiendû se componebat, & claudebat oculos: videbatur alienatus, & secum murmurabat, putabat se plurimos videre homines ambulantes in cubiculo: ideo eum statim vino abstinere iussit, & ei ordinavit potum ex aqua cum saccharo cocta, & pro cibo panatellam, & modicum ex carne vituli, quòd tempore sanitatis fuisset usus ampliori cibo. Sexto & septimo egritudinis die accidentia mitiora fuere, præter sitim: hæc enim indies magis ac magis eum premebat: dormiuit tamen mediocriter absq; alienatione: syrupos biberat quos ipse ex decoctione hordei plurimùm in aqua purissima & saccharo confecerat, eius singulis diebus manè sumpsit magnam scutellam, quòd nollet confidere pharmacopolarum negligentia, præcipuè in compositione: sed quia siti plurimùm premebatur, clàm post discessum Doctoris sumpsit haustus plurimos aquæ frigidissimæ, & post euomuit cholerica & simul phlegmatica, viscosa: post quem vomitû cessauit sitis, & reliqua accidentia. Octauo die liberatus fuit à fe-

à febre, voluit tamen Montanus vt 12. die fumeret
medicamentum.

℞. Confect. hamech 3 iij.
Trochiscorum alhandal gr. x.
Syrupi rosati ʒ ij.

Cum aqua cichoreæ fiat potio, sumenda in aurora
cum custodia. Et sic liber euasit. Potus aquæ rectè
successit huic: quia corpus antea euacuatum fuit &
per secessum & missionem sanguinis: tantum hære-
bat in corpore præternaturalis illa caliditas, quæ op-
posito facilis erat curatu, cum constaret virtus, &
corpus esset validissimum, in ipso ætatis vigore, quæ
omnia potuerunt aquæ resistere.

Febris quartanæ cura. Consult.

CXXXIX.



N febrem quartanam inciderat homo
biliosus ex iracundia & exercitio in ca-
loribus, maloq; regimine victus. Acce-
perat cassiam ante dies aliquot. Utatur
igitur bona diæta: vesperi exhibeatur bursæta, postea
manè secetur vena, bibat deinde syruos.

℞. Syrupi de absinthio
Oxymellis squillitici ana ʒ j.

Decocti capillorū Veneris & cetrach in aqua
absinthij destillata ʒ iij.

Misce pro vno, & sic pro alijs. Sequit purgatio, quæ
tamen vesperi præcedat bursæta.

℞. Syrupi solutiui ʒ iij.
Confectionis hamech 3 iij.

Cum aqua fumi terræ fiat potio quæ detur in aurora
cum custodia. Biduo sequenti semper bibat manè
brodium pulli, in quo decoctum sit hordeum, & ex-
pressum, cui imponatur saccharum: postea singulis

Xx

diebus bibat brodium in quo decoctum sit coto-
neū, borago, petroselinum, cetrach, man. j. & immu-
diatè ante idumat ex trochiscis sequentibus.

℞. Polypodij recentis

Liquiritiæ rasæ

Corticis rad. Capparum

Anisorum

ana 3 s.

Succi de absinthio

Aloës optimæ

Rheubarbari electi

ana 3 j.

Puluerisuntur omnia per se, deinde misceant, & cum
melle rosaceo fiant pilulæ pondere \mathfrak{z} j.umat vn
singulis vicibus. His cū diu vsus esset, nec aliū
proficeret, quā quod ex duplici quartana, quam re-
gimine malo sub initio contraxerat, simplicem tamen
sentiret, Montanus hoc ei ordinauit :

℞. Myrrhæ

Croci

Aloës elect. ana 3 ij.

Cum melle rosato

fiant pilulæ.

℞. Syrupi pomorum dulcium

\mathfrak{z} iiij.

Aquæ rosatæ

\mathfrak{z} ij.

Musci

Ambræ

ana gr. iiij.

Sacchari \mathfrak{z} xiiij.

Misce, fiat electuarium.

Item ℞. diachilonis cum gummis \mathfrak{z} iiij. extendat-
tur supra corium pro emplastro splenis. Hæc cū ter-
tiò iterasset, sanatus est.

De feбри interpolata.



Vm acceditis ad ægrum quem nunquam
vidistis, & vultis loqui cum eo, semper ita
faciendū, vt ego soleo. Primò ab eis quæ
manifestè apparent signa colligite, ex qui-
bus

bus postea occulta, quæ interiorius sunt, & quis sit morbus, percipietis. Postea cognito morbo subiecto, ad virtutem accedendum, denique ad materiã. Primò igitur quæ exteriorius sensibus apparent, considerata sunt, pulsus, vrina, &c. Non faciendum ut imperiti faciunt medici, qui suspicantur tantum talem febrem, in suo cerebro fingunt & applicant signa consona, cum plerumq; non adsint. Caueatis à talibus, si vultis esse medici digni Hippocrate. Nec recedimus ab ijs quæ apparèt. Primò pulsus in hoc iuvene satis equalis & magnus est: in frequentia non multum excedit, imò potius ad raritatem tendit: non etiam velox multum, sed temperatus, fortis, validus, nullam habet inæqualitatem. Hæ differentiæ sunt in hoc pulsu, & sensui apparèt. Vrina citrinæ substantiæ, crassa, perturbatur facile: non multa, quantum ad quantitatem: quoad liquorẽ, satis lucida: odorem non habet, nec foetet. tetigi hypochondria, præcipue sinistrum, quod tensius est quam dextrum. habet scabiem crassam & humidam, multum vigilat, dolet caput, circa paroxysmos quotidie affligitur, sed alternis diebus plus fitit. Omnia eiusmodi debetis colligere & considerare, ut ex ijs quæ exteriorius apparent, ad ea quæ interiorius sunt accedatis. Incipiamus igitur à primo signo, à nobis collecto, nempe à pulsu. Pulsus magnus est, non velox, nec frequens. Quando pulsus magnus, velox, creber, tunc febrẽ indicat: & putridam, si inæqualis. In hoc iuvene pulsus magnus, quia est sanguineus: quare ratione temperaturæ & ætatis etiã magnus est: & ea magnitudo ei est secundum naturã. Quod si esset ex calore putredinali, esset auctus motus & velocior: nec virtus aggravata est à materia, quod solet indicare inæqualitas pulsus. Exemplum dat Gal. de portatore, quod sæpe retulimus. Et bene sequi-

tur, nō habet inæqualitatē in pulsu, ergo natura non
 est grauata à materia, quod etiam pulsus attestat
 super calorem naturalem auctus vel non auctus, non
 tatus vel non mutatus. Hæc de pulsu colligere deli-
 tis, non esse febrem cōtinuam, sed interpolatā, quod
 non habet differentiam attestantem super cōtinuam
 Vrinæ color hic nō est naturalis: debebat esse pale-
 ris, id est, sicut palea hordei, sic esset naturalis: sed
 hæc vrina transcendit eum colorem. Nec est extrin-
 seca causa, non equitauit, nec se exercuit multū, ergo
 est à causa intrinseca. & is color super humorē at-
 testat, quia aliqua bilis potius tenuē vrinæ facit sub-
 stantiam: pituita verò crassam, vel sanguis etiam pi-
 tuitosus: sed pituita proxima causa vrinæ crassæ: ergo
 concluditur, quia humores crudi, crassi & pitui-
 tosi sint in illo corpore. Est ergo bilis & pituita, po-
 sunt enim simul dominari, propter diuersitatē men-
 brorum, vt cū ventriculus frigidus pituitā multā
 plicat, & hepar calidum bilem, quod non rarò fit. Est
 & pauca vrina, quia fit cū quis vel parum bibit, vel
 ex obstructione in vasis vrinarijs, vel ex siccitate
 caliditate multa. Hic credo (debemus enim cautē i-
 dicare) potius est ex obstructionib. multis, quod vrina
 obstructa ob crassos humores: non quod caliditas
 exiccet, quia haberet febrem maiore, sed ob ob-
 structionē. Est sine hypostasi vrina, quod significat
 sanguinē esse crudum, & nullam habere coctionem
 vnde tempus morbi significatur, quia videlicet sit in
 principio. Sic igitur ex signis colligitis: ex pulsu, quod
 febris interpolata: ex vrina, causam materialem: ex
 bile & pituita, quod tempus morbi sit in principio.
 Hypochondriū inflatum indicat materiam in eo la-
 tere collectam esse, vel in musculis exterioribus, lon-
 gitudinalibus vel transuersis, &c. vel in venis, quod

ma

magis hîc credo, & in corpore splenis, quòd humor in profundo percipit. Habet porrò vigilias & sitim. quid inde iudicamus? Omnia concurrunt. Audiuitis hic bilem esse, & paroxysmum qualibet nocte. Est autem causa vigilix primò siccitas, secundò caliditas: somnus enim præter naturam primò fit à frigiditate, postea ab humido: sed somnus naturalis primò fit ab humido, postea à frigido. Hic vigilat, quia vapores sicciore & adusti magis ex bile ascendunt ad caput, quia tenuiores. Iam ex illis plus nocumendi habet quàm ex pituita, & cerebrum etiam incalcescit, propter paroxysmos quos habet noctu. sitis etiam concurret & attestat: habet enim bilem & siccitatem causantem sitim. Dolor etiam capitis conuenit, sit enim is ex vaporibus calidis. Ex his igitur omnibus colligitis vera esse, quæ ex vrina & pulsu antea collegimus.

Consult. CXL. De febre continua. Collegium D. Montani.



Asus puellæ octodecim annorum, complexionis calidæ & siccæ, optimæ perpetuò valetudinis, quæ ex curis & affectionibus animi, quas in fratris sui aduersa valetudine habuit, in ægritudinē incidit. Menstrua diminuta sunt, & febris eam corripuit cum horrore, & alijs accidentibus: adest dolor capitis, & circa regionem ventriculi, nempe circa orificium, præcipue versus hypochondriū, tensiones percipiuntur: adsunt insomniæ seu vigiliæ, oris amaror, non tamen cum siccitate notabili: calor mordax percipitur, & velox pulsus. Accessionū principia hætenus notari non potuerunt, ideo continua putatur, quæ tamen de tertio in tertiū magis exacerbat. Adest lassitu-

Xx 3

do vehemens, ita vt se vix tollere queat. Rugitus itē in ventre superiori & inferiori auditur. M O N T A N V S: Oportet primū videre quæ natura sit morbi quo affligitur: postea, quæ causæ: demum modus curandi inquirendus est. Primū hanc laborare febri putrida, manifestum est ex signis: pulsus frequentior, inæqualis magis, ac velox. quod ad putredinem sequitur, inuentæ vrinæ crassæ, cum hypostasi per totum corpus sparsa, calor mordax in superficie cutis. Hæc igitur febris est morbus in temperie. An verò præter hanc alia sit ægritudo? Credo quòd sic: est alia in compositione. Circa orificium & regionē ventriculi tumor est cum dolore quādo tangit, neq; dolor notabilis: & in anhelitu quandoq; percipitur, & à nobis tumor ipse tangitur. Ita duplex est ægritudo. Possit aliquis dicere, adesse etiam tertiū, obstructionem circa vterum, quia actiones eius læsæ in excernendis menstruis, ergo & membrum læsum. Sed quia menstruorū diminutio non ex obstructione tantū, sed ex mala etiā temperie in ipso vtero, vel ob sanguinē crassiorē contingere possit, non posuerim pro certo, id quod est in dubio. Iam morbi causę inquirendę: nō enim scimus curam, quādo scimus talem vel talē esse morbum, sed ex causis cura petenda est. Esse putridam, ex dictis signis constat, pulsu, vrina, calore mordaci. Sed in quibus humoribus est ea putredo, & vbi? Hoc etiam ex signis est inueniendū. non habet motū velocissimū. Hæc febris fit quando putrescit humor calidus qui & subtilis, vt bilis, vel sanguis: qui quia velocissimi motus sunt, terminantur septima, vel ad summum decimaquarta die. Et habet seuissima accidētia: nec tarditatē habet eam quæ fit cum putrescunt humores frigidi, vt pituita, & humor melancholicus. Nec calor ita remissus

fus est, & urine magis tinctæ, & dolor occipitis. Ergo humor qui putrescit, nec calidus est nec frigidus simpliciter, sed mixtus: quia accidentia mixta sunt: motus medius inter tardum & velocem: & reliqua signa media. Sitis quidē, sed non maxima: nec dolor capitis nimium intensus: ideo humorem putrescentem etiam medium crediderim inter calidum & frigidum, & mixtum ex plurima pituita & bile. Sed ubi putrescit humor? Audio febrem continuam sine typo, & semper æqualem: ergo humor putrescit intra venas. Est enim febrium continuarum proprium, non horrere. Sed si haberet aliquem typum, aliter dicendum esset. Quod ideo dico, quia in pulsu hoc vespere sensi aliquā contractionē: & ipsa etiā cooperiri voluit: quæ duo cū concurrāt, maximè indicium faciunt esse aliquem typū. Et sæpe hoc contingit, ut in febribus cōtinuis post aliquot dies incipiant apparere in pulsu, vel quia natura fortior in expellēdis superfluitatib. facta est, vel quia coctio aliqua facta, & materia subtilior exhalat. Ideo enim cōtinuæ febres periculosa dicuntur ratione signi, & causæ. Ratione signi, quia indicāt naturā debiliore, quæ permittit materiā ut inimicū putrescere in proprio domicilio, nec potest extra venas expellere. Ratiōe causæ, quia ea materia putrescens faciliè inficit massam sanguinis, ad quod sequuntur febres pestiferæ & exitiales. Fieri igit potest ut hactenus nō habuerit, & nūc incipiat habere typū, idq; bonū esset per viā signi, & per viā causæ. An modo incipiat nūc materia putrescere extra venas, vel sit adhuc intra venas, facillimè videbit Excell. V. per ea quæ succedēt. Si nullus typus succedit, erit intra venas: si erūt aliquæ periodi, erit extra venas. Ideo nolo determinare in re ambigua: tēpus ostendet. nec propterea tolletur

modus curandi, siue intra siue extra venas sit, cum certissima sit inuenta ratio humoris peccatis. potest quidem augere difficultatē. His stantibus facile est nunc videre causas symptomaticas. Vapores ascendant in caput, & dolores excitant: quia admixti ex pituita & bile, excitatos quidē faciūt, nō intentos tamen, propter pituitā obtudentē. Eadē causa est vigiliarū, quē ipse propter pituitam admixtā non sunt continuā: & quod nō multum sitiat. Licet hæc omnia eam quoq; infestent propter humores permixtos contrarios, quorū alter excitat, alter restinguit hæc symptomatica, & mitigat. Ita omnia sibi concurrunt, urinæ rubræ, & tamen crassæ, quia duo humores, pulsus inæqualis. Ergo non est biliosus humor, qui velocem quidem facit, sed pituita magis inæqualis. Hæ sunt causæ omniū symptomatum quæ consequuntur morbū. Id est modò obstructio: quæ vbi fit, ex tumore & dolore apparet. Quare & Gal. & Auicenna testant, quod vbi dolor, ibi est ægritudo. Sed vnde ea est tensio? Non est ex apostemate (alia enim sequerentur, & multò sæuiora symptomatica) sed ex materia flatulenta, quæ facit tumorem, propterea quod flatuatur: nam propter suam multitudinem comprimeret diaphragma & suffocaret: deinde perseveraret tensio, nec ita facilè resolveret à quocunq; extrinsecus applicato. Hic dolor facilè remittit, ergo non est ex abundantia materiæ, sed propter ventositates, ob quas intumescit: hincq; est quod comprimitur & impeditur in dilatatione, ideo adest difficultas anhelitus, sed nō durat, quia flatus citò discutiuntur. Hic tumor est morbus in compositione, quia facit intumescere locū vt non faciat operationes debitas, & est ea tensio ex præsentia materiæ. Hæ igitur sunt duæ ægritudines, & puto vtranq; habere

bere separatas causas, nec vna remota alteram remoueri. Sed quia adest & retentio menstruorum, videndum est an vna etiam ea sit ex his causis. Cùm considero præcedentia, & temperaturâ huius, puto hanc diminutionem menstruorû potius esse ex crassitudine menstruorû & sanguinis, quàm ex obstructionibus matricis. Et si enim sanguinem habet humidiorē ratione ætatis & sexus, & quia in otio vixit & delicijs, & albi sit etiam coloris (sicut solent esse fœminæ quæ non exercentur vt viri) & ob has causas facile aliquem decipere possit, vt videat frigidior quàm sit, habet tamen venas magnas, & arteriarû motum fortē & magnum, & frater ipsius qui ex eodē semine est, est calidus & adustus, ideo credo eam generare multam bilem & sanguinem adustû. Deinde est in decimo octauo anno, qui in puella citius crescente & senescente est ipse flos ætatis, & eadem quæ viginti octo annorum ætas, quia tunc maximè viget sanguis. Accessit ægritudo fratris, quem amabat plurimum. Habuit vigilias, curas, & accidentia animi, quæ adurunt sanguinem, ita vt inde homines etiam melancholici fiant, quia sanguis aduritur. Est igitur sanguis crassior, & multiplicata excrementa pituitosa, quæ fuerunt causæ febris, quæ ipsa etiam sanguinem magis adurit: ideo rebellis educationi, vt non possit liberè exire per meatus angustiores. Exiuerunt quidem menstrua, sed diminutè: ideo causa nō in obstructione erat vteri, sed sanguinis potius crassitie. Et cùm sint tres causæ diminutionis menstruorum, debilitas virtutis excernentis, obstructiones viarû & sanguinis crassities, ego hîc tertiâ esse credo. Hęc de essentia & causis horû morborû. Quod autem ad mores attinet, febris nulla habet signa malignitatis: habet sua accidentia, quæ pendet à putredine, si-

ne deliquijs & egestionibus putridis, & vrinis mutatis & feruantibus malignitatem: sed habet ordinarios affectus cognitos, ideo ordinariã crediderim, & non malorum morum. De tempore febris.

Non quidem video signa coctionis, non tamen arbitror nos adhuc esse in principio morbi: non enim ita perfecta coctionis signa expectanda sunt in ægris sicut in sanis. Non igitur dicendum, adhuc esse in principio: fit enim aliqua coctio, non quidem qualis in sano, sed qualis in ægro: & hanc ob causam in augmento esse crediderim, non in statu tamen, ubi coctio fit perfectior. Prognosticon. Nisi aliud superueniat, quia in itinere multa possunt contingere, vt dicit Hippoc. in febribus acutis non esse certa signa prognostica: & addit rationem Galenus, quia facilè mutari possunt vel ad melius, vel ad peius: tamen prout talis est, non est lethalis. Nã quod dicit Hippocrates, febres non intermittentes quæ tertia die exacerbantur, periculosæ: verum est, quia facilè in deterius incidunt si negligantur: sed propterea non sunt lethales per se, sed ad optimum finem deducunt si medicus non delinquat, & æger obediat: quæ cum ambo hîc sint conuenientissima, facilè sanabitur. Cura. Videmus naturã morbi & principium affectuum pendere à materia putrescente: materia igitur euacuanda, & putredo remouenda. Materia crassa est, mixta ex pituita & bile, & maxima parte intra venas, quia non sunt visæ periodi: ea igitur remouenda. Sed Hippocrates non tantum præcipit, Si talia purgentur qualia oportet, confert, & leuiter ferunt, &c. sed alibi etiam: Quocunq; natura vergit, eò maximè ducere oportet. Quærendum igitur, quomodo, & per quem locum: quia quid sit vacuandum, facilè videmus, pituita scilicet &

& bilis. Sed ex quo loco? ubi putrescit, in venis, propterea quod perspiratio prohibetur, & calor naturalis opprimitur à multitudine materiæ: ergo euacuanda. 4. sanit. tuendæ. Si putrescit materia intra venas non aliena à sanguine, mitte sanguinem copiosissimum: si non multum aliena, mitte, sed parcius: si omnino aliena, abstineas. hæc sunt verba Gal. Hic humor non est admodum alienus, quia pituita mixta cum bile sapit caliditatem, & omnino tardi motus est: nec rebellis est calori, quia inflammatur. Est ergo permixta sanguini, & putrescit, quia prohibetur euentatio, & facit obstructions. Venæ igitur sunt euacuandæ, & quærendum ut transpiret corpus, & vacuetur materia, quod neque melius neque citius fieri potest quàm per missionem sanguinis, ideo eam in febribus laudo semper, quia vel antecedentem vel proximam causam tollit: siue humor sit extra, & tunc antecedentem tollit: siue intra venas, & tunc proximam. Mittendus igitur est sanguis, id quod statim antequàm morbus ad statum perueniat: neque restitendum, quia periculum est ne æger moriatur. Vidi omnes sic curatos, & credo nil præstantius nisi ut mittatur sanguis. Nec à saphena educere: si enim sint obstructions, non exhibit sanguis, cum præsertim materia sit crassior. Ideo à basilica mittere, quæ ad educendum sanguinem crassior est aptissima. Refrigerabit hepar, ut generet sanguinem magis æqualem, non tam crassum, qui postea sponte euacuabitur materia insurgente, sublato hoc modico impedimento. Si igitur cras non erit summe debilis propter maximum paroxysmum, aut vigilias huius noctis, ut magis indigeat alimento & restoratione quàm missione sanguinis, omnino fieri phlebotomiâ à vena basilicâ suadeo quantum sufficit, quâ præsens medicus iudicabit: si sanguis niger & cras-

fior, permittatur exire: si pulcher, clarus, lucidus, statim obstruatur: ideo enim laudat Galenus missionē sanguinis præ cæteris medicamentis per os exhibitis, quia semper reprimi potest, & vel parū vel multum educi, secundum astantis voluntatē: quod non ita potest moderari in medicamentis per os exhibitis. Et video quotidiana experientia, quòd ubi prætermittitur sanguinis missio ubi fieri debebat, morbi sunt lethales aut longi. Nec ideo timeat quòd sit prima phlebotomia: habet ætatē conuenientem: aut quòd inde futura sit sterilis: istæ sunt aniles fabulæ, & figmenta sine fundamentis. Si tamen sudet copiose, aut per aluum egerat, vel per nares sanguinē reddat, vel aliqua fiat vacuatio, vel plurimū laborarit, vel virtus defessa sit admodum, omitterē. Si nihil horum contigerit, mane summo, clystere exhibito, sub horā præterea xvij. aperirem venam. Circa alterationem postea (quia in putridis nō solum sanguis mittendus, sed etiam alia facienda, quæ Auicēna duob. verbis diuinē docet, cū inquit, lauare aluū, prouocare vrinam: hæc qui facit, curat febres putridas) lauatur aluus clysterib. & est magis dilectus vsus clysterū, quia fit quotidie sine strepitu, quā prouocare vrinas. Syrupus ex capillis Veneris optimus est, aperit obstructions. Syrupus de cichorio & cetracho Nicoli, omnes sunt optimi, eligatis quos vultis. Postea si vellet tolerare decoctū in hyeme hac, melius esset: acciperem aquam endiuix, capill. Veneris, quanquam in his non confido multum. Ideo si haberemus herbas bonas, capill. ven. cetrach, eas decoquerem in aqua endiuix & boraginis, & esset eo maior subtilitas, & facilitas prouocandi vrinam.

P R O O B S T R U C T I O N E.

Si singulis diebus vel alternis acciperet vna pilulā
aloēs

aloës, vel hierę simplicis scrup. j. Nec metuerę febrę, quia euacuat bilem, & restringit sitim, refrigerat, & educit materiã facientę obstructions, & calfacientem. & potest dari lota aloë, vt minus calida sit: educit humores. Sed si essent imbibiti intra tunicas ventriculi, melior esset hiera, vt inquit Galenus. Potest igitur exhiberi aliquot diebus, vt videamus quomodo conferat: si enim non cõducit, poterimus alia exhibere: sed credo quòd in his optimè habebit.

RATIO VICTVS.

Nescio an consueuerit vinum lymphatum bibere: si possit, credo vtile fore vt abstineat à vino. Galenus tres recenset causas in quibus sit abstinendum à vino, in epilepsia, in adustionibus, & humorib. crudis. Hic sunt humores crudi, &c. Sed darem aquam coctam cum cinnamomo vel pipere, quam Gale. dabat, & fortè melius esset: quia enim eius caliditas nõ transit ad hepaf, potest poni vel piper, vel cinnamomum, vel quatuor garyophylla cum modico sacchari. Comedet iuscula, panatellam, & modicum carnis. Si habebit paroxysmos, mutabit ratio victus, & non ita cibabitur sub noctem, quòd eo tempore soleant magis exacerbari symptomata, vt iam etiam accessio manifestè se ostendit.

Consult. CXLI. De melancholico.

ACCIDENTIA quibus affligitur hic nobilissimus vir, sunt manifesta sensui, de quibus non ambigere potestis. Primò percipit stuporem manifestum ferè in omnibus corporis partibus, præcipuè tamen circa tibias: & obtusionem ferè omnium sensuũ, tactus, gustus, &c. Dicit etiam aliquando ita sibi diffidere, vt non auit egredi domum, metuens ne deficiat, & in

cursu etiam detrimentum quandoq; percipit: non
 audet interdū loqui, ita defectus totius discursus re-
 ferebatur ad diffidentia. Est & aliud insigne, maculæ
 nigræ circa omnes partes corporis in ipsa cuticula,
 non profundę, sed superficiales tantū: & illæ sunt
 cum pruritu magno, ut conet scalpere: estq; ipsum
 genus quod & Diosco. & Gal. *ἰκταρία* vocant, quasi
 à sole contractas: sunt enim nigræ, quales sunt homi-
 nes multū in sole ambulantes: hæc contingunt per
 intervalla, & solebant redire singulis mensibus: sed
 postquā est curatus Venetiis ab excellentiss. medico
 & fratre meo, nō tam sæpe redeunt interim illa, ut
 nunc post duos menses aut vnū cum dimidio rede-
 unt. Addit, quod licet rarius veniat ea symptomata,
 tamen in intervallis non ita prorsus ab ijs liber sit ut
 antè: nunc quasi semper sentit aliquid quod ante il-
 lam curationē non senserat. Hæc sunt accidentia ab
 eo recitata, quæ omnia sunt facilia cognitu: sed in
 causis indagandis est summa difficultas, nec possum
 mihi satisfacere. Circa stuporem maxima difficultas
 est. Stupor est actio diminuta: ergo à frigiditate. 3.
 de causis sympt. Actio corrupta à caliditate venit,
 diminuta ab intemperie frigida: hic actio diminuta,
 ergo à frigiditate, idq; vel positiuè, vel priuatiuè. Di-
 minuitur actio, cum sit frigiditas in mēbro, propte-
 rea quod virtus animalis seu calor ac spiritus veni-
 ens ad membrum illud non accedit: ita membrum
 priuatur calore debito, refrigeratur priuatiuè. Sic
 refrigerantur membra in timore, quando spiritus &
 calor ad cor refugiūt, ac cessant motus & sensus. fri-
 giditas positiua est cum refrigeratur membrum, vel
 quia in propria essentia & in temperatura læsum est
 ac refrigeratum, vel quia materia affluerit, atque
 ita in ipso membro sit quod lædit. Hæc ergo est dif-
 ficultas,

ficultas, quòd non scio vnde possit esse stupor. Si
 à causa priuatiua, ea est vel ob obstructionem, vel
 ob paucitatem spirituum, seu ob aliud accidens su-
 bitum: in his omnibus debebat antè lædi motus, ad
 quem longè maiori & vehementiori calore & spi-
 ritu opus est: quia motus est in actu, sensus autè in
 pati. Secundò, natura magis sollicita de necessarijs,
 semper reseruat id quod magis est necessarium: igi-
 tur cùm alterum est amittendum, potius motus
 quàm sensus aufertur, vt in paralyfi. Propter has du-
 as causas non credo, neque ob paucitatem spiritu-
 um, neque ob obstructionem, esse imbecillitatem in
 sensu alicuius membri, & non in motu. Sed dicat ali-
 quis, diuersi nerui sunt, nam nerui sensus sunt humi-
 diores, & facilius lædi possunt quàm nerui motus.
 Responso: nerui motus duriores quidem sunt, &
 propterea etiam non ita facilè implent à spiritu pau-
 ciori, vt nerui sensus, qui humidiores sunt & parui.
 deinde nerui circa quos ipse sentit maximā imbecil-
 litatem in sensu tactus propè tibiā, non sunt tam hu-
 midj, quia nō à cerebro, sed nucha & spondylis dor-
 si oriuntur. Nec ob frigiditatem positiuam hoc fieri
 posse video. Si enim dicas factā frigiditatē quia flu-
 xerit materia ad neruos sensuum, & nō ad neruos mo-
 tus, quia diuersi sunt, & quidem sensus nerui imbe-
 cilliores non ita resistent læsionibus extrinsecis: re-
 sponso: verum, facilè posse pati eos neruos, vt Gal.
 1. de sympt. cau. de his qui in sensu tactus impedimē-
 ta habent, & non in motu: sed id nō videt esse in hoc
 viro. Si enim intēperies esset in illis neruis, perpe-
 tuò esset, nec aliquādo cessaret: hic verò sentit quan-
 doq; quandoq; non: si esset ibi fixa materia perpe-
 tuò, nō sentiret. Et ita restat difficultas apud me ma-
 gna, quæ sit causa. Præterea si tantum esset ibi humi-

ditas obtundens calorem, & non frigiditas quæda
sed caliditas quæ obtunderetur quidem ab humid
tate, non posset tamen extinguere, non sequeretur d
minutio actionū, sed corruptio. Galen. 2. p. ait: In
temperies cerebri calida humida corrumpit actio
nes: & si esset tanta humiditas cerebri quæ obtunc
ret calorem, non bene discurreret, nec memorare
tur: hic optimi sensus & exactissimi, memoriter re
fert omnia quæ contigerunt ei per totam vitam. Sc
tis autem dictum Heracliti: Spiritus siccus, anim
prudentissima. Non igitur possum imaginari quæ
modo humiditas sit impediens & obtundens calor
in hoc viro: atque ita plenus sum difficultatum. Au
diatis processum, quo in rebus ignotis deducā vo
per coniecturas. Suppono temperaturam: à natiuit
te abundavit in hoc corpore caliditas cum humidi
tate: id conijcio ab habitu corporis in hac ætate: el
enim viginti annorū, obesus & crassus seu pinguis
& video signa manifesta: est subniger, & non habet
pilos indicantes frigiditatem: deniq; abundat mul
to sanguine, ex quo hepar est calidum & humidū ge
nerans multum sanguinem. Habuit autem pessimā
rationē victus Venetijs primū: præterea xvi. na
tus annos iuit in Dalmatiam, vbi crassus & meri
dionalis aër: vescebatur carnibus & piscibus crassis.
laborabat animo & corpore sub sole, & in negotijs
circa quæ non erat assuetus: inde contraxit cacochy
miam ratione temperaturæ, & causarum extrinsecar
um, & congregauit multam materiam melancholi
cam: quia qui calidi & humidi, generāt multum san
guinem, & plurimum etiam fæcum: quia vbi multum
est de sanguine, præsertim crassiore, ibi etiam mul
tum est de fæce sanguinis: & tales fiunt facile melan
cholici cum accedit causā extrinseca, sicut hic om
nia

nia conspirant; multos noui tales. Est etiā manifesta coniectura ex Gal. 4. de san. tuen. tale esse dominiū humoris, qualis est color cutis: hīc sunt maculę coloris admodū nigri, quę cooperiūt ferē totam cutim, quę significant dominium humorū eius. illę maculę pruriunt plurimum: excitatur autem ille pruritus à difflatione, quia diffilatur humor melancholicus: deinde etiam, quia humor est acidus: semper enim aliquid pituitę admixtum habet, quia melancholia frigida est, & extinguit calorem naturalem hepatis, & repletus est splen eo humore, intumescit, & sua frigiditate minuit calorē hepatis, & impedit coctiones, ita fit vt genereēt multa pituita. Ideo multi qui abundant melancholico humore, sunt hydropici & splenetici, ob extinctionem caloris naturalis, & multitudinem phlegmatum. Hinc est quod apud veteres, omnes medicinę euacuantes humorem melancholicum, semper habent admixtum aliquid euacuans pituitam, quia nunquam separantur: vt in coctione hamech, elect. Indo, & alijs antiquis. Nec credo esse succum melancholicū adustum, quia faceret vlcera: sed credo naturalem esse, non enim est malignus. Pruritū autem facit propter adustam pituitā: abundat succus melancholicus naturalis, qui generatur in hepate, & transit per omnes venas: quod mihi manifestum est, quia maculę sunt per vniuersum corpus: ex venis autem succus ille transit in corpus, & ad cutim, & facit illas maculas. Quia igitur in toto ambitu venarū est, ideo perpetuō euaporat ad caput, & suis certis periodis corrumpit actiones cerebri, prout magis vel minus augetur à mala ratione victus. Sunt enim certę periodi & varię, pro ratione humoris, vt apparet in quartanis: & actiones variē diminuuntur, prout vapores ascendentes diuer-

Y y

fas cerebri partes occupāt, vt tertio de causis sym-
nunc discursum, nunc imaginationem, nunc memo-
riam. Et est varietas magna in eo præcipuè humo-
re, nam refert Galenus, quendā imaginatum se esse
gallum, alium se habere caput ex olla fictili. Nec ha-
rum rerum causæ certæ referri possunt, cur vel ha-
vel illa actio impediatur. Hic homo illud, aliud al-
ius imaginatur. Vidi quendam qui totam mundi su-
perficiem imaginabatur esse ex subtilissimo vitre-
& subtus esse serpentes, se in lecto tanquam in in-
sula, vnde si egrederetur, frangeret vitrū, & incide-
ret in serpētes, ideo nolebat ex lecto egredi. Credo
autem totū hoc imaginationem esse, & quòd omni-
illa symptomata imagineat, & quòd non sentit in ti-
bijs: si pungeretur fortiter, fortasse sentiret. Ita ima-
ginatur, vt nō possit discurrere: aliquando ita diffi-
dit sibi, vt non possit exire domum. Timet, quod est
propriū melancholici. Vidi plures tales Venetos.
In oculis bene credo defectū aliquem. videtis quan-
latā habet pupillā. Reliquū totū credo esse imagin-
tionē. & fit interdū reuera vt homo nō sentiat, cū
est intentus in aliud, vt ait Aristot. in proble. & 2. de
anima, quæ alio occupata nō percipit obiecta. Hippo-
ait, Vbi aliquis dolorē nō sentit, mens laborat: quod
admodum quadrat ad propositū nostrum. Iste dolo-
res nō sentit, ergo mens ægrotat. Nec (meo iudicio)
possumus referre alias causas, sed credo totum affe-
ctum melācholicū, & ponerē illū in capitulo de me-
lancholia, vt dicunt. Est autē humor melancholicus
non per essentiam in capite, sed per consensum exha-
lat ex hepate, & ex ambitu venarum. Est enim du-
plex humor melancholicus. 3. locorum affect. quan-
doq; in capite, quandoq; in ambitu venarum. Cre-
do quòd sit hic per consensum in capite, per essentiā
in

in venis, idque eò, quòd certas periodos habet. Si in capite, semper & perpetuò talis esset. His stantibus credo quòd difficulter curabitur, quia omnes affectus melancholici diu durant, ex Gal. sententia, qui ex Diocle refert de hypochondriorum dolore, qui per còsensum tamen est: quantò hìc cura difficilior? Nihilominus si quis toto studio quærat euacuationes, & curet ne generetur alius nouus morbus, melancholiam vel curabit, vel ad meliorem statum reducet: quia interim ex quo euacuari cœpit & curari, leuius nunc inuadit, & per longiores periodos, si præsertim talis euacuatio fiat cum elleboro, qui verè euacuat melancholiã: videmus enim effluere cùm exhibetur, non aquea & humida, sicut fit cùm dantur folia senæ & epithymum: nam elleborus verè & sine difficultate melancholiã euacuat, si debito modo & iusta quantitate exhibeatur. C V R A.

Quia igitur in toto corpore & ambitu venarum est, primò minuerem sanguinem, præmissa leui purgatione materiæ còmunis, quæ est in ventriculo & intestinis. Darem igitur cassiam, vel hierã: præterea euacuarẽ sanguinem copiose ex basilica vtriusq; lateris ad 16. vel 20. etiam vncias, duabus vel tribus vicibus, quia corpus est plenum sanguine. Post missionem sanguinis darem præparantia, syrup. borag. buglossæ, lupuli, & decoquerem in quindecim vel sedecim vncijs aquæ casei cum modico oxymellis, ad purgandum, leniendum & coquendum succum melancholicum: tandem euacuarem cum leuioribus, primum quæ succum melancholicũ & pituitam simul educũt, vt còfectio hamech, & alia: postea vbi semel aut bis hoc factũ esset, ad decoctũ ellebori accedere cum alijs: vt, omne genus myrobal. contusum infusum in aqua fumi terræ decoquas: coctioni

præterea addant folia fenæ, epithymū, polypodiū glycyrrhiza, & semen citri, ʒ. semis ellebori: & vi. huius decocti sumantur: idq; ter vel quater fac rem, prout & humorem educi, & ægrum melius habere viderem. Videbit proculdubio se iuuari hac ratione. Præterea vtatur victu optimè nutriente: comedat carnes iuuenes generantes bonum sanguinem: vinum bibat maximè nigrum aut subruffum: si cum socijs latus & hilaris: viuat in aëre puriore, æstate præsertim, qualis est in Foroiulio, vel ad montes Vincentinos. Hæc omnia si quo ordine debet agat, vel curabitur, vel saltem minus laborabit.

Consult. CXLII. De ophthalmia.



Onqueritur hic de quadam dispositione præter naturā circa oculum, & maximè quòd in sinistro oculo sit imbecillitas videndi, videt enim quasi per quandam nebulam: in alio oculo est quædā punctura. In sinistro oculo adest etiam quædam macula circa corneam, maximè vbi terminatur ad pupillā. Petit consilium. Et cū omnis dispositio præter naturam indigeat curatione sibi propria, ideo inuestigandæ causæ illius maculæ. Et quæ sit causā illius nebula apparentis in visione, inuestigabo ego ex his quæ vidi. Iste Nobilis vir vbicunq; versat, aut aspicit aliquid circa aërem tenebrosū, pupilla fit maior: vbi autē in luce aliquid videt, redditur pupilla constrictior. Hoc est vnum, quod est inuestigandum, & hoc vidimus heri. Adest igitur nebula, id est, videt quasi per nebulam: hoc est ab vna trium causarū, vel ab instrumento, vel à virtute illustrāte, vel à spiritu: his enim tribus fit visio. Ergo apparet nebula, vel propter instrumentum, vt in cataracta, quia in ea in spatio est quædam

quædam aqua obscura, quæ impedit transeuntē spiritum, & reddit spiritus obscuros: hoc nō est in hoc viro: nam hæc aqua appareret ad sensum, imò in vtroq; oculo pupilla est clara, sine aliquo nocumento. Non etiam est materia obstruens in nervo, quia spiritus liberè transit, & pupilla dilatatur, cū alter oculus clauditur, quod & Auic. ponit. Vnde arguit quod sit liber transitus spirituum. Ergo nullam uideo obstructionem in vijs, per quas vel virtus vel spiritus non possit pertransire. Ergo hæ partes sunt liberæ, & oculus, quantum ad hanc visionem impeditam. Igit vel virtus erit affecta. Sed hæc etiam non est affecta: quia licet sit in cerebro, & postea determinatur ad ipsum oculum, non apparet aliqua læsio: ideo nec ad virtutem hoc referendum. Ergo relinquitur, quia ex tribus his aliquid esse necesse est, quod hæc obscuratio sit in spiritibus, & ad hoc refero omnem hanc obscurationem: & hoc est præcipuum: nam dum est in obscuro aëre, dilatatur pupilla ad oculum, & videtur cornea constringi ex dilatatione pupillæ. Contrà in aëre claro & lucido pupilla constringitur, & cornea dilatatur. Hoc indicat spiritum quidem esse multū qui deueniat ad oculum, sed tamen crassum. Ergo dixerim ego, spiritum emanantem esse propter aliquam materiam crassam admixtam, factum crassiore. Vnde in loco obscuro, cū non adiuuentur spiritus ab aliquo extrinseco illustrante, hinc natura illud quod non potest agere, facit ex multo spiritu, & hinc ex multo conatu dilatatur pupilla, propter multitudinē spiritus aduenientem. Sed in luce clariore illustrantur spiritus à luce: ergo minor spiritus requiritur ad operationē videndi, & inde pupilla redit ad propriam suam naturam & magnitudinē: & hoc etiam videtur in illis

qui habent crassos spiritus. Ex illa igitur manifestissima dilatazione in obscuro loco, & cōstrictione pupillæ in luce, dico q̄ sit hæc læsio visionis propter crassitudinem spiritus, & non propter crassitudinem corneæ. Et quòd hic spiritus sit crassus, sunt multa signa. Patitur etiam in oculo sano dolores. Oculus qui patitur est imbecillior. Et quia quælibet impressio fit fortior in subiecto disposito, ideo ille oculus resistit quidem plus, sed non ita oculus affectus. In oculo sano non potuit se defendere, quia descenderat materia stimulans & acris, & ita se defendit quantū potest. Ergo vterq; oculus affectus sanus, quia est destillans. Oculus autē affectus duobus modis. Et spiritus deuenientes ad oculum affectum, patiuntur. Hæc videtur esse causa. Et nō possumus imaginari quidē quæ causa sit in instrumento. Hoc quantū ad nebulā & obscuritatem, quam percipit videndo. Hoc in ebrijs videmus manifestè, & quibus vapores ascendunt ad cerebrū: nam spiritus illi sunt crassi in eis. Et q̄ illis in paucō tempore contingit, fit in his perpetuò propter causam intrinsecam.

Nunc de macula. Non constat apud me certi aliquid de illa. Si dixerit aliquis, quòd ibi sit cicatrix, propter aliquod vlcus, quod processit: verum est quod contingunt quidem sæpe ex vlcere: sed an hic ita sit, in hoc est difficultas. Si fuisset vlcus, vidissent illi qui curarunt. Sed hoc nobis non est indicatum: nam an successerit vlcus ex illo tumore, non est nobis dictum. Hoc ergo apud me est ignotum. Si non vlcus, ergo nec cicatrix: si non cicatrix, ergo aliqua materia viscida & crassa in causa erit huius maculæ: sicut & in reliquis corporis partibus hoc euenire videmus, vt in cute, in qua sæpe oboritur talis tophus aut macula: & in oculo hoc frequentissimè

simè accidit. Ergo ego potius crediderim hoc esse ex materia tali, viscida & duriore, nisi audiam de ulcere. Sed hanc maculam non curo. An autem sit in superficie vel non? Heri vidi, & sum quidem iam senex, & visum debiliorem habeo, tamen vidi esse in superficie. Hoc tamen relinquam in dubio, & relinquo hoc conscientijs vestris: & pro nunc pono in dubio, quia variat cura prout est ille locus. Modò est videndum de illa obscuritate visus, quia de hac plus refert, quia in deterius veniet proculdubio.

Supposito quòd sit propter obscuritatem spirituum, propter materiã mixtam: & cùm materia fluat per oculos, primò quæritur quæ sit illa materia: secundò, vnde, an sit in oculo. Quo ad primum, dico esse materiam mixtam, partim pituitosam, quod apparet ex consistèntia & crassitudine, gummositate & visciditate. Ergo est pituita. Sed percipit puncturas aliquas & corrosiones, ergo est & biliosa. Dominatur quidem pituitosa quo ad quantitatem, sed non quo ad vires. De secundo, vnde deriuatur? In oculo non generatur, cùm sit copiosa. Et si esset tanta intemperies in oculo quæ generaret hanc materiã, essent alia symptomata in oculo, & oculus nò esset tam clarus. Sed an caput, an partes inferiores transmittant? Credo quod nò sit referendũ ad caput. Illud membrũ sanũ est, cuius operationes sunt sanæ. Sed hoc caput non est affectũ, nam haberet vitiatas operationes. Sed adest grauitas, & adest materia. Dico, quod hoc est propter ascensum vaporum. Non nego ibi esse materiam, sed an ibi genereĩ, videte Gal. lib. 2. de diff. feb. de causis periodorum, & de natura fluxuum &c. Ergo non nego à capite materiam fluere ad oculum, sed non video vitium in capite, vnde genereĩ in capite. Primò igitur dico quod est imbecillitas ventriculi.

Et hepar habet valde calidū, cū cōqueratur quòd nihil possit tolerare. Item quòd hepar calidum habeat, manifestissimum est ex habitu corporis, & habitudine venarum. Stantibus his duobus, quid mirū repleri caput? Ex ventriculi imbecillitate multiplicatur pituita: ex hepatis caliditate ascendunt vapores ex toto ambitu venarum, vt Galenus de dolore capitis. 3. sympt. Ergo cū sint hę duę causę, non mirum si patitur destillationes multas & catarrhum: & cū oculi sint imbecilli, expellitur materia ad oculos. Et videmus omnia consona rationi. Ex ventriculo sunt vapores crudi, ex caliditate hepatis vapores calidi: ergo materia mixta, quum habeat diuersas mineras. Concludo ergo caput non affectum per essentiam. Sed est repletum, dolet, grauitatē habet capitis. Dico hęc omnia esse per consensum. Itē plurimum dormit. Dico, hoc fit propter multitudinem vaporum ascendentium. Vnde ebrij qui aliàs sunt vigiles, & omnino parum dormiūt, tamen tunc cū ebrij sunt multum dormiunt. Vnde credo, vt apparet ex toto habitu & operibus optimis, quòd sit in se calidi & sicci cerebri, & quòd non sit deductum ad aliquam intemperiem: sed est quidem affusio materię refrigerantis, sed nō in essentiā est mutatum cerebrū. Ergo credo quòd sit propter materiā pituitosam & biliosam, & quòd deueniat à capite, sed non generetur ibi, sed à toto ambitu corporis.

His suppositis de cura dicendum. Potest ne curari? Duo sunt hīc: primò macula, secundò obscuritas visus: & si tollatur materia, ille spiritus remanebit in propria substantia. Tamen cū spiritus sit nobilissimę naturę & oculus, facilè accipiunt nocumentū: & quòd hęc affectiones perseuerantes non bene curantur: & Auic. dicit, post sex annos non esse curabiles.

les. Ego credo quòd cura erit satis difficilis, sed præseruandus tamen est. Si illa macula est ex vlcere, non potest curari. Si à re quadã dura, vt diximus, & nec tunc etiam. Nam si res illæ duræ, & tophi in cute vix possunt curari, quid fiet in membro tam nobili? Ergo hæc cura impossibilis. Sed quia petit præseruationem, & curationem etiam, si fieri potest, natura rei indicat nobis quomodo sit curanda. Quia repletur perpetuò caput ex causis inferioribus, ergo materia primò est auertenda. Si materia est aggregata, euacuanda erit: quæ continuè ascendit, erit auertenda: & quæ generat, prohibenda ne genereat: quo ad partem generatam euacuet. Ergo euacuandũ corpus. Nò toletat fortia. Ergo faciamus vt baiuli, vt Gal. 2. de caus. pulsuũ, portant pluribus vicibus quod alius fortis quidam portaret vna vice. Ita & nos sæpius & leniter purgemus, vt cum hiera, cum pilulis mastichinis, quas dicit se ferre posse, propter agaricum, quia in capite est materia: euacuant etiã ventriculũ propter aloẽ. Item tolerare poterit pilulas de tribus, vt Rhabarbaro, agarico, & aloẽ, quia materia est in hepate, ventriculo, & capite. Ergo hæc pilulæ optimè conuenirent hepati propter Rhabarbarum: capiti, propter agaricum: & ventriculo, propter aloẽ. Exhibeantur syrupi qui non tamen attenuent materiã crassam, sed etiam quibus clarificentur spiritus: & ideo faceremus ex succo fœniculi, verbenæ, euphrasiæ &c. Item betonicam possemus addere, & facerem ita syrupum magistralem, qui attenuaret materiam, & clarificaret spiritus. Et hi syrupi exhiberentur inter pharmacum primum & pharmacum alterum. Euacuato toto corpore, & diuersione etiã simul facta per ipsum pharmacum, tamen necessariæ etiam sunt postea continuæ diuersiones, & hæc fiant

per pilulas, licet Galenus damnet hunc continuum
vsum pilularum, tamen non est inconueniens. Face-
rem ego quidem cauteria, non in capite, quia attra-
heretur materia: nec in brachijs, quia tunc etiam at-
traherem ab inferioribus ad superiora: sed in tibijs
facerem, scilicet in vtroq; crure. Et hæc puto suffice-
re pro auersione, non pro deriuatione: hanc enim
non intēdimus. Hæc cauteria teneant apertā nō per
menses, sed per annos. His factis nō puto caput mul-
tum corroborandū esse: si tamen videtur quod sint
faciendæ lotiones, ne recipiat materiā, possent fieri
cum decocto ex rosa, pro confortatione, & chamo-
milla, & parū gummi sandarachæ diluti, & aliquid
etiam agarici addi potest, vt fiat mundificatio capi-
tis. His peractis ego nollem molestare virū: nō cum
aqua balnei, quia sicci habitus, & calidi hepatis. A
stillicidio abhorrerē vt à peste, propter intemperie
illius capitis, & credo quod pessimē inde haberet si
vteretur eo. Quo ad oculū, nō indigemus vna in-
tentione. Nam non est verisimile, quod cū semper
aliquid ascendat, q̄ non aliquid infideat. Ideo corro-
boretur calor innatus oculi, vt concoquat materia.
Ideo cū Gal. nihil præponat scœnugræco, hoc enim
concoquit sine attractione, & corroborat calorē, &
diffilare facit si ibi est aliquid crudi, ergo vterer fre-
quentissimē decocto scœnugræci. Quo ad abster-
sionem & mundificationē præcipuē illius pustulæ, ca-
uerem tanquā à peste, à re mordicante. Tutia si re-
ctē præpararetur, & veram haberemus, laudarē: sed
quia nō rectē præparatur, & semper videmus quod
quotiescunq; vtimur excitet dolorē, cū tamen ipsi
antiqui dicant eam minimē esse mordacē, ideo omit-
titur. Soleo ego parare albumen oui cum zuccharo
candi ros. & ponere in solē in aliquo vase donec exic-
cetur,

cetur, & postea contūdere & cōterere in marmore, & de hoc puluere inspergere oculū. Vel si volumus facere collyriū, & diluere cū vsus postulat, cū modico decocti sœnugræci: hoc abstergit sine mordicatione, est enim mordicacissimū medicamentum. Et cōfortat etiā hoc collyriū exiccando, ne recipiat nouā impressiōē. Et caueat à fortib. remedijs, prædico enim ei, si multa remedia adhibuerit, q̃ efficiet totus cæcus. Hoc eū admonitū volo, & credat mihi.

*Consult. CXLIII. De Ophia-
si & Alopecia.*



Larissimi atq; doctissimi viri, occurrit nobis nobilissimus adolescētulus, cum quibusdam dispositionibus præter naturam, quæ apparent sensui. Duo sensu deprehendunt circa cutem, qui affectus cū sint contigui, tamen videntur diuersi & contrarij. Primò est priuatio omnimoda capillorū: quæ siue sit alopecia, siue ophiasis, siue caluitium, nunc non dicam, sed infra. Secundò est tumor quidam præter naturā, cum crustis & pustulis apparentibus. Est ibi raritas, & ideo etiam priuatio capillorū. Primò vident esse affectiones contrariæ. Defectus pilorū solet esse ex nimia siccitate. Crusta et ἀχάρες proueniūt illi ex deprauatione humorū. Causæ igit horū considerandę. Primò quo ad priuationē pilorū, dico hāc nullo modo esse posse ex siccitate, sed ex redundātia aliqua mali humoris: & ab eadē causā prouenire has affectiones, scilicet à deprauatis humorib. Nam pilorū conueniens materia, teste Gal. & melius Arist. 2. de gen. animal. prouenit ex humore adusto cum quadā pinguedine, & substātia aërea: vbi talis materia deficit, deficit etiā materia pro pilis. Hūc illa materia nō est talis

qualis esse debebat, sed corrupta & deprauata. Eodē loco dicit Aristot. quòd pili sunt passio cutis, & requiritur etiam ad generationem pilorum temperamentum cutis: & ex superfluitatibus cutis tantummodo generantur pili, & non ex alia superfluitate: vnde secūdum cutim affectā afficiunt pili. Ergo talis materia est propter duo: primò, quia ista materia nō est idonea ad pilos generandos, sed corrupta. secundò, propter locum non bonum, quia temperies cutis est valde humida, quæ non potest producere pilos. Nam & nimia humiditas & nimia siccitas prohibent generationem pilorum. Fortassis contraria etiam quædam affectio est in ipsis meatibus, nam & horum ratione sæpe non nascuntur pili: sed hoc nō est manifestum, dicamus tantū de ijs quæ apparent. Ergo hactenus habemus intemperiem cutis, & materiam malam, ratione quorū videntur duo contraria fieri. Primò, priuatio pilorum in parte commissuræ coronalis, vbi plurimæ fiunt transpirationes vaporum. Euaporato plurimo humido propter amplitudinem meatuum in illa parte capitis, non potest materia aggregari. Gal. probat vapores diuersos effectus facere pro crassitie & materiæ & meatuum. Nam si possunt transpirare, nihil mali aut incommodi inde euenit in cute. Sed si vel propter crassitiem vel densitatem meatuū cutis nō possunt transpirare, fit vel pruritus, vel scabies, vel *ἀχρόψις*. Ergo in illa parte futuræ coronalis vbi meatus sunt aperti, non potest illa materia detineri, sed transpirari, & nihil aliud incōmodi facit quàm priuationem pilorum: non tamen alopeciam facit, quia nulla ibi abrasio est cutis. Ophiasis est cum decorticatione cuticulæ, quia fit propter humores deprauatos. Alopecia etiam ex siccitate. Hic videmus in hoc puero, vbi

vbi deficiunt pili, esse asperitatē: ergo est ab eadem causa, à qua fiunt crustæ. Nam vbi cranium est crassius & densius, ibi materia non potest transpirare, sed fiunt crustæ. Ideo circa posteriorem partem capitis apparent illæ pustulæ, & videtur esse dispositio quædam proxima ad *ἀχώρας* & tineam. Ergo hæ duæ affectiones licet secundum sensum videantur diuersæ, tamen ab eadem esse causa videtis, scilicet humoribus deprauatis & intemperie cutis, quæ in hoc puero est maxima. Sed vtrum illi humores deprauati ibi generentur, vel aliunde deueniant, inquirendum. Dico, vtrunq; potest contingere: potest enim aliquando fieri, q̃ nihil patiente cute, tamen materia ad illam demandetur. Sed in hoc puero video ipsum optimè esse dispositum quo ad habitum corporis, calorem, & omnes operationes: vnde non video vnde debeant multiplicari humores tam deprauati. Nam si humores aliunde demandarentur, & in membris naturalibus, vt hepate, splene, ventriculo &c. esset quædam mala dispositio, tunc circa cutem apparerent maiora symptomata: & nihil est quod magis attestetur dispositioni hepatis & lienis quàm color, quem in hoc puero videmus esse optimum, clarum & lucidum, propter spiritus bonos & lucidos quos habet. Vnde non video, vnde possit deriuari humor ad cutem ex alijs partibus. Ergo dicendum quòd membrum intemperie laborat: & tunc contingunt duo. Primum, quòd alimentũ etiam bonum transmissum ad cutem corrumpitur, quia membrum est distemperatum, & calor eius proprius debilitatus, & humidum radicale consumptũ, & ideo non potest pars illa exercere suas actiones naturales, vt expellere, concoquere, attrahere &c. quæ sunt propriæ cuicunq; membro. Secundò contingit pro

pter hoc, quòd scilicet sunt aliqua excrementa in vicinis partibus, quæ necessariò generantur in corpore humano etiam optimè disposito in omnibus quatuor coctionibus: & hæc semper expelluntur ad partes debiliores. Ergo duo patiūt incōmoda hic puer. propter intemperiem cutis. Primò, quòd alimentum deueniens ad cutim non potest confici: secundò, quòd partes vicinæ pellunt sua excrementa ad cutim tanquam partem debiliorē, vt solet in corpore humano contingere. Ergo in ipsa cute est affectus, & est intēperies cum materia. Non dixi quòd in principio contigerit intemperies sine materia, sed quòd ex defluxu illius humoris elisus est calor proprius illius partis, propterea humidum radicale semicorruptum. Ergo habemus intemperiem propter humores, vnde & habemus quare loco pilorum generent crustæ. Quid modò fuit in causa, quòd ad cutim magis transmissa est materia, quàm ad alias partes? Audio nutricem fuisse infectam, & generauisse pessimum lac, vel propter intemperiem aliquā naturalem, vel aliàs propter malum regimen, vt solent istæ: vnde incidit iste puer in febrem longam, quam habuit vsq; ad annum quartum. In ea ætate pueri solent habere maximā debilitatem capitis, vnde etiam non possunt se bene erigere illo tempore, propter nimiam humiditatem, & etiam caput tunc temporis videtur illis esse maius. Vnde plurimæ ægritudines capitis tunc temporis illis accidunt, vt sunt epilepsiæ &c. Et quia membrum imbecillum, natura defatigata longa ægritudine, fecit crism circa quartum annum: nam quartus annus est criticus morborum chronicorum. Et sic materia transmissa ad caput. Non tamen adeò fuit imbecillum caput, vt materia reciperetur ad cerebrū, sed natura istius pueri

pueri existens fortis & valida, expulit ad cutim partem ignobiliorem, & ubi semel incœpit occupare cutim, mansit ibi & imbibita est : & sic subsecuta est ophiasis in vna parte, & crustæ in altera parte, vt videtis. Habemus ergo causas propinquas & remotas huius affectus, & non cōtingit ratione alicuius membri principalis, vt solet plerunq; accidere in his fluxibus. Quibus ita suppositis, apparet statim quid possim iudicare de euentu huius ægritudinis. Credo quòd possit curari. Aegritudo est tantū in parte, & non habet radicem, nec in cerebro, nec in partibus naturalibus, quamuis possit quidem cerebro communicari nocumentum aliquod propter vicinitatem, sed tamen non insigne: quoniam illud membrum est sanum, cuius operationes sunt sanæ. Sed in hoc puero operationes cerebri sunt sanæ, vt apparet, ergo & cerebrum non est affectum. Sed tamen non facilè poterit curari, quia intemperies illa est fixa & confirmata, & habitus iam factus, qui est difficilè remouibilis à subiecto in quo est, vt & logici dicunt : durauit à quarto anno usque ad xiiij. Sunt ergo decem anni : sed tamen potest curari. Natura rei indicat nobis curationem conuenientem. Nos scimus, quòd vbicunq; est aliquid præter naturā in loco, medicus debet attendere an hoc pendeat ab alio, an non. Si ab alio, illud erit curandum: sin minime, accedendum ad locū. In hoc puero nullū membrum est deprauatum, & ideo non credo esse opus curatione membrorum mandantium. Et ita tollimus totam illam historiam. Ideo credo quòd non multum debemus laborare circa euacuationem. Bene verum est quòd tutius & sine dispēdio erit, quòd totum corpus antea euacuetur, sed non multis euacuationibus, quia corpus est bene præparatū. Ergo

euacuetur aliquo modo, & præcipuè cùm simus in vere, in quo etiam sana corpora purgari solent. Leniatur ergo venter cum cassia & hiera. Infrigidetur corpus, & ideo syrupi sint non admodum eleuati in caliditate, nec ita incisui. Nam illi humores sunt falsi, quod testantur crustæ, quæ non fiunt nisi ab humoribus calidis & adustis. Ideo autem non nego esse pituitam etiam, sed tamen dico quod etiam adustos humores habet, præcipuè cùm sit calidi hepatis, vt apparet, & temperatura declinet ad calidum & siccum, & fortasse nutrix generauit in illo humores calidos, & solent bibere vina calida, & fortasse etiam habuit malos & corruptos humores: & vtinam sciremus etiam aliquid de hoc, Deus nouit. Ergo darem ego syrupum de Cichorea, vel de endiuia. Vel ita facerem: darem syrupum de cichorea, & loco aquarum, serum lactis caprini darem: hæc facerent apertionem, abstersionem, & etiam infrigidarent: & credo hoc genus syruporum esse optimum pro hoc puero. Pro pharmaco darem agaricum cum cassia, quod est medicamentum conuenientissimum, & potest educere omnes humores. Factis euacuationibus omnis spes mea (vt ingenuè dicam) esset circa localia, & rectificarem intemperiem cutis. Calor est elisus & suffocatus, & tollendi sunt humores prauis. Primò igitur amouendi humores qui sunt in ipsa cute, scilicet exiccantibus. Secundò confortarem cutim, ne amplius reciperet vel excrementa membrorum, & conficeret proprium suum alimentum. Confortatur autem calor cum moderatè calefacientibus. Remoueamus humores illi mali abstergentibus, & exiccantibus. Chirurgus fricet locum vel cum pannis asperis, vel cum squilla: sed cum pannis asperis condensantur meatus: frictio cum squilla est mitior, & maximè conferret. Et
postea

Postea fiant lotiones quæ subtilius penetrant, & magis in profundum. Adderem & sulphur, sed cum lixiuio acri, in quo esset nitrum & sulphur: in principio enim non est statim utendū astringentibus. Postea facerem etiam linimenta abstergentia, ut est oleum amygdal. amararū, cum iride, centauro minore & maiori, & Gentiana, pane porcino, itē clematide altera, & aristolochia rotunda. Factis abstersionibus, leniter exiccandum & confortandū, & tunc deuenire possumus ad illa quæ recipiunt alumen, & etiam calchantum, si opus esset maiore exiccatione. Factis mundificationibus credo quod pili per se generabuntur. Sed si non oriantur, confortare locum, & nihil magis expediens ad hanc rem quam linimentum factum ex oleo amygdal. dulcium, ladano, & capillis Veneris puluerisatis, & ponatur super locum: nam plurimum facit ad pilorum generationē, & ad tollendum quicquid est circa radices pilorū. Oleū amygd. dulcium humectat cutem, si fortē ex medicamentis superioribus nimis exiccata esset. Et hæc sunt mutanda prout videbitur, & affectio mutabitur. Victus sit exquisitus, quia hic maximam partem curæ sibi vendicat. Sic puto emendari posse, Deo volente, hoc vitium.

Consult. CXLIIII. De morbo Gallico, podagra & hectica, unā cum pruritu maximo.



Multi sunt symptomata in hoc nobilissimo viro, tria tamen sunt præcipua, quæ veniunt consideranda, & de his etiam maximè conqueritur: ideo de his dicā, reliquis prætermisissis: tamen ea etiam ut signa quædam & causas referam. Prima dispositio præter na-

Zz

turam sunt dolores podagrici, & tumores circa partes extremas pedum & manuum. Secunda, consumptio totius corporis. Tertia, pruritus vehementissimus, & maxime circa extremas partes & pudenda. Et quia nullus morbus nec cognosci nec curari recte potest nisi ex cognitione suarum causarum, ideo singularum naturam & causas videbimus. Primò dolor & tumores necessariò proueniunt ab aliquo defluxu materiæ, & sic habent omnino causam aliquam materialem : & in hoc semper quatuor concurrunt. Primum, locus qui patitur. Vbi considerandum, an patiat per se, an per consensum. Secundum, materia quæ defluit. Tertium, vnde deueniat. Quartum, per quas vias. In dolore podagrico si hæc quatuor rectè considerentur, medicus poterit & rectè prognosticari, & rectè etiam curare. Primò quo ad locum, an hic defluxus & dolor sit ratione loci affecti? Dico, quòd locus ipse principaliter afficitur, sunt enim ibi omnia præter naturam : nam corrupta est figura membrorum & forma, & destructa est quantitas, nam tumor est insignis : itè est solutio cõtinui in illis partibus, & ista omnia procedunt à mala temperatura, cui insunt tot malæ compositiones. Ergo hæc loca cum sint extra naturalem suam dispositionem, sunt affecta, & sic nec attractio, nec cõcoctio, nec vlla virtutum naturalium fortis est. Item est impedimentum in virtute motiua, & sic secundum omnem modum, compositionem & temperaturam, patiunt illa membra. Et video quòd quamuis ad illa loca nihil affluat aut demandetur, tamen non esse sana, sed corrumpetur etiam nutrimentum influens optimum. Secundò, perpetuò influit materia, vnde dolor semper renouatur per xv. dies, ex accessu scilicet nouæ materiæ : & hæc materia inquirèda est. Et plerumque quælibet materia podagræ

lagrę est duplex, pituitosa & biliosa, cum aliqua parte sanguinis. Vnde videmus podagricos primò rufescere, deinde autem tophos illos & materiam fieri albam. Ergo supponatur nunc talis materia, & infra etiam probabo. Et intelligo bilem tum eam quę est ex permistione pituitę, & etiam vitelliną quę ex digestionē. Tertiò, vnde deueniat ista materia quę influit. Ex habitu corporis, & propria eius temperatura, & etiam ratione viuendi hoc colligi potest. Primò est calidi & sicci hepatis, & talis natura duo solet maximè pati: primò, quòd in ventriculo generantur plurima excrementa pituitosa: cùm enim habeat graciles musculos abdominis, & inde priuatur instrumento calefaciente ventriculum, & sic plurimę pituitosę superfluitates generantur propter imbecillitatē ventriculi, & coctio ventriculi fit elixatione, id est, humido calore, non sicco, & præternaturali. Et conquerit ipse quòd habeat tarditatem concoctionis, & cùm sit concoctio diminuta, erit ex frigidityte. Quo ad hepar, est calidum, & hoc clarum ex puritu & habitu corporis, & vsus est multis exercitijs & nimis potentibus, & vixit in otio, vnde aggregati multi humores, qui non potuerant dissolui suo consueto exercitio: præterea medici malè eum curarunt, mittendo in tempore calidissimo ad thermas. Et licet bibat aquas de Villa, quę sunt frigidę, tamen Gal. dicit qđ omnes thermę exiccāt, licet sint frigide. Item totum cerebrum est deductum ad dyscrasiam ex illo stillicidio, vt Gal. 6. de tuen. valet. describit incōmoda illa quę sequuntur ex intempestiuo vsu illorū, quę videmus etiā hīc, vt Gal. in eo loco descripsit, scilicet maxima destillatio, & fluxus diarrhicus. Hęc destillatio per neruos defluens, facit dolores, hepar generat biliosos humores, ventri

culus frigidior pituitam, & cerebrum etiam catar-
rhum facit, cuius calor consumptus est ex illis em-
brochis: & licet habuerit naturalem temperiem ce-
rebri calidam, vt apparet ex facie mercuriali &c. ta-
men ex consumptione huius caloris naturalis est fa-
ctum frigidum, & facta quædam dispositio senilis,
vt rectè dixit Excell. D. Quartò, per quas vias deue-
niat iste fluxus. Dico quòd habet omnes vias, & ve-
nas & arterias latas, quia cor est calidū, est enim ani-
mosus. Et est adhuc signū manifestissimū, quia scili-
cet excernit plurimū de vrina, etiā si modicè bibat,
adeò vt mirum sit, & vix viderim in aliquo tantum
vrinæ. Et hoc fit propter duo: primò, propter latitu-
dinem viarum, & aliam causam quam mox dicam.
Ergo cū concurrunt hæc quatuor, necessarium est
talem materiam defluere ad locum. Quo ad ta-
bem & consumptionem corporis, vnde sit. Ego di-
cam opinionem meam. Quia cū sit consumptio
maxima, & non tantū humidum nutrimentale, sed
etiam substantificum consumatur, necesse est quòd
vel aliquid sit in membro, vt est vel caliditas in si-
gnis, vel frigiditas & siccitas &c. & sic potest acci-
dere corruptio: licet nutrimentum adueniens sit bo-
num, & sic membra sunt imbecilla, vt non attrahant
nutrimentum, & ita fiat atrophia. Vel ista consum-
ptio potius est propter malum nutrimentum & cor-
ruptum, demissum ad membra. Dico quòd in hoc
corpore & ægritudine, in causa illius consumptio-
nis sunt deprauati humores, quia in hepate sunt cali-
diores, in ventriculo falsi: & causæ fuerunt plurimæ.
Primò caliditas hepatis: secundò morbus Gallicus,
in quo quæcunque sit intemperies, semper humo-
res sunt adusti. Et signū est, quia præterquàm quòd
maciem & dolorem, habent etiam deprauatissimum
colo-

colorem: & talis est color, qualis humor. 4. de tuen.
 valet. Ergo cum vir ille patiat morbum Gallicum,
 & ad sit caliditas hepatis, unde deprauati humores
 generantur, & generati etiam sunt iandiu, hæc etiã
 causa est pruritus. Sed etiam credo quod illa mem-
 bra calida & sicca, sint reddita calidiora & sicciora
 ipsis, & quod postea sint facta frigida & sicca, vt
 Galenus, tum ex progressu ætatis, tum ex illis exer-
 citijs, venere, thermis &c. Et sic quia extrema mem-
 bra etiam sunt affecta, ideo duo concurrunt: primũ,
 deprauatum alimentum: secundum, membra quę nõ
 recipiunt suum alimentum. Et quod maximè alimen-
 tum corruptum sit in causa huius exiccationis, ha-
 beo signum hoc: quia illa membra quę sunt prope
 ventriculum & ventrem inferiorem, non sunt ita ex-
 cicata, quia illa membra exaturant ex meliore parte
 alimenti, & ideo illa mēbra naturalia nõ sunt ita affe-
 cta, vt membra remotiora. Et hinc sequitur, quod
 non sit illa tabes ex corde. Hoc probo ex tribus: pri-
 mò, quia pulsus non est ita durus: secundò, membra
 circa ventrem inferiorem non sunt ita affecta: tertio,
 in arterijs non est magna imbecillitas. Et cum Gal.
 dicat secundo de causis pulsuum, quod in tabe cor-
 dis necessariò cadit virtus: ergo non credo quod sit
 hæc tabes ex corde exiccato, sed propter duas cau-
 sas iam dictas. Quo ad tertium, pruritus habet fa-
 cilem causam, & agnitionem causæ. Nam stantibus,
 maxima deprauatione humorum, & hepate calido,
 & cerebro & ventriculo tali, vt generent plurimum
 pituitæ, quid mirum? Nam pituita si aduratur, fit sal-
 sa, & potest etiam ex putredine fieri ista pituita sal-
 sa. Duæ enim hæ sunt causæ putredinis pituitæ. Er-
 go cum hîc sit caliditas ignea, & pituita facilè putre-
 scat, fit scabies: & secundum maiorem & minorem

adustionē, fiunt illæ affectiones cutis. Et hinc etiā senes facilius patiuntur pituitam, & immedicabilem quia in senibus sunt plurimi humores falsi & adusti. Habemus igitur causas horū triū symptomatū. His ita se habentib. vnum dicā circa prognosticū. Quod ad podagrā confirmatā non video curationē. Quantum ad humorē affluentē, si possemus corrigere membramandantia, possemus etiam prohibere affluxum horum humorū. Quo ad euacuationem idem dicendum, quia pendet ab eadem causa: & si possemus emendare illa tria membra, fortasse iuuare possemus. Quo ad euacuationem, vtrum debeamus procedere cum balneis? Et non immeritò facta est difficultas & dubitatio inter Excell. Doctores. Quia si possemus nutrire corpus, & augere humidum in hoc corpore, ego crederē quòd reliqua etiā faciliora essent. Quæ via ergo melior? Propositus est & vsus lactis, & apertio meatuū &c. Sed quoniam illa humectatio fieri nō potest, nisi fiat attractio nutrimenti ad membra, & oportet vt penetret, & vt calor membri qui est elixans augeatur, ideo debet augeri calor membrorū, & corroborari, ne tamen fiant membra ita laxa, vt non possint humiditatem concoquere & dilatare. Et ideo Galenus optimè voluit fieri balneum, licet balneum difflare faciat. Ideo etiam voluit quòd subito post balneum debemus vel irrorare corpus aqua frigida, vel inungere oleo quodam constipante, vt alimentū retineatur. Et sic ego non video quomodo ista balnea possint impedire operationes nostras: primò, quia corroborant membra, & attrahunt alimentum, & colliquant excrementa, & sic fortasse iuuabunt etiam podagricos dolores, quia illa membra non nutriuntur, sed habent excrementa plurima cruda. Et non semper ista balnea faciunt defluere hu-

humores, si non sint humores multi: & quamuis liquid defluat, potius erit ad bonum. Et sicut Gal. de oxymelite dicit, idem etiam de hoc auxilio dicere possumus, nullum præfidiū tam bonum esse, quin habeat aliquod nocumentum. Nolite ergo ita abhorrere ab his balneis. Et sic post balneū applicare oleum rosaceum simplex, quod confortat, & prohibet ne corpus resoluatur laxatum per balneū. Sunt etiam aperiendi meatus intrinseci, non extrinseci.

De lacte mihi summopere placeret post euacuationem, sed non mulieris, licet hoc sit conuenientissimum ad alendum, propter salacitatem, quia est salacissimum. Syrupum darem ex sero caprino, & imponerem oxymel, & mel ros. pro corroborando ventriculo. Rasis dat v. heminas oxymellis. Cassiam laudarem cum syrupo ros. Dari posset lignum, & aqua ligni: sed lignū non sit exiccatum. Primò euacuetur, postea detur lac, & corroboretur calor innatus.

Consult. c x l v. De vtriusq;
cruris contractione.

LONGA est historia rei, sed summa fastigia rei sequar. Vnum est summum & præcipuum quod habet hæc nobilissima Domina, & hoc considerabimus diligenter, & reliqua omnia sibi inuicem succedent ex hoc rectè considerato. Primum est, quòd habet contractionem in vtroq; crure, quòd non possunt se extendere. Item habet imbecillitatem, quòd non potest se sustinere, & manere in illo situ. Et ita sunt hæc duo, imbecillitas, & illa contractio. Accedit tertium, & est diminutio sensus circa crura: & dicit, qd si quis tangit illam in crure, videt sibi quòd tangat rem alienam, & non suam carnē. Hæc tria sunt consideranda, secundū suas formas et causas. Quo ad contractionē, querit in quo genere morbi sit collocan-

da. Habet quidem hæc contractio complexionē corruptā, sed principaliter affectio est in compositione. & vitiosa est præcipuè figura scilicet ipsius nerui cum enim debeat esse longus, est decurtatus, & ita amisit propriā formam. Et cum in longitudine corrupta sint vitia quæ ad quantitatem pertinent, & etiam ad figuram, cum est correpta & abbreviata chorda, ita quod nihil est amissum de substantia, non possumus dicere quod sit vitium in quantitate, sed in figura, quia nervus est decurtatus. Secundò, imbecillitas sensus est actio læsa. Huius autem symptomatis causam, id est, morbum oportet inquirere. Huius actionis læsæ ratio formalis est ipsa frigiditas, quia sensus est diminutus: diminutio autem fit à frigido, corruptio autem à calido. Tertiò, imbecillitas virtutis sustentatiuæ, quæadmodum est naturale officiū in ambulando, est etiam actio læsa, & habet suam ægritudinem. Reducenda igitur ad idem, scilicet ad frigiditatem, secundum principium supra dictum, quod omnes actiones diminuuntur à frigido. Ergo illa frigiditas facit, quod virtus illa motiua & sensitiua non potest deuenire ad locum, siue spiritus siue virtus transmittitur, de quo nunc non disputabimus. Ergo hæc sunt essentiæ & causæ formales huius morbi. Nunc videndæ causæ & coniunctæ seu propinquæ, & remotæ horum morborum, & tunc statim apparebunt indicationes curatiuæ: hæc enim sumuntur à natura rei rectè agnita & percepta per suas causas. Causam propinquam contractionis crediderim ego, quod sit aliqua materia frigida, quæ per longum tempus in loco frigido crassifacta est & indurata, ut & hoc manè diximus, quia materia illa secundum diuersitatem locorum & efficientium variè afficit. Nam quando hæc materia deuenit ad medium musculi, facit absces-

abscessus: si ad caput musculi, facit conuulsionē seu spasmus: quando autem deuenit ad chordas vltra musculum, non facit acutum dolorem, nec conuulsionē, & motus illos spasmosos, quia sensus in chorda non est ita acutus: sunt enim chordæ ordinatæ à natura, ad motus fortissimos obeundos, ideo habēt ligamenta plurima, & habent etiam chordæ neruos obtusioris sensus. Et hinc nerui ad motum conditi, sunt magis frigidi, & duriores quàm nerui sensitiui, qui magis ad medium declinant. Et ideo materiæ deuenientes ad chordas, faciunt quidem deprauatā figuram, sed non motus conuulsiuos, & sic fit quasi quidam abscessus in chordis. Nam primò imbibitur materia pituitosa, quæ in principio est subtilis, sed propter frigiditatem loci congelatur: si enim materia in intestinis existens ita congelatur vt fiat quasi tophus & crySTALLUS, quantò magis in chordis tam frigidis poterit talis materia indurari & congelari? Nam illa induratio & cōgelatio tam à frigido quàm à calido fieri potest, vt sæpe iam dictum est, & hoc obseruasse multum refert ad curationem. Materia ergo illa ad chordas veniens fuit indurata & congelata, & inde chordæ illæ sunt factæ breuiiores, sicut & in citharis chordæ cū imbibuntur aliquo humido, corripuntur, & etiam franguntur. Ita fit & chordis in humano corpore. Cū ergo chordæ corripuntur, contrahunt membrum, quia chordæ terminantur ad ipsa ossa, vt illa moueant, & sic etiam fit contractio ossis ad suum principium, quia chordæ intrinsecæ ab illo humore imbibito sunt factæ breuiiores. Hæc est causa proxima & coniuncta illius cōtractionis sustentatiuæ. Proxima autem causa imbecillitatis illius sensus, & virtutis sensitiuæ, est eadem illa materia frigida. Nam Galen. 5. loc. aff. teste,

cum materia illa deuenit ad neruos cutaneos, impeditur sensus, & non motus: & contrà euenit cum opposito modo contingit. Hęc autem materia propter suam multitudinem non solùm in chordis est, sed etiam deuenit ad neruos deferentes cuti sensum, & inde virtus sensitiua debilitatur ab eadē causa frigida & humida, secundū diuersas partes. Et hoc quātum ad causas formales & materiales proximas. Sed quę sunt causę remotę, quę fouent has causas propinquas? Et hic est ingens chorus, & vident omnia mēbra conspirasse in perniciē huius mulieris. Audiui qđ hęc mulier, antequām tradere marito, fuit sanissima & boni habitus, & nullā planē habuit egitudine aut lēSIONē, nisi qđ in brachio aliquando habuit abscessus, qui per se euauerūt: vnde ego potius iudicauerim eius sanitatē, & bonā corporis cōstitutionē, quām aliquā infirmitatē, quia abundauit plurimo sanguine, nam expulit superfluū: & hoc patet ex eo, quia facile materia illa resoluebatur: ideo non fuisse materiā illam malignā, sed laudabilē, aliās non tam statim recessisset talis abscessus. Nullū itaque membrum in ea fuit lēsum, quia nulla operatio fuit læsa, sed optimē exercere potuit omnes. Et ideo non possum dicere, nec cerebrū, nec ventriculū, nec ullū aliud membrū in ea affectū fuisse. Postea autē tradita viro secundū omnē dimēSIONē magno & robusto, & fuit puella xiiij. annorum, quę adhuc crescebat (Arist. voluit puellas nō debere nubere ante xvij. annum, & adolescētes ante xxviiij.) Cū ergo in illa etate crescente emisit semen, cū ipsa adhuc indigeret illo semine ad propriū nutrimentū, & fuit coacta illud quod sibi erat necessariū, excernere, & etiā cōcepit, vnde est infrigidatū corpus, quia fœtus attraxit sanguinē pro sui nutritione, & etiam post abortum

rum nō est bene purgata: nō ergo mirū si vterus affectus est, & totū corpus exinanitū. Et video illam habere membra parua, quasi non peruenire potuerit ad perfectam magnitudinem. hinc igitur maximè vterus est affectus, & hinc habet fluxum menstruorum alborum, & varias etiam post abortum habuit agritudines. Vtero autem consentire & ventriculū & cerebrum, notum est Excell. vestris. Nam & œsophagus, & os ventriculi, & cor, conuelluntur & afficiuntur propter vterum: nam vterus consentit cordi, & propter multas arterias, & etiam mediante ore ventriculi. Et sic credo ego quòd principalis affectio est vteri vitium, quia vterus primò læsus est, antequàm alia membra afficerētur, vt suprà dictum est, & maximè cū in febre secaretur ei vena, & punctus est neruus, vnde secutus est spasmus, & conuulsio in brachio: & conuulsio quidem curata est, sed neruus non est curatus, permanfit enim imbecillitas illius nerui, ita quòd adhuc in omni plenilunio & nouilunio (quia tum luna dominat̃ humoribus, & in his temporibus maximæ fiunt mutationes) fit illa contractio, ex motione scilicet humorum, quæ fit in his temporibus ad illum locum debilem. Et hīc diligentissimè erit vnum attendendum: num etiam sensus interior labefactetur. Et audio tum ex fratre eius, tum ex alijs, quòd circa finem conuulsionis accidit ei abalienatio & deperditio sensus: id quod ego diligenter noto, & est etiam notandum: & dico hīc nullo pacto posse esse epilepsiam, quia epilepsia est spasmus vniuersalis corporis, & ita differt à spasmo, quia est motus vniuersalis, & facit vniuersalem contractionem, & non in aliqua parte: sicut & apoplexia est in toto, paralysis in parte: proportionantur enim sibi hæc. Ergo cū hīc sit

contractio tantū vnius membri, scilicet brachij, et non totius corporis, et in epilepsia in principio amittitur sensus, in fine autem redit sensus, propter obstructionem quæ pedetentim resoluitur: in hoc autem casu in fine fit deperditio sensus, ergo dico quòd non potest esse epilepsia. Et ego sæpe vidi, & puto etiam vos hoc obseruasse, quòd omnes qui patiebantur spasmos ex vulneribus, quòd delirabant in fine, & amittunt sensum cerebri, propter magnū consensum illius membri cum cerebro. Fit autem hæc deperditio sensus in fine, quia deterrent, & fit aliqua resolutio spirituum, & sic amittitur sensus in fine. Si esset epilepsia, magis deberet fieri in principio, quia tunc obstructio maior: ergo credo quòd sit mera contractio & conuulsio. Sūnt ne aliæ causæ & remotæ illius contractionis in cruribus etiam? Dico quòd est & cerebrum & ventriculus, & sic totum corpus refrigeratum, vnde pituita in ventriculo multiplicatur propter frigiditatem. Item cerebrū generat pituitam & catarrhum propter frigiditatē. Et quia antea fuit calidum & siccum cerebrum, nūc autem frigidū & siccum est, & ideo parum dormit: & diximus sæpe, quòd cerebrū frigidum & siccum facit maximè catarrhos, si quid aliud. Et sic videtis quemadmodum omnia membra naturalia conspirāt in hoc, & facta est non solūm mala complexio hīc, sed etiam cōpositio vitiata: nam est ibi tumor & tensio circa hypochondria, & sic non mirum fieri hæc symptomata. Et sic videtis quomodo ratione eorū quæ suprà proposuimus, omnia dicenda erāt, & causæ propinquæ & remotæ. Nihil dicam de medicamentis malis, quibus hæc mulier afflicta est. De prognostico. Dico quòd difficilis erit cura. Hippoc. de morbis mulierum dicit, quòd menstrua alba ultra
sex

sex menses non curantur, quia totum corpus in his infrigidatur, & tabidæ fiunt, & nunquam habent sanguinem, & facies earum apparet semper plena quodam mucositate, & oculi sunt his concaui, & videntur habere quendam circulum nigrum, propter paucitatem spirituum & boni sanguinis. Item cerebrum & ventriculus sunt affecta. Et sic videtis in qua difficultate simus. Quo ad curam, intentio principalis est, ut possit seipsam erigere & ambulare: ideo illa contractio erit remouenda: sed hoc fieri non potest, nisi remoueantur materiæ & causæ propinquæ. Hæ autem non remouebuntur, nisi prius remotæ remoueantur, id est, mala complexio membrorum. Ergo sunt alteranda membra, & etiam totum. Hoc autem fieri non potest, nisi prius euacuetur totum. Et secundum resolutionem sequitur, quod ab illo incipiendum, quod vltimò inuentum est. Primò ergo euacuanda materia pituitosa, & prius incidat & abstergetur & præparet, ut cum syrupo ex aceto forti, & alijs incidentibus & calfacientibus, ut Byzantinus, quo miror cur medici nostri non utantur. Euacuatio potest fieri cum agarico, & alijs in quibus ingreditur agaricum, ut pilulæ cochineæ, aggregatiuæ, confect. Hamech, hiera Logadij, hiera Archigenis, prout est parata. Euacuato capite, si videbitis quod materia deueniat à capite, quamuis ego non quærerem multam euacuationem capitis, ne magis exiccarem caput, & sic maiores inducerem vigilias, igitur non multum laborarem circa caput, ut ingenuè fatear, & putato etiam caput non esse valde affectum. Et licet aliquæ destillationes defluant per nares, tamen credo quod hoc potius fiat per consensum inferiorum partium, quàm quod sit ibi multa materia, & quod generetur ibi multa materia ratione cerebri. Tandem tin-

gantur membra inferiora cum aquis Apponitanis quia calefaciūt & exiccant. Item abluantur hoc balneo : & si timemus superfluam resolutionem, interdum apponatur aliquod molliens, vt adipēs, non cum diaquilon, quia sunt in eo quædam gummata, quę nimis sunt fortia. Accipite oleum amygdal. dulcium, vel butyrū recens: hæc enim non sint inueterata, vt de his possimus esse certi. Item laudo lutum magis quàm foueas: quia quo materia est densior, eo magis influit & hæret magis: sicut etiam amara magis aperiunt quàm aëria, tamen propter motū, aliàs magis aëria aperirent, quia calidiora.

De dislocatione & contractione
sinistri curis.

Licet patiat in utroq; crure, nihilominus quia finistrum longè magis est affectum, & trahere videtur ad se totam curationē, ideo de eo prius agemus. Circa finistrum crus videmus duo: primò contractionem neruorum & chordarum, secundò quandā dislocationem leuem fibulæ circa partem exteriorē cruris. Difficultas circa fontem huius morbi est, qui indicat totam curationem, ideo natura morbi inquirenda, quia ab hoc pendet omnis indicatio agendi. Natura autem morbi cognoscit per suas causas proximas, vt omniā: nam natura consistit in materia & forma vniuscuiusq; rei. Videmus dislocationem & contractionē: quæritur, vtrum contractio proueniat à dislocatione, an contrà dislocatio à cōtractione, vel an vtrunq; seorsum se habeat, ita vt nec dislocatio sit causa cōtractionis, & contrà. Dico quod sentio. Credo non esse necessariam consequentiam, vt sit facta contractio ob hoc, quia os sit dislocatū: quia videmus sæpe ossa esse dislocata, & non esse cōtracta, sed habere sitū membri in linea recta: & hoc sæpissi-

sæpissimè videmus. Deinde videmus etiam sæpe fieri contractionē sine aliqua dislocatione ossis. Deniq; & hoc etiā sæpe videmus, membra scilicet quædam contrahi, in quibus nulla planè apparet dislocatio ossiū. Ergo nō videt̃ sequi necessariò alterū ad alterū, sed sunt separata, & habent proprias causas: sunt tamen ita, q̃ facile alterum cōsequatur ad alterum. Quòd autem non fuerit facta dislocatio à contractione in hoc casu, videtur ex hoc, quia habuit brachium contractum, non tamē dislocatum fuit. Ideo cū contractio fuerit in brachio sine dislocatione, credendū quòd in crure etiam fuerit contractio facta sine dislocatione. Et si est dicendum, alterum esse causam alterius, potius dicerem contractionem causam esse dislocationis, quæ est in parte extrinseca. Et huius rei habeo coniecturam hanc: nam contractio incæpit in brachio eiusdē lateris, & dislocatio est in partibus exterioribus. Materiæ autem semper exteriorem partem occupant, cū descendunt à superioribus ad inferiores musculos & chordas, vt etiam in sciatica videmus: nam in hac semper est dolor in exteriore parte, inde etiam dicitur vena sciatica illa quæ est in parte exteriore. Sed si sit descensus in interiorib. partibus, & interiora membra afficiuntur, semper decumbit nocumentum ad partem intrinsecā, vt in affectibus interni ventris semper partes interiores offenduntur. Et ita si alterum esset dicendū esse causam alterius, tunc dico quòd potius cōtractio illa quæ facta est in chordis musculorum extrinsecis, remouerit os illud fibulæ à proprio suo situ. Cū enim chordæ alligentur ossibus mediantibus ligamentis, quando retrahit̃ chorda, si mul retrahitur etiam quod adhæret: si adhæret os & trahitur chorda, ergo & os trahitur ad eundem si-

rum. Et cū contractio fuerit in parte exteriorē
gis, & os quoq; luxatum est in parte exteriorē, dice-
rem ego contractionem causam fuisse, vt etiam facta
fuerit dislocatio. Non tamen nego quòd ex disloca-
tione ossis distorquent omnia vasa, & fiat obliqua
tio neruorum, & sic per consequens aliqua contra-
ctio, sed tamen ea est exigua. Ista autem contractio
quæ hic est, plurima sanè est & maxima, & non po-
test esse ex sola dislocatione ossis, quæ admodū ex-
iguam facit contractionē. Et ex his concludo & cre-
do, contractionem hanc nō pendere ex dislocatio-
ne. Et sic habemus morbum. Causa. Contrahun-
tur muscoli, quia aliquid est in capite musculorum,
vbi maximus est sensus, & ideo fit acutissimus dolor
à quacunq; vel inflammatione vel alteratione tem-
peraturæ, siue exiccentur, siue humectentur nimium
illi muscoli, siue mordicentur: vnde sunt tres illæ
species spasmī, quamuis Galenus non videat pone-
re nisi duas, tamen 8. κατὰ τόπους tertium spasmum po-
nit ex mordicatione rei acris siue materia, quem vo-
cant non proportionatum ad materiā. Fiunt igitur
spasmī ex tribus istis causis: est enim vel materia cō-
trahens caput musculi, & implens, & extendens, aut
quia exiccet, aut quia mordicet à re mordēte, vt à ve-
neno &c. Nō credo membrū cōtrahi ab aliquo isto-
rum, & ideo potius dicerē quòd hæc conuulsio quæ
fit ab his trib. causis, facit quendam motū, estq; cum
motu quodam præter voluntatē. Hic autē in hoc no-
stro casu nullus est motus, ergo non potest dici spa-
smus vel conuulsio, quæ est quidam motus depraua-
tus, & à re præter naturam factus. Ergo quia non ha-
bet formam spasmī, non est dicendus spasmus hic af-
fectus. Hic est contractio quædam, & sæpe contra-
huntur membra sine spasmō, quando scilicet non in-
ca-

capite musculi, sed in chordis est materia pituitosa, quæ abbreviat chordam, & indurat ibi materia, unde non possit extendi chorda, sed fit breuior, & tendit ad suum principium. Non autem est tantus dolor, quia chorda non est tam magnæ sensibilitatis ut nervus: plura enim habet ligamenta quàm nervus, & ideo non ita sentit ut caput musculi: & etiâ, quia iam facta est intemperies, & est in habitu, ideo non fit amplius dolor, quia materia iam est quieta, & infixa, ac imbibita, ideo fit illa contractio sine motu & dolore: & cùm chorda ita contrahitur, contrahitur etiam os, & non potest fieri linea recta. Et tales contractiones sæpe contingunt etiam in alijs partibus corporis, ut in collo: & plures vidi qui haberent tales contractiones per totum tempus vitæ suæ, sine omni dolore. Credo igitur quod hæc contractio est facta in crure propter humorem frigidum pituitosum descendantem ad illam partem: & non est mirum, quia fuit & catarrhus primò ad partes gutturis, secundò descendit ad brachium, tertio ad crura, quia gravis est proprium descendere, & factus ibi tumor & contractio, qua nunc laborat. Successit dislocatio, siue à contractione chordarum extrinsecarum, siue habeat causam propriam: nam dum descendit materia, relaxat, & in iuncturis facit luxationes & lubricationes, & ligamenta etiam imbibuntur illo humore, & ipsa etiam relaxant, & hinc fit illa lubricatio. Cùm enim antea ibi sit pituita tanta, quanta requiritur pro motu faciliter obeundo, si hæc pituita sit nimis multa, relaxant illæ iuncturæ, & maximè si succus crudus aduenerit. Vnde illi in quibus redundat pituita circa partes, ex sola lubricatione pedis, incidunt in dislocationes maximas. Ego noui nobilem matronam Venetijs, quæ ex solo casu in terram dislocavit ossa

genu & totum crus: est pituitosa & pinguis mulier
& redundans humiditatib. Et hæc est causa, materi
est indurata, & congelata pituita in illis partib. Ind
ratur autem pituita vel propter frigus comprimen
& congelans, vel propter caliditatē resoluentem &
excoquentem. Ego magis credo materiam hīc ind
ratam esse propter frigus congelās, quia materia est
in frigido loco, scilicet iuncturis & chordis, ideo
materia est exiccata & indurata à frigido, & nō à ca
lido: & hoc præscire plurimū cōfert ad curationē
Et credo quod hic vir habeat hūc morbū planē dis
proportionatū suæ materiæ & naturali temperamē
to: est carnosus, habet amplas venas, musculos robu
stos & magnos, & ita credo q̄ habeat insignē calidi
tatem hepatis, & sic nec ratione temperaturę, nec ra
tione vitæ, quia habuit plurima exercitia, potuit ag
gregare pituitā multā: vsus enim victu exiccante in
nauī, vt pane bis cocto, vino fortissimo, quib. solent
vti in nauib. quia diutius durant, & sic potius gene
rati humores adusti quā frigidi. In altero crure ha
bet vlcera, & hoc est proportionatū suę naturę & cō
plexioni, quia est color niger, & vlcus est subnigri
cans, habēs crustā exiccātā, quia ex adustis humorib.
Et hæc vlcera & intemperies occupauit partē dextrā
seu crus dextrū, cū tamen si ab extrinsecis causis
habuisset ortū hæc exulceratio, potius in parte sini
stra esse debebat: quia ibi erant cōpedes, & dolor at
trahēs, & membrū debilius. Sed quia mēbrū mandās
est in parte dextra, scilicet hepar generans hos hu
mores adustos & acres, ideo est illa exulceratio fa
cta in crure dextro, propter sitū membri mādantis,
& symbolum cum hepate. An possit curari? Vbi
materia est indurata, & facta tanquam lapis, & ino
co frigido, scilicet iuncturis, difficilē resoluitur &
non

non bene patitur emollitionem aut resolutionē. Locus est frigidus, profundus, materia inobedientissima, casus non facilis: credo tamen quòd aliquid poterit inchoari. Sed cum quibus? Intentio principalis est, vt resoluat illa materia in illis partib. contenta, & alterare mēbra: & hæc esset vera curatio. Sed hoc non potest fieri, nisi alia primò fiant. Nam resoluentia magis indurabūt materiā, extrahēdo omne illud quod est tenue & humidū: ideo primò erit materia illa humectanda cum calefacientib. quia congelatio facta à frigido. Resoluentia enim adhibita ante mollicationē, magis petrificabunt materiā, & fient deinde tanquam lateres; qui nec à calido nec à frigido resoluunt. Ergo secunda surgit intētio, scilicet mollicatio. Sed hæc duo nō possunt fieri, nisi habeamus corpus mundū: nisi enim hoc fiat, plus demandabit ad partē læsam, quàm resoluamus & mollicemus: resoluentia enim plus attrahent, & mollicatia plus præparabunt, & ita plus affluet quàm resoluat. Sunt itaq; quatuor intentiones in hoc casu, & quod vltimò inuentū est in resolutione, primū erit in executione. Primò ergo exquisitè euacuet ab vniuerso corpore humor maximè peccās, pituitosus scilicet, quē humorē magis timemus. Hoc aut nō possumus, nisi præmissis concoquentib. Querit, an conueniat syrupus acetosus, & alij confecti ex aceto? Videñ enim q̄ nō, quia acetum nocet neruis ex duplici causā, & quia mordicat, & propter cōplexionē suam, quia est frigidum. Dico q̄ acetosa illa nō perueniūt ad locū affectum. Mesue dicit, q̄ syrup. acetosus facit penetrare medicinas ad ea loca, ad quē aliàs nō penetrarēt. Et Gal. 3. *κατὰ γιν* dicit, quòd si nerui sunt vulnerati, & in profundo, q̄ tum cum alijs medicamentis admiscendū sit acetū, quia iuuabit penetrationem aliorū


medicamentorū:& dicit ibi Gal. quod acetum amitti in transitu vires suas acres, antequàm accedat ad nervos. Dico igitur, si acetum amittit vires suas in tam paruo transitu, multò magis amittet vires si per os sumatur: longa enim est via per ventriculum, hep̃ &c. antequàm ad nervos perueniat, & sæpe mutatur & alteratur: & ideo possumus vti aceto in affectionibus neruorum, & syrupus acetosus optimè conuenit. Et vtinam syrupi nostri essent magis acetosi quàm sunt, sunt enim ferè dulces plus quàm acetosi. Còmiscerem mel ros. cum syrupo acetoso, qui conuenit & ventriculo, & impedit mel ne corrosiōnem faciat acetum. ℞. j. mellis rosa. & ℞. j. acetosi syrupi cum decocto betonicæ & Iuæ, propter nervos. Pro euacuatione darem agaricum, & in quibus ingreditur agaricum, vt pilulæ cochix, aggregatiuæ, trahunt enim à iuncturis. Diaphœnicon non exhiberem, quia non est in eo nisi turbit & scāmonea, & in eo est nulla vis ad humorem pituitosum: nihil enim operatur turbit, nisi ei addatur scammonia, & tandem turbat. Ego aliquando volui facere periculum, & exhibui ipsius turbit etiam correcti cum zinzibere & sine zinzibere, 3. iij. & etiam 3. iij. in varijs corporibus, & nihil eduxit, sed tantùm fecit conturbationes. Mesue dicit, turbit albi gummosi: vbi habemus hoc? nostrum est siccum, & merum lignum, & abhorreo ab hoc. Pilulæ magis essent conuenientes. Darem agarici preparati 3. ij. cum cassia: item cōfec. hamech. Et purgei bis, ter, & sæpius, si opus fuerit.

Quo ad localia, primò est molliendum, quia materia est congelata à frigore, ut suprà dictū est, nō à calore, ideo potest recipere curam. Si à calido esset materia indurata & petrificata, non posset curari. Ergo primò molliatur materia, cum moderato calore colliquan-

quante, & non resolvente: quod colliquatum est, portet moderatè resoluerè: & hæc per vices applicentur, excedatq; potius mollificatio ipsam resolutionem quàm contra: & hæc permisceant: magis amen placet mihi quòd seorsum hæc applicentur, & vincant semper mollificantia: nam vitiū in resolutione est incurabile. Et placet mihi quòd semper vtius est pinguedine humana, quæ moderata est, non resoluit, sed mollificat tantum, & bene factū est. Primò procederem cum mollificantibus primi gradus, postea cum mollificantib. secundi gradus. Myrrha, ammoniacū, hyssopus humida, crocus &c. sunt mollificantia in secundo gradu: & in his sæpe erramus, quia non possumus metiri quantitatem: & hæc antiquata, efficiuntur resoluentia, & acquirūt calorem: ideo tutius est vt permaneamus in mollificantibus primi gradus, vt est adeps porcinus, oleum chamæmelinum: decoctum althææ, maluæ, liquiritiæ, sem. lini, fœnugræci. Hæc ferè accedunt ad secundum gradū. Primò fiat decoctū ex camomilla, malua, althæa, liquiritia, & fomentē locus cum spōgia, postea illiniatur cum oleis istis. Ad penetrationem posset apponi modicum croci, & lana humida molliri locus per sex dies: postea per vnum diem facerē resolutionē, vt cum pyrite lapide, quod Gal. dicit esse magicum quiddā: & sic longè maior erit mollificatio quàm resolutio. Loco pyritis accipiat lapis molaris. Si vellet tentare balnea S. Barthol. optimè cōuenirēt. Montagnana scribit de quodā Cardinale qui erat totus contractus, & quandiu fuit in hoc balneo, extendebat omnia membra, & tandem curatus est. Et nos habuimus hīc puellam Dalmatam xvij. annorum, quæ tota contracta fuit, & sanata est perfectè, & iam nupsit viro. In altero crure vtatur primò alterantib. locū.

Primò fiant abstergentia vlcus ex lapatho, hordeo, plantagine & balauftijs: decoquerem hæc in aqua ferrariorum, vel alia aqua, & facerem lotionem cru-
ris & vlceris: post lotionem exiccarẽ locum, & acci-
perem postea succum solatri contritum in mortario
plumbeo cum pistillo plũbeo, donec fieret solidior,
& facerem linimentum, & linirem crus. Remota
mala temperatura accederem ad sanandum vlcus,
vt est vnguentum de tutia, quo nihil est præstantius
in materijs adustis.

*Consult. CXLIII. De catarrho, cum mul-
tis alijs symptomatis coniuncto.*



Postquam diligentissimè audiui historiã
casus nobiliss. Domine, quẽ iam decem
menses laborat, considerabo præcipua.
Patitur tres dispositiones præcipuas, à
quibus multa symptomata consequuntur. Princi-
palia sunt, primò catarrhus, secundò mala compo-
sitio in membris naturalibus omnibus, tertio exte-
nuatio insignis: ferè est sine musculis, intestina con-
tingunt à cute. Præter hanc gracilitatẽ habet & insi-
gnem tensionem, vt non tactum patiat, ita dolor est
& ægritudo ipsa. Catarrhus propriè in se nõ est ægri-
tudo, sed in genere fluxus est actio læsa: tamen quia
curatur, principaliter ingreditur curam morbi. 12. the-
rap. Quandoq; symptomata trahunt ad se curationẽ,
& habent rationem causæ, & curantur vt morbi, & fa-
ciunt indicationes separatas vt morbi. Est ergo pri-
mò catarrhus, secundò mala cõpositio. Tertia ægri-
tudo est febris, quæ est de genere continuarum, li-
cet habeat paroxysmos. Consequuntur fluor alui,
præfocatio vteri: macies consequitur ad quẽlibet isto-
rum morborũ, est accidẽs quod nõ trahit curam ad
se. Inci-

se. Incipiat à catarrho, secūdò à mala cōpositione, & tertio de cōplexione mala, id est, febre. Vtrū hi morbi se habeant ita, vt vnusquisq; proprias habeat causas, & an vno remoto remoueantur omnia? 7. Aphor. Febres nō sunt morbi per se, sunt accidentia aliorū morborū. quādoq; negligunt febres, & curant ægritudines principales à quib. dependēt, vt facimus in pleuritide, vbi tota cura est ad inflammationem. Vtrum hoc modo sint hæc? Dicā prius de catarrho, neglecta febre, qui generatur in capite. Quæritur, vtrum lesio sit in capite primogenio affectu, an sit lesio per cōsensum? vel, vtrū sit in cerebro nocumentum, ratione cuius sit inductus catarrhus? Naturaliter habuit cerebrū calidū & siccū, ex nigredine capillorū, crassitie, nobilitate omniū operationū: prōptā fuit in actionib. ista promptitudo indicat caliditatem eius partis, in qua est principiū motus. Vnde videtur calidū esse cerebrū, nō expuit, nihil ex narib. profluit. Nam ex calido & sicco concoquit bene alimentū. Secūdò, tale cerebrū est potēs in difflando: tertio, aperit vias & meatus, vt fiat facilis efflatio & euaporatio excrementorū. Incidit in catarrhū, cū habeat cerebrū quod in sua natura non erat dispositum. Vnde est colligendū, q̄ ad cōtrariū maxima facta est permutatio. Nō possum persuaderi quòd producta fuerit intemperies frigida & humida, cū prius calidum & siccum cerebrum fuerit, cū manserit in sole & sulphure: utebatur calefacientibus, quæ non possunt inducere intemperiem frigidam & humidam. Frigidum quidem cum calido resoluit humidum, in quo est caliditas, & fit frigiditas: vt in cinere & carbone, frigidus est cinis, & carbo ex priuatione humidi. Non fuit causa aliqua vt humiditas induceretur: bene potuit fieri intemperies

frigida & sicca per resolutionem humidi. Cerebrum fuit à natura calidum & siccum: dico quòd successit intemperies frigida & sicca. Vidimus catarrhum frigidū, qui nō fuit nisi à causā frigida. Vnde ergo tanta humiditas in illo cerebro, cum sit frigidum & siccum? Omnia corpora frigida & sicca redundant humiditatibus & pituita: vt in senibus, quanto magis fiunt frigidiores & sicciores, tanto humidiores, per viam inconcoctionis. Credo intemperie frigidam & siccam in cerebro esse, & talis intemperies maximè subiecta est contumeliæ, si qua alia intemperies. Acquisita ergo illa intemperies cerebri frigida & sicca, est principalis causa & origo huius catarrhi. Successerant alia quæ fouerēt ex partib. inferiorib. viuebat ex quibuscumq; cibarijs: vbi debile cerebrū, sufficit intemperies cerebri. Fortè & ventriculus nō fuit in bona dispositione: & calidū hepar habuit, vnde ventriculus frigidus redundat excrementis, & sic multiplicatur catarrhus ratione inferiorum membrorū. Videnda ad hæc duo, quæ sunt de essentia huius catarrhi: primum, de substantia catarrhi: secundum, de loco ad quem descendit materia, quod est maximū dubium apud me. Primò de loco videamus. Loca ad quæ potest defluere catarrhus, primò sunt musculi extrinseci: secundò, cauitas pectoris: tertio, substantia pulmonis: quartò, aspera arteria. Catarrhus ad quas partes descendit? Non occupat tanquam locū principalē asperas arterias, ita vt ibi morā faciat, nā fieret asthma, quod non videmus: quoniam catarrhus occupans arterias, cum obducuntur asperæ arteriæ percipitur cantus & clangor, & quando anhelaret fieret mutus: dum enim transit spiritus, & percutit catarrhum crassum, facit sonitum talem. Vtrū in substantia pulmonis? Absit: nam esset difficultas anhel-

anhelitus propter dilatationem & constrictionem:
 non haberet anhelitum liberum, esset difficultas ma-
 na, pateret anxietates cordis maximas: cum enim
 in pulmone conficiantur spiritus vitales, inficeren-
 tur à catarrho. Cum pulmo sit putrescibilis valde,
 propter humidam substantiam & excrementosam,
 & molliem substantiæ suæ, si catarrhus putridus
 moraretur in pulmonis substantia, generaret vlcus,
 & deuenisset ad phthisim, quod absit. Non in muscu-
 lis exterioribus, nam perciperetur dolor ad tactum.
 In quo igitur loco? Credo quòd descendat ad caui-
 tatem pectoris. Sed per quas vias? Ex anatome vide-
 mus vias còmunes à cerebro ad pulmonē non esse,
 nisi asperam arteriam maiorem. Si catarrhus ad pul-
 monem tendit per asperam arteriam, in pulmone
 manebit. Inter sunt costę, muscoli, diaphragma, quo-
 modo ergo transit? Sæpissimè contingit quòd tran-
 sit à pulmone, & expellitur à natura fortiore ad ca-
 vitatē pectoris, & contrà à cavitate pectoris ad sub-
 stantiam pulmonis: vt ex peripneumonia fit empye-
 ma, quia catarrhus putridus expellitur à substantia
 pulmonis ad cauitatem pectoris, qui tandem à natu-
 ra expellitur ex eadem cavitate pectoris ad pulmo-
 nem, & expuitur per tussim. Similis est trāsitus cum
 materia est in pulmone: est enim leuissima membra-
 na pulmonis. Natura enim sollicita membrorum no-
 bilium, quando ad id peruenit aliqua materia, expel-
 lit eam ad partem ignobiliore, vt ad cauitatem pe-
 ctoris, quæ longè est ignobilior quàm substātia pul-
 monis. In cavitate pectoris facit motum, putrescit
 materia & excitat tussim, ac tendit ad pulmonem,
 non vt ibi maneat, sed vt expellatur. Credo autē ca-
 tarrhum non solū deuenire ad pectus per pulmo-
 nem & putrescere, sed etiam à toto ambitu venarū

venire materiã ad locum imbecillũ: teste enim Gal.
2. de facul. natur. omnes superfluitates defluunt ac
partem debilem, & semper aggregat materia, vt ap-
paret in fistulis & malignis vlcerib. quia debile mē-
brum suscipit omnia superflua & excremēta. A toto
igitur ambitu corporis deuenit materia, & facit em-
pyema. Quare diuretica conueniūt materiebus pe-
ctoris, quia materia à venis descendit: & est magnus
consensus inter venas & pectus, ideo diuretica con-
ferūt pulmōni & ægritudinib. pectoris. Locus ergo
catarrhi proprius in quo putrescit, est cavitā pecto-
ris: descendit partim à capite ad pulmōnē, & conca-
uitatem pectoris, partim facto loco imbecillo & sup-
purato à toto corpore, & multiplicat ita catarrhus,
qui expulsus per tussim ad pulmōnē excernitur. Est
igitur hæc mulier empyematica, & habet materiam
suppuratā in cōcavitāte pectoris. Quòd sit materia
putrida, patet ex colore & crassitudine. Est pus,
quod duplex est: primò, ex putredine sanguinis non
fit, nisi sanguis putrescat, id semper sequitur vlcus. se-
cundò, quando materia pituitosa putrescit, sanguis
extra venas putrescit, & facit pus. Pus pituitę nō ita
fœtet, quia ipse sanguis putresfactus deterrimus est,
& magis fœtidus quàm pituita putrescens. Ergo est
pus non ab vlcere aut putredine sanguinis, sed à pu-
tredine pituitę, & recedit à malignitate puris san-
guinis. Sic & pus melancholicũ & bilis longè dete-
rius est. Pus istud si esset sanguinis vel aliorũ humo-
rum, vlcerasset iam pulmōnem propter transitum.
Catarrhus in propria substantia quando descendit
à cerebro, credo quòd sit subtilis, quia est insipidus,
& propter subtilitatē transmittit à pulmōne ad pe-
ctus, in quo crassescit, putrescit, & resoluuntur par-
tes tenuiores, putridę, & per virtutem expulsiuam
exci-

excitatur tussis, quæ est motus pulmonis, quo reijcit molestiam vel ob intemperiem, vel materiã aliquam existentem in parte membranarũ spiritualiũ, vt in pleuritide, quæ est extra totam cavitatem pulmonis, tamen fit ex ea maxima tussis, cùm materia non sit in pulmone. Ita hîc quoq; Quomodo transeat materia crassa ex pectore ad pulmonẽ, non mirandum, cùm & in osse pus transeat per poros ad carnem. Nô debemus mirari opera naturæ, transit per meatus membranæ & excernit, quod vix credi posset, nisi esset notissimum omnib. medicis. Ex quo est etiam illa febris, quia cùm putrescat materia tanta in cavitare pectoris propinqua cordi, non potest fieri quin putridi vapores ascendant ad cor. Et hæc febris pro multitudine vaporum etiam augetur & minuitur. Patet quòd febris è vaporib. putridis, est putrida. Singulis diebus vesperi circa horã xxij. percipit frigus, postea calor succedit. frigus, quia tum excitantur vapores putridi in re putrescente, & ceteræ periodi effumationis, vt in omni stercore apparet, in alijs horis fumat, in alijs non. In eo tempore effumationis propter fumum transeuntẽ ad cor excitatur febris, imò magis vna hora quàm alia. Non est inuentum à medicis, naturæ secretum est hoc, quare vna hora eleuent vapores precisè, & nō alia hora. Oportet admirari secreta naturæ. Num hæc febris sit putrida, vel an sit etiam febris quæ fecerit maiorẽ impressionem? Credo quòd inducta sit hectica: quando longo tempore tango, percipio insignem caliditatem igneam ex tactu, vnde tanta extenuatio. Febris præcedens non fuit diuturna, nō sunt nisi octo dies q̃ sentio tantã febrẽ. Vereor febrem fixã, occultam, difficile cognoscibilẽ, quandò in prima specie hecticæ difficilè agnoscit à medicis per coniecturas

cognoscenda, vt Gal. cognouit mulierem suam, quæ
erat calida & sicca, & habuit ephemeram &c. Pulsus
secundum naturam, caliditas non mordax, non per-
cipit se habere, ideo difficile cognoscitur. Tres sunt
species. prima, quando absumit pinguedo tantum: se-
cunda, caro: tertia, cor, & illud quod continet mem-
bra. Prima & secunda secundum Auic. difficillimæ
sunt cognitionis: tertia ab omnibus percipitur. Du-
bito, sit ne prima species hæctica, & sit consumpta
nimis propter febrem continuam, tamen audio nun-
quam quoq; liberari à febre. Habemus ergo primò
catarrhum suppuratum & putredinem. Putredo est,
quia rubedo circa maxillas. Quando putrescit hu-
mor circa pulmonē, vt in peripneumonia & empye-
mate, ascendunt vapores & calefaciunt maxillas, in
istis tribus, scilicet in peripneumonia, vlcere pulmo-
nis, & empyemate. Primò est catarrhus, putredo, &
empyema. Secundo, febris putrida & fixa quædā, ten-
sio hypochondriorum. febres sequuntur obstructio-
nes: tamen non credo obstructionem summā hanc,
sed catarrhus & febris faciunt debilitatem summam
in membris naturalibus: vbi xiiij. diem transit, facit
debilitatē. Descendit etiam pars catarrhi ad ventri-
culū, vnde male cōcoquit, percipit rugitus, mala itē
compositio & complexio frigida est in membris na-
turalibus, cuius signum ventositas, gracilitas extre-
ma, & consumpta pinguedo tota: vnde suspicor esse
hæcticam. Fluxus item sequit, vbi febris permanens
& suppuratio in pectore debilitauit calorem innatū
vt iam succumbat, & sequantur fluores alui, longæ
ægritudines, & pleuritides quoq; vbi tendit ad sup-
purationem, & mortalis est. Ex his quæ proposui, vi-
demus quā sit timorofum. Cura. Multa essent
quibus indigeremus, & quæ faceremus. Primò oportet

tet vt prohibeamus catarrhum descendentem. Secundo, vt quod in pectore, educere, & confortare tur pectus ne reciperet, refrigerare febris, confortarentur membra naturalia. Catarrhus sistitur cum rebus valde siccantibus. 5. Meth. Ad tria reduco totam curam: primò, vt sistamus catarrhum: secundò, vt confortetur pectus: tertio, vt occurrat omnibus humoribus. Sunt ista tria vehementissima. Primò circa caput, vesicetur totum caput vt dissoluatur catarrhus, vt exeat extra cutem, & non fluat ad pulmonem, quod non nisi calidissima efficiunt, quæ afficiunt virtutē, calefaciunt totum corpus. Timorosum in febribus talibus adhibere calida capiti. Secundò, vt euacuemus cum pilulis cochij: ingrediuntur fortia, vt scammonium &c. & in magna quantitate. Ego non auderem dare eas hîc in fluore alui, imbecillitate omnium membrorum, & febre. Tertium quod fuit, est vt refrigeretur pectus, & vtitur ibi Gale. theriaca noua, & diaspermaton. De duobus primis non auderem, quia nec corpus, nec imbecillitas patit. Non auderem super vesicatorio, velim tamen vt vnum fieret quod nolui omnino præterire, vt tonderentur capilli usq; ad cutim, & velim imponere pulueres, ex quo non possum caustica ponere, ex sandaracha, mastiche, rosis, quæ non calefaciunt vehementer, sed exiccant, & confortant caput ne descendat materia. Esset præsentaneum remedium vesicare, sed non audeo: nec cerata, retinerent enim usq; ad tempus, postea tota materia repētē decideret, & repentinè suffocaretur. per duos aut tres dies manet, quia suspendit catarrhum, interim multiplicatur, & in termino duarum horarum ex repentina descensione suffocantur. Fiant leues frictions, ne agite caput: exiccetur tantū cum panno suffumigato, aqua rosacea,

aceto & garyophyllis. Tale suffumigium habeat in cubiculo, & suffumigentur panni, & caput foueatur sine frictione, vt inde fiat exiccatio. Quando ista non sunt, interea in tempore quieto haberet stuppan cannabinam, super quam papyrum exiccatam, & penat scaphiam, vt semper fiat exiccatio, & fieret crebra permutatio existis. Si febris cessaret, statim velim adhibere vesicatoria, quod esset optimū & præstantissimum ex cantharidibus. Diaspermaton esset præstantissimum, tendit ad febrem, & confortat petus: sed hoc facere non possumus. Laudo bolum armenium optimum, & aquam farfaræ & Consolidæ, vt accipiendo boli armeni puluerisati 3.ij. cum lib.j. aquæ consolidæ & farfaræ, donec tota fieret rubra, & tota virtus transeat in aquam, phialam agitando: singulis diebus manè & vesperti quando vult dormire bibat drachmam vnā aut semis istius aquæ. Mellis rosati 3.j. faceret ad fluxum ventris, & corroborat ventriculū, confortat substantiā pulmonis & pectoris, & corroborat cor, ne recipiat illam detestabilem putredinem. Gal. dat asthmatis, & longè magis vbi non est asthma, neq; facit difficultatem anhelitus: credo quòd non esset deterius remediū quàm Diaspermaton & theriaca noua. Cauere à philonio & stupefactiuis tanquam à peste, vt multi faciunt ad sistendum catarrhū. Neq; pilulas de opio dare. Vesperti pillulam vnā de cynoglossa sine opio retineat sub lingua, ad sistendum catarrhum, & roboranda membra. De febre. Auic. si cum catarrho est febris, non curandum de febre, sed attendat ad catarrhum: febris enim pendet ab eo tanquam accidens: cessante catarrho, cessabit febris. Si esset prima species hecticæ, curare tam facile vt scabies: non enim valde curarem eam, si non esset catarrhus: neq; tamē con-

contemnerem. Propter fluorem alui corroborandus ventriculus, & attendendum refrigerationi corporis. Ptisanam hordei accipiat, sed in ea cum iure pulli facta ponat aliquid quod habeat vim astringendi & corroborandi. Gal. imposuit frustum cotonei, corroborat enim hoc, & conuenit catarrho, & refrenat lubricitatem ptisanæ. Manè accipiat ouum forbile, carnem pulli cōtusam. bibat item manè vinum, vesperi non. Circa xxij. horam habuit paroxysmum: nunc incipit circa viij. horam: posset cibari ad nonā horam: ad xvij. horam, potissimū aut ad xvij. cœnare. minus cibi serò sumat. Pro fluxu sumat syrupū myrthinum cum puluere mastiches intus. Inter syrupum & cibum sit vna hora. Quo ad confortationē & præfocationem matricis, vngatur cum linimento Mesue. Nollem confortare eam cum oleo liliorum alborum. Circa pectus febris non permittit emplastrum, ne nimium relaxando præcipitaretur materia. Inungerem pectus cum vnguento ros. Mesue. Cor confortarem cum his quæ habent vim exiccandi, eo modo tamen ne arescat, cum bolo armeno in aqua farfaræ cum melle rosaceo. Curata febris, subito accederem ad vesicatoria, quia oportet attendere catarrho. Pro ventriculo fiat linimentum ex mastiche, cotoneis, dactylis. Coquantur in vino dulci non potenti, facta forti expressione per cribrum: adde olei chamæmelini & absinthij quantum sufficit. Fiat linimentū. Hoc etiam vsus est Montanus in quodam, cui tota abdominis pars ita erat exiccata, vt intestinorum videretur contractio, vt retulit postea Montanus cundo domum.

*Consult. CXLVI. De difficultate anhelitus,
uertigine, ac defœdatione cutis.*



Ubi sint duo præter naturam : primum quod sensu tactus nõ deprehendit, se videtur, difficultas anhelitus, vertigo grauitas capitis, tinnitus aurium cum destillatione: secundum occurrit sensui visus, & e defœdatio cutis pustularis, & asperitates: hæc ita principaliter sunt considerata, nam de illis maxime conqueritur. Primò, quod apparet sensui visus ex colore singulorum membrorum affectiones discernuntur: quæ quidem proueniunt à materia quæ collecta est. Natura materiæ deprehenditur ex colore: videmus enim pustulas tam in facie, quàm in cruribus & toto corpore, quæ tendunt ad fuscèdinem partim rubent, partim nigricant: rubedo circa faciem magis, in alijs partib. nigredo magis. Nonnullæ quàm illæ pustulæ in diuersis partibus erumpentes faciunt suppurationem, & inde exit pus. Cõsideranda natura ex colore. Sanguis dominatur cum bile, vel sanguine melancholico, erumpens ad cutim. Videndum quo nomine debeat appellari. Medici occupati sunt valde circa hoc nomen. Ex vna parte accidens est, hic affectus, ex alia parte ægritudo. Sunt morbi dependentes ab eadem causa secundum ordinem, ab eadem materia, sanguine adusto melancholico. Quidam est vniuersalis, quidam particularis. Particulares sunt, qui occupant tantum partem corporis, non totum corpus, vt cancri, lichenũ omnes species, pendent ab eadem materia, sanguine melancholico crasso. Quædã ab eadem materia dependentes occupant totum corpus, vt elephantiasis, lepra, psora. In isto corpore non est morbus particularis,

laris, nam æqualiter occupatur ab ista defædatione: fit à melancholia cum sanguine, & sic est morbus vniuersalis. Non est elephas, nam elephas habet proprium vt occupet carnem & ossa: sed ista defædatio non nisi extimam cutim inuasit. Nec est lepra, nam lepra habet pathognomonicum accidens, vt decidant squamæ, vnde habuit nomē, quia squamæ quotidie decidunt. Gal. distinguit pforam à lepra, quia lepra non habet asperitatem & inæqualitatē vt pfora. Videmus hīc inæqualitatem & asperitatem cum pruritu, quod pforæ longē magis proprium quā lepræ: vnde ponēda hæc affectio sub capite pforæ. Differunt omnes morbi vniuersales inter se, quod vt sciamus, plurimum facit ad curationem. Differunt in crassitudine materiæ peccantis vel humoris. Humor melācholicus naturalis cū sit humor crassus, fæculentus, non facit nec pforam nec lepram, quia non potest excerni ad partes cutis. Vbi autem subtilis, tenuis, vaporosus, transit ad cutem, sed diffatur propter tenuitatem suam: vbi crassior est non potest exire. Et illa materia est vel quieta, vel mota. Si est quieta, adhæret musculis, & facit lassitudinem vlcerosam. Si mota, & transit ad cutem, diffatur, facit sudores: si non diffatur, facit pruritus, & alia genera pustularum diuersa circa corpus. Si admodum crassa, non exit ad cutem, sed adhæret musculis, occupat partes solidas. Si corrūpit ossa, fit elephas. Vbi subtilior est magis declinans ad sanguinē, participans humori pituitoso falso, transit ad cutim, facile expelli, non tamen potest exhalare, sed adhæret, & facit lepram & pforam. pfora autem magis habet de humore melancholico: lepra magis ad falsum, & magis æqualiter inhæret, non facit eam asperitatem, quia liquidior & humidior humor facit superficiē æqua-

b b b

lem: vbi autem exaruerit, facit squamulas ex humore pituitoso exiccatas, vt sunt in superficie capitis furfures, vbi difflāt pituita ex capite, & circa cutis exiccatur, & facit squamulas illas. Vnde qui abundant squamulis illis, habent caput valde humidum quia pituita cūm exarescit, facit squamulas. Psora autem quia fit ab humore magis adusto, facit inæqualitates cutis: propriū enim sicci est 4. Meteor. q̄ est causa asperitatis, vt humidū est causa leuitatis. In lepra est leuior cutis quā in psora, quæ dependet ab humore melancholico, qualis hæc est, non tamen ita crasso vt faciat elephantē, sed tamen crassiori quā vt faciat leprā. Humor diffusus in toto corpore non est æqualis, admixta est pituitosa materia & sanguinea. Non igit mirū, si ea materia humida putrescat & faciat pus, & apparēt pustulæ quæ à Græcis psydraciæ, ab Arabibus Saphah vocant. Hæc est natura morbi quantum ad causam formalem: quantum ad causas efficientes, sunt intrinsecæ & extrinsecæ. Membrum quod generat omnes humores, est hepar: ad hepar ergo referēda causa efficiens, tanquā ad membrū principale, quod secundū propriā temperaturā generat humores. Si moderatē calidū est, sanguinē generat: de bile aut & humore melācholico, facit quantum opus est: si maior caliditas, & hepar calidius sit quā par est, plus de bile generat, & appellant tales cholerici, in quib. propter caliditatē hepatis generat plus de bile quā de reliquis. Vbi intenditur caliditas & minuitur humiditas, generat humor melācholicus. In paracmastica ætate calidi & sicci fiunt melancholici adusti, quia acquiritur caliditas ex diminutione humiditatis, nō generat bilis, sed humor melancholicus. Hoc hepar est supercalefactū, & videtur à primo ortu tale esse quod excesserit notabiliter ad calidum,

lidum, per siccū & humidū non multū. Qui habent caliditatē solam, absq; passiuarū excessu, plurimum carnis generāt. Qui calidū & humidū, abundāt plurima pinguedine. Probabile est quòd fuerit calidū naturaliter, absq; excessū humiditatis & siccitatis, temperatū in passiuis, redundās in calido. In habentibus autē symbolū, facilius est transitus: generauit sanguinē biliosum, deuenit ad paracmaasticam ætatem, potuit generare plurimū humorē melancholicum. Accedunt aliæ causæ non corporeæ, sed extrinsecæ. Fuit cōditionis talis, in qua habuit omnia quæ potuerunt supercalefacere hepar: bibit vinum potentissimum. Credo quòd natura ipsa vsus fuerit cibarijs falsis & acribus, quæ supercalefaciunt hepar suis qualitatibus primis. Alimenta præter calorem auctum potuerunt generare humorem melancholicum: nam à calore igneo & immoderatē se habente, per se generat plurimus humor melācholicus: si accedat secundū, scilicet alimentū generās melancholiam, potentissima erit causa aggregandi humores melancholicos. Habuit insignem caliditatem hepatis, & in *παράνυ* multò magis auctus calor iste est, tum modo substantiæ cibi melancholici. Nisi fuisset adiuumentum naturæ per influxum hæmorrhoidum, incidisset non in pforam, sed in elephantiam. Materia continuò expurgata fuit per fluxum. Qui subiecti sunt huic fluxui, liberantur ab omnibus humoribus melancholicis. Potentissima causa in hoc, cum haberet fluxū, & tamen haberet hunc morbū. Quo ad catarrhum, corpus ita paratum est ad catarrhum, stante ratione victus, vt nullum corpus magis opportunum. Talis temperatura corporis mittit vapores ad caput continuò, primo Epid. & tertio de locis affectis. Ab ambitu totius corporis ascendūt

pores, stante pessima ratione victus: & hinc etiā tinnitus aurium, propter motionem spirituum. Catarrhus ex ea parte materiæ est: ubi in cerebro naturaliter frigidus. Nam in naturali sua substantia propria omne cerebrum frigidum & humidum est, sed dicitur respectu calidum, humidum & siccum, cum tamen omnia sint frigida & humida. Ideo cum sit propria natura frigida & humida, condensat vapores, & sic fit catarrhus, & hic facit anhelitus difficultatem & tussim. Non tamen est insignis læsio adhuc ex hoc catarrho. Pruritus facile curabitur, si modò non patiatur elephantiam. Psora est initium elephantiam oportet ut ipse sibi sit medicus. Circa curam duæ sunt faciendæ: primò tollendus morbus factus, secundò causæ quæ faciunt. Morbus factus sunt pustulæ defœdatio circa cutem, quæ abstergendo mundificanda est: quod non fiet nisi materia remoueat, quæ in toto ambitu venarum fouet continuè illam partem. Oportet omnino remouere materiã. Duæ ergo sunt indicationes: primò, ut abstergeat cutis: secundò, ut remoueat materia. Est tertia indicatio: nam si remoueat materia & abstergetur cutis, & non remoueamus caliditatem hepatis, & causas efficientes & extrinsecus occurrentes, nihil proderit. Primum ergo est abstergere cutem: secundum, remouere humorem: tertium, alterare hepar: quartum, regulare rationem victus. Incipiamus ab euacuatione, sine qua nec alterare, nec abstergere cutem, neque nutrire corpus cibis convenientibus possumus. Mundificandum corpus cum his quæ mundificant humores peccantes, scilicet humorem melancholicum, sanguinem & pituitam, quæ redundat ex descensu catarrhi. Accedit portio bilis, redundant omnes quatuor humores. Alij humores coquuntur & præ-

præparantur. Sanguis non spectat aliam coctionem, debet euacuari sine præparatione. Facta purgatione humorum in primis venis cum cassia, deueniatur ad missionem sanguinis, vt euacuetur principalis humor sanguis, & fiat sæpe. In humore melancholico vbi permixtus est sanguini, iteranda est phlebotomia, & euacuetur per interualla: deinde bene nutriatur, post iterum euacuetur, idq; à basilica. Intentio est non tantum euacuare humores, sed simul alterare membra. quod possumus facere vno remedio, non debemus facere pluribus. In vtroque latere secunda vena, & ab vtraq; basilica. Secundò fiat euacuatio præcipuè duorum humorum, melancholiæ & pituitæ. Biliosus humor facile coquitur & expellitur. Rhasis vult bilem non indigere coctione: sed indiget leni coctione, facili momẽto coquimus. Maiore coctione indiget pituita & melancholia. Sunt concoctiua in communi vsu, quæ respiciunt pituitam, non considerando humorem melancholicum, quem aggrediar postea. Ex multitudine pituitæ obstruuntur venæ sua visciditate, & ille humor retinet alios humores ne sint præparati: obstruit quoque. Quando igitur pituita in venis est cum humore melancholico, non debemus vtrunque simul præparare. Pituita indiget incisuius abstergentibus: humor melancholicus aliquali humectatione, vt fiat facilis ad excretionẽ. non est viscidus, sed crassus, qui indiget humectatione. Quæ faciunt ad coctionem pituitæ, non faciunt ad concoctionẽ ipsius humoris melancholici. In hoc casu inciperẽ à pituita. Oxymel, & syrupus acetosus incidunt sine calefactione. Non multum calefacere, ne humori melancholico nocerem. Facienda quæ incidunt lapides & calculos. Vtrum acetum conueniet digestioni humoris me-

lancholici? quanto magis dubitabit de calefacientibus & exiccantibus. Acetosa conueniunt partibus terrestribus, confringunt calculum & lapides. Dantur syrupum acetosum, oxymel, cum melle rosato. Euacuare postea cum confect. hamech, in qua epithymus & myrobalani. Et euacuant humorem pituitosum pilula de Agarico. Dantur agarici 3. ij. cum 3. j. cassia, euacuat humorem pituitosum, & respiciunt humorem melancholicum. Quo ad humorem melancholicum, syrupum de pomis dulcibus, Saba regis. Decoctum liquiritiae maximè confert ad humorem melancholicum siccum & frigidum. Item malua decoctio cum iuribus pinguius. pulli: postea euacuare cum illis decoctis traditis à Mesue. Deinde apponere rem elleborum nigrum, ut in superiori syrupo, non plusquam 3. semis corticum ellebori nigri: felicissimè operatur ter aut quater sine molestia. Quod si datur ante euacuationem pituitae, laedet, & nihil proderit ista euacuatio. Pituita optimè euacuetur. Si vero leo dare sex vicibus, euacuat quadragies, nisi debilitas accidat, tunc intermitto vnam. Facta euacuatione abstergenda cutis. Fieri possunt linimenta ex succo lapathij, limonum, ellebori cortice & radice. Decoquantur cum malua & althaea in aqua, donec consumatur tota substantia, factis expressionibus. Oleum rosarum recens, therichintbina, styracis liquida, magna copia succi limonum cum nitro, abstergit omnem defædationem. Peracto illo, quaeritur nunquid conueniat lotio balnearum? Habent magnam vim abstergendi maculas corporis. Sed dubito ne calefaciant hepar. Ad defendendum hepar sumat duas aut tres heminas feri lactis, & illinatur hepar in frigidante Galeni: conuenit propter hepar calidum. Bibat serum, & ingrediatur balneum. Non dubita-

dubitarem de supercalefactione hepatis. Aqua marina idem facit, sed nimis calida est. Aquarum dulcium balnea, cum fiunt ex elleboro, lapatho, cum sale, abstergenda cutis gratia. Necesse est deinde confortare: fiat ad contrarium, & infrigidetur hepar. Vltimum est quod tegat se, ac remoueat causas extrinsecas: abstineat ab omnibus calidis, vino calido. Vtatur carnibus bonis, frigidis alimentis, piscibus saxatilibus. Marini sunt laudatissimi, quia habent minus superfluitatum quam aquosi, qui faciunt augeri pituitam, & calorem postea: expedit quoque ut pituita non multiplicetur. In partibus Dalmatiae, gobij marini optimi sunt, in alto mari. Inter pisces saxatiles, mugiles, apud nos rari. Admoneamus & protestemur, si vult permanere sanus, debet eo victu uti & refrigerantibus. Saccharum rosaceum cum Rhab. 3. j. ter aut quater in mense sumat. Haemorrhoides semper teneantur aperta: si stringuntur, aperiantur.

Consult. CXLVI. De Melancholia hypochondriaca.

ERat sententia Galeni, Magnifici & Excellentissimi viri, doctissimi quoque scholares, in libris Prognosticon, quod ea quae possunt breuibus explicari, valde sit ineptum longius dicere. Ego igitur ero breuior in hac mea oratione, & proponam ea quae sunt necessaria in casu huius nobilissimi adolescentis. Patitur flatus hypochondriacos, quod non possumus negare, quia & motu percipiuntur, & nos audiuius. Est ibi melancholia, & flatus percipiunt manifeste: ergo merito appellatur haec affectio flatus hypochon-

bbb 4

driacus. Sed hoc est accidens seu symptoma, ergo consideranda eius causa, & morbus, à quo pendet hoc symptoma. Huius igit symptomatis quærenda ratio, & ex hac pendent omnia reliqua accidentia. Hic flatus hypochondriacus quo ad rationē formalem, est quidam flatus seu ventositas, quæ pendet à quodā humore crasso, ita vt non possit difflari: quia si posset difflari, non faceret rugitum. Ergo pendet ab humore crasso, qui facit ne possit difflari illa ventositas. Nunc quærenda causa efficiens, proxima & remota. Primò, proxima causa efficiens nulla alia datur, nisi illa quam dat Galenus 3. loc. affect. cap. de melancholia, scilicet quòd est inflammatio & ebullitio circa hepar in regione dextra inter ventriculum & ipsum hepar in ipso mesenterio, vt dicit Gale. ex Diocle. Ergo est quoddam calefaciens hunc humorem, & faciens hanc inflammationē. Sed nullum est aliud membrum in corpore humano quod faciat humores præterquàm hepar: vnde sequitur quòd hic calor proficiscitur ab hepate. Et ex hoc discursu habemus, q̃ sit caliditas hepatis ignea, faciens hanc ebullitionem. Sed hæc inflammatio est in aliqua materia, quia non solùm est inflammatio ibi, sed etiam inflāmatum requiritur. Ex caliditate hepatis sequuntur multa. Primò, cū calidi sit attrahere, & cōtinuè trahatur chylus ab hepate per venas mesaraicas ex ventriculo, si hepar sit valde calidum, cū plurimū consumat, indiget continua restauratione, & sic hoc hepar plurimum attrahet de ipso chylo ex ventriculo, & habebit continuè illam attractionem propter suam caliditatem extensiuam, & sic habebit quasi gulositatē quandā, vt vocat Gal. Et hinc accidit quòd attrahat chylum ad se non bene concoctum in ventriculo, sed crudum, & trahit eum violenter per venas

nas mesaraicas. Ex hoc sequitur, quòd materia multa, & humores crudi perueniunt ad hepar, & erunt rebelles concoctioni, quia coctio prima non corrigitur in secunda coctione. Et hi humores crudi cum ebulliunt, generant illam inflammationem. Sed hoc non est solum, sed accedit aliud: quia hepar calidum generat plurimum de bile, & ita etiam plurimum de humore melancholico generabitur. Humor melancholicus naturaliter est frigidus & siccus, sicut & reliquæ omnes melancholiæ species, sed maximè naturalis. Et quamuis lien attrahat ad se humorem melancholicum separatum, & generatum in hepate, tamen non potest lien tantum trahere quantum generatur, & ita humor melancholicus retinetur in hepate: unde hic humor melancholicus naturalis frigidus & siccus, miscebitur cum illo humore crudo. Et ita sunt hîc duo humores faciētes hos flatus, & qui aptissimi sunt ad generationem flatuum utriq;: & hinc omnes melācholici apparēt venerei, quia habēt plurimum flatuū, ratione quorū multa fit erectio & inflatio: & ideo plurimū appetunt, licet parū possint. Et cum sint hîc duo humores qui maximè sunt apti ad flatus, scilicet humor crudus & humor melancholicus naturalis, non mirum si flatuantur. Et cum sit illa ebullitio circa hepar & ventriculum in ipsis venis mesaraicis, ideo regurgitat materia illa frigida ad ventriculum, vbi inuenit plurimum humore crudum, & inde ventriculus infrigidatur, vt postea etiā causam infrigidationis ventriculi reddemus: & ita hic humor melancholicus ingreditur humorem illum pituitosum, & nō potest se inde explicare, & sic fit flatus ille & rugitus. Et sic sunt duæ causæ, humor naturalis melancholicus, cum humore pituitoso. Hæc autem omnia intensiua sequitur frigiditas ven

tricoli, quia semper ubi est ignea caliditas hepatis, consumit illam pinguedinem quæ est in abdomine, quæ conseruat & colligit calorẽ ventriculi, & ideo diminuta hac pinguedine in frigidatur ventriculus. Sed præter hoc est adhuc aliud. Quia splen cum redundat humore melancholico & intumescit, refrigerat etiam vicina membra. Hepar autem non potest ita facile refrigerari ab illa frigiditate collecta in splene, quia calidior: sed in habentibus symbolũ facilius fit transitus: ergo ex humore melancholico aggregato in splene, ventriculus etiam in frigidatur. Et ita ex utroque latere violatur & diminuitur calor ventriculi & robur, qui refrigeratus auget humores crudos. Et hic humor crudus consequenter auget ebullitionem & flatuositatem, & ita fit circulus quidam, & inde prolongabitur etiam morbus, quia quasi in circulo quodam recurrunt omnes causæ, ut diximus: frigiditas enim ventriculi adiuuatur à multis, ut magis generet cruditates, & materiam huius ebullitionis: & caliditas hepatis & humor melancholicus in splene redundant. Et hinc Galenus tertio locorũ affectorũ dicit, quòd in quibuscunq; contigerit esse flatus hypochondriacus, in omnibus prolongatur. Signa huius affectionis adsunt: est tristitia & timor, qui solent esse in melancholicis. Primus effectus melancholiæ, est timor, qui est potius præludium quoddam: & sic timor est perpetuum signum melancholiæ: non tamen ibi necessarium ut sit melancholia, sed tantum principium melancholiæ indicat: nam sunt multi melancholici qui nõ timet, adeò ut seipsos etiã interficiant. Et ideo Gal. querit, quare Diocles nihil de his loquitur? & dicit Gal. quòd illa tristitia sequitur, cum augetur melancholia illa: & non est necessariũ, quòd ubi est flatus hypochondriacus,

driacus, ibi sit melancholia. Non deuenit ergo ad summū hæc affectio, sed est in aliquo gradu: nondū cōmunicatum est nocumentum ipsi cerebro, quod absit. Accidentia quæ necessariò sequuntur, morbū declarant. Primò sputum copiosum, quia ventriculus est frigidus, & abundat pituita & cruditatibus, & flatus facit, quòd pituita ascendit. Nam ex ventriculo nihil excerni potest, nisi vel per vomitum, vel per flatum, vel eructationem: & inde fit multum sputum. Sequitur aliud accidens, scilicet imbecillitas crurium: quia calor naturalis est debilitatus, & non generatur multum de bono sanguine & spiritu, in quibus consistit virium robur: & quia multi humores crudi & frigidi in ventriculo existunt, qui transeunt per hepar ad venas, & postea sparguntur per musculos, & faciunt istam debilitatem membrorum & lassitudinem. Et non est hoc mirum, cū sæpe ista materia transiens ad venas, faciat paralyin & stuporem. Sequitur aliud accidens, quòd corpus non nutritur, & non augmentatur, vt extendatur in omnes dimensiones: quia non generatur caro, quia sanguis est corruptus, & humores indigesti. Et natura est magis sollicita de membris radicalibus & solidis, quia hæc faciūt vt animal sit animal, & in his est vita: caro autem non est substantia principalis istorum membrorum. Et quia ista materia nutrimentalis non fuit sufficiens pro nutritione & augmentatione vtriusque, ideo natura magis fuit sollicita de membris solidis, & dat alimentum illis partibus quæ magis indigent, quia non sufficit materia pro vtroque. Et ideo videtis quòd tantum augeatur in longitudine. Et hinc etiam illa macies quæ est in carne nata: caro enim multum est diminuta. Hinc etiam aliud accidens est, scilicet quòd

color totius corporis est subfuscus, quia humor talis dominatur, scilicet melancholicus, ut patet ex 4. de tuenda valet. Sequitur adhuc vnum, scilicet astrictio alui ut plurimum, quæ est ex caliditate hepatis, quæ exugit totum humidum ipsarum fæcū. Et hinc patet verum, quia si hæc affectio esset ratione ventriculi principaliter, existerent fæces humidiore. Et hepar maximè patitur in caliditate, & facit hanc malam dispositionē. Ista ægritudo est proportionatissima huic adolescētī: nam est calidissimi hepatis à natiuitate, licet primò habuit carnem multā: & illa caliditas hepatis est ei naturalis, & à patre, & ex semine materno. Noui patrem, qui erat calidissimus. Præterea & fratres eandē intemperie habent. Item ipse exercet cogitationib. mentē, & hæc omnia inflāmant spiritus & hepar. Et sic sanguis est crassior, & adustū alimentū à caliditate hepatis, & omnia rectè se consequunt. Primò etiā antequā laboraret quartana, habuit flatu, postea successit quartana. Multiplicatus est humor melancholicus, & crudi humores attracti ad hepar, vnde facta ebullitio, & etiam obstructio viscerum ab illo crasso humore. Et quia virtus fuit fortis in expellendo, facta sunt illa exanthemata per vniuersum corpus, aut si volumus appellare escharas: sunt autem quædam efflorescentiæ cutis, & sunt potius ex quodam flatu pituitæ falsæ, quā ex materia, quia citò accedunt, & statim recedunt: fiunt ex humore crasso, sanguineo & melancholico, & faciunt pruritum, quia etiam bilis vel pituita falsa admixta. Curatus est ex quartana & exanthematibus illis, & remanserūt illi flatu. De prognostico satis dictum suprā. Circa curam vnū dicam, & ponam pro fundamento huius curæ, quòd scilicet debemus cauere ab omni pharmaco solutiuo

tiuo fortiori, & non possumus hoc casu aliquid de-
 terius & perniciosius facere quàm hoc. Ratio est,
 quia si detur fortius pharmacum, ista omnia conse-
 quentur: nam primò non euacuabitur vt oportet,
 quia sunt multę obstructions quę impediunt vt nō
 possit duci materia, & hepar supercalefactum magis
 calefiet: & quia ventriculus est debilis, & necesse est
 illas materias duci ad ventriculum, ideo magis infri-
 gidabitur & debilitabitur ventriculus: & sic omni-
 no non conueniūt pharmaca solutiua. Et hoc sit pri-
 mum fundamentum huius curę, quod bene aduer-
 tendum: vnde necessariò morbus & cura eius erit
 longa: primò, ex sua natura: secundò, quia non possu-
 mus vti remedijs. Et Gal. ad Glauc. dicit, quòd quar-
 tana acrius curata, duplex fit quartana. Ideo humor
 melancholicus benignè & clementer tractetur. Pri-
 mò concoquat. Primum igitur in curatione huius
 est euacuatio sanguinis, & non vna vice solùm, sed
 sæpius fiat: quia vbi melancholicus humor est in ve-
 nis cum sanguine, est mittendus sanguis. Deinde fiat
 epicrasis, id est, temperatio. Nutriatur corpus,
 & paulatim generetur bonus sanguis: & nihil magis
 conuenit pro melancholia, quàm phlebotomia, &
 quidem iterata, vt Gal. suaserit. Postea epicrasis, id est,
 optima nutritio & restauratio. Deinde deuenire ad
 syrupos qui alterent humorem melancholicum &
 concoquant. Confortare & euacuare non possumus
 simul, quia cōfortantia stringunt, & euacuantia sol-
 uunt. Concoquētia sint omnia humectantia, & mo-
 dicè calefacientia. Ego non vterer alio quàm quo so-
 leo vti in his qui abundant humore melancholico.
 Acciperem ius pulli iuuenis, & decoquerem in hoc
 rad. polypodij, quia sunt dulces, & non multum ca-
 lefaciunt, & gratę gustui, & non fortiter euacuant:

duas radices liquiritiæ, tres boraginis vel buglossæ: & vterer hac decoctione loco syrupi. Neq; soleo aliter facere in his. Ius pulli omnes humores acres temperat & æquat. Et hæc decoctio paulatim etiam euacuat humorem melancholicum: & singulis quatuor diebus de ea accipiat. Darem florem cassiæ, vel flores cassiæ cum Rhabarbaro, quia hæc maximè conueniunt, & non trahunt à longinquo. Vel saccharũ ros. cùm Rhab. darem. Et tali medicamento supra posito vterer per totam æstatem, etiam in diebus Canicularibus: & sic per totam æstatē procedere cum illis alterantibus: neque alia ratione procedere possum, quia nō debemus refrigerare propter ventriculum, nec calefacere propter hepar: & ideo optimè conueniunt illa quæ diximus. Utatur optima ratione victus. Vina sint alba, matura, & tenuia. Vina rubra sunt acerba & immatura. Alba conueniunt, quia facilius distribuuntur per venas, & non hærent in hypochondrijs, & digeruntur per vrinam, & humectant. Caueantur acerba vina. Sed cùm dico vina alba, non sunt capienda flaua, nam illa sunt calidissima & infestissima hepatis calido. Verè igitur sit album.

Quoad balneum, dico quòd non conueniat, quia hæreret in hypochondrijs, & inflammaret. Gal. dicit quòd aqua pluuialis adhæret hypochondrijs, & inflāmat, multò magis illa aqua aluminosa. Medici Veneti voluerunt illi dare lignum, sed ego sum in ea opinione quòd lignum nihil faciat, nisi sit morbus Gallicus. Non enim operatur quia calidum, humidum vel siccum, sed quia tale. Ideo hoc ego non consulerem.

Consult.

*Consult. CXLVII. De sputo sanguinis
& puris, cum catarrho.*

Larissime D. non ero longior, cum ille morbus sit admodum expositus per suum genus: videmus enim eum laborare sputo per tussim: expuit enim catarrhum putrefactum, cum aliqua parte sanguinis, ut vidimus: & febrem continuam patitur. Hec satis sunt nota. Sed distincte inuenire causas & locum affectum in hoc casu, est admodum difficile. De febre quae adest non dicam multa, quae pendet ex catarrho tanquam accidens. Circa inquisitionem causarum videmus difficultates quasdam. Excellentia vestra proposuit coniectura probabili, quod possit esse vlcus in pulmone, tum quia praecesserunt causae quae potuerunt hoc facere: & videtur sibi quod vena sit erosa, quia putrescit catarrhus falsus, ex quo fit corrosio: & quia vasa illa pulmonis sunt valde parata ad corrosione, propter molliem, ideo valde probabile est quod sit ratione corrosione. Praeterea cum perseveret cum sanguine eiectio puris, est probabile quod pendet ab ulcere: quia ubi pus, ibi est vlcus: & quia sanguis ille qui expuitur, est ille qui non potuit conuerti in pus. Et sic videtur esse ex vena in substantia pulmonis & pus & sanguis. Dicam ego primo, Clariss. Doct. me habere difficultatem circa hoc. Nam si esset vena corrosa, cum illae venae in pulmone habeant plurimum sanguinis, haberemus hinc plus sanguinis. Hoc autem hinc non videmus, sed paucum sanguinem, & plurimam quantitatem catarrhi & puris. Ergo si ex eodem loco deueniret sanguis & pus, deberet esse vlcus magnum, & sic si esset in corpore venae, plus etiam sanguinis esset. Praeterea quauis ille locus sit putrefactus, tamen sanguis defluens ad cor-

pus venę & locū illū nō est putrefactus, & sic sanguis appareret & in maiore quātitate, & clarus, & purior. Vnde videmus in alijs vlcerib. Venarū sanguinē effluere clarū, quia qui affluit, nondū est corruptus & putrefactus. Et sic facit mihi difficultatē, num sit ratione exulcerationis pulmonis. Est tamen pus. Dicā ego quod sentio. Primò, credo quòd illud pus sit ex catarrho descendente à capite, qui putrescit in concavitate pectoris, vel in pulmone: postea enim dicā quī locus sit affectus ex his. Ratio est, quia habuit semper catarrhum. Solet autem contingere quòd pituita à capite descendens, crassescit & putrescit: est enim sanguis semicoctus: & ita cū sapiat aliquid de natura sanguinis, & sit humidus, facilē putrescit, & magis quā humor melancholicus aut cholericus, quia est humida, & sanguis semicoctus: sanguis autem omnium facillimē putrescit, licet putredo pituitæ non sit ita detestabilis vt putredo sanguinis. Vnde Gal. quærit, quare putredo sanguinis sit ita detestabilis. Facilius putrescit sanguis quā pituita, quia est calidus & humidus, & ita habet causas putrefactionis suæ tam ab extrinseco quā ab intrinseco: sed phlegma tantū ab extrinseco, quia est frigidum & humidum. Vnde etiam dicit Gal. quòd corpora calida & humida facilius patiantur putredines, quia hæc corpora subiecta sunt putredini omnis generis. Corpora frigida & humida etiā patiuntur putredines, sed non tantū. Ergo pituita etiam facilē putrescit, sed non in eo gradu, & tam intensē vt sanguis. Habuit ergo catarrhum, qui est pituita, teste Gal. 2. de facult. natur. Hoc cū sit in loco calido & humido, id est, in pulmone, & illis partib. credo quòd continuē putrescat illa pituita, & catarrhus ille descendens, & quòd non sit pus ex vlcere quodam,

quodam, sed ex catarrho ex capite descendente, & putrefactio propter motū in illis partib. Hinc contingit, quòd dum putrescit in illis partibus, habent aliquam falsedinem, ratione cuius abstergit: & addit etiam aliquam putrefactionem ipse locus, propter plurimum motum, quòd scilicet quædam venæ apertæ sint potius vel relaxatæ, quàm quòd sint corrosæ: & ideo etiam effluit sanguis & expuitur, interdum plus, interdum minus, prout illæ venæ plus aut minus aperiuntur ex illa materia falsa transeunte. Et sic non credo hîc esse corrosionem, sed potius apertionem quandam venarum, non magnarum, sed paruarum: unde etiam ille sanguis apparet non verè rubicundus, sed saniosus, propter motum: & quòd ita ille sanguis est ex apertione, & non ex vlcere. Et hoc de catarrho & pure satis.

Vtrum autē locus affectus sit in pulmone, an in cōcavitate pectoris, quæritur. Dico ego, ex quo video difficultatem anhelitus, & etiam difficultatē in loquendo, quòd potius illa materia seu catarrhus putrescat in pulmone, quàm in alijs partibus, & faciat ibi illa symptomata: & quòd locus affectus sit pulmo: & quia est falsus ille catarrhus & absterfivus, ideo facit apertionē venularum minimarum in pulmone. Et sic ille sanguis provenit ab eadem causa, à qua pus: nam pus provenit à catarrho putrefacto, sanguis autem à catarrho falso & abstergente: & ita catarrhus est causa illius sanguinis qui vnà eijcitur cum catarrho. Catarrhus descendens. Sed quæritur, vtrum sit in ipso capite principaliter & per essentiam, an sit ex partibus inferioribus quæ generant continuè materiam catarrhi, & sic ille catarrhus aliunde proveniet, & non generabit in cerebro. Audiuius quòd dixit, se antea perpeffum esse affectum hypochondriacū, &

quòd fuerit semper tristis à natura & melancholicus, & multū comedit &c. Et video omnes esse causas catarrhi. Nam si est melancholicus propter passionem hypochondriacā, & omnes illi qui laborant melancholia hypochondriaca habent propriè ventriculū frigidū & hepar calidum, vt audietis cras in futuro collegio, quòd hoc semper sit necessarium in illa affectione, si aderitis. Quibus sic stantibus, habemus omnes causas catarrhi, ventriculū frigidū, & hepar calidum, avarū, quod semper attrahit chylum inconcoctum & crudum. Et cū posterior concoctio non corrigat priorem, hinc fit quòd in omnibus venis multiplicantur superfluitates, & in toto ambitu venarum. Vnde quia hepar est calidum, & venæ etiā necessariò calidæ, quia orta attestant fontem: cū humores illi crudi sint in loco calido, fiunt plurimę euaporationes. Ergo suapte natura hoc corpus fuit paratum ad hoc vt pateretur catarrhum, teste Gal. Præterea dicit se fuisse otiosum, & in studijs versatum esse: & quantum studia conferant ad catarrhum, nouerunt illi qui student. Vnde Marsilius Ficinus rectè dicit, scholares non habere hostem maiorem quàm catarrhum. Et sic non mirum si incidit in catarrhum. Et incurrit in catarrhum tempore conuenientissimo ad hoc, id est, hoc anno ineunte vere, in quo anno non habuimus ver, sed hyemem immediatè consecuta est æstas, & non credo quòd in 50. annis tale habuerimus ver, propter maximas humiditates: & ideo videmus etiā quòd plurimi hoc anno in catarrhū inciderūt. Et sic omnia conueniūt ad causas catarrhi, & dispositio corporis, & genus vitę, & constitutio anni: fortasse etiam habet caput debile, quamuis ego hoc non scio: semper enim fuit timidus, propter spiritus frigidiores, & inde caput fortasse


tasse frigidum fuit. Hinc apparet etiam cur catarrhus falsus sit: quia cum frigidus sit ventriculus, & hepar calidum, à quo fiunt adustiones illius pituitæ in ventriculo generatæ, & inde fit falsedo, quæ fit ex partibus adustis in substantia aquea, vt dicit Arist. in 2. Meteo. Et sic habemus catarrhum cum suis causis, locum, & materiam catarrhi. Adest febris continua, quæritur an sit accidens, vel morbus distinctus a catarrho? Dico quod hæc febris est potius accidens catarrhi: quia dum putrescit illa pituita in pulmone, & exeat putrida in tam magna quantitate, & locus sit vicinus cordi, vnde non mirum vapores putridos ductos esse ad cor, cum aer trahatur ad cor per pulmonem, & sic etiam trahunt vapores putridi, & inde propter putredinem in pulmone factam febris est continua. Vtrum hectica, vel putrida tantum? Dependet à vaporibus putridis. Cum perseuerauerit hæc febris tandiu in corpore habente hepar calidum & sanguinem adustum, & propter vapores propinquos cordi, videtur quod sit etiam in substantia ipsa cordis sic facta impressio caloris, & sic in ipso corpore cordis sit facta febris hectica: & sic credo esse febrē hecticam. Et habemus signa, quia incalescit post cœnam & prandium, & hoc est inseparabile à febre hectica. Pulsus est valde inæqualis: primò, quia aliqua putredo: secundò, quia materia est in pulmone, ex quo semper sit inæqualitas pulsus, vt Gal. prædixit mortem habenti maximā inæqualitatē pulsus, cum esset adhuc sanus. & de caus. puls. lib. 2. vide plura. His ita se habentibus, præsentē catarrho & illo pure, si quærat a me, vtrum sit phthisis, dico quod est phthisis, sed non propriè vlcus pulmonis, sed est illa phthisis de qua loquitur Auic. in vltima parte capituli illius de phthisi: & dicit Auic. esse quandam spe-

ciem phthisis, quando catarrhus descendit à capite, & putrescit in pulmone, ex quo arescunt corpora, & consequuntur eadem symptomata quæ consequuntur exulcerationē pulmonis. Et sic est quædā phthisis hæc affectio, sed non propriè: & tales homines sæpe obueniunt nobis in cura, & credo etiam Excell. V. sæpissimè tales habuisse: & casus ille propter quē vocatus fui Taruisium, erat ille ipse casus, & similis huic præcise. Et notate hoc. Rarissimè curantur, & ut plurimum moriuntur, quia contabescit cor & pulmo: & credo quòd ille iuuenis habeat malam intemperiem in pulmone, ex tanta putredine contractam. Ego tamen aliquos curavi: & ne hoc per arrogantiam dictum à me esse putetis, addam etiam hoc, quòd vbi vnum curavi, ibi centum fuerunt mortui.

Aggredienda itaq; in hoc cura, sed cum prognosticatione. Cùm quibus? Exquisitis morbis, exquisita remedia adhibenda sunt. non curabitur remedijs leuibus, sed validissimis. Descendit catarrhus, catarrhum primò siftere, factis tamen prius purgationibus, si non factæ sunt, & raderem totum caput, & vesicatoria applicarem capiti, prius ex leuioribus, tandem etiam ad fortiora, ut ad cantharides, deuenirem. Puto Excell. V. meminisse, quomodo matronæ cuidam nobili laborante tali catarrho & phthisi, applicauimus etiam vesicatoria ad caput, & natura suppleuit id quod nos non potuimus facere, & caput totum obductum fuit vesicis & crustis, & sanata est ab hoc catarrho, & adhuc viuit. Ideo in hoc adulescente etiam vesicare caput, donec fierent crustæ. Postea deuenirem etiam ad exiccationem pectoris & pulmonis, & vesicarem totum pectus: & tandem facerem cauteria circa vtrumq; brachiū, & sic ubiq; exhalaret materia, & ita desinet putredo, & fiet diuersio

uersio materiæ illius. Vnde Gal. in phthisi vera, circa pectus præcipit cauteria, vt satis expurgeat. Sed hæc non possunt fieri ante præparationem corporis. Primò igitur euacuare corpus cum cassia & agarico: non darem scammoniũ & pilulas cochias. Postea ad expurgandũ pectus ab illa materia, singulis diebus darem oxymel cum melle ros. & sumat vna vice ad ʒij. Paulus dabat ad expurgationẽ pectoris, mellis ʒij. vna vice his qui expuebant pus. Et ego potius mel ros. darem quàm mel simplex. Adderem oxymel, propter penetrationẽ: dicit enim Mesue, & rectè, quòd facit penetrare medicinas ad partes, ad quas fortasse non penetrarent. Et Gal. sæpe admiscet suis medicinis acetum. Ergo manè acciperet vnciam vnam & semis mellis ros. & ʒ. s. oxymelitis, & sumat vna vice tantum. Item loco syrapi acciperet magnam scutellam iuris pulli manè, in quo iure essent decocta hordeum, liquiritia, & farfara, ad remittendam falsedinem & acedinẽ catarrhi. In reliquis parum cõfido, & credo q̃ si poterit curari (quod tamen nõ polliceor) sic curabit, scilicet vt vesicet caput, exiccetur pectus cum cauterijs, & fiant vesicæ & crustæ etiam.

Consult. CXLVIII. De affectione hypochondriaca confirmata, cum multis symptomatibus.

Mnia quæ sunt enarrata in hoc confesso per Excell. D. Hieronymũ, sunt integra syndrome, & concursus eorũ quæ possunt indicare affectionẽ hypochondriacam: & non simpliciter quidem ex illis, habet enim multos gradus: sed hæc enarrata indicant confirmatum hunc affectum in malitia. Et ita non simplex est

affectus, scilicet affectio hypochôdriaca, sed etiâ cō-
 firmata. Verùm quia non curamus symptomata, sed
 ea solùm consideramus in hunc finē, vt veniamus in
 cognitionē morbi, quo cognito & inuento omitti-
 mus omnia illa signa & accidētia: nam nullū sympto-
 ma trahit curā ad se, nisi sub ratione morbi: venio
 igitur ad affectū & morbū, hoc est, melancholiā hy-
 pochondriacā. Ero brevis, & procedā tantū per con-
 clusiones. Hic affectus fit, cū ille venę inter ventri-
 culū & hepar inflāmantur, nō quidē inflāmentatione ea-
 quę phlegmone dicit̃ & apostema, sed quędā φλόγω-
 σις, id est, ardor quidā est, & quędā efferuescentia. Et
 sunt humores crudi & melancholici qui sunt in illis
 partib. & nō trahunt ab hepate, sed ibi flatuantur, &
 inde rugitus incipit, qui postea cōmunicat ventricu-
 lo, & fit frigidior. Nam habet hoc propriū hæc affe-
 ctio, q̃ calidior incipit in hepate, & postea frigidat̃
 in ventriculo: & quare hoc sit, alibi demonstrat̃. Hęc
 igitur est propriē affectio hypochondriaca, quę fit
 propter obstructionē & inflāmentationē obortā in illis
 venis, propter frigidum ventriculū & hepar calidū.
 Sed quærit̃ hīc, num talis affectus sit verē & propriē
 in hoc viro, an sit quidem affectus similis huic, qui
 tamen eadem faciat symptomata? Nam sæpe contin-
 git, quòd sunt aliqui affectus non quidem proprii,
 sed tamē similes: & hoc sæpissimē cōtingit in curan-
 do, vt in pleuritide, quę nō semper est propria, sed
 interdū in musculis, & tamen affectio ferē similis. Itē
 Hipp. dicit, febrē causonicā etiā ex pituita salsa fieri,
 & esse causon impropriē sumptū. Ita sæpissimē cōtin-
 gere solet, & etiā hīc ita fit: nam duę species hypo-
 chondriacę melācholię à modernis medicis & rectē
 ponuntur: vna est propria ex efferuescentia in venis
 hepatis, alia est affectus non ita proprius, sed qui ta-
 men

men facit sequiora accidētia, qui nō est ex efferuescē-
tia circa dextra partē, sed in parte sinistra, vbi sunt
venę illę inter ventriculū & splenē, & tamen habet
eadem symptomata quę solent accidere in parte de-
xtra. Et sępe nos vidimus hūc affectū, & sic experien-
tia quoq; testatur, præterquā qđ describit̃ à moder-
nis & Arabib. qui propriē hunc affectū describūt, qđ
omnes isti rugitus incipiūt in parte sinistra, & non à
dextra, vt est etiā hīc. quærit̃ igitur, cuius generis sit
hic affectus, an sit ratione inflammationis hepatis, & il-
larum venarū quę sunt inter hepar & ventriculū, an
verò sit ratione inflammationis splenis, & illarū vena-
rum quę sunt inter splenē & ventriculū? plurimū e-
nim refert hoc ad curationē. Respondeo, nō possum
iudicare nisi ex signis. Non audio qđ afficiat̃ aliquid
in parte dextra, nec habet hos rugitus & flatus nisi
in parte sinistra, sub istis costis mendosis, vbi est si-
tus splenis, & inde dicit fontē esse istorū dolorū. Et
cū omnia patiat̃ in sinistra partē, & de hac sola con-
queratur, crediderim ego qđ hæc melancholia hypo-
chondriaca non sit vitio hepatis, sed ratione lienis
male affecti: quia dum replent̃ illę venę inter lienem
& ventriculū, tunc fiunt illi flatus. Et nullus humor
est tam flatuosus quā melancholia, & magis etiam
quā pituita. Hinc melācholici sunt salacissimi, pro-
pter plurimas ventositates, & iuuant̃ etiā ex coitu,
quia illę ventositates expellunt̃. Et quamuis hic hu-
mor sit frigidus & siccus & terrestris, tamen nō ideo
dicendū qđ nō sit flatuosus, sed dicitur talis respectu
aliorū humorū, quia plus habet de partib. terrestrib.
& ideo cū tales agūt in illum, est rebellis vt dissol-
uatur, & inde conuertit̃ in flatus, & facit flatus mole-
stissimos. Lien repletus hoc humore, refrigerat &
totum corpus, & vniuersum sanguinem. Hinc & spi-


ritus fiunt syluestres, quia sanguis etiam est talis, unde & spiritus erunt melancholici. Et quia spiritus sunt proxime domicilium animæ, ita fiunt & operationes malæ. Cùm ergo & vapores multiplicentur ascendentes ad caput & ad os ventriculi, & spiritus in toto corpore fiant frigidi propter sanguinem frigidum, hinc fit ille chorus omnium illorum symptomatum quæ patitur. Habet vnum insigne quod est considerandum, & est hoc, quòd non potest concoquere nisi ligetur, & strictè: nam teste Gal. 3. de caus. sympt. cùm ventriculus non continet cibum, tunc sequunt ventositates: nam continet flatus cùm non stringitur: nec cōstringitur, quia plurimi flatus. Unde & ipse doctus ab experientia, quæ fuit remediū doctum à natura: & sic cùm ligatus est ventriculus, melius complectitur cibum. Credo quòd hoc symptoma oriatur, quia ventriculus non bene continet cibum, & non amplectitur, propter flatus. Plurimū sputum ex ore mittit, & variorum odorum & diuersorum, pro diuersitate concoctionis: quandoq; etiā putrescunt cibi in ventriculo. Et cùm ille flatus in ventriculo semper detineat humidum aliquod, semper est sputum tale: nam ille flatus eleuat illos humores. Et ideo dicebat Gal. quòd nō potest aliquid exire ex ventriculo nisi per illa tria, vomitū, eructationem, & flatum: & quia plurima materia cōgregatur in ventriculo, propter obstructionem in liene & frigiditatem: nam lien interdum refrigerat non solum ventriculum, sed etiam hepar, adeò vt sequatur hydrops, vt scribunt Doct. tantum propter cōsensum splenis. Si igitur tanta est refrigeratio lienis vt trahat in consensum hepar, multò magis infrigidabit ventriculum, qui magis est paratus ad lapsum frigidum. Et hinc generatur in ventriculo propter frigidatē

ditatē plurima pituita, quæ suspendit à flatu: & hinc est illud sputū. Vapores melancholici ascendunt ad caput, & causant illam tristitiā, vt patet ex Gal. Præterea cū in hoc corpore sint spiritus tenebrofi, generati ex sanguine frigido, qui sparguntur per totū corpus, & sic infrigidat etiam totū corpus, & fiunt malæ concoctiones, & hinc est illa macies, & dispositiones illæ impetiginum, siue alphi, siue morphea, quocunque nomine appellare voluerimus nihil refert, quia non generatur sanguis bonus, sed corruptus. Et sic patet quod series omnium illorum symptomatum sequitur ex illa ægritudine quæ est in liene: & si quæ à nobis omissa sunt symptomata, hæc omnia eò reduci debent, tanquam ad causam. Hæc autē ægritudo in liene est duplex: prima est in complexione, quia lien est frigidus: secunda est in compositione, quia sunt obstructions, vt motu percipi potest. Et sic locus principaliter affectus, est ipse lien, qui ita affectus in consensum trahit & reliqua membra: & credo etiam quod propter lienem hepar non generet bonum sanguinē, & sic afficitur ex liene & hepar. vnde omnino credo quod hæc hypochondriaca melancholia nō est principaliter in hepate & suis venis, sed in liene & suis venis. Et hoc satis de natura huius morbi & symptomatibus, quæ omnino inde dependent. C V R A. Hac ægritudine curata, curabūtur etiam omnia symptomata, vt rugitus, macies, morphea, sudor &c. An possit curari? Clariss. D. quamuis ille morbus & affectus ratione splenis faciat maiora accidētia quàm qui est ratione hepatis, tamen dico quod facilius curatur quàm ille, quia nō est in hoc morbo affectum aliquod membrum principale, licet etiam hepar patiatur per consensum, nō tamen principaliter: & credo si possemus curare lic-

nem, & aperire suas obstructions, q̄ non esset magna dyscrasia hepatis: nam non est magna læsio hepatis, quantum ad frigiditatē, quia nō est tumor pedū, vt solet esse in illis. Et nunc habeo quendā nobilem qui laborat hac affectione hypochondriaca cum tumore pedū, & est propter frigiditatē hepatis factam ex frigidityte lienis. Nec sunt in hoc casu signa aliquius caliditatis insignis, sed sunt signa humoris melancholici illius qui est fex sanguinis: & semper tales humores sic generantur prout est intemperies mēbris affecti: nam quodlibet ita operat̄ & cōcoquit, prout est sua temperies. Præterea lien est durus, ergo erit ægritudo longa. Tamen si potuerit pati, & curam, & omnia alia quæ erunt agenda, poterit curari, & si nō ita integrè, tamen ita vt non pigeat viuere. Sed cum quibus? Si vellet recipere aquam balnei, dicerem quæ essent facienda ante balneum. Si verò non vult, longè aliter de cura eius mihi dicendū est. Ego omnino exhiberem. Sed est gracilis, & exiccatus. Dico quòd hoc non debemus timere: nam etiam sine illis aquis exiccabitur, & longè magis. Imò & decoctum ligni exhibemus semitabidis, quia remouemus causam illius gracilitatis, deinde incipio melius nutrire corpus, & sic possumus dicere quòd lignum faciat pinguedinem per accidens, scilicet remouendo illud quod faciebat gracilitatem. Ita hic est quidem gracilis, sed tollendæ sunt causæ gracilitatis, & corroborandus ventriculus. Et longè maius est iuumentum in remotione obstructionum in hoc balneo, quàm nocumentū in exiccando. Atqui si aqua hæc non educeret, sed hæreret in hypochondrijs, non darem ego: sin egerit, si mouet sudorem, si vrinam, vellem vti. Et hæc aqua educit multum de atrabile. Si vellet assumere, ante aquam aliquid facerem, & post

& post assumptionem aquæ possemus iterum collo-
qui de rebus eius, quia nescio quomodo se habebit
post balneum. Ante balneum vellem euacuare cor-
pus, & statim cras manè darem cassiam cum hiera, vt
confueuimus: deinde darē syropos incidentes cum
oxymelite, de cichorea, & in tribus diebus darem
cassiam cum 3.ij. agarici, pro euacuatione corporis.
Facta hac, accederet ad balneum: & instat nunc tem-
pus. An secanda vena? Non video tam magnā imbe-
cillitatem quo minus liceat incidere venam: licet
enim non habeat multam carnem, tamen habet mul-
tum sanguinem, & malum, quod apparet ex tumore
venarum: & sic emissio sanguine malo, fortificaretur
natura à sectione venæ, & euacuaretur malus sanguis,
& reliquum posset melius concoquere & vincere.

*Consult. CXLIX. super eodem adolescente
nobili, an sit mittendus ad balnea.*



Vamuis hæc materia diligentissimè fue-
rit à me pertractata, tamē vt satisfiat ma-
gnifico patri volenti audire dispositio-
nes filij sui, ego breuibus explicabo sen-
tentiam meā magnificentiae suæ. Cū sit triplex spe-
cies melancholiae, teste Gal. in locis aff. qua affligit
homo: vna, quando caput tantū per se patitur, & re-
dundat in eo humor melancholicus, vnde afficit tri-
stitia, & alijs affectionib. melancholicis, totū autē re-
liquū corpus est immune. secūda species est, quādo
non solū caput, sed & corpus vniuersum redūdat hu-
more melanchol. ita vt totus sanguis sit eo humore
infectus. tertia species est, quæ dicitur affectio hypo-
chondriaca, nō q̄ sit in venis aut capite, sed sit quā-
do vapores ascendūt ab vtroq; latere ad caput, & ita

inducunt tristitiam, & difficultatem anhelitus, & cetera symptomata melancholica, secundū quòd hic morbus est maior vel minor. Hic quærit nūc, vtrum hic adolescens patiatur vnam speciem tantū, aut duas, aut omnes? Primò suppono, quòd non est tantum affectio hæc in capite: & hoc est manifestissimū. De alijs duabus dico, quòd patiatur vtranq;: nec frustra dico hoc. Primò, quòd hoc corpus redundat humore melancholico in omnibus venis, testantur primum illæ maculæ (seu escharas seu pustulas appellare velimus, nihil refert) hæc indicabunt humorē melancholicū. Et quòd fuerit melancholicus constat, quia accessit quartana incipiendo, quod non potest esse ex alia causa nisi ex abundantia humoris melancholici: vt omittam alia signa, nam fuit intentus curis studiorum, & diligentissimus in studijs, & perpetuò cogitauit. Sed hoc est extrinsecum, & ferè semper ita est, quòd ea quæ extrinsecus accidunt, si inueniant dispositū corpus, facile id ipsum afficere & mutare possunt. Intrinsicum est hoc, quòd habuit à principio generationis hepar valde calidum, & etiā fortè ipsum cor: & ex his factū est totum corpus calidum abundanter. Et hoc indicat etiam augmentū illud repentinum & magnum: nam calor fortis cū inuenit & habet materiam aptam extensioni, facilè illam superat & concoquit. Nam licet cōplexio eius naturalis in origine sit calida & sicca, tamen in prima ætate fuit humidior: & quia illa ætas est humida, & illa humiditas potuit obtundere calorē, ergo cū in illa ætate fuerit humidus, & calor fortis, ideo optimè nutritum fuit hoc corpus, quia affuit & agens, & etiam materia conueniens fuit agenti. Et videmus etiam experientia, quòd pueri melancholici in principio celeriter augentur & crescunt, propter fortitudinem

udinem caloris agentis in illud humidum, quod est
 proprium illi ætati: sed non diu permanet illud au-
 gmentum, & fiunt graciliores propter tenuitatē ca-
 oris. Et ita in hoc adolescente illud repentinum au-
 gmentum indicat mihi calorem magnum. Item habi-
 tus corporis, habet enim venas amplas, calorē subni-
 gricantem, qui indicat caliditatem sanguinis. Nam
 sanguis cū exit ad cutem, facit colorē cutis. Et ita
 ex hac coniectura patet hunc iuuenē habuisse à prin-
 cipio ætatis hepar calidum, & hoc adurit sanguinē,
 & hi homines sunt apti vt adurāt sanguinem. Vnde
 Gal. dicit, qui sunt calidi & sicci, tempore paracma-
 ticæ ætatis fiunt melancholici. Sed iste iuuenis præ-
 uenit hoc tempus: habuit ergo naturalem disposi-
 tionem ad humorem melancholicū: & accessit stu-
 dium, & curæ, & multæ cogitationes, vnde magis est
 exiccatus sanguis, & corpus affectū: nam curæ (quæ
 dicunt quod cor vrant) primò inflammant sangui-
 nem, licet postea infrigidēt, resoluta toto humido,
 & cum hoc etiā omni calore, & inde aucta est illa di-
 positio. Et fortè etiā bibit vinū vetus, vt solent Ve-
 neti nobiles bibere maluaticum, & comedit aroma-
 ta, multū se exercuit. Sed hæc quæ diximus sufficiūt,
 & fuerint satis in causa ad sciendum affectum illum
 quem nunc patitur. Hæc quo ad coniecturas, quibus
 ego colligo hunc iuuenem repletū esse humore me-
 lancholico in toto corpore & venis, & sic laborare
 secunda specie melancholiæ. Tertia species melan-
 choliæ est, cū fiunt obstructiones circa illa viscera,
 siue sita in latere dextro: & hæc dicitur propriè affe-
 ctio hypochondriaca à Galeno: vel ex latere opposi-
 to, & hæc species est etiam valde frequens: & quan-
 doq; etiam in vtroq; latere contingit, & hoc est de-
 terius. Hæc tertia quæ est? an propter inflammatio-

nem extantem in venis hepatis, an propter ebullitionem factam in venis splenis? Dico, vbi dolor, ibi ægritudo: & in vtroq; latere percipit flatus, vt nun audio, signum est quòd in vtroq; latere sunt obstructions: & si magis in latere dextro, signum quòd maior obstructio est in hepate & eius venis. Ergo primaratio illius melancholiæ hypochondriacæ & tertiæ huius speciei est, vt sint ibi illa materia in venis, quæ efferuescunt propter obstructionem, & hinc fiunt flatus. Ex his sequit̃ necessario frigiditas ventriculi, quia hepar calidum indeficienter attrahit, & attrahit chylū inconcoctū, & sic nō potest eum conficere: vnde per totum corpus multiplicantur humores crudi, quia concoctio secunda non potest corrigere primam, & sic ille humor crudus auget flatuositatem melancholiæ. Et cū hepar adurat sanguinem, & multiplicei humor melancholicus, hinc cū superest, & non potest recipi & concoqui à liene, obstruit lienem, quia lien nimia copia illius humoris suffocatur, & non potest conficere totum nutrimentum, & ita obstruitur. humor verò qui nō potest confici, redundat & regurgitat in totū corpus: & sic hæ duæ species melācholię se inuicē cōsequuntur, & secunda species nutrit & fouet tertiam, & tertia secundam, & sic fit circulus: & cū est circulus in causis, efficitur difficillima cura. Et quia splen repletum humore melancholico est frigidū, ideo solet infrigidare hepar: nam sæpe ex splene refrigerato ita infrigidatur hepar, vt sequatur hydrops, vt vidimus hodie in D. Benedicto, qui laborat affectione hypochondriaca, atq; ita infrigidatum est hepar, vt secutus sit tumor pedum. Hic autē iuuenis, nondum deuenit ad illum gradum, quia humor nondum ita collectus, neque affectio splenis ita inualuit, vt possit com-

it cōmunicare nocumentum hepati, cōmunicat tamen ventriculo, & hinc illud sputum, vt iam sæpe dictum, & alia, &c. Et hinc etiam est illa astrictio alui, quia dum humor melancholicus multiplicat, transit ad ventriculū, & etiam ad intestina descendit, & ibi latuatur, & sic sua flatuositate suspendit fæces, & inle aluus astringit. Præterea bilis quæ solet naturali iter ab hepate per porum felleum ad intestina peruenire, & ea abstergere, & excitare virtutem expulsiuam, non peruenit eò, propter obstructionem illius poro, & inde intestina illa non possunt abstergi: & sic non fit hoc officium bilis, ad quod à natura ordinata erat: & inde aduruntur illæ fæces, & fiunt squibala tanquam pilulæ caprarum. Et hæ sunt ægitudines & accidentia huius adolescentis. Patitur ergo duas melancholias, & in toto, & in hypochondrijs: & hoc valde aduertendum, quia nō patitur simplicē affectū, sed duplicatū. De prognostico. Dico ex sententia Gal. vt & antea dixi, in quibuscunq; generatur melanch. hypochon. in omnib. prolongat, & sic suapte natura est longus hic morb. Et quia est circulus, vt dictum est, vnde difficilis erit curatio. Quo ad curam. Proximè satis dixi, & replicabo vnum quod tunc temporis dixi. Nulla maior pernicies horum, & quod inducit in incurabiles ægitudines, quàm multiplicare pharmaca: & vos videbitis, quanto magis exhibebit Excell. Villa medicamenta, tanto deterius habebit. Sint itaque placidissima remedia, & sine violentia procedendum. Proponitur vnum, vtrum debeat accipere aquas Apponitanas, quia curam aliorum dixi proximè, & post assumptū balneū dicam etiam aliqua de ea. Et dico ego quod omnino debet accipere hanc aquam: nam habet sulphur, alumen, cinerem, & calcem, & hæc possunt ape

rire, quam apertionem maximè quærimus, & ha
 maximè præstabit nobis aqua. Sulphur aperit, & ec
 cit etiam humorem melancholicum. Et vidi in qu
 dam nobili Domina, ex qua educta est maxima co
 pia humoris melancholici per potū huius aquæ Ap
 ponitanæ. Item corroborat & ventriculū: & in ho
 generatur pituita, & sic etiam ventriculo cōuenie
 Vnde credo huiusmodi aquam profuturā magn
 pere, dummodo exeat. Si videatur inflammare, qu
 hepar est calidum, potest inungi hepar, & circa do
 sum, & exhiberi zuccharum ros. & alia ad prohiben
 dam nimiam calefactionē hepatis: sed non accipia
 magnā quantitātē vna vice. Patres nostri accipiebā
 maximā quantitātē, vt 30. aut 40. cyathos, & ita m
 gis debilitarunt & obruerunt vires. Calor innatu
 est qui dirigit medicamenta, qui non est supprimen
 dus. Ego darem per 15. dies in modica quantitate
 quia primi dies præparant, & vltimi proficiēt: & cō
 fido proculdubio quòd melius se habebit.

*Consult. CL. De catarrho, cum affectu
 quodam melancholico.*

EX relatione nostri Hebræi comprehen
 do duo. Primum quod noto ego, est, q
 habet aliquam dispositionem ex parte
 rei, & non ex imaginatione: & est quòd
 patitur defluxum catarrhi, qui veniens à cerebro ad
 partes diuersas, facit diuersos dolores. Huic disposi
 tioni possumus credere. Postea patitur passiones
 quasdam imaginarias, quas non patitur ex parte rei.
 Dicam primò de catarrho. Causę catarrhi fuerūt for
 tes, scilicet procatarecticę, cū fuisset in balneo illo,
 & tunc incoepit ille catarrhus. Hęc fuit quidem cau
 hepar

sa primitiua: sed multa dederūt occasionē huic causæ primitiuae, vt commoueret antecedentes: nam & hepar est calidum, & ventriculus habet frigidū, & hæc diuersitas est valde dubia in conseruatione sanitatis. Et quando est hepar calidū, & ventriculus frigidus, facillimè multiplicat catarrhus. Nam in ventriculo frigido cibus non concoquitur: hepar autē auarum propter caliditatē igneam trahit humores hos crudos etiam ante tempus, & sic plurimi humores crudi distribuuntur per venas, quia secunda coctio non corrigit primam & præcedentē, & sic fit necessariò euaporatio ad caput. Hinc omnes illi qui habent ventriculū frigidum & hepar calidū, semper habent repletū caput, & hi etiam facilè patiuntur affectionem hypochondriacā. Hæc est naturalis eius dispositio, quam facilè mouent causæ externæ: solet enim comedere plurima, quæ possunt aggregare humores crudos. Et causa illa procatactica quæ fecit vt deueniret ad actum catarrhi, ad quem naturaliter dispositus erat, fuit istud balneū: nam ex isto balneo colliquati sunt humores: & illa vinipotatio Germanorum maximè replet caput, quia resoluunt humores, & fluere faciūt congelatos à frigore. Hic igitur catarrhus cū ita incœpit, semper ita durauit. Nam videmus in illis fluxibus, quòd cū semel incipiunt, semper postea illam partē afficiunt, vel quia illa pars facta est imbecillior, vel quia ita consuevit natura, vel qualem causam velimus reddere. Et sic etiam videtur contigisse in hac parte. Vtrum sit infectio Gallica? nam dolor est circa crura & periosium, qui locus videt esse proprius morbi Gallici: nam per hoc signum distinguuntur dolores Gallici, à doloribus articulorum, quia hi sunt in iuncturis, dolores autem Gallici sunt inter iuncturam & iun-

d d d

Eturam. Item deciderunt pili ex supercilio. Hæ sunt quidem coniecturæ, non tamen habent aliqua signa certa. Hæc signa nō possunt nos inducere quòd fuerit morbus Gallicus, sed solum fuit ille catarrhus, qui occupat partes istas diuersas. Quo ad affectum melancholicū, quia multa imaginatur sibi quòd patiatur morbum Gallicum, quem tamen non patitur: ego credo in tali habitu esse humorem melancholicum, tum quia totum illud genus Hebræorū est ferè melancholicum, tum quia sanguinē habet crassum, & hepar calidum. Et sic nō est omnino expers ab affectione illa hypochondriaca, quia habet hepar calidum, & ventriculum frigidum: & si non patitur melancholiam hypochondriacā, incipit fieri, & habet per totum ambitum humorem melancholicū. Hos duos affectus vt tollamus, quid agendum? Ego vellem omnino dare aquam balnei, quia habet catarrhum, & habet dolores circa vniuersas partes corporis. Catarrhus est frigidus, & occupat omnes partes corporis, & sic non est omittenda occasio illa, & est etiam tempus. Manē darem minoratiuū, item syrupum, vt oxymel, cum aqua betonicæ, saluæ. Euacuarem cum confect. hamech, vel pilulis aggregatiuis, cochijs &c. Purgato corpore, statim mittat ad balneū. Fortè etiam hepar cum aliqua missione sanguinis possemus purgare ab humore melancholico. Aqua illa corroborabit ventriculū, & distribuetur per venas, & corroborabit totū corpus, & sic & iuncturæ & muscoli corroborabuntur. Euacuabit etiā hæc aqua per sudorē humorē melancholicū, vt ego experientia obseruaui. Et vidi multos qui ex vsu harum aquarum incœperunt nutriri, & accipere bonū sanguinem, cū antea essent extenuati, non quidem per se propter has aquas, sed per accidens, quia scilicet

et euacuabatur humor melancholicus & siccus. Et sic etiam propter humorem melancholicum conuenient hæ aquæ. Post balneū si adhuc esset catarrhus, ponerē cauteria pro diuersione, ne ita vapores ascendere possent ad caput, & fiant circa vtrunq; crus. Postea accipiat semper per interualla aliquid, ne aggregentur humores, vt sunt pilulæ ille de tribus, quas maximè laudo ad hanc intentionem.

Consult. CLI. De epilepsia pro puero.

Est valde verendum ne incidat in epilepsiam, nam habet caput dispositum ad hanc, quia est humidū, & prosternit sine causa, qui videtur esse quidā motus epilepticus. Abstineat omnino à vino, bibat aquam decoctam cum cinnamomo. Item decoquant tormentilla, pæonia &c. quæ confortant caput & ventriculum, ne vapores transmittantur ad caput ex ventriculo. Utatur frequentissimè agarico, & faciat hoc sibi familiare, vt euacuetur caput, & accipiat 3.s. agarici. Et sic procedatur vsq; ad annum 15. quia mutatione ætatis fortasse curabitur hic morbus. Quòd si perseveret, fiant cauteria non solū in cruribus, sed etiam in brachio. Caput etiam abluatur cum pæonia, agarico, betonica. Item fiant pulueres ex maiorana, sandaracha, betonica, & similibus, quib. solemus vtī ad exiccandum caput in his & similib. morbis, & addatur etiam ladanū contusum cū his puluerib.

Consult. CLII. De surditate.

Vm patiatur integram surditatē, in hoc firmabo sermonem meum. Huius causa & ratio est inquirēda, quod quidem est symptoma. Cause verò sunt plures. Principales sunt, vel enim vitium est in ipsa virtute, quæ

transmissa à cerebro est principiū omnium sensuū:
vel in instrumento:& hæc sunt duo, neruus audito-
rius,& ipsum tympanum, id est, pellis illa vel mem-
brana extensa. Obstructio autem est in poro extrin-
seco, per quem transit aër, & patet facile: aut in poro
intrinseco. Primò dico quod vitium non est in virtu-
te, nam si illa facultas pateretur, etiam alij sensus pa-
terentur: nam hæc cōmunis est, & est vna virtus quæ
audit, videt &c. & est in sensu cōmuni vna tantūm.
Ergo vitium erit in instrumento. Sed an in neruo au-
ditorio, an in tympano? Dico ego, nec in neruo audi-
torio, nec in tympano esse vitiū. Nam si in illis prin-
cipalibus & immediatis instrumentis auditus esset
illa læsio actionis ablata, integrè non perciperet ali-
quid omnino nec extrinsecus nec intrinsecus: vt si
quis prorsus nihil videt, nihil nec extrinsecus nec
intrinsecus videt. Multò magis sic est in auditu. Nā
si neruus & tympanū illud ita essent infrigidata vel
læsa & obstructa, vt nullo modo posset trāsmitti vir-
tus, nihil omnino audiret nec intus nec extrā. Sed ille
vir non omnino priuatur omni actu audiendi, quia
intrinsecus audit, percipere enim se dicit tinnitus,
& facultas iudicat de illo tinnitu: quod non fieret, ni-
si illa repercussio fieret in tympano, & neruus audi-
torius haberet aliquam vim, qua posset deferre spe-
ciem illius flatus ad sensum cōmunem. Ab extrinse-
co nihil percipit, nullum strepitū, etiam magnū. Est
ne læsio in extrinseco meatu? Ergo dicendū quòd
sit vitium in extrinseco meatu, qui est penitus ob-
structus, per quem non potest pertransire species au-
ditiua. Sed videtur ne? Dico, quòd illa obstructio
non videtur nisi sit valde extrinseca, & meatus ille
tortuosus est, imò quandoque vermes incidunt in
meatum, qui nullo modo possunt videri. Et ideo nō
videtur,

videtur, tamen adest illa materia in meatib. profundioribus extrinsecis. Et sic est necessarium per sufficientem diuisionem, quòd causa huius ablati auditus sit in meatu extrinsecò, quia nullum aliud est instrumentum. Si non hoc, nec illud, ergo hoc. Hic affectus & actio læsa in hoc meatu, vnde est? Est morbus, qui est affectus à quo proueniunt actiones læsæ prouentu primo. Nunquid complexio mala, an mala compositio, an solutio continui? Potest esse complexio mala introducta, tamen ego non video signa malæ complexionis, sed est obstructio integra, & ex hac facta est integra surditas; & sic est morbus in cōpositione, in via scilicet. An sit cum mala cōplexione vel non, hæc mala compositio, nō ausim ego pronunc affirmare. Quæ materia? Perseuerauit hæc obstructio iam per tres menses, & non fuit mota materia: ergo non dicendum quòd sit calida & subtilis: & regula est, quòd omnis morbus etiam à principio à calida materia dependens, tractu temporis fit frigidus, vt in omnibus chronicis morbis experimur. Ergo est ibi materia quieta & permanens ac fixa in loco, ergo crassa & frigida. Sed duæ sunt materiæ crassæ & frigidæ, pituita & melancholia, loquendo secundum dominium, quia rarò inueniuntur materiæ simplices. Dicam quod sentio, vt de morbo etiam dixi. Credo quòd materia sit melancholica, & non pituitosa, & habeo huius rei meas coniecturas: primò, temperaturam totius corporis: secundò, causas quæ præcesserunt: & tertio ipsa symptomata. Primò temperatura totius est calida & sicca, & talis est ipse, si quis alius: & hæc adustio fit ab immoderata caliditate hepatis & cordis. habet musculos amplos, pulsus validus est & velox proprie, color subniger, pili nigerrimi, crassi, adusti: hæc omnia indicant insignem

caliditatē hepatis & cordis, vnde generatur sanguis melancholicus & adustus, & maxime tempore parac mastices, vt dicit Gal. in quo nunc est. Præterea habet cerebrum præparatum ad hoc, nam est naturaliter calidum & siccum, quod patet ex operationibus & studijs & moribus animi: quia in perpetuo motu, semper varia cogitat, pili nigri & adusti in prima ætate, & habet caliditatem & amplitudinem venarū circa illam partem, & patitur vigiliæ, & non redundat superfluitatibus: & talia corpora redundant maxime humore melācholico. Et in hoc viro maxime circa caput abundat hic humor, quia perpeffus est etiā aliquas imaginationes melancholicas, vt audiui-
mus, quòd semel putauit cū spatiaretur in villa, aliquem esse qui vellet eum comprimere retro: & hæc sunt signa manifestissima melancholiæ. Item vigiliæ, quæ indicant humorem siccum & frigidū: & humor melancholicus occupās caput inducit vigiliæ, quas nunc etiam patitur. Et hæc sunt signa humoris melancholici, & non pituitosi: & ita materia magis melancholica est, faciens hanc obstructionē ex prædominio. Dolorem coxendicum dico esse à pituita, & non est mirum, quia ventriculus est frigidus, & est secundū rationem rectam. Humores adusti ascendant ad caput cum vaporibus: & pituita, quia grauis & frigida, per vias ampliores decubuit ad coxas. Et quia humor melancholicus maxime est flatuosus, & magis quàm omnes alij, inde facti vapores, & ille dolor capitis, & hinc etiam vigiliæ. Quòd si humor pituitosus ascendisset, habuissemus signa pituitæ, quæ semper vertitur in catarrhum, si potest extendi, quia hæc est materia propinqua ipsi blenæ, & sic descendisset per nares, per palatum, & si nō fuisset excreta, sopores effecisset, & aliorum sensuum diminutionē.

Sed

Sed signa hæc non videmus, ergo magis à melancholico humore. Ergo ex symptomatibus & temperatura & causis, crediderim ego quòd humor obstruens sit melancholicus à prædominio. Est quidem & pituita, quia raro humor simplex: & cùm ventriculus sit frigidus, non possum negare quin etiam ascendat pituita, sed humor melancholicus dominatur. Et hoc de morbo, & causis illius, & symptomatis. Causæ repletionis capitis, & doloris, & grauitatis, & tinnitus ac surditatis, quæ? Dico omnia esse à causis intrinsecis, quia hepar calidissimum, & etiam secundum totum ambitum venarum calidus est: & qui habent hepar calidum, semper sunt subiecti dolori capitis, teste Galeno, tertio de locis affect. propter plurimos vapores ascendentes à toto ambitu: & caput etiam calidum attrahit, & aliquo modo facit ad attractionem, & aliquo modo etiã ad resolutionem & difflationem materiæ. Et ita, cùm adhuc fuit iuuenis, quia materia diffilabatur, non fuit ita affectus dolore capitis: tandem obstructis poris cùm gessit galeam, quæ est frigida, non potuit fieri difflatio illius materiæ, quæ euaporauit ad caput. Itē in Foroiulij sunt multæ boreales constitutiones. Porro & ratio ætatis ac temperaturæ hoc docet: iuuenes enim habent humores subtiliores, quia inflamantur, & sunt in fieri: post paracasticam verò ætatem materia iam est adusta & inflammata, & facta crassior, & sic vapores eleuati à materia crassa & adusta non potuerunt ita diffilari, itaq; materia est translata ad membrum debilius, & hæc materia semper fouet: nam hoc est perpetuum, quòd omnes superfluitates quæ multiplicantur, recedunt ad locum affectum & debilem. Et inde dolor coxendicū, quia pituita generata in ventriculo, per vias amplas decubuit in partem infirmam, & deue-

nit etiā materia ad neruos sensitiuos, & inde factus ille stupor quem habuit, quia illi nerui sunt infrigidati. An mala complexio? Fortè non est introducta adhuc in cerebro aliqua mala intemperies, quæ sit frigida, licet sint ibi humiditates frigida; & sic non credo esse factam essentialiter læsionem in cerebro, sed tantū illa materia ex inferioribus deuenit ad illum locum, quia habet adhuc omnia signa illius calida & sicca temperaturæ, vt sunt vigiliæ, & caliditas ad tactum: & sic non possum dicere esse ibi intemperiem vel naturalem vel aduentitiā cerebri frigidam. An possit curari? Licet scimus surditatē cū perseuerat post sex menses curari non posse, tamen ego sæpe vidi curatos post tres aut quatuor annos, & perfectè ideo distinguendum. Si intemperies est in tympano & neruo confirmata, dico quòd non recipit curationem, quia neruus est frigidus & siccus, & tympanum seu membrana illa est etiam frigida & sicca. Cū autem natura omnia sua opera faciat mediante calore naturali, si in his membris introducatur intemperies frigida, extincto omni calore rarò curantur. Et videmus quòd quando morbi occupant membra frigida & neruosa, difficilè curantur: & quando materiæ sunt fixæ in illis membris neruosis, nō possunt curari omnino. Et si ille neruus est intrinsecus, & tympanum illud male affectum, non possumus adhibere remedia, vt rectè Pellocatus dicebat: & sic tum ratione loci, tum ratione naturæ illorum membrorum, nō possumus curare talem affectum, vel talem surditatem. Sed quando est obstructio in partibus extrinsecis, semper tollitur surditas, licet durarit per decem annos: sed non quælibet obstructio, solū ea quæ obtinet extimam partem illius meatus extrinseci, & etiam cū non est crassa,
& si

& si est crassa, modò sit per congelationem, & non per calefactionem. Dico quòd hæc obstructio est in profundo, quia non videt, & sic ratione loci erit cura difficilis: & ratione materiæ etiã erit cura difficilis, quia nō est per cōgelationē, sed per calefactionē ex humore melācholico. Vnde illa medicamēta efficacissima & calidissima data à D. Iulio & adhibita, nihil effecerunt: & imposuit in aurē validissimè colliquantia, & tamen non potuit colliquari, quia materia illa faciens hanc obstructionem & surditatē, non est colliquabilis, & non obedit illi calefactioni, sed est melancholica cōpacta, & sic non obedit nisi cum maxima industria applicetur, & sic tum ratione loci, tum ratione materiæ, erit difficilis cura: & propter ea quæ dicta sunt, credo quòd poterit curari, sed cū difficultate non parua. Cum quibus? Dicā quod sentio. Omnino indiget duabus principalibus. Primū, vt materia ea quæ facit morbum, & tenet se sub forma causæ antecedentis, remoueat, quæ est circa ventriculum & hepar, & ne ascendat ad caput. Secundū, vt illud quod factum est ibi, actu remoueatur. Quo ad primum, euacuatio nō est tentanda vno impetu, quia licet euacuetur materia, tamen intemperies illorum membrorū manet & auget: & sic quia habet intemperies, ratione quarum continuè generantur humores, ideo victus instituat bonus, ne aggreget excrementa. Postea continuè materia remoueat & diuersione & euacuatione, & prohibendo ne fiant obstructiones, quæ fiunt maximè in ventriculo frigido & hepate calido. Ex aloë, agarico & rhabarbaro, & potest addi aliquid epithymi & myrob. fiant pilule, quibus poterit vti ter aut quater in mense. Et hoc esset vnum. Item maximè laudarem cauteria ad humeros, quæ facerent deriuationem, & etiam circa

d d d s

ribias, si non sufficit, ut sic materia antecedens prohibeatur. Postea nollem purgare caput, quia est siccum & calidum, & sic non tentandum, si modò tollatur illud fomentum inferius: & licet sit ibi materia in cerebro, tamen illa facile tollitur, nam est passio in sensibus, & non in cerebro aliquis affectus, aut aliqua intemperies præter naturā: & ideo nollem tentare caput, modò materia antecedens non ascenderet, facile enim caput sanabitur. Et sic nihil facerem pro capite, nec sternutatoria, nec gargarismata, multò minus stillicidia, nec quicquam aliud. Quo ad aurem & morbum factum, credo quòd aliquid sit faciendum, & credo ego quòd cauendum sit ab omnibus exiccantibus & calefacientibus tanquam à peste, quia cum his faciemus illam materiam gypseam: & ita haud dubie indigebimus lubricantibus & humectantibus & calefacientibus in gradu primo, ut fomentis & traiectorijs, sed non cum aqua balnei, sed cum mollientibus in primo gradu, ut sunt chamomilla, malua, althæa, liquiritia, & omnia calida & humida in primo, & ex his fieret decoctio, ex qua fiat euaporatio ad aures, & cum alijs euaporationibus, ut oleo amygdalarum dulcium, chamæmelino & althææ, ut locus emolliatur. Vellem semper addere aliquid croci, quod emollit, sed intensius, sicut & myrrha, bdellium, & alia quæ sunt in secundo gradu emollientia: sed magis ad mollientia in primo gradu declinarem. Et hæc puto sufficere pro curatione huius viri: & non fiant hæc vno aut altero die, sed semper & multo tempore. Item facerem linimentum ad partes extrinsecas circa aurē cum emollientibus, nam longo successu temporis etiam hæc deuenirent ad locum affectum. Abstineat ab omnibus stillicidijs, & aquis calidis. Ratione vetriculi de quo
con-

conqueritur, posset potare illas aquas in modica
quantitate, defendendo hepar & renes, ne calefiat
totum corpus.

*Consult. CLIII. De dolore in brachio,
ex præseruatione ab apoplexia.*

Puerendissimus Antistes sibi cōsulere
cupiens, quærit non tantum curatio-
nem symptomatum quæ iam patitur,
& quæ tamen leuia sunt, sed etiam tan-
quam vir prudens, quomodo possit
præseruari: videt enim hæc symptomata esse prænun-
cia sæuarum ægritudinum, & in hoc rectè & sapien-
tissimè iudicat. Considerandus habitus corporis
istius Domini, & symptomata, quæ sunt prænuncia
futurarum ægritudinum. Dispositiones præter na-
turam quas nunc patitur, sunt leues: patitur enim
brachium dextrum leuem quendam dolorem, imò
non est dolor nisi cum facit insignem motum. In re-
liquis non laborat: & ideo non multum curat quod
nunc est, sed quod futurum. Conqueritur etiam de
grauitate aliqua auditus in parte dextra. In reliquis
nihil habet præter naturam, bene dormit, bene co-
medit, egerit, & exercet operationes omnes incul-
patas. Dicebat quidem se habuisse quædam sympto-
mata circa ventriculum, sed nunc nihil conqueri-
tur. Sunt tamen hæc symptomata consideranda, &
redigenda in suas causas, quia sunt prænuncia gra-
uiorum morborum. Primò dolor in brachio. Locus
illius tristis sensationis est varius: primò est perio-
stium, id est, membrana continens os illud inter iun-
cturam & iuncturam, qui dolor est necessariò in mem-
brana: nam os non sentit. Item percipit dolorem in
vtraque iunctura. Causæ quæ? Hic non est abscessus,

non est solutio continui: ergo in cōplexione est morbus. Sed morbus in complexione est duplex, cum materia, & sine materia. Audiuius à Reuerendissimo, quemadmodum consueuerit vti regione calida, in quarto scilicet climate, sed etiam in situ prope mare. Accessit in sextum clima, imò in finem sexti climatis, scilicet Tridentū, vbi mutauit aërem per duo climata: sed etiam situm planè contrarium, quia Tridentum est maximè borealibus ventis expositum, & regio sua est exposita Zephyris & meridionalibus ventis, & ita aër Lusitanus est totus contrarius aëri Tridentino. Hic aër multum potuit in corpore præparato, id est, senili. Et licet aliquam habuerit lassitudinē ex alapis sæpe replicatis in cōfirmatione, tamē quia per vndecim postea dies sequētes semper fuit sanus, ideo non credo ego eam debilitatem esse factam propter illū motū, sed potius propter aërem. Nam semper vnā partē magis exponimus aëri frigido quā aliam, vt fieri solet: & sic illud perioestiū & membrana quia frigida, facilè potuit affici & lædi ab aëre frigidiorē & insueto, & in habentibus symbolum facilis est transmutatio: & sic credo quòd sit facta & impressa cōplexio frigida sine materia, & hæc subita alteratio ad contrarium facit illum dolorem. Et hæc complexio frigida impressa in membrana, nō facilè recipit curationem: quia membrana recipiens impressionem aliquam, amittit calorem naturalem & proprium, per quem natura operatur & curat morbos, & ita est debilis: & tunc contingit quod semper solet contingere: vbi enim aliquod membrum ad aliquam intemperie & plerunq; frigidam mutatum est, non potest fieri concoctio vt oportet illius alimenti & proprii, & sic multiplicat materia cruda circa locum, & fit membrum illud rheumatizans, non quòd aliunde

aliunde defluat materia, sed quòd excremēta redun-
 dent propter intemperie: nam qualis est complexio
 membri, talis est concoctio. Et hæc excrementa etiā
 non facilè difflantur, quia membrū est frigidum, &
 ideo aggregatur materia. Ergo si queratur à me, qua-
 lis sit complexio introducta in morbo præter natu-
 ram: dico, quòd cōplexio frigida sine materia à tem-
 perie aëris frigida: qua complexione stante, abun-
 dant etiam materiæ per viam inconcoctionis. Et sic
 sunt duo: primū, intemperies in parte: secundo, ma-
 teria, & illa materia etiā est cōpressa ad partes laxio-
 res & frigidas & spatiosas, vt sunt iuncturæ, quod sæ-
 pe euenire solet: & sic patitur dolorē in varijs locis,
 & sic etiā iuncturæ sunt repletæ. Et q̃ hæc materia
 non defluat aliunde, probatur: nam modicum est nu-
 trimentum quod deuenit ad membrū, & sic est etiā
 paucum excrementum, & ideo non est magnus do-
 lor, & illa vasa non extenduntur, & muscoli & chor-
 dæ & nerui magis infrigidant: & hæc est causa illius
 difficultatis motus. Et hanc credo esse potissimam
 causam illius doloris: primò frigidam impressionem
 & intemperiem: secundò materiam tantam aggrega-
 tam per viam inconcoctionis, quæ tamen est pauca,
 quia nullum facit tumore, nullum abscessum. Quod
 ad alia membra, an à capite defluat materia ad locū
 per viam catarrhi? Non credo ego quòd catarrhus
 defluat ad illas partes, quia si semel inciperet ille flu-
 xus, & cū plurima pituita sit in capite, credo quòd
 illud brachium longè sæuiores accidentia pateretur,
 & solent fieri vt podagræ, paralyses, morbi articula-
 res &c. Sed cū ille viuat, comedat, & exerceat ope-
 rationes vt alij sani, & aliud nihil perferat, credo
 quòd non sit defluxus catarrhi ad illas partes, sed
 quòd sit tantum materia aggregata per viam excre-

menti, propter imperfectionem concoctionis, & debilitatē illius membri. Præterea conquerit̃ Reuerendiss. Dominus se habere catarrhū copiosissimum, & plurimū expuit, & plurimū excernit per nares, & sensit difficultatem auditus. Credo hoc factum esse ex causis procatarrcticis. Nam in die synodi per 13. horas continuas vacauit studijs, vt audio: & ex hoc studio si nihil aliud esset, possent fieri cruditates in ventriculo, & etiam in toto ambitu corporis: nam hepar non corrigit coctionis primæ vitium, & hinc plurimi vapores ascendunt ad caput, & maximè cū caput laboret in studijs. Et hinc studiosi plerunq; habent debilem ventriculum, quia vbi actio, ibi calor: nam est tantū vnus calor: itaque cū capite laborant, destituitur ventriculus calore & sua operatione, & sic replentur capita, quia plurimū laborant capite, vnde plurimi vapores attrahunt̃ ad caput, qui non possunt diffilari, quia resoluitur calor cerebri ex multis laboribus, & inde tales studiosi semper habēt caput repletum. Talis est etiam temperatura naturalis huius Reuerendi Domini: nam habet hepar calidum, quod testantur venæ amplę, multitudo carnis: & cū sit educatus in regione quarti climatis, vbi calores intensi, & sunt ibi homines nigri, ipse tamen abundans est sanguine bono & naturali, & habet colorem floridum etiā in senio, & ideo est quidem caliditas in hepate, sed non adurens: & ideo generat plurimum sanguinis, vnde habet hepar calidū & humidum. Et in his plurimi vapores eleuantur, si in vllis alijs temperamentis: & sic & ratione temperaturæ in hepate habet hoc quod sit subiectus repletioni capitis: & hic catarrhus non solū Tridenti, sed etiam in propria regione generatus fuit: & hinc plurima materia illius catarrhi deuenit ad dentes. Est in primo

primo senio, quia primum senium incipit à septimo
 septenario, id est, anno 49. quia agit annū 55. & ideo
 nondum debebant cadere dentes: & dentes illi etiā
 sunt corroſi, & hoc indicat continuum catarrhum
 erodentem & decumbentē ad dentes. Et hoc notan-
 dum pro præſervatione. Hic est chorus ſymptoma-
 rum: primò brachium diſpoſitū ad omnes affectus,
 & habet intemperiem frigidam, & ita timenda para-
 lyſis, & priuatio motus, item morbi articulares: ma-
 gis tamen paralyſim timerem. Item cū ſit catar-
 rhus, & nunc plurimum excernatur per nares & os,
 ſi ille catarrhus liſteretur, poſſet fieri apoplexia, &
 aliæ ægriſtudines frigida capitis. Et eſt vnum quod
 dicebat nobis: ſolebat euomere materiam pituito-
 ſam, & hoc erat ei familiare, qui vomitus iam reſti-
 tit, quia iam in ſenio virtus expulſiua eſt debilis: &
 multū poſſe cū conſueta euacuatio deſinit, no-
 uit Excell. V. & cū iam ſenescit, debebant euacua-
 ri illa excrementa quæ generantur ratione ſenij: &
 hæc materia augetur, & frigiditas corporis, & ideo
 deſertur violenter aliò hæc materia, ſcilicet ad ca-
 put. Ideo timenda ſunt alia ſymptomata & grauio-
 ra. Tempore iuuentutis potuit illa materia diſſari.
 Ergo habemus hic brachium affectum & caput non
 quidē per ſe, nam omnes ſenſus habuit acutiſſimos:
 & ſigna ſumpta à proprijs actionib. membri nunquā
 fallūt, & ſenſus interiores ſunt proprij ipſi cerebro,
 & nō habēt aliud instrumentū quā ipſum cerebrū,
 & illud membrū eſt ſanū, cuius operationes ſunt ſa-
 næ. Ergo ſi caput quid patitur, patit per conſenſum
 partium inferiorum, & non propter propriā intem-
 periem. Quomodo ergo præſeruabitur? Tollantur
 omnia illa quæ faciunt incurrere in illas affectiones,
 in quas poſſunt incurrere qui ita ſunt affecti. Primò

caueat ab omni aëre excessiuo, qui primùm illum le-
 sit: caueat ventos boreales, & in tempore frigido op-
 timè muniat caput: deinde habeat optimam ratione
 victus, ne ventriculus & hepar aggregent pituitam,
 & vapores ascendentes ad caput: non laboret in stu-
 dijs, & in omnibus rebus nō naturalibus habeat mo-
 dum. Sed quia non possumus bene ita viuere quin se-
 pe delinquamus, nam anima præstantior corpore,
 ideo sæpe negotia sunt obeunda quæ nocent corpo-
 ri, & ideo correctione opus est. Consulerem ego vt
 continuè vtatur medicamentis & euacuationib. fa-
 miliaribus & leuibus, & diuertantur materiæ ad par-
 tes inferiores: vt est vsus rhabarbari aut aloës, quam
 magis probarem quàm hieram, quæ magis exiccat
 quàm aloë, quia habet aromata exiccantia vsque ad
 tertium gradum. Cauerem ab vsu agarici, & omnib.
 quæ euacuant electiuè, quia illa destruūt omnes mī-
 neras virtutum. Item laudarem vt fierent cauteria in
 cruribus, & esset continuus vsus horum cauteriorū.
 Nam quia vult præseruari, & hic catarrhus posset fa-
 cere apoplexiam, quia iam etiam tendit ad surdita-
 tem, ideo suaderem cauteria, sed postquàm aliquo-
 ties vsus esset illis pilulis. Ad brachium, quia mate-
 ria non influit aliunde, corrigēda intemperies illius
 loci. Et hoc tempore maximè laudarem stillicidium
 circa illud os vt cadat aqua, quo profundius pene-
 tret. Etiam vellem suffumigiū facere ex hac aqua, vt
 reciperet illum fumū: hic enim fumus aperiet & ra-
 refaciet poros & meatus: & postea vbi lauabit brachium
 in ea aqua, maior fiet impressio illius aquæ,
 quia hæc est crassior quàm vapores, & sic aqua quo-
 que pertransire poterit. Ac sic prius fiat euaporatio,
 postea in illa aqua lauet brachium, deinde stillicidio
 vtatur. An faciēda aliqua euacuatio capitis ante hæc
 localia?

localia? Caput est repletum, & hîc est maxima difficultas, ne localia attrahant materiam ad brachiû, & vbi semel incipit ille fluxus, nulla est materia quæ nō affluat ad locum illum: & sic & caput erit euacuandum etiā per caputpurgia. Sed tempus calidum venit, & quod non fieri potest ad perfectiorem euacuationem, faciamus per vires vt possumus, si vt volumus non licet.

*Consult. CLIIII. De uisus imbecillitate,
& alijs quibusdam symptomatis.*



Identur accidentia quibus infestâ Reuerendissimus D. Oeconomicus, omnia ita sibi respōdere, vt ab eadem causa dependeant. Et primò patitur obscuritatē visus, secundò plurimū sputum, vltimò manus & pedes incalescunt, & vltra modum sudant. Dico hæc omnia referri in vnā & eandem causam: nam assumpsit primò aquas thermarum, postea incidit in hos affectus: & non audiuius alias causas, quæ hæc potuerunt efficere. Ergo videndum an ratione potus aquarum hæc potuerint contingere. Prius dispositiones naturales considerabo. Est hepar calidum, & hoc patet ex omnibus signis, amplitudine venarum, colore: & habet imbecillitatem ventriculi, ratione cuius abundat pluribus flatibus. Hæc duo membra sufficiunt ad hæc symptomata. Aquæ illæ sunt calidæ & siccæ, quia habent sulphur, alumen, calcem, salem, & hæc omnia sunt calida. Potauit has aquas, & hæ calefecerunt hepar, & consequenter renes, & per consequens totum corpus: nam orta attestantur principijs: & qualis est temperatura hepatis, talis temperatura venarum, & sic etiam totum corpus sequi solet: & sic sanguis redditus est crassior, & si san-

eee

guis, sequitur etiam quod spiritus, qui semper proportionati sunt sanguini: nam nihil aliud sunt, quam vapor sanguinis bene concoctus. Ergo si sanguis crassus, & spiritus sunt crassiores. Sanguis enim redditus est crassior, propter hepar supercalefactum, & etiam spiritus, qui faciunt omnes operationes in toto corpore. Ille autem sensus qui indiget spiritu lucidissimo & purissimo, merito primo percipere debet hanc lationem, & hic est visus. Ergo hanc crassitudo spirituum coepit affligere visum. Quod autem sit in spiritibus causa huius diminutae visionis & lesae, apparet, quia in instrumento nulla est laesio, nec in facultate, non enim laesus discursus. Ergo laesio in spiritibus. Sed haec ratio ex remotione aliorum non sufficit, sed ex proprijs signis & pathognomonicis iudicandum est: nam uidet clarius ubi est multa lux, deterius vero in obscuro. Sed in obscuro dilatatur pupilla, in claro constringitur. Et haec sunt signa imbecillitatis: nam lux plurima illustrat oculum, & humidum aqueum, & crystallinum: & si spiritus qui deferunt per illum sunt clari, non indigent magna luce illustratae exterius. Vnde qui habet spiritus claros, non possunt videre nisi semiclaudent oculos, ut quasi subumbrent spiritus. Et contra, est signum quod sint crassi spiritus, ut in hoc casu: & ob id in tenebris dilatantur, quod fit propter multitudinem spirituum. Nam cum claudimus unum oculum, dilatatur altera pupilla, quia impetus spirituum qui omnes deueniunt tunc ad unum oculum, facit dilatari pupillam. Sic in his fit, quia enim habet spiritus crassos, indigent plurimo spiritu, ut quod deest in qualitate, suppleat natura in quantitate: & sic fit maior dilatatio pupillae, quia quod deest claritati, conatur supplere copia spirituum. Et in claro constringitur pupilla, quia tunc spiritus non veniunt ad pupillam, nisi quantum opus est ad

est ad illam lucem obscuram. Ergo hæc est causa quæ
 re læsa sit visio: primò crassitudo spirituum, & hæc fa-
 cta est propter crassitudinem sanguinis, & hæc pro-
 pter calefactionem hepatis, & hepar supercalefactum
 ex potu aquarum. Et sic ex resolutione causarum pa-
 tet, quòd potus aquarum fecerit diminutionem vi-
 sus. Item est alia causa: cum habeat naturalem imbe-
 cillitatem ventriculi, quæ non est curata per potum
 aquæ, hinc plurimum salinæ expuit, propter expulsio-
 nem flatuum: nam hæc non proueniunt ex ventriculo,
 nisi propter tria, vt aliquoties iam dictum in collegijs.
 Et sic salina illa permiscetur cum spuma, & hæc indi-
 cat flatum, aliàs nõ posset expui. Et hi vapores gene-
 rat ex debilitate ventriculi ascendunt ad caput, vnde
 spiritus fiunt crassiores, vt videmus in suffusionib.
 quæ ortum habent ex ventriculo. Causa inflamma-
 tionis renũ (nam vrina arenosa & color indicat hoc)
 est eadem supercalefactio aquarũ, vt & hepatis: & re-
 nes consentiunt hepati, tum propter propinquitatẽ,
 tum propter venas communes. Præterea est sudor
 & supercalefactio manuum & pedum, & hoc est pro-
 prium symptoma: vbi supercalefit hepar, statim in-
 flamman manus & pedes. Ratio est, quia illæ partes
 minus habent carnis, & venæ sunt magis exteriores
 in illis partibus, & sunt ibi multi nerui & ossa, & hæc
 vbi incaluerunt, retinent calorem. Vnde in ferro est
 intensior caliditas quàm in aqua feruente. Hac stan-
 te caliditate, cum in toto ambitu venarũ aggregentur
 plurimi serosi humores propter hepar auarũ, quod
 trahit ad se chylũ inconcoctũ, & nõ potest eum cõfi-
 cere: & hi humores crudi attracti ad ea loca calefa-
 cta diffiant postea per cutim, & hinc apparet illa hu-
 miditas: & Gal. dicit quòd materia sudoris est *ἰχὼρ*,
 & serositas in venis: ergo omnia symptomata dicta,

ex caliditate hepatis & potu aquæ proueniunt. Spu-
tum non prouenit ab aqua, sed hoc erat etiam ante
aquæ vsum. Et illæ aquæ non fecerunt impressi-
onem in ventriculum, quod habebat renitentiā, & super-
calefecerunt hepar, quod habebat symbolum: & ex
his fit circulus. Plurimi flatus & vapores ascendunt
ad caput ex ventriculo, & hi iterum ad ventriculū
descendunt. Prognosticon. Nisi prouideat sibi be-
nè, tandem incidet in flatum hypochondriacum.

C V R A. Omnia sint temperata. Caueat à vino po-
tenti, & omnia sua medicamenta sint moderata in ca-
liditate & frigiditate: cū enim sint illa membra cō-
traria, vtriusq; cura habēda erit. Ergo hoc sit ei pro
regula, quod omnia actu & potentia sint temperata.
Non laboret, quia inflammat spiritus: & potius de-
linquat in nimietate somni, quàm in vigilis: & uta-
tur continuè quæ possint refrigerare hepar, & non
infrigidēt ventriculum, & hoc est zuccharum ros.
quod assumat sepe & semper & in magna copia: nam
refrigeratio eius est satis mitis, ne infrigidetur ven-
triculus, & quod non potest facere agens debile in
paucō tempore, hoc faciet in longo spatio tempo-
ris, & magis etiam aget quàm agens forte in paucō
tempore. Et admisceatur etiam aliquid quod facilē
faciat transitum, vt sunt rosæ, vt Gal. 3. simpl. dicit, &
iuuetur transitus cum diureticis: & si aliqua suspicio
incidat ne refrigeretur ventriculus, addamus piper
tenuissimè contritum, quia piper est tenuissimæ sub-
stantiæ, & sic secundū tempus calefaciet ventricu-
lum, & vis eius statim diffabit, vt sunt illa quæ sunt
tenuia & calida. Gal. plurimū laudat piper, vnde ego
sæpe precor modernis meliorem mentem, qui cū
vident Gal. vti ptisana cum pipere in febribus, pu-
tant Gal. dormire, & dicunt quod melius sit vti cin-
namomo,

namomo, & ita illi ordinant cinnamomū. Sed hi nō vident istud mysterium Galeni, quòd scilicet piper calefacit ventriculum, & non hepar. Et dicit Gal. 4. de tuen. valet. quòd diospoliticū & diacalamentū & similia, pessima sunt ventriculo crudo, quia ducunt humores crudos ad hepar, & faciūt obstructiōnes. Nam licet non sit tanta caliditas in cinnamomo, tamen est magis diuturna. Ideo zuccharum ros. cum modico pipere minutissimè contrito, vt faciliè exhalet, darem ego, & consulerem in hoc Reuerendo viro. Utatur etiam rheubarbaro vnà cum zuccharo rosaceo, quod educit materias calidas & etiam frigidas, & aperit obstructiōnes si quæ sunt, & confortat. Hęc esset præseruatio huius viri, & sic longo tempore curet se. Missionē sanguinis maximè laudare, quia hepar calidum, prius lenita aluo cum flore cassiæ. Utatur etiam syrupo de cichorea, & cum Goleiabin, & etiā sine aqua. Item trochiscis de rosis minoribus interdum vterer in brodio pulli. Et non aggrederer morbum totis viribus, ne fieret deterior.

Consult. CLV. De brachio læso, & omnium principalium membrorum influxu destituto.




Istoria clara est, & satis cōstat quòd multiplex sit lēsiō in illo brachio, & quidem tot modis quot sunt principia. Primò est principium sensus & motus, secundò principium virtutis vitalis, tertiò principium virtutis nutritiæ. Et quodlibet horum principiorum habet suos riuulos. Primò sunt nerui, per quos deriuatur virtus sensitiua & motiua: per arterias defertur calor & spiritus: per venas vis nutritiua ab hepate.

Hi tres riuli sunt aliqua ex parte lassi, & secundum huius lassionis proportionem est affectus. Arteria fuit incisa & nervus. Et nos ex quadam necessitate consequentiae concludimus, licet medici id nobis non indicent, quod etiam venae sint laesae. Hinc sequitur quod non nutritur, quia venae non deferunt sanguinem, & percipit etiam perpetuam frigiditatem in isto brachio. Motus laeditur propter nervos: sensus etiam. Haec est res quae sensui patet. Sed illud est dubium, utrum hi riuli, scilicet nervi, arteriae & venae, ita sint incisi, ut nulla plane sit continuitas? an sint ex parte incisi illi riuli, an plane non sint incisi, sed potius propter materiam influxam sint obturati? Ego incipiam ab arteria & vena. Oportet credere historiae. Omitto puncturam illam factam ex vulnere: sed quia fecerunt incisionem magnam, & cauterium etiam adhibuerunt medici illi pro sanguine sistendo, quod cauterium adurit venam, & obducit callum, & sic constringitur: ergo probabile valde quod illa vena separata sit in totum: & quia ignis exiccat, & hinc vena facta breuior, & sic non potest bene continuari, quia ad hoc ut continuentur & consolidentur, requiruntur duo, ut sint molles, & ut se inuicem contingant. Sed hic sunt duo: primo, ignis qui adussit, & fecit partem duriorē, & secundo etiam breuiorē: & sic & propter duritiem & propter breuitatem non potuerunt haec continuari, & sic non est liber transitus sanguinis & spiritus ad partes inferiores. Et ita credo quod illae venae & arteriae sint incisae, & habeant cicatricem non facile consolidabilem. Utrum sint omnino interceptae & separatae secundum totum, & quod partes plane distent, & factus sit callus tam in parte superiori quam inferiori? Ego non possum certo dicere, sed credo quod plane sint discissae, & hoc ex coniecturis meis dico.

dico. Quo ad nervos est facta læsio. Motus reuolutionis in manu & erectionis est impeditus, & nonnullorum digitorum: & credo quòd omnes illę læsiones non sint æquales, & non omnes ex vulnere. Nam illi nerui qui sunt incisi ex vulnere, non recipiunt curationem, & non possunt consolidari: & cùm sit vulnus in vna parte, non credo quòd omnes nerui sint æqualiter læsi, sed facto vulnere debilitatur locus, & ita affluit materia, & recipitur etiam in nervis, & propter frigiditatem & crassitudinem illa materia non facilè resoluitur, & sic facta est obstructio. Et non solùm hæc læsio est ex vulnere, est etiam læsio in sensitiuis nervis, & etiam motiuis, & sic credo illam læsionem neruorum esse valde diuersam, & non solùm ex vulnere. In superiori parte etiam non habuit motum: nunc autem incipit mouere humerum, cùm antea non potuerit, quia materia affluxit ad illam partem. Vnde sæpe euenit quòd vulnerato pede fit bubo, propter interceptionem materiæ. Ergo nunc mouet humerum propter medicamenta quæ adhibita sunt. Ergo quantum est incisum, est incurabile, & quo ad nervos, & quo ad venas & arterias. Qui verò sunt obstructi & refrigerati propter affluxum materiæ, hi poterūt curari, & maximè cùm antea fuerit catarrhus: non enim potuit mouere humerum, quem iam mouet. Quantum ad torturam oris sum anceps, an aliquid sit incisum: audio tamen quòd continuè melius habuit, & sic credo quòd etiā materia defluxit ad illum locum. Sed quod est incisum non curatur, quod tamen certò non scio. De cura. Omnino tentet resolutionem, & nō potest sequi nocumentū, si rectè fiat ea resolutio. Utatur perpetuò resoluentib. sed misceat cum mollientibus, ne quod subtile est resoluat, & pars gypsea relinquatur.

Vtatur ergo his inuicem. Mollientia sint calida & sicca in secundo gradu, quia materia est crassa, vt crocus, bdellium, myrrha. Emolliatur cum pinguedinibus, & oleis, vt oleo amygdal. dulcium & chamæmelino: item lapide pyrite, quod Gal. dicit esse magicum. Vtrum lutum S. Bartholomæi conueniat & foueæ illæ? Placeret, sed oportet considerare quod ad illa valida resoluentia egemus multa præparatione corporis, & est corpus cacochymum, & hoc tempus potissimum est pro purgationibus, & maximè in corpore cholericò, vt istud est. Ergo balneum differatur vsq; ad Septembrem, & quia corpus non est præparatum, opportunum tempus expectetur. Interim tamen aliqua cerata vel emplastra applicentur, vt est oxycroceum illud, quod ponatur supra totum brachium, & singulis 15. diebus remoueat. Et consului in quodam iuvene nuper, qui amiserat motum in brachio, & nunc optimè incipit se habere, & mouere brachium.

Consult. CLVI. De fluxu pituitoso per urinam, ulcere in pudendis, tabe, manus contractione, & hypochondriaca affectione.



Symptomata quæ patitur hic Magnus vir, sunt hæc. Primò est defluxus per urinam, quem putat esse gonorrhœam: secundò patitur vlcus circa taurum, quæ est illa pars inter testes & anum: tertio arefactionem & tabem totius corporis: quarto contractionem manus dextræ: quinto imbecillitas ventriculi adest, & caliditas hepatis, vnde patitur affectionem hypochondriacam. De primo. Conqueritur de gonorrhœa, videndum quale sit symptoma, an fluxus seminis, vel aliud quiddam: nam multum refert hoc scire.

re. Non credo illum affectum aut esse aut fuisse gonorrhœam: primò, quia passus est illum fluxum longè ante tempus seminis, vt circa annū quintum aut sextum, & eo tempore nondum mouet semen, quia nullum est instrumentum paratum ad illum fluxum seminis, & nondum habuit tunc semen: quia omnis illa materia ex qua debebat generari semen, transit in augmentum corporis, & nulla est superfluitas pro semine generando, & sic non fuit illa superfluitas seminis. Secundò videmus, & locum & symptoma nō esse consentanea quòd sit gonorrhœa: primò, nō apparet aliquid quod habeat rationem seminis, sed areolæ apparent, & alię materię adustæ. Item sæpe minxit sanguinem, qui indicat talem materiam deuenire à renibus, quod sæpe contingit, cū nimirum relaxantur renes, & renes affecti sunt per se: & sic affectus est in renibus, & nō in vasis seminarijs. Item fluxus seminis fit aut ob abundantiam seminis, vel propter caliditatem, vel propter amplitudinem vasorū seminalium: quod in hoc viro non est, est enim siccissimæ temperaturæ, & sanguinis paucissimi: & qui non habet sanguinē, nō habet semen multum, quia semen generatur ex optima parte sanguinis. Item non habet inclinationem ad Venerem, & ego noui ipsum adolescentem, & possem mira narrare de eius continentia. Item ex longo defluxu seminis vlcus fit non circa partes tauri, sed circa pubem: & sic perforato peritonæo fieret ibi abscessus, & non transit per penem. Et hinc videmus, quòd sæpe inflantur testes & vasa seminaria, & sæpe inflatur pubes, & medici putant esse ramicem, cū sit propter inflationem illarum partium & arteriarum & venarum. Hic autem contigit inflammatio circa os vesicæ inter testes & anum, vbi chirurgi solent incidere & extrahere lapi

des. Nam cōtinuus defluxus huius materiæ à renib. nō per vasa seminaria, sed per vasa vrinaria, quia hæc materia est adusta & feruēs, tandē circa collū vesicę, vbi locus est angustus & carnosus, fecit vlcus, & sic fortē inducta est fistula: & inde emittit vrinā inuoluntariē, quia muscoli ibi existentes læsi sunt, & quia os vesicę est affectū. Et licet collū vesicę esset affectum, & os vesicę esset sanum, non exiret vrina inuoluntariē. Sed ad os vesicę nō peruenit semen, sed habet aliā viam: & hoc non debebat exulcerare partes vesicę, sed alias partes virgę. Et sic nō credo ego esse gonorrhęā in hoc corpusculo, quod adeò est extenuatum. Sed hoc vlcus est in tauro, propter materias acutissimas deuenientes ad os vesicę, quæ fecerunt ibi inflammationem, & sic illa pars est perforata, & etiam inducta fistula, quod facilē fit in partibus illis nervosis, & musculis vesicę & ani, vbi facilē fiunt fistulę. Patitur præter hæc duo arefactionē totius corporis, & magnam caliditatē hepatis, cum frigiditate ventriculi & rugitu, & affectionē hypochondriacā. Causa horum symptomatū etiam querenda est: dispositio sua naturalis cōsideranda quantum ad hoc. Semper fuit calidus, & anno 18. ætatis suę incidit in tabem, & fuit desperatus à medicis, sed liberatus diuinitus, vt retulit nobis. Est longę staturę, & productus in longum, tamen omnia mēbra habet grandia, quod testatur caliditatē seminis seu materiæ, & eiusdem paucitatem, in prima eius generatione: non enim potuerunt hæc membra in latum extendi propter paucitatem materiæ, & ideo prolongata est: & calor primò in longū extendit, deinde in latū. & habet etiam maximā raritatē texturę. Et hæc duo sunt signa paucitatis materiæ & caliditatis, & ideo à quacunq; causa extrinsēca facillimē patitur propter raritatem

ritatem texturæ. Præterea & membra etiam principalia omnia sunt calida. Hepar valde calidum generat plurimū sanguinē biliosum & melancholicū. habet pilos multos, & sic plurimum abundauit excrementis quæ fiunt à calore immoderato. Item cor est calidum, quia iracundus & magnanimus, & constans in actionibus & audax, vt sciunt illi qui eum nouerūt. Cerebrū etiam calidū & siccū, quia adest promptitudo ingenij, quæ est ex siccitate cum tenuitate substantiæ. Ex caliditate cerebri habet mobilitatē & promptitudinem in actionibus, & fuit versatilis ingenij vndique & celerrimi, vt ego noui ipsum. Et inde meritò cerebrum iudicatur calidum, ex proprijs & immediatis cerebri operationib. His stantibus plurimus sanguis melancholicus generatur, & per consequens spiritus melancholici, qui & obscurantur. Vnde semper fuit religiosus, & considerando naturam melancholicā videbimus quòd omnes sunt religiosi, vt testatur quotidiana experientia. Ex hac temperatura non mirum si habet naturalem imbecillitatē ventriculi, cum sit ventriculus sine carne, & nullam habeat ferè pinguedinem omenti, & nullos musculos ferè quib. per antiperistalsin fit calefactio ventriculi: & si Aristot. credere volumus, ipsa etiā pinguedo calefacit positiuè. Ergo ventriculus est siccus, quod patet ex habitu totius corporis: quia si caro est sicca & muscoli, multò magis ventriculus qui est neruosus. Ergo ventriculus est frigidus & siccus, & hepar est calidum. Et hæ sunt causæ hypochondriacæ affectionis, vt sæpe dictum est hoc anno in colloquijs, quomodo hæ fiant, & obstructions, & eleuationes vaporum &c. ideo de his satis. Macies ferè tabida est, propter duo efficacissima ad tabē: primò propter copiā pauci sanguinis, vnde ferè semper pa-

titur atrophiam, & ex qua sæpe homines ad tabem deueniunt, cum scilicet membra non nutriuntur: secundò propter plurimam caliditatem & siccitatē in toto corpore, vnde ariditas. Accedit tertium, maxima raritas texturæ, quia plus diffatur quàm recipiatur ad membra & nutriatur. Item quodlibet membrum concoquit alimentum proprium, & nutritur secundum propriam suam naturā, teste Gal. Et cum omnia illa membra sint gracilia à natiuitate, parum attrahitur nutrimenti & conficitur. Hinc etiam plurimùm abundat humoribus acribus, erodentibus, & acutis, stante caliditate hepatis & totius corporis. Et quia orta attestantur suis principijs, & renes plurimùm communicant hepati, & propter sitū, & propter vias amplas, ideo etiam renes sunt calidissimi. His stantibus nō mirū si plurima materia excreta est per vias vrinales per totam vitam suam, & sic factæ sunt illæ exulcerationes in vijs vrinæ quas patitur: & etiam ex dispositione illa, calculi & arenulæ generantur, quæ apparent in vrina: nam causa materialis horum est pituita, quæ fit multa in frigido ventriculo, & ita excernitur per vrinam hæc pituita, vt patet in hoc viro, quòd vnà cum vrina materiæ pituitosæ excernuntur. Causa efficiens est calor ingens hepatis & renum. Et ideo etiam facile generantur illæ arenulæ, quia pituita quæ est viscida, est tanquā gluten, & arenulæ sunt ex bile, vnde sunt flauæ. Passus etiam est chiragram: habuit enim primò dolorem chiragricum, qui pessimè curatus est, & ipse nesciuit esse chiragram, & admiratus est cum ei dicerem. Est autem chiragra defluxus materiæ catarrhalis ad iuncturas manuum. Et fuit pessimè curata, quia non debet curari cum remedijs extrà adhibitis: ipsi autē vsi sunt relaxantibus & mitigantibus, quo nihil poterant facere

cere deterius: hinc enim factū quòd magis affluxit materia, & facta ibi materia gypsea obstruxit neruos & chordas, hincq; abbreviantur & dilatantur & contrahuntur. Et facta hac obstructione, etiam facta est arefactio. Et hoc corpus in quo est caliditas hepatis & ventriculus frigidus, est aptissimum ad articulares morbos, quia adest pituita, & bilis eam ducit. Et Auic. dicit quòd ad hoc requirunt quatuor. Et passus etiam est in pede, vt mihi dixit. Hæc sunt symptomata & causæ, ad quas redigenda sunt omnia: quæ causæ fuerunt adiutæ ab extrinsecis, & in rebus non naturalibus, in quibus plurimū deliquit. De prognostico. Quæ sunt naturalia non possunt bene remoueri, & videmus omnia ista dependere à dispositione naturali. Quo ad vlcus, credo quòd non sit curandum, vt etiam sentiūt Excell. vestre. Quo ad contractionem, vellem experiri aquam Apponitanā, & etiam lutum illud aquæ Apponitanæ. Circa ventriculum & hepar, vt alterum refrigeretur, alterum calefiat, credo ego q nulla arte id fieri possit. Dabo tamen ei consiliū, & remediū vnū quo vtatur singulis diebus, & toto tempore vitæ suæ hoc faciat. Accipiat singulo mane, aut quodocunq; voluerit, oxymel optimè & diligenter confectum, & mel rosaceum eodem modo confectum, & assumat vna vice duo aut tria cochlearia, & hoc sæpe & semper fiat: sic enim ex longo vsu huius medicamenti ventriculus pederentim abstergetur, & corroborabitur sine calefactione hepatis. Non possem ego imaginari aliud remedium & melius & tutius, & ipse sentiet se optimè iuuari, si nō desinat. Postea ter vel quater in mense ʒij. aut iij. Rhabarbari, admixta portione cassiæ, sumat. Hierā vereor, quia suspectā habeo iam in corpore extenuato: & Gal. dicit q in sicco ventricu

lo non sit exhibenda hiera, de tuen. valet. In Rhab.
non est tanta exiccatio, & etiā absterfio. Et singulis
mensib. ter aut quater assumat hoc. Confert etiā ad
calculos oxymel, de quo suprā dictū, quod sepe sum
expertus: imō etiā actu frangit calculos. Corrigitur
etiā fluxus materierū per vias vrinæ cum melle ros.
hoc modo sæpe assumpto. Porro leniunt etiā ventrē
oxymel & mel ros. Et ita meo consilio nō vellem vti
alio remedio pro his omnib. quæ dixi. An aqua Vero
nensis conueniat, quæ semper cōtulit ipsi? Ego dicā
quod sentio. Credo omnino quòd semper fuerit ad
iutus quantū ad passiones renū, nam sunt ferreæ &
frigida, & sic refrigerarūt hepar & renes, & viæ sunt
corroboratæ, ne fieret illa dilatatio viarū: & sic in
quolibet defluxu materierum conuenit illa aqua, vt
in fluxu seminis, hepatis, & alui. Et sic credo quòd
contulerit his affectib. An verò etiā ratione ventri-
culi conueniat, est apud me dubiū: nam infrigidant
hæ aquæ, quod testat experientia: licet habeant cali-
ditatem actu, & habeant sulphur, tamen potentia ha-
bent frigiditatē. Nam & coriandrū habet in se par-
tes calidas, & tamen infrigidat, & multa alia eiusmodi.
Ita philoniū propter calidas res quas habet nō ca-
lescit, sed infrigidat propter res frigidas. Itē vltra
hoc exiccat etiā hæc aqua. Si dicat quis, stomachus
est laxatus, ergo indiget exiccatione: & hanc præ-
stat hæc aqua. Dico quòd indiget exiccatione quæ
euacuat, & non illa exiccatione quæ consipet, & sic
magis affigit materiā ad ventriculū. Et indigemus
hic euacuatione materiæ, & tunc ventriculus euacua-
ta materia per se confortabit, quod fiet per pharma-
cum suprā dictū. Et sic renib. quidē conferet hæc a-
qua, nō autē ventriculo, qui fiet imbecillior. Si vult,
ratione renum assumat, non autem ventriculi.

Consult.

Consult. CLVII. De paralyſi
ſiniſtri lateris.

ES & ægritudo eſt in propatulo, & ea-
quæ patitur ſunt manifeſta, & ideo ero
breuis. Patitur Magnificus vir impedi-
mentum circa ambulationē in crure ſini-
ſtro, & circa brachium eiſdem lateris, ita vt etiam
oculus ſiniſter ingraueſcat, licet nō ſit affectus quan-
tum ad viſionem: & ſic illa diſpoſitio occupat totam
partē ſiniſtrā, & eſt tantum in motu, nō in ſenſu læ-
ſio. Quæritur quæ ſit ægritudo, & quod accidēs,
& ſub quo genere ponendū, item à quo morbo de-
pendeat. Quantum ad ſymptoma, vtrum ſit paraly-
ſis? Si propriè volumus loqui, dico quòd nō ſit para-
lyſis: nam paralyſis propriè dicta, eſt particularis
apoplexia, & apoplexia eſt paralyſis vniuerſalis: ſicut
& ſpasmus & epilepſia differunt, quòd ſcilicet ſpa-
ſmus eſt epilepſia particularis, & epilepſia ſpasmus
vniuerſalis. Ergo verſantur circa idem. Sed cum apo-
plexia ſemper habeat deperditionē ſenſus & motus,
ita & paralyſis. Hic autē videmus tantum eſſe impe-
dimentū in motu, & nullum in ſenſu, & ideo dico q̃
nō eſt paſſus apoplexiā nec magnā nec leuem. Iuxta
Hipp. ſoluere apoplexiā leuem difficile, & fortè im-
poſſibile. Sed quomodo erit apoplexia ſi nō ſentiaī?
& ſic potius erit ſubita motio alicuius humoris ad
aliquod membrū, & ita non erit apoplexia, nec vera
paralyſis. Eſt impedimentū in illa parte in motu, &
ſic nerui & muſculi ſunt affecti, & q̃ ſpiritus vel vir-
tus prohibet vel propter intemperie, vel propter ob-
ſtructionē. Vtrū ſit hic affluxus materiæ, aut ſola in-
temperies? Audio eum pati granphū, quæ eſt conuul-
ſio quædam leuis, propter ſubitum tranſitū materiæ

ad musculos. Vnde est conuulsio leuis, quia est materia leuis & vaporosa, & sic credo illam membranam debilitatam. Vbi autē est intemperies sine materia non fit ea subito. Ergo credo quod sit facta aliqua præcipitatio alicuius materiae frigidae & pituitosae, quia nō habet dolorē, & est in vno loco, & nō habet calorē, ergo videtur quod à materia frigida. Et ipse etiā dicit se à medicis per calefacientia esse adiutū. Ergo habemus ægritudinē facientē hoc symptoma, & est intemperies cum affluxu materiae frigidae & pituitosae. Nunc de causa videndum illius subitæ præcipitationis, an à capite, an ab alijs partibus proueniat. Ego habeo coniecturam vnam à modo præcipitationis, quia occupauit totam illam partē sinistrā, quod caput fuerit repletū, & sic virtus expulsiua surrexit & expulit: nec credo quod tanta materia à ventriculo sit transmissa, sed quod à capite illa materia deuenit ad eum locum. An ibi generata propter aliquam intemperiem, an ab alijs membris eò deuenit? Ego nō audio quod præcesserit aliquid, quod cerebrum sit obnoxium alicui nocumento, nec quo ad sensus interiores, nec quo ad exteriores. Quod passus est asthma, & quod materia à capite descenderit, fateor: sed inde non sequitur quod illa materia primogenio affectu genita sit in cerebro: & ita credo quod in toto corpore generatur illa materia, & sub modo vaporis ascendit ad caput, & sic præcipitatur ad diuersas partes: & vt hoc credam habeo indicia duo: primum est dispositio corporis, est enim totum corpus humidum, & hepar est calidum & humidum etiam in senectute, multo magis in pueritia tale fuit: omnes enim pueri calidi sunt & humidi, sunt item ingluuiofi, & plurimum ingerunt, & hinc fiunt plurimae evaporationes, quia vbi calor & humiditas multa, ibi etiam

etiam multa fit euaporatio, & ita repletum est caput, teste Galeno, 111. de loc. affect. Qui habent hepar calidum, semper subiecti sunt repletioni capitis. Secundò, huic naturali dispositioni accessit postea ratio victus, quia delectatus semper est cōuiuijs, & sic multiplicata sunt plurima excrementa. Quando erat puer, materia illa superabundans & superflua præcipitata est ad pulmonem, & fecit asthma: postea in iuuentute, vbi calor fit igneus & fortior, multiplicata est adustio: quia vbi plurimum de sanguine, ibi est plurimum de face sanguinis, & etiam bile, & sic natura incitata, loco asthmatis generatus est fluxus hæmorrhoidarum, per quem sanguis melancholicus & adustus expurgatur: quia in mutatione ætatis, vt anno xx i. id est, in tertio septenario, teste aphor. 3. lib. mutantur ægritudines: & sic eo tempore facta est alia ægritudo, siue potius excretio, scilicet mariscarum. Nam & Galenus quærit, an hæmorrhoidarum fluxus sit ægritudo, vel sola excretio quedam. Et sic semper fuit sanus. Postea in senio, vbi iam calor extinguitur, & refrigerat sanguis, & totus habitus corporis, multiplicatur pituita. Hinc in Augusto mense factis obstructionibus, ne materia exiret per mariscas, aggregata sunt excrementa: quia senes volunt viuere vt iuuenes, & accedunt ad conuiuia, quod sæpe soleo in senibus reprehendere, & ideo cōgregant multas superfluitates & frigidas & crudas, & sic ascendunt vapores frigidi ad caput, & repletur caput, quo repleto defluit materia ad partem affectam. Et sic habemus successum huius morbi ex historia rei. Materia est quidem in capite, sed per consensum partium inferiorum, & maximè ventriculi. Quo ad prognosticum, habemus quidem morbum factum, quod est considerandum: sed non video morbum fientem, & nullum

fff

planè video signum morbi fientis. Quando incandescit, repletur caput: & facta est vertigo, quæ est ex bile & crudis humoribus in ventriculo, & non cecidit in terram, sed dixit ad seruū vt eleuaretur, quod non est mirum, quia habuit debile crus. Et sic non video quomodo generetur hic morbus. Neq; erit ratione frigiditatis ventriculi, quæ non est magna, non enim expuit multū &c. Fames illa non est signū frigiditatis ventriculi, imò pituita relaxat os ventriculi, & nō fit fames ex pituita in ventriculo, nisi sit & acida & pauca. Ergo non sequitur, habet famem multam, ergo ventriculum frigidum. Et sic non credo quòd sit ventriculus frigidus, nec quòd sit in cerebro aliqua noxa, sed tantū esse morbum factum. Deniq; dicit, quòd postquā habuit bonam rationem victus, iam melius habeat. Et si haberet membra ista debilitata, etsi comederet mannā, tamen generarentur superfluitates. Et sic non credo ego quòd sit morbus in fieri, sed solū in facto esse. Ergo cura tota ad morbū factum dirigatur, & postea præseruetur, ne iterum aggregetur materia. Nam stante aliqua debilitate capitis, erit timendum ne incidat in maiores ægritudines. Et sic credo quòd tantū morbus factus sit curandus, & nullum membrū faciens curandum.

Petit à nobis præcipuè, an debeat accipere aquas thermarū? Hæc autem assumi potest vario modo, vel per potum, vel aquam, vel foueā, vel lutū. Dico ego quòd non sit differendum remediū ad mensem Septembris, sed nunc debemus occurrere, quia morbus factus est, & membra sunt debilia ex frigidityte, & nisi in æstate hoc fiat, multò minus fiet in autūno: & ideo dico quòd in his caloribus aliquid sit faciendum: & aër, ix. Therap. est pro ægitudine, quia ægritudo est frigida & humida, & aër est calidus & sic
cus,

eus, & sic est conueniens tempus operandi. Non au-
 tem darem hanc aquā in potu hoc tempore, sed po-
 tius in Septembri, quia calefacit non solū ventri-
 culum, sed etiam venas, neruos & musculos, quod ex
 sudore, quem prouocat, videmus. Quo ad stillici-
 dium, dico quòd non cōueniet, quia illud membrū,
 scilicet cerebrum, non est affectum, & morbo facto
 est occurrendum. Et sic non sentio cum medicis Ve-
 netis, qui consuluerunt eius Magnificentie stillici-
 dium tale. Sed pro parte affecta suaderem ego quòd
 fieret stillicidium: verū quia iam sunt maximi calo-
 res, & aēr balnearū nunc est pessimus, & propter va-
 pores & propter muscas, non consulerē quòd acce-
 deret ad balnea, sed quòd curaret sibi afferri eam a-
 quam tam calidā actu vt fieri posset, & sic fieret stil-
 licidiū pro parte affecta, & maximè circa vertebrae
 colli, vbi fermè est causā omnium dolorum, & etiam
 circa alias partes. Et quia habemus aërem vnā ope-
 rantē, sentio quidē cum medicis Venetis, quòd con-
 ueniat stillicidiū, sed non in capite, vt ipsi dicūt, sed
 circa illas partes quas dixi, scilicet vertebrae colli,
 vt videāt medici Veneti quòd & nos rem intelliga-
 mus. Quo ad foueas & lutū dimittere nūc, quia nō
 est tempus opportunū. Interim tamen, vt est consue-
 tudo nostra, & experientia edocti sumus, ne resolu-
 tur illud quod est tenue, & indurent partes crassio-
 res, emolliatur quotidie illa materia, quando scili-
 cet non est vsus balnei. An conueniat cauterium?
 Ego credo quòd omnino fieri debeat: sed maxima
 quæstio est, in quo loco fieri debeat. In cauterio ha-
 bemus quatuor. Primū, corroboratiōē loci & exic-
 cationem: ideo sæpe applicamus ipsi loco affecto, vt
 Gal. applicat, sinapismos capiti & parti læsæ, & Albu-
 casis capiti applicat cauteria. Secundum, vt fiat di-

CONSULT. MEDICIN.


uerfio. Tertium, vt deriuetur materia à loco propinquo ad locū alium: vt cū in epilepfia facimus cauteria in crure, est auerfio: deriuatio est, vt cū patiente coxendice dextra, facimus cauteriū in loco vicino. Ideo Gal. pro validiffimo remedio phlebotomauit eundem locum in ischiade. Quartum est euacuatio à loco, vt etiam euacuet materia in loco existens, cū est morbus factus. Hic nō indigemus diuersione, quia materia illa in loco, & imbibita in venis, nō potest trahi per auersionē: & ideo non facerē diuersionem in pede altero, quia illa diuersio esset vana & inutilis. Si ratione deriuationis, an conueniat circa partes affectas? Dico, quia tota pars à principio ad finem afficitur, nescio in qua parte debeat fieri cauterium pro illa deriuatione. An verò pro corroboratione loci? Hoc cauteriū non debet fieri, nisi post euacuationē materiæ illius loci, & ideo nō pro corroboratione etiā loci conueniet cauteriū. An pro euacuatione à loco, qui est quartus vsus cauteriorū? Dico quòd nec hoc, quia totus ille locus patitur: igitur non video quomodo cauteriū cōuenire possit. Ideo primò vellem euacuare materiā ad præseruationem, & non ad curationē: & facerem cauteriū in brachio dextro, & in crure dextro, non vt curarem morbum, qui est in loco affecto, sed vt cū applico resoluētia ad illum locum affectū, ne trahat materia ad locū affectum. Facerē igitur cauteria in brachio & crure sano propter diuersionē, quia tota pars sinistra est affecta: & non facerem propter materiam in loco existentem, sed propter præseruationem, non vt tollatur ægritudo facta. Et sic accipiat istud stillicidium circa illam partem, vt diximus, & cauteria applicentur, prout indicauimus esse ex re Magnificentie suæ.

F I N I S.

IO.

IO. BAPTISTÆ MON-
TANI CONSULTATIONVM
medicinalium Index

A



Blutio, ad roborandum mundandumq;

caput conferens

4

ablutionis formula

334

abscessus quibus modis terminent.

593

absinthium

573. 588

absinthij substantia

553,

eiusdem vsus

52

abstergentia vlcus

742

abstergentiũ tenuitas cur moderata esse debeat, præ-

cipue si fuerit adiuncta caliditati

552

abstersioni cur minor tenuitas quàm incisioni re-

quiratur

551

abstersioni quæ conueniant

ibidem

acetosa

758.

eiusdem virtus

535

acetum

551

acetum an bilem in pituitam degenerare faciat

376

acetũ cõuenire magis biliosis quàm melanch.

ibid.

acetum cur magis incìdat quàm abstergat

553

acetum cur maximè refrigerare dicatur

557

acetum in profundis etiam neruorũ vulneribus Ga-

lenum exhibuisse

253

acetum nocere neruis ex duplici causa

144. 739

aceti vires

145

aceti vsum exiguum senibus nihil obesse posse

471

aceto Annibalem rupes & moles lapideas fregisse &

dissecisse

413

acori vires

216

acrimoniam sanguinis emendans

400

acris sapor vnde fiat

573

actio animalis vnde immediatè procedat

249

fff

3

I N D E X.

actioni visus diminutæ quibus remedijs succurrendum	185
actionem Medici circa epilepsiam genere triplicem esse	54
actionem omnem à calore moderato fieri	372
actiones cerebri quibus de causis remittantur	173
adeps anserinus	206
adipis anserini vsus	579
adeps porcinus	741
ægrî fiduciam in medico, & arti & consilio, & omnibus medicine instrumentis præferendam, Auicenna opinatur	415
ægrî nonnulli cur à decocto ligni male habeant	305
ægritudinem ibi esse, vbi dolor sit	503.506
ægroti longum interitum parare medicos, si in magnis ægritudinibus, à leuioribus incipiant	536
ænearum thermarum vsus quibus conueniens	12
æqualitas & inæqualitas pulsus vnde attendatur.	583
acris nebulosi & humidi effectus	373
acris permutatione in quo morbo opus sit	197
acrem mirum in modum corpora nostra, cùm continuè attrahatur, immutare	196
æstatis calor quos effectus habeat	160
æstate cur pedes intumescant, hyeme exsiccent	523
ætatem x x i i. annorû in fœmina, æquipollere prope modum x l. annis viri	602
affectionibus neruorum cur acetum conueniat	740
affectus calculosi quæ sit proprietas	416
affectus melancholicos omnes diu perdurare	707
affectuum melancholicorum cura cur difficilis	707
agaricus cur naturæ familiarissimus	52
agaricus cur quadantenus infamis, & quomodo corrigendus	ibid.
agarici proprietas	206
	aga-

I N D E X.

agarici vires	145.582.	vsus	513
agrimonia			569
alba fluere mulieribus per vuluam, viris autem per			
penem			450
alborum fluxio quibus de causis oriatur			ibid.
aldubalaton			593
Alexandrinæ aureæ examen			544
allium habere formam specificā contrariam Magne-			
tis actioni			456
aloë 573.	eiusdem substantia		553
vsus			16
aloës vsus etiam tempore æstatis concedi posse.			489
aloën & absinthium magis stomacho quam hepati			
conuenire			561
alopecia quid			716
althæa			551
alui astrictio vnde			764
alui excretionibus quibus medijs promoueantur.			408
alumen			553
amara, quæ calida sunt, cur abstergant			552
amara quænam habere vim maximam propriamque			
aperiendi dicantur			553
amaritudo vnde constat			572
amaritudinis causa			445
amaritudinem esse obiectum, gustum vellicans			572
amaritudinem omnem in caliditate secundum gra-			
dum non pertransire			573
ammoniacum			741
anasarca vnde causetur			567
anatomiam apud Arabes lege prohibitam fuisse			173
anatomica Arabum esse fragmenta, ex Galeno col-			
lecta			173
Andromachi theriaca cur vocata			545
Andromachum Neronis Imper. tempore, mira arte			

I N D E X.

theriacā aduersus omnia venena cōposuisse	545
anethini olei vsus	579
angularis iuncus	559
anhelitus difficultas vnde	745
anhelitus difficultati, vertigini ac defœdationi cu- tis quomodo succurratur	752
animalis virtutis sedes in cerebro	173
animam alio occupatam non percipere obiecta.	706
animi affectus ad morbos epilepticos concitandos plurimùm posse	63
animi accidentia plurimùm facere ad resolutionem spirituum	215
animi insignes molestiæ, quid malorum in corpori- bus excitent.	160
annum quartū esse criticū morborū chronicorū	718
antidota à quibus confici possint	545
antidota ortū habuisse à Regibus & principib. ibid.	
antidota triplici de causa componi	ibid.
antidoti Auræ Alexandrinę præsidia	546
Antoninus Imperator cur ab assumpta theriaca, etiā iura dādo populis, nō leui somno correptus sit.	548
Antoninus sublato à theriaca opio, in maximas vigi- lias incidit.	554
aperientia cur necessariò calida esse debeant	553
aperientia plus æquo in renum valetudine conser- uanda, semper noxia esse	467
aperire si voluerimus, semper amara addenda	576
apium à proprietate sua nocere epilepticis	95
apium Galeni nostrum esse petroselinum	603
apium Auicennæ quod sit	66
ἀποφλεγμῆται	58
apoplexia quantum afferat incōmodi	200
apoplexia vnde causetur	97
apoplexiæ & epilepsiæ discrimen	62
apo-	

I N D E X.

apoplexiæ futuræ signa	148
apoplexiæ terminatæ in paralyfin dextri brachij & cruris, cum diminutione earundē partiū, cura. ib.	
apostema seu inflammatio quid sit	593
apostemata cancrofa in narib. quomodo curāda	241
apostemofa lafsitudo vnde fiat	502
apostemofam lafsitudinē femper fequi febrem. ibid.	
Apponenfium aquarum vires	157
apri, alimentum optimum	418
aqua chalybeata cur fplenetico indurato exhibea- tur	643
aqua fumi terræ	163
quæ deftillatæ ad maculas, cutisq; afperitates	343
quæ endiuixæ natura	344.
quæ mulfæ vſus	316
quam Aquarij eſſe aluminofam & adstringentē	643
quæ balneorum Villæ quales	30
quæ deftillatæ	ibid.
quæ thermarum ferrearum in agro Veronenſi, Cal- derianæ in Lucenſi, Villanæ	410.
quando con- tra calculum ſint potandæ	684
quæ thermarum Veronenſium	411
quarum in agro Regij Longobardiæ vires	644
quæ deſtillatis non multū confidendum	401
& pag.	700
quas deſtillatas Arabum longè meliores noſtris fuiſſe	687
quas deſtillatas omnes frigidas eſſe	686
quas thermarum ferrearum calculoſis vt plurimū conferre	205
quæ deſtillatis cur vtendum	410
aquea cur non moueant ſenſus	687
Arabes anatomix ignaros fuiſſe	572
Arabes de compoſitione medicamentorum metho- fff	172

I N D E X.

dum habuisse	660
Arabes cur relictis vesicatorijs, ad cauteria capitis transiuerint	172
Arabes fuisse maximos Alchimistas	303
Arabes omnes potius confusos esse, quàm mēdaces.	571
Arabum laus	660
Arculanus, Rasis & Auicennæ autoritatē saluare cu- piens, non male distinxit diuretica	494
ardor vrinæ vnde oriatur	457
ardoris vrinæ causa	444
ardoris vrinæ, cum quadam suppressione vrinæ &c. curatio	473
ardori vrinæ quomodo succurrendum	431
arefactio totius corporis à qua causa dependeat	371
arenæ & calculi causa efficiens	420
materialis	ibid.
arenulæ fuluæ, asperæ, quæ ex se vniri non possunt, nisi viscidum accesserit, cur in calculosis præce- dant	404
arenularum rubearum excretio vnde causetur	487
arenulis & futuro calculo quomodo succurrat.	420
arenulas in vrinis subsistentes, calculum fieri vel in renibus vel in vesica indicant	415
argentum sublimatum quale	394
argentum viuum calcinatum esse calidum in quarto ordine	303
argentum viuum, nec minerale nec artificiale, lini- mentis aut suffumigijs addendum esse	304
argentum viuum operationem suam facere contra methodum & contra rationem	303
argentum viuum, quicquid in iuncturis est, ad pul- monem trahere	ibid.
argentum viuum tam minerale quàm artificiale, ve- nenum esse	304
	argen-

I N D E X.

argentū viuum, tota forma sua naturæ humanæ cō-	
trariari	646
argenti viui effectus	ibid.
argenti viui inunctio quàm sit exitiosa	302.303
argenti viui natura qualis secundùm Arabes	394
Aristoteles voluit puellas nō debere nubere ante 18.	
annum, & adolescentes ante 28.	730
Arnoldi de Noua villa mentio	686
aromata cur calculosi summopere vitare debeāt.	409
aromatariōrū in lauandis metallis negligentia	594
aromatum vsus apud Germanos immodicus	11
arteriæ	805
articulorū dolores, à doloribus Gallici morbi quo-	
modo distinguantur	785
artis cōfectiones & mixturas illis quæ à natura fiunt	
imperfectiores esse	254
arthritidis	141
asari examen	556.557
ascites & tympanites vnde fiant	568
asthmatis curatio	14
astringentium catalogus	467
tractio cōmoda vnde consequatur	555
tractionis præter naturam causa	356
ἀσροφία seu tabes, vnde fiat	590
auditorium rarum & frequens cur dicatur	584
auditus instrumenta	788
Auerroës, lima Galeni, notatus	684
Auerrois taxatus	504
auertere cur prius debeamus, antequàm membrum	
corroboremus	454
Augustus Cæsar cur Dijs maximo sacrificio sacrifi-	
carit	252
Augustum Cæsarem, cū euasisset climactericū ma-	
iolem, Dijs sacrificasse	166

I N D E X.

dum habuisse	660
Arabes cur relictis vesicatorijs, ad cauteria capitis transiuerint	172
Arabes fuisse maximos Alchimistas	303
Arabes omnes potius cōfufos esse, quàm mēdaces.	571
Arabum laus	660
Arculanus, Rasis & Auicennæ autoritatē saluare cu- piens, non male distinxit diuretica	494
ardor vrinæ vnde oriatur	457
ardoris vrinæ causa	444
ardoris vrinæ, cum quadam suppressione vrinæ &c. curatio	473
ardori vrinæ quomodo succurrendum	431
arefactio totius corporis à qua causa dependeat	371
arenæ & calculi causa efficiens	420
materialis	ibid.
arenulæ fuluæ, asperæ, quæ ex se vniri non possunt, nisi viscidum accesserit, cur in calculosis præce- dant	404
arenularum rubearum excretio vnde causetur	487
arenulis & futuro calculo quomodo succurrat.	420
arenulas in vrinis subsistentes, calculum fieri vel in renibus vel in vesica indicant	415
argentum sublimatum quale	394
argentum viuum calcinatum esse calidum in quarto ordine	303
argentum viuum, nec minerale nec artificiale, lini- mentis aut suffumigijs addendum esse	304
argentum viuum operationem suam facere contra methodum & contra rationem	303
argentum viuum, quicquid in iuncturis est, ad pul- monem trahere	ibid.
argentum viuum tam minerale quàm artificiale, ve- nenum esse	304
	argen-

I N D E X.

argentū viuum, tota forma sua naturæ humanæ con-	
trariari	646
argenti viui effectus	ibid.
argenti viui inunctio quàm sit exitiosa	302.303
argenti viui natura qualis secundùm Arabes	394
Aristoteles voluit puellas nō debere nubere ante 18.	
annum, & adolescentes ante 28.	730
Arnoldi de Noua villa mentio	686
aromata cur calculosi summopere vitare debeāt.	409
aromatariorū in lauandis metallis negligentia	594
aromatum vsus apud Germanos immodicus	II
arteriæ	805
articulorū dolores, à doloribus Gallici morbi quo-	
modo distinguantur	785
artis cōfectiones & mixturas illis quæ à natura fiunt	
imperfectiores esse	254
arthritidis	141
asari examen	556.557
ascites & tympanites vnde fiant	568
asthmatis curatio	14
astringentium catalogus	467
tractio cōmoda vnde consequatur	555
tractionis præter naturam causa	356
ἀσροφία seu tabes, vnde fiat	590
auditorium rarum & frequens cur dicatur	584
auditus instrumenta	788
Auerroës, lima Galeni, notatus	684
Auerrois taxatus	504
auertere cur prius debeamus, antequàm membrum	
corroboremus	454
Augustus Cæsar cur Dijs maximo sacrificio sacrifi-	
carit	252
Augustum Cæsarem, cū euasisset climactericū ma-	
iozem, Dijs sacrificasse	166

I N D E X.

dum habuisse	660
Arabes cur relictis vesicatorijs, ad cauteria capitis transuerint	172
Arabes fuisse maximos Alchimistas	303
Arabes omnes potius confusos esse, quàm mēdaces.	571
Arabum laus	660
Arculanus, Rasis & Auicennæ autoritatē saluare cu- piens, non male distinxit diuretica	494
ardor vrinæ vnde oriatur	457
ardoris vrinæ causa	444
ardoris vrinæ, cum quadam suppressione vrinæ &c. curatio	473
ardori vrinæ quomodo succurrendum	431
arefactio totius corporis à qua causa dependeat	371
arenæ & calculi causa efficiens	420
materialis	ibid.
arenulæ fuluæ, asperæ, quæ ex se vniri non possunt, nisi viscidum accesserit, cur in calculosis præce- dant	404
arenularum rubearum excretio vnde causetur	487
arenulis & futuro calculo quomodo succurrat.	420
arenulas in vrinis subsistentes, calculum fieri vel in renibus vel in vesica indicant	415
argentum sublimatum quale	394
argentum viuum calcinatum esse calidum in quarto ordine	303
argentum viuum, nec minerale nec artificiale, lini- mentis aut suffumigijs addendum esse	304
argentum viuum operationem suam facere contra methodum & contra rationem	303
argentum viuum, quicquid in iuncturis est, ad pul- monem trahere	ibid.
argentum viuum tam minerale quàm artificiale, ve- nenum esse	304
	argen-

I N D E X.

Argentū viuum, tota forma sua naturæ humanæ con-	
trariari	646
Argenti viui effectus	ibid.
Argenti viui inunctio quàm sit exitiosa	302.303
Argenti viui natura qualis secundùm Arabes	394
Aristoteles voluit puellas nō debere nubere ante 18.	
annum, & adolescentes ante 28.	730
Arnoldi de Noua villa mentio	686
Aromata cur calculosi summopere vitare debeāt.	409
Aromatariorū in lauandis metallis negligentia	594
Aromatum vsus apud Germanos immodicus	11
Arteriæ	805
Articulorū dolores, à doloribus Gallici morbi quo-	
modo distinguantur	785
Artis cōfectiones & mixturas illis quæ à natura fiunt	
imperfectiores esse	254
Arthritis	141
Asari examen	556.557
Ascites & tympanites vnde fiant	568
Asthmatis curatio	14
Astringentium catalogus	467
Attractio cōmoda vnde consequatur	555
Attractionis præter naturam causa	356
ἀτροφία seu tabes, vnde fiat	590
Auditorium rarum & frequens cur dicatur	584
Auditus instrumenta	788
Auerroës, lima Galeni, notatus	684
Auerrois taxatus	504
Auerrere cur prius debeamus, antequàm membrum	
corroboremus	454
Augustus Cæsar cur Dijs maximo sacrificio sacrifi-	
carit	252
Augustum Cæsarem, cū euasisset climactericū ma-	
iorem, Dijs sacrificasse	166

I N D E X.

Auicenna defenditur	504
Auicenna & Galenus de apio conciliantur	603
Auicennæ apium quale sit	96
Auicennæ & Galeni de hectica loci conciliatio	590
Auicennæ lapsus, & quomodo possit excusari	449
Auicennæ præceptum de edendi modo	57
Auicennam duobus verbis curam febrium putridarum diuinè docuisse	700
Auicennam vnguentū ex argento viuo reprobasse, Græcos omnes tanquam venenum refugisse	303
aura venenosa	61
Auræ Alexandrinæ vires 546. cur ita dicta	ibid.
vnde cognominata	ibid.
auripigmentū cur linguam, si super ipsam appositum fuerit, statim vlceret	455
aurium tinnitus quomodo curandus	134
Auster quomodo noceat	602
autor Auræ Alexandrinæ, cur opium & narcotica huic antidoto adiecerit	554
autorem antidoti Auræ Alexandrinæ quatuor cogitasse	550
axioma medicum	303

B

Balbi cur diarrhœa corripiantur	512
balneum an melancholicis conueniat	629
balneum an podagricis concedendum	726. 727
balneum aquæ dulcis quæ cōmoda præstet	397
balnea factitia vtrum thermis præferenda	254
balnea quando ingredienda	377
balnea S. Bartholomæi	741
bdellium	551
bibere post cœnam deterrimum	39
bilis concoctæ & crudæ color	527
bilis frigus quid à quartanæ frigore differat	658
blen-	

I N D E X.

ilis officium	783
lenna, siue mucus	507
olus Armenus an peste correptis conueniat	612
oli Armeni proprietates atque vis	34
oli Armeni utilitas	619
ononiensis aeris & Ferrariensis in estate qualitas	524
oreas quomodo noceat	602
ranchi & catarrhi cur in senibus raro, id est, nunquam maturentur	203.621
rodiu lubricans corpus, & facies egerere valde	197
ronchus	141.200
ronchos & coryzas in valde senibus coctione non admittere	507
yzantiui syrupi utilitas	733
C	
Alamenthi aquam destillatam in frigidare.	205.685
alamenthi herbae vires	685
achexiae indicium	306.398
alculosus quibus cibis vesci debeat	409
alculosus an quotidie diureticorum usus conueniat.	413
alculosis quanam acetaria & condimenta conueniant	409
alculus in vesica cur generetur	405
alculus non obstruens collum vesicae, non est causa, neque impedimentum emissionis urinae	434
alculi causa efficiens quae sit	404
procatarctice	ibid.
alculi cur ut plurimum rubei & subcitrini cum aliquali albedine appareant	405
alculi dolor in transitu a renibus ad vesicam, cur non sentiatur	406
alculi dolor per virgam egrediens cur sentiatur	406
alculi materia 165. eiusdem praeservatio	487
alculi renalis curatio	402.415

I N D E X.

Auicenna defenditur	504
Auicenna & Galenus de apio conciliantur	603
Auicennæ apium quale sit	96
Auicennæ & Galeni de hēctica loci conciliatio	590
Auicennæ lapsus, & quomodo possit excusari	449
Auicennæ præceptum de edendi modo	57
Auicennam duobus verbis curam febrium putridarum diuinè docuisse	700
Auicennam vnguentū ex argento viuo reprobasse, Græcos omnes tanquam venenum refugisse	303
aura venenosa	61
Auræ Alexandrinæ vires 546. cur ita dicta	ibid.
vnde cognominata	ibid.
auripigmentū cur linguam, si super ipsam appositum fuerit, statim vlceret	455
aurium tinnitus quomodo curandus	134
Auster quomodo noceat	602
autor Auræ Alexandrinæ, cur opium & narcotica huic antidoto adiecerit	554
autorem ntidoti Auræ Alexandrinæ quatuor cogitasse	550
axioma medicum	303

B

Balbi cur diarrhœa corripiantur	512
balneum an melancholicis conueniat	629
balneum an podagricis concedendum	726.727
balneum aquæ dulcis quæ cōmoda præstet	397
balnea factitia vtrum thermis præferenda	254
balnea quando ingredienda	377
balnea S. Bartholomæi	741
bdellium	551
bibere post cœnam deterrimum	39
bilis concoctæ & crudæ color	527
bilis frigus quid à quartanæ frigore differat	658
blen-	

I N D E X.

ilis officium	783
lenna, siue mucus	507
olus Armenus an peste correptis conueniat	612
oli Armeni proprietas atque vis	34
oli Armeni vtilitas	619
ononiēsis aëris & Ferrariēsis in estate qualitas	524
oreas quomodo noceat	602
ranchi & catarrhi cur in senibus rarò, id est, nunquam maturentur	203.621
rodiū lubricans corpus, & faciēs egerere valde.	197
ronchus	141.200
ronchos & coryzas in valde senibus coctionē non admittere	507
yzantiui syrupi vtilitas	733
C	
Alamenthi aquam destillatā in frigidare.	205.685
alamenthi herbæ vires	685
achexiæ indicium	306.398
alculofus quibus cibis vesci debeat	409
alculofis an quotidie diureticorū vsus cōueniat.	413
alculofis quænam acetaria & condimenta conueniant	409
alculus in vesica cur generetur	405
alculus non obstruens collum vesicæ, non est causa, neque impedimentum emissionis vrinæ	434
alculi causa efficiens quæ sit	404
procatarcticę	ibid.
alculi cur vt plurimū rubei & subcitrini cum aliquali albedine appareant	405
alculi dolor in transitu à renibus ad vesicā, cur non sentiatur	406
alculi dolor per virgā egrediens cur sentiatur	406
alculi materia 165. eiusdem præseruatio	487
alculi renalis curatio	402.415

I N D E X.

calculi signa	396
calculi vesicæ, cum stranguria vrinæ, curatio	433
calculo, dolori renali & iuncturarū, cum ardore vrinæ, quomodo succurrendum	457
calculo nihil magis esse reciduum	408
calculus ad fluxionum genera referri debere	403
calculus crebrius & frequentius ex bile mixta cum pituita, nasci	403
calculus esse morbum in compositione, generatum ex affluxu materiæ	436
calculū patiētes cur plurimas arenulas habeāt.	404
calculus vesicæ sine incisione curari nō posse	437
calculi ex calore cocti & concreti, quomodo dissoluantur	413
calculi in renibus cur citō generentur	406
calculi in substantia renum geniti, quomodo deprehendantur	407
calculi in substantia seu carne renum quomodo generari possint	403
calculi plurimi in renibus quando generentur	406
calculi quomodo dissoluendi	413
calculi unde generentur	596
calculis quinam subiecti sint	404
calculos ex quatuor humoribus generari posse	403
calculos cur sæpe arenulæ non præcedant	407
calculos ex pituitæ maiori copia generatos minus periculosos esse	404
calculos tres ad fabæ magnitudinē excretos, ad virgā protrusos, aquis diureticis expulsos fuisse.	407
calidæ & siccæ temperaturæ signa	298
Calderiana balnea quæ cōmoda præstēt.	137.536.430
Calderiana balnea qualia	378
caliditas in ligno Guaiaco cur primo occurso non sentiat	455
cali-	

I N D E X.

caliditatis primū gradum transire non debere, quæ concoquere aut maturare debent inflammationem à sanguine & calida materia	579
caliditatis signa	441
caliditatem arguentia	601
calidum hepar habētes, maximè plenitudini capitis esse subiectos	264
calidi cerebri signa	511
calidi esse aperire, frigidi constipare	30.553
calidi hepatis signa	139.179
calida venena quę dicantur	360
calidis & siccis cur frigida admiscenda	548
calor innatus quomodo conseruandus	476
calor nasturtij, sinapis, thapsiæ, cantharidumq; cur sit pertinacissimus exurensq;	562
caloris naturalis proprium	466
calorem naturalem corroborantia	306
calore naturali corroborato, omnes virtutes corro- borari	578
Cameranum, & Doctorē de Bataglijs ex apertione orificiorum venarum spuisse sanguinem	112
cani capilli cur efficiantur	566
cantharides	276
capparum radices	513
caput quibus de causis facilè repleatur	236.712.713
caput & ventriculum corroborantia	536
caput quomodo corroborandum, ne recipiat vapo- res	533
caput corroborantia, pituitamq; educentia	58.177
caput humidum esse propter plurima excrementa, non esse necessariò verum	234
caput mala temperie facilius liberari, si prius excre- menta exhauriantur	547
caput vaporibus calidis facilè repleri, quibus hepa-	

I N D E X.

sis temperatura calida fuerit	17
caput repletia, & humorem excrementitium efficiencia	95
capitis corroboratio quomodo instituenda	52
capitis dolor cum destillatione ex imbecillitate ventriculi & hepatis, quomodo curetur	1
capitis dolor periodicus, grauitas eius, & sibilus aurium quomodo curentur	80
capitis dolori cum asthma, & dolori dextri lateris, cum leui febre, quomodo occurrendum	138
capitis humidi signa	235. 754
capitis repletionibus quinam subiecti sint	667
capite euacuato, temperatura frigida quomodo emendanda	554
capita decem in antidoto Aureæ Alexandrinæ consideranda	546
caputpurgia per nares	513
caputpurgia, & expurgationes per nares violentæ cur non laudentur	9
cardiacæ passionis cura	281
cardiaci affectus causæ	282
cardinalis quidam totus contractus ex balneo S. Bartholomæi curatus est	741
caro testudinis cur non omnibus febribus hecticis conferat	683
carpobalsami examen	557
Cassianus refutatur	201
cassia mannæ cur præferenda	337
cassiæ examen 560. eiusdem laus	337
vires 437. vsus	534
cassiam flatus & tormina excitare	176
cassiam magis corroborare stomachum & membra naturalia quàm cinnamomum	560
Cassianum & M. Antonium Barolinum ex fluxu ventris	

I N D E X.

tris perijſſe	588
caſtoreum	557
cataplaſma expertum ad oculum ophthalmicum.	231
catarrhoſæ diſpoſitionis cum ventriculi imbecilli- tate curatio	164
catarrhoſi cur non fiant ſplenetici	639.940
catarrhus	141.200
catarrhus cur falſus fiat	771
catarrhus, dolor capitis cum vertigine, dolore pòda- grico, & œdematico tumore cruris, quomodo curentur	40
catarrhus quibus ſiſtatur	749
catarrhi cum affectu quodã melancholico cura.	784
catarrhum deſcendentem ſecundùm locorum diuer- ſitatē, quænam ſymptomata conſequantur	41
catarrhum ſouentia, & generantia	27
catarrho nil deterrius, quàm dormituris bibere	271
catarrhi falſi vnde fiant	640
catarrhi ſenibus quomodo congeniti fiant	203
catarrhos & deſtillationes cur calculoſi ſummope- re cauere debeant	416
catarrhos in ſenibus difficulter, id eſt, nunquam cu- rari	166
catarrhi, cum fluore ſanguinis, macie corporis & do- lore pectoris curatio	72
catarrhi cum multis alijs ſymptomatis cõiuncti, cu- ratio	742
catarrhi curatio	130
catarrhi deſcendentis ad vertebraſ colli, & impe- dientis circumgyrationem capitis, item immun- dæ matricis, curatio	248
catarrhi diuturni ex intemperie frigida & humida ce- rebri, curatio	71
catarrhi, in quo periculum de tabe, curatio	170

I N D E X.

catarrho, dolori capitis, pleuritidi & febris quomodo succurrendum	616
catarrho subiectis quid sit omnium pestilentissimum.	73
catarrhum à superioribus ad inferiora non per asperam arteriam descendere	637
causam improprie sumptum	774
causonicam febrem etiam ex pituita salsa fieri	ibid.
causae intrinsecæ variorum symptomatum enarratae.	475
causae morbum facientes duplices	193
causae materiales epilepsiae duplices	604
causae procatarticae calculi	404
cauteria actualia	615
cauteria capitis cur sint valde periculosa	172
cauteria duplicia esse	615. (98
cerebrum ad maiorem æqualitatem quomodo traducatur	
cerebrum cur frigidum esse Aristoteles dixerit	235
cerebrum cur non possit ita exiccari, ut ea de causa contrahatur, & epilepsia fiat	62
cerebri calidi & sicci signa	790.811
cerebri & cordis corroboratio	147
cerebrum ex quibus quammaxime afficiatur nocucumento	15
cerebri caliditas unde indicetur	179.743. (163
cerebri exiccationem, melancholicis plurimum obesse	
cerebrum frigidum & siccum, cur sit necessario plurimis excrementis obnoxium	263
cerebri frigidi & humidi signa	250
cerebri frigidi & sicci signa	263
cerebri frigidi cum humiditate effectus	173
cerebri humiditas unde indicetur	14.63
cerebri imbecillitas, cum vertigine & catarrho, quomodo curetur	21
cerebri officium	235
cerebrum omnium sensuum principium	788
	cero-

I N D E X.

cerebri optimè dispositi signa	194
cerebri sicci signa 81.235.	(tur.635)
cerebri tēperatura calida, ex quibus signis cognosca	
cerebrum crescere & decrescere ad motū lunæ.	247
cerotum œsopi descriptione Philagrii	573
cerota ad lienis tumorem	347.348.349
ceruisia cur calculosis dimittenda	409
cerussam inficere dentes	360
chamæmelum	551
chamædrys	569
chebulos myrobalanos iuncturas corroborare	146
χίμωσις quid	219
χίμωσις ab ophthalmia quid differat	219
chiragra quid	812
cholera vitellina, ab Auicenna cholera maioris fa-	
mæ, appellata	144
cholici curatio	676
chordæ cur aliquando breuiores fiant	729.737
chordæ dolor cur non sit tam sensibilis ac nerui do-	
lor	ibid.
chordæ quomodo ossibus alligentur	735
chordarum officium	729
Chrysostomi Aretini mentio	486
clystere pro cholico	677
cibus nouus, nisi pristinus prorsus concoctus ac di-	
stributus fuerit, cur non sit ingerendus	161
cibi à cibo conuenientes stomacho	216
ciborum varietate & multitudine, cur nihil sit perni-	
ciosius	5.70.161.417.520
ciborū multitudine & varietate, nihil detestabilius,	
aut magis perniciosum esse 520.	(161
ciborū varietas quæ malorū genera hominib. afferat	
cichoracea omnia confortando ventriculo apprimè	
vtilia esse	614

I N D E X.

cinnamomū cur ptisanæ hordeaceæ addendum	579
cichoreum	569
cinnamomum 95. vires eiusdem	679
cinnamomū verum non haberi, sed pro eo cassia nos	
vti 560. eius examen	ibid.
cinnamomo deficiente, cur eius vice duplo cassiæ	
vtendum sit	560
cinis alkali	615
circulus mutans lēSIONem inter cerebrum & ventri-	
culum	I
climactericum maiorem paucissimos euadere	252
cochiarum pilularum vsus	642
coctio omnis vnde fiat	661
coctio redundantis humoris, cur ante expulsionem	
tentanda	550
coctio ventriculi vnde fiat	723
coctionis finis	661
cœliacæ anus curatio	678
cognitionem veram vtrum ex vrina semel corrupta	
& calida aqua reparata sumere possimus	580
coitus quando cauendus	160
coitus detestatio cur fiat	118
coitus nimij incommoda	187
collyrium ad suffusionem	624
collyrium corroborans, mundificans, abstergens, &	
confortans oculum	185
color vrinæ rufus	388
colorem dominium humorum attestari, nisi ad pro-	
fundum decumbant	355
colorem indicium præbere humorum existentium	
in corpore maximum	592
compositionis ex aloë, agarico & rhabarbaro vsus. 52	
côcocta medicari atque mouere, non cruda, cur de-	
beamus	376
	con-

I N D E X.

concoctio prima quibus de causis debilitetur	473
concoctio propriè dicta quid	549
concoctio quibus medicinis adiuuetur	551
& quomodo fiat	555. (551)
cōcoctioni materiæ crassæ & pituitosæ cōuenientia	
concoquendi vim quænam obtineant	547
concoquentia materiã frigidam, non debere secun-	
dum caliditatis gradum transire	580
confectionis hamech vtilitas	438.592. (284)
confectio ad cordis & ventriculi corroboracionem	
confortatio quid sit	587
congelatio facta à frigido quomodo resoluenda.	739
consequentis fallaciæ	234.235 (496)
conseruatio sanitatis & præseueratio quid differant	
constrictionem capitis & tinnitum aurium sympto-	
ma esse	234
contagium morbi Gallici non habere nomen	307
contentio Montani cum reliquis quibusdam medi-	
cis de hydropico ex ascite & tympanite, num per	
ficca vel humida curandus sit	568
continuas febres non cum rigore fieri	670
coquo quis finis propositus	331
cor quibus confortandum	751
cor vbi putredo corripuerit, omnia destrui	621
cordis ac ventriculi corroborans confectio	284
cordis calidi & spiritib. referti signa. 82. 179. 194.	635
cordis calidi signa	635.811. eius officium
cordi quibus rebus prouidendum	556
corde affecto, cur necesse sit omnes corporis partes	
aut deficere, aut male habere	556
coralli examen	562
coralli & præoniæ suspensionem nihil prorsus iuuare	
neque nocere, Montanum expertum esse	563
coriandrum infrigidare	573.814

I N D E X.

coriandrorum assiduus vsus nocet	216
corneta	381
cornu cerui vsti, loco boli Armeni ad exiccationem esse vtendum	622
corpus ad excremēta multiplicāda in cerebro quod nam sit paratissimum	530
corpus cur non bene nutriatur	372, (683
corpus in tabem dilapsū, quomodo humectandū	
corporis omnium partium mutuam quandam con- uenientiam esse, vt suapte natura altera alteri oc- currat, & secundū omnes affectus cōsentiant.	175
corpora calida & humida cur facilius putredines pa- tiantur	768
corpora habentia membra inferiora calida, & maxi- mè hepar, cur facilè capitis repletionē laborēt.	179
corpora inæqualium memborum cur perpetua præ- seruatione indigeant	162
corpora quæ humiditatib. & pituita redundant.	744
corpora quænam repletioni apta	636
corpora quæ tabi obnoxia	313
corpora vbi purgare valueris, oportet prius fluida facere	554
corricij laus	218
corroborantia calorem naturalem	306
corroboratio cerebri & cordis	147
corroborantia caput & ventriculū	536
corticis thuris examen	564
cotonei ptisanæ adiectæ vsus	751
coturnicum vsus improbatur	18
coxendicum dolor vnde causetur	791
crassities humorum vnde proueniat	394
crassū alimentum gignentia	468
crassū & nigrū vinū calculosis maximè noxiū.	501
crassos ac viscidos humores gignētia, renibus quam maxi-	

I N D E X.

maximè aduersari	468
crocus	551.741
cruditas melancholico omnino vitanda	122
cruris gracilitas immodica vnde fiat	537
cruris vtriusque contractioni quomodo succurren- dum	727
crus alentia	538
crurum emanantium sanatio & exiccatio, quid ma- lorum excitet	12
crustæ & achores vnde proueniant	715.717
cubitum post cœnam ire, & capiti & oculis maximè aduersa esse	186
cucumeris, althææ, melopeponum &c. decoctû.	555
curæ vnde dicantur	781
curandi veræ indicationes vnde sumantur	28
curatio morbi quid requirat	507
curationis difficultas vnde oriatur	ibid.
curationem tria potissimùm requirere	253
cyperi radice examina	559

D

D Auci species, carota vocata	418
debilitas cur ante cibum sentiat	373
debilitati oculorum & periculo suffusionis ex con- sensu ventriculi, quomodo succurrendum	217
decoctio præstans atq; utilis, ad melancholicos suc- cos sine molestia euacuandos, lienis q; affectus e- gregiè remouendos	7. (246
decoctionis nomine ex eleboro quid intelligendum	
decoctum althææ	741.
maluæ	ibid.
decoctum seminum althææ, cucumeris, melopepo- num, capillorum Veneris	555
decoctum seminum lini & fœnugræci	741
defœdatio cutis quomodo curanda	756
demonstratio in secunda figura	685

I N D E X.

dentium dolor quomodo sedandus	614
destillatio catarrhi ad partes subiectas, cum fluore alui penè dysenterico, & alijs symptomatis, quo- modo curanda	77
destillatio propriè & impropriè quid	637
vnde oriatur	263
destillationis à capite, vlcerum, animi deliquiorum, epilepsiæ, imaginationum melancholicarum &c. cura	156
destillationis catarrhi causa	28
destillationi, podagræ, tumori splenis &c. quomodo succurrendum	633
destillationem dupliciter capi	637
destillationem & tumorem splenis cur nōnulli sple- netici simul patiantur	640
diacalamentum	167.805
diaphœnicon quale sit	740
diapyrites	295
diarchici curatio	595
diaspermaton	749.750
diaspoliticum 805.	167
diatrionpipereon cur ad hepar perueniat	455
difficultati aperiendi mandibulā ex debilitate mu- sculorum quomodo succurrendum	246
digestiua cur ante minorationem materiæ non exhi- beri debeant	642
diminutio & corruptio vnde fiant	728
diminutio visus, & pili in palpebris interius retorti, quomodo curanda	190
diminutio visus è quibus causis oriatur	180
diminutionis menstruorum tres causæ	697
diminutioni visus quomodo succurrendum	177
dislocationi & contractioni sinistri cruris quomo- do succurrendum	734
	dislo-

I N D E X.

dislocationibus quínam obnoxij	737
dispositio proxima ad ἀχώρως & tineas	717
dispositionis ad cachexiam & ad hydropem causa. 32	
dispositionum diuersarum præter naturam, cum metu futuræ apoplexiæ, curatio	10
diuretica cõmuniora quando conueniant	497
diuretica cur materiebus pectoris conueniant	746
diuretica improprie dicta ad renes & vesicam purgandam conuenire	555
diuretica in quo casu non tantùm præparent humores, sed etiam euacuent	497
diuretica in quibus casibus concedantur, in quibus omnino reiiciantur	498
diuretica num in præseruatione affectus renũ & vesicæ conueniant	492
diuretica post cibum sumpta cur maximè noxia.	467
diuretica proprie dicta ad venas purgandas conuenire 555. diuretica quæ vocentur	467
diuretica vias vrinæ aperiëntia, incidentia, & abluentia, quando conueniant	500
diureticorum duæ acceptiones, quarum vna cõmunior, altera propria	495
dolor capitis, & dentium, cum varijs symptomatis quomodo curentur	87
dolor capitis periodicus, vëtriculi debilitas, & menses albi, cum detestatione coitus, quomodo curentur	117
dolor cur secundùm temporum diuersitatem remittatur aut intendatur	505
dolor in brachio ex præseruatione ab apoplexia quomodo sedandus	795
dolor periodicus, vel non periodicus capitis, tam in anteriori quàm posteriori parte capitis, vnde causetur	85

I N D E X.

dolor vnde sedetur	590
doloris capitis cum tinnitu aurium curatio	132
doloris duæ causæ propriæ	48.65.504
dolori capitis post partû, cum symptomatibus melancholicis, quomodo occurrendum	121
doloris duplex causa	406
dolori genu obtuso ex destillatione pituitæ à capite quomodo succurrendum	510
dolorem calculi affectum distinguere	415
dolorem in ore ventriculi, morsum cordis, & cardia cum affectum appellari	370
dolores vel coliei, vel cœlici vnde excitentur	474
dominorum atque principum consuetudo in refrigerando vino, perniciofa	329
durities, vel scirrhus, quibus de causis fiat	516
durus ac vehemens pulsus quid differant	585
dysentericæ curatio	675
dysuria quid	446

E

E Brij cur multum dormiant	712
eduliorum varietas maximè noxia	25
effectus quales corallo de collo suspenso attribuantur	563
egestionum liquidarum, & vrinæ fuluæ causæ	357
electui materiæ crassæ & foetidæ, per vrinâ, cum dolore renum, quomodo succurrendum	428
electuarium ad catarrhum	131
electuarium ad epilepsiam	60
electuarium ad splenis tumorem post diuturnam febrem	346
electuarium ad suffusionis initium	241
electuarium ad suffusionem	624
electuarium pro quartanario	690
elephanticæ initium, psora	756
ele-	

I N D E X.

elephas quid proprium habeat	753
elleborus niger ante euacuationem pituitæ, minimè dandus	758
empetron herba	615
emplastrum modo moderno cerotum vocari	574
emplastrum splenis pro quartanario	690
emplastra cur ægris molesta	574
ἐμπύημα quid	259
empyema ex peripneumonia cur fiat	745
empyema quomodo terminetur	259. (258
empyematis cum suppressione menstruorū curatio	
enema præstans ad excutiendos flatus, & sedandos calculi dolores	411
enematum vsus	16
epicrasis	785
epidemicos morbos habere causas vniuersales	299
epilepsia cur ab Hippoc. morbus facer appellata	65
epilepsia quid sit	598
unde fiat	ibid.
epilepsiæ causæ intrinsecæ atq; extrinsecæ	61.600
epilepsiæ curatio	14.60.92.787
epilepsiæ causæ intrinsecæ & extrinsecæ	92
materiales	95.
efficientes	ibid. & 94
epilepsiæ causæ materiales duplices	604
epilepsiæ curam esse difficillimam, neque vacare pe- riculo	65
epilepsiæ definitio	61
epilepsiæ fontes	598
epilepsiæ per consensum curatio	54
epilepsiæ signa	60
epilepsiam à materia & à qualitate sola fieri posse.	62
epilepsiam à siccitate fieri non posse	ibid.
epilepticę puellæ curatio	597
Episcopū Laudensem ex familia principū Mediola-	

I N D E X.

ni, in destillationibus delectatum fuisse	687
epularum diuersitate nihil esse perniciosius	490
Erasistrati opinio de modo euacuandi reiecta	239
Erisypelas phlegmonodes	677
erodentes vrinas esse strangurię causam	434
εσχαρωτικά cauteria	615
euacuandi corporis instrumenta duo	599
euacuantia crassa, pituitosa, & in iuncturis existentia	642
euacuantia efficacissimè humorē melancholicū	376
euacuatio nimis validarum medicinarum quę incō-	
moda præstet	362
euacuationis genera	641
euacuationis modus in principio suffusionis	240
euacuatium in morbo Gallico	674
eupatorium antiquorum, non argemonem, per agri-	
moniam intelligi debere	569
excrementa multa in ventriculo & venis & extra ve-	
nas quoque, qua de causa potissimū aggregen-	
tur	36
excrementa procedente ætate crassiora & frigidio-	
ra fieri	181
excrementa totius ad loca imbecilliora in humano	
corpore semper propelli decumbereq;	494
excretio quibus rebus iuuetur	555
exempla quorundam hydropicorū, quibus pars cor-	
poris tantū hydrope affecta fuit, recitantur.	568
exercendi tempus quod sit cōmodissimum	56
exiccantia pituitam	514
exiccatio corporis vnde cognoscatur	630
experientiæ plurimū esse fidendum	573
experimentum certissimū ad febrem ex obstructio-	
ne ortam tollendam	288
expulsiva virtus quibus de causis debilitetur	447
extrema cur frigeant	578
ex-	

I N D E X.

extensiuā lassitudo vnde fiat	302
exteriora membra frigentia, interiora feruētia quęnam incommoda portendant	429
extrinsecę causę morborum quę dicantur	193

F

F Abio Contareno melancholia affecto balnea Calderiana mirum in modum profuisse	378
facienti omnia secundum rationem, si non successerit secundum rationem, non esse ad alia transfundum	322
farfara cur tussilago appellata	205
foeminę cur generentur	118
foenugręci vires	714
febris pestilens quomodo curanda	621
febris continuę ex bile & pituita crassa curatio.	687
febris tiphodes seu latica qualis sit	399
febris continuę cum catarrho & leui quodam sputo sanguinis &c. curatio	663
febris continuę curatio	693
febris cum catarrho si fuerit, cur non de febre curandum, sed ad catarrhum attendendum	750
febris cum pręfocatione matricis curatio	680
febris cur circa pectus nullū permittat emplastrū.	751
febris cur sit ob putredinem in pulmone factam	771
febris erraticę causę tres	451
febris ex intemperie membrorū naturalium, & obstructione à materia frigida & crassa ortę curatio.	284
febris ex obstructione ortę curatio	287
febris hecticę signum proximum & pathognomicum	49
febris quartanę cura	689
febris interpolatę curatio	690
febris putridę in hecticam mutatę curatio	682
febrem caufonicam ex pituita etiam falsa fieri	774

I N D E X.

febrem putridam ferè semper hecticæ iungi	590
febres continuæ cur periculose dicantur.695.	(743
febres non esse morbos per se, sed accidentia aliorû	
febres vnde cognoscendæ	658
februm continuarum proprium	695
fæces cur indigestæ appareant	586
flatus hypochondriaci quomodo discutiantur	366
flatus plurimi vnde generentur	632
Florentiæ qualis sit aër	29
fluctuationis in ventriculo causa	354
fluxus alborum vnde proueniat	450
fluxus catarrhalis quomodo euitandus	414
fluxus quomodo sistendus	751
fluxus ventris tabidis noxius atque exitiosus	538
fluxui hæmorrhoidû quomodo succurrendum	398
fluxui materiæ albæ è virga per decennium, quibus remedijs occurrendum	484
fluxionis per virgam curatio	490
fluxionis regula	650.646
fluxionem alborum in mulieribus gonorrhœæ flu- xum sequi	450
fluxionem quamlibet quatuor requirere	453
fluxionibus subiectos ab omnibus humoribus me- lancholicis liberari	755
fœnugræci decoctum	741
folium malabathri	560
folij malabathri loco, nardo vtendum esse	561
fomentatio pro confortatione iuncturarum	147
fomentationes ad dolorem calculi	427
fomentum pro cœliaca	678
fontanellæ	12
frequens & rarus pulsus quis dicatur	584
frequêtia & raritas pulsus quomodo cognoscant.	583
frigida in tertio & quarto, sed præcipue in quarto, cur	

I N D E X.

cur potius exiccare quàm humectare dicant	558
frigidas esse demonstrationes à calidis herbis	684
frigida validissimè penetrantia & incidentia	551
frigidi effectus	236
frigidissimum excedens, humidum cōprimendo ex- haurire & diuellere continuum	558
frigiditatis proprium	466
frigiditatem causare dolorem	511
frixa potius inquinata quàm cocta esse	417
fructus autūnales post cibū comedendi, quibus ani- sum aut sceniculum admisceri minimè debet	418
fructus horarij ante cibum sumendi	418
fullones quid in sapone conficiendo obseruent	552
fumus terræ cur rectè dicatur abluere melancholi- cos humores, & conferre succis adustis	573
fumi terræ certus gradus quomodo vera methodo inquirendus sit	572
fuscedinem cum palliditate adustionem humorum indicare	444
Galenus contra Auerroëm defenditur	504
Galenus cur acetū misceri medicamentis voluerit, cū neruus in profundo vulneratus sit	642
Galenus cur diuretica lenitiuis & emplasticis admi- sceri iusserit	497
Galenus & Auicenna de apio conciliantur	96
Galenus notatus	584
Galenum à Dioscoride de dendrolibani viribus dis- sentire	565
Galenum diuidentem genera pulsuum vsque ad mi- nimum, risisse	585. (143
Galenū dixisse, nullū ex dolore capitis mortuū esse	
Galenum fuisse bonum virū, qui nimio quodam stu- dio se conformare Dioscoridi voluerit	576
Galenum in catarrhi cura, nunquā cauterijs, sed tan	

I N D E X.

tum vesicatorijs vsum fuisse	172
Galenum multos in Asia per literas Roma missas, sola hiera simplici curasse	217
Galenum sæpe fluxiones sola euacuatione curasse	651
Galenum solo bolo Armeno multos asthmaticos curasse	34
Gallica scabies quando morbus sit vocandus	300
Gallicus morbus à qua temperatura pendeat	301
Gallicus morbus hominibus circa torridam zonam habitantibus cur sit proprius	ibid.
Gallici morbi curatio	124.292
Gallici morbi locus proprius	785
Gallici morbi signa	300
Gallici morbi, podagræ & hæcticæ vnà cum pruritu maximo, cura	721
Gallicum morbum non ad solutionem cōtinui, sed ad hepatis intemperiem esse referendam	300
Gallicū morbum sedem suam habere in hepate	443
garbo	556
garyophyllum	566
garyophylli examen	558.559
Germanorum & Polonorum mos taxatus	409
Germanorum in calefaciendis hypocauftis mos improbat	253
Germanorum mos taxatus	57.125
Germanos, hyeme præcipuè, in duob. extremis sum mopere peccare	55
gonorrhœa quid sit, & vnde accidat	448
gonorrhœam per se non posse fieri vitio renum, sed per consensum & ratione vicinitatis	449
grauitas capitis & sibilus aurium vnde	83
grauitatis causa	48
Guaiaci decoctum bibituris cum fructu quid sit necessarium	338
Gum-	

I N D E X.

gummi iuniperino Italiam carere	614
gummi nucis muscatae utilitas	43
gummi thuris 563. examen	564

H

H Aemorrhoides claudere volens, cur vnā semper apertam relinquere debeat	334
hæmorrhoides vbi astringendæ sunt, vnam semper apertam relinquendam esse	400
hæmorrhoides vt diuertamus tutius esse quàm constringere	ibid.
hæmorrhoidarum fluxus vnde proueniat	29
hamech confectio quæ cōmoda præstet	438.592
Hebræorū ferè totum genus melancholicū esse.	786
hecticæ febris signum inseparabile	771
hecticæ prima species cur facilius curetur, quàm illa quæ ex putredine humoris cholerici à cholera vitellina facta sit	49
hecticæ primam & secundam speciē difficillimè cognosci	590
hecticam primam & secundam, iuxta Auicennam, difficulter cognosci, tertiā verò ab omnibus percipi	748
hecticæ tres species	ibid.
hepar calidum & siccū habentes, cur perpetuò bonis actionib. in ventriculo destitui necesse sit.	645
hepar calidum & siccum habentes, cur multis evaporationibus ad caput, & destillationibus subiecti sint	149
hepar habentes calidum, cur facilè in dolores capitis incidant	64
hepar cur sit nobilius liene	669
hepar & cor refrigerata, cur non facilè calefiant.	399
hepar generationis sanguinis, ex quo spiritus generantur, instrumentum necessarium esse	358

h h h

I N D E X.

hepar quando non faciat sanguinem idoneum	373
hepar unde nimium refrigeretur	398
hepatis caliditas quantum ad capitis repletionem faciat	I
hepatis caliditatem insignem arguentia	384
hepatis caliditatem quæ sequantur	760
hepatis calidi signa	81.82.149.393.811
hepatis linimentum	401
hepatis malam temperaturam frigidam, quæ mala con sequantur	356
hepatis nimia caliditas, & amplitudo vasorum, quæ incommoda præstent	473
hepatis proprium munus	355
hepatis temperatura calida & humida, ad replendum caput aptissima	94
Heracliti dictum	235.704
herba falsaria	276
hermodactyli	643
herniæ curatio	381
hiera simplex, in defluxibus menstruorum alborum, cur sit præstantissimum remedium	255
hieræ simplicis confectio cur à pharmacopolis male conficiatur	217
hiera cur magis quam aloë exiccet	800
hieræ simplicis descriptio	382
hieræ usus laudatus	477
hieram solam, sicut & aloë, nimium exiccare	167
hominem interdum non sentire, cum sit intentus in aliud	706
homines etsi modicè biberint, cur plurimum sæpe de urina excernant	724
homines suapte natura ad omnes circa caput affectus perpetiendos, quinam paratissimi habeantur	1
hordei natura	316
	horri-

I N D E X.

horripilatio vnde fiat	578
humectantia melancholiam	662
humectantia substantificè, in quibus dispositionib. conueniant	628
humectare quandoque non per se, sed per accidens, vel per aliud, quomodo contingat	558
humiditatem arguentia	601
humidi capitis signum	512
humidi cerebri signa	211
humida corpora dummodo euentantur, non putre- fcere	579
humor circa pulmonem quando putrescat	748
humor melancholicus duplex	706
humoris dominium à corporis colore indicari, nisi in profundum humores decubuerint	371
humorem radicalem quid maximè exiccet	394
humores ad flatum generandos apti	761
humores biliosi vnde generentur	632
humores cur falsi fiant	435
humores duo in corpore humano rubei	201
humores innominati vnde	632
humoris melancholici natura	761
humores melancholici quomodo præparandi	662
humores quomodo concoquendi	661
humores in euacuatione non esse trahendos ad lo- cum nobilem	303
humores quatuor esse qui putrescant	657
humores præparare & concoquere volentibus duo esse facienda	661
humorum prauorum ex ascensione vaporum peten- tium caput, indicia	179
hydrops quid sit	567
eius essentia	507
hydropis initium	398

hhh 2

I N D E X.

hydropen esse accidens, non ægritudinem	575
hydropen esse propriam passionē, quæ ad ipsam hepatis frigiditatem consequitur	33
hydropicus Venetijs ex ascite & tympanite curatus	568
hydropici & cachectici cur frequentissimè febricula laborent	399
hydropici ex ascite cum tympanite curatio	567
hydropici nōnulli cur plurima bile quandoq; abundant, cū tamen sint frigidissimi hepatis	399
hyemis frigiditas quos effectus habeat	160
hyosciami albi examen	558
hyosciamum nigrum & flauum venena esse	ibid.
hypochondriacæ affectionis confirmatæ cum multis symptomatis cura	773
hypochondriacæ affectioni quid proprium	774
unde fiat	ibid.
hypochondriacæ melancholiæ duæ species	ibid.
hypochondriacæ passionis cum quibusdam symptomatis curatio	368
hypochondriacam passionem quānam facillimè patiantur	785
hypochondriaci affectus curatio	383
hypochondrium inflatum quid indicet	692
hypochondrij dextri subtumidi causa	532
hyssopus humida	741
ἵκωρ	803

I

Imagines post fixationem visus cur appareant	214
imaginatio cur sensibus reliquis saluis, præter visum corrupta esse possit	529
imaginatio & tristitia præter rationem, ratione affectus hypochondriaci, per quæ signa propria & pathognomonica probentur	370
	im-

I N D E X.

imbecillitas totius capitis & oculorum quomodo curanda	67
imbecillitatis ventriculi, cum fluxu mensium alborum curatio	382
inæqualitas duplex	583
impostorum cõmenta detecta	480
impostorũ voces in curando morbo Gallico per linimenta vel suffumigia, negligendæ	322
impostura aromatariorum in destillandis aquis detecta	686
impressionum malarum facilitas atq; necessitas unde consequatur	I
incidentia sine mordicatione	437
incisam materiam diffilandam esse	547
incisio quid	550
incisioni quæ idonea sint	551
inconstantia quorundam medicorum taxata	660
indicationem à symptomate nullam haberi, nisi causæ rationem habeat	631
indicationis magna pars unde sumatur	402
indicationes ab ophthalmia quatuor oriri 223.	(361
indicationes curatiuæ unde principaliter sumantur	
indicationes præseruandi, à curandi rationibus non multum variare	407
inflammatio capitis, cum dolore dorsi, & suppressione menstruum, quomodo curentur	44
inflâmatio capitis cur aliquando sit absq; dolore.	48
inflammatio in tunica cõiunctiua quomodo cognoscenda & curanda	229, 230
inflammatio pulmonis cur fiat	III
inflammationes in senibus rarò contingere	621
innominata temperies quæ	301
intemperies humida cerebri quomodo emendanda, ac dentes insuper à nigredine & putredine præfer	

h h h 5

I N D E X.

uandi	97
intemperiem cerebri calidam & humidam actiones corrumpere	704
intemperiem in membro secundum affluxum mate- riæ generari	504
intellectus quorundam imbecillitas notata	550
intentiones siue consilia quatuor, ad localem parti- cularemq; euacuationem materiæ frigida ac pi- tuitosa in capite existētes, legitimè faciendā.	549
instrumenta duo potissimū, ad calculi curatio- nem	420
instrumenta prima naturalia stomachus & hepar ef- fe	555
intrinsecę causæ morborum quæ dicantur	193
Ioannes Baptista Lunifinus scirrhus lienis affectus, curatur	289
Ioannes Grammaticus & Simplicius Alexandrię vi- xerunt	546
Ioannis Phrysijs mentio	687
isthiadici curatio	589
isthuria quid	447
ius pulli	766
ius pulli pinguis fluxum hæmorrhoidū curare	400
Iurisconsultorū sollicitudines & animi affectus	196
Iustiniani cuiusdam epileptici obitus	65

L

L abor	501
laborantis fastidio & cruditate ventriculi cum ca- tarrho leui, curatio	612
lac mulieris quale	727
lac pessimum vnde generetur	718
lactis asinini vires	274
lactis caput	472
lactis, in quo ferrum candens fuerit extinctum, uti- litas	

I N D E X.

litas	588
lachryma terebinthina seu laricina cur tabidis com	
moda	581
ladani vires	588
lapis insignis in vesica quomodo procreetur	405
lapis in pueris cur magis in vesica,quàm renibus ge-	
neretur	436
lapidis generationis causa	435
lapidem in renibus genitum mandari sæpe ad vesi-	
cam	405
lafsitudinis species	502
lafsitudini ex labore quomodo succurrendum	501
laticam febrem esse hecticæ simillimam	108
laticæ febres quæ dicantur	670
lauare aluum, & prouocare vrinam, febres putridas	
curat	700
Laurentium Brachalenum ex animi affectibus in epi-	
lepsiam incidisse	63
lenire aluum, & prouocare vrinam, nihil esse ad fe-	
brem ex obstructione tollendam, efficacius	5287
Leonora Sacrata Flischa quibus affectibus infestata	
fuerit	173
lepra antiquis quid propriè dicta	651
lepra vnde	754
lepræ proprium	753
lepram nostratium medicorum ab elephantiasi anti-	
quorum longè differre	651
librum de affectibus renum, non esse Galeni	166
libros de arte destillandi magnæ altitudinis Vene-	
tijis in S. Marci bibliotheca haberi	687
lichenes cur Plinius mentegram vocarit	581
lienis tumefacti inunctio	347
lieni expurgando quæ conueniant	556
lienem repletū melancholia quid sequatur incom-	

I N D E X.

modi	775
lienterici fluxus signa	596
lignum sanctum cur semper curet morbum Gallicum, si seruentur seruanda	308
ligni Guaiaci decoctum quæ commoda præstet.	454
455	
ligni sancti caliditas cur non exterius ita ut piperis, sentiatur	305
ligni sancti decoquendi atque utendi modus.	311.312
319.320	
ligni sancti temperatura quæ	305
lignum sanctum interius sumptum mirum in modum calefacere	ibid.
limonum succus	552
limones cur non in alembico plumbeo destillari de- beant	438
lini & fœnugræci semen decoctum	741
linimentum Montani, quo usus est in quodam, cui tota abdominis pars ita exiccata erat, ut quasi in- testinorum contractio videretur	751
linimentum pectoris	679
linimentum pro corde	284
pro ventriculo 751.	
pro toto ventre	574
lipothymia causa	174
liquiritia decoctum	741
lixivium capitis acre	155
lixivium capitis corroborativum	4.20.
23.38.58.73.244.269.514.	
locus affectus ac dolens ex calculo, cur ante euacua- tionem nullis calidis fomentis sit fomentandus.	426
loco affecto adhibere resolutiva & exiccantia reme- dia ante corporis euacuationem, omnino contra rationem esse	539
locum catarrhi proprium, in quo putrescat, esse pe- cto-	

I N D E X.

ſtoris cavitatem	746
lotio ad resolutionem materie, exiccationē & cor- roborationem cruris	538
lotio capitis pro ſuffuſione	623
lotio pedum ad prouocandum ſomnum	138
lubricatio membrorum vnde fiat	737
Lucenſes aquæ	76
Luna quibus temporibus potiffimū humoribus do- minetur	731
Lunæ vires in cerebro	249
lupulos ſummopere caput replere	24
Luſitanus aër qualis	796
luxationis pedis curatio	537

M

M Agdaleon ad epilepſiam	60
magneti cur allium vim trahendi ferrū adimat	456
magnitudo pulſus vnde cognoſcatur	583
magnitudinem pulſus in tribus conſiderari	584
malua	551
maluæ decoctum	741
mannæ examen 565. vſus	204
Marcus Antonius Contarenus philoſophus	467
maſtiche	588
maſtiches ſimplicis commoda	184
maſtiches vſus	513
materia ad medium muſculi defluens, abſceſſus : ad caput verò muſculi conuulſionē ſeu ſpasmus fa- cit	729
materia cur in aliquib. ad pectus ſubinde defluat.	391
materia craſſa ex pectore ad pulmonem quomodo tranſeat	747
materia faciens vapores per conſenſum	530
materia melancholica quomodo coquenda	661
materia peccans vnde cognoſcatur	638

h h h 5

I N D E X.

materia per diuretica quomodò præparanda	499
materia per quas vias ad vesicam defluat	392
materia prius concoquenda, quàm euacuanda	115
materia quæ difficulter emolliat̃ aut resoluatur	739
materiæ ad chordas defluentes, cur non motus con- uulsiuos excitent	729
materiæ crassæ duæ	789
materiæ frigidæ signa	504
materiæ putrescentis in pulmone indicia	769
materiam à calido indurata & petrificata, non posse mollicari	740
materiam defluentem in aliqua parte congregari, & ex ea collectione duo fieri	504
materiã non esse trahendam ad loca infirma, sed po- tius auertendam, in conseruanda sanitate renum & vesicæ	493
materiam pituitosam posse circa venas putrescere, ita vt pus appareat, & tamen non fieri vlcus	451
materiæ crudæ, cur per virgam quandoque excer- nantur	490
matricis suffocationem sæpissimè à zelotypia pro- uenire	482
meatus duabus rationibus constipari posse	553
mediana cur tangatur	376
medicamen empiricorũ quorundam in abscessibus, simile cerino antidoto, ex quibus componat̃	308
medicamentum in lienteria ex vlcere præsentissi- mum	678
medicamentũ omne cõponitur, sumpta semper indi- catione à morbo, quẽ dedellẽdũ aggredimur.	547
medicamenta, quæ ab ore sumuntur, cnr varia nomi- na sortita fuerint	544. (414
medicina maxima & optima pro euitando catarrho medicinæ hieræ, id est, sacre cur vocentur	545 me-

I N D E X.

medicinæ purgantes moderatè, tam simplices quàm compositæ	272
medicinæ pituitam mixtam cum adustis humoribus digerentes & euacuautes	206
medicinæ quomodo forma specifica agere soleant	684
medicus arte expulsurus materiam redundantē, co- ctiōnem prius tentare debet	550
meditus naturæ minister est, ipsa verò operatrix.	203
medicus quid in illis quæ sunt præter naturā atten- dere debeat	719. (581)
medici cuiusdā super hydropico cōsulentis ineptiæ	
medico in dolore podagrico 4. consideranda	722
medico quandā de ægroto non desperandum	587
medico quis finis præpositus	331
medicum esse debere naturæ ministrum	604
medicum præstantissimum, & coquum egregiū ma- ximè sibi inuicem aduersari,	331
medici imperiti taxantur	691
medicorum auarorum de urinæ inspectione inuen- tum	580
medicorum inscitia ac temeritas taxata	225
medicos naturam imitari debere	550
medicos solos oculares esse debere	226
mel rosatum cur syrupo acetoso admiscendū	740
mellis rosati vsus	750
melancholia hypochondriaca quid	370
melancholia hypochondriaca cur habeat interual- la	373
melancholia hypochondriaca vnde nascatur	363
melancholia vnde multiplicetur	626. 627
melancholiæ curatio	608
melancholiæ duæ species	369
melancholiæ effectus	761

I N D E X.

melancholiæ hypochondricæ curatio.	363.648.759
melancholiæ signa	626.
causæ	ibid.
symptomata	627
melancholię triplex species	779
melancholiam hypochondriacam in omnibus pro-	
longari	783
melancholiam hypochondriacam habentibus, quæ	
proprie conueniant	770
melancholicus humor vbi multiplicetur	22.782
melancholici curatio	591.625.701
melancholici humoris signa	790
melancholici proprium timere	706
melancholicū humorem benignè & clementer tra-	
ctandum esse	765
melancholici an ad balnea mittendi	779
melancholici cur rideant, aut rixentur	630
melancholici in paracastica ætate quinā fiant	639
melancholici cur sint venerei	761.775
melancholico humore abundantes cur plerunq; hy-	
dropici & splenetici efficiantur	705
melencholicorum variorum exempla	706
melancholicis cur stillicidia in commissuris capitis	
auertenda	163
melancholicis quid proprium	706.762
melancholicos esse frigidos & siccos	592
melancholicos plurimū appetere, sed parum pos-	
se	761
meliloti emplastrum	573.588
membrum aliquod dupliciter posse debilitari	638
membrū duplici ratione ad calidum alterari & vio-	
lenter attrahere	251
membrum quando primogenio affectū esse dicatur,	
& quando per essentiam	637
membrum sanum quod dicatur	711
mem-	

I N D E X.

membra debilia superfluitates aliorum suscipere	140
membra naturalia debilitari, cum febris phlegmatica x i i i .diem pertransierit	49
membra naturalia corroborantia	401
membra sine purgatione premissa, alterari non posse	596
membrorum enumeratio, in quibus quotidie excrementa aggregentur	555
membrorum temperaturæ ex actionib. cognosci.	440
membrorum tremor, & mouendi imbecillitas ex vitio cerebri, quomodo curanda	135
mens quando laboret	706
menstrua alba ultra sex menses, ex Hippocratis sententia, non curari	733
menstrua cur deficient, & in qua ætate	32
menstruorum diminutio ex quibus causis oriatur.	694
menstruorum prouocatio	681
menstruorum retentionem, & præcipuè feminis, plurimum ad affectus cardiacos generandos posse	282
mercatori cuidam frumentario, ex hæmorrhoidibus xx. libras sanguinis exiuisse	377
Mesue cum Galeno de sero lactis quomodo concordandus sit	571
metus sine causa vnde proueniat	369
meu radicum examen	566
minutus pulsus vnde eueniat	583
mithridatum cur in febre exhibitum	681
mithridati confectiōē venenis occurrere à sua quā habet occulta proprietate & forma	360
molles carne, aptos mente esse	664
mollientia in secundogradu	741
mollicatio ipsam resolutionem præcedat	741
Montanus cur à cauterijs capiti admouendis abhorreat	172

I N D E X.

cur strenui cuiusdam militis curam suscipere nolue- rit	151.152
cur totum corpus Bassiani oleo amygdalarū dulciū inunxerit	582
Montanus noluit curam cuiusdam strenui militis, so- lus suscipere	151
Montanus octo libros de destillationibus naturali- bus absoluit, octo de artificialibus pollicetur.	687
Montani de aquis thermarum iudicium	164
Montanum & Fracastorium quendam ex inunctio- ne Mercurij statim in epilepsiā incidisse, à qua vix curari potuit, vidisse	302
morbis calculosus quid propriū habeat	408
morbis & symptoma quid differant	650
morbis Gallicus cur epidemicus dici nequeat	299
unde originem habeat	301
morbis quomodo curandus	197
morbis curatio quid requirat	507
morbis Gallici curatio	309.
morbis Gallici cum febre & cōtinuis vigilijs curatio	313
morbis natura unde cognoscatur	619
morbis Gallico, doloribus in extremis partibus di- gitorum, vleribus narium ac gutturis, ex destil- latione acri, quomodo succurrendum	317
morbis Gallico affectos, & exquisitissimè prius pur- gatos, in decocto ligni sancti feliciter euadere.	307
morbis epilepticum esse morbis maximū, & non nisi à vehemente causa posse causari	64
morbis facientes, causæ duplices	193
morbis Gallicum confirmatū, duo curare	305
in morbis magno à leniorib. incipere, nihil aliud est, nisi parare ægro longum interitum	78
morbis curationem tria requirere	595
morbis maximis, maxima & exquisita remedia adhi- ben-	

I N D E X.

benda esse	78.554.772
morbos difficiles, longissimum curationis tempus requirere 168.	(174
motus omniũ musculorũ à Gal. tonicus appellatus	
motum post cibum aut potum, pessimum esse	379
mucus quid propriè vocetur	149
mulieris cuiusdam deceptio detecta	686
mulieris Venetæ casus	737
multitudo epularum quæ incommoda pariat	154
musculi varicosi vnde fiant	517
vnde moueantur & excitentur	449
musculos & medias vacuitates expurgantia	556
myrobalani chebuli optimè conditi quæ commoda præstent	239
quomodo in India conficiantur	514
myrobalanorum vsus 644.	(239
myrobalanos chebulos inhibere ascensum vaporum	
myrrha	551.741
eius examen 559.	vires 253

N

N Ardi, id est, spicæ examen	561
natura morbi vnde cognoscatur 734.	(698
natura quocunq; vertit, eò maximè ducere oportet	
natura vndecunq; rapit, eò ducere oportet. 198.698	
naturæ propria opera quæ	661
naturæ secretum esse, non inuentũ medicorum, qua- re vna hora eleuentur vapores præcise, & non alia hora	747
naturam ante expulsionem redundantis humoris in corpore animalis inuenti, perpetuò coctionem tentare	550
naturã esse valde sollicitam membrorũ nobiliũ	745
naturã fluxionũ in quatuor potissimũ cõsistere	403
nebula quibus remedijs curanda	238.239

I N D E X.

nebulam curatu difficilem, imò impossibilẽ esse	238
nebulam interpositam, & inflammationem oculi, esse morbos	234
nepeta	565
nephriticis quid maximè infestum	466
nephriticos, & circa vesicam dolores, non facilè curam admittere	458
nephriticos senes non curari	437
<i>νεφριτικῶς ἐν ἡλικίᾳ</i>	468
nerui	805
nerui sensus cur facilius quàm nerui motus ledi possint	703
neruorum officium	729
neruis vulneratis, & in profundo, acetum cum alijs medicamentis Galenum admiscuisse	739
neruos ex vulnere incisos curationem non recipere, nec consolidari	807

O

Obscuritas & nebula cur videndo quandoq; percipiatur	710
obstructio cur non sit circa vesicæ collum, cuius ratione fiat stranguria	434
obstructionis causæ 553. cura	700
effectus	202
obstructioni lienis, pectoris & hepatis cõferẽtia.	673
obstructionem esse putredinis causam	617
obstructiones quomodo aperiantur	51
vnde oriantur	15
oculus ophthalmicus quomodo curandus	230
oculus quando periodicè affligatur	51
oculorum lachrymantium curatio	207
oedematicus tumor cur calidus & rubicundus aliquando fiat	523
oedematis proprium signum	516
oleum	

I N D E X.

oleum amygdalarum dulcium quæ commoda præ- stet	582.579
oleum anethinum	580
oleum chamomelinum	579.580.741
sine attractione resoluit	253
oleum garyophyllorum	79
oleum liliorum alborum	579
olei rosacei vires	727
ophiasis quid	716
eius curatio	715
ophthalmia quid	219
ophthalmia simplex quid, & eius causæ	219.220
quomodo distinguatur	ibid.
ophthalmia humida vnde contingat	222
sicca vnde	ibid.
ophthalmia quæ nam incurabilis	712
ophthalmiæ, cum principio suffusionis, & vlcere in cornea, curatio	233
ophthalmiæ curatio	218.708
quænam requirat obseruanda	225
ophthalmiæ distinctio à forma	222. tempora. 227
ophthalmiæ simplicis per defluxû à materia sangui- nea & biliosa generatæ, curatio	232
ophthalmiæ simplices quomodo distinguantur.	220
ophthalmiæ tempora	227
ophthalmiam, suffusionem, & vlcus, morbos esse in compositione, & solutione continui	238
ophthalmiæ pessimæ quæ dicantur	222
ophthalmici cuiusdam casus	226
opium cur à tota sua substantia rebellis sit calori na- turali &c.	559
opij examen	ibid.
opium refrigerare & exiccare	558
opobalsami examen	557

I N D E X.

præseruatio à podagra	541
præseruatio à catarrho falso destillate ad partes sub- iectas, excitante diuersa symptomata	75
præseruationem à calculo totam, in manu patientis sitam esse	488
præseruationem duobus modis sumi	497.498
præseruatione à timore vel cautela non separari.	496
præsidium nullum esse tam bonum, quin habeat ali- quod nocumentum	727
prognosticum de epilepsia	95
prognosticum Galeni ex Diocle, de melancholia hy- pochondriaca	375
promptitudinis ad iram causæ	264
prunorum effectus	328
pruritus vel scabies, vel ἀχόγῃς vnde causentur	716
pruritus causæ	705. 715
pruritus generans	647
psora à lepra quomodo distinguatur	753
psora vnde fiat	754
psydraciæ	ibid.
ptisanæ hordeaceæ commoda	579
eius natura 316. vires	683
puella Dalmata 18. annorum, tota contracta, ex bal- neo S. Bartholomæi perfecte sanata est	741
puellæ tredecim annorum, cur non viris desponsari debeant	730
pueri cur molles sint 46.	(436
pueri ex vesicæ lapide laborantes cur sedere nequeant	
pueri in qua ætate maximam capitis debilitatem ha- beant	718
pueri melancholici cur in principio celeriter au- geantur atque crescant	780
puerorum natura qualis	818
pueris theriacâ aut mithridatû non conuenire	147
pueros	

I N D E X.

tricoli, quomodo succurrendum	278
pectoris vinctio	581
pedes cnr estate intumescant, hyeme exiccentur.	523
pedum frigiditas cur vitanda	15
pedum titubatione ex leui vertigine, quomodo succurrendum	526
pedum tumor vnde	778
pentaphylli virtus	515
periodus febris quomodo fiat	51
periodi variæ vnde causentur	452
peripneumonia quid	110
Petrarchę dictum	494
petroselini & aliorum diureticorum vsus quotidiana- nus, cur calculosis apprimè noxius sit	414
Petri Bembi laus	462
pharmaci proprium	47
pharmaca quid habeant cõmune	163
pharmaca multiplicare in hypochondriacis nihil ef- se perniciosius	783
pharmacopæorum ineptorum in medendo calculo, error taxatus	414
philonium infrigidare	814
phlebotomia an in febre pestilentiali conferat	621
phlebotomiam sæpe iteratam in melancholia conue- nire	765
φλόγωσις	774
phthiriasis, seu tinea capitis antiqua quomodo cu- randa	120
phthiseos causæ	772
phthiseos curam cum prognosticatione aggredien- dam esse	772
phtyfici curatio	576
pilulæ ad capitis & stomachi confortationem	137
pilulæ ad præseruationem calculi	414. 649

I N D E X.

pilulæ ad præseruationem à podagra	542
pilulæ pro melancholico	649
pilulæ pro quartanario	690
pilulæ trahentes à iuncturis	740
pilularum de cynoglossa sine opio vsus	750
pilularum de hiera simplici descriptio	380
pili palpebrarū post euulsionem ne succrescāt, quid agendum	190
pilorum defectus vnde causetur	715.716
pilorum generationem prohibentia	ibid.
pilorum loco cur crustæ sæpe generentur	718
pilorum materia conueniens quæ	715
pilos instaurantia, eosque & solidiores & venustio- res, reddentia auxilia	343
Pincernæ Cardinalis de Medicis fuga	360
piuguedo	811
pinguedinis humanæ vsus	741
pinguia frigida esse	598
piper 552.556. eius vsus	513
piperis cum ptisana vsus	804
pituita cur aliquando falsa & nitrosa reddat.	390.725
pituita cur plurima in ventriculo generetur	777
pituita in hepate & ventriculo quid differant	393
pituita quando varios affectus producat	474
pituita falsa nitrosa vnde generetur	396
pituita vnde induretur	738
pituitæ & succi melancholici suapte natura redun- dantis, causa	523
pituitæ putredinem non ita detestabilem esse vt san- guinis	769
pituitam & humores crassos educentia	152
pituitā non tam intense, vt sanguinē putrescere.	768
pituitam non veram in ventriculo generari	64
pituitosus fluxus per vrinam, vlcus in pudendis &c.	quo-

I N D E X.

quomodo curanda	808
Platonem bene concupiscentiam in hepate, irascen- tiam in corde, animalem virtutem in cerebro po- fuisse	441
pleuresis vera signa	620
pleuritidem quænam constituent	619
pleuretici curatio	612
plenitudinis cura	132
plenitudinem quid augeat	133
plethoræ signa	483
plumbeum colorem super dominiū frigiditatis at- testari	355
poculum ad nutriendum aptissimum	136
podagra 141.	(639
podagram calidam semper esse cum inflammatione	
podagram confirmatam nullam curationem admit- tere	726
podagram & alios morbos frigidos etiam sanguinis missione à Galeno curatos esse	254
podagrici doloris dextri pedis pollicem occupan- tis causæ	475
Polonorum mos	632
polypi narium ad cancrum accedentis curatio	244
pomum odoriferum	23. 674
<i>πόνος</i>	501
potentialia cauteria bipartitò diuidi	615
potio ad cordis palpitationē & syncopen 611.	(428
potus aquarū mineraliū cōstantes vires cur requirant	
præfocationis matricis curatio	481
præfocationem matricis quandoq; esse posse mor- bum in compositione	481
præfocantiū error, de administrandis diureticis cal- culosis taxatus	494
præseruatio à calculo.	421. 422. 423

I N D E X.

omenti officium	47.648
origanum	565
orta debere attestari suis principijs	64
oua in febribus continuis cur nunquam danda	674
oua iuuenibus Galenum in tertiana exhibuisse	207
oxymel	773.
oxymel etiam actu calculos frangere	814 (145
oxymel Galenus frigidum, Montanus calidum dixit	
oxymel Hippocr. cur in pleuritide exhibuerit	642
oxymel pharmacopolarum dulce esse	205
oxymellis vires	501.590

P

P Apauer & hyosciamum in refrigerando tertium & quartum gradum obtinere, in humectando ve- rò nullum	558
paralyfis	611
paralyfis & apoplexia quid differant	815
paralyfis quæ magna, quæ item parua dicatur	152
paralyseos sinistri lateris curatio	815
pararthrasis quid Græcis vocetur	279. (426.427
paroxysmus calculi, quæ medicamenta requirat.	
paroxysmi tertianæ, quartanæ, & quotidianæ causa	452
paroxysmorum dies cur non sint expectandi	658
passionem sensus cõmunis, etiam exteriores secum ad compatiendum trahere	529
passionibus pudendi, ardori vrinæ, difficultati min- gendi, gonorrhœæ & febris erraticæ quomodo suc- currendum	439
passularum orientalium vires	328
Patauina balnea qualia	378
patientes diminutionem in motu quarundam par- tium corporis curatio	610
pectoris angustia ex catarrho, & imbecillitati ven- tri	tri.

I N D E X.

pueros omnes humidioris esse cerebri	98
puerperæ tussientis admodum, curatio	679
pulmo cur sit facile putrescibilis	266.745
pulmonis carnem præ reliquis omnibus facilius pu- trescere	266
pulmonis vasa cur ad corrosionem apta	767
pulmonis vlceris signum	III
pulmoni, & ægitudinibus pectoris, cur diuretica conueniant	746
pulsus quid	631
pulsus inæqualitas vnde causetur	109
pulsus vnde durus efficiatur	620
pulsus inæqualitatem semper duo significare	578
pulsus quæ faciant, tria esse	587
pulsuum differentias non plures Montanum, quàm sex nouisse	583
pulsuum vltimas quatuor differentias à Galeno po- sitas, esse forsitan imposturas	583
puluis capiti inspergendus	544
puluis ad renes	470
pulueres pro catarrhosis à cœna	675
puluisculus ad corroborandum caput	514.544
pupillæ dilatatio vnde 8or. contractio vnde ibid.	
purgandi modus in vere & autumno	336
purgatio pro quartanario	649
purgatio ad splenis duritiæ post diuturnā febrē	346
purgationes cur opportunis temporib. faciendæ	3
purgationes quomodo fiant	384
pus duplex esse	746
pus & sedimē in vrina, media inter putrefactionem & concoctionem esse	581
pus in osse per poros ad carnem transire	747
pus vnde fiat	746
pustulæ vnde generentur	650

I N D E X.

putredinis pituitæ duæ causæ	725
putredinem in humoribus curari posse, sed rarò, & à peritis medicis	621
putredines causis cessantibus cessare	299
pyrites vulgò marchesita dictus	540
pyritis lapidis vsus	741
pyritis loco, molaris lapis accipi debet	741
Q uæstio vniuersalis, de diureticis, an in tempore sanitatis ad præseruationē conueniant ijs, qui num, vesicæq; affectibus sint obnoxij, in vtranq; partem explicatur	492. 493
Qualiarum esum epilepsiam generare	18
qualitates in cerebro quænam ad prudentiam maxi- mè faciant	263
quartanæ causæ	657
quartanæ frigus quomodo ab alijs febribus distin- guatur	658
quartanæ triplicis curatio	656. (765
quartanā acrius curatam, duplicem fieri quartanam quotidianæ frigus quomodo ab alijs febribus distin- guatur	658
R amicis intestinalis curatio	379
rationis perturbationem quid cerebro inferat	627
Raymundi mentio	686
refrigerantia hepar	306
refrigeratio hepatis quomodo accipienda	399
refrigeratio immoderata vnde fiat	467
Reges medicæ artis semper studiosos fuisse	545
regimen quale morbo Gallico affectis præscriben- dum sit	320
regimen in potu ligni ex oculis laborantibus quale præscribendum	291
regula generalis de cibis, in primis obseruanda	330
remediū expertū contra fluxum hæmorrhoidū.	400
reme-	

I N D E X.

remedium præstantissimum conferens flatibus ven-	
tris, remouens cordis affectus, diuertens & eua-	
cuans humores crudos, corruptos, obstructions	
aperiens. & membra naturalia corroborans	283
remedia qualia ægrotis ordinari debeant	576
remedia optima & familiarissima ad aluum emollien-	
dam in sanis etiam, sine aliqua molestia	270
renes diureticorū vsu, tanquam lacunam, ad super-	
fluitates totius corporis suscipiendas, effici	494
renes à natura cur facti	468
renes ad nocumenta suscipienda facillimè præpara-	
ri posse	494.495
renes aut vesica cur non ad excrementa suscipienda	
præparari debeant	494
renes cur nimium incalescere soleant	466
renes cur sanguinem aliquando trahant	469
renes per quæ media cōmodius officium suum præ-	
stare queant	468
renum caliditas quomodò ad salacitatem faciat.	441
renum caliditas vnde cognoscatur	384.635
renum & vesicæ mala cōplexio sine materia, & cum	
materia quomodo curanda	497
renum imbecillitas in senibus naturalis, & ætati ip-	
forum consentanea	465
renum inflammationis causæ	803
renum inunctio	382
renum proprium officium	466
renes ex se nullius sensus esse	406
renes habere diuersa loca, in quibus calculi genera-	
ri possint	403
renibus nullius rei excessum salutarem esse	468
renibus quæ præcipuè aduersentur	467
repletionis capitis causæ	636
resoluētia ante mollificationē cur nō adhibēda.	741

I N D E X.

resolutioni in omni abscessu, semper intendendum esse	593
retentionis vrinæ causæ	447.498
retentio quibus rebus fiat	555
rhabarbari substantia	553
vsus	402.535.644
rhabarbari vsum cum saccharo rosaceo in estate meliorem esse, quàm hieræ species in pilularum formam redactas	528
rhabarbari vsum renibus multū cōferre	470. (419
rhabarbari vsus calculosis & podagricis cōueniens	
rigor in tertiana quando fiat	202
vnde fiat	650
rigorem etiam sine febre interdum esse	ibid.
rosas siccas intestina confortare	629
rosatum zuccharum	784
S	(640
Sabini sententiam de spleneticis vbi Gale. refutet sacchari rosacei vsum omnes corporis partes iuuare, præcipuè autem renes	275.469
sacculus pro ventriculo	401
salacitatis causa	441
sapo pro lotione capitis	38
Salernitana vina qualia sint	419
falsedinem ex duabus rebus prouenire	651
falsedo maris vnde	ibid.
falsedo & amaritudo quid differant	ibid.
falsedo vnde oriatur	667.771
falsedinis catarrhi causa	265
falsedinis materiæ causa	639.445.457
saluiæ examen	565
sanguinea temperatura vnde cognoscatur	528
sanguis bonus vnde generetur	400
sanguis crassus & adustus vnde multiplicetur	372
sanguis cur niger, crassus & melancholicus efficiatur.	

I N D E X.

tur	364
sanguis eiectus à quacūq; parte corporis, malū	113
sanguis è pulmone exiens, cur quandoque rubeus, quandoque subniger appareat	110
item cur spumofus	111
sanguis melancholicus plurimus vnde genereſ	811
sanguis ne mitti poſſit x LV II. annos, & laboranti calculo	412
sanguis per sputum vnde eijciatur	109
sanguinis miſſione vtrum in principio ophthalmiæ opus ſit	223
sanguinis putredo cur ita deteſtabilis ſit	768
sanguinē etiam non ſpumofum à pulmone exire	111
sanguinem extra venas facillimè ac citiſſimè putre- ſcere	110
sanguinem pulmonis ſpumofum eſſe	109
sanguinem putreſcentem non facere periodos	201
sanguinem putreſactū magis foetere, & deteriorem eſſe quàm pituitam putreſcentem	746
saphas 754. ſapo odoratus	514
ſapones & vitra vnde fiant	615
ſapores tres in garyophyllis	558
ſcabies vnde fiat 725 eius cura	649
ſcabiei humidæ cum pruritu curatio	652
ſcabiei vera cauſa	647
ſcabiei conferentia poſt purgationem	653
ſcabiei tinnitui aurium, hæmorrhoidibus quomodò ſuccurrendum	645
ſcabiem generans 647	(770)
ſcholares nō habere maiorē hoſtē quàm catarrhum ſcirrho lienis, & obſtructionibus cum periculo hy- dropis, quomodò ſuccurrendum	289
ſcirrhum dupliciter fieri	357
ſcirrhum lienis diſcutientia	295

I N D E X.

schirrhos hepatis secundum Galenum nunquam esse curatos	358
scopus antidoti aureæ Alexandrinæ principalis	547
semen ad os vesicæ non peruenire	810
feminis fluxionem secundum Auicennam etiam musculorum ratione fieri posse	449
feminis fluxum inuoluntariū, Galenum ad duas causas retulisse	ibid.
feminis materia	450
feminis vnciam vnam importunè eiecti, plus afferre detrimenti, quàm sanguinis quadraginta	422
feminum althææ, cucumeris &c. decoctum	555
feminis superfluitas quando generetur	809
femine multo quàm careant	ibid.
semperuiui succi proprium	677
senectus ipsa cur morbus sit	165. (66
senex epilepticus solo cauterio in brachijs sanatus	
senem incōmoda senectutis declinare nō posse.	464
senes cur ætate, iuuenes autem hyeme melius degant	252.372
senes cur varijs morbis obnoxij	464
senes cur catarrhis redundant	236. (463
senum membra oīa ipso naturæ cursu imbecillia esse	
senum morbi graues, longi, & magna ex parte mortales	465
senum propria passio catarrhi	236.395
senum ventriculus cur in hyeme se peius quàm in æstate habeat	372. (rus.252
senibus cur aer frigidissimus, sit quàm maximè pestifer	
senilis ætatis commoda	463
senium primū in septimo septennio, hoc est, 49. anno terminari	252
senium primum quando finiatur	165
senium secundū ab anno 49. vsq; ad 63. durare, qui est	est

I N D E X.

est climactericus maior	252.	(173
sensum ac motum corpori spiritus animales afferre		
serpyllum		565
ferrinū dicere pulsum, splendidū esse mendaciū		585
serum lactis		571
sibilus aurium vnde oriatur		83
sicci proprium		754
siccioris alimenti cibaria		468
signum distinguens inter duritiem melancholicam, & pituitosam		516
simplex inæqualitas pulsus quid		585
fitis maximè diu perseuerantis indicationes		429
solutiuis multis corpus macerare, in ægitudinibus chronicis nihil esse perniciosius		119
somni immodica noxa		215
somni meridiani effectus	4.	(682
somnū conciliantia cur per os non exhiberi debeāt		
somnum, cibum & balneum humectare		630
spasmus ab epilepsia quid differat		62.815
spasmi causæ	61.	species tres 736
spasmm tripliciter fieri		61
spatium inter cœnā & prandiū sit nouem horarū		5
sperma quomodo per conuulsionem exeat cum quis in epilepsiam inciderit		449
spicam magis conuenire hepati, quàm stomacho.		561
spiritus quid		802
spiritus siccus, anima prudentissima		235.704
spiritus vndosi causa		601
spiritus vnde multiplicentur		400
spiritus dupliciter impediri posse		611
spirituum animalium paucitas vnde proueniat		214
spirituum caliditas è quibus signis perspiciatur		325
splen cur catarrholis intumescere nequeat		640
splen redundans humore melancholico, & intume.		

I N D E X.

scens, etiam vicina membra refrigerare	762
splenis durities post longam quartanā oborta, quomodo curanda	655
splenis frigidi cum tumore insigni &c. curatio	349
splenis tumor vnde causetur	639
splenem affectam melancholiam non euacuare	627
splenem ex inflammatione hypochondriorum, non intumescere	643
splene in frigidato, etiam hepar in frigidari, vnde hydrops	782
splene tumefacto cur corpus marcescat	639
splenetici & hepatici cura	605
sputum cur spumofum efficiatur	586
sputum sanguinis fortissimis curandum	113
sputum sanguinis triplici instrumento curari	255
sputi sanguinis causæ	268
sputi sanguinis cum febre hectica curatio	257
sputi sanguinis, & puris, cum catarrho curatio	767
staphisagriæ vsus	513
stillicidia thermarum quibus incommoda	163
stomachus vnde frigidus reddatur	179
stranguria quid 446. eius causa	436
stranguriam & ardorem vrinæ tardè curari	ibid.
studendi munus horis importunissimis quid malorum afferat	264
studiosi cur plerunq; debilem ventrem habeant.	798
succus balsami cur maximè calefacere & exiccare di	
styrax 551. (ca. 557)	
succus nucum 566. succi blitis vires	680
succi rosarum vires	581
sudoris materia quæ	803
suffocatio à plethora orta	483
suffocationem matricis etiam à retentione seminis prouenire	483
	suffo-

I N D E X.

suffocationem matricis à tribus prouenire	481
suffumigium ad anum	402
suffusio, seu descensus aquæ	237
suffusionem iuxta Galenum, ad summũ per sex men- ses durare, deinde fieri turbulentiam	213
suffusionem, quòd sex menses præterierint, incur- abilem esse	238
suffusionum, quæ omnium deterrima	ibid.
sulphuris vires	784
sumach vires	679
summi ingenij causa	664
superfluitates omnes ad partẽ debilem defluere.	746
suppressionis mensiũ cum grauitate capitis cura.	168
surditas quæ nam incurabilis existat	783
surditatis causæ 787. curatio	ibid.
surditati ac tinnitui aurium quomodò succurren- dum	680
surditatem & auriũ tinnitum antiquatũ iuuantia.	137
surditatẽ post 3. aut 4. annos etiam curatã esse	79
syncopæ causa	434
symptoma nullum curã ad se trahere nisi sub ratio- ne morbi	774
symptomata & causæ symptomatum, pendentes ab affectu hypochondriaco	373
symptomata quæ vt morbi curentur	742
symptomata visionis diminutæ continua vnde co- gnoscentia	211
syrupus de cichorea cum rhabarbaro, quæ commo- da præstet	506
syrupus violaceus cur substantificè humectet	683
syrupi acetosi vsus 739. 740. de betonica proprie- tas atq; vsus 34. de corticib. citri vsus	307
syrupi de pomis natura	376
syrupi rosati vsus	307

I N D E X.

syrupi rosati solutiui vsus	773
syrupi ad concoquendam bilem & pituitam	152
T	
Tabis causæ 812.	curatio ibid.
tabem cordis quid sequitur	725
tabidi quomodo fiant	111
tabidorum symptoma	586
τάραξις à chimosi & ophthalmia quid differat	219
τάραξις quid	ibid.
temperatura quæ multam pituitam generet	201
temperaturā non ab excrementis iudicandam esse, sed ab adnatis	592
tempus opportunū tam Veneris quàm exercitij	386
tempore breui nil bene effici	168
tensionis causæ	696
tensionis hypochondrij dextri ex affectu frigido he- patis 352.	(551
tenuitas ad incisionē cur primò & per se necessaria	
terebinthinæ Cypriæ vsus	6.167.386.525
eius frequens vsus quæ commoda præstet	41
termini duo boni, duo mali ipsius abscessus	593
terreum à calido coagulatum vt lateres, non facile à calido aut frigido dilui posse	543
theriaca noua	749.750
thermarum Calderianarum vires	78
thermarum omnium aquas siue calidas siue frigidas exiccare	76
thermas omnes, licet frigidæ sint, ex Galeni senten- tia exiccare	723
thuris quatuor partes	563
timor subitus, & tristitia præter rationem melancho- lia vocata, ex quibus causis oriantur	369
timoris perpetui causa	ibid.
tophos vel poros lapideos in musculis membrorum	gen-

